


温岭丛书（乙集）第三十五册

嘉庆太平县志

陈汝霖 邓之鋈 修 王 棻 纂

温岭市地方志办公室 整理

毛伟民 修订

 浙江古籍出版社

图书在版编目 (CIP) 数据

嘉庆太平县志 / 著 . — 杭州 : 浙江古籍出版社 , 2019.11

ISBN 978-7-5540-

I . [一]… II . [一]… [二]… III . [一] — IV . [一]
D263

中国版本图书馆 CIP 数据核字 (2019) 第 号

嘉庆太平县志

陈咏 编 胡正武 校点

出版发行 浙江古籍出版社
(杭州体育场路 347 号 电话 : 0571-85068292)

网 址 www.zjguji.com

责任编辑

文字编辑

责任校对

封面设计

责任印务 楼浩凯

照 排 杭州聚文斋文化传媒有限公司

印 刷

开 本 × mm 1/32

印 张

字 数 千字

版 次 2019 年 11 月第 1 版

印 次 2019 年 11 月第 1 次印刷

书 号 ISBN 978-7-5540-

定 价 00.00 元

如发现印装质量问题,影响阅读,请与本社市场营销部联系调换。

嘉慶太平縣志卷之一 下

地輿志 二

敘山 上

綱起縣西北四十五里盤山入境

盤山 界溫州樂清境首敘者縣山胚胎於此山勢自

雁宕東北太安山俗名太湖山樂清界奔騰起伏至繡嶺黃巖南

紆北指曲折盤旋周圍數十里故氏曰盤甌人語盤山

盤半年極以狀其險遠宋靖康元年以奸宄出沒兩浙

路提刑司奏相度添置巡尉一員招置土軍八十人於

嘉慶太平縣志

卷之一 敘山

一

市志办藏 光緒二十二年重刊本（1993年上海書店、巴蜀書社、江蘇古籍出版社合作影印出版）書影

前 言

《嘉庆太平县志》(以下简称《嘉庆志》)于清嘉庆十四年冬开修,十六年刊行。主修为知县庆霖,总纂为县人戚学标。学标字翰芳,号鹤泉,太平泽库(今温岭市泽国镇)人。乾隆四十六年进士,历任河南彰德府涉县知县、宁波府学教授等,为官时体察民情,治有政声。戚氏学识渊博,著作等身,曾应曲阜孔继涵邀聘至孔府任教。著作有《汉学谐声》、《毛诗证读》、《诗声辨定阴阳谱》、《四书偶谈》、《三台诗录》、《台州外书》、《三台述异记》、《鹤泉文钞》、《集杜》正续集、《涉县志》、《字易》、《回头想》等,其中《汉学谐声》被李慈铭评为“辨正二徐及孙緌《唐韵》之误,征引经籍传注,精确为多。”知县庆霖也赞其“博览群书,于乡里前代事迹考辨至详,俱有依据,非管蠡可窥测”。

戚氏所纂《嘉庆志》主要有以下三个特点:一是在体例上采用“三书体”。“三书体”是清代著名史学家、方志学家章学诚创立的一种志书体例,提出“仿纪传正史之体而作志,仿律令典故之体而作掌故,仿《文选》、《文苑》之体而作文征。三书相辅而行,阙一不可”。梁启超在《中国近三百年学术史》中对“三书体”曾有较高的评价:“其通志一部分纯为‘词尚体要’、‘成一家言’之著述;掌故、文征两部分,则专以保存著述所需之资料”。纵观《嘉庆志》一书,分为《建置》、《赋役》、《军政》、《庶政》、《职官》、《古迹》、《艺文》、《杂志》等十三门,体现了“三书体”的基本特点,就其体例和记述内容的广泛性而言,

已比《嘉靖志》有了很大的发展。台州著名学者王棻推崇此志为台州六县县志之最，他在编纂《光绪太平续志》时，体例悉依《嘉庆志》。

二是《嘉庆志》具有重人物、重艺文的特点。书中卷十一、卷十二、卷十三均为《人物志》，而卷九和卷十虽然标题分别是《职官志》和《选举志》，但其所记主要内容也均为人物及其事迹。另外在卷十八《杂志》中，又专门辟有“杂人”这一目，记述神童等人物。细细一算，全书专门记述人物的竟达五卷之多，差不多占全书的三分之一，由此可见此书重人物的特点。《嘉庆志》的卷十五、卷十六、卷十七均为《艺文志》，这三卷《艺文志》不仅记有宋元至清嘉庆年间乡贤士大夫的著作目录，而且收录乡贤士大夫以及与之交往的著名文士的各类文章。例如朱熹《答林伯和书》、陈耆卿《松山林壑记》、杜范《跋神童戴颜老文稿》、王绰《云海观记》、方孝孺《答陈元采》、李东阳《方岩书院记》、王守仁《与黄宗贤》、陈咏《〈全芳备祖〉自序》、林昉《柑子记》、王叔英《明利害策》、谢铎《太平县乡贤祠记》、林克贤《上分县封事》、黄绾《易经原古序》、叶良佩《刑法论》等文章。这些文章或忧心国事，或记录物事，或探讨义理，都显得非常珍贵。尤其宋代浙东南第一园林“丁园”，遗迹无存，赖《松山林壑记》《云海观》存其大略。

三是《嘉庆志》在记述上颇有失考之处，史料严谨性要稍逊于《嘉靖志》。如卷一下“温岭”条提到谢灵运的一首诗，据《宋书》本传，此诗非永嘉太守任内所作，属于误引；又如卷四“义役法”所引四明黄震《太平乡义役记》一文，最后落款为淳祐四年，但文称受嘱作记在咸淳戊辰，明显属于自相矛盾；还有卷十征辟“李子才”条、卷十选贡“狄来王”条、卷十岁贡“林澄”条等均与《三台诗录》的记载有相异之处，而《三台诗录》与《嘉庆志》都是戚学标本人所纂，却有这么多矛盾之处，这不能不说是《嘉庆志》的一大缺憾。

此次出版《嘉庆志》单行本，也是在原《太平县古志三种》（中华书局1997年版）的基础上进行的，参校光绪二十二年重刊本（1993年上海书店、巴蜀书社、江苏古籍出版社合作影印出版）。行文格式参照《太平县古志三种》一书，即：保留影印本原志卷序，大体保留原有行文格局和用字大小模式，采用规范简化字横排；原文小字双行排列的，改为小字单行排列等。与此同时，也做了一些适当的修订工作。一是校正原校注本的误字误点，比如原刻本卷十二“叶本初”条目中“以明经辟”，原校注本误为“以明径辟”。二是补注原校注本未发现的问题，如卷一“梅岭山”条目中提到“王金事德玠”，而卷十八有两处提到同一人物，却并无“玠”字，前后记载不同，被原校注本忽略。三是对个别字进行用字调整，如“余”字，在表我意时，仍为“余”；在表示多余、富余等意时，全部改为“馀”。

参与1997年版《太平县古志三种》中《嘉庆志》标点、校注与审定的人员有蔡宝定先生、丁伋先生、张可求先生、邱克璋先生、黄正平先生、方山先生等。此次出版单行本，得到原温岭市志办副主任、《太平县古志三种》校注工作主持人蔡宝定先生的悉心指导和帮助，也得到了温岭市志办项琳冰先生和温岭历史文化研究会会长吴茂云先生的热心指教，在此一并表示衷心的感谢！

“居桑梓之乡，纪桑梓之事，亦惟存此恭敬之心，祈告无罪焉尔。”由于受本人学识水平限制，书中该校未校、该注未注，以及误字误点、误校误注的情况肯定存在，恳请各位专家和读者多多批评指正。

毛伟民

2017年3月12日

目 录

| | |
|------------|-----|
| 嘉庆太平县志 | 1 |
| 新修太平县志序 | 3 |
| 序 | 4 |
| 嘉庆太平县志序 | 6 |
| 旧 序 | 7 |
| 旧 序 | 9 |
| 纂修姓氏 | 11 |
| 新修姓氏 | 12 |
| 嘉庆太平县志 | 13 |
| 凡 例 | 21 |
| 嘉庆太平县志卷之一上 | 25 |
| 嘉庆太平县志卷之一下 | 32 |
| 嘉庆太平县志卷之二上 | 55 |
| 嘉庆太平县志卷之二下 | 94 |
| 嘉庆太平县志卷之三 | 110 |
| 嘉庆太平县志卷之四 | 127 |
| 嘉庆太平县志卷之五 | 142 |
| 嘉庆太平县志卷之六 | 158 |
| 嘉庆太平县志卷之七 | 174 |
| 嘉庆太平县志卷之八 | 187 |

| | |
|-------------------|-----|
| 嘉庆太平县志卷之九 | 196 |
| 嘉庆太平县志卷之十上 | 237 |
| 嘉庆太平县志卷之十中 | 247 |
| 嘉庆太平县志卷之十下 | 281 |
| 嘉庆太平县志卷之十一上 | 310 |
| 嘉庆太平县志卷之十一下 | 314 |
| 嘉庆太平县志卷之十二 | 349 |
| 嘉庆太平县志卷之十三 | 386 |
| 嘉庆太平县志卷之十四 | 411 |
| 嘉庆太平县志卷之十五上 | 436 |
| 嘉庆太平县志卷之十五下 | 453 |
| 嘉庆太平县志卷之十六 | 483 |
| 嘉庆太平县志卷之十七 | 532 |
| 嘉庆太平县志卷之十八 | 583 |

嘉庆太平县志

〔清〕庆霖修
戚学标纂

新修太平县志序

古地志，山川土俗而已，不及人物。以故班书人物表在八志外，而《襄阳耆旧》、《会稽先贤》等传，皆自为书。其地志之兼收人物，始《括地志》一书。后人踵之，且亟亟以人物为重。然观宋地志有名者，如梁克家《三山志》、罗愿《新安志》、施宿《会稽志》，其于人物皆不过统载，未尝一一区分。史家立传，人多不能不类次；而既有儒林，又分道学，既有方技，又载神仙，甚如《五代史》分死事、死节为二门，种种名目，任意增创，况一县之中，人物可屈指计，岂须过晰！第概以时次，高下不别，将使韩非与老子同传，亦非例之善。余阅《太平志》，喜其山川秀灵，风俗兼醇，立县虽始有明，自宋以来人物极盛，邹鲁名邦无以过。惜分类繁琐至二十门，私以为有可并省。又自康熙癸亥后未修，事迹亡佚至一百二三十年，不能无文献阙如之慨，此亦守土者之责也。会邑绅戚先生鹤泉河南解官归，闻其平日留心桑梓故实，撰有志稿，藏在篋笥，因与诸绅士商请开局修纂。先生博览群书，于乡里前代事迹考辨至详，俱有依据，非管蠡可窥测。独所并合人物，括以五类，既不失之过琐，而亦无一概混列之弊，与余意合。于此喜愚者之亦有一得焉。局开于嘉庆己巳冬，经年书成，皆出先生手纂。而先生巽心，每成一帙，辄质之余，商其可否。其远稽博访，讎校鲁鱼，则沈、李、林、狄诸君子职有功焉。自惭樗昧，获睹此事之成，挂名简端，何其幸也！于例得一言，因稍述其端绪如是。卍

嘉庆十五年岁次庚午太平县知县长白庆霖序

序

自《吴郡图经》、乾道《临安志》、淳熙《三山志》等书风行，郡县各仿为志，于是其地山川、人物、遗闻、故事及前后废兴得失之迹，俱得而览。纪载之法，则非有一定。有明一代，推康海《武功志》、韩邦靖《朝邑志》，皆创立体意，不主故常，大要归于言详事核，是非不谬可信，令传后而已。吾邑志始嘉靖间叶正郎敬之，国朝康熙时林明经雯汉续葺，阅今百十馀年未修，事实远难稽考。加僻壤无多书，限于闻见，从前纂集不无误漏，故不见《宝祐丙辰同年录》，不知文天祥榜有吾乡郑居智、陈绍南、毛铸三进士也；不见周公谨《癸辛杂识》，不知陷王惟忠者，别一陈大方，非大阆陈正也；郑元祐《白云漫士志》未见，则陶夏之本陶榘，为九成远祖，地以人名者，莫得而详矣；杨循吉《七人联句记》未见，则赵宽之与徐宽，字号同、址贯全别者，因而混收矣。然自宋、元及明盛时，乡多人物，散见名人集及各书可征；隆、万后则目所见及绝少，求之故家谱谍中，复疑信相半，令人慨征近之难反有甚于征远者，志详前而略后亦势所无可如何也。忆在河南修《涉志》，念故乡志乘久缺，虽尝有志搜讨，虑马齿已宿，不获身见此事之成。幸己巳还乡里，遇贤侯庆公旭亭兴举废坠，力任修纂，而以余承其事，又择绅士贤者沈、李、林、狄诸人为之助，设局县城，遍处查访。爰取平日所得，共相斟酌，汰繁去伪，而存其可信。书成，为卷十八，较前增沿革表、营制、海防、庶政、书目、艺文各篇，人物纪传增多数十。既付梓，博士

序

黄君自余姚来，以《烛湖集》见赠，复得宋郑进士瀛出处事实，补为之传，益叹耳目所限，此外遗佚有待后来考补者甚多也。《诗》曰：“惟桑与梓，必恭敬止。”居桑梓之乡，纪桑梓之事，亦惟存此恭敬之心，祈告无罪焉尔。丌

嘉庆十五年岁次庚午邑人戚学标叙于林氏之澹虚斋舍

嘉庆太平县志序

邱文庄云：“世有千载不刊之书，无百年不修之志。”方今圣天子混一车书，德流罔外，命词臣纂修《一统志》，并饬各直省遵例行查乾隆三十年以来应增事迹，因下檄郡县考献征文，网罗散佚，而《太平县志》适成。按太平为台属邑，前明成化间析黄岩、乐清之地而以乡署名，志最晚出，始辑于嘉靖庚子而续修于国朝康熙癸亥，今书所称《叶志》《林志》是也。邑东南濒海，素号岩疆，幸逢昭代重熙累洽，吏习民安，边无窃发之虞，户有可封之俗，一切今昔异形，均宜登诸载乘，而志阅百馀年于兹，罕有继者。兼以地处僻左，先后更隶，传闻异辞，旧志率多挂漏。奉天庆君宰是邑，静镇有方，案牍之暇，旁涉掌故，适绅士有修志之请而籍献，戚大令以名进士博综群书，遇事之有关于桑梓者，手录成编，藏诸篋笥久矣，遂延专司其事，厘旧增新，详慎取去，而一邑之沿革、损益、习尚、见闻，靡不犁然毕备，于是志有完书。稿竣，丐序于余。余忝郡守，于所属宜无所不当问。今阅是编，于山川、营汛而知形势之要害，于职官、人物而知政教之兴衰，于孝子、列女而知风俗之醇厚，于赋役、食货而知民力之普存，然则，虽志曩尔邑，而上以应国史之纂修，下以规贤令尹之优于仕，与乡先生之博于学，而余亦得朝夕披览，不俟按部行春，而已了如指掌焉，岂特备故实、资题咏已哉！是为序。卍

嘉庆十六年嘉平月郡守文登毕所谿撰

旧序

《太平县志》地舆、食货、职官、人物、外志、杂志，为目六，凡八卷，而吾邑之故亦略可举已。先是曾侯明卿来议志事。良佩曰：县僻左，最晚著，历三国、六朝，载籍希阔，志难乎其始。又新所置县，析黄岩，截乐清，境土犬牙，莫之胪分，志难乎其中。今子孙之贵显者，孰不欲美其祖先，徇或致讥，否斯速谤，志难乎其终。侯曰：吾尝商略之矣。自宋嘉定以上，取诸陈寿老郡志。即不备，则采之诸家文集，以及断碑残碣。嗣是以后，则《赤城新志》可据也。又黄岩故有《黄岩志》，乐清有《乐清志》，前博士黄君缙尝[一]辑之为《太平草志》，顾其文义芜莠，而事或可采。又不备，则问之父老，博之传闻。乃若矢公任怨，吾以身与子同之，又何难矣？乃除馆县西墅之精舍，聚诸书于馆，选学官弟子博达者四人：郑珂、金庆章、沈升、吴中孚相予，凡四阅月而志成。叙曰：在昔汉成帝时，刘向尝略言其郡国[二]地分，而张禹使朱赣条其风俗为地理志，顾但系之史，无专书。及东汉南阳撰《风俗志》，自后郡县始各自为志，至于今滋盛焉。且志者，史之一体也，而其法则具史而微。是故兹志之有地舆也，犹史之郡国也；之有食货也，犹史之食货也；之有职官也，犹史之百官也；之有人物也，犹史之列传也；而刑政、上下、礼乐、律历、兵权具兹四志。顾其为书，史大而志小，史贯穿数百年，章皇九州，志不越乎一邑尔矣，而猥曰具史而微，不已夸乎？然有一焉：昔吴越王好画，集史问难易，一史进曰：“夫画，摹其似也。

然而画龙凤易，画猿鹤难，是何也？猿鹤人日见之，一不似则以为不似矣，故难。若龙凤，即不甚似，亦难为辨，故易。”夫志之与史也，何以异是！虽然，其大归有三：事核则信，文美则传，义精则法戒立。反是而事或不实，斯为竅言也；文或鄙陋，斯斲而废；义或亡取，将使人奚所适从？或曰：是三者，吾为子惧！予曰：嘻！其然乎？吾兹志也，核或庶几，即美与精何有哉！罪我者有余辞矣！

嘉靖十九年邑人叶良佩撰

校记

[一]尝原文作“常”，通“尝”。

[二]郡国原文“国”误作“图”，据《嘉靖志》改。

旧序

尝览《广輿记》载四方之形胜及物产、土风，虽地异势殊，靡能指屈，要不外乎皇风之所渐被，而总范围于一统中也。辛酉孟春，余膺简命莅平邑。未几，奉宪檄，以邑志未备，督修最严。时方烦剧于簿书，惧无以胜任，因集诸绅士谋襄厥绩。诸绅士告余曰：“兹邑肇建于明成化己丑年，旧志作自谢文肃公，有抄本而无镌本。迨嘉靖庚子，邑侯曾名才汉、乡先生叶名良佩，并邑之多士数十辈，修辑成书，始有刻板，及今百四十馀载。当皇上御极之十二年，特允大学士卫公纂修《一统志》之议，天下郡县皆开局奉行。时平邑侯郭名治、司教张名允谐，偕诸生于癸丑孟冬开局会修。越次年甲寅仲春，事几告成，不谓逆氛叛踞，毒焰煽扬，而散失遗亡者复大半，故自乙卯恢复以来，经今七载，屡奉宪檄，究无成功。”余闻是言，益怅然，惧无以胜任，且深惜郭、张二公之劳著昔日而功废垂成也。爰偕诸同志不惮艰辛，力图继举。于山川之流峙而寻其古迹，若者为名胜，若者为险隘；于人物之标特而溯其流风，若者为忠孝，若者为节廉；于文章之著作而考其遗帙，若者为军国之嘉谟，若者为理学之懿训，若者为景物之留题，凡皆阐微括隐，无复遗漏。至于秩官之姓字，则有若存诸祀典而永隆其报，则有若见诸志传而独扬其芳。至于土田之贡赋，则有若遗弃于前而减额蠲征，则有若展复于后而计亩再敛，尤不敢不详为审察，以无致讹谬。外此，灾祥占候之不一其事，禽鱼草木之不一其名，上以验天时，下以征地利，

广搜博引，亦考证之藉也。余幸与诸同志殚精竭力，共襄厥典，夫孰非皇风之所渐被，而总范围于一统中也哉！

康熙二十二年知太平县事曹文珽撰

纂修姓氏

明嘉靖十九年庚子

主修

太平县知县曾才汉明卿

总纂

郎中邑人叶良佩海峰

参校

诸生郑珂 金庆章 沈升 吴中孚

国朝康熙二十二年癸亥

主修

太平县知县曹文珽穆斋

总纂

邑人岁贡生林槐雯汉

参校

诸生谢国隆复旦 林章平伯 郭琛 译来 邱天民澡心

朱捷岸先 王士杰振叔

新修姓氏

嘉庆十六年辛未年

主修人

太平县知县长白庆 霖旭亭人

总纂人

原任河南涉县知县邑人戚学标鹤泉人

分修人


邑贡生沈冠儒肆三 贡生李成经敬五人廪生狄希韩筠庄


廪生林茂坤双白人举人林茂冈澹园



嘉庆太平县志



輿 图


县志古称图经。山川陵泽令披卷如在目者，恃有图也。先哲陈耆卿作《赤城志》，有图七，初佚去，重得于鄞范氏天一阁，至今为宝。险要所在，肥饶之分，并古今兴废之迹，观图可以知政焉，非徒侈名胜已也。尹











凡 例

一、嘉靖庚子《叶志》编年中寓分类，康熙癸亥《林志》分门纪事。阅各通志，惟东省用编年，馀悉分类。今依常法，独沿革表、科第、兵事挨年涂次，盖兼取用之。丿

一、志例有图，称图经。《叶志》止图县境、县治，《林志》增山川各图，第尺幅中难于尽绘，展为数幅，形势未能一览。今于邑山先作总图，更逐段分图，令大体分支了然在目。水道仍止一图。外增海图，并县境、县治、县署、学校、营汛，为图凡十有三^{〔一〕}。丿

一、志首重沿革。邑地兼析有温、台境，旧志详台略温，约举大纲，似乎未悉。今自秦、汉至国朝上下二千馀年邑地所属，另定为沿革表。丿

一、台本一隅地，邑尤台之一隅，不足当分星。况曰星野仍地志内事，从旧志，次沿革表后，姑备一类。丿

一、志于山川，大约略举名目，注其所在，或分四界编录，远近前后不能尽拘。今首从山水来脉叙起，更于起伏分支节次分叙，每处详其形势，附事迹、题咏，仿《桑经》、《剡录》法，亦备《方輿胜览》之一。丿

一、邑境沿海海道，附海防下，以其相为关系。丿

一、水利关系民生，前贤事迹具载旧志，后来堤闸循旧增新，颇亦今昔异形。丿

一、物产土之所出，移輿地志下。惟实济时用者录之，各处均

有之物不赘。ㄱ

一、《叶志》修时，邑城未筑。《林志》始载城垣池堦，并详松门、新河卫所各城，而古迹门又载松门城，似未归一。今于县城后但列诸城名目，其详见于营制，以为武备而设。ㄱ

一、教谕、训导宅并武卫，皆公署也，然一附学宫，一连营制，故公署下亦列名另详。ㄱ

一、前志坊市并载一处，今以牧爱坊入公署，腾蛟、起凤二坊入学宫，南四坊、北二坊入街市，科第、节孝等坊另为坊表，名同而实异也。ㄱ

一、都图村庄，前后分并不一，以现析新更名目列载，附存原名。ㄱ

一、津梁或旧存今废，昔无今有，一一查访，按都分叙列，便于观览。ㄱ

一、赋役遵现行《全书则例》，户口其所从出，并为一门。后附前代法，可征因革之故。

一、赋入而储之仓，故仓储次赋役。ㄱ

一、赋役后次学校，养必有教也。书院即乡校之属，当并详焉。ㄱ

一、祀典以现奉文致祭者为正祀，其有功德于民、古今有名者亦入焉。馀概列丛祠，以名非史传所有而民俗崇信，亦难尽去。寺观附之，从其类也。ㄱ

一、国之大事在祀与戎。旧于武备颇略，今特博考为军政，以明海邑之重与国家先事之备。有营制、海防二篇，驻防、分汛、潮候、风信、兵船一一详载。ㄱ

一、官府大政外有庶政，皆益多士民生，为补入。ㄱ

一、教职先县丞，用郡志例。ㄱ

一、名宦，郡县志歧载，除功令已入祠者不敢置议，馀参两志

酌为去取。有续入，必取舆论之公。卍

一、科甲以先后科分为次，其科分无考者另列。内如增郑居智、戴飞，削去赵宽、潘同春等，皆确有依据，非凭私臆。卍

一、省志、郡志宋、元皆不载乡科，然特无明代举人铨选之法耳。发解即乡科，亦所当详。

一、贡生，从前收载未经细较，今查年分先后为次，名下各注址贯，更分选贡、岁贡为二门。副贡附入乡科。卍

一、杂选向列署丞、州同、州判、经历、知事、县丞、照磨、主簿、吏目、典史、巡检、大使各项，附以官带荣身之儒官、省祭，名下半无履历。今查非科贡、征辟者悉归杂选，不分官职，以时代前后为次，计增多百四五十人，各详出处事实。其旧有无考者，仍汇存于后，以俟知者。儒官、省祭不在列。卍

一、寓贤非邑产，以其间多有在此长子孙者，为邑人物所从出，故纪人物而先列之，亦先客后主之意。卍

一、一邑人物有限，《林志》分十五类，似可并省。今该以义烈、仕、隐、一行、贞节五门，仙、释附入山水、寺观，方伎归于杂志。凡旧志所有者，固未尝遗也。卍

一、人物纪传，于远颇详，于近颇略。远有古书可征，近恐采访失实，非敢苛刻，诚慎之至耳。卍

一、节妇较前增收逾百。以志悬一百二十馀年计之，每年止得一二人，又以一百村析之，每村亦不过一二人，且由乡举报，经县批准始行入志，诚未为滥。惟名实容有未符，耳目难以遍悉，善善欲长，失之刻，宁失之宽。卍

一、坊表、宅、墓附古迹下。卍

一、旧缺艺文，今除八景诗俗套不录，馀关地方者搜载各门，别以主客。其不全载者，以有《方城遗献》、《三台诗录》见行也。记、

序杂文，另汇为数卷。ㄱ

一、杂志一卷，虽名为杂，中仍分类，以便观览。ㄱ

一、凡有增补更正旧志处，宋元多据古书，有明中叶后间参各家谱乘。子孙夸耀附会，未必尽实，去取间煞费斟酌。执谱而咎修志之失，则戚矣。ㄱ

一、各志每门前有短序，后加论赞。今或有或无，不拘常例。ㄱ

校注ㄱ

[一]为图凡十有三原文“三”作“二”，今改。

嘉庆太平县志卷之一上

地輿志一

沿革表

| | |
|----|--|
| 周 | 东越地 楚威王尽取吴地，至浙江以北，越以此散，子孙或为王，或为君，滨于江南海上。语详《越世家》。“江南海上”，《正义》曰：“今台州临海是也。”邑本临海属，境内有古城。《读史方輿纪要》曰：“楚灭越，越王支庶筑城保此。”核以史传，似可信。 |
| 秦 | 闽中郡地 始皇二十五年，定荆江南地，降越君，置会稽郡。《东越列传》：“秦已并天下，废其君长 ^[-] ，以其地为闽中郡。”为新四郡之一。会稽在秦时领县二十四，无冶、回浦，其冶、回浦在闽中郡内。邑，回浦地也。 |
| 汉 | 回浦地 武帝元鼎五年，除东越，列东部都尉。见《吴志》朱育对。元封元年，东瓯举国内徙，遂空其地。昭帝始元元年，置回浦县，属会稽郡东部都尉治。是时，回浦地阔，实兼今温、台二府地。 |
| 东汉 | 先章安地，后永宁县地 光武建武初，改回浦为章安，立东侯官，浙、闽分疆始此。其章安实仍兼今温、台地，非今临海之章安也。顺帝永建四年，又析章安之东瓯乡为永宁县。永宁即今永嘉诸县并今台临海在内，非但黄岩也。兴平四年 ^[-] ，更析永宁、章安，置松阳。 |
| 吴 | 临海郡地 大帝赤乌元年，析永宁，置罗阳。孙亮太平二年，又析章安，置临海，以会稽东部立临海郡，属扬州，领章安、临海、始平、永宁、安阳、松阳等县，治临海，寻徙治章安。邑峤岭以北属临海县，峤岭以南属永宁县，统为临海郡地。 |

| | |
|-----|---|
| 晋 | 永嘉郡地 《晋地理志》：临海郡原领县八。明帝太宁元年，分临海之峽南永宁立永嘉郡。此永宁即永嘉。孝武宁康二年，又分永嘉郡之永宁置乐成。此永宁即今之黄岩。邑境界黄岩、乐成，统属永嘉郡。 |
| 南北朝 | 仍 宋孝武帝 ^[三] 孝建元年，析扬之五郡为东扬州，临海与焉。梁武帝大同六年，改为赤城郡，寻复为临海，皆兼有今黄岩地。邑峽岭北属焉。其峽岭南仍隶乐成，属缙州，即东嘉州，在今为温州。 |
| 隋 | 先括州 ^[四] 地，后永嘉郡地 文帝开皇九年，更永宁为永嘉县，仍置临海县，属括州。十二年，并乐成省入永嘉。炀帝大业初，复为永嘉郡，临海属焉。 |
| 唐 | 台、温二州地 高祖武德五年，析永嘉置永宁，仍置乐成，属东嘉州。七年，省乐成。太宗贞观元年，省永宁。高宗上元二年，复置永宁，属台州，系割临海南界，武后天授元年改名黄岩。其乐成复置，属温州。是为台、温二州地。五代开平二年，钱氏改乐成为乐清。 |
| 宋 | 仍 台州领县五，黄岩为望县。乐清隶瑞安，亦即温州异名。 |
| 元 | 仍 成宗元贞元年，黄岩升为州，隶台州路。乐清隶温州路。 |
| 明 | 始置县 黄岩仍为县。至宪宗成化五年，以知府阮勤请，析黄岩南方岩、太平、繁昌三乡置太平县。十二年，知县袁道又奏，析乐清下山六都地以附益之。属台州。 |
| 国朝 | 台州地 雍正六年，又析县之二十四、五、六等都 ^[五] 并乐清地，置玉环。乾隆六十年，复以玉环厅详请，以太平原辖之石塘、横门等十四山原系太平所管营汛，应仍归太平，经奏准行。于是，邑境较前稍展矣。 |

太平立县最后，谈者皆知为故黄岩南壤，然继析入乐清，则固台、温二郡地。况自晋太宁后、唐天授前，其或属台、属温，分合无定，历代皆有地志，宜考旧志，追溯指晰。专详台州黄岩，带叙乐清，未为精核。今据史志及各书，另定为建置沿革表，庶一邑之间，可以得千百年之故矣。卍

附论：作志首重沿革。明亡于甲申，而太邑入圣朝版图在顺治三年，其前两岁无所系属。考甲申六月，福藩僭立，十月，改封鲁藩以海户^[六]于台州。明年乙酉五月，金陵亡，大兵破杭，遣官来台招安，并召以海，而临海令吴廷献纠合海门参将，谋立鲁藩，称监国。未几，鲁藩赴绍兴。时江上四十八镇皆取给于温、台，加年荒谷贵，为太人者亦憚矣。至闰六月初八日，贝子将军同提督田雄到台招抚，追破方国安于黄岩，于是邑民始得沾王化。户

星 野户

叶良佩旧志：“太平，古扬境。历代星书皆以斗、牛、女为吴越之分野，《郡志》亦云台与两浙‘皆为南斗、须女之分’。特《晋志》州郡躔次，以会稽入牛一度。陶弘景亦谓：‘天台山当牛、女之分，上应台宿，故以名山。’太平地旧属会稽，今为台之属邑，分野当在牛、女之间。于次为星纪，于南斗为天梁星，于北斗为权星，于三台为司命下星，于天市垣为吴越星，于五星为荧惑，于辰为丑，其占验杂出传记”。又言：“《周官·保章氏》以星土辨九州之地，观妖祥，分野之说，从来久远。第吴越之地在南，而星纪在北，其相配之理莫之能明。贾公彦以诸国始封之日岁星所在为其分。郑夹漈则有‘古者封国，命之主祭’之说；又称一行以云汉始终言十二次，河山认脉络于两戒，斗罗识升沉于四维，参以古汉郡国区处、分野所在，如指诸掌。苏伯衡太史又谓：‘地有是形，则天有是星。曰分野者，指列星所属之分而言，初不谓地。’吾乡车清臣氏著为《分野图考》，引纬书志注，大率以玗衡七星所主之辰为占候法，参诸慎灶、史墨之言，于是乎知有天道。然则天之道可必乎？曰：天道远，人道迩，

修禳者姑取节焉可矣！”^卍

附论：星野之说，《叶志》详矣。然其所述占验，皆泛属吴越；后附《田家五行记》，如“三月参则伏”，“四月日在毕”，虽备农家之用，又皆不系于牛、斗、须女。盖自唐一行、宋郑樵、元郭守敬等纷纷论分星，所主互异，大而一州数郡，莫必其应，下至一邑，可无论已！《内纬秘言》云：“牛五度，台州府临海、太平入五分之三；女五度，台州府黄岩、天台、仙居入五分之三。”夫太平旧黄岩境，不宜越黄岩而与临海同度，此晚出之书，尤难信也。

疆 域

县治在府城南一百五十里，县境界于温、台之间，东西相距旧七十五里，南北相距八十三里：是为分方之境。自分入玉环后里数稍缩。

东三十五里新河城，又五里抵海；西三十五里石桥，入乐清界抵海；南三十里隘顽所，又三里抵海；北四十里小唐岭，又五里入黄岩界。是为四正之境。^卍

东南五十里松门抵海，西北四十里岭店驿入乐清界，西南七十里楚门所抵海，今楚门隶玉环，里数稍缩。已上俱陆路；东北四十五里新桥入黄岩界，此水路也。是为四隅之境。^卍

驿程：至浙江布政司八百一十二里，至京师四千九百二十八里。^卍

明乐清章恭毅纶《新建县治记》：“天下之有县治，治之始也。起于五家之邻，五邻之里，而有里胥；四里之鄩，五鄩之鄙，五鄙之县，而有县大夫。其职掌邦国、稍甸、郊里之域，辨夫家、人民、田米之数，总六畜、车犂之稽，凡道扬风化，抚字黎甿，劝课农桑，兴举学校，躬亲讼狱，止息盗贼，以至赋役〔七〕、赈济、输纳之事，皆掌而治之。三年则考其绩，而诏废置焉。由是而州郡，而岳牧，而天下，要皆权輿于此矣。故曰：县治，治之始也。台之属邑曰黄岩，本汉之永宁县，至唐更名黄岩，元升为州，国朝仍以为县。所生之人多聪明，好读书，知礼义，科第仕宦，绳绳接踵，恒甲于他邑。

然东南距邑八九十里，连乐清界，民或依山傍海，呼召猝不能至，征徭赋役往往后时，甚或相率逃避，虽有贤守令弗能治。用是，知府阮侯勤具奏添置县治，诏有司议可否。于是参政何君宜、金事李君曷，会阮侯咨询民情，谋及卜筮，金谓为宜。且曰：泉溪太平乡土地肥美，居民庶繁，衣冠簪级代不乏人，间阎市井无异县治。于是相阴阳，辨方位，经野画界，起黄岩三十都，止五十都，为一县，名曰太平。奏闻报可，铸降印信，简除县令常完、学官裴弼等，以次授职。而阮侯暨同知杜俨、通判孔彦纶时来提督，以官藏羨馀银千有馀缗，命有司鸠工庀材，营造公廨，肇于成化庚寅夏五月，迄辛卯春正月落成。阮侯谓常尹曰：‘不可无文以记其事。’乃砉石束贽，遣儒学生陈彬等来属余为记云。”¹

雍正五年，总督浙江李卫奏《展复玉环疏》内开：“一、议得疆域正而后规制可定。玉环地方周围约有七百餘里，峙立海中，非内地土田相错者可比。从前分属台州之太平县、温州之乐清县，各辖其半。夫以隔洋之地而使两县遥制，且有两县分属，殊失其宜。今虽志乘尚存两县都图名色，而迁弃既久，界址亦难划分。应专设一玉环同知管理，毋庸再为分县，庶责成专而事权一。至玉环既请展复准垦，而附近玉环之山岙尚多，若不一并垦复，徒为奸民私垦之资，倘仍零星分辖，难杜影射牵混之弊。查楚门、南塘、北塘，以及芳杜、东岙、密溪、洞林地方，志载太平县二十四、五、六都之界；又盘石、蒲岐等处，志载乐清县地界；又三盘、黄大岙、状元岙、茅埭等处，地方向年悉在玉环辖内，与乐清六、七都相近，俱同玉环一时迁遣，现有人民在内偷垦田地。今请一并展复开垦，尽归玉环同知管辖，则疆域不致瓜分，而草莱亦得垦辟矣。”²

乾隆六十年，玉环同知杨稟详抚部院长：“职查玉环地方于雍正五年展复，原题部文内所定疆域：洋面东北以旧隶太平黄标右营所辖之女儿洞、乾江冲、担屿、沙头、长屿、洋屿，及外洋之披山、大鹿、小鹿、前山等洋汛，文归玉环厅，武归玉环右营管辖，即以披山为玉环之界，洞正山以北归黄标右营同太平县管辖，而陆路北则以原隶太平之楚门、田岙、洞林至邢田桥为界。是原题界限本无坐落别邑洋面山岙而粮归玉环完纳两歧之事。迨于雍正七、八年间，前玉环厅张丞以垦复粮升，不足原奏十万亩之数，始以太平之石塘山等处亦密迩玉环，请归玉环升粮。详内止言石塘等山，而升粮时又将附近石塘之横门山、狗洞门山、里港山、南北沙镬山、杨柳坑山、虾蟆礁、撮肚门、龙王堂，及白岩嘴、乌岩嘴、石板殿、小蛤蜊共十三山亦归于玉环完粮，不特原题部文内所无，即原详内亦未细为声明也。惟是石塘等十四山与太平之吊帮、蜆壳各山岛错处其间，四面均系太平所辖洋面，前因升垦不足指为密迩，其实在于卑厅所辖内外洋界线之外百餘里之远。且石塘等山，玉环以营汛均在台属，藉

词稽密难周；太邑又以粮额悉归玉环，谗为并非管辖，巡防从此懈弛，盗匪易于窃发。与其彼此牵制，不若统归一处，俾专责成，应请将太平县原辖之十四等山仍统归太平入册征粮。该等处海山额征租谷七百三十餘石，即令太平县拨充玉环营兵饷，仿照乐清县代征横址、蒲岐等山租谷贮拨兵饷之处。伏候宪裁。”

附论：州县疆界皆有一定。旧志所载邑境广袤若干里，为前明旧域。惟东南滨海，国朝顺治十八年，以海寇郑成功踞台湾，屡为邑患，遣尚书苏纳海迁沿海民于内地^[八]，太境多所废置，至康熙二十二年，郑克塽投诚，界始渐复。而雍正间设玉环同知，邑境有转属者，近复以石塘等山仍隶本邑。其间增缩废复之故，非备书其详，后人无以考也。卍

形 胜

《府志》：太平东有盘马、石仓之险，南有峤山、楼旗之固，盘山、方岩横于西，灵湫、丹崖倚其北，六都、隘顽、东岙、温岭台寨林立，扼要争奇，内则泾河如织，平时可收稻秫之利，有事足当戎马之防。卍

明邑人陈彬赋略云：山则磅礴蜿蜒，开合牵奔；两屿龟伏，千崖马屯；鹤雁齐鸣，凤凰不群；三台上应列宿，华表下竦穹旻；太师正位，夫人俨存；亭岭玉带，锦屏绣纹；望花山兮委羽，宵梅溪兮桃源；雁荡^[九]西连天际，蓬岛东接海垠。水则浩浩洋洋，流漫齠沦；西源三井，横湖一津；月河釜底，龙堤海漭；渭漳莹彻鉴湖，灵泉隐显昆仑。卍

谢文肃铎云：太平分温、台之馀以为邑。天台、雁荡之山，盖至是而极。延延起伏，其南为方岩，为泉溪，至盘马而极；其北为盘山，为唐岭，至白枫而极。两山之间，沃野弥望，自西而东，以极于海。其灵秀所钟，融结而未尽者，则复泄而为屿，屹然在野，以为一方之望，

若莞屿、瓦屿、横屿、鹜屿、夹屿，其最著者也。𠃉

国朝桑调元《送徐括庵之太平》诗云：“千峰盘郁万喷薄，黄岩已过才坦夷。君治之邑洵清美，田畴澶漫山逶迤。”盖郡境在万山中，独自黄之太近百里，一望皆平陆，土田肥美，甲于诸邑。𠃉

县城在百千山下，南面石盘、天马，西峙梅岭、凤翔，惟东偏去山稍远，溪流湍泻，风气亏泄。明嘉靖间，知县曾才汉于治东五百步疏两溪，以砂石崇为山，堪輿家谓罗星，因名小罗山，复建亭其上，名罗山亭，在今万寿寺后。明邑郎中叶良佩诗：“两溪流水去溶溶，百丈岩前翠转空。圻垠波澜添华表，虚无楼阁见芙蓉。”邑士狄贵锦诗：“罗山亭上倚阑频，烂漫花开忆远人。北极星辰千里迥，南州风物一时新。长空云净盘雕鹗，碧海峰高见凤麟。此日太平真有象，五桥流水散馀春。”

嘉庆太平县志卷之一下

地輿志二

叙山上

纲 起县西北四十五里盘山入境。卍

盘山 界温州乐清境。首叙者，县山胚胎于此。山势自雁荡东北太安山俗名太湖山，乐清界。奔腾起伏至绣岭黄岩界。南纡北指，曲折盘旋，周围数十里，故氏曰盘。瓯人语“盘山盘半年”，极以状其险远。宋靖康元年，以奸宄出没，两浙路提刑司奏，相度添置巡尉一员，招置土军八十人，于其地立寨。今则有夷之行，路人如织。过山，于岭头即望有异峰，如数朵花萼，又有若大林者二，其上黝黑，而下疏明，盖去雁荡不远。陶望龄记云。宋王十朋诗：“一岭迢迢十里赊，行人终日踏烟霞。青山遮莫盘千匝，归梦何曾不到家！”王昌松诗：“绣岭云沿足，烟岚如可掬。结茅三两间，盘山亦盘谷。”明林温诗：“盘山岭头春雨多，天台雁荡云相摩。鸬鹚飞入竹林去，我行不到君奈何！”闽人郑善夫诗：“绣岭行不极，盘山霄汉长。谁将钓渭意，同寄雁湖旁。野宿雀芋饭，岩居木槿墙。晨征莫相失，云气正茫茫。”

纲 盘山行五里所，分而为二：一支稍折而北，出大唐岭山译后；一支稍折而南，越隘门岭南乐清，西黄岩，至王城山。其附连山有华盖山、金字山、杜山，其岙有赵岙。旁支自隘门岭南旋而北而东，一伏再起，为湖雾山。卍

王城山 在县西北三十三里,本名方城山。王羲之《游四郡记》⁻⁰¹云:“临海南界有方城山,绝巘壁立如城。”方言形,城言状,犹天台之赤城矣。或说越王失国,筑城保此山。唐天宝六年改今名。俗又呼方岩。中有渔翁岩、石柱峰一名文笔、仙人濯足滩、烂柯石、鸡母石、平霞嶂、石棋盘、露台石、仙棺岩、牛脊陇、水帘、天窗诸境,皆绝胜。山顶平旷,可百馀亩,号仙人田。相传汉汝阴人周义山,有道术,在绝顶上缚茅趺坐,田其所辟,后仙去,为紫庭真人。宋项洗筑室其下,慨然有超举志。戴参军景明寄诗,有“果然绝粒能轻举,底事仙人尚有田”之句。此山层岩峭拔,壁岸无阶,惟由天柱峰侧梯而上。新建有云霄寺。《叶志》:“白龙潭在方岩山上,春夏晴明,远望有白练布于岩上。上下二潭,下潭在岩脚,上潭在岩顶。尝有樵者见一小蜃喷涎沫,有异香,用石投之,水涌出,樵者急走免。”成化二十三年丙午旱,谢文肃与里人祈雨于此,有《诘龙》文。自岩西南再起为剑岩,杰竖千仞,巨石礧礧,若积刃钁钁相比,锋锷森列,咸悉南首,望之毛发凜起。明谢省《登方岩联句记》:“成化庚子冬,友人陈儒珍期登方岩,折简招端朝郭先生来会,适黄秀才汝彝至,凡五人,乃登。天小雨,忽霁,众奋勇相先。及岩,岩四面皆壁立千仞,独东面中一岩去地近,可立梯。缘青碧而上,梯不及岩之半,予褰裳先登,梯尽,攀崖而上。众愕然久之,鸣治命斫去峻土,杀其危,众得以次登云。时从行者凡二十人。周行其上,南北径五里许,洞谷透邃,窍穴谿谿,堆阜起伏。陟高降洼,入幽造遐,嘉卉美箭,败藤枯柚,触石之泉,悬岩之溜,倚天之柱,出云之岫,猝不可穷尽。游目四瞩,海东南与天通,山西北与天际,众意大愜。日既昃,乃扫石分长幼坐,酌酒相劳。天忽作阴,又小雨,遂返。至所登岩俯视,势益危,至股栗目眩。复从梯下,乃返。凡唱和联句,共得诗六十首。”限韵联句诗:“此会频年约,穷高尽力跻。极天擎一柱,绝地着孤梯。腾踏离鞋袜,扶携废杖藜。身危巢幕燕,心苦触藩羝。半岭分台雁,千村隔犬鸡。路愁牛背窄,山怯虎头低。怒瀑寒飞雪,奔崖险截溪。涂平潮涨海,河断草分堤。吟剧仍催雨,归迟忽听鼙。颠危资仆力,延仁诧人僊。路酌坚投辖,村耕已辍犁。诗成浑草草,囊锦付苍奚。”谢铎《方岩》诗:“绝壁峭莫攀,一方刳不得。屹尔海东头,障此天西极。”又《仙足岩》诗:“云间不闻声,石上空留趾。为问脱屣人,

至今谁不死？”叶良佩《方岩绝顶》：“仙岩晓日正熹微，高步冈头识者稀。诸岛流霞明竹杖，一天零露湿荷衣。悲凉昨梦江湖远，叹息余生道路非。芝草阑干萝洞里，山灵应验野人归。”黄惟澄《松岩二门》诗：“仙关行到处，心地倏然清。崖石千仞立，天光一线横。水穿洞底出，云向岭头生。觅句坐良久，长吟山谷鸣。”

华盖山 在王城山西北，附连月岭。北小屿下有金仙寺，近杨岙。谢文肃初葬此，因改名大梦。虎头岩在其东南。明谢铎《虎头岩》诗：“头角空疑是，风声断不闻。分明山下路，误杀李将军。”

金字山 在王城山北，上锐下阔，宛若金字。宋王侍郎居安作堂面之，号金山堂。其地名东屿，有梅石轩，前列奇石花卉。戴石屏诗称“灵壁^[一]一峰天下奇”者，即轩中物也。今皆为人剝去，惟一巨石尚在。上有老梅，犹宋时物云。卞

杜山 在王城山北，旧杜姓者居之。明谢太守省作会缙亭其上，改名缙山。赵州守大侏题云：“天留馆阁文章在，地拥湖山蜿蜒来。”今居人犹呼杜家岙。胜处有濯缨池。卞

赵岙 在王城山下，桃溪水出焉。宋元时，居人有赵、陶二姓。曰陶夏者，本陶榘，陶氏先世祖名也。元陶宗仪父白云漫士，号赵岙山人^[二]，母赵氏女，歿归葬岙中。宗仪客居云间，系怀桑梓，每言“家在天台万山中，茅屋可庇风雨，石田可供饘粥，春夏之交，落花满径，禽声上下，味唐子西‘山静似太古，日长如小年’之句，可谓绝妙。”语载《辍耕录》。附近有麻车屿、仇家屿、南瓦屿。卞

湖雾山 在县西北三十三里。西连雁荡，北接唐岭，东有岭通金山、月岭。常有海气升腾如雾，故名。山高处，远望^{寥寥}，若浮图之托霄上，俗名鸿武尖。湖雾、鸿武，声近相乱耳。《赤城志》以为胡墓岭，益之误矣。涧水流出水涨，有港可通海，《叶志》称出^[三]海错处也。国朝康熙初，调防副将张德俊闻贼营山下乐清界，徒步逾岭往袭，师大有功，盖得乡导之力云。卞

纲 王城山行数里至嵩岩，一支自部读稍北旋，至牛山而尽；一支稍南而东，从部读对面佛陇山逶迤数折，起楼崎，至横峰而尽。其附连：偏南有瑞峰山、巉山、垌山，偏北有石刺山，偏东有马望山。正支西南行，自塔坑至峨山，东南尽温岭。其附连有碕山、西源山、大小球山。其屿有青屿，岙有扈岙。𠄎

南嵩岩山 在王城山南，亦称崧岩。《说文》：“中岳嵩，高山也。”从山从高，亦从松，本一字，“嵩”、“崧”随写耳。韦昭云：“古通用密。”本以状山之崇。省“崧”作“松”，误。黄邑亦有嵩岩，题南又以别之。自部读入二里许，抵辟支岩，一路险峭，众穴分奇，境极幽胜。始进，见壁上“仙关”二大字。旋右有龙潭，两壁夹峙，悬流喷薄，巨石横卧，镌“峻流涵汇”字。岩门上刻“荫躅天成”，两旁刻“壶天启钥”，“弱水分波”。又进为洗墨潭，元僧无诤遗迹。又进为罗汉洞，有天然石床，刻“秋月空凡处”五字。又进为影霓潭，有“神龙回伏”。字皆黄岩柯参政夏卿笔也。从著衣亭入至嵩岩堂，有竹林池、拜经台之胜，四围复障，略无阙处。绝巘多生松柏，风泉传响于青林之下，时有老猿长啸，屡引清异。此中常出异僧，自宋大悲，元无诤、秋月，明雪庵，至国朝宏济，皆高行，屡著灵迹。其前稍南，叠浪层层，名三浪岩，土人谓之九閤。明叶良佩《游嵩岩记》：“南嵩岩在太平县王城山之南，去黄岩县北嵩岩五十里而遥，以其南北峙望，高又相埒，故号南嵩岩云。嘉靖癸巳，余乘筭舆寻海上诸山，止于是且四越月。始由部读山行二里许，则闻涧水激石，四山风撼木之声，若有万军屯映其间，愕然久之。行复数步，见两岩对峙如门。入门行夹壁间，可十许步，皆削峭嵌空，类颌腭相呀，是为石门。门之内为石坛，其下为小潭。潭之水从上龙潭来，兢兢行，坠潭绕石门出，遇峻险则旋而为濂。路漫水底，离列石桥，行濂上。由石坛而上，有狮子山。路右折曰石天梯，绕狮前趾行，达背上。上有平石负土出，下临绝涧，行路颇平。又二里，抵嵩岩。岩之西有石龛二，嵩大悲、秋月师皆尝于此面壁云。北自龙鼻岩而上，有二道：其一西北行百许步，水月禅院在焉；其一东行五十步为罗汉洞。陟而上为伏狮岩，东向望见海上诸山，远近浮波烟云，杳渺无际。折而西北为九閤峰，此岩中最高处。余至适

杪秋霜露之交，风行岩石草树间，瑟瑟如也，輶然乐之。已而叹曰：以兹山之奇，又介在天台、雁荡间，游者接踵至，顾历数百年而名秘不甚显？乃为斯记，刻石于院，俟访奇发秘者得焉。”齐江金应祥《游嵩岩》诗：“嵩岩疑是嵩山来，一道逶迤连上台。灵窦幽通灵谷冷，天风吹落天门开。人寻诗向景中去，僧结社从云间回。把酒高歌问黄菊，相逢何地明年杯？”国朝余姚黄徵肃《游嵩岩经林明经朴斋墓》：“揭来祇园寺，更作南嵩游。崖鞭隙并险削，洞壑尤清幽。旗山不可见，别架云中楼。叠石涌层浪，松风鸣清秋。斯丘乐复乐，天为滕公留。丙舍有诸子，庐墓星已周。我来不期遇，煮茗须稍休。回潭起暝色，四顾苍烟浮。仙境未穷探，归鸟声啾啾。容当再蜡屐，一上青狮头。”

狮岩山 嵩岩^{〔一四〕}一山相连，势极雄猛。由罗汉洞上陟，东向见海。水月禅院在西北麓，俯瞰院屋，卑栖峰址，如藏燕窝。其高视县东狮子山过之。ㄎ

牛山 在嵩岩东四里许。前有石阜，土人名“牛食桶”。油屿即山之尾，“牛”、“油”音近互淆尔。ㄎ

佛陇山 西连冈上，与部渚隔溪相对，一名佛岭。宋末，元兵下台州，杨公岙乐清界有鲍叔廉者，率族倡义，结寨温、台交界之佛岭，据险固守，卒为元师袭破，即其处也。或云黄岩之佛岭。冈上有石一区，大小簇聚，俱黑，俗名“乌蜂出洞”。ㄎ

楼崎山 在县西北三十里。江汝璧《旗峰记》：“峰故奇，台人奇之。或曰：旗，尚象也，崭然若卓旗。”赵恩记：“楼旗一峰，崖石陡绝，直上凌霄汉，翩翩若幡幢然。”《叶志》：“一曰娄崎，又呼为天马。山极雄峙，海舶率视为向背，故称楼上旗。”从《赤城志》作楼崎，存古也。顶有龙湫，汇为潭，每云雾罩则雨，土人谓“楼尖裹帽”。下遍地出石米，通明如雪。晋王氏居其麓，种菊满山。有王氏墓。宋末复有王氏来居，亦衣冠大族。今尚有吊桥、楼阁故址，莫认其主矣。陟颠为楼崎堂，下有惠众寺。山北金字峰，一名青丝尖，俯视诸陇，横若列鱼。又有饭箕峰，皆高耸云际。寺旁有朱砂屿，出砂，状如铁，研之可为朱，人以糲撒其上，少间即有。腰屿、横

屿皆近山左右小阜。更从山东径深山旧龙光寺在其下，有安禧王陵、珠村此为北珠村，出楼崎桥，即望见罗屿、神童门矣。明谢铎诗：“参差云外峰，仿佛楼上旗。空怜太常绩，不作摩崖碑。”叶良佩《登高和韵》：“仙坪寂寂酒杯宽，世路悠悠常鲜欢。百世轮回同过客，十年奔走误儒冠。振衣晓触云涛壮，望斗夜禁风露寒。阮籍疏狂成底事，独将长剑倚愁看。”临海张参将鈇诗：“四野朝看万木枯，悠然海上一峰孤。谁云不近蓬莱地，时有天风鹤背呼。”金元声《仙米》诗：“一坪高出青山上，旁形嵒岬中夷旷。晴岚扫净试一登，碧海丹丘皆入望。相传有客来此游，应是鲍靓焦先俦。煮残云子白满地，至今狼藉无人收。”

横峰山 即横屿，西距楼崎五里。过峡处断崖临水，立如刀削，俗呼“横屿切”。或曰此间仅通船，故呼“浅”，犹山东“仲家浅”矣。元洪氏居此。有世美堂，翰林学士洪震斋筑，盛象翁为记称：“震斋名庆，延祐间进士，其家富田畴，自洪宅渭直抵屿东，作接洋桥，建塔屿上，下辟千丈街，构园湾侧。”系马石形迹尚存，科第官阶前志不载，征之盛记而已。

瑞峰山 在垌山北，祇园寺在焉。宋陈参文寺碑所谓“瑞峰秀出，碧涧泓流，松桂飘香，霞云拂翠，洵林徒栖托、云客宅心之处矣。”

礁山 自嵩岩逾茅岭，有峰孤起尖耸，类海中童礁，涧路纤折，回旋九曲，是有礁湾之称。“礁”亦作“椒”，俗呼无别。混东南消溪之礁湾，遂别此为北矣。其地潘姓世居之。迤南两崖悬立如门，名石门，路通上垌。

垌山 塔坑、瑞峰之南，两山夹溪，三面回抱若界围然，因氏山曰垌。俗呼上琪，音讹尔。昔徐秘书家于此，有《垌山八景》诗。龟峰、马桥皆在左近。明洪、宣间，秘书尚有九世孙女适镜川叶氏，见永嘉黄少保所撰墓志。其地至今称大园徐，然乌衣旧巷为寻常百姓家矣。

石刺山 自青丝尖迤逦西北行，至此峰峦稠叠，墟烟簇聚，金氏庵在焉。河流径其下。右侧山岬有姚家井，明末叶允鹤《和王五

生西山书院杂咏》诗有“贤使遗踪此尚留”，及“晴霞朗共莲庄晓，夜雨凉分杜渎秋”语，盖宋姚宽令威监台州杜渎场，有《下莲盘庄》诗，后隐此，并其所穿。所云使即场使。其后出真人炼丹，虎来守井，道冠山、黄虎岙皆因以名。腰屿亦姚屿之讹也。ㄱ

马望山 在县北，月河水所经。鲍原弘记：“马望山在治南繁昌乡，其崖多石，崖下堰水，有龙其渊，人皆灵之。”即今庵前池是矣。明邱宏慎诗：“短棹南还泊小舟，等闲随步上方游。净坛雨过云犹湿，芳径春深草自幽。山色满楼人在画，月华当户酒盈瓿。老禅不识泉溪客，时借诗名此地留。”国朝金季璠诗：“几时天马擅离槽，伏地犹看八尺高。也似人长昂首望，不知谁是九方皋。”

塔坑山 在嵩岩南。山背高起如窳堵坡^[一五]，俗呼“塔坑茅”。山上有宝积寺，莫究建始。出寺里许有莲花洞，洞后石壁黝黑，间以白文，天然若白描荷花。谢太守愚得及方石侍郎皆尝游，见《桃溪集》。ㄱ

峨山 一名鹅鼻。山势自塔坑来，下瞰湖雾，亦与湖雾山支干相连。其上悬垂如牛鼻，俗又称牛鼻山。峻嶒怪石，穴成三井，皆仰口如碗，光莹正圆，下深数丈，水清可鉴。徐小潭无数。岩壁上刻“霖雨苍生”及“灵霍诞敷”等字不一处。又有龙聪井，元至正间大旱，祷雨三井不应，有公孙氏溺焉，还至井所，见净盂浮出，中有蜃，舁归即雨。山坳处有龙鸣禅院。陈氏居此山三百年，于中构竹隐居、万松阁。叶拙讷记称其地“当瓿、台之交，深窅夷旷，凭栏四顾，率皆巨木宏材，苍翠一色”者也。别有小屿在四山中，曰嵎屿。国朝林宪《腊月峨山》诗：“穷村冬日苦，积雪上寒崖。溪石如鹅卵，山峰错犬牙。寻常忧世路，摇落惜年华。自笑空囊客，淹留未到家。”

硎山 在牛鼻山南。唐末有陈尚书自闽来，徙新城，因尽有瑞峰、童山地，童山即硎山。今陈家宅，古新城矣。《硎岭樵歌》为硎山八景之一。宋徐似道诗：“黄山东南数十里，芙蓉削翠连云起。萧萧褐褐三五群，生薪半肩歌不止。”

石径迢迢云外行，烟雾满地穿林桐。圣世不须紫芝曲，息担击壤歌太平。”

西源山 在县西十二里。本名西仙源，见杜光庭《洞天福地记》及《云笈七签》，并云在峤岭，唐张兆期修真于此。顶有丹灶、丹井，至今存。西源庵在其下，环庵种竹，徐竹隐赋诗指为“清凉国”者也。有桥曰西源桥，一名张老桥。宋临海陈耆卿《访赵公戴》诗：“西源仙境即西山，流水桃花隔世间。自笑重来湖海客，红尘惹到白云关。”

温岭 在县西十里，亦称峤岭，在古即临海峤也。《永嘉记》“晋明帝太宁元年，分临海之峤南永宁即今永嘉乐清界立永嘉郡”，以此岭为界，故又名中峤，峤南属永嘉郡，称温峤，峤北仍为临海峤。谢灵运《登临海峤初发疆中作》^{〔一六〕}，时方为永嘉太守，峤南其所治，疆中犹云境内。李善注“地名”，误也。登临海峤则入今台州境，其曰“系缆临江楼”者，殆即今江下矣。唐李白叙王屋山人魏万自台之温行迹云：“眷然思永嘉，不惮海路赊。挂席历海峤，回瞻赤城霞。”所谓海峤亦即此岭。盖为由台入温正途，故赵宋时于此有驿。自置临海县，地改分永宁今黄岩县，始专称温峤。旋又称温岭，临海峤之名遂晦。《读史方輿纪要》云“相传温州之名以此”。其言地常温者，譬言也。晋时辛太守昞即辛景破孙恩，于此立城。其山东西两峰，东大西小，亦曰大岭、小岭，岭之正脊俗名栋头。周广顺时有洪建辉者官此地巡检，遂居焉。宋建隆间，其裔万户仲达卒葬栋旁，子孙于此建二亭，有谒墓诗“一冢青山草色滋，杜鹃声断倍伤悲”云云，世呼洪山亭。又有宋永嘉刘滂残碑。逾此即江下，通乐清路。旧志载：官井在温岭，味甘而冽，暑月饮之愈腹疾。又有袁五娘潭，袁氏女綰纱溺处也。宋谢灵运诗：“秋杪寻远山，山远行不近。与子别山阿，含酸赴修畛。中流袂就判，欲忘情不忍。顾望脰未悃，汀曲舟已隐。隐汀绝望舟，鸂棹逐惊流。欲抑一生欢，并奔千里游。日落当栖薄，系缆临江楼。岂惟夕情敛，忆尔共淹留。淹留昔时欢，复增今日叹。兹情已分虑，况乃协悲端。秋泉鸣北涧，哀猿响南峦。戚戚新别心，凄凄久念攒。攒念攻别心，且发清溪阴。暝投剡中宿，明登天姥岑。高高入云霓，

还期那可寻。倘遇浮邱公，长绝子徽音。”

小球山 在县西三十里，背即峨山。崖圆如鞠丸，因形纳称曰球，美其名尔。视大球山差小。上有岩五，排列低昂相次，峰最高者状鹰嘴。下有堂，面际海，近人于侧构文昌阁。

大球山 与小球山相连。危岩陡起，万仞壁立，霞驳若绘，远望层层免采，徐渊子诗所谓“妆成一片蜀西锦，奚啻青螺绘金碧”者也。上有洞甚深叵测，故老云通王城山，时显灵异，见彩衣晒岩上，及闻鼓乐声。又有孤峰特起，俗名浆桩岩。𠂇

青屿 自大球西北来，径大麦坑台五里，山势凹深如壶，土人名月壶谷。有池在高处，广数亩，夏多白莲。石圆如卵，重或数十斤，色青紫，粗皮剥去数层，石心纯青坚润，可琢为砚。崖际日光悬映，苔藓中隐露舟状者四，帆橹毕具，名画船岩，云曾有仙过，视海上商舶往来，戏以指画，迹遂不泯。其下有屿，自江中望见，竹木丛茂，翠发如点黛，故得青名。隔水与毛陶相对，有路通乌沙门。𠂇

扈岙 俗名河岙，距温岭、武溪各五里。武溪即武坑，又称虎坑，语音变若虎林之为武林矣。曰姥坑，音益讹尔。逾岭皆大山。沿江一带崖石，破之，其中天然草木山水花纹，类云南大理石，惟质粗易碎。徐似道《扈岙牧笛》诗：“濛濛香雾湿未干，烟光匝地春风寒。牧童三五唤归切，鞭牛为马蓑为鞍。一声芦管振林木，江^上畔鸣鸣相戏逐。梅花乱落自潇洒，绝胜豪门调新曲。”

纲 温岭正南起龙鸣山，一东北逾岭至下凤山，其附连有松山，其岙有孟家岙、丁岙；又自孟家岙至虞岙岭，尽罗屿，其附连有碗头山，其岙有范岙、叶岙。大支一东南行至管监山，起百千山，绕县治后，东北尽下保山，其附连有凤凰山、莞田山、北山、芝岙；一南行自梅岭至石盘山、石牛山，南起大雷山另详，东起天马山，绕县治前，稍北尽五龙山，其附连有凤翔山、鹤鸣山、梅花山、福泉山、黄茅山、锦屏山，其岭有亭岭，屿有雅屿。梅岭旁支一自饭箕尖出箬山，西

行尽东门山，其附连有九龙山、大济山、白壁山、毛陶山；一自饭箕尖南行，起旷望山，西折尽石桥山，其附连有横山、寒坑山。卍

龙鸣山 在县西十里。上有龙湫，居人往往闻龙鸣，故名。其尖高耸，俗号美人尖，登之，江海在一览中。旁有明月庵。亦呼青山纂。磴道逶迤，林木阴翳，缙流好静者乐居之。

下凤山 在温岭东北里许。从垌山望见之，故为“垌山八景”之一。矫翼翔空，恍自九天垂下。山势类此甚多，处处得凤名矣。卍

松山 连下凤山。其土宜松，青崖郁发，风籁传空，泉响不断，最为幽胜。陈耆卿记丁氏松山林壑，即其处。《浙江通志》缘记中“丹邱”字，误入宁海。元末郭饶阳父迁松山里，《林志》误松门，地理所未详尔。卍

孟家岙 在龙鸣山西南。有孟尚书坟，碑表象马凋落殆尽，規制斯在，故是前朝达宦树榱之所。尝有人入其中，见两石上横巨木，悬棺而葬，铁索挽之，黄肠题凑^{〔一八〕}未坏，有小石碑，字已漫漶。无子孙可访。明正统间，杨文贞士奇以百金托访王静学后于其乡人孟范，或即此岙人也。岙东偏起插笔峰，戴解元师观祖茔在焉。地师云：“前插笔，后插笔，天下文章推第一。”后言果征。山上有解元读书楼故址。隔陇先生坟，即解元师，不知何处人。迤西崖罅，异石蜿蜒而出，曲折长数十丈，青色，鳞甲翕张，半卧水中，循岩关注石龟潭，始潜伏不见。潭至灵异，雨后湫发，委若素练，澎湃之音惊川聒谷，遇旱祈祷多应。卍

丁岙 在松山麓。宋丁少云世居此。于时缘涧被壑十数里，营造亭馆，霞驳云蒸，屦有盛宾，宴歌《伐木》，取畅山情，极一时诗酒之会。今地有馀桑，墉无尺雉，因宅之毁，讹称“许宅”，过者为累歎矣。下岙尚有丁姓居之。宋丁石《山居》^{〔一八〕}：“结屋三间深更深，琴僧诗客惯登临。携壶慷慨花边醉，策杖从容水际吟。新凿小池通竹径，旧存老菊傍松林。鸿来燕去流年改，赖有青山

无古今。”^卅

虞岙山 在十九都。距温岭五六里，南行通莞田。《读史方輿纪要》：“县北五里有虞岙岭，字讹为渔岭。嘉靖三十四年^[-+]，官军败倭于新河，贼遁走渔岭，复追败之。”即此。陈教授铨翁、邵少卿先后皆居焉。明邵恒《虞山春秋小景》：“藜杖寻春一径遥，竹篱开处近山坳。东风昨夜消残雪，才放新红上小桃。”“高枕石头秋露零，梦龙仙子酒初醒。卧闻不是潇潇雨，松子随风打鹤翎。”

罗屿 碗头山过水隐脉相联，宋白山蔡春山所迁处也。国朝金季琬诗：“江山春日好，载酒问螺坡。密竹围青嶂，寒流起白波。屋深云作伴，花落鸟还多。暮色已前路，归从浴鹭河。”季会东《夜过罗屿》：“千家灯火已黄昏，独客归来竹外村。应笑白云心一片，曾招圆月过山门。”

碗头山 山形正圆象覆碗，石白粲然，与罗屿相对。土人呼为饭箩，犹《水经注》云“东罗西磨”矣。^卅

范岙 西南与虞岙相连。东有月山，两崖忽断，壁立如门，宋神童詹会龙所居，至今呼神童门。双池在其南。^卅

叶岙 在范岙南。两岙间有山如马鞍。右峰顶平，别号棋盘，云仙人奕处。前一山若鱼振鬣，俗呼鲤鱼山。^卅

管监山 背由蒋山王大田来，篁竹间略见炊烟，缘崖一带礧田鳞鳞相比。昔有王先生居此，以大田^[-]自号，其学得朱晦翁之传，峨山陈征士景温师之。又为陈宣埋骨处，过客致吊，往往闻安西健儿歌矣。管监山因宋管监名。泉溪金氏先世娶管少监女，有国治者又与同里太府监丞管善孙友，管于此著姓久矣。俗讹呼官鉴，言圆崖似镜，滋附会尔。山有岩类蜂桶。岩下一古香炉，村人每晨望见炉中烟雾腾起，隐隐金甲神见云。明陈彬诗：“青山千古对樵庄，花县潭潭见仞墙。荆棘芟除狐兔远，惟馀明月照琴堂。”李廷洁《王大田墓庵示别》诗：“梅关绝顶一登临，三宿禅房雪再侵。贡茗始知方物美，植松应念祖恩深。云横似觉天梯近，钟响如闻山谷吟。别尔莫询予信息，一声雷动自知音。”

百千山 在县治后。自雁荡绵亘起伏六十里，至此群峰攒簇，

左右翼佩，结为县治。县堂坐亥向巳，正对鹤鸣、天马。于中水泉香洁，平壤沃衍，负郭对廛，商旅连榻。地方滨海，居民兼有鱼盐之利，虽在僻左，得年谷丰稔，亦乐土也。山西有岩，颇类虎头。国朝林茂《九日登百千山》诗：“一杖登山放眼宽，天风萧瑟拂林端。兴来几欲争驰马，醉后何须笑脱冠。回首尘埃空汗漫，藏身泉石任悲欢。年年篱菊花仍发，转觉秋霜对镜难。”

凤凰山 百千山东五十步，山形如凤，形家谓之禽星。元邵大任论泉溪形胜，谓“梅阙西锁，玉湖东浸，凤凰天马，分峙南北”。凤凰属县后山，稍偏东，林侍郎居址在焉，非西门之风翔山也。迤北岫中临呼，山谷响应，一名脉山。雁户^{〔二〕}僦耕其中，累土堤水，土名山塘。岭路通莞田。南麓有沙头井。卍

莞田山 百千山支麓，在县北。有岭前通虞岬，岭侧水脉悬注，洄湍决渚，洼处皆种葭蓊，因号莞田，犹县之有东莞矣。卍

北山 县东自凤凰山至太师山、三台山，统名北山。坳儿坑在山深处，嘉庆十四年，土人掘钱十数瓮，皆唐初“开通元宝”^{〔三〕}钱。丛篁深壑间，前此皆民居所在。卍

芝岬 稍在县东，亦北山也。岬内常产芝。明知县俞咨益建塔其上，崖壁镌“天柱奇观”，字大径二尺。国朝乾隆间，塔自毁。其西谷凹入，俗呼燕窝。旁有岭，曰江岬岭，旧皆江姓所居，林氏始迁亦依之，有江林合葬墓。明狄世攀《九日登天柱峰》诗：“天柱峰边坐翠微，相看落帽总忘机。楚狂最爱青尊满，郢曲逾惊白雪飞。松顶云迷孤鹤迥，炉中烟起道人归。却怜仙令遗踪在，读罢残碑泪湿衣。”

下保山 县北山尽处，与太师山相连，距城五里。山势东行外抱，为西来诸水大河锁钥，下保因是著目。卍

梅岭山 脉自温岭龙鸣山来，两峰屹上，直入天际，为县西诸山之望。每峰顶雾起，辄有雨。前一峰高与之埒，秀蔚过之，即饭箕尖也。故老云：宋端平间，里人金世清遇老人赠梅一枝，植岭上，

后漫山皆梅花。然梅溪水出此，梅岭或本古名矣。山顶有丹灶、丹井，又有石屏、花岩、紫雾泉。近岭崖壁一窝杯大，深寸许，中贮冷泉，行人就饮，干即再出，往来以此济渴，土人呼三角井。明嘉靖，倭寇数自江下来，登岭瞰城中。土居官叶宗暨永嘉王金事德玠^{〔二四〕}，皆团乡勇战死岭下。湟际木城遗址，盖国初迁界处。国朝林韞《与诸弟登梅峰，龙顾、云公二先生来访不遇作》：“昼掩书堂可自闲，囊萸人去踏梅关。门前有客来题凤，松下凭谁说在山。危岭断云千嶂出，小桥流水一溪湾。归看名字知相访，惆怅芭蕉绿影间。”林乔丰《度梅岭》：“突兀双梅尖，烟岚莽回互。罡风忽吹开，棱棱山骨露。岭高天可扪，石敲足恐误。古木交枝柯，寒泉喷云雾。岩阴一草庐，疑是仙隐处。丹灶不可寻，踌躇下山路。”

凤翔山 梅岭支山，县之西屏也，在延照门外半里。多产黄杨，栾栾其上，俗因呼黄杨山。金姓唐末来居山麓，自花街至社塘，筑长二里，列树梅杏，有凤翔馆、著衣亭以延客，元集贤学士南塘戴恢记。面南即中冈岭，临石井坑。山后僻径由鹤颈坑俗呼镞底坑入，上有伏虎庙。登野山岭，过黄泥门，绕出饭箕尖后，一路深崖仄涧，林壑绵蒙，不见曦月，盛夏如在冰谷，陵高降深，举趾危栗。稍复呀豁，逾小坡，地就坦夷，行者怡悦，名此坡曰快活岭，足与惶恐滩的对矣。复由更楼岸古防戍处历葛藤坑，彭家坟在焉，其山，九龙山也。

石盘山 在县南二里，山脊平衍如盘，兼亦义取盘互。《名胜志》言：峰岩错列，泉石竞胜。其山远从雁荡来，高数百仞，作县之南屏。于中四奇：曰大尖峰，曰笔架峰，曰瀑布，曰幞头岩。又有乌岩洞穴之邃，云梯石级之高。晒鳞石，相传龙曝身其上，高逾寻丈。石溜处，光平如砥，名龙拓肚。二石笋巍然并峙，下有潭三，形如仰釜，亢旱不竭^{〔二五〕}。水出为泉溪。南麓上林井，深五丈，泉亦甘美。昔珠村林氏世居焉，其族有上宅、下宅，此井盖上宅穿也。由石牛岭至六珠，两旁皆巨松，五粒苍翠，岁古生鳞。林征士铭可读书于此。珠村岭通三山巡检司。明林原明《上林井》诗：“盘中土肥泉则甘，旧井不废居人担。镜中空漾藓花碧，

鬼物呵护何森严。山童煮茶爱清冽，绁汲归来扫松叶。石鼎烟烧午未炊，洒洒清风起毛发。”^{〔一〕}

石牛山 县南一里，与石盘山连。危崖负险，峥嵘异状，半空势如欲落，行人远远望见，如黄牛峡矣。岩石上有“览胜”，字大径尺，双钩铁线，文不知谁镌。岭极峻，凡历数十盘始到巅。六珠村中瑞莲堂、香灯田、火把地、青石阶，俱历历在焉下。^{〔一〕}

天马山 自石牛分支，稍北起鹤鸣山，东南即天马山，昂首霄汉，势如行空。在县治南偏东。明知县曾才汉改儒学门面之，诸生升堂辄见，慨然思翔云衢、登金门矣。其支东北行，冈峦秀润，上有雁鸣塔，与天柱、兴文二塔并峙，望之如天外三峰。岭路通郭岙，名黄泥岭。故老云：旧本无岭，迁遣时界外人为官兵所驱，众潜避逾此，三日夜络绎不绝，遂成大路。明林元协诗：“騷衷何来自西极，高倚云根几千尺。簇簇岩花上锦鞞，萧萧天籁鸣金勒。汉家选骑征楼兰，白羽流星宵度关。紫燕去兮玉骝老，太息谁当十二闲。”

鹤鸣山 在城南，与儒学相值，势甚轩翥。昔汉冠盖里^{〔二六〕}铭曰：“惟此君子，作汉之英，德为龙光，声化鹤鸣。”今书院正面此山，氏曰“鹤鸣”，殆取在阴之和^{〔二七〕}，为好爵之縻矣。别称亦曰“雁鸣”。迤东平麓有雁鸣街。山尽处负郭有庙。庙后右侧峭崖之下，水潴为小潭，状类半月，名月池，其清可鉴。明林璧《登鹤鸣山》：“兹山秀压蓬莱岛，古洞云深长瑶草。仙人天上骑鹤来，长鸣一声秋月皎。飘然去此三千龄，至今人世犹知麴。何当候尔重来过，相从绝顶吹银笙。”金贵口诗：“鸣雁峰前春水流，沧浪和罢兴悠悠。闲情一段谁偏得，蘋际风香睡白鸥。”阮文铨《次林瑞冈、林方城韵》：“鸣雁山横野色新，酒阑斜日共登临。风回绝巘松涛细，烟起重门竹径森。千古但酬黄菊节，一尊能负白衣心。清秋万里凭高兴，况是逋仙有二林。”

梅花山 在鹤鸣、天马间。遍山皆梅，旧时九老尝啸咏于中，称胜地矣。山势迤迤东趋，中结村落，潘提举松溪世居此。稍北横沙一道，林壑清幽，棣花别业在焉。路旁平地陡起石笋，土人就斫戚小将军像，建庙祀之，云南塘破倭时，其子后顾，斩此，石笋即灵所化，先未有也。察其迹甚怪异，或符夙传。国朝张绍龄《梅花山》诗：“花

开雪满枝，花落云盈坞。九老渺难追，溪山自今古。”

福泉山 在天马山东北，亦名覆船山，有八姓共葬于此，又称八家山。南对雁鸣塔，兴善堂在其西麓。自小泉村一路小水微津，回流澄素，静夜听之，恒有清响，林木离离蔚蔚，外悉田畴，邈然林壑之趣矣。ㄎ

雅屿 在县东南隅。由福泉山过峡，蜿蜒北行，山势回抱，与天马山相对，浹口河经其下，县东风气亏泄，藉此一束。顶上竹树森森，围圆蒙密，大雁塔院在焉。院后有乾江宫，塑神女像。春暮山花夹径，群莺乱飞，游者络绎不绝，仿佛天竺香市矣。旧有文昌阁在山半，兴文塔临其上，岁久寢废，遗址尚存。国朝周鉴《登雅屿望金秋屏先生墓》：“我来望东山，望望日欲断。山前青草迷，山后白云满。”

黄茅山 西连天马，东即亭岭。顶平陷有池，水草肥美，居人于此牧牛成群，望若黑牡丹矣。旁有庵名逸霞，僧宏远筑。陈星萃赠诗有“衲窗昼静云为伴，禅榻宵清月共眠”之句。黄淡乔在其下。有陈婆井，极清冷，元里妇陈氏穿。王修撰二女井在路口，有碑。ㄎ

亭岭 县东南十里。宋周克兴建会文亭处，岭即以亭氏，字承读变，因为藤岭。南路通隘顽，东抵松门。有墩台，于上可瞭远。明嘉靖间，有二倭潜匿其中，官军搜斩之。又有小亭岭，亦称姥岭，为通判吴成器、知县徐钺截杀倭处。明林凤徵《登亭岭分韵》：“千古亭岭镇海邦，一登真觉万夫降。新诗知入奚囊几，胜概多归望眼双。欲放酒杯宽似海，愧无笔力健能扛。行吟却忘归来晚，月色前村照半江。”林之松《亭岭望海》：“高岭浮云外，荒台古戍边。千山雄雉堞，万里净狼烟。涛怒遥吞日，潮升欲接天。登临时欲暮，平楚色苍然。”ㄎ

锦屏山 县东南八里，奇石峭立如屏，每春花开，五色灿漫。上有玉楼岩，连甃上下，二层高峙。其旁屹者曰侍者岩，曰寿星岩，复有卓笔、抢珠、仙局、香火诸岩。卓笔下常有龙出入崖际，崖为雷碎，

留半如砚，清水常满，前志称砚池是也。蝙蝠洞至深窄，投石应声，轰然如雷鸣，及底方止。昔邑人林润与同守周公游此山，感邑政方苛，有句云：“锦屏十里是吾家，闻说屏中艳似霞。今日我来何所见，满山开遍杜鹃花。”至今为山中故实矣。卍

石佛山 在五龙山背。崖隙削立，略无附土，其状嵯峣，故名嵯山。壁上岭间遍刻佛像，明季好事者托虞仲房名勒诗其上。溪水环流，舟行经此，山川明净，云木参错，令人乐对鱼鸟，增濠梁之兴。迤东崖骨匠斫，深处成仓，近禁止，山灵为宁。卍

五龙山 在县东南。沿锦屏一带，岩层峦叠，夹岸崇深。有峰亭亭屹立云表，作人形，上戴巨石，若云髻然，俗呼石夫人。北即消山，又称消夫人。《临海记》称：“昔人渔海滨不返，其妻携七子登此山望焉，感而成石。下有石人七躯，即其子。”盖袭望夫石旧迹，与甬上夫人石同此说矣。其高十数里外望见，经山下反隐，稍远辄又见之。旁峭壁，有洞圆透筛大，照见隔山，当是神剌鬼凿，土人云昔海船系缆处。临横湖有百丈岩，悬立如削，曾有神僧游此，号百丈禅师。或呼“拍掌”，或呼“白象”，皆“百丈”语讹。其顶有桧，森耸可爱。别有百丈岩，在明觉院侧近。此山有龟岩井，泉常白色。宋徐似道《石夫人》诗：“消山偃蹇消湖碧，夫人此恨消未得。海上人归会有时，怪尔鬢云非旧色。”国朝金玉音诗：“芙蓉姿态身前少，冰雪心肠化后坚。不作巫峰云雨梦，任教春色到崖前。”

箬山 在县西，即箬坑。自梅岭、饭箕尖西行，起高岭东北，旋见白色一片，有若涂垩，为白岩山。逾岭再西为乌根，程公庵在其下。卍

大济山 在县西廿五里。山顶有大济堂，下即大乌根、小乌根。《叶志》：“大小乌山在海中，水通花坞，旧名乌根。其海名乌洋。”乌根地滨海，潮汐时至，赖塘捍之。云门峡在近处，下有对岙，程氏居此。逾溪而南，平地小阜隐起，则花坞也。傍海诸山，悉巉岩崔嵬，云

外昂举，此坞独偃焉卑处如伏，因又名伏山。宋、元赵氏世居，有花桐园、多山楼，及万卷阁。应志和诗所谓“推窗静对通云峡，晴峦朵朵罗黛鬓”，洵栖游隐学之名处。南一里曰江山，峻阪数百步外，峰峦回翔，林木森翠，赵氏祖庵在焉，曹南吴主一隶书“云山深处”也。古桧在平原，径数十围，纹皆左纽，黛色霜皮，弹之铿然有声，已历五六百年，远望翠盖亭亭，虽岱庙东偏汉柏，奇不逾此。元吴主一诗：“峡门云散路如挂，江上潮来山欲浮。人生何必专支通，到处青山是沃洲。”明乐清赵新《题多山楼》：“海上青山滚滚来，中天紫翠拥楼台。东窗西窗烟雨霁，千峰万峰图画开。爽气当秋浮几席，白云随月近尊罍。主人爱山仍爱客，临眺吟哦日几回。”赵元穆《花坞即事》：“寻向东园结草庐，地偏喜与世情疏。青山近户四时好，古木参天百载馀。篱菊开时沽酒玩，园蔬种后带经锄。客来煮茗论文字，莫笑无钱去买鱼。”

东门山 在大济山西。由界坑逾岭至下娄山台，即东门山。县境尽西处曰东门者，对乐清西门山言。

白壁山 其山崖壁峭立，坻堦嶙峋，一片璧色。或说尝掘得白璧于此。在界坑西南。有林侍郎凤故居。过此即新坊。

毛陶山 在白壁东。奇峰陡绝，毛、陶二姓居之，有大、小毛陶。高处有猪头岩，岭路通白壁，前与台山、龛屿、伏屿、大、小青相对。出温岭江下稍旋，海际望见重峦被水，苍木荫崖，怀烟引雾，触目延赏，即白壁、毛陶诸山也。

九龙山 在县西南。自梅岭分支，山势一折，群趋南向，状若神龙之赴海。其西支麓结为石鼓山，亦名积谷山。花坞正东向之。赵白云葬此。

旷望山 即九龙前山。高概青云，螺旋而上，山上有山，不可层计。顶曰斗米尖，俯临江海如萦带焉，视舟若凫雁矣。居人每以九月九日登此观日出。有龙潭最灵。国朝定以岭北为腹里，岭南为界外，往往人偷越，“偷界岭”所由名。迤西通花坞，至黄湾，史称“高

山万仞，环列海滨，松林如织，鸟道纡回”。嘉靖三十九年，戚继光破倭南湾，即此。在楚门西北。

横山 在二十三都。旷望山南行，一山横亘，长里许。有八角井，口皆青石甃，计石八片，一有款，镌穿井名氏，后人欲灭迹，撤去之，故八石缺其一云。ㄩ

寒坑山 在横山西南。上承巉岬，下临危涧，盛夏阴森。龙潭在处常有云护，或时冷子碗大，即樵人罕至其上。元至正末大旱，遍祈不应，邑人林齐民冒险草屨崎岖攀陟，至潭侧祷雨，请以身投崖下，为民请命，即日雨如注。乡士竞为诗美之。事见方希直、王静学二先生集。明潘时冈《题林齐民祷雨卷》：“寒坑山，倚天起，六丁凿开混沌髓，下根沧溟几千里，六月阴风吹鬼雨，阴翳出入云纒纒。今年旱魃肆威怒，林君乞灵诚喜喜，侧足元宫不自怜，风先驱兮雨随履，顷刻如注天瓢水。郊原一览生意新，松底流泉自相语，安得不作歌诗兮志君喜。”ㄩ

石桥山 因山麓有石桥名。宋赵梅边葬处，其阡赵松雪书也。营制有两石桥台，此石桥系温岭汛，距九眼塘不远。ㄩ

纲 自石牛山出郭岙门俗呼谷岙，起大雷山，周围三十馀里。西一支过十八曲岭石牛岭西俗呼“先生爬”，以此为“和尚播”，至乌岩南为洞山。东南自大闾尽馆山，其附连有沓岭、蒲洞、寨门诸山。大支东逾姥岭，起三岙山，更南至莞山。其附连有桂岩山、磊石山，仍由鸡母尖东起旗头山，回盘至半岭。ㄩ

大雷山 在县南十七里。峭拔峻绝，下临无际。其上有龙湫，每山顶著云雾如帽，乃雨候也。涧谷积石千通，水穴万变，环涛毂转，常若雷鸣，此大雷所以纳称。《浙江通志》：“经纪绵褱，与宁海大雷无别。”此间自擅名胜，无俟借奇于三十六峰矣。国朝陈梦诗：“似霭如岚映黛螺，大雷峰顶郁嵯峨。经年长带苍然色，不独清秋雨后多。”ㄩ

乌岩山 近玉环界。芳杜、徐都一带，山悉丹翠错列如绘，独此壁立精铁，墨采奋发，亦异军苍头特起。ㄩ

洞山 山谷深入，口呀然洞开，故无洞也。一山峙其中，形如金字，下悉黄姓居之，呼“洞黄”。郑洗马环《黄公诰》所谓“地因人显，洞以姓目”。谷中怪石堆列，或垂若象鼻，或夭矫若龙。久庵尚书尝取石龙为号，并以名书院。黄氏自唐来，十五世并葬村后。尚书归展墓，已有开地烧炭其中者，丛薄鸦栖，翁仲荐棘，于时实心悼之。具见尚书手记。元潘孟翔《洞谷》诗：“闲扶藜杖认仙踪，踏破烟霞四五重。一水远流金沆漑，两山高并玉芙蓉。丛林日暮催归鸟，古洞云深蛰卧龙。最喜参军才俊逸，酒酣斜倚石根松。”明叶良佩《龙窝雅集次韵》：“夙有林泉好，官居亦草堂。云霞开俎豆，竹树净冠裳。散步巡花径，乘醺坐石床。悠然清兴发，言咏自成章。”国朝陈为霖《洞黄古迹》：“大雷小雷向海奔，中结村落如桃源。商山一皓久住此，手植嘉树开高轩。龙鳞已老书新著，金粟丛生招隐处。寒涛秋涌劲风来，直送天香云路去。”^卅

大间山 与大雷一山，“雷”音近“间”，因歧为二矣。有东西二峰，俗呼火楼尖，旧置烽堠处。其下即大间涂。戚继光尝营岙中，群山环护，独一面通海，外铜、铁二礁守门户，登高望见贼舶，贼不能见官兵所在，居人往往土中得箭镞焉。山深处一洞，深莫测，有妖凭之幻惑人，王真人竹廷燃炬入其中，半洞炬尽，嚼指出光为照，闻海舟行婀娜声而返，自此妖绝。即今婀娜洞是。此地水性寒，故塘得冷水之目。^卅

沓岭山 俗名叠岭。上有台，属隘顽汛。^卅

蒲洞山 自沓岭经彭下，至洞口，嵌崟数里，皆沿海行。远杜蹊塞，疑无入处，抵洞，转益开敞。居民百十家，饶有篁竹，炊烟起处，与山云互绕，溪流委曲于中，蒲草生焉。自此至寨门，又皆沿溪行。^卅

寨门山 俯临溪，路径峣嶮，水石参错。漫山种杨梅，下蒔烟草。溪行二里，深处产香鱼，金色无鳞，干之香愈出。其地名池头。自此道渐平，隘顽所城在焉。向虑溪水灌入，于北门石河头、小岭间凿洞，俾旁流入海。今改所为寨，故此山得寨门名矣。国朝陈为霖《寄

吴莞崖：“西风吹面不胜情，廿里归途况独行。教我那忘前岁尾，夕阳携手隘顽城。”^卅

缩山 西连邢田，东、南、北三面皆悬海。南面有石洞如井大，纒头在其东北。山下皆孔姓，出唐时袭封文宣公齐卿后。明初曰中夫者，筑有宗鲁、望云二堂。仰见尖峰耸秀，如笔架状，其旁岩石突起，方五尺许，如砚，分朱、墨迹。《叶志》载金钿山下，本一山相毗连云。^卅

三岙山 山由姥岭来，在县南十里。其高处陡绝，名百步峻也。岭路通大闾，亦名闾岭。岙中姜姓世居之，姜牌岭其遗迹。黄泥岭下闻有积庆寺，盖刹图虚传，莫得而仿佛矣。国朝谢应龙《三山歌》：“三山之状高嵯峨，下有百折之流波。漾回盘曲三十里，其势趋下如滹沱。泻^{〔二八〕}出长潭澌澌渺，饶州令尹居缭绕。茅山之岛胜十洲，赣州太守坊犹留。洞桥之水深百尺，龙湫飞下如组织。郁若邓林翠欲流，画出辋川人不识。”

鸡母尖 在三岙东，莫究山名，世俗以形呼之。其高出云表。西即慢游岭，澶曼靡迤，无“九絰十二盘”之险，然为隘顽东北屏蔽，又松门之阻隘，明季戍守要地。^卅

莞山 在县南十五里，与大雷山相连。山顶有叠来峰、火楼峰，东连磊石、沙角，西南至斗头、蛤蒲岙，东海、石塘、骊洋触目而在。陈敬所彬居之。顶上有废耆即斥堠，制与今异，筑台围墙，穴土如斛，形上狭下阔，中可容七八人。其北为堂山。右笔架峰，有青松径、芙蓉巷之胜，陈氏祖茔在焉。向海石壁岩，面平如削。白玉坡出石率莹洁如玉，可为笔架。稍远有前屿，一名船屿，又有双屿、步屿。其北有礁二处，曰礁门，潮退礁见，潮平见屿，双屿浮沉，变幻不测，居人据此为晴雨之候。明谢文肃《次陈敬所韵》：“莞海东头去路踪，独乘羸马到君家。十年梦里相寻处，依旧青山两岸花。”^卅

桂岩山 在县东南二十里，长沙之北。山椒平衍，可百餘亩。旧有凌云庵，黄海洲士民读书于此，尚存里书院名目。山顶置烽堠。

海口小屿，名横屿，明新河张东瀛以千户从戚南塘杀倭立功处，与楼崎东横屿名同地异。明何愚《宿渔家》诗：“青山前头小茅屋，短短疏篱护修竹，江空日落不见人，行人寻傍渔家宿。老翁见客词礼疏，白发倒裹单纱乌，自云乡村绝沽酒，香羹菜煮松江鲈。海月流光照衣湿，请君稳睡南边室。细将蒿蓼塞窗棂，莫遣腥风夜吹入。明朝洗净小鱼船，送君直到长沙边。”黄士民《山居》：“沈冥无所谓，有客到渔家。宿雨依江树，秋风满钓槎。水寒鱼蟹少，日短获芦斜。欲解蓑衣去，同君看菊花。”^卅

磊石山 山南面海，北与沙角山连，岩石磊落，因名。外即双屿。《林志·地輿》列险要五，此其一也。五代时，岭下柯姓者自闽避乱隐此。^卅

旗头山 稍在莞山西南^[二九]，一峰高耸，馀以次比列，形肖展旗。下皆煮卤所在，聚土若屯。亦名岐头。洪武初置巡司于此。二十年移沙角，即山尽处海口旧司城，有城隍庙，上列炮台。是山云罩，主大雨，土人有“沙角山戴帽，水洋人抬灶”语。披山在其南海中。

黄仙岙 在鸡母尖北。有内外二岙，皆土山，无崖石，缠络支烦，自尖望之，如瓜蔓然，俗呼瓜瓠山。黄茅山在左近。东北小岭通横古塘，居人多以蛤灰为业。路接半岭，有石井铺。

半岭 邑有两半岭，一在西北，近唐岭，此在县东南二十里。古称“六林珠梅，半横车浦”，半即半岭。先有国史检阅昉、太学生伯云，皆元、明间名士，洗马池遗迹尚存。黄龟山在岭际。岭下地平旷，初议建州云。元林昉《山中春晓》：“婆饼焦^[三〇]啼晓户开，冷东风里惜残梅。片云只傍檐头宿，昨夜何山作雨来？”^卅

校注^卅

[一] 废其君长 《史记·东越列传》作“废为君长”。^卅

[二] 兴平四年 兴平只二年，无四年。析永宁、章安置松阳系孙策所为，当在建安初。《丽水志》作建安四年。

[三]宋孝武帝 原文漏“孝”字。丿

[四]括州 原文“栝州”。州以括苍山名，山多栝木，故括州本作“栝州”。丿

[五]二十四、五、六等都 原文脱“二”字，据本卷《疆域》补。丿

[六]鲁藩以海 鲁王朱以海，“以”原作“尚”，据《明史》改。丿

[七]赋役 “赋”原文作“抚”，据《嘉靖志》改。丿

[八]迁沿海民于内地 清初，郑成功部活动于闽浙沿海，得到沿海居民接应。顺治十八年，清廷颁“迁海令”，令沿海三十里居民内迁，空其地以绝郑援。县筑木城河为界，河以东居民尽迁。内迁，以下亦称扞遣、迁遣、迁界、迁海。丿

[九]雁荡 “荡”原文作“宕”，今统一作“荡”。丿

[一〇]游四郡记 “四”原文误作“西”，今改。丿

[一一]灵璧 “璧”原文误作“壁”，据《石屏集》改。丿

[一二]赵岙山人 按郑元祐《白云漫士陶君墓碣》：陶宗仪父陶煜号“道岙山人”，母赵德真“葬黄岩州灵山乡道岙之原”（见《侨吴集》卷十二）。有关“赵岙”“道岙”之辨，见《光绪续志·辨误》。丿

[一三]出 原文误作“山”，据《嘉靖志》改。丿

[一四]嵩岩 原文作“松岩”，今改。丿

[一五]窳堵坡 又称窳堵波，梵语佛塔。

[一六]谢灵运诗 全题为《登临海峤，初发疆中作，与从弟惠连，见羊、何共和之》。据《宋书》本传，谢灵运于元嘉五年（428）免官回始宁（今上虞），与谢惠连、何长瑜、羊璿之等以文章赏会，共为山泽之游。又尝自始宁南山伐木开道直至临海。则此诗非永嘉太守任内所作，此处误引。疆中，在剡县（今嵊州市）。临海峤，唐张铤注：临海，郡名；峤，山顶。戚氏所云温岭即古临海峤，不明所据。丿

[一七]江 原文作“口”，今改。丿

[一八]黄肠题凑 古代帝王、贵族葬具。《汉书·霍光传》：“赐……梓宫、便房、黄肠题凑各一具。”颜师古引苏林曰：“以柏木黄心致累棺外，故曰黄肠，木头皆内向，故曰题凑。”

[一九]山居 一本作《幽居》，诗首句“三间”作“山间”。见《方城遗献》卷一。

[二〇]三十四年 按本志卷十八《杂志·兵寇》：渔岭败倭为嘉靖四十年。核对史实，以四十年为是。ㄩ

[二一]大田 即王象祖，临海人，所居村名大田，世称大田先生。按：蒋山王大田东有王小田，大田、小田之名当另有来历，与临海王大田无涉。ㄩ

[二二]雁户 外来民户。ㄩ

[二三]开通元宝 即“开元通宝”，唐武德四年铸。有人回环读作“开通元宝”。ㄩ

[二四]王金事德玠 按本志卷十八无“玠”字。

[二五]竭 原文误作“渴”，今改。ㄩ

[二六]冠盖里 在湖北宜城。汉末名士居其中，刺史、二千石、卿长数十人，号为冠盖里。

[二七]在阴之和 《易·中孚》：“鹤鸣在阴，其子和之；我有好爵，吾与尔靡之。”好爵：高官厚禄。靡，又作糜，分散。ㄩ

[二八]泻 原脱，今补。ㄩ

[二九]西南 原文误作“东北”。按：旗头山在莞山西南，沙角山在莞山东北。今据改。

[三〇]婆饼焦 鸟名，因其鸣声如“婆饼焦”而名。原文“焦”作“煎”，今改。

嘉庆太平县志卷之二上

地輿志三

叙山下

纲 半岭自大闾东北折更起，为县东诸山祖。中大支自南而北，由河岙岭历高浦岭，起消村望海峰，至消山、紫高、铁场。东分支一自阮岙、鞍山尽白峰山，附连有凤山、鸛顶山；一自叶茶寮山尽屏山，附连有晋山、五兽山；一自石仓山尽撮屿，附连有黄监山、栖云山、长屿、塘岙、丁岙。西分支一自阮岙出南礁山，附连有蒋家山；一自望海峰西行抵泾岙，附连有五尖山、下罗山、龟山、太平山；一自鸡鸣山尽凰山，又自铁场旋北起环翠山，东有狼山、小屿、夹屿，西有楼山、叶屿，由三王、后岙，尽石粘、鸞屿。

河岙山 在县东南二十里。宋时有陈珙者，以副都头管松门寨兵，子彦修赘何岙冯氏，见《叶海峰集》，河岙本何岙。逾岭即蓝田、湖没，有小山横列眉状，名月山。阮岙、小岭相连，前有观音峰。有石桥蒋姓谒天台齐息园，宗伯^[1]问曰：“君家二十都，阮岙隔一岭，距沙角三里，然否？”其人愕然，不知宗伯何以知此。尹

鞍山 状如马鞍，亦名燕山，脉自河岙来，东即石桥。山半有洞，口窄仅容人入。进洞横行，愈入愈深，莫知尽处。入须持烛，惟见两边壁立光润，冷气阴森而已。俗呼乱岩洞。国朝邑令徐元肃《石桥秋望》：“十

年薄宦滞他乡，又是深秋莼菜香。柏树叶红鸦背暖，西风烟景正斜阳。”黄元溥《花桥吊古》：“古木荫河堤，平桥倒影齐。凭栏人已去，照水月空低。此日看鸥没，当年听马嘶。我来寻古迹，双石卧荒畦。”

凤山 在三都。脉自石龟山来，一伏再起，如凤张两翼，苞彩焕发。半山有掌扇岩、虾岩、月岩、洗马潭、朱砂窟、仙人床、仙耙石。峭壁数寻，上镌“为界”二字。望海楼故址在山顶。下有孝感坊。国朝黄际明《凤山晚眺》：“山云度横涧，海气上官河。惨淡夕阳里，微茫一鸟过。归樵村路近，落叶野烟多。独向平原望，悠然发浩歌。”

高浦岙岭 在县东南。左为高浦，右跨消溪，延长数里。自岙上一路沿涧行，俗称百步峻，到顶始平。半岭篁竹间，居民茅屋数家。西下循崖历级，险非工斲。崖侧水声震激林木，过者防庾袞眩坠矣。土人亦呼消溪岭。

鹤顶山 在高浦岙。一名金鹅山，多产鹤鹤，俗名白鹤山。石龟山在其南。旧有资圣寺，里妇李妙玄建，有钟自海上浮来，后寺废，徙入城，建鸣远楼贮之，即今下水洞钟是。

白峰山 在县东二十五里，高插云汉，为海东诸山望。山形苍黑而得白称，又呼玉峰，盖莫详所自矣。北一峰高逊之，称小白峰。林大令贵兆云：“远海孤峰，惟矫然飞雁来止。”旧时黄鸟逢秋则去，缘山高而气寒也。旁有穿石洞。旧传山下皆海，隋末，商舟至此，遇风几覆，商奋力援岩，手所著，岩为穿，得系缆登岸，后人神其勇，祀之，号穿石大王庙。山下有井，四围石壁天成，形若仰箕，俗呼畚斗井。滨海水咸，此独清冽，瓶甕远集。西接青龙山，瀑布飞流长数十丈。山顶列石如屏。榛梗冥郁，产风兰，极芳香。嘉庆七年，邑令晋岙祈雨，见黑龙蟠此山顶，阴云叆叇，鳞甲闪动，雨即时注。宋戴曷《玉峰晚眺》：“玉峰奇绝处，短策步崎岖。海近潮声壮，山空树影疏。吟情危眺外，饮兴薄寒初。数点新来雁，高飞不羨渠。”元徐原全诗：“漠漠山中云，起自山中石。天风一飘荡，云与山俱碧。”“碧云嵯峨不出山，道人心与山云闲。明朝我欲乘云去，相遇蓬莱缥缈间。”明林贵金诗：“入岩采芳兰，

倦倚云根石。箬笠挂松枝，高歌海天碧。”

南嵯山 在二十都。自河岙山西行至此，众峰巖岩竞举，若竖鸟翅，亦如剑杪。溪流径其间，风泽清旷，聩响外发，渐深，出口乃可容棹。自此至石佛岭，均得嵯湾名矣。蒋家山在山后深谷中。山险崩劣，林棘荒蔓。居人依崖架屋，瓜畴芋区，成小村聚。石笋峰、李庵洞在其旁。ㄴ

征岙山 在县东南十里。上有望海峰，岬岬异状。弥望浑浑泡泡，一片荒白，舟檣过影，略如芥子。迤西群峰，指立森然。ㄴ

五尖山 在望海峰西，俗有五龙之称，峰峰刺天，如掌高竖。溪流下见底，石类樗蒲矢。水口石将军昂藏特立，其高数丈。庆恩寺当山顶洼处，林木森排，房列青豆，所谓“修修释子，眇眇禅栖”者也。寺东宋陈忠简墓石，岁久漫漶，识者犹争摹拓。岙内朱运干故宅，上马石侧有乡约堂。下罗、龟山，又此山西行之支麓。ㄴ

太平山 在五尖山南，即太平岩。自巔及趾，壁立几三百丈。上有池，旁有石洞。旧乡名取此，县因氏焉。康熙甲申，有雪澄和尚传南屏派^[二]，自灵峰来，至此，有五虎搏门，哮吼震天，师曳杖出语曰：“昔汾山^[三]住山，豺虎纵横，谕之即去，我若有缘，汝当避。”虎帖耳过，师遂创安隐禅院。上梁时，僧问：“如何是太平家风？”师曰：“室凭明月入，门倚白云封。”又问：“如何是道人^[四]作用？”师曰：“草鞋犴似虎，拄杖活如龙。”问：“如何是和尚为人？”师曰：“杀人直见血。”语录钱塘徐司空潮为序。明狄世攀《太平岩》诗：“平岩灵气接三台，仙侣凭临尊酒开。山后溪流斜抱屋，门前石径半封苔。烟云缥缈秋天远，松竹参差晚照回。领略青山应我辈，相逢渔父未须猜。”雪澄和尚《村居》诗：“卜得荒村别一天，渐移床灶远人烟。欲迎山面营茅屋，拟向溪头泊小船。放竹作篱沿菜圃，种梅馀地问瓜田。甘酸弗到城中卖，看得黄金不直钱。”ㄴ

叶茶寮山 在县东稍南三十里，昔叶姓种茶结寮之所。有药林宅，唐末隐士于履居之，尝开山得楛矢。宋丁少云亦读书于此。有响岩，

石屋^[五]大可容数十人，笑语声辄应，一名应声岩。《赤城志》载天冢石，形迹尚存。此山左右列嶂，莲萼朵朵，中间名花心，地转平衍，田庐相望，疑别有天地，故得中山之目，洵足上延霄客，下绝嚣浮矣。明林贵兆《中山小隐记》：“邑东行际海，有峰嵒然，四山皆蜿蜒环抱，峰半地稍旷，村舍陇亩相间，错水依山，回绕若带，至洞门，隐隐合流，下泻碧萝潭出海，乍入宛一武陵村也。古叶姓种茶于此，结寮而居，意古之隐人与？不然，何迹之幽、业之雅，名氏不传而山反因以名耶！后有于履者，避乱亦隐此山。今莫君大良读书养志，又悦中山之胜，筑馆居焉，殆继二公之响者矣。古称得阳三隐，皆生同时，茶山之隐，则三贤者古今相望，然其趣同也。余与中山子有宿契，将于寮侧谋一廛之筑，而乐就素心焉，中山子与之否？与之，则中山其四隐也。”林贵良《茶山僧舍》：“远寻芳躅到名村，万壑阴深海日昏。云里钟声萧寺近，溪边石栈药园存。尘空玉麈僧初定，香动金龙佛欲言。衲子更能谙故事，双峰指点认颓垣。”^六

晋山 在叶茶寮东，山趾相连，一名晋源。陈耆卿《辨误》：“黄岩屏山之南，有岙曰晋岙，湖曰晋湖，山曰晋源，相传晋王之裔居此。山半明觉寺，有小碑曰‘晋王游适之地’。大抵昔贤驻屐，迹往名留，如临海招贤洞晋潭之类。”旧志又记：“晋岙有坟，晋帝藏真之所。”此山俗名雪山，相传智顓自天台高明来建寺，暑月役困，大师借三日雪，满山如银，匠人不复挥汗，故寺与山并得雪名。山南有百丈岩，《赤城志》云：“险不可攀，惟傍院而登，其平如掌。上有石峰耸立，望之凜人毛发。”复有罗汉洞、碧萝潭，相距一涧，水常汹涌。一石巨如牛，欲诣潭则俯循牛背以度。岁旱致祷，雷声发潭底，大雨立随。先有大小二磬浮出水面，居民取其小者，大者复沉潭下。池广数亩，名茭池，或曰蛟所穿也。智者泉在寺东百步，岩窍通竹引溜，涓涓至二石槽，昼夜点滴不绝，供缙流一日用，无馀无欠。左槽被浊秽，味咸；右槽清冽如故。别有青龙、白龙二潭在岙内，金华屿与李家庭峙岙口。宋戴曷《侍屏翁游晋源，得外字集句》：“既雨晴亦佳，适与赏心会。初日照高崖，幽泥化轻壤。步履随春风，始觉天宇大。牵怀到空山，逍遥烟云外。青松夹路生，童童状车盖。清川

带回薄，阴壑生虚籁。意惬形迹忘，傲然脱冠带。薄暮方归来，月光摇浅濑。”明林贵兆《游雪山》：“九月载生魄，肩舆来雪冈。但教逢胜览，何必问重阳。霜霰潭龙隐，烟霞径草香。书声深竹里，樵唱白云旁。水冽僧同智，坛空鬼作乡。山川留锡钵，岁月变沧桑。夜虎鸣将近，寒鸿哀且翔。缘崖力已倦，浮海意空长。赖有黄花在，悠然与世忘。”《九日碧萝潭》：“倦倚寒岩步转迟，扪萝不语自伤悲。他年直上无高峻，此日安行有险巇。莎径晚阴栖毒蝎，石潭秋冷卧灵龟。还家坐啸月犹在，独与黄花对酒卮。”《智者泉》：“万树碧桃开紫烟，无人不醉落花前。自怜一掬寒池水，独浸星河夜半天。”王光《青龙庵》：“白鹤峰前春日长，青龙潭上百花香。雨晴草色浓侵席，风细莺声静过墙。野客风流惟杖屦，美人谈笑亦文章。江村月色遥相送，竟夕归来作鲁狂。”^{〔六〕}

屏山 在县东三十里。《輿地纪胜》：东西二石，耸立如屏。有古藤络之，冬寒不凋。西屏因风雨仆为二，独东屏屹然。上有云鹤峰之胜。狮子山在其南，有石厂^{〔六〕}，方广五丈，高三丈五尺，修真者居之。旁为道士岩。相连有狮子、虎山、象山、凤山，而龙山出其北，俗谓五兽，悉屏山支分。南塘戴氏世居屏下，故式之号石屏山人，陵谷虽迁，花园假山基构斯在，令人忆六桥明月矣。《王氏谱》云：山自茶寮来，秀钟于此，翠色郁葱，衲褥平铺，蜿蜒如瓜蔓，渐就平陆，村落繁焉。其先宋时赘狮子山伍氏，并不改凿，则居更先于王。又此地一名还珠里，《黄岩志》：永乐间里人郑维翰还遗珠处也。戴石屏诗“海天龙上下，秋日鹤翱翔”，王闲趣诗“一筑东浦兼南浦，两屐前屏与后屏”，皆善为此方山水写状云。宋戴敏《小园》诗：“小园无事日徘徊，频报家僮送酒来。惜树不磨修月斧，爱花须筑避风台。引些渠水添池满，移个柴门傍竹开。多谢有情双白鹭，暂时飞去复飞回。”戴曷《侍屏翁游屏山》：“携琴入空山，修竹翠相倚。一曲千古心，泠泠寄流水。拂云卧白石，冥搜契玄理。有时采薪人，歌声隔林起。”元金华柳贯《送张秋泉真人还山》：“翩翩霞佩挟飞仙，桂馆灵风尚肃然。石室樵人同梦日，金门羽客赐归年。新开洞穴收丹篆，更买湖亭发酒船。翠涌天台三万丈，题诗须用碧瑶镌。”明徐宗时《石屏晓步》^{〔七〕}：“童子三春开竹房，石屏山色晓苍苍。云收十里鸥群出，花落千门燕子忙。看水行过苍竹径，吟风吹动绿荷裳。悠然自得风云意，伫立犹疑见鲁狂。”王子应《云鹤峰登眺》：“杖藜移历历高岑，万壑南开暑气深。青汉不通黄鹤梦，碧

山长系白云心。龙门挂瀑晴犹雨，药圃浮烟晚自阴。更羨小堂幽谷里，短墙丛桂正森森。”国朝王士俊诗：“远眺双屏耸，登山欲住山。寻花从鸟道，漱石傍溪湾。可是神仙地，堪忘儿女颜。茅庵供信宿，日日踏烟还。”^①

消山 西连泾岙，一名萧山，以山有萧御史庙故名。陶隐居《冥通记》：“临海烧山”附注：“属永宁、乐成二县共界。”今于此二县界无山以当之，烧山疑即消山。皮日休诗注：“消山出连理木”^①，咸谓此山是矣。山有南、北二岙，近涧地沃，堤塍相辖，其植宜蔬、果、红药、紫姜，岁利逾倍。上有石马峰，一名胜花尖。外向凰山一洞，崖厂深入，虽日光透隙，内常阴阴。故老言：河头吴真人住郡城栖霞宫，天旱祈雨，值此村亦爨，持咒云：“行雨三分，寄雨一分往太平二十都。”由是两地均沾。洞即真人先修炼处，坐床卧枕，悉结石如平生居也。北岙夹谷茂林，白径前通，中容四五村落，土人呼胡咙岙，又云颈狭似葫芦然。沿溪峻阪，上下崖级动数十层，陡上陡落，兼履石而渡。高处不知何庙。缘山鸟道，有岭处处可通。国朝鄂琛诗：“黄鸟声中尚薄寒，消山春色未应阑。龙钟野老扶藜杖，几次回头著意看。”^①

石仓山 西连紫高，东南接黄监。其支阜又分上河山、陈家山，山顶高处即娄峰也。岩之异者曰鹤嘴岩，曰石棺岩，曰头巾岩。普光洞在半山。中洞大容数百人，上有石梁，西偏潭约广二丈，水纯绿，斜日映澜，倒影崖壁，作龟纹滉漾，火鱼大小悉金色。常有轻烟一缕从潭起，渐散满洞，出洞即化云，弥漫山谷。邑王居士俊扬于东偏作楼三楹，为习静览胜所。西洞石梁稍短狭，潭在洞顶，水自岩罅出注潭，从潭流径石梁，僧以笕引入厨，瓮溢则下注，伏流不见，百馀步，复从石窠中出，凡二窠，俱滴入叵罗潭。东洞禅舍修洁，避嚣者往往寓此读书。三洞相连，阶级峻上，有石门可通。盛夏寒气袭人，冬则冰柱悬下，四时常有钟乳凝膏，垂滴不断。普光西下为净明洞，尼媼所居。东为碧云洞，多寄褐。上河山在娄峰西北，

有响岩，叩之作声。昔一僧趺坐其下，米自岩缝出，日得升许供僧，僧意不足，更凿缝令大，米遂不流，至今岩有斧凿痕。其下即元末迂桥巡逻使陈伯昌死方氏难碧葬处也。陈家山一名淀山，四围皆石，如覆釜状，娄岙南向山也。石仓因匠人开采成仓而名，本即娄山，故诸洞亦概呼娄岙洞云。国朝林之松《石仓山》诗：“四山风吼白昼暮，前有怪石遮我路，嶙峋逼仄行颇难，搏击森阴势似怒。日影翻从地底生，乳泉倒向云根注，野蛟天寒舞出峡，山鬼人立号上树。我行睹此真绝奇，毛发竦竖心胆破。自来入山山欲深，此是山穷水尽处。天生灵境在世间，忍令对面不相遇？不如移向近蓬瀛，好与神仙常来去。君看太华峰头上，太古有人挈家住。”^广

黄监山 在石仓山东，旧黄姓官少监者居此，犹附城之管监山矣。山至高大，支分为淀湖、栖云等山，外包塘岙、丁岙，迤东尽长屿。《叶志》：“黄监山在长屿东南深谷中，产石堪为梁础，居民利之。”有双门洞，上洞壁立十数仞，日光不漏，下洞由佛殿后入，极深敞。山石皆白，独洞中一道青起弦直，自趾及巅，厚三尺，两旁仍白。石水泐泐？从石罅中出，流注前殿阶下，僧凿石为碗盛之，游人掬饮，沁人心脾。入洞举足振响，人语辄应，訇如牛窞中鸣。或试爆竹，则作雷震，半日不止，耳为聋。地寒多风，盛夏阴森，里人狄瞻云诗所谓^[九]“深山不受暑，莫如双门洞，我来风相迎，我出风相送”是也。近禅室有大池深碧，亦多火鱼。自洞右折为华严洞。有石新妇，又呼石师婆，下有石船。前视高平处曰平山，长屿村居面焉。上有石岩，朝曦射处，烟气幻化种种作僧伽像，或起或卧，不可名状。淀湖山长屿^[一〇]东出方石，四角周正，类湘中印石而小，重不过铢两，始出铁色，磨白有光。下有石池井，有汤池，暖亦如江乘之半汤泉。鸣泉终日作声，钟世给序称：“静夜闻之，若宫商合奏”，最有致矣。栖云山距河头梁不远。塘岙亦产石，有八仙岩、慈云洞、石梁洞之胜。丁岙为元张真人祖父葬处。旧志称：“山自紫高、铁场来，率粗厉雄猛，无畜水川。至长屿，独柔嫩蜿蜒，有浦有河。”李都宪匡、肇庆

太守璩居宅所在。屿不甚大，而最有名，并石仓、黄监或统称长屿，斯地以人显尔。由平山迤东曰东湾。国朝初寇乱，调防东兵^{〔一〕}驻此，见有旌旗盛卫，呵殿出李通判维桢故宅者，自此兵皆敛戢，一村获全。今尚存屯戍遗址。又有撮屿，平地突起。《赤城志》云：“山形如拳手可撮，故名。”然登之可瞭远，旧置烽堠于上。屿北名蔡洋，元潞州副使陈元珏居焉。门前地中长石笋，掘之根甚深，皆黄监之馀气也。明李璩《长山》诗：“独秀峰边翠作堆，幽栖如入小蓬莱。山中瑶草无人识，洞里桃花空自开。”李学《塘岙瞻翠阁》诗：“碧嶂青峦拥四檐，倚阑镇日费吟瞻。峰容矗矗参天表，岚气霏霏拂树尖。凉雨过时闲扫榻，白云收处静钩帘。晴光泼眼浓于黛，未许红尘一点沾。”叶良佩《鸣泉赞》：“泉泠泠兮听幽，复森森兮安流。美夫人兮好修，对长山兮杪秋。逝将从子兮夷犹！”瞿旦《山中》诗：“少年负奇好，山水日游盘。中岁苦役役，素心分百端。抱一愧无守，返始失常欢。园林春草绿，赏废起长叹。辛苦茹茶蓼，芳洁怨薰兰。謁来戏紫氛，抚化期风翰。笼禽入丛薄，展席临长湍。性情苟有适，宵旦坐忘餐。甘著管宁帽，羞弹贡禹冠。遐寻从此去，玄炼巢层峦。”蔡瞻义《题鸣泉》：“高人家住白云深，碧水溪前送好音。流尽年光君莫问，泠泠终日和瑶琴。”国朝黄际明《游石梁洞赠友人》：“我闻石梁胜，素心已向往。所苦腰脚衰，跻攀亦勉强。故人引我来，异境忽开敞。四壁矗巨崖，如擎巨灵掌。洞顶石嵯峨，欲坠不敢仰。谈笑地脉动，空谷互喧嚷。山泉泻如潮，崖树荫苍莽。更有双岩鸟，格格呼鸣两。倚石架数椽，中现尊严象。多君慕幽遐，潜居自修养。岩罅漏容光，窗纸明馀晃。胸无寸丝挂，天机恣鼓荡。我生亦好静，无计脱尘网。身在神仙居，因之发玄想。何恨华峰巅，未一振衣上。”

紫高山 自半岭盘礴蜿蟺^{〔一〕}二十里，历望海峰至此，南接消岭，东北跨铁场，皆紫高山也。亦曰紫皋。山顶平旷，土膏滋沃，产茶，出日铸^{〔二〕}上。唐时建有崇善寺。东峰隆起，纯土无石。半山有洞，门内书“太乙”字，尝有羽人居之。相传明嘉靖间筑城，由此采石成洞，《叶志》在筑城先，已载此洞，则其说非矣。碧水潭在西岙麓，其净如拭，不掩素鳞，邑人吴虬诗所谓“紫皋寺废遗荒草，碧水潭空涨落花”也。岙内故宋时置酒坊。铁场尝产铁，亦置冶。乾道间水患，尝议开此岭，役万夫成一坑而止。上有虎陡岩，及灵芝、寿星诸岩，

石屋下容数十人。又有石瓠，水自岩罅出注，瓠口仰承，常满不溢。淀岩潭在大岭侧，底有穴旁出，以竹斜探之，深莫测，常有龙出入。潭水流注涧，涧中石作五色。滴水岩在其下。凡东北诸山，皆从铁场过峡。明陈应诏《紫高山》诗：“离城十许里，茅屋几人家。杨柳新摇绿，棠梨半著花。开襟平野阔，归路晚风斜。断续遥相接，天边看暮霞。”国朝谢兰《太乙洞》诗：“大壑悬崖洞府开，仙人鹤迹旧曾来。霞光晓起连天姥，海气秋高接上台。谷口人家无吠犬，山间曲径有封苔。同游赋尽如差勒，愧我荒仓异楚材。”黄岩王诗《次陈耻斋太乙洞韵》：“绝胜桃源一径幽，花随风去逐清流。刘郎若解攀山路，应下天台不上头。”^卞

鸡鸣山 自紫高西来，左右势皆昂峙，中一带如屏，前与石楼山相对。平地乱岩四布，其一斜耸八九尺，类荆州石。世传仙人欲移此山寨铁场门泄处，闻天鸡鸣此石上，遂止，故山曰鸡鸣，石即号晓石矣。平台岩在山上，高二丈许，四方正平，纯石无土，能生黄精或岩珠，四时葱蒨。面刻“横翠”二字，八分古拙，再上亦有石刻，并类李阳冰所篆。^卞

凰山 在县东十里，近连鸡鸣，与翠屏山对峙，俗讹为横山。顶有纪官岩，岩上显仙人足指迹。其旁凰羽分铩，平地圆起，如笠覆地，里人陈为霖《寄吴莞崖》诗所谓“前度秋风箬笠山”也。吴尝为人作《号说》云：“绿筱成林，风来作箬笠声，山之胜也；伐苓采芝之暇，杖挑箬笠而归，居山之胜也。”此又不以形论矣。山下一井名谢师井，面广一二丈，螺旋而下，愈下愈狭，不过一尺，四畔岩石，泉从窦射出，甘冽异常。此井通紫高，父老言：“崇圣寺斋供，于潭渐米，尝流至井中，粒粒明见。”隐泉伏注，理固有之。路侧大樟五株，皆一二百年物。又有古棠木，俗名桑杨，夏秋间生虫如蚕，有毛刺，悬丝如蜘蛛状，老则化蛾飞去。虫多叶尽，则晚禾丰，岁以为候。^卞

环翠山 在九都。山自铁场门过峡旋北，气象雄秀，竹树交阴，流涧琤琮。于中有崇国寺，法轮颇壮，绳坐疏班，锡钵间设。然为

自邑至黄要道，不时有田禾将军子到，虽拈花竖拂之场，往往除西河之馆矣。东行过渚上山，有小屿如蛇形。郡志：“屿面南，其东当十之二，绝无林木，又名秃屿。遇夜有光，俗传宝所藏。”王太守应壁居焉。又为张都督东瀛葬所，天鹿、辟邪制作工致，其迹尚存。环翠之北有麦芒岙，亦名脉龙岙，上有阉岩。过此即狼山。明李毓《山行》诗：“石磴徐徐步，松泉细细听。云深山动色，尘远谷通灵。偶若遗人世，终焉愧客星。山林而可老，吾欲谢营营。” 卍

狼山 在九都。山不甚高，望之丹翠错列。河流所径，山石从河底过，舟行颇险，故有狼岙门之目。隔岸有长腰屿，又有夹屿。《赤城志》云：“两山仅容河流，旁有二小山，相对如眉，名夹屿门。”盖宋时河出屿间，商船凑集，官置有酒坊，川路移徙，今昔异视。夹屿一名碧山，明王湍弃官修道于此。王湍《入山》诗：“湖海功名了白头，翻然一笑便登舟。轻轻踏上高峰顶，坐看茫茫河水流。”“碧山未必是吾家，我有家乡路不赊。信地一行惟自在，春风无处不生花。”王通《题碧山隐居》^{〔一四〕}：“碧山何处是君家，路转双鱼带浅沙。何日买书相近住，满庭春雨话桑麻。” 卍

楼山 在县东十五里。自环翠山西来，岩石巉巖，土发赭色，层层若楼阁。旧传为仙人石楼。登顶，潭最灵异，庙祀圣水都龙王，宋大观时封也。自此再起为翠屏山，俗名三王山。背高处有岩类狮子，甚雄猛。隔水为叶屿，一名星屿。旁有虾蟆屿、苍屿、龟屿、鸡鸣屿、建平屿、林家屿、蒜屿，合而为七。宋绍定间，有老人陈凤昭登屿周视，曰：“屿七象北斗，独此为斗口，风气完固，足立宗。”遂居此长子孙。亦曰东屿。《桃溪集》有记。 卍

石粘山 在县东北二十里。山石栈嵒峭峻，层叠露峙。有两石，高广各五六尺许，上下斜粘，中微漏光，可线界而过，手摇辄动，有声辘辘，而终古不坠，故亦名响岩。西接后岙，三峰矗立，名三台山。东连南山，有横川岭，山势北行至此而尽。逾四五里即鹞屿。 卍

鹜屿 在县北三十里，山形如鹜。其北临水，有金鸡弄，两崖划分，相对壁立，于中介然成路。相传尝有金鸡鸣，葛洪持杖斫其山成弄，鸡飞去。葛洪未至台州，或当为葛玄矣。明毛士阶诗：“历尽崎岖路始平，一川秋色漾新晴。寒烟孤起水村午，隔竹数家鸡犬声。” 卞

纲 盘山东北支皆自大唐岭。一支东行，由五峙山、谭家山至关山，附连有木杓屿；一支由金岙山东尽白山，南起灵伏，西尽新建，附连有沈岙、潘岙、祝家岙、叶岙、曹岙、骊岙、茅岙、石屿、瓦屿、斤竹屿、王家屿；又一支自翁山、白塔山尽丹崖山，更北尽于灵湫山，附连有天黄、凤城、竖石、新读诸山，散结为弓屿、蛇屿、扁屿。 卞

唐岭山 县西北四十里，脉由盘山北折来。岭始通自唐，柏山王侍郎东瀛言：“先有名荣者尝修之。”盖侍郎上世，唐之自出，今尚有唐家宅、唐家桥。岭级层峻，下上百曲。宋有碧云庵，元僧心源重建，又穿池曰碧泉，明初并入黄岩灵石寺。跨山有古城，周围数里，隍堑宛然，沉沙之中时露铁戟，代远难以究实矣。王进士蒙故宅在其下。岭西黄邑柏岙。绣岭至盘山实台、温分界处，故名半岭。旁有月岭，形如覆月，地距桃溪不远。谢文肃入词垣，世父王城山人送至岭，所赋诗有“回头青竹下，便是白云乡”之句。文肃后决意还山，盖不忘此言云。明鲍原弘《半岭》诗：“石径沙田陇树新，数家烟火岭头人。片云不必分台雁，花落鸟啼都是春。”缪恭《晚过唐岭》诗：“倦足巉岩道，登势欲奔。巍峰崱日脚，飞瀑泻云根。儿蕨新春意，枯枝旧雨痕。行行十馀里，灯火半柴门。”叶良佩《过岭》：“笋舆十里度崔嵬，乍到家园首重回。悬瀑细鸣春雨后，废池深傍暮云隈。清氛北向台峰尽，秀色南从雁荡来。东望一丘吾所爱，他年规作读书台。” 卞

五峙山 唐岭北来，峰峦巖巖，掌立如太华，极秀拔。鹊儿岙在其下。岙中池水黄浊，味甚腥。更北为塔头岙。 卞

谭家山 自五峙南麓黄泥池过峡，日月两小山夹其旁。距枫井

不远,赵氏西庵在焉。昔武翼语其子云“方岩乡古谭家山,面直石佛峰,可为葬地”者,即此。俗误呼潭头,此间故无潭矣。正统三年,盗发古冢,见碑志,乃宋宝庆间处士赵益仲茔,南项应羸撰,于武翼乃祖行,其先历世葬此久矣。逾小坡,则赵氏之东庵。右小山如印然。尸

关山 县西北四十里。一名莞屿,亦曰冠屿。逾东庵,小岭特起,横亘历殿下,至下村而尽。叶海峰叙“关山八景”称:山在唐岭南,形如委貌。其地四山环拱,而方岩、南嵩最为秀丽。水自西北来绕,有月溪、白箬、六桥之胜。徐偃王古城、栖霞宫别馆皆在旁近。赵氏自元立族于此。有屏风岩、老鼠屿、荷花池、双菱池。山麓巨樟林立,俱大合抱。石屏一座,刻“蛟井源流”。蛟井在越,赵之自祖,非此处井也。稍前东南有木杓屿。屿上追远庵,郑氏遗基,夏赤城有记。叶良佩《冠山次韵》:“谁将委貌号兹山,台雁云霞指顾间。青鸟故来传好信,先生早已出名关。丘中拟结鸣琴侣,江上先寻钓石湾。惭愧淮南门下士,小山丛桂得追攀。”尸

金岙山 五峙、黄茅之间,有塔头岙,旧慧力寺基在焉。经分水峡南行,起金岙山,迤逦环绕,因得回龙之目。赵次山太守葬此。祝家岙、叶岙、潘岙、沈岙皆在山左近。沈岙稍巨,其山曰斗山,岭曰铁岭,古塔三存一,池凡七,里语所云“斗山铁岭七星池”者是也。元、明潘姓居之,有斗山书院。叶海峰记:东南过潘岙岭,旁有牛山、月山,皆小小坡陀。明林良珉《沈山塔》:“齐擎高塔到天根,鼎峙参差万劫存。眼界欲求空阔处,踏残霜屑特高扃。”谢绩《重过潘氏西轩》:“世事浮云散,年华闪电催。西轩人不见,明月夜还来。”尸

白山 县西北三十三里。自新庄岭东行,其巔有石壁立,色白而润。高处镌“玉坡”二大字,苍藓斑驳,梯登别视始见笔迹,昔人谓玉峰当兑位而色金,盖先尹、蔡二氏遗迹。左麓曰象鼻山。右两嶂对峙,曰古唐门。自唐岭迤迤越十数陇而来,渐就平地,此为门矣。下珠山在其东,流水环之。应鄱阳志和晚岁于此营菟裘。宋蔡

稿《山居》：“水从白塔流如环，门对葛洪丹井山。老去腰镰更垂钓，时与渔樵相往还。”明胡来甫《山中吟》：“苔凝绝壁先天篆，风度疏松太古音。莫谓羲轩留不得，看来须向此中寻。”¹

灵伏山 在白山西南。山形如龙布爪而伏，上有龙湫。三峰中高，左右参差分列，似句曲茅山，又名小茅山。其南有流庆寺。右峰顶有贮云亭。左峰顶崦地平坦，可五六亩，有井有池，亦传葛仙炼丹处。林孝子大登春晖楼在山岙中，赵方崖司马题。曹岙在山北。正统间，溪南应祥、临湖章暉、拙讷叶黼、兼山闻轩诸贤九日登此赋咏。亦名致山。迤东尽骊岙。有应家岭西接潘郎。明永嘉黄淮《灵伏山》：“灵伏之山高插天，云开叠嶂含青莲。镜川之水流寒玉，风扬晴波散文毅。川回路转林木丛，浮岚暖翠千万重。中有仙人炼丹井，相传自昔居葛洪。仙翁一去渺无迹，夜夜丹光照泉石。云深芝草有馀香，洞口桃花自春色。”应志和《应家岭祖墓》：“不扫松楸二十年，一觞酌罢泪潸然。那堪雨露沾濡日，正是风烟冷落天。秀色倚云横列岫，寒声穿竹落幽泉。弟兄垂老深相嘱，莫使荆榛长墓田。”闻轩《曹山登高》：“佳节俄惊一日过，登高重约出烟萝。菊花黄压秋霜重，枫叶红分夕照多。林壑可人宜放逸，光阴过眼易蹉跎。同游更喜皆英彦，把酒题诗奈乐何！”叶良佩《致山》：“庵外东林土径斜，短墙茅屋两三家。闲中挈杖自来去，夹陇秋风荞麦花。”¹

新建山 县西北三十里。亦自新庄岭西来，经岭下缪守谦先生故居，循四顾岭至此。山下郑姓，宋、元多闻人。有古樟一株，朴树透出其腹中，异根合体，枝叶分敷，各极盛茂。四顾岭上有二塔，关山前向之文笔也。旧有“建山四景”，黄岩王南郭太守尝赋诗。渡水有石屿，一曰双屿。谢太守愚得题联云：“明月满滩人系艇，清风隔树客临窗。”再西而南为瓦屿。凡陶家埠、斤竹屿、王家屿及潘郎山，并新建支络。¹

翁山 在十三都。自五峙来，近连白塔，远控灵湫，背即黄岩牛极、著岙诸山。山曰翁山，岙曰翁岙，盖昔翁姓居焉。其势郁嶭曼衍，嵒确无姿，弥望榛菅，俗名黄茅，非二山也。悬磴绝险，陡处须腰缠而上，殆亦羊肠、邛崃之类。上有黄茅纂，一僧居之。寒

木振条，鸱乌夜叫，四无人踪，此僧不惧，远近夫娘崇信，争致钱米。紫莲亦其中一山，普济寺所在。寺后峰名霹雳尖。有坑曰雪洞，水流九曲，从凹处一直泻龙潭坑，终年轰轰若雷，厥声甚壮。施家岭侧复有悬洪数丈，遥望似布，素气云浮，是为大小二瀑。水口有龟石、蛇石、牛山、皮条山、鸬鹚山，里俗随意命名。杉屿当岙口。稍东薪蒸^[一五]所聚，号为柴市。迤北有岭通三坑，名火杖岙。岭南半腰有鸦井，当崖壁一穴广三尺许，深不及尺，清泉常溢，行人饮必投草其中，否则腹痛。由翁岙再入为尹长岙。晋时尹氏盛于白山，尹长或其族矣。明叶良佩诗：“双瀑山高怯乍登，山头云气湿如蒸。故将奇壮惊吟客，分取清冷与住僧。喧击似闻河鼓下，飞奔应使海涛增。茂陵渴病今逾甚，肺火多年洗未曾。”国朝杨特耸诗：“禅房参谒罢，登陟敢辞劳。青竹深溪入，黄茅绝顶高。径危行木杪，风落响飞涛。欲作庐山咏，头须手屡搔。”^卅

白塔山 在十三都。《赤城志》：山“上有石塔，遇晦则光彩旁烛，土人怪而撤之。”山顶龙湫下注岩潭，往往岩色显白，如银瓶状，则雨候也。又传有潭在高处，龙所穴，广不盈尺，其下莫测，牧童续蔓坠石试探，忽雷声发潭底，急走避，明日过之，已失潭所。宋嘉定间祷雨，岩罅一线有小瀑流出，盛归，甘霖随下。由白塔至天黄山，径马嘴山。赵尚书方崖葬此，累砖千计，达柱八所，匠制甚宏。山形如马嘴，故名。或曰营兆时，定穴视马所止，当称马止。明释宗泐《白塔山》诗：“青石悬崖萝幕幕^[一六]，绿田分涧水泠泠。人家深住黄猿坞，鱼网高张白鹭汀。”

天黄山 在白塔山东，冈阜相连。旧称天王，以下有庙祀毗沙门天王而称，嫌其诞，改天黄。其高大与楼崎对峙。下有护法寺。元至正时，达元帅兼善坐王伯宏家荷亭上，占少女风，知有大水。伯宏兄弟三人居此，有才名，并长风角。明王纯诗：“此日攀跻到，方知法界清。树摇云有影，花落水无声。深谷玄猿啸，荒郊野雉鸣。聊随童冠乐，归咏见吾情。”^卅

凤城山 与天黄山连。形如鸾立，又层列类雉，斯兼凤城之目，

援此名其里。《赤城志》不载，殆起宋后。山趾有石船，约长五六丈，头尾昂起。中笋高逾丈，俨船上之桅。上有石龟、香炉二岩。陇断处有小坡，俗呼凤城岭。过此崖石丛集委积，若龙鲤一角、奇鸽九头，形状怪玮，即竖石山。石龙泉至清澈。渡水更结蛇屿，山之小而堕者也，一名茶屿。自岭旋北，若凤羽蔽天而下，分为三道，面对黄邑圣水、烟容诸山。其下旷衍多松，名百亩坦。西望翁岙岭，梯级历历可数。元李士才《石龙泉》：“苍崖流水石泉甘，凿饮清波不计年。眼底寻源都道异，不知原是玉龙涎。” 卍

丹崖山 泽国西半里许，赤壁霞举，土色如一，因得丹名。又传仙人炼丹处。为黄、太两邑望。出金银星，类方石，黝而光。先产藤，以刀划之，汁如血涔涔下，名血藤。顶有石室，双桂岩在其南，应志和诗所谓“双龙蜕骨留丹谷，二剑腾光射碧空”也。迤东为虎头岩，群山西来，委折腾跃数十里，至此陡然而住，气象狰狞，眈眈俯视。寺藏虎腰中，入门曰丹池，《赤城志》载有无鳞鱼、没尻螺，别有池近僧厨。山下井凡四，二在虎岩下，一在雄镇庙左侧，古葛氏穿，一在山下陈。旧传有老鸦井，群鸦浴焉，莫辨何井也。东南当虎爪处过峡为扁屿。环水有日、月二渚。西皆宋毛氏故居，有花园潭、万石亭故址。黄岩杜清猷尝读书其中。与凤城山两界间又有弓屿。宋郑瀛《伏虎崖》：“西崖有虎凭其威，凛然百兽不敢窥。众山压倒势莫敌，磅礴万古谁能驱。乡人好利不知计，剪毛伐骨何太厉。安知此虎不汝欺，长作吾家一屏蔽。”《葛井涵秋》：“吾乡葛氏真好奇，凿开石井山之涓。寒波清冽不受暑，主人爱取沁诗脾。百年兴废事非昔，莓苔剥落土花碧。我来拂拭已忘言，落叶西风秋杳析。”元盛象翁《游丹崖》：“句漏仙升几度春，言寻石室度嶙峋。枯藤缭绕枝何古，宝刹崑峨景自新。竹色满亭人是晋，桃花隔岸世非秦。支颐独立斜阳里，鱼鸟依依总可亲。”明戴师观诗：“台殿参差选胜偏，古藤屈铁几经年。寒池暗与蛟宫接，叠嶂遥知雁荡连。幢影晚风双树外，钟声夜雨一灯前。大还丹灶今灰冷，遗事空传葛稚川。”潘祿诗：“寻仙直到洞天中，云锁琼台十二重。欲问大还无觅处，秋风怅倚陇头松。” 卍

新读山 在泽国南。自丹崖东逾水，其势夭矫，横亘如龙，首

在西南。尝有星坠其上，化为石，故称星山。宋乾道间，凿山西麓通水，遂又呼新渎。鹞屿《陈姓谱》记：元至正间，方氏兄弟驻兵此山，索饷莫敢不与，独其族抗违，遭焚戮，聚头成坟。山脊一带迤平，相传国珍走马处，语有征矣。又二石镜平列。明钟司理世谦构精舍其旁，与叶敬之、戴筠溪结吟社。南麓则宋三刘故宅。明黄伦《走马冈》诗：“山脊昔年曾走马，陇头今日但眠牛。金鞭坠地豪华尽，铁笛横烟草树秋。”胡璞前题：“冈头谁铲平如砥，坦坦松阴几数里。马迹曾留芳草间，蝉声今送夕阳里。”“揽衣吊古思悠悠，一笑披云去复来。太息英雄渺何许，春风流水桃花开。”^ㄱ

灵湫山 距县四十里，界接黄邑。西南高处即翁山黄茅纂。唐岭东北支邑山尽此。崖壁峭险，悬瀑数十丈，喷薄而下，声振林木，远视白鹤双翔烟际，谓之白鹤泉，亦呼龙湫。下有威神寺、郑公台，三坑水出焉。居人多盛姓，宋十八家之一。与圣水山近，故象翁以自号。陶九成云先世自赵岙迁湫水，疑即此。^ㄴ

另支 **镇岩山** 县东稍北三十五里。跨黄、太二县，黄曰慈山，太曰镇岩。北来赤山、沙垟，与县境诸山西起盘山异派，结根竦本，并原瓯雁山。为迂浦后镇。岩立峦居，登降崒嵬，有帅盔岩、大小狮子岩。中凿二石佛，两壁齐列，高广各四丈，篆刻漫漶，略见颜真卿姓氏、赵孟頫字迹。潭井并极清。万安寺基犹存。迤西小屿曰西屿，亦曰细屿，即杜家屿也，旧通海。戴石屏约诸孙九日于此登高，阻风，舟行不前，因归，会景明家山海图^[一七]之上。先有西屿埭，后更为闸。钱井在周洋庄，水清，有铜腥。阻浪山亦镇岩支分，距海，浪入藉以为阻。天赐湖在其下。见《叶志》。故老云：即九朗山，属黄境。宋戴昺《西屿阻风》：“良辰乐事两相关，喜我楼台便往还。不用移舟过西屿，只消把酒^[一八]对南山。风于破帽如先约，菊为新筇欲笑颜。留作千年佳话处，诗翁醉墨照楣间。”^ㄴ

北五龙山 在新河城北，城半跨之。古有灯明寺，山即为灯明山。后称五龙，对县东南五龙山言，更为北矣。平冈崒列，横卧若

龙，中坳处石笋秀出，刻“云窝”二字。里人筑自怡园、不哗居于此，丹翠错间，谷鸟嚶欢，丘壑之胜，殊忘近市。山蹠即宋陶昭书院，壁绘渊明像，朱子尝过题。明丁金台九日登高，刻二绝于石壁上，有“人世浮萍诚浪迹，去年落帽在天关”句，不知其何人也。宋朱子诗：“慧远无此冠，靖节无此巾。此巾要亦有，无此漉酒人。”元盛象翁诗：“尘居趣自幽，脱巾挂龙石。浮云宿檐端，幽篁翳暝色。万卷吟唔声，半山灯火夕。笑谈紫阳诗，跻攀谢公屐。皓鹤唳海东，月明松露滴。”国朝王祚亮诗：“迂浦登高望，山川气象豪。群龙行海尽，列雉入云高。院静闻鸣磬，功成忆建旄。绝怜一片石，姓氏尚传陶。”沈道源《秋日龙山精舍题壁》诗：“五里城环一翠岑，日斜松影落庭阴。坐来万籁此俱寂，商意满林蝉自吟。”“几净窗虚月色临，不须面壁已澄心。木樨香处参无隐，理趣禅机一总深。” 卞

花园山 五龙山支麓，并与锦鸡山近，在新河城东北隅。花园名莫晓自起，载《叶志》时，犹未为张都督家有也。山势平衍，略有崖石，亦所城外护。 卞

锦鸡山 稍在新河城东南。相传天鸡鸣其上，故名。又云葛仙翁赴丹崖经此，以杖击地成泉，至今崖刻“丹井”字。当山颈城跨处，异石森耸，有高巨三数丈者。雍正间，易巡司祖愉镌“石丈”二字。祖愉书画为慎郡王所知，弟祖恂尤名出兄上，“石丈”其所书也。山上塔，明张都督东瀛创筑，胡五峰等董成。龙山书院向之，俨文笔卓于巽维矣。 卞

披云山 县东三十里，临金清港。山形如跌坐，本名跽蹠。每云冒则雨，居民以为候，因又名披云。其称净应山，以山旧有净应寺也。顶置烽堠望高。宋淳熙筑六闸，朱文公与蔡武博镐议于山上立准，视潮退及闸底，即扬旗发铙，令水则各闸齐平。东南麓有泉，穴而为井。金一所提学《记》称其源淳涵不匮，流出云根，泠泠漱琼玉而涟漪？集于其间，所谓云肩雪窠，六月寒生，不是过也。世传张天师凿，呼张师井。元时颠仙张云麓传父草窗术，能以剑画地

成川，寓黄邑妙智寺，又南塘张真人秋泉亦显灵异，不知为谁遗迹。明临海侯翼诗：“披云山色秀东南，爱此诛茅结静庵。涤耳偏宜泉绕户，清怀惟有树当檐。堂深白昼帘垂地，林隔红尘路绝纶。江上一舟归范蠡，门前五柳属陶潜。濂溪风月闲边得，邵子乾坤静里探。万籁无声人共识，寸心不扰孰能谙。石铛细煮云间茗，芸阁香披架上签。与尔莫忘鸡黍约，浑然身在百花潭。”林文介《金清东屿作》：“玉霄^{〔一〕}湛珠露，芙蓉耸云端。烟消蕙帐清，月坠松关寒。中有和阴鹤，振刷盘空翰。高人自成趣，把酒浑忘言。倚栏歌紫芝，陶然天地宽。”^卍

滨海盘马以下诸山 盘马山 县东三十八里，遥接白峰。谢文肃、叶海峰并谓县山西起盘山，至此而尽。或谓自海中来。平地特起，山形四断，盘旋如马。南有仙人洞、观音岩。产木香、半夏、木贼。沙冈泉在山麓，水味甘淡，阳暎不涸。昔有里老梁伏元数人，并辞征聘，庞眉幅巾，徜徉于此，称盘峰四皓焉。明林贵兆《盘马》诗：“盘马山头月如斗，水云不飞低北牖。天青海白人未归，东风漠漠吹杨柳。”

苍山 距县四十五里。海边单椒秀峙，后无连山，惟见苍苍上耸，林木苍然。彼乡人亦呼狮山。迤西有小屿，形如孤鹜，细沙结成岩石，大小累累，玲珑秀润，性能渗水，可供盆玩。岩侧一洞，曰毛良洞。昔松门梁真人曾此习静，以净菜水洒救灭人火，事同栾巴。或云毛吉良者，为伪官，潜逃隐此。普照寺在山下。约行四五里，有旧茶园，僧种茶处，《叶志》茶山是也。山南观音洞，穹隆深窞，时现佛光。其东为甘岙，曾石塘铎祖居在焉。有下礁、石门、东浦、马蹄石诸景，元人有诗。海滨多捕鱼船，名苍船。稍大者曰舡舡，戚继光用以破贼，谓得海船之中制。杨柳坑在长礁。鹿头门乃苍山人系网处。宋戴复古《苍山访曾子实》^{〔二〇〕}：“故人子曾子，居处近金清。福地佳山水，诗家老弟兄。十年重会面，一笑最关情。万象亭前月，今宵为我明。”曾启申《下礁夜泊》诗：“崔巍礁石濒海涓，渔郎却得长相依。帆腹饱风清晓去，橹声摇月黄昏归。得鱼沽酒即酣睡，船泊礁边稳于地。沙禽叫起梦中人，披蓑急看潮来未。”^卍

松门山 县东南五十里海中。王羲之《游四郡记》^{〔二一〕}：“永宁县

界海中，有松门屿，岛上皆生松。”《读史方輿纪要》云：“在里港之外，两山相对如门，舟行其间，山上皆长古松。”据此，乃海中山。今皆以卫城北寨基山当之。宋建炎四年四月，高宗温州还^{〔二二〕}，御舟遇风泊山下。经圆岩潜济潭祀龙神，赐庙额，玉音亲书，勒岩上，在龙王堂，亦城东海山也。元永嘉张天英《松门玩月》：“徘徊青松门，鉴我古明月。零露沐青髯，玄珠烛寒发。愿言驾云螭，飞步上天阙。微雨中夜来，北风卷成雪。”国朝闻国政题崖：“千丈崖空龙已飞，至今瀑布下云霏。康王曾此祈潮助，遗迹传闻在石矶。”

伏龙山 在松门旧卫城，一名崇宝山。城围九里，东北跨山而筑，横长如伏龙。山后有井。其尽处曰螭山。东小屿名伏龟。距城不远，南有铁局山。国朝江左《铁局山记》：“伏龙之南有小山，高不过十馀丈，长倍之，厥状若翠屏，明初下置铁局，即以名山。松城雄堞若环带，此山为外障。其上有浮图，俯视深崖，可百馀尺。下嵌空处为玄坛洞，夕霞朝气，出入其中。山跌巨石磊砢，偃蹇怒突，难以名状，皆薄碧潭。潭广轮约二十馀亩，淳涵滉漾，月上叠开，风来穀皱，若乘小艇，持螯举杯，使奚童击楫歌小海曲，诃不快哉！北岸山房数楹，在绿竹猗猗间，余题之曰‘安乐窝’。群物效其奇，烟云变灭增其趣，营丘着色山、王洽泼墨画，皆在吾眼前。惜此地游屐稀至，奇胜不传于外云。”明黄正儒《伏龙山观海》：“海天万里瘴烟稀，酌罢蒲觞上翠微。隐见即看三岛近，汪洋终许百川归。蛟龙得穴春还卧，鹰隼连云晚更飞。今古浮沉浑莫问，长风为我一吹衣。”林贵良诗：“长风不动曙烟苍，缥缈飞楼万仞冈。山拥五云仙世界，地悬一发水中央。天空海气浮寒郭，月上潮声到小堂。便欲移家住瑶岛，不堪波浪皓茫茫。”^{〔二二〕}

三女山 在海中。二石如松状，号石松，潮平则没，舟行必避之，世传为如来出世。距东镇一港。或谓松门以此名。^{〔二二〕}

石塘山 东南悬海，旧黄岩之六十六都。明初，以倭所巢，徙民腹里，墟其地，今悉垦复。宋末陈侍郎仁玉，及元季温州路教授狄奕基，皆弃官避难隐此。其地有西岙、后岙、茗岙、蒲岙、大小姑岭、杜岙、西沙、新岙、大岙、慈岙、大小田湾、磊石、大小菱陈，总曰石塘。东有青礁洋、大小塔、绿屿、钓棚、洋岐；南有五百屿、龟峰、礁头、竿屿、永屿、党屿、箬屿；西有鹿星、横子、片屿、鸡脐、深竹、

母珠、上童、下童；北有佛坛、三所、白望。在台极南，而远达海外诸国。五百屿最大，与石塘对峙。雍正间割隶玉环，新又以石塘十四山仍归邑管。居民祀天后、杨府甚谨。卍

积谷山 石塘东稍北。上锐下阔，如谷堆状。卍

赏头山 山下有石阔寻丈，窆而得泉，海舟过必取汲。宋时置酒坊。尝有释师彦自瑞岩浮海至此悟道，改赏头为岩头。或曰岩头别一山。卍

东镇山 《临海记》：“洋山东百里有东镇大山，去岸二百七十里。生昆布、海藻、甲香、矾等物。又有金漆木，用涂器物，黄金不殊。”永昌元年，司马孟洗以闻。中有四岙，极险峙。望见海中突出一石，舟之往高丽者，必视以为准。《赤城志》：“悟空院在海中东镇山，晋天福六年建，宋治平三年赐额。旧传有金钟，寨官胁而取之，登舟，人钟俱溺。今水际时见金光。”据此，即《叶志》悟空山，与三女山隔一港者。今海图，石塘西南大小蒜外，有洞正山，即东镇音讹尔。卍

大陈山 东南海岛，惟大陈最大。有淡水，地膏腴。明季倭巢于此。防守至切，内港迂曲，难以拒贼，必至此迎战，技乃得展。相近有南赤礁、夏公岙，皆海中小山，可用伏。出大陈、披山，则大洋无际矣。卍

附 叶良佩《太平山水记》太平，古东瓠地，为南纪山河之终。南纪之山，首自岷、蟠，蜿蜒迤邐，缘江南北。其北为湖北襄、邓、江、黄、舒、庐、广陵诸山，其南自荆山南逾江、汉，至于衡阳，乃东循岭徼，达于闽中，稍折而北，达于东瓠。《星传》所谓“南为越门”是已。越门之山，虽以会稽为望，然括苍山最巨。自括苍而东行，北为天台，南为雁荡，复由雁荡折而东北，至盘山入邑境。盘山东行五里所，分而为二：其一稍折而北为大唐岭，东至于白塔山，东北至于灵湫、圣水山，又东至于白枫山而尽。其一稍折而南为王城山，东至于楼旗山，亦曰海峰山，东南至于峤山，东至于梅岭、鹤鸣山，又分而为二：其一南行为石盘、大雷诸山；其一东行为亭岭、五龙山，东至于叶茶寮山，东北至于紫皋、

长屿，又东北至于盘马山而尽。两山之间，沃野弥望，自西徂东，以尽于海。厥有条连而支分，则为百千山、大闾、狮子、石粘、楼山、玉山、丹崖、灵伏、披云诸山。地尽而气郁，屹立于海中，则为松门、石塘、玉环、赏头诸山；脉隐而精露，散布于平野，则为瓦屿、关屿、鹫屿、夹屿、木杓、秃、截、茶、叶诸屿。厥有邃而隈则为岙、为坞，高而秀则为峰、崖，险则为岩。瓮^{〔三〕}石则为岭，穴则为洞，迸则为泉，冽则为井，流则为溪、为涧，汇则为濑、为注，浸则为湖，滃则为潭，通则为河，支则为泾，堰则为塘、为埭，泄则为浦，率缘山之势以行。率发源自西南，曲折东北行，以入于海。予尝乘笋輶偕二客寻海上诸山，指顾脉络，历历如贯珠不可乱。顾谓客曰：“昔晦翁先生度括苍，谓从者曰：‘江浙之山多自南来，故其水多北流’，信哉！”自是遇断碑残刻，则录之。读一行僧《星传》，得其源委，作《太平县山川记》。而赋咏之出于断碑残刻者，亦类为一编，以附其后。广

叙 水

四城之水 县城 古泉溪分二派，一为石林溪，源自梅岭诸山谷，由明因寺行今城中；一为江家溪，源自白箬溪、石井坑，经江家桥行今南城外。下流会合，同出狭口河。居民在两溪之间，昔人诗所谓“五桥明月双溪水”也。立城时，虑当溪冲，暴雨莫泄，置西水洞三、东水洞二，令宣泄易，城外更浚壕停水，世称木城河是也。新于明因寺东筑石坝，并遏石林溪水南行，与江家溪同出大远桥，于是石林溪正流不复入城。然城中水皆其隐脉潜注也。一支自上水洞关庙西流径阜民桥，过三元桥，出下水洞，为后溪。一支自西门凤尾桥，径太平社堂二桥^{俗称中溪社堂，即卖鱼桥}，皆伏流，见于学庙西井及城隍庙前池，同溢为学前溪，出东城下。新街水则发源百千山岙里，自小西门入，径新街折出北门。长带楼水径南城下，东北入学前溪，为江家溪伏流，再见即古双溪会合处。初惟新街水北行，至沙埭出河，城内水并东自镇东桥出狭口，今悉从东而北，经万寿寺前后过树桥，出沙埭上下闸，入下保河。其上源之水，即在西山下会江家溪，行

城外，仍出狭口焉。东门二水洞一尚通水，下即牛轭潭。世传飞来二钟，一沉于此，呼为“无底田”。西三洞塞。城中积潢，以学前为巨，终年澄绿，月临镜净，鲫鱼群游，有若乘空，古范章池也。北隅有蛟池，亦伏流所出，池侧岩石奇矫，尽有头角，玲珑秀润，池虽半涨，犹丛葭苇。民居左右，并环清流，既便取汲，兼有风泉之趣，斯山县佳致矣。处处有井，可名者曰慧泉井、梅泉井、北门井、当街井、寒冽泉。卍

城东 镇东桥水，旧接大远桥溪，今有沙塘之阻。惟学前溪水分派，经此东北行，过万寿寺后，合后溪、蛟池水，会于埭头。卍

城南 大远桥，即双溪会流而南，合梅花庵、小泉村水亦名松溪，径雅屿桥，出狭口河。

城西 溪源所出，群流交汇，大雨势尤盛。石坝一道，雍正间筑。卍

城北 新街水出焉。至树桥，与城中诸溪水自埭头来者合，并受北山、井头坦、莞田岭诸水，出沙埭河口。卍

元明天东诗：“五桥明月双溪水，两岸楼台十字街。最是夜深难及处，家家灯火读书斋。”明林璧《泉溪》：“灵泉涨溪盘百曲，云根流出葡萄绿。广寒宫阙夜沉沉，素娥飞下波间浴。”“溪光月色共婵娟，化为千顷玻璃田。扁舟乘兴不知远，飘如云汉乘槎仙。”黄孔昭《郊行》：“偶因携客出桥边，长立西风思悄然。雨湿层峦寒照日，天围平野远浮烟。闲花落树鸣秋涧，晚稻含香入暮年。看尽飞鸿重回首，数声渔笛隔前川。”黄伦《题泉溪苏侯南新楼》：“磅礴河隍著小楼，胡床清夜美遨游。凭栏笑对松萝月，帘卷西山一色秋。”林贵兆《寓泉溪出郭独行》：“一雨十日今始晴，沙岸草干双履行。老插山花渐灼烁，静窥潭影悟空明。门通古寺堪孤往，地接邻庄得耦耕。住此自然名利远，底须方外更逃名。”陈纲《西城水楼》：“野客孤城逢九日，迥临官阁共看云。天连断嶂千重合，雨送飞泉百道分。黄菊故园空自好，白鸥南浦若为群。更为古曲河汾上，十二楼中散夕曛。”卍

县境之水 狭口河 在县东隅。石林、江家二溪之下流，出夹谷间，因名夹口，曰狭口者，谓出口流始狭也。东行接横湖。河侧

有皇华亭，往来县城泊舟处。先有病僧住此，绩篮为食，坐卧大士旁，一夕，灯芯如球，照灼满路，若有语云“西方寄信来”，越岁，灯彩如前，僧乃自焚化，烟焰中犹举手与人作礼，舍利为人拾去。此僧莫晓来迹，或说水洋浣头人，邵武同知王士瑞族子。卍

小河头 在亭岭下。从黄淡岙来，会山下金水，出三升桥。河步有廛有次，商人贩薯，于此舣舟登陆。卍

屏下河 其源出锦屏山。自龙潭岩屈曲环流，号龙蟠溪。渐深，会下河并小河头水，经渭樟前后，名渭樟河。桥侧有解温亭。出口与大廊渭对岸。元时季孟完家此。大樟一株，横卧过河，呼樟木桥。兼有九华奇石，其高寻丈。后徙温，石沦于水，樟亦旋伐。或曰章氏世居此，渭樟当名渭章。俗讹渭罾。旧志作渭漳，并云即江家、石林二溪水。搜渠访读，颇违目验。卍

横溪 在亭岭南。一源自林岙、郭岙，绕出五段山前；一源自姥岭、小坑洋来，交汇为横溪，流出湖没。旧志：“横溪源出练溪”，谓出练溪里，若练溪即闰溪，有姥岭之隔，不得云出矣。昔虞司马仲房隐此，号横溪真逸。其间崖嶂峭险，虎牙杰立，倾澜布瀑，诸溜潺潺，竹柏丛荫，微飙暂拂，则芳溢于六空，洵高贤所栖托。至今有溪堂遗迹。宋虞似良《题横溪堂壁》：“田塍常满雨常徐，绿遍溪南我独无。珍重天公不遗物，也分馀润到菖蒲。”余姚孙应时《和赵师白韵》：“野桥高竹转修篱，问讯东风步履随。雨过天清水声急，山长云白鸟飞迟。从来丘壑多幽兴，随分风流到小诗。一榻烟霞须早计，莫教容易鬓成丝。”国朝杨特耸《横溪道中》：“行人无人境，春深雨乍晴。高枝啼桔鞠，古庙窜鼯鼯。山翠如眉列，溪潭照胆清。结茅爨高士，于此谢尘缨。”

湖没 在消湖南。凡水自三岙、百亩埭、长潭来，与自黄仙岙出小星桥及横溪之水交汇于此。夏秋暴涨，平地浸中滉荡，一望类朝那之秋渊，故曰湖没。俗曰湖末，此处亦消湖上源，言末，非。旁近有蓝田，本亦澜田，义均湖没尔。三岙为姜太守故居。水出洞桥，过白鹤，庙前石鼎，宋理宗时物，林凤仪诗“牧童敲火岁月深，依稀

犹有咸淳迹”，谓此也。积庆废院枕楼屏，则元王藏六处士故宅。广

消溪 亦曰消湖，在五龙山下，长二里。源出县东南诸山谷，上承湖没，出嵯湾，达于横湖。彭家桥在其中界。渊澄不测，翠崖悬映，常有水鸟群飞，白光一片。《明一统志》：“横溪有石壁，高四十丈，插入水中。虞仲房刻诗壁上曰：‘野草闲花洞口春，碧潭如鉴净无尘。江山好景携不得，漾入酒杯和月吞。’”《叶志》载消湖下，不言刻石。今石佛岭刻此诗，并镌“焦山赤壁”四大字，出明万历年间人手，旧刻已迷其处。别有濡溪，自消山南北岙发源，至凰山左翼下汇成五曲，初深丈许，今微津涓流，阳暎不耗，澄湛可爱，名圣龙水。明戴友南《消湖垂钓》：“群山南来渚作渊，四面环立青青峦。幽人一丝寄闲钓，片石扫破苔锦斑。斜阳微风动清馥，细波龙鳞皱寒绿。荷竿归去行且歌，床头春瓮新醅熟。”陈元翊《消湖》：“阴崖沃如雨，山光瞰晴湖。水深草更碧，岸花吹欲无。我时览兹胜，志得神亦舒。超然方寸地，邈与天壤俱。颇闻名教地，理乱同一区。惟当守吾素，即此是良图。”戴仿《访濡川陈月塘》：“西林有趣趣，隐约盘寒川。更有耽幽人，卜筑川之边。朝耕川上云，暮钓川上烟。方寸本虚寂，一鉴同泓然。为君动清兴，把笔蘸飞泉。”赵大佑《濡川》：“两桥流水清通壑，十里飞花乱扑衣。何处空山问行迹，白云茅屋紫芝肥。”广

横湖 在百丈岩下。东南溪流三十有六皆会，渊涵澄澈，有玉湖之称。最宜月夜。谢文肃歌云：“横湖之水兮清且涟，方岩之山兮极高天。”此处名胜，于县境亦一鉴湖、夏盖矣。明邑令袁道《横湖留别》：“新县迢迢台更南，水村如釜海涂咸。临行泪滴横湖上，流作忧民万顷潭。”王光《横湖舟中》：“十月南天阴复晴，小舟荡漾玉湖平。山纤碧树依云转，水落寒沙带月明。近市楼台遥入望，傍人鸂鶒漫多情。由来吾道沧洲远，一曲莲歌自在行。”广

下保河 在县北五里。沙埭水所出，并承浹口河会横湖之水，北行自双桥达神童门，东行绕渭渚会上阳水，出叶梁桥。地势低洼，易受浸没。其中水道交错，条贯系夥，客舟乍至，往往迷失，摇历数转，仍回故处。自山上望之，盘旋九曲，历历如绘，九龙汇所由名。上阳去此五里，有桥。明儒王静修特所居，有无逸堂。尚书黄久庵

及唐龙有诗，门人戴师观记。

紫高河 自淀岩潭发源，流至鸡鸣埭，过弥陀桥、汇头王闸，入官河。凡水多西来，独紫高水由东而西，西而北。中溪在鸡鸣，流不甚大，屈曲泛滥于晓石间，湛然清景。万工池在其东。岙南有马塘，捍山水暴冲。相传五季闽叶姓避王审知^{〔二四〕}乱隐此，其后有叶健，力负千斤，成此塘。前有大浦，受泉溪、消溪之流，至此岸阔水深，漭苍一带。由北而东可达金清，为松卫运粮故道，水路改异，无复浦形。又有鹤胫水，在凰山南，长五里，无支流别派，汀多菱荇。卖盐泾在凰山之北。国朝吴虬《折柳枝词》：“鹤胫河边折柳枝，鸭头初涨绿差差。美人南浦愁深水，游子他乡感故知。社鼓声残飞鷓鴣，溪桥沙暖浴鸕鶒。他年一种乡关梦，都是丹崖往返时。”

石粘河 在九都，横湖、齐江诸水并会于此。旧水道直出麻车港，今石粘街桥侧有埭遏水，北有横塘闸，非复昔时川路。正西为杨家渭埭，后洋郑在其西南。河间有涌泉焉。卅

莘塘 在十九都。旧与后洋郑同里，隔桥相望。其水际天成崖隙若塘堤，尝生莘草，绿如蒲艾。其土宜桔柚。明林氏居此最盛。黄岩江春坊灏诗：“三秋泽国鲈鱼美，十里林塘桔柚香。”今舟行惟桑麻遍野，无复木奴千头。稍前至下洋林，宋洪氏别业在焉。村中有明季旧宅，梁丽柱楹，悉斫而方，规模甚壮。故老言：未分县时，黄令下乡征输，皆舍之。时代更易，犹岿然作鲁灵光^{〔二五〕}也。卅

莞田河头 距县北门二里，行舟往来，并此起泊。出口北行，会叶岙、范岙、鉴洋诸水，与高洋相距里许，隔岸相对。河心有小屿孤浮，纯土无石，大浸不没。其地乔木阴森，田畴膏沃，向多富人，幽亭静馆，过客增兰渚清游之兴，传有赋咏。舟行出神童门，由泾口而过。国朝知县张仕骧《高洋留题》：“园林无世情，偶来增寥寂。相与坐花茵，徐徐心有适。事业我如何，崎岖惊所历。谈笑已忘归，夕阳横石壁。”山阴李发枝《过高洋》：“一日三秋思，孤帆十里赊。殷勤昨夜梦，来往故人家。归径循陶柳，春瓢煮陆茶。如何兴未尽，破晓有群鸦。”卅

官涓 亦名莞涓，在十七都。环村皆水，枉渚交奇，突有岩石坡陀负土而出，皆长寻丈或大如半间屋，累累散布，似鱼腹阵图^{〔二六〕}，名为诸葛屯，俗呼岩龙。盖西来马望，山脉郁勃复发于此。水乡饶菱、芡，鲫、雁银鱼^{〔二七〕}胜平望。平田蔡氏遗裔居之。据《宋景濂集》，又为网得钱王铁券处也。自神童门来舟，经其间出口，即马望头。故有庵，为卢山人竹斋修玄之所。国朝林乔丰《莞涓别墅》：“小筑临清镜，轩楹取次齐。日长沙鹤静，春暖早莺啼。略约烟波外，零星竹径西。面鱼堪入馔，何复事轮蹄。”^卅

水洋 在十七都赞善里，一名齐江，蛟川、云浦皆其异名。有东洋、西洋、南洋、祥里，皆金氏居之。六合教谕愿学所居曰长洋宅。并环水。远山月明，天水同色，清入肝肺。或遇微雨，云气满江，弥漫一片，遥闻渔歌和答，其声绵邈。南出半里即横峰，马望稍在其西，皆大河关锁。横峰桥本宋洪氏接洋桥，旧志作月河桥。自此北抵鹫屿，尽泽库，月河其通称矣。乾隆间，金氏新于桥旁立街市。祝家洋在水洋东，洞山黄侍郎世显少从金云浦先生读书其地。侍郎金之自出，大母则祝氏，相传元进士蕃远之裔。县西有祝家岙，祝先盖著姓云。明金一德《江亭晚眺》：“碧桃红杏倚阑干，映水繁华足胜观。莺语似传春色好，花枝犹怯晚风寒。貂裘已敝浑难问，龙剑新刚只自看。日暮江声还入座，可无舟楫济狂澜。”金敞《与叶郎中泛舟齐江》：“夜泛楼船棹碧天，蓬瀛何处挟飞仙。闲中胜会人如旧，老去清狂兴倍前。隔浦疏灯依古树，横江孤鹤绕歌筵。醉来不觉忘归棹，且向中流藉枕眠。”国朝金季璠《月江》：“四旁环绕群山多，中间一道穿大河。屈曲上从黄岩下，形势盘折如旋涡。南舟北舫错杂弄，寒潮夜上人声哄。更有渔人纷纺织，施罟泔泔无停息。月江与月一色新，沿江对月年年亲。不时一下横矶钓，何必严陵无替人。”《横峰即事》：“横空遥跨势如虹，两地中教一径通。每夜有人闲踏月，傍桥新筑斗牛宫。”^卅

五里泾 在水洋、江洋两界间。自镇东桥俗名五里泾桥抵念佛桥，其长五里。念佛桥近大池陈，瓦甃所出。水湾一处波常湓涌，类济南趵突泉，或状似撒沙跳珠，移徙不定。河流阴涸，此勃勃气蒸，干曠见底，有百十小孔泛涌不止，名自涌池，致江中一异观也。^卅

松溪 在十八都。由温岭诸山谷流出中街，会西源山水，南过下凤山，屈曲达北珠村桥。此地古松山里，故溪亦氏之。西源即道书东西二仙源之一。ㄎ

兰溪 即硐山溪。在牛鼻山北与三井潭水合流。夹溪多兰草，微风吹送，幽芳袭人。径硐山，会上垵、礁湾、北珠村诸水，与松溪水自温岭来者并合，出珠村桥，又受深山水，出楼崎桥，达马望。上垵南有马桥，北有古闸。礁湾，潘教授孟翔故居在焉。深山旧有龙光寺，一日大风雨，洪发高丈许，岩崩寺陷，今山坳深处存寺形迹。别有栗溪，在瑞峰山下，源从嵩岩、九阂山流经祇园寺前，两岸丛生茅栗，出口与兰溪合。宋徐似道《北闸停舟》：“昔人筑斯防旱涝，龙钟常相天地造。舟航群泊沙外汀，酒旗斜插江亭小。岁岁常丰民自怡，几家灯火儿诵诗。何处渔歌芦中起，欸乃一声山月低。”《马桥秋月》：“石梁横卧清溪曲，波光上下风吹绿。海东推上月轮来，鳞龙闪闪浮寒玉。昔人呼为饮马泉，至今饮者谁投钱？吟馀不觉露华重，桂花香堕绡衣寒。”ㄎ

龙鸣溪 出温岭龙鸣山谷，自孟家岙流出西源山，与硐山水合而东，又南经下凤山，至螺屿，达神童门入县。虞岙水东出会于螺屿。ㄎ

温岭步 官河自黄岩来，抵温岭街而尽，诸溪并会焉。其南出而为江者，在岭栋外，俗名江下，通山门、楚门二港。凡海舶西去温州、乐清，北至台州、黄岩，率于此舫泊。宋置驿，水陆兼递，元设巡司，今有关有汛。乾道初，黄尉杨王休欲凿此岭，令河水一直通江入海，免邑水患，议者难之而止。泉溪既立县，则此岭又县治来龙，益无所容凿矣。宋赵抃《过温岭驿》：“昨朝初泛临海舟，今暮已登温岭驿。秋风阁雨波不扬，风伯江神俱有力。”杨王休《议凿温岭》诗：“黄山形势南如窝，四十馀里趋月河。年年七月八月雨，稻田弥漫浸沧波。异时都水使者至，东开铁场分水势，地绵力短功未成，尺一催归卒吞志。旧画茫茫如弃井，百年遗迹成灰冷，我来吊古更寻源，并水沿流至温岭。岭之首尾少低昂，如衡称物铤铢强，外即大海枕平麓，相去往往寻丈长。天造地设巧乃尔，胡为弃此而取彼？兴废成否抑有时，不独今非古皆是。”

比来经营烦令君，便有异议争云云，常情自古惮谋始，岂料疲秦终利秦！”^卅

楼崎泾 在楼崎山南。西通河头洋，南受温岭诸溪水，出楼崎桥，过马望，北达月河。左旋经横屿浅，过牌门桥，抵石刺街，舟楫往来停舶处。左近小屿曰鼠屿，古庙银杏甚巨，名银杏殿。旁祀郑将军小二，俗传新建人，生有神力，山石笋二株，一为所断，寇逼乡里，藉其保障，遂庙食之。或说神盖乘灵牛山，有人损山脉，因死。牌门桥为明金氏孝母祠建。

百桨渚 在十五都。南岙、唐岭、大、小溪诸水会焉。东出西麻车桥、下戴桥、深桥及念佛桥，入五里泾，又东至齐江，北合新建河。水深处有渚，港路回环，舟行百桨始尽。篦丝潭在深桥下，潭极深，悬石下缒尽一篦丝不能及底。大旱河涸，此处探之犹深数十丈，桥名因此。卅

白箬溪 在关屿。源出唐岭，自溪口屿历施家山黄岩界，至潭头。又有小水从其前汇为葫芦池，与潭头水合。赵隐居维石于两界处建闸。南行绕关屿上桥殿，下出箬滩。先水颇浊，至小屿前渐澄，前人有《箬水分清》诗。此处闸亦赵隐居建。出滩与桃溪、大小溪水会于百桨渚，入官河。西北抵下村，双菱池在其间。卅

下村步 在十六都。界两县，街西北即黄境，一桥之隔。舟行至街而尽。其水近出南岙，远自盘山，皆涧谷间小津，散注田塍，惟大雨后流始盛下，与白箬溪并汇入河。卅

大、小溪 亦在十六都。大溪自乐清太安山俗名太湖山发源，小溪自湖雾山发源俗名鸿武尖，各流五里，将至况桥，合流达于河，总名双溪。有双溪堂，侍郎街，宋王少保居安故里。宋徐似道《溪上值雨》：“行到溪光竹色间，客怀于此最相关。无端一阵西风雨，不许从容坐看山。”元林昉《将赴东嘉过小溪》：“傍桥买得小溪船，略举离杯去意悬。一水夕阳空荡影，数峰晴树碧生烟。秋声不断云间雁，别恨深酸柳外蝉。后夜他州有明月，定知相忆不成眠。”^卅

桃溪 在王城山下。南北二派，俱东汇为湖，《赤城志》之“溪口湖”也。方岩乡所辖湖南、湖北二里，以此为界。在南瓦屿侧，川流戕改，葑田淤积，存湖形迹而已。溪旁有宋隐士于恕、项诜故址。谢文肃于此建书院，由登云桥而渡，桥故项氏筑也。宋戴昺诗：“桑竹森森绕屋边，美池清泚浸良田。桃源只在桃溪上，不信壶中别有天。”明谢铎诗：“浅水难容棹，繁花自作村。分明幽绝处，不是武陵源。”^卅

嵩溪 源出嵩岩龙泓。由部洩流径牛山、南瓦屿侧，会大、小溪，达百桨渚。又一派出董三桥、俞家桥，至许家渭，东南入五里泾。元黄岩余运使尚则父辞方氏聘，徙邑南建山侧，俞家桥本余家桥。^卅

新建河 与百桨渚同源。自杨岙流入，历陈大娘桥，至潘郎桥。又自元家桥以东，上通念佛桥，下接镜川，达鹭屿。于中缠络支烦，访渎难悉，致江其统名。潘郎桥烟户数百家，枕山立市，风帆雨舶，络绎不断，亦一繁会区。昔沈岙潘姓族繁于兹。元元贞初，潘道之才美同安仁，为闽校时，故宋进士黄荀龙赠诗：“龟岭千峰外，黄岩一月程。潘郎教宁德，光显旧家声。”潘郎盖道之，桥其所建。此处一水三桥，俗凑集，遂以“元”作“愿”，云“陈大娘愿嫁潘郎”，其诞类小姑嫁彭郎、杜十姨嫁伍子胥矣。相公渭在潘郎桥东里许，元姓居此，里人尊其唐相公之后，遂得相公之称。今临海民家尚存有元相公微之诰轴。相传茅山繆守谦曾此栖隐。与《北史》李雄所居呼秀才村，同非实也。^卅

翁岙溪 在十四都。《叶志》：“源出尹长岙。”今目验：一自塔头岙分水峡来，一自普济寺侧瀑布水来，并出杉屿，至白塔，径过马嘴山，与天黄水会，金岙水亦自坦头^{〔二八〕}会，东南注之，同径应钱桥，出下珠山。天黄河头俗名水沧头，有宋时书院故址。石龟大桥距此数百武，巨石横仆丈馀，背穹起如龟，大水辄与俱高，羌不碍行，亦奇迹也。应钱桥，《赤城志》为应田桥。^卅

竖石泾 水自天黄河头来，出黄泥桥入此泾。北尽扁屿，对岸为蒋洋、蛇屿。国初，白头贼何兆龙^{〔二九〕}等各处焚掠，每乡团兵五十人，泽库曹朝辅充团总，闻贼来关屿，出御，禱于里之雄镇庙在虎头山下，明为惠通庙，拴马树间，方拜，马逸，众十数辈追之，自丹崖山后绕凤城岭，适乡兵与贼众斗此桥上，望见马驰过岭，大呼“救至”，勇气百倍，贼骇中伏，溃走，追斩，积尸桥下，河水为赤。是役也，有神助焉，舟行过此，人犹说之。卍

下珠山泾 为金岙、翁岙、白塔水所汇处，山多圆岩碎石，故得珠名。北由双桂桥可抵新渎、鹭屿。东南自白山门旋出骊岙，水路五六里。龙井在左近，世传严岙白龙徙天黄山经此，坠地成泽如井然。三桥五井皆元末鲍氏遗迹。骊岙头面水，上有堂，诸姓讲约之所。林木幽邃，谢文肃、赵方崖、叶海峰皆读书其中。明陈大有《乡约堂邀叶海峰》：“飒飒秋声入夜长，中天飞露薄衣裳。可怜凉月悬孤照，那复清樽开锦堂。聚散浦云愁老眼，寂寥邻笛断刚肠。相传尺素冥江雁，徙倚荒皋落叶黄。”卍

蔡家泾 在灵伏山西北。源出流庆溪，因流庆寺所在而名。北行经小牛桥入泾，至张家埭，逾埭即新渎。宋白山蔡氏散居泾侧，有《蔡家桥故事》钞本。《赤城志》记桥在临海，并附里谚，原本无之。卍

江洋 在十四都。以致江环绕，故名。或云迨裔孙居此。自灵伏西麓水流萦折而南而东而北，净圆如镜，茂林长薄，阡比阡联，突烟起于屋雷，成大聚落。应鄞阳志和尝绘为镜川图。先王太守原贞赘于叶氏，有花园池，其子溺焉，尸隔水浮出泾，人甚异之。叶海峰《七怀诗》追悼太守以正直被谗戍边，又死无后，有“毗离旧梁笥，展转梦见之，省堂有遗些，一咏三叹而”之句，缘里人神其子事，肖像祀之，以永王氏香火，额曰“福世”，俗呼黄蒲殿。舟行所经多于白蒲桥，即《赤城志》白菩埭，前后故皆葭芦丛积之处。其胜又有长池、荷塘。明许伯旅《荷塘为叶预轩赋》：“金塘溢河气，水屋凌风开。冷然碧

筒饮，笑彼流霞杯。贺监今已远，谪仙当复来。留连镜湖曲，怅望心劳哉！”永嘉黄淮《镜川图》：“山接平畴望不迷，镜川南面足幽栖。钓丝曙拂波千顷，烟笠寒冲雨一犁。雅有高人问松竹，喜无俗客驻轮蹄。风光如此真堪乐，杜老何须忆灞西。”黄岩王嬭^{〔三〇〕}诗：“彻底沧浪不待澄，光涵星斗玉壶冰。有时流出桃花瓣，错使渔人认武陵。”黄绾次韵：“灵峰洞口秋气澄，昔曾照胆冷如冰。因君乞我镜川句，忆泛寒溪溯武陵。”

鹭屿泾 在水洋北，新渎东南，当官河南来之冲。泾道浅隘，有山之阻，宋孝庙时，楼崎王隐居立之尝议疏凿。其地有街市，有庙有堂。桥曰月河中桥，亦名官塘，即古月河埭也。先埭北大流东旋出朱砂港，达狼岙，别有小支从建法堂前沿山北行，出港与会，今已淤塞，惟大流独行。自石粘、祝家洋，各处有坝。凡县水东南出横湖、西南自温岭、西北由百桨渚，及新渎、竖石已上诸水，悉注此泾。新于此建闸以限。闸内皆平水，闸外潮所至，为出港通金清入海之路，实半县水道之咽喉云。卍

新渎泾 在泽库南三里星山西麓。崖石下生水际，颇碍行舟，宋乾道间，黄尉杨王休铲去险阻，开支泾以杀水势，因曰新渎。开禧间，蔡令范加浚。先有埭，今改闸。下水南出桂下洲，由鹭屿北出港，达狼岙。上水仍与泽库水合流而东。卍

扁屿泾 在新渎西。小支自张施桥通泽库之五龙汇，大支连泽库之前陈，注新渎，西南则自西洋桥抵竖石泾及下珠山。屿前后旧皆陈姓居之。苍岭云房为明初茶陵令子显遗迹，珉府长史张孚赋所谓“盘白石，坐苍阴，奏白云，发清吟”者也。厥后钟姓繁焉。温岭戴解元筠溪少读书扁屿，因醉仆庙神宋九尚书像田中，后自京假还过此，两舟相并，间有贵官覩面，谦从甚盛，若识认者，久之，悟为前陈庙神，遂感疾不起。见《钟氏世集》。卍

泽库 在县北四十里。黄岩官河自白枫来，至新桥入境，并受三坑及天黄、竖石诸水，以水所钟，支流四注，号为泽国，亦曰泽库，

讹为石库。西、南、北三面有山，迤东一望平畴，大河径其西，由新渎、扁屿皆可达县城。其入海之道，过新渎闸，由鹭屿出朱砂港；或自五龙汇东行，出楼下泾、下渭头折而南；或稍南而东，由泥桥合山南西来之水东行。又一水从黄岩桥因分界处而名出泽库后，一水自泽库街心马？桥至关庙桥而合，东出蟹箝埭，今河道有通有塞。五龙汇水中一渚，当官河，东边有流五道环之，高处望见，如群龙之攫珠，交奋厥势，虽大浸稽天，渚常浮出，因得五龙之目。马？桥，宋阮景芳母马氏筑，裔孙二尹思诚尝修之。县北水乡以泽库为首镇，官道亭下舟楫往来，喧声彻夜，为昔时竞渡处，村落千家，鱼虾满市，兼冶铸之利。宋郑氏世居此。地之胜有双桥、假山、鳌台、鹤沼。南行里许前陈，古德星里也。自横峰来，遥见新渎、丹崖两山夹峙，俨泽库之门户矣。宋郑瀛《官塘竞渡》：“长江百里浓于醅，天风吹作云海堆。吾乡好事重佳节，龙舟两两争喧豗。今人不识灵均意，只作龙舟多竞渡。汨罗旧事付苍烟，空有遗歌写哀些。”《四泽晓霁》：“泽水回环六七里，中流拥出一壑市，桃花吹浪鳊鱼肥，红蓼翻风蟹螯美。渔郎业渔相忌猜，欲晓未晓江上来，举罾交错不知倦，欸乃又入云海堆。”明戴豪诗：“不受京尘染，真怀泽库清。平生无所爱，观水独多情。柳外新矶静，鸥边小艇横。沧洲未得去，吾亦濯吾缨。”胡来甫《双桥》：“月明如镜谁拂拭，秋波一照冷眉色。昔人欲作空明游，鞭驱山石横深碧。千秋对跨沧江头，登临有客何风流。停杯问月月不语，吟边惟见双白鸥。”^①

三坑泾 在十三都。源出灵湫山。湫水注处，前横一池，名白鹤啄鱼。初出分三道，环绕人家篱落间，渐会为一，东行入苍屿泾。岸南邑界，北黄岩界。经女郎桥，注泽库官河，出口处有小闸，九亩池在下。泾侧有大鰻，见则风雨。元盛象翁《溪上即事》：“东风扇起寒云低，膏腴万顷环清溪，落花雨歇饭牛出，一犁耕破芳草肥。夕阳淡淡鸟声碎，水云梳栉青蓑脆，卧龙久卧人不知，一声长啸水无际。”明天台夏鍤《过三坑》：“两舍鸡声篁竹地，数椽林影白云村。千山北望连华顶，万壑东行到海门。渡口风烟留短照，道旁冰雪霁微痕。谢家酒赋经年断，去坐方岩仔细论。”^②

连树桥港 在九都。水自泽库东行，折而南，过三衙桥，东与

黄境十字泾接，南由水刺洋经湖亭西、光明东达此港。又一派自泥桥泾东过秧田，出和尚桥、斗角桥、横泾口，亦汇此港。旧港路直出，经夹屿门达牛桥，今转从狼岙山前合于麻车港。三衙桥即方衙桥，与黄境四衙桥皆洋山兄弟^{〔三二〕}炽盛时建，犹宁波之三府、四府基矣。湖亭旧有湖，昔王恭甫亭其上，名水云，记称“朝烟夕霏，乍开乍合”者也。光明有堂，旧奉灯光明佛云。明胡璞《方衙怀古》：“元统闻鸟呼换帝，洋山兄弟相窃据。叠桥之势如投鞭，叱咤风云此雄踞。谁料雄图变野花，行人空自悲豪华。一从鹿入明天子，留得三衙与四衙。”

麻车港 在九都狼岙。县西有麻车桥，此为东麻车桥矣。凡在鹭屿内水由鹭屿闸出，外水由新渎闸出，俱从南洋王、洪家洋经埭头蔡、大沈桥，过汇水桥入此港，直趋狼岙门。其北来水出连树桥者，亦自狼岙前会合，同注于牛桥港。为今官河入海之正道。ㄱ

牛桥港 在九都。为麻车港下流，县水皆注于此。其支泾曰东家泾，黄境水之出浦口苏、缪家弄至十字泾者，与邑新湫、叶朗桥水合流，经路边、官长桥、下店，出前罗桥汇入焉。又有罗西泾，东南通金佛桥，娄岙水之北行经渚上桥者亦汇入于此。有山头罗闸。此下通金清，水势湍急，桥成易冲。嘉靖倭患，新河老人诱寇受献处也。ㄱ

鸦鹊泾 在十都。凡渡首、高桥、南监^{〔三二〕}、新河、下卢、下蒋诸水，皆由此泾出港，经黄版桥达金清。下蒋在新河东门外。朱文公营六闸时，主^{〔三三〕}陶老人家究询水利，知其隐者，书“静廉”二字赠之，即其处也。国朝林汉佳《迁居横版桥作》：“乾坤甚莽荡，偏我未宁居。穷海形骸寄，故山魂梦依。隔桥流水绕，入户野烟霏。亦自堪容膝，终伤托业非。”ㄱ

迂浦 《赤城志》之于浦也，今南监前后是。水自黄邑洪洋泾口，自东、自南出华龙桥，于北闸头入境，东至打铁桥入海。西行由十字泾，更从南而西，历渡首、高桥至盐场，出鸦鹊泾。南监对临海北监而称。

北监去故杜渎场十馀里。或谓对玉环天富场言，迂浦在玉环北，不得为南矣。新河未立城先，此为水道冲会，商舟云集，兼场使、押袋、河泊等官设驻，郑、郭二姓簪缨方盛，建立书院教子弟，灯火弦诵，仿佛泉溪十字街焉。尸

新河 亦名迂江，距南监里许。初为陶家村。明初建城，始浚河，引南监水入西门，出东门，有二水洞，小支达打铁桥，大支出鸦鹊泾。南壕水又从山西牛碓桥入，旧志所称戴山西北流入河济运处，戴山盖即五兽山矣。今日久渐淤，或浅不容舳。水仍并归南监，上通黄岩，下入金清。齐宗伯《水道提纲》：“太平县有新河口，在县东四十里。自黄岩来，绵亘两县八乡之田。旧有闸十一，入海之口即新河所城东五里是也。”烟火既密，衣冠繁会，视昔南监尤盛矣。明嘉靖倭寇，谭守纶壁南门，戚参戎继光军西门。斗门桥在所城西北，即当时破贼处。宋戴复古《江村晚眺》：“数点归鸦过别村，隔滩渔笛远相闻。菰蒲断岸潮痕湿，日落空江生白云。”“江头落日照平沙，潮退渔舫阁岸斜。白鸟一双临水立，见人惊起入芦花。”明谢铎《晓发泉溪望迂江》：“夜泊溪头水浅清，岸花汀草杂秋声。未离城郭犹尘梦，暂忆家园亦别情。山月出林高露下，海风吹浪暗潮生。村鸡忽报东方白，又是迂江一日程。”林贵良《访潘少屏归舟同泛新河》：“留人小雨只数点，惜别香醪亦几觥。白水青山共舟楫，落霞斜日到江城。残经扃户催双鬓，短褐逢春快一征。投辖主人何用急，且留嘉会待新莺。”尸

金清港 在披云山下。与南监、新河故皆为迂浦。朱子筑闸，因海潮泛浊，镇以金鳌，始名金清。戴石屏《访苍山曾子实》诗“居处近金清”是也。黄、太两县水俱从此泄。六闸既湮，港口日阔。初自渡南港下老河口海神庙侧东行一直出海，雍正间筑兴平坝，市潮观地别开沟分杀水势，嗣后沟流浸广，水改从北而东，故道为湮。由此抵深门港，径道迂折，更历桩头、斗母宫、牛卵子、大步厂、膨肚等汇，号为十八曲，方出大洋。石头山、剑门山皆在海中。明季倭不敢深入，以此。明林贵兆《金清望海》：“作客久栖江上楼，携将一楫恣遨游。月明

野寺闻僧语，雨霁山桥看水流。岂有灵槎通碧海，独怜芳草满中洲。洪波滟滟银潢隔，采玉匆匆忘百忧。”

渡南港 在金清港南，塘岙、长屿等水所从出口，舟楫往来于此候潮。南行至李婆桥，与晋山、高浦水合，东达团浦，南抵松门河头。故卫城运道。ㄱ

牌门港 在金清浮桥下，达深门港。潮汐冲击，崖岸坍塌，旧闸今圯。西南受塘下、沙冈殿诸水，木城河亦汇于此，久皆淤涨，惟三至王、萧家桥、四府河诸水一望弥漫，皆此港所贯注也。ㄱ

长屿溪 源出黄监山。一东流径东庄、下冒，会塘岙水，抵蔡洋、横河二闸，北流经阮家埭至渡南头；一西流径百岁坊、河头抵娄岙；一北流自平溪桥经日照堂西，过下洋郑桥，出小屿闸入牛桥港，又流过唐家洋前，东入阮家埭。埭盖昔阮华筑，后废，更为桥。小屿闸与罗西泾接。ㄱ

塘岙溪 出塘岙，东流至河头梁，北折至下冒桥，与长屿溪水合。河头，盖先林姓居，与戴氏有连，戴抄，惧徙他处，梁姓因有之，下林并其遗迹也。明正统间，同知陈时谏过，吊诗云：“旧是繁华地，楼台带夕晖。沧桑经一变，地在主人非。”有慨乎言之矣。ㄱ

晋湖 在晋岙。水汇为潭，滉荡若湖状，因得湖名。由亚湖堂达运河，东南濒海，水大半出此，故晋湖亦称晋源矣。明毛士苏《晋湖独坐》：“晋山之下分龙湫，太虚喘息涵春秋，澄泓十里鸭头绿，萧疏两岸芦花浮。渔郎业渔当雨霁，一曲沧浪午风细，武陵仙隐不可寻，此间自有渊明趣。”

南塘 在七都，俗名塘下。水源出晋岙，新塘河水亦注焉。旋北过河头梁、下冒桥，直至渡南头港。东过沙冈殿后，由木城河通黄泥桥，出牌门港。环塘宋戴氏旧居，有花园，因名水曰花园泾。五桥皆戴建。东皋子园庐在后浦。石屏诗“一见南塘字，凄然忆故园”^{〔三四〕}，自注：“南塘，仆所居地。”今寥寥数家，为庶为青门矣。宋戴敏《园庐》诗：“卜筑成佳致，幽栖乐圣时。何如谢公墅，略似习家池。地暖梅开早，天寒酒熟迟。

催租人去后，续得夜来诗。”戴复古诗：“吾家老茅屋，破漏尚可住。门前五巨樟，枝叶龙蛇舞。半空隔天日，六月不知暑。西照坐东偏，南薰开北户。胡为舍是居，日受炮炙苦？”“海曲荒凉地，吟边蹭蹬身。时危法当隐，年老惯居贫。俗客苦恋坐，小孙痴弄人。等闲成一笑，不觉把杯频。”元永嘉陈高《客南塘》：“春寒日日起西风，吹送浮云过海东。花落名园青草满，燕归华屋故巢空。陶潜解印闲居久，王粲登楼作赋工。旧日交游多白首，时时相见慰途穷。”明张谦《采莲曲》：“采莲泛回塘，藕丝^{〔三五〕}长在手。香风不敢吹，为问郎知否？”“采莲泛回塘，中有双鸳鸯。飞来与飞去，只傍妾船樯。”

高浦 在四都。自鹤顶山前后两水夹出，经九曲溪，历冈桥、韩溪桥至黄涧桥。北有三眼坟。坝南达猫儿河入海。稍西通石桥河。东行径白峰山下达运河。卍

石桥河 在三都。山谷水散注田间汇成河。坊边、西汇头诸水分注于此。南行经沙角入海。

猫儿河 在四都。水自高浦岙经西汇头、彭林流出石牌桥，经水沧头与紫珂河合，南入海。乾隆四十一年，李侯汝麟浚深之，民赖其利。浦口有闸，水晶堂在其西，为达松门大路。东古塘一道，烟火稠密，有乔木故家。国朝林鸣凤《沧水怀旧》：“云水苍茫忆旧游，夜深待泛剡溪舟。春风肯与蒲帆便，直到官塘古渡头。”卍

乌沙浦 在五都。南注淋川，北接团浦。国初因寇氛徙民腹里，筑木城为限，自塘下街东南至乌沙浦，下抵松门，并在界外，今悉展复，犹名路为木城路，河为木城河矣。卍

车路浦 在五都。旧名南浦，亦称车江。前志：宋高宗南渡上车处。或曰：帝泊松门港未登陆，守土官于此备车驾奉迎。水源远自晋岙来，南行入海。浦口有闸。明林凤征《车江感事》：“十年辛苦倦羁栖，薄海那堪更鼓鼙。回首故园归未得，野乌飞处草萋萋。”卍

团浦 在六都。水自晋岙来，过箬横桥，北通木城河，东达盘马、平溪，南自乌沙浦抵松门河头，为运道四面回绕，故曰团浦。元翰林承旨仁本居此，为云影、霞光、霁月、春山之咏，至今传之。有

讲约亭，明季隐君徐子文纠诸里老行蓝田社法处也。临清泾亦团浦支流。平溪无溪，因金氏自闽平溪徙此名，故长山亦有平溪矣。箬横桥，沈明臣《平倭纪略》作聂王桥，地名无正字，随意书之。元林仁本诗：“白云渡空谷，随风散高林。晴光炫朝日，淡影浮春阴。鹤梦松皋静，龙吟海水深。去住了无迹，欣然谐素心。”徐原璘诗：“家世团江上，萧然一室成。门无车马迹，耳绝管弦声。月上窗添白，风来簟自清。轩中何所有，杯罍尽馀生。”明徐葩诗：“川涵日色紫烟新，一棹江风跃锦鳞。莫道风光只如此，考槃声里有幽人。” 卍

娄江浦 在团浦北。里人新建有闸，近浦多腴田，旱资车灌。东注后峰浦，北通萧家桥，入牌门港。明朱若虚《娄江》诗：“蒋径三春花树新，一樽长醉采芳人。惭余不是羊裘侣，独向沧江理钓缗。” 卍

淋川 在五都。俗名淋头，云宋高宗自松门登岸，于此遇雨，有“雨淋铃”之感。其水北接团浦，东南抵河头闸。车路浦在其西。自此至苍山一带，沙堤盘亘，结土成形，江上之所谓“山奔海立，雨鸣树偃，极幽谷澄川、鱼鸟游翔之趣”。世称白沙里，有萧侍郎故居。又洋陈后门，因门御史而名，孙家岙下有御祭坛，解御史坟所在，惜言之少征云。 卍

松门河头 在五都。县境之水东行出金清，自晋湖来者由东旋南汇白沙水出此，明季称运粮河。绕卫城达外浦为娘娘宫港。与石塘隔一渡，潮退水浅，到船埠远行苦泥泞，嘉庆九年，天后宫僧得桂本其师毓吉遗意，运沙填石，数十里间行若坦途，免没髀之患。元潘伯修诗：“沙港蛟涎白，松门蜃气平。强弩支江断，长枪落日明。” 卍

白溪 在一都。源出旷望山后，自南而西，经横山，会寒坑龙潭水，至石桥河头。其下即九眼斗门，于此御海潮之人。明林蒨《白溪龙湫》诗：“石涡盘盘水深碧，一穴斜穿半崖黑。经年馀沥不下溪，溪下鳞鳞露其迹。秋来新涨时复通，迢迢远海须朝宗。风云鳞甲会一展，倏忽腾上天九重。”

珠溪 与白溪隔山。源自石盘山，流出珠村为丁家溪。亦与白

溪合，出横山。明林文傲《题溪南》：“群山水落从山南，玻璃一曲清光涵。幽人卜筑当其右，羲皇一枕薰风酣。晚起溪头凉雨止，火日当天汲深水。采蘋清唱两三声，红尘隔断三十里。”^①

间溪 出大间山，其白如练，因名练溪。里名因之。许氏世家溪侧。四畔环清，有藕池，为碧莲高士碧筒饮处，花尝开并蒂者。三溪流自岙口，绕冷水塘，出长沙海口。潮入，山岸皆满，退则泥涂数里，俗呼大间涂。外即骊洋，云骊龙窟其中，每珠光夜见。“骊”、“间”音近，随读更易，实则骊洋即间洋，犹之大间原即大雷矣。出此洋面，无所不通。永乐间，征西番官军舰舶自福建长乐港过骊洋，遇怒涛大恐怖，即此。别有小间溪，发源大雷诸山谷，东流入海。旧隶邑二十五都，析入玉环。^②

莞溪 在慢游岭南。源出莞岙及附近诸山谷，溪流仅可溉田数十百亩。东南即海，常有鼃鼃之类随潮而上。^③

洞山溪 源自大雷山龙潭，流出洞黄，屈曲径寨门、邢田，至四眼斗门入海。^④

梅溪 在二十一都。源出梅岭，合箬坑水，经小明因寺前，入温岭江。《叶志》又有西溪，并达温江，疑白岩下水是。宋戴敏《西溪陈居士家作》：“来访西岩老，家居水竹村。紫鳞游涧曲，黄犍卧云根。自昔好宾客，相传到子孙。不行亭下路，护笋别开门。”^⑤

赵岙溪 在乌根。自岭下南流出岙，旷望山水从东来会，合流出海。近村有塘一道，御咸畜淡，元万户赵师闾筑。^⑥

海道别详《海防》。^⑦

附：国朝张国绅《通邑水道大略》：“太邑水道四通八达，而金清为众流之纲。请详其始末焉。夫水以海为宗。金清之入海，于海岸之深门而上，则通寺前桥、牛桥、麻车桥，迤逦而达县治之河。其支河之分布于南北者，不可胜数。言其大者，寺前桥下则有牌门港焉，南行而通新场之秧田桥，直至下莫、下谢。又一支东至三至王，之下则有渡南港焉，南行至下冒、河头梁、塘下大桥，东折而至牛头屿，过晋岙至白峰山。之下而三分之：中一支东至四都之车路闸而入海；北一支至六都之箬横街，

东折而至乌沙浦、鹤庄、淋头，抵松门之河头闸而入海；其南一支由石岩头至上王、下黄，直抵山前、石桥而止。此二港之始末也。寺前桥上之小支河，北有鸦鹊泾，直北至南监，上通高桥、渡首，下达新河所而止。牛桥上之小支河，北有东家泾，通前罗桥、下店、路边，至新湫之叶朗桥，通黄岩之十字泾，经缪家弄至浦口苏，而与路桥港汇矣；南有路西泾，东南至金佛桥，又东过小屿，与渡南港汇矣。牛桥上之大支河，北有连树桥，经湖亭之三衙桥而分：一通黄之十字泾，一抵泽库之新桥。麻车桥上之大支河，北有沈桥港，直北至新渎桥、前陈桥，亦至泽国之新桥而与路桥港通矣。若沈桥上之西河通鹭屿大桥、白蒲桥、季下周桥、双桂桥等，纷纷不一：或折而达天黄、柱石、丹崖；或南行而通潘郎桥、大溪、下村、陶夏、石刺、水洋、莞渭、温岭，直汇于县治之东河。此合邑水道之大略也。”

嘉庆太平县志卷之二下

地輿志四

水利

陈笈窗作《志》，以“迁书《河渠》、固志《沟洫》，水利吾民之命，古郑、白之俦留意疏凿，一渠溉田千顷，台陂塘良众，人力不至，故少乐岁，特揭一门，使后之有志，按图可得。”然其所载，止诸县泾、埭、堰、碓，于元祐间罗提刑适在黄岩兴建永丰、黄望等闸，止据彭椿年一记，附官河下，并不以入水利正条，于朱子修建诸闸事迹，更未一及。用意甚厚，纪载则疏，岂尽由伪学之禁哉！^卅

宋 元祐以前，黄岩八乡官河支流九百馀，分二百馀埭，在今县境者二十一。

颜家埭、黄望埭、金清埭、监侧小埭、细屿埭、葡萄棚二埭，俱繁昌乡。

铺堆埭、西保埭、娄子埭、月河埭、蒋家埭、伍婆埭、？牛埭、临清泾埭、高浦大埭、高浦小埭、车路大埭、王三浦埭、流沙阙埭，俱太平乡。

迁浦埭 属灵山乡，后分隶繁昌乡，濒海河流宣泄之处。

诸埭见《赤城志》，并在繁昌、太平两乡。方岩乡一带无一埭，地势稍高故也。观前人“釜底”之语，至欲纷纷凿险，先是潦患加甚于曩矣。^卅

元祐间，宁海提刑罗适持节本路，以黄岩南繁昌、太平等乡处山海之中，地形最下，实居釜底，河泾虽经纬其间，然蓄泄弗均，稍雨则卑乡受垫，稍晴则高乡虞暵，此利彼害，交相为瘠，农无数岁之稔，因其埭之大者增置永丰、黄望、周洋诸闸，旱则闭以蓄水，潦则开以泄水，民大称便。ㄱ

永丰闸，在第十都，原黄岩四十九都监侧小埭，罗提刑始建为闸两间，各广一丈六尺，深一丈六尺，中置劈水堆，两旁墙壁各长七丈五尺。ㄱ

黄望闸，在繁昌乡第八都，原黄岩四十七都黄望埭，亦罗提刑建闸，阔一丈六尺，深如之，两旁墙壁各长七尺。ㄱ

周洋闸，在第十一都，原黄岩五十都葡萄棚埭，亦罗提刑改闸二间，各阔一丈六尺，深如之，作四槽，牌身長四丈，中置劈水堆，两旁墙壁各长七尺。ㄱ

绍兴九年，黄岩令杨炜以诸闸浸坏，河流淤塞，量地远近广狭长短，赋民工百馀万，疏治河道。田能支水旱者凡二十有六祀。ㄱ

乾道初，黄岩令孙叔豹、尉杨王休复修浚。ㄱ

淳熙九年，朱文公提举浙东，相度滨海形势，议修永丰、黄望、周洋三闸，创筑新闸六，其二在今县境，四在黄岩境。句龙昌泰相继成之。ㄱ

迂浦闸，在第十一都，南与永丰闸相望百馀步，旧属黄岩灵山乡五十都迂浦埭，朱子议建闸三间，中广一丈六尺，旁各广一丈四尺，深一丈七尺，中置劈水堆，两旁墙壁各长一十二丈。其水盘折达海。ㄱ

金清闸，在第八都，原黄岩四十七都金清埭，朱子议建闸，阔一丈六尺，深一丈四尺，两旁墙壁各长七尺二寸。相传朱子语蔡武博镐曰：“南监五闸，底石须齐平如一，使河流五道俱通。若一稍卑，

即众流归并之，久而诸闸必堙。”由是句公用其法，于净应山上树旗置铙，俟潮退正及闸底，即拽旗放铙，俱志定水则，五闸齐平，河流俱通。𠄎

附：鲍步闸，在黄岩五十四都。𠄎

长浦闸，近鲍步。𠄎

蛟龙闸，在黄岩六十三都。《黄岩志》：“先年太平河水经黄岩东乡之境，越方屿、双港口、北山桥，自南而东，折而西北，自蛟龙以入于江；黄岩县东之水从东旁陡门闸而行之，由蛟龙入江。清浊合流，潮淤不壅，绕河田称沃壤，皆闸之力。后因曹黄门^{〔三六〕}疏开栅浦以自便，南河趋之，其势顺决，不复西流，蛟龙闸遂为海泥所阨，东流不复入，甚失昔人之意。”𠄎

陡门闸，后改仙浦，在黄岩县东五里。𠄎

以上四闸在灵山、飞凫二乡，合迂浦、金清为朱子所建六闸。在县境则永丰、周洋、黄望、金清、迂浦，新旧止五闸。西屿后建，不在其内。朱子奏状：“宣教郎直秘阁提举两浙东路常平茶盐公事具位臣朱熹，臣体访到本州黄岩县界分阔远，近来出谷最多，一州四县咸所仰给，其余波尚能陆运以济新昌、嵎县之阙。然其田皆系边山濒海，旧有河泾堰闸以时启闭，方得灌溉，收成无所损失。近年以来，多有废坏去处，虽累次开淘修筑，又缘所费浩瀚，不能周遍。臣窃惟水利修则黄岩可无水旱之灾，黄岩熟则台州可无饥谨之苦，其为利害委的非轻。遂于降到钱内支二万贯，付本县及土居官宣教郎林鼎、承节郎蔡镐公共措置，给贷食利人户，相度急切要害去处先次兴工，俟向后丰熟年分，却行拘纳。其林鼎曾任明州定海县丞，敦笃晓练，为众所称。蔡镐曾任武学谕，沈审果决，可以集事。但本县知县范直兴不甚晓事，恐难倚仗。欲乞依本司已获降到指挥，特与岳庙理作自陈，别选清强官权摄县事，庶几兴役救荒不至阙误。伏候敕旨。”彭殿撰椿年《闻记》：“台之五邑，黄岩为壮。邑境之濒海者率十之二^{〔三七〕}，故其地势斥卤，抱山接涂，川无深源，易盈易涸，非资乎畎浍之利，则不可也。官河贯于八乡，为里九十，支泾大小委蛇曲折者九百三十六，其泄水至于海者，古来为埭几二百所，足可荫民田七十餘万亩。元祐间，罗公适持节本路，因其埭之大者增置诸闸，今之黄望、石湫、永丰、周洋皆其遗迹也。岁月滋久，前后兴修者往往功力不至，随成随坏，遂谓诸闸终不可建。惟漕运干官谢敷经，乡士支汝绩、陈谦、徐弗如、陈纬深知其利病。淳熙间，考亭先生朱公及西蜀句公昌泰相继为常平使者，按行田野，阅闸事不修，

于是用其谋，请大府钱及出度僧牒，为直一万四千缗，句公又自以本司钱六千缗成其役。乃檄宁海丞永嘉林季友、邑丞四明刘友直董其事，又委乡居官与士人分领之，而武学博士蔡镛于规摹条画尤所究心。自甲辰仲春首役，至乙巳孟冬讫事，所建者六：回浦、金清、长浦、跑步、蛟龙、陡门是也。增修者三：黄望、周洋、永丰是也。于是置庄以守之，垦田以贍之，择人以主之，有钩索以备其器用，有夫匠以供其役使，其所须者纤悉具至，连岁之间民享其利。乡人追念先贤始事之勤，相与筑为堂宇，肖其像而祠之，所以报也。岁在甲寅，提举李公谦以永丰之闸又复淤，从而新之。是用叙其始末，以告来者。”^广

嘉定十七年，黄岩令蔡范以河闸阻塞，按视疏挑，常平使者齐硕为请于朝，分命乡官士民浚治，直派旁流，深广有度，百姓蒙利。邑王侍郎居安《浚河记》：“黄岩县为田可百万亩，而水乡之田实居大半。言水利者，有浚河、置闸二事而已，而二事又复不审不密。昔之为河者，虑未及闸也，是之谓不审；其为闸者，虑未及河也，是之谓不密。元祐以前，初未有闸，大率为埭以堰水，颇为高田之利，而下田病之。水潦大至，下乡之民十百为群，挟挺持刃以破埭，遂有斗争格杀之事。于是乡先生罗公适提刑本路，始议建闸，酌高下以谨启闭，解仇怨以全乡井，意则美矣。然继述非人，诸闸既立，开时常少，闭时常多，潮水一石，其泥数斗，朝夕淤塞，浸成平陆。时当巨浸，闸虽启而流实壅，于是下田被害，反咎夫闸之闭水，曾不若埭之可以破决，其泄水易且速也。东嘉蔡君范来宰吾邑，深究水之利弊，初年遂疏决闸内外诸港，使水有所泄；明年遂开浚田间诸河，稍令广大，使水有所滞。又用叶森议，建为爬梳之法，设长铁爬及辊江龙，因潮之方退合人力以鼓荡之，泥淤乘流而下，力少而功倍。此不特于河有功，而闸亦永利矣。”^广

淳祐^{〔三八〕}间，黄岩令王华甫建西屿闸，即细屿埭址，在第十都繁昌乡。淳熙甲辰知县李锸建议^{〔三九〕}，王因而成之。闸二间，各广一丈七尺，深如之，作四槽，中立劈水堆。李锸，郡志作李钥。^广

端平间，邑人林乔年建沙埭上、下二闸，在太平乡北隅芝岙。明隆庆间，其裔孙贡生应祯再修。^广

元 大德三年，知州韩国宝建周洋新闻，并修金清、西屿、永丰、黄望四闸。邑林昉《先贤祠堂记》：“黄岩为田亩百万，其在南乡者七十一万五千有奇。元祐中，赤城先生罗公适奏建永丰、周洋、黄望三闸，启闭溢涸，大为农便。淳熙九年春，朱文公提举浙江，锐意增筑，规画已定，请大府钱二万缗下黄岩，工兴而衣绣江西。明年，蜀人句龙公昌泰继公政，请

益二万缗，遂建回浦、金清、长浦、鲍步、蛟龙、仙浦六闸。最后，王君华甫建细屿，由是黄岩号乐土。岁月浸久，捷腐石泐，水泄潮冲，前人之志荒矣。元大德三年，岁己亥，武略将军韩侯国宝来守黄岩，断以治水为养民第一义，乃命修闸，凡所经费，一毫不仰于县官，而率诸闸之系其田者，搜材石，募丁匠，苦心三年而后成。乃为祠堂，祀罗公以下，示不忘也。《礼》：御大灾有功于民者祀之。由侯修治之艰，而思建者之不易，崇而祀也亦宜。余谓侯奋独断就此大役，勇也；激劝上下，匪怒伊教，知也；功施百世，仁也；祠昔贤，义也。一举而四德备矣。”谢文肃铎曰：“此闸众流要冲，地形卑下，闸常易坏。必先于闸侧依山荒地别创河泾一派，通黄岩场中扇，分缓水势，闸之上下又筑埭以分限山水海潮，而后闸之功可施。如此，不惟农人获灌溉之利，而盐场亦藉之以通运矣。”^①

至正间，建车路闸，在太平乡。又筑陡门二、塘七以捍海。^②
九眼陡门、六眼陡门，俱山门乡。^③

萧万户塘，起盘马山，东抵松门；长沙塘、塘下塘，俱太平乡。^④
截屿塘，在山门乡。^⑤

能仁塘、江心塘、灵山塘。今俱析玉环。^⑥

明 洪武九年，命主簿孙斌修理诸闸，从净应寺僧清璜等修请也。

二十四年，又遣使筑，并有增置。^⑦

永乐十二年，通判陈岩加修。^⑧

景泰间，知县张彦修金清闸。邑御史李匡记：“黄岩中乡之水，如棋道交布，至南监而分流入海者，河凡五道，金清其一也。先是濒海之民为咸潮所害，齐民率筑坝以捍潮。时或积雨，则中乡沉灶，往往窃而启之，至不可复筑，民甚苦焉。宋淳熙中，徽国朱文公提举浙东，始为闸桥五道，又稍北一道，鬻并道之人杂役，俾以时启闭。闭则约其板之下，量其水之出，使不为中乡害，民甚赖之。岁积既久，金清闸为潮水啮毁，不复可启闭。景泰甲戌，今监察御史张君彦来知县事，首询及此，乃曰：‘此有司首务也。’遂以白诸太守刘公铺，专委县丞何海、主簿魁伦董修，民庶工匠靡不和会从事。再逾月而告成，来征余记。余谓世之为治者，惟知以簿书期会为急，谁复念及是闸为文公所置，一方所赖，修复不可后者乎？刘公可谓知要，而张侯亦不为负所托矣。文公旧有《宿洪家》诗，余今幸得置石公之手泽，有荣耀焉，恶可以不文辞耶！于是乎书。”^⑨

天顺间，同知钟鼎修黄望。^⑩

成化间，知县袁道修回浦。卅

弘治、正德间，知县刘弼、通判王宸相继修。《叶志》：“张令彦修金清，下其底仅二寸^{〔四〇〕}，刘令弼复下三寸，至王公宸复移闸去旧址南可一里许。由是众流皆归，而金清之河愈深，波流湍悍，不可复御，而诸闸湮矣。先贤规画不可轻议如此。”卅

嘉靖己亥，周郡守志伟按行水道，率属先浚周洋、迂浦及诸支河，复于近海曹家渡建永通闸以捍潮淤，奏复河泊所以司启闭。此闸南会太平，北总黄岩，为二县水利咽喉。继此复有河头闸，松卫粮船至此与海潮相接，为白沙水口，奉文督建，里人潘见微、潘春宇董其役。周太守志伟奏疏：“农者天下之本，水利者天下之农之本，水利兴废，实生民之所休戚者也。臣窃见本府各县山多田少，土地最瘠，人民最贫。惟黄岩、太平两县稍称平壤，然亦负山濒海，中虽平坦，四面地势颇高，形如仰釜，雨则众水奔趋，顿成湖荡，旱则诸源隔绝，易成斥卤。故两县为台州之最，而水利之在两县尤为切要。宋元祐间，提刑罗适开河置闸，地始可耕，民大称便。淳熙九年，提举朱熹奏请官钱增修诸闸，而又继之句昌泰之精思力行，遂迄成效。旧在黄岩者五闸，若长浦、鲍步、蛟龙、陡门、委山是也，今分隶太平者六闸，若金清、迂浦、周洋、黄望、永丰、细屿是也。潦则泄之，旱则蓄之，潮则捍之，而又立为爬梳之法，以时洗荡之。经画区处，至为详备。其间田亩约计七十餘万，尽为膏腴。故朱熹之奏有云：‘水利兴，则黄岩可无旱潦之灾；黄岩熟，则台州可无饥馑之苦。’熹之斯言，最为洞究利害。我朝景泰、天顺间，两次差官修筑，添置夫板，民获其利。弘治以来，有司废不之讲，沿河居民规图海利，以致各闸启闭不时，旋复壅塞。频年旱潦，束手无谋，饥馑相因，盗贼生发，民日消索。臣于到任之初，访之父老士人，皆云此河不复，民无生日。臣于去年冬间，督同黄岩县知县臣方介，太平县知县臣曾才汉，往来相度，故闸虽存，诸河淤塞，率与田等，乃知养民大计，莫先于此。遂行两县起倩人夫，协力开浚，未几两月，幸已通流。臣又见各闸去海颇远，潮淤日积，未免有尾塞不达之患，乃请巡按御史傅凤翱动支无碍官银，于近海之地建闸一所，今亦渐次工成。窃惟诸闸之复，不惟旱潦有备，两县粮运皆由此达，较之往年海运陆运，风波之险，人力之繁，利已数倍。但数十年间，旋修旋塞，其最为患者海潮耳。潮水一石，泥淤数斗，积之旬日，即以丈计，最为要者启闭耳。两县去闸颇远，率难照应，平时启闭，不过委之一二闸夫，细民希图小利，不知远大之计，往往旦暮窃发，

无怪乎浚之未几，而塞之甚易也。臣查得黄岩县南监地方，先年设有河泊所大使一员，专管沿海课米，嘉靖十年，巡按浙江监察御史端廷赦题准裁革。臣采择众议，反复思惟，唯有仍复此官，使之兼理诸闸，责之启闭爬梳，各以其时，事本因旧，计实经久。南监正两县之中，诸闸之会，本官虽省，衙门印记见存，此于事体无大更张。本官月支实俸一石，所费于民，岁不过一十二石而已，而其所利于民，何啻万倍！则亦何惜一官，而不为百姓造无穷之福乎？况各项裁省官员近多奏复，事体应复者亦已复除，况今两县水利关系民命，其于利害委的匪轻。伏乞皇上察臣所言，如果有有益于民，敕谕吏部将黄岩县河泊所官照旧铨除，兼管水利，则两县生民不胜幸甚。为此具本，敬差吏赵宪章赍捧谨奏以闻。”叶良佩《潮汐徐论》：“余襄公〈海潮图序〉曰：‘潮之消长皆系于月，月临卯西，则潮涨乎东西；月临子午，则潮平乎南北。’此不易之说也。顾吾邑潮候，常早于钱塘六刻，则以去海有远近故也。钱塘海口有瓮、赭二山壁立如门，故其潮汹涌袭击。吾邑之潮，西南自楚门港入，东自松门港入，皆有山为障，不得至中乡。惟东北自永通闸入，直至中乡。然其潮惟漫波拍拍，入浦淑渐满沙磧，无冲激之势。惟其漫缓，故泥淤易停，闸官于潮涨之时，勿宜开闸，庶潮淤不得入河；潮退可以暂开，使海口泥淤得以乘流入海，此一日开闭之法也。又闸河既通，缘海鱼盐之贾亦大有便饶。盖异时惟肩挑鬻诸民家，故其利薄，今得任舟以载，视肩挑则不啻倍蓰。又出海之船，或当稽其越境惹寇，若入浦之船，皆邑民货什一之利者，闸官及诸巡逻勿宜盘詰拦阻，以滋侵牟之弊。此又御吏者所当知也。潮候之说，余得之沈子积云。”

隆庆间，知县黄应忠会黄岩修周洋、迂浦二闸。临海侍郎金立敬记称：“太平故有六闸，惟周洋、迂浦为泾河之会。自黄岩而南诸派之水，必经于周洋。自太平而东诸派之水，必入于迂浦。二闸通而后众流得所归；二闸闭而后众流得所滞。前守阳山周公置永通闸，以关会二河，一时称便。特内水所出力微，外潮所入势大，海水一石，淤泥数斗，今三十三年而浸为平陆矣。岁庚午，郡倅徐公署邑事，以修浚二闸白于郡守印江张公，公力主会邑令黄君至议，二县并力疏浚，黄岩丞李世杰、尉陆韬、太平簿甘廉、尉陈延龄、巡检时敷功扞界督理。又于东家泾及边海处设筑二坝以捍之，令二河之水俱会于金清闸而出。盖金清地近海口，势辟且深，河流既巨，海潮无壅。而又明爬梳之法，备钩索之用，使恒暘则闸闭而蓄富有资，恒雨则闸启而流泄不滞。由是南乡田获灌溉，而民乐有秋矣。役始于辛未冬，越壬申正月而竣事。邑民之利非黄侯孰与兴？黄侯之功非张公孰与成也？张名某，番禺人。黄名某，南平人。”^①

崇祯壬午，知县胡学戴筑薛家浦、沙角浦、中扇浦等塘。沿海

风潮不常，嘉靖时，黄尚书馆于洞黄山外筑牌下塘，至是三都近海皆有塘。林贵兆《与徐后冈论海塘书》：“海堤之筑，百姓甚喜。嗣闻但及民地而已，此非翁不欲为为民广此德，意第言者未之详、翁亦未尽闻之耳。盖海堤功必可成，而民之利亦颇大。所谓大者不在民田而在灶地耳。灶地宽广而多荒芜，筑堤灶地而民田在其中矣。昔嘉兴诸郡，捍海亦多有堤，今时修之，为百姓世利，而作者之名亦因以久。今日之举殆若此例耳。而民灶之界无足虑也。且民灶之界上下不齐，而堤之里数必多；灶地则直如绳引，而里数必减。且以民丁而筑民地，则人寡而力少，民灶合举而力必增。夫堤愈短而力愈增，是利愈大而工愈省也，知我公必乐为之。况灶荡下际旧有堤脚，而势反高于上。夫因高而覆土，则其工必易，乘高以抗潮，则其基必固；翁岂不欲为其易且固乎？故曰第言者未之详耳。若其地则下近松门，上连金清港，经五、六、七、八都，延三十餘里。必四都之人一时并举，而功始全，失其一，并坏其三。然堤内为河，河之北口通港，其近港处必建之闸，设夫以守之，潮大则闭以防咸水，潮小则启以引上流，稍深则水乡之水上下相贯，而新田无旱患矣。然长堤横截下流而春潦难泄，如平溪、莫家等浦，皆旧所泄水处也，因而置闸启闭以时，而心田之水可以无忧矣。且土性颇沃，耕之有获，使夫旷古蒲芦之泽，一变而成膏腴之田数万，则民之利赖者不少。自有县来未尝有此绩也，在翁一加之意耳。后之人将称之曰：吾邑自五闸成而水乡之患息，自长堤设而海乡之利兴，我翁之功与朱子等，千秋香烛之报不独在朱祠矣。然百姓无远虑，止欲苟简目前。仆谓此事不为则已，为则不可以苟。若一苟简，则必有留患处，一患未弭，而成功者俱废矣。惟翁其图之。出位僭言，伏惟原宥。”

国朝 康熙三十一年，知县周宜振浚官河，令有田人户出工挑疏，与上下河形宽阔一体。

三十九年，知县何有略与黄邑蔡旭庵有六闸之议。以金清港汹涌湍激，难于施工，相形势就楼下钟、斗门二处修建二闸，以资蓄泄。其处河流浅窄，功省成易。僧德生董其事。不久而废。卅

雍正七年，知县陈诚修朱子遗迹，筑金清坝，将成而坏。卅

八年，知县郭宗仪重修金清坝。卅

十年，筑金清、永安、兴平三闸，皆请帑为之。卅

十一年五月，大水，民毁兴平坝。初，屡筑金清闸未成，乃议筑此，别开支河以杀其流。闸成，会天霖雨十日不止，闸地高止半水，而卑乡已沈灶。绅士金元桂、陈叔翰等急诣

县请放闸。官稍缓其事，水益大，闸涨难启。万众哄然，持锄破闸，并坝亦毁去。积年之功废于一旦，其有数于此乎！^卅

乾隆初，百桨渚石坝，生员赵廷亨率族为之，利冠屿溉田。以不便下村市，商开。^卅

四十一年，绅耆金干城、邓汉良、叶大器、蔡振声等以金清闸旧迹久湮，难于修复，相视地形，宜于鹞屿故月河埭改建闸座，水泄早蓄，可收半县之利，经知县李汝麟详准。四十五年，知县程开源莅任^{〔四一〕}，诸生叶敬山、金丽钟与贡生李成章、村人蔡昌谟等遂毅然力请兴工，身任督理，费以田出。县遣金工书往来董役。前后五六年，历萧、吕、孙三任而成。计闸四洞，工甚坚致。曠潦有备，岁收其利。敬山，大器子；丽钟，干城子也。^卅

六十年，筑新湊闸。初，生员洪范尝兴筑，未成。至是，监生曹学年率费成之。迤北泽库及黄境之毗连者资以灌溉。启放时势急水溜，损碍行舟，故乡民又有呈请永闭之举。^卅

嘉庆九年，滨海人于故车路闸南五里许更筑新闸，名德津闸。乡人或仍称车路闸。^卅

近建诸闸有：娄江闸在六都、南山闸在九都、河头梁闸在七都、横河闸在八都、横塘闸在九都，近石粘、坦头闸在十都、小屿闸在小屿、山头罗闸近长屿、扁屿闸在新湊西、高桥闸在十都。皆利止一处，又或非他处所利，故不具详。至新埭，尤纪不胜纪。^卅

附论：古人有言：左堤强则右方伤，左右俱强则下方伤。故防川堤水非不利也，而此之利或彼之害。宋时乡民遇潦往往破埭而争，见于侍郎王公之论。诚不若闸之可潴可泄，水旱均藉也。然闸之有利无害，其要全系于任事者之公心。闸夫得人，收放以时；设因缘取利，或应放而故难之，应闭而私卖之，将农商交受其弊。如朱子劾唐郡守仲友建中津桥利行人，经年之间已得受过客津贴钱四五千

缙，是筑一闸又增一关也。况又有无赖恶少三五相聚于闸路经由，拦截索诈，害可胜言乎哉！此尤事之当虑者也。尸

物 产

稻禾 《异物志》云：“丹丘谷，夏、秋、冬三熟。”盖分早、中、晚三禾，非一田所收。《叶志》：“水乡畏水，晚稻少；山乡畏旱，晚稻多。”宋大中祥符中，两浙旱，使于福建取种分给种之，谓之“百日黄”。今更有六十日即收者，其种亦自闽来。俱早稻。迩年竞尚寄晚，于早稻初活之时即戽水布秧其内，早稻收时高已尺数，遍野皆青。然自宋来已有之，朱晦庵《巡历台州劄》中所言“土人谓之二稻，或谓之传稻，或谓之孕稻”是也。诸邑皆有，太邑为盛。俗有“黄太熟，六县足”之语。今太邑米半由水路运载至黄邑路桥货卖，系内地无赖者藉兴贩出境为名，邀截诈扰，在所禁也。尸

盐 《叶志》：“出迂浦、沙角、高浦、平溪、青林、车路、湖雾。率^{〔四二〕}于二月、六月、八月间取土渗卤，用铁盘煎成。或夏、秋多雨，咸土被伤，即盐贵。”尸

茶 《叶志》：近山多有，惟紫高山、鹅鼻山者佳。又曰：王大田进云庵出茶。陈寿老《赤城志》：“产茶，紫凝之外，临海言延峰山，仙居言白马山，宁海言茶山，黄岩言紫高，皆号最精。而紫高山茶，昔以为在日铸之上者也。”今以出谷岙者佳。《戴石屏集》有“桐树发花，茶户大家”语^{〔四三〕}。尸

酒 宋时于境内赏头、石塘、长屿、紫高、夹屿等处设七酒坊，俱有税课，罔敢私酿。朱子巡历台州，言酒坊之弊：一曰官监，二曰买朴、三曰拍户抱额、四曰万户抱额，莫不便于官监，莫^{〔四四〕}便于万户。又疏劾台守唐仲友专差兵尉逐日捕捉私造酒曲及巢糯米、

糯谷者，破坏二千馀家。当时酒坊扰害如此。今官无私酿之禁。酿户传宋时遗法，最有名者曰金酒，以酒为水而重酿之，味甘醇而厚，色如金，颇益人。然又以酒汗为贵，于甑上蒸取其汁，盖米之精华，香辣而醇，即元人所谓“哈刺基”也。𠂇

石 长屿、塘岙等山所出，胜海山石，足资民用。旧时方岩出石，大小方正，可琢为器具，其品亚宝华山石。长屿亦出小方石。丹崖山出金银星，沙际拣得之，色黑，有芒如金，形亦周正。楼崎山出石米，每粒通明，颇供几案之玩。明李东阳《谢谢方石惠石棋子》诗：“天台山高东走海，结为方岩石磊磊。仙人巨斧劈石碎，斫为象棋三十二。犹恐世人不识古篆书，刻作西京后来字。朱填墨写部类分，坐开两垒成三军。裹藏尚带烟云气，变化或惊蛇鸟群。仙人白头朝帝阁，持以赠我同瑶琨。空堂无人石枰响，病骨先秋觉萧爽。杜陵画纸那可著，扶馀冷玉差能仿。君不见，越山老樵枯木柯，看时浑少别时多。世间成败等儿戏，何必燕然刻石高嵯峨。不如共坐一枰晚，仙人不留将奈何！吁嗟乎，仙人不留将奈何！”《谢惠石镇纸》诗：“风檐细楮飘如叶，恼乱闲愁千万叠。试将觚石置我前，坐镇浮器成妥贴。谁其赠者方石翁，瘦骨与石将无同。石形可碎理不曲，此语吾传东海东。向来贻我楸枰制，规石为圆岂翁意？亦知此石如此心，不谓心同肯予致。我家娇儿不解事，往往取之如剧戏。仅解涂抹向诗书，岂有规模守文字。古来问学须磋磨，要令平正无偏颇。觚哉觚哉久不见，模棱之辈何其多！愿儿宝石终比德，慎勿委弃墙东阿。还持此石问汝伯，别有矩矱如何？”𠂇

铁冶 《叶志》：“出泽库。”宋时每县有铁场，泽库即鼓铸所。其地有前炉、后炉。明季有陈维新者，尤工铸钟鼎。西城关庙存明天启三年铁炉，重三五百斤，光莹可鉴，款刻分明，及龟鹤等物，皆出其手。传业至今。相传宋贤《泽国八景》诗，《南野暮熔》其一也。里俗亦有“取生取乐，泽库铸镬”之谚。宋邑进士郑瀛诗：“村南野老亦多伎，两鬓蓬松状如鬼。羸颠秦蹶了不闻，一心只向红炉里。风鞦在手金在熔，等闲变化天无工。日暮欢呼走妻子，买鱼沽酒歌春风。”

草木之属无他异，稍奇者：金钿松，唐李德裕《金松赋序》：“枝似怪松，叶如瞿麦，翠叶金贯，灿然有光，得于台岭”，即此。旧时

石牛岭一株最奇郁，高寻丈。今所见皆细稚，仅充盆景，亦不多得。馀松最多，山居人取其脂以燃。宋戴山人石屏诗“松明夜当灯”，松明即松脂，盖里俗之称。王原道诗“无烛妻烧乌柏子”，乌柏，邑随处有之，其脂可作烛，仁可压油，用货远方，颇获利。《石屏集》有《乌盐角行》，乌盐，亦一种树，卷其叶可作筒以吹，他处希有。血藤出丹崖，以刀刻之，汁出如血，颇禁人声，言之即不应。明邑人胡来甫尝作歌，有“丹崖之山藤作丛，千寻屈曲如蟠龙。游人偶至试锋刃，血流深浅痕重重”之句，或即韩昌黎诗“赤藤杖”之类。其过海藤，《叶志》云：“出海山中，治疯，生穿礲者佳。”

果之属，可珍者曰柑桔，见宋邑人陈景沂《桔录》、元邑人林晓庵《乳柑记》。近更出有金弹，金色，如弹丸之圆，大如拇指。其稍长者名罗浮，味远逊之。又有小如豆者，糖渍之可点茶。《叶志》：杨梅出消村，茅栗出桃夏、湖雾。皆非他处所重。𠂔

蔬之属，可珍者有紫菜，紫赤细茎，生松门海山石上。郭景纯《江赋》所谓“紫菜荧晔以丛被”也。视宁波出者稍咸而味过之，以冬初采者贵。海藻，亦出松门海上。别有物名三十六桶，生山根，非草非蔬，叶如水仙，而根可食，遇荒人争掘之，然苦涩，必淘洗三十六次然后可啖。今漫山遍种番薯，资贫人口食之半，曝干或为粉，可货远方，真邑中物产也。谢文肃铎《三十六桶》诗：“水上淘澄别有方，直须依数始无伤。莫教饥腹争先食，忍死犹堪待麦黄。”“风旱相兼积岁荒，我民无计脱流亡。独怜救死山中药，不救催科棒上疮。”𠂔

鸟兽之属无他异。𠂔

鳞介之属，异者有大鼃，多于莞岙，随潮上搁涂间，大者如车轮，头多白星。解人言，击其背令翻，曰：“如言，放汝去。”身即仰。土人神之，不敢取，听水至自去。曰神虾，长三尺，前二钳几尺许，末有红须，首如数升器，身减之，尾又减之，双目，十二足，

五彩文如虎豹。宋天圣元年，郡司马孟洗表进^{〔四五〕}，中使吴仲华绘像，诏名神虾。今海中往往得之，脑空少肉，取壳点灯，光明四映，最有致。其货行远方曰松鲞，其鱼名黄花鱼，又名金鳞，首有二石，又曰石首。春月生子，声如群蛙，渔人以竹筒测听，知其头向上，用网两头收合；若头向下，即皆从水底逸去。四时皆有，春、夏用网，秋、冬用钓，总以三伏内晒者为上。他处即有，不及松门之美，其水性异也。验法：伏鲞两翅相交过头，出伏不过头，秋、冬则散而不交矣。市鬻非秋钓则早夏。自宋来已贵重，朱晦庵劾郡守唐仲友状内曾及之。曰淡菜，俗呼海夫人，唐末孙光宪诗“晓厨烹淡菜”是也，生本邑海中者独巨，旧用充贡。曰乌鲷，俗名墨鱼。曝干，闽人竞市之，江右尤珍重，土人资以为利。以元夕阴晴卜多寡。曰海蜇，即水母，或称虾助，土人呼上鱼，无贵贱食之，腌之亦行远。曰虾米，出莞岙，大者曰鹰爪，视天津产者佳。一种连皮肉晒干，以梅雨时收曰梅皮。此皆生海中，馀多不胜纪。内河则有下港蟹，有官渭面鱼，有泽庠蚕虾《赤城志》：“梅熟时出者曰梅虾，蚕熟时出者曰蚕虾。”皆海产另一种，皆珍品。旧有以虾蟆作干者，今稀见。明邑人李主敬《虾蟆炙》^{〔四六〕}诗：“南州产蛙蛤，时至纷纷然。繁音乱鼓吹，间色相蝉联。井底竟贻笑，轼下谁见怜。割烹任俗好，用以羞华筵。筵中白玉盘，隐映殷红鲜。初疑珊瑚枝，击碎当我前。又如赤瑛钗，琢出工巧全。制美味殊殊，朵颐自豢先。翻思蝮氏政，无乃憎恶偏。愿学柳柳州，甘食垂佳篇。”^{〔四七〕}

药之属：横山出干姜。紫高出荆芥。白溪、珠村出石斛，俗名钓兰，多生岩险。茆

丝麻之属，见《叶志》者，苧出桃夏、古城，土纱净丝染青出关屿、长屿。见《郡志》者，有太平水洋罗，縲丝为之，云比湖稍次。今邑中犹重水洋带。茆

附论：先王以土会之法^{〔四七〕}辨五地之物生，有一地，必有一地所出。太邑于台尤小，半界山海，土产自谷米、布帛而外，不过鱼、

盐而已。前志详列品汇，各疏名状，多他邑所同，并有本邑无者。今择其可名者稍疏之，亦见土狭民稠，而所生之利止如此数，欲为政者加之意也。

卍

校注卍

[一]宗伯 古时礼部尚书别称大宗伯，侍郎则称小宗伯。此指齐召南(1703—1768)，号息园，官至礼部右侍郎，长于地理学，著有《水道提纲》等。卍

[二]南屏派 宋代佛教天台宗中兴，智礼大师三个弟子分赴各地传教，其一到杭州南屏山。后南屏一派最兴旺，成为天台宗正宗。卍

[三]洩山 唐释灵祐曾居洩山（在湖南宁乡西）密印寺，世称洩山禅师。卍

[四]道人 和尚的旧称。也称佛寺打杂的人为道人。卍

[五]石屋 原脱“石”字，据《嘉靖志》补。卍

[六]石厂(h n) 山崖石穴。卍

[七]石屏晓步 “晓”原文误作“晚”，第七句“云”误作“零”，今改。卍

[八]消山出连理木 《嘉定赤城志》《嘉靖太平县志》引皮日休诗注均作“消山有石连理木”。卍

[九]谓 原文“为”，通“谓”，今改。卍

[一〇]长屿 “长”原文作“常”，今改。卍

[一一]东兵 明末清初攻入关内的清兵，时人讳言清兵，故称之东兵。卍

[一二]蜿蟺 “蜿”原文误作“碗”，今改。卍

[一三]日铸 亦作“日注”，山名，在浙江绍兴，以产茶著名，所产茶即以“日铸”为名。

[一四]王逋《题碧山隐居》按一本为律诗：“碧山何处是君家，路转双鱼带浅沙。一径暖云低野树，半檐晴雪送梅花。好怀多事存倾倒，薄俗无心羨侈奢。何日买书相近住，满庭春雨话桑麻。”见《方城遗献》卷三。

[一五] 薪蒸“薪”原文作“新”，今改。ㄱ

[一六] 青石悬崖萝冪冪 按《嘉靖志》作“青石悬萝花冪冪”。ㄱ

[一七] 山海图 戴昺（字景明）家楼台名。戴昺有《己亥九日屏翁约诸孙登高西屿，阻风，舟行不前，遂会于吾家‘山海图’之上，酒边屏翁有诗留题，因次韵》诗。

[一八] 只消把酒 原文作“只看清酌”，据《石屏集》改。ㄱ

[一九] 霄 原文误作“宵”，今改。ㄱ

[二〇] 苍山访曾子实 此诗原题《访苍山曾子实》，原诗第二句“居处近金精”。据《宋诗纪事》：曾子实，名原一，号苍山，赣州宁都人，曾与戴复古结江湖吟社。按：金精，山名，在宁都西北。此处误引。ㄱ

[二一] 游四郡记 “游”字原脱，“四”误作“西”，今补改。ㄱ

[二二] 高宗温州还 建炎三年闰八月，宋高宗赵构避金兵南下，自建康南逃，一路飘泊至温州。四年三月，离温州北返，曾泊舟松门。ㄱ

[二三] 甃 原文作“椀”，据《嘉靖志》改。ㄱ

[二四] 王审知 原文误作“黄仙芝”。王审知为闽王，割据一方，子孙争帝，三十七年易六主，战乱频仍。今据改。ㄱ

[二五] 鲁灵光 宫殿名，汉景帝子鲁恭王所建，故址在今山东曲阜。汉王文考《鲁灵光殿赋序》有“遭汉中微，盗贼奔突，自西京未央、建章之殿，皆见隳坏，而灵光岿然独存。”后因称硕果仅存为“鲁灵光”。

[二六] 鱼腹阵图 即八阵图。鱼复，地名，讹为鱼腹，在今四川奉节东，相传诸葛亮八阵图遗迹所在地。

[二七] 雁银鱼 本地称面鱼。平望：在今江苏吴江南，产银鱼。ㄱ

[二八] 坦头 “头”字原脱，今补。ㄱ

[二九] 何兆龙 永嘉白头军首领，因反抗剃发结辮而起义，顺治六年（1649）曾占领本县冠屿、部渎等地。

[三〇] 王爨 “王”原文误作“黄”，今改。ㄱ

[三一]洋山兄弟 即方国珍兄弟。方系黄岩杨屿（一作洋屿）人，故有此称。ㄚ

[三二]南监 “监”原文作“鉴”，今统一作“监”。ㄚ

[三三]主 坐。《礼·曲礼》：“居不主奥”，疏：“主，坐也。”ㄚ

[三四]故园 原文误作“故乡”，据《石屏集》改。ㄚ

[三五]藕丝 “丝”原文作“线”，据《方城遗献》卷八改。ㄚ

[三六]曹黄门 台州曹氏无官黄门之人。此疑曹鼎，永乐元年进士，官至刑部员外郎，栅浦人，有“疏开栅浦以自便”之可能，被误称黄门。

[三七]十之二 按《嘉靖志》作“三之二”。ㄚ

[三八]淳祐 原文为“宝祐ㄚ”。据《赤城新志》，王华甫淳祐八年（1248）至，十一年去。王华甫建西屿闸应在淳祐间，非宝祐间。因改。ㄚ

[三九]李锸建议 按其建议在淳熙甲辰（1184），距建闸时间六十多年，疑有误。又知县李锸（或李钥），《嘉定赤城志》、《赤城新志》、《万历黄岩县志》职官中均无其名。ㄚ

[四〇]二寸 原文作“一寸”，据《叶志》改。ㄚ

[四一]知县程开源莅任 本志卷九《职官志》作乾隆四十七年。ㄚ

[四二]率 原脱，据《叶志》补。ㄚ

[四三]桐树发花，茶户大家 原文作“桐树开花，采茶大家”，据《石屏集》改。ㄚ

[四四]莫 按文意，“莫”下似脱“不”字。ㄚ

[四五]郡司马孟洗表进 武后垂拱（685—688）时，有台州司马孟洗，《旧唐书·方伎》有传。此作宋天圣间，误。按：《嘉靖志》卷八“连理木”条有“郡司马孟洗表进”，在唐永昌（689）年间，“神虾”条无，本志误入。

[四六]虾蟆炙 “炙”原文误作“多”，今改。ㄚ

[四七]土会之法 见《周礼·地官·大司徒》，指统计山林、川泽、丘陵、坟衍、原隰五类土地之物产，以制定贡税。

嘉庆太平县志卷之三十九

建置志

城池

太邑立县时未筑。城始于嘉靖三十一年壬子，《叶志》修在嘉靖十九年庚子，故不及详考。邑自成化五年肇建，于时粗有规模。正德八年，知县祝弘舒创立六门，东西又各置水门。嘉靖间，知县曾才汉更于东偏水洞之上作楼飞跨，名其门曰“淇菴”。然有城楼，城门犹未甃。迨倭寇突至，外无保障，始请帑兴筑。计其时为七峰方侯辂任内事，佐之者二尹清江杨君旻。城成，周围四里二百七十七步，敌台九座。凡六门：东曰“迎辉”，南曰“观海”，西曰“延照”，北曰“仰山”，西南为小南门，西北为小西门。东、南二门外复立月城，西、北二门增置敌台。水门二，在西城者为上水洞，在东城者为下水洞。皆依旧有增新，屹然为海上金汤。十九

国朝顺治中，知县王道鹏重修垛堞，置红衣大炮十七位其上。康熙十二年，知县郭治增置窝铺，凡十一处，其钟楼并各门城楼年久倾坏，以次整理。十九

邑城枕百千山，外无深沟广堑，溪流濛绕仅同衣带，山泉易过，不能为戎马限。顺治八年，议环城开浚河濠，重立木栅城外。提督张公杰至按视，笑曰：“邑城去海数十里，不于沿边捍御，而欲于此

作燕雀处堂计耶？”命撤去。立县之议，始于郡守阮公勤，以太平、繁昌等乡离黄城远八九十里，界连温属，征徭呼召，鞭长莫及，具奏添设县治。北山林给事克贤在都闻之，上封事，力言无故分割，重新经造，分县不可者五，部已覆准，不能阻也。初议县立于半岭，距今治东南二十里地平旷处，继又议在温岭，嫌水轻兼迤海，故定立百千山下。林氏老人私叹曰：“泉溪立县，吾族子孙科第无望矣！”盖逆料后日筑城，其先坟墓来脉所在必有挖伤也。尸

松门卫城尸

新河所城尸

隘顽所城 俱另详营制。尸

公 署

县治中治厅曰琴堂，后改为亲民堂。右耳房为县库，税科、镟金、赃物藏焉。左耳房为仪仗库，籍册藏焉，亦名架阁库。又其左为幕厅，幕僚居之，即属官署也。琴堂之前为露台，为甬道，为戒石亭。翼以两廊为六曹：其东廊为吏、户、礼房，粮科；其西廊为兵、刑、工房，承发科。又前为仪门，门内左为土神祠，稍南为际留仓；禁狱在仪门右，狱屋凡九间。又前为外门、照屏门，两介为榜廊，犹象魏也。治厅后为川堂，左耳房亦为架阁库，凡邑文案皆在焉。又后为内宅。四围缭以垣而覆棘，以严卫之。皆成化六年知县常完营建。后三十五年弘治甲子，刘令弼修之。又三十年，邹令山龄、陶令秀相继修之。嘉靖间，曾令才汉益大修，颜其所居堂曰“省观”，叶良佩有记。康熙八年堂坏，孙令如兰重建。佳声馆在省观堂左，崇祯间胡令学戴建。其右有后乐堂，康熙间曹令文珽建。后乐之前则来蜂亭也，何令有略更“来风”。旧亲民堂后有思诚堂，以真西山题守令诗录额于上。亲民堂东有赞政厅。土地祠西本延宾馆，改名夙知堂，续又改受益堂。或存或废，更易无常，百馀年来，盖难以悉稽矣。明

叶良佩《省观堂记》：“嘉靖己亥，日小南至，我县厅事后建省观堂成，翼翼濯濯，丹楹斫楠。庀斯役者，曾侯才汉也。比崇洒落之，予则适至。有同坐者私语予曰：‘厅之言听，省之言视，观之言见，侯出坐厅事，听罔非事，入而视，厥心见焉，是谓省观。’予曰：‘岂近是乎！抑予意之：听，听诸其心，省观，省观诸其事，侯尝问道阳明先生，得其正传，是故出而事事，罔非心者，入而省观，罔非事者，是谓体用合一之学。’已而问厥役事，有父老言曰：县厅旧有穿堂，久而屋坏，靡议修复，四纪于兹。侯一日选飭民兵，俾逻海徼。会海寇与私货板枋船斗，毁其船半，贼望见我兵，遁去。侯贯私货者罪，籍其板枋，得三十六，归于官。于是出镬镡金僦工经费，成斯役云。予曰：‘役有三善：贯罪集材，费罔官损；出羨僦工，劳匪民妨；省观以名，有政有学，咸可记也。’翼日乃记。”国朝教谕顾人龙《来蜂亭铭》：“瞻彼凤麟，日长西秦。帝简作宰，以活斯民。方城飞舄，化日长春。群蜂来集，瑞应吉人。作亭翼翼，创自畴昔。颶风为灾，亭毁旦夕。鼎建复新，丹雘加飭。时接高朋，屡宴宾客。竹木纷如，呈妍几席。春则含芳，秋则傲霜。葡萄压架，萝薛悬墙。芙蓉娇面，蕙兰素妆。棕榈纨扇，榴花绛囊。芬菲左右，饮侑杯觞。琴堂鞅掌，退食徜徉。为勤为逸，一弛一张。况逢今日，海波不扬。岁事大有，时际平康。与民偕乐，其乐无疆。蜂亭重构，浸炽浸昌。后贤来憩，眷兹勿忘。”知县何有略《来风亭》诗：“半亩官衙几树棠，密阴深处午风凉。旧时人去亭留字，今日春归燕绕梁。夹道柳丝侵砌绿，当街槐影入帘黄。近来越海炎蒸甚，谁续南薰惠此方。” 卍

牧爱坊 在县治照屏外。正德间知县祝弘舒建。卍

樵楼 《叶志》：旧在县治东五十步。曾侯才汉以东偏山稍远，溪流湍泻，风气亏泄，乃徙楼跨溪上，去旧址三百步，榜曰：“鲸音鸣远。” 卍

申明亭 在县治门外，牧爱坊左。卍

旌善亭 在县治门外，牧爱坊右。卍

土地祠 在仪门内左。康熙间知县曹文珽重建。卍

县丞宅 旧在县堂左，今驻新河五龙山下。乾隆三十六年县丞张福敏重建。卍

典史宅 旧在县丞宅南，康熙十二年典史马三畏因主簿废宅改建，即今署。卍

巡检司署 在松门，国初迁遣移城中，今仍在松门。ㄱ

黄岩盐场使署 《赤城志》：“于浦盐场在黄岩县东南七十里^{〔一〕}，咸平三年建。”即今南监是。明洪武二十二年建盐课司署，厅屋三间，门屋三间，石碑一座在正厅西。管仓九，隶本邑者四。岁久屋圯，国朝雍正甲寅场使毛崙重建。乾隆丁亥，武进华瑞潢来任，喜修房屋，即故署改建，正宇厢房之外，有竹深处、环翠堂、问月轩、独啸室，通计六十五间。朱子行部奏：“浙东四州滨海，私盐常贱，官盐常贵，利之所在，法不能禁。贩私百十成群，大船搬^{〔二〕}载，巡尉不能呵，州郡不敢诘，反与通同，资以取利。除明、越两州稍通客贩，粗有课利，温、台全不成次第。民间公食私盐^{〔三〕}，客人不复请钞，至有一场一监累月之间不收一袋，不放一袋者。”盖私盐古今同弊，当时监官亦几同冷署矣。ㄱ

教官署 附见学校。ㄱ

武官署 并载营制。ㄱ

阴阳、医学署 在县治后。各正厅三间，左、右耳房一间，门屋一座。今圯。ㄱ

旧布政分司 在县治西南三百步。ㄱ

旧按察分司 在县治东南三百步。ㄱ

旧府公馆 在社堂桥，后移按察分司东五十步，今俱废。惟皇华亭在镇东桥东五十步，明知县陶秀建，尚存，为迎送之地。与息肩亭相迳。ㄱ

旧黄岩买纳场厅 《赤城志》：“在县东南六十里（即今南监街）^{〔四〕}。乾道三年监官戚大辨建，嘉定十五年潘周伯重建。”ㄱ

旧押袋厅 在监场厅侧。嘉定十一年押袋鲍野即旧署添建。ㄱ

旧河泊所 亦在南监。明洪武时建。革除间裁废，未几复。嘉靖辛卯，御史端廷赦^{〔五〕}题革，郡守周志伟旋又请复，移于澄江侧。ㄱ

附论：《叶志》云：“凡官师^{〔六〕}视事之所谓之公署。其规制^{〔七〕}之大小视品秩。”太平公署，自县治下至庶司杂职，莫不有其所焉。

盖体制所在，观瞻所系，使民肃然知有尊也。古乡长、卫正皆有街弹之室^[1]，况其上此者哉。卍

乡 都卍

太平分黄岩县东南之三江，其乡名曰太平、曰繁昌、曰方岩。其都自三十都至五十都。太平因境内泾岙太平岩而名，宋、元时旧管里四：曰三门、曰练溪、曰白水、曰游屿。《叶志》增繁昌，云管里五者，非实也。繁昌，旧名万岁乡，宋政和八年乡民陈丑儿妻一乳四男，诏改今名，宋、元管里三：曰赞善、曰横屿、曰回浦。方岩乡，原名驯雉，宋赵处温葬驯雉乡潭头，其地即今关屿左近；然宝祐四年进士郑居智名下即注住方岩乡，则乡名亦宋嘉定后改；元管里五：曰古城、曰仙岩、曰湖南、曰湖北、曰白塔。究南、北二里名湖之故，由古溪口湖出王城山，东北流入河，达百桨渚。是水渐涨狭，殆无复湖状，然今镜川，前人犹称为湖北里也。立县时，虽名割黄岩三江，实兼有灵山乡之塘下、贵丰二里。贵丰，今北闸也。地未全割，故止以三江言之。又考《嘉定志》水利门，金清颜家埭、监侧小埭隶繁昌乡，于浦埭及鲍家埭犹隶灵山，其后乃并隶繁昌。今县城之四隅，则皆故黄岩之三十九都也。山门、玉环二乡续割自乐清，每乡二里，曰归义上下、曰金钿上下，皆宋、元旧名。分隶后地号更易，并《乐清志》亦昧其始矣。卍

县境旧分一百八村，续有归入玉环者。乾隆二十八年大造，另定为一百五庄，南北隅外，为都者二十六。卍

旧东南隅，凡七图，管村八：小泉村、鹭下、横湖、前岙、后岙、岩下、汇头、河边。西北隅，凡六图，管村六：莞田、高洋、下堡、渭川、江岙、范岙。今统并南北隅，管庄八：小泉、西外、北山、东外、横湖、莞田、叶王、下堡。卍

旧一都，凡一图，管村六：黄淡岙、谷岙、林岙、坦头、珠村、白溪。今分四庄：山下、屏下、谷岙、白溪。ノ

旧二都，凡一图，管村五：大间、长沙、洞黄、三岙、莞岙。今并为二庄：大间、三岙。ノ

旧三都，凡二图，管村七：石桥头、河岙、黄仙岙、山前、半岙、沙角、阮岙。今并为三庄：石桥、沙中、余萧。并北隅^{〔九〕}叶王、莞田，一都山下，共六庄，向充学夫，县无役。ノ

旧四都，凡二图，管村五：塘头、高浦、坊边、应毛村、琅洋。今仍为五庄，塘头改茅山，馀如故。ノ

旧五都，凡二图，管村五：淋头、乌沙浦、苍山、甘岙、夏公岙。今并省为二庄：上半、下半。ノ

旧六都，凡二图，管村五：晋岙、箬横、后峰、盘马、平溪。今并为四庄：盘马、团浦、大路、后峰。ノ

旧七都，凡二图，管村四：屏山、塘下、下莫、浦南。今仍为四庄：浦南、西王、莫家、塘岙。自一都下并隶南城坊总。ノ

旧八都，凡五图，管村九：长屿、小屿、蔡阳、北闸、山西、新场、撮屿、牛桥、塘岙。今改定八庄：山西、庆丰、长屿、岙里、新场、小屿、蔡洋、横河。ノ

旧九都，凡二图，管村六：琅岙、横塘、南山、罗西、铁场、娄岙。今改定四庄：琅岙、南山、横塘、罗西。ノ

旧十都，凡四图，管村十一：南监、高桥、渡首、新秋、湖亭、夹屿、路边、上桥、下蒋、滕家桥、光明。今改定十庄：南监、下蒋、高桥、上桥、湖亭、路边、渡首、夹屿、腾蛟、新河。

第十一都，凡一图，周洋、华龙。寄庄。ノ

旧十二都，凡二图，管村四：扁屿、鹭屿、新读、沈桥。今改定二庄：扁屿、鹭屿。ノ

旧十三都，凡三图，管村六：泽库、天黄、竖石、桥伍、白塔、翁岙。今改定三庄：泽库、翁岙、桥伍。ㄎ

旧十四都，凡二图，管村七：江洋、白山、上屿、金屿、坦头、曹岙、金岙。今并为四庄：江洋、白山、坦会、金岙。自八都下并隶东城坊总。ㄎ

旧十五都，凡三图，管村四：茅岙、潘郎桥、瓦屿、新建。今分为五庄：潘郎桥、新建、瓦屿、部渚、沈岙。ㄎ

旧十六都，凡四图，管村五：冠屿、古城、大溪、沈岙、赵岙。今改定四庄：冠屿、古城、桃夏、大小溪。ㄎ

旧十七都，凡四图，管村六：水洋、楼旗、莞渭、前洋、小泾、马望头。今并为四庄：水洋、东陈、莞渭、夏王。ㄎ

旧十八都，凡一图，管村五：温岭、山下、桐山、上珙、焦湾。今改为四庄：石门、桐陈、温岭、山下。ㄎ

旧十九都，凡二图，管村四：虞岙、叶家屿、娄山、新塘。今改为五庄：虞岙、叶家屿、新塘、后洋、娄山。ㄎ

旧二十都，凡一图，管村三：泾岙、萧村、鸡鸣。今分为五庄：紫高、萧村、萧溪、河头、泾岙。ㄎ

旧二十一都，凡一图，管村八：湖雾、大球、小球、青屿、武溪、河岙、江下、梅溪。今并为二庄：河溪、大球。自十五都下并隶北城坊总。ㄎ

旧二十二都，凡一图，管村三：乌根、新坊、白璧。今并为一庄：乌根。

旧二十三都，凡一图，管村四：石桥、横山、湖头、寒坑。今并为一庄：五里。ㄎ

旧二十四都，凡二图，管村五：芳杜、三山、前岙、徐都、溪沿。今割入玉环。ㄎ

旧二十五都，凡一图，管村七：田岙、路上、枫林、寨门、蒲洞、都顿、岭下。ㄎ

旧二十六都，凡一图，管村七：邢田、罗徐、水桶岙、沙头、南山、江绾、洋坑。今并为五庄：隘顽、峡门、寨门、营罗、绾山。自二十二都下并隶西城坊

总。旧田畚、路上、枫林、岭下、水桶畚、沙头、南山、洋坑，俱割入玉环。

新隶庄：石塘。𠄎

坊 市𠄎

《赤城志》于黄岩东南乡在今邑境数十里间，止载迂浦、夹屿二市，如大溪、泽国、南塘等市皆创自嘉定前，概失录。盖远未及访，抑或专举水道冲会言之。今生齿日盛，民庶殷阜，几于处处成庄岳^[-〇]，足见太平之象矣。𠄎

南四坊 在县治东南。𠄎

北四坊 在县治西北。每坊向例各置运长、里甲，轮年应役，与乡都同。但在坊厢者曰坊长。即今之总甲，多以邱、林、金、高四姓人充之。𠄎

县东巷 在县治东五十步。正德二年知县卢英辟，即今丁字街。𠄎

县西巷 在县治西三十步。弘治十六年知县刘弼筑，今呼当街井。其西又有永宁巷。𠄎

中央园巷 在县治东南五十步，旧称中阳园。𠄎

县前直街𠄎

县前横街𠄎

县后街 即今新街。俱弘治间筑。𠄎

学前街 在县治东南五百步。东^[-一]腾蛟坊，北折为解元坊，巷通镇东桥；西起凤坊，南折通大远桥。𠄎

宅前街 在县治东南，大远桥西北，宋戴少监良齐宅前。𠄎

十字街 在县东稍南二百五十步。东街今名中司前，西即大街，南连坊下街，北接横街。旧称泉村街，金氏筑。后作县治，仍其旧

而广之云。ㄊ

镇东桥市ㄊ

鸣远楼市 俱在县治。以上见《叶志》。ㄊ

仓后街 在县治东。ㄊ

弹子巷 在县治西。ㄊ

中厢巷 在县治东南。明天津训导邑人邱元善筑。ㄊ

南监街 在十都。宋时为迂浦监。二、七日市。ㄊ

塘下街 在七都。宋、元时南塘戴氏筑。一、六市。本隶黄岩灵山乡，今隶繁昌乡。ㄊ

温岭街 在十八都。岭南通江下，水路入海；西陆路通乐清、大荆；北水路通路桥、官河；东南陆路通本县。贾舶交会，人烟凑集，宋时为峤岭镇，有驿^{〔一三〕}有关。今一、六日为市。

夹屿街 在九都。三、八日市。ㄊ

泽库街 在十三都。郑氏筑。四、九日市。北境与黄岩接，四畔皆水，舟楫往来于此凑泊，宋进士郑瀛诗所云“中流拥出一廛市”也。ㄊ

白山街 在十四都。宋蔡武博鎬筑。ㄊ

陶夏街 在十六都登云桥上。谢氏筑。ㄊ

侍郎街 在大溪。宋侍郎王居安筑。三、八日市。ㄊ

下村街 在十六都。近南岙、大安诸山谷，有营^{〔一三〕}茅薪樵之利。明嘉靖间赵尚书大佑筑。二、七日市。ㄊ

陈家宅街 在十八都。峨山陈氏筑。ㄊ

大闾市 在二都。居民业海贩鲜于此。ㄊ

莞山鱼市 在二都莞山南沙塘。ㄊ

石塘酒坊 在县南四十里。宋时置。ㄊ

松门西郭市 在松门城西。业海鱼舶所集。ㄊ

《叶志》所列，尚有大珠村，在石牛山南。林氏所居，产竹木，县火把取焉，而免其他税，其族世供役。嘉靖诸生林英毓有诗曰：“火把地，在何处，珠溪岭东坑之际。里人种此不纳税，火把专供往来费。从遭族祸家业坠，火把不供田荒秽。惟吾林氏或能记，子孙尚尔传世世。”又有小珠村市，在十八都楼旗山南。消村市，在五龙山东，产杨梅、桃、李、菜茹。ㄱ

新河街 在所城。五、十日市。ㄱ

箬横街 在六都。五、十日市。ㄱ

石桥头街 在三都。四、八日市。湖雾街同。ㄱ

石粘街 在九都。一、六日市。ㄱ

鹭屿街 在十二都。二、七日市。ㄱ

潘郎桥街 在十五都。五、十日市。ㄱ

隘顽街 在所城内。ㄱ

横山头市 在中桥头。四、八日市。ㄱ

神童门 五、十日市。鉴洋李圣佐等创。ㄱ

长屿街 在八都。李氏筑。四、九日市。ㄱ

淋头市 在第五都。三、八日市。ㄱ

横峰桥市 在十七都。水洋金步南、金北园等创。ㄱ

石刺街 在十七都。三、八日市。ㄱ

杉屿塘市 在翁岙前。一、六日市。ㄱ

横涧桥市 在四都。三、九日市。ㄱ

大路街市 在六都。二、七日市。ㄱ

萧家桥市 在八都。三、八日市。ㄱ

街弄头市 在四都。一、七日市。ㄱ

津 梁ㄱ

或作于官，或作于民，前创后述，非一人功。旧著名者著之，馀不悉具也。ㄱ

- 四城** 阜民桥 在治前直街。明邑侯曾才汉建。丿
凤尾桥 在延照门内。丿
太平桥 在十字街西。丿
社堂桥 在十字街。丿
三元桥 在十字街北。丿
永宁桥 在治西永宁巷。丿
登云桥 在学前溪。诸生林尚冲纠建。南楚唐侯题曰“东津春碧”。丿
- 西南隅** 大远桥 在观海门外。一名雁鸣桥。丿
江家桥 丿
鹤渚桥 俱在小南门外。丿
霓源桥 在江家桥西。明隆庆间邱氏建，国朝知县郭洽治重建。丿
- 灵泉桥 在延照门外。丿
小泉二桥 在大远桥南。丿
- 东北隅** 镇东桥 在迎辉门外。丿
三升桥 在县东二里。丿
箭桥 在渭樟北。丿
霜降桥 在河埠。一名桑家桥。丿
绛桥 在雅屿南。丿
新牛桥 在县东北下岙。丿
沙埭闸桥 在县东北三里。宋林乔年建，裔应祯修。丿
塔前上、下二桥 在雅屿北。丿
树桥 在北山溪上。丿
横湖桥 在县东五里。国朝嘉庆间重建。丿
月洞桥 在横湖。国朝嘉庆间重建。丿

- 上阳桥 在叶王庄。ㄩ
叶梁桥 在下保东北。ㄩ
双桥 在下保河。ㄩ
环清桥 在高洋。ㄩ
神童门桥 在神童山嘴。ㄩ
鉴洋桥 在莞田东。ㄩ
一都 剑坑桥 在谷岙。ㄩ
百岁桥 在屏下。ㄩ
溪头桥 在山下庄。ㄩ
二都 长沙桥 在长沙塘下。有板以启闭。ㄩ
小星桥 在横溪。ㄩ
练溪桥 在大闾。ㄩ
登云桥 在洞黄。ㄩ
三都 石桥 在石井铺东。ㄩ
花桥ㄩ
萧家桥ㄩ
黄氏十分桥ㄩ
余家桥ㄩ
前宅桥ㄩ
四都 清河桥 旧名广利。ㄩ
横涧桥 在高浦岙口。ㄩ
冈桥 在高浦岙。ㄩ
彭林桥 在猫儿河。ㄩ
石牌桥ㄩ
西河桥 俱在水沧头。ㄩ
五都 官庄桥ㄩ

赵家桥 在乌沙浦。丿

郑行人桥 宋行人郑越建。丿

普照院桥 在院东北沙。丿

六都 箬横桥 在团浦。丿

黄浦桥 在盘马西。旧名王库。丿

下伏桥 在团浦西。丿

娄子大桥 在官道。丿

亚湖桥 在晋岙溪口。丿

李婆桥 在团浦西。丿

七都 塘下五桥 宋戴氏建。丿

塘下上桥 元王氏建。丿

下林桥 在塘下南。丿

撮屿桥 在屿前。丿

八都 金清大桥 旧因在净应寺前，呼寺前桥，后改今名。海口锁钥，往来冲要，通县之桥，以此为巨。先乾隆四十年，绅士李燦英、金兑玉、蔡良蔚等竭力募建，费数千缗，知县李汝麟记之。嘉庆初年圯。蔡翔翰、陈见山、蔡友多等重募捐造，改平桥为圈洞。后南洞复有欹斜，见山日夜劳勩修整，于是制巨工坚，可历久不坏。知县舒其绍有记。丿

横桥 在官道。丿

阮家埭桥 阮华筑。丿

下冒桥 在长屿东。上、下二桥。丿

渡南桥 在金清桥东南。丿

平溪桥 溪塞桥存，在日照堂西。丿

东庄桥 在长屿街东。丿

萧家桥 在新场。丿

九都 金佛桥 在小屿西，桥畔有闸。ㄥ

牛桥 在小屿西北。ㄥ

东麻车桥 在狼岙北。ㄥ

小屿桥 在屿侧。ㄥ

荔支桥 在渚上。ㄥ

石粘桥 在街东。ㄥ

十都 湖亭桥ㄥ

官长桥 在路边。ㄥ

黄板桥ㄥ

上桥ㄥ

光桥 在南监中街。ㄥ

高桥 一名大宽桥，僧文杰、文敬建。ㄥ

仓前桥 在新河所西北。ㄥ

斗门桥 在新河二尹署前。ㄥ

连树桥ㄥ

滕家桥 一名腾蛟。ㄥ

十一都 华龙桥 北界黄岩。ㄥ

叶郎桥 今呼叶朗，在新湫。ㄥ

九星桥 在洪桥朱，北界黄岩。ㄥ

十二都 新渎桥 在新渎山下。ㄥ

光明桥ㄥ

前陈大桥 在扁屿南。ㄥ

沈桥 在鹭屿东北。ㄥ

官塘桥 在鹭屿。一名月河中桥，即今鹭屿闸。ㄥ

丹崖桥 在丹崖南。ㄥ

竖石桥 在竖石南。ㄥ

- 镇东桥 即五里泾桥。丿
- 念佛桥 在镇东桥西。丿
- 十三都** 泽库大桥 一名月河桥，改名万安，俗呼官塘桥。丿
- 双桥 在泽库，一即关庙桥，一岳宫后。丿
- 三衙桥 一名方衙桥。丿
- 金鉴桥 在三坑泾口。丿
- 假山桥 在泽库。宋郑氏筑此以应东井。丿
- 新桥 在泽库，北接黄岩界。明王东瀛侍郎有赋。丿
- 马劂桥^{〔一四〕} 在泽库丁字街。丿
- 十四都** 双桂桥 叶检校德骥建。丿
- 白菩桥 在江洋东北。丿
- 应钱桥 应、钱二家建。丿
- 九星桥 在江洋。丿
- 西新桥 在白山街。丿
- 泾边上桥 在灵伏山北。丿
- 鸦鹊桥 在下珠山东。丿
- 十五都** 潘郎桥 在茅岙南。丿
- 新建桥 在新建山南。丿
- 下戴桥 在楼旗山北。丿
- 董三桥 在牛山东。丿
- 季更桥 在部渚。丿
- 深桥
- 十六都** 登云桥 在赵岙。丿
- 西麻车桥 在赵岙北。丿
- 白箬桥 在关屿南。丿
- 宜桥 在大溪。丿

- 俞家桥 在油屿北。ノ
- 新桥 在下村双菱池后，界黄岩。ノ
- 十七都 横峰桥 在齐江，一名月河桥。ノ
- 楼旗桥 在楼旗山南。ノ
- 通济桥 在马望头。ノ
- 双桥 在莞渭童。ノ
- 回水桥 在莞渭。ノ
- 柳桥 在水洋。ノ
- 前徐桥 在柳桥东南。ノ
- 宝胜桥 在水蛇泾口。ノ
- 牌门桥 在石刺东。ノ
- 上林桥 在林家庄北。ノ
- 蒋家桥 在石刺西。ノ
- 十八都 望云桥 在温岭照山下。ノ
- 松溪桥 在温岭东。ノ
- 赵桥 在温岭北。ノ
- 永镇桥 在下凤山侧。ノ
- 马桥 在上珙。ノ
- 瑞峰桥 在祇园寺前。ノ
- 漱玉桥 在九阗山前。ノ
- 十九都 钟秀桥 在虞岙。ノ
- 三王桥 在叶家庄。ノ
- 闻家桥ノ
- 白石桥 在碗头山下。ノ
- 陆公桥 在新塘。ノ
- 二十都 彭家桥 在消湖。ノ

弥陀桥 在凰山头。ㄊ

鸡鸣桥 ㄊ

二十一都 武溪桥 姥坑本名武溪。ㄊ

二十三都 石桥 在大雷山西。ㄊ

二十六都 弓桥 在邢田，南界玉环。ㄊ

附论：邑半水乡，港路交错，甚资桥梁，好义者岁有修筑。第桥成取坚固，陆可通步，水不碍舟而已。每有喜事之人，意有争胜，轻改昔制，务为崇侈，既多靡耗，兼或无益地方。如近年泽库大桥易平版为圈洞，致该地三年中五罹火患，虽有数存，亦人事之失也。故附著戒于此。ㄊ

校注 ㄊ

[一] 七十里 原文“六十里”，据《赤城志》改。ㄊ

[二] 搬 原文“般”，通“搬”，今统改。ㄊ

[三] 私盐 “盐”字原脱，今补。ㄊ

[四] 即今南监街 非《赤城志》语，系戚氏所加。ㄊ

[五] 端廷赦 “赦”原文作“敬”，据《明史》卷一九六改。ㄊ

[六] 官师 “师”字原脱，据《叶志》补。ㄊ

[七] 规制 “制”字原脱，据《叶志》补。ㄊ

[八] 街弹之室 汉代里官办事处。ㄊ

[九] 北隅 原文误作“北都”，今改。ㄊ

[一〇] 庄岳 春秋时齐都临淄城内街里名，借指街市。ㄊ

[一一] 东 原脱，据《嘉靖志》补。ㄊ

[一二] 驿 原作“驷”，通“驿”，今统改。

[一三] 菅 原文作“管”，疑为“菅”。

[一四] 马礪桥 “礪”原文作“礪”，本志叙水《泽库》条作“礪”，从改。ㄊ

嘉庆太平县志卷之四

赋役志

赋役^{〔一〕}

国朝 本县原额田四千三百八十五顷六十九亩八分馀。内：官、民田三千三百一十二顷一十七亩八分有奇，实存二千八百四十五顷三十亩六分有奇。每亩实征银五分二厘六毫，米一升九合零。内有弃置、展复、升垦，故实存与正数不符。下仿此。灶免田四百八十八顷二十五亩三分馀，实存田四百五十八顷七十六亩二分有奇。每亩实科银三分二厘，米一升五合零。民下折八田二百六顷八十一亩七分馀，实存八十九顷七亩九分有奇。每亩实科银四分一毫零，米一升三合零。折四田三百七十八顷四十四亩九分馀，实存三百九十二顷八十亩七分有奇。每亩原征银三分九厘，米四合七勺零。额外天涨沙田二十一顷四十五亩八分馀。每亩征银三分九厘，米四合七勺零。又额外三起沙田共三百八十九顷六十五亩馀，实存一十四顷六十八亩七分有奇。科银、米数同上。

原额地一千三十四顷五分八厘馀。内：官地八十顷五十五亩一分有奇，实存地八十一顷二十一亩九分有奇。每亩实科银一分一厘，米四合一勺零。民地九百五十三顷四十五亩三分馀，实存地七百一十顷一十九亩有奇。每亩实科银二分三厘，米六合七勺。额外天涨沙地六顷二十六亩七分馀。又额外三起沙地共四十七顷一十五亩馀，实存三顷二十一亩六分有奇。

每亩科银一分一厘，米四合一勺零。户

民山二百一十六顷六十七亩三分馀，实存山一百七十五顷七亩三分有奇。每亩原征银三厘一毫。户

原额塘三十七顷五十四亩。内：官塘四顷七十五亩五分有奇，实存塘三顷九十九亩二分有奇。每亩实征银二分四厘，米一升四合零。民塘三十二顷七十八亩四分有奇，实存塘二十九顷七十七亩六分有奇。每亩原征银三分二厘，米九合四勺零。额外水塘九十七亩。每亩征银二分六厘，米一升五合零。户

代征玉环上田六顷三十一亩四分有奇。每亩征谷三斗二升。下田一十六顷四十二亩二分有奇。每亩征谷一斗四升。民地五十八顷四亩一分有奇。每亩征谷六升。民山三顷四十四亩六分有奇。每亩征谷二升。民塘二分。该谷一升八合。户

原额民人带种台州卫屯田三十八顷五亩五分馀，奉裁归并本县征收，实存屯田八顷二十三亩有奇。每亩科银一钱三分零。

原额民人带种松门卫屯田七十三亩七分馀，奉裁归并本县征收，实存屯田一十六顷九十亩七分有奇。每亩科银一钱四分九厘零。户

原额人丁二万二千八百七丁口。内：乡民七千四百七十八丁，实存六千五百九十五丁五分。每丁征银二钱，每银三两三钱一分六厘派乡民一丁。灶丁二千九百六丁五分，实存二千六百五十六丁五分。每丁征银四分五厘，每银五分四厘派灶丁一丁。无田单丁二千五十三丁五分，实存一千二百五十丁。每丁征银一钱五厘，每银一十七两四钱九分九厘派无田单丁一丁。食盐课口一万三百六十九口，实存八千一百九十九口。每口征银三分一厘，每银二两六钱六分八厘派食盐课口一口。

以上田地山塘、军民屯田、人丁等项共征银三万九百八十八两八钱一分零，实征银二万四千五百二十三两五钱五分有奇；共征米七千一百七十一石六斗九升五合零，实征米七千三百三十三石五斗七升八勺有奇。代征玉环谷七百八十馀石在外。户

外赋入地丁科征银一百二十四两五钱馀。内：渔课并路费银二十一两六钱二分有奇。随粮带征盐课并车珠银一百二两有奇。本县课钞银五钱七厘有奇。以上三款即在地丁编征内。户

外赋不入地丁科征银四百八十三两三钱馀。奉文于现在场所摊派抵补，仍入实征数内。内：本县课钞银一十三两六钱有奇。铺行办纳，归经费用。涂地抵雇夫马银数顺治十八年除免。渔课米折并路费银数渔户出办，康熙六年除。额外岁征盐课银四十二两六分有奇。天涨涂田办纳，弃置无征，奉文于现在场所摊征。黄岩场灶丁课税并车珠银数及康熙六年清丈出坦地征银仍归本场。荐新芽茶二斤。每银价一钱二分。户

以上地丁、外赋共额征银三万一千六百二十七两零，实征银二万四千九百三十六两有奇。

起运银二万六千八百三十八两二钱馀。内：户

户部本色银一百一十七两二钱有奇：颜料本色银六两六钱六分有奇，本色加增时价银二两八钱六分有奇。每年纂入由单征解。颜料改折银七两五钱三分有奇，改折加增时价银二十两六分有奇。不入科则每年于地丁科加，另解。蜡茶本色银一十四两五钱一分有奇，本色加增时价银一两二钱四分有奇。黄蜡增色银四十六两六钱有奇，加增折色时价银九钱五分有奇。芽茶折色银四两五钱有奇，加增折色时价银六两八分有奇。叶茶折色银二两四钱四分，加增折色时价银三两六钱有奇。以上共地丁银八十八两二分零，新加及时价银三十四两九钱有奇。户

户部折色银一万八百一十六两馀，内：折色银七千三百九十五两七钱有奇。奉裁松、海二卫归县征收屯折银八百六十七两七钱有奇。渔课米折银六十四两二钱四分有奇。民佃屯折银五百四十四两六钱有奇。乾隆十四、五至四十六等年新升银一千九百五十两七钱三分有奇。以上共地丁银一万八百三十六两七钱零，不入田亩外赋银六十四两八钱八分有奇。户

礼部本色银一两七钱四分馀。内：荐新芽茶折征银三钱二分。药材本色银一钱八分二厘，改折银一两五分二厘，本、折加增时价银一钱九分一厘。以上共地丁银一两八钱五分零，不入田亩外赋芽茶折征银三钱二分，时价银一钱九分有奇。卍

礼部折色银六十四两五钱四分一厘。该地丁银六十六两二钱一分有奇。卍

工部本色银朱银九两五钱九厘。该地丁银一十两六钱五分有奇。卍

工部折色银二千七百一十五两四钱七分。内：折色银二千六百二十五两五分有奇。渔课改折银九两九钱八分有奇。匠班银八十两四钱四分有奇。以上共地丁银二千六百四十五两八钱有奇，田亩带征匠班^{〔一〕}银八十两四钱四分有奇。卍

旧编存留裁改解部银六千七百九十两八钱四分。内：顺治九年旧编裁剩解部米折银五百七十三两一钱五分有奇。军储各仓原弃置银二百八两六钱四分有奇。顺治九年裁扣银二百五十七两六钱。顺治十二年裁知县迎送上司伞扇银八两。顺治十三年漕运月粮三分拨还军储银六百五十六两一钱有奇，又裁官经费银一百九十八两八分。顺治十四年裁扣银四百五两二钱九分，又裁膳夫银四十两，又裁里马银四十六两。顺治十五年裁优免银四百五十七两三钱零。康熙元年裁提学道考试心红等银一十七两九钱，又裁吏书工食银一百二两。康熙二年裁仓库、学书工食银一十九两六钱，又裁巡检经费银四百两五钱六分。康熙三年裁教职经费银六十五两一钱二分，又裁斋夫银三十六两。康熙八年裁驿站银四十六两八钱。康熙十四年两次裁扣一百八十五两五钱零。康熙十五、六两年裁扣银七十七两二钱四分。康熙二十七年裁岁贡赴京路费银三十八两四钱九分，又裁科举礼币、进士举人牌坊等银一百九两一钱一分。康熙三十一年裁驿站

银六百六十一两六钱五分。康熙五十六年裁本府拜进表笈等银三两一钱八分。雍正三年裁宪书纸料银八两五钱零。雍正六年裁灯夫银三十六两。雍正十二年裁扣民壮工食银一百三十二两。雍正十三年裁藩字号座船水手银一两二钱。以上共地丁银六千七百四十八两五钱有奇，积馀米改征银三十九两六钱一分，不入田亩外赋银五两六钱七分。涂田弃置无征。

留充兵饷改入起运银六千三百二两六钱零。内：田、地、山银三千二百六十二两八分有奇。兵饷银三千四十两五钱三分。以上共地丁银六千三百二两六钱零。户

盐课解归藩司充饷。户

各巡司抵课银一百九十两一钱三分零。以上共地丁银一百九十二两三分有奇。户

运司专辖课银四百九十二两八钱八分馀。内：随粮带征课银一百两七钱三分有奇。额外岁征课银四十一两三钱六分。康熙六年黄岩场归入本县征解课税银三百四十八两七钱八分零。清丈出坦地归县征粮二两零。以上共地丁银一百二两四钱五分有奇，不入地丁外赋银三百九十八两七钱八分。户

漕运粮储道专辖。户

随漕本色月粮给军米一千三百九十五石七升五合。每石改折银一两二钱。

随漕折色银一千八百五十五两二钱七分零：月粮七分给军银一千五百三十一两一钱零。浅船料银二百三十六两二钱一分零。以上共地丁银一千八百五十五两二钱七分有奇。户

存留银二千一百五十二两二钱七分。内：户

司存留银二十两。内：布政司解户役银一十五两，陪课板枋银五两。以上共地丁银二十两。

府县存留银二千一百三十二两二钱七分。内：本县拜贺习仪银

四钱八分。致祭文昌银二十两。致祭关圣银六十两。致祭厉坛米折银六两。祭祀银一百四十四两。文庙香烛银一两六钱。迎春芒神、土牛、春酒银二两。知县经费银五百九十三两四钱_{俸银四十五两在内}。县丞经费银七十六两_{内俸银四十两}。典史经费银六十七两五钱二分_{内俸银三十一两五钱二分}。儒学经费银一百八十五两九钱二分_{内训导俸银三十一两五钱二分}，廩膳、役食俱在内，加俸银四十八两四钱八分。松门巡检经费银八十六两七钱二分_{俸银同典史}。府县岁贡银六两。乡饮酒礼二次银七两五钱。战船民六料银三十一两五分。巡盐应捕银四十三两二钱。看守布、按二分司公署门子工食银四两。中津桥贴修银三十两。各渡夫工食银二两。江心闸夫工食银四两。冲要七铺司兵工食银二百六十六两，偏僻十二铺工食银二百五十九两二钱。孤贫三十六名布花木柴银二十一两六钱，口粮银一百二十九两六钱。囚粮银三十六两。以上共地丁银二千一百一十八两六钱一分零，不入地丁外赋银一十三两六钱零。卍

存留米五千七百三十七石三升九合，又弃置内军储升科改银征米八百四十七石三斗四升，共米六千五百八十四石，实征米五千九百三十八石四斗有奇。内：军储米三千二百九十四石七斗，又升科改征米八百四十七石三斗有奇。秋米二千七十九石八斗八千有奇。乾隆十四年至四十六年等年新升米三百六十二石三斗六升零。代征玉环租谷七百八十七石一斗零。卍

地丁加闰银五百九十五两一钱六分零，又驿站新加银三十三两六钱二分零。外赋不入地丁渔课米折加闰银六两六分零。以上地丁、外赋共额银六百三十四两八钱五分有奇。卍

地丁加闰米一百一十六石二斗五升零。卍

起运本、折加闰银四百二十五两四钱三分零；户部折色银四两八钱八分零。渔课米折银六两零，改折银八钱三分零。工部本色银

朱银七钱七分零，折色银一十两九分零。旧编裁剩解部银八两三钱八分零。顺治九年至雍正十三年裁扣分拨银共二百十六两五钱零。兵饷银一百七十七两六钱三分零。以上共地丁银四百一十九两三钱七分，外赋不入地丁银六两六分有奇。ㄱ

盐课加闰解归藩司充饷。ㄱ

各巡司抵课银一十五两八钱四分零。弃置银二两馀。ㄱ

漕运加闰粮储道专辖。ㄱ

随漕本色月粮给军米一百一十六石二斗五升，折色月粮七分给军银八十一两三钱零。ㄱ

存留加闰银一百一十二两三分零。内：本县各衙门经费及铺司各役工食银共一百十二两零。以上共地丁银一百一十二两三分有奇。ㄱ

外赋ㄱ

学租银一两九钱七分五厘。解司转解学院。ㄱ

牙税银四十七两四钱。分上、中、下则牙户。ㄱ

契税每买产银一两，征税银三分。ㄱ

牛税每两征税银三分。ㄱ

康熙二十一年知县曹文珽《平田征比便民碑记》内载：“一、推收必宜细号。从前大造册内，止列户名总数，并无号可稽，混朦难辨。今于逐户下细列号，自绝弊端。若苦造册^{〔三〕}之繁，则有活板刷印之法，一劳永逸，勿为奸舛所阻。一、直册、公正必宜痛革。旧例编审之年，每十柱用一直册，职任推收，又有书算对关查结，公正入局平差，二三其手，反易藏奸。今每图止用诚练里书二人，此推彼收，逐图盘算，平拨均差，责成专而功且速。一、灶图必宜另立。高浦、平溪、青林、第四等仓，灶户田产名虽灶免，即在民田内通融征收，初未定某号为民、灶，因之豪右田多者得冒灶躲差，且又分挂民图，逋欠滋赔。今详定另立灶图，永为定例。一、十柱必当分立。从前催科银米，不稽甲户欠，止比图头一人，赔累无已。然业户零星，又难细比。今于每甲内均分十柱，将田多之户立为柱头，零户附于其下，每柱差田三十馀亩，每限完银二钱，按月乐输，已见刑减之效。一、征比必^{〔四〕}宜按

月。地丁条银例限九月全完，若论二月开征，以十分之额月比一分扣，至十一月全完，未免误违定限。今本邑条鞭二万，除丁银一千八百馀两另于六月起征，两限即能征足，而田赋一万八千有奇，连漕项三千五百在内，隔年冬季预征漕粮，已去二分之额，则本年正供止有八分额数，每图按月二十两，恰在九月全完。上则裕课，下则便民，可垂久远。”^{〔五〕}

附：前代本邑户口 明成化五年，析黄岩县户七千三百四十九，口二万九千五百八十一隶太平。户

成化十二年，又析乐清县户四千四百，口一万八千七百二十七以增益之。嗣后老除少补，额定大约无异。户

前代本邑田亩 成化五年，割黄岩三乡官民田地山塘共四千五百六十四顷五十六亩四分五毫。户

十三年，割乐清二乡官民田地山塘共一千十顷二分五厘六毫八丝二忽，又沙水七处。户

台州等卫军田本县居民带种五十六顷六十六亩八分五厘有奇。户
松门卫军人屯种田二十四顷一十三亩二分。户

《林志》论：太平山海之邑，壤田而外，有山田、沙田、塘田、涂田，负郭沃衍田^{〔五〕}，滨海斥卤田，统计为官、民、军、灶诸田，错居杂处。明末兵燹，有田而不耕，册籍徒存，实征渐紊。国朝巡抚范目击其事，力陈，得蠲免荒田五万有奇。皇仁浩荡，父老额颂至今。户

前代征赋 宋绍兴十八年，侍郎李椿年建行经界履亩，授砧基、式藏之官，岁输两税。黄岩经界田九十三万九千一百六十三亩，涂田、学田、寺观田不与，夏税绸绢总一万五千七百匹有奇^{〔六〕}，秋税苗米三万八千九百三十三石有奇，物力钱不与。嘉定间，令杨圭又修复之，稍增于旧。户

岁贡：闾郡金漆三斤，甲香三十斤，鲛鱼皮十张。嘉定锡贡柑子一万三千颗。户

杂赋和预买^{〔七〕}：起太宗时，三司判官马元方建议，三春乏绝时预给库钱贷之，至夏秋令输绸绢于官。崇宁间，本钱亦无，直以和

买额数委之于民，使与夏税并输，谓之上供，无所谓买、无所谓和矣。建炎间国用不敷，更变为折绢折帛钱，每绸绢一匹折纳钱四千。ㄱ

经总制钱^{〔八〕}：起李宪经始熙河，有经制司钱。绍兴五年复置总制司，以诸州酒务、商算及头子、牙契等钱，起发隶充军用。黄岩县煮酒、暴酒并商税钱一万二千七十七贯六百五十四文。ㄱ

元至大间，根括田税，比宋季稍减，夏税中统钞一千四百八十六锭二十三两有奇，秋粮三万六千九百九十六石有奇。ㄱ

岁贡：阖郡柑子二万三千颗，沙鱼皮一百六十七张，鱼鳔一百四十斤，貉皮一千一百二十四张。ㄱ

和买：无定价，但欲买时对物支值，民便之。ㄱ

历日钱：岁降授时历大小七千六百八十三本，解定价中统钞一百三十七锭二十三两。ㄱ

松门税务岁办中统钞九十五锭一十六两零。ㄱ

明洪武十九年，遣官经量田土，定粮税数目，具《黄岩志》。成化时，除官民田地、山塘、官房夏税麦三千一百八十一石七升六合零，秋米二万四百七十五石九斗一升零，农桑地税折绢一十七匹二丈三尺五寸二分。十八年定制。ㄱ

台州卫带种军田五十六顷六十六亩八分五厘，征米五百六十六石六斗八升五合。ㄱ

松门军人屯种田二十四顷一十三亩二分，征米六百二十二石九合。ㄱ

嘉靖十一年更定，有食课米、鱼课米、牛租钞、盐粮钞等名目。ㄱ

洪武初，有岁供海错、石首鱼、鲙鱼之类，岁办段匹、皮张之类。弘治后额办、派办物料，其名目曰：段匹、颜料、弓、弦、箭、鱼油、翎鳔折解黄麻、皮张、药材、茶芽、历日纸^{〔九〕}、进士牌坊派银一十三两三钱零、举人牌坊派银一十九两九钱零、科举三两三钱九分、乡饮酒银二十两、柴薪马户、驿传、马

价、浅船、军器、孤老、城垣。ㄱ

诸色课程，有房地赁钱、商税钞、鱼课、酒醋课。ㄱ

前代盐法 宋始用常平仓，盐官自运卖。后令铺口、衙前趋场运盐，县仓交纳，官给脚力钱，计丁给盐，纳钱以充官用。黄岩于浦监场岁纳盐三万五千石。ㄱ

元法大略似宋，《黄岩志》载总管王居敬奏状可考。于浦监场岁办额盐九千五百九十引。

明代有户口支給之食盐，有客商中卖之引盐，有商盐。客商输粟于边，官给引，于场任其货卖。鬻卖所在，有巡盐火甲，经过天津，盐引有截角之法，卖毕，引须缴纳。ㄱ

本县灶丁一千七百九十七丁，每丁岁办场盐二引六十二斤一十二两七钱，每引四百斤，额盐三千八百七十六引四十斤一十三两七钱。每年例定二月起煎。先用牛耙土浮松，挑积堆垛，筑小槽如坑，封涂其底，覆以剖竹，铺净茅，实土槽上，灌水渗及周时，泥融水溢，滷方溜入池内。每卤一担，成散盐一斗。ㄱ

食盐：先在运盐使司关支，计口给散。其后盐不复请给，吏民纳米纳钞如旧。ㄱ

灶田旧额四百八十八顷二十二亩有奇，每亩科银二分零在场征解，三分零在县征解。续田亩多有弃置。ㄱ

国朝另定新额。现行引，太平坐分八百七十五引。

前代役法 宋差役法：以里正、户长、乡书手课督租赋，以耆长、壮丁逐捕盗贼，其他杂役多以厢军给之，罕调丁男^{〔一〇〕}。其后乃有三等衙前及承符、人力、手力、散从、祇候之役。熙宁间，王安石立保甲法，立都保正副，以讥察盗贼，不当他役；助役法：令民出免役、助役之钱，而罢衙前之役，民甚便之。后承役者官不给钱，仍责役于民，而钱之出如旧。

义役法：乾道五年，处州松阳首倡义，众出田谷助役户轮充，守臣范成大嘉奖之，由是推行浸广。淳熙中，朱子行部台州，黄岩士人童蒙正、诸葛蒸硕等请使民自结^{〔一〕}义役，朱子奏行之。始止一二乡，嘉定四年，令陈汶至，始劝人一以义役从事。四明黄震《太平乡义役记》：“景定初，余官吴门。先是有常平使者阿时相意，尝括浙西阙役义米献羡馀，至是因循不革，催甚急，民甚苦，令新使者访民疾苦。余因列其事，且曰：‘百姓虽阙役，义役在；官司括役米，义役亡。为民父母，奈何不补助其阙，反利其阙，忍夺而遂亡之？’亦不报。越三年，兵部郎中会稽王公华甫来为使者，令余从事。余欲以告，未及，公已一己首鬻阙役米钱八十万贯，趣尽义役如初。一道欢呼，皆言公昔治台结义役有成法。方相与翘首拭目以俟，不幸役未及成，公先病卒，而阙役米之催如旧。余叹公浙西之义役不及成，安得取成法之在台者书之以劝将来耶？又六年，当咸淳戊辰，司封郎官月湖先生陈公榘俄属余记台之黄岩之义役，则正成于公治台之日。盖黄岩自嘉定五年太平乡林君从周白其宰陈君汶，邑始有义役。然法犹未备，岁久弊生，田连阡陌者捐助或不毫毛，仅仅及等者反困抑助。至淳祐九年，王公来为宰，始因旧法而更新之：约计产百贯乃鸠田一亩；且约能节贮其馀，以别置田，大都及三百亩，中二百亩，下百五十亩，其人足以当元鸠之数，即还所鸠。众悦从之，垂二十年无敢变。而公来守台，复申前约。时太平乡则从周之子太学进士宋卿司其事，最以整比称，公嗟赏。公既去，林君益整比唯谨。元鸠田二百有五亩，及今遂能积其馀置良田一百七十馀亩。亩租二石，视元鸠之亩数虽未尽及，租入反已过之，遂尽以元鸠之田还其人，如公约。宋卿家元助田十亩，独不取，与其弟齐卿谋曰：‘吾家主此义者也，可亦取之乎？’并以附新置田，一都之经费益沛然有馀矣。余惟官不容不役民，役不能不扰民，自昔圣贤皆以为病。至熙、丰间，思所以变通之策，使民出庸钱，仅能免衙前杂役，而役于乡落使递文移、督租税，曰都副、保正者，终无策以救。迨乾道间，松阳县产户始出田谷共创义役，以免争纠，而应役者有所取费，不复至废。加风气日开，讲究日精，已出于熙、丰诸贤思虑所未及。他州旁县往往从而效法之，已可谓至矣。然上户虽以为便，中、下户终未之便，尚不免如黄岩嘉定后之为者。乃今公之为法也，量户产以鸠田，姑藉为一时之开端，积馀利以置田，永以为无穷之至计，置者既可永久，鸠者尽可复还，使昔富而今贫者无诉贫归田之讼，昔贫而今富者无随时再鸠之扰。如太平乡，新置良田二百亩，官不得预，民不得取，殆类天造地设，别有一种闲田以应办公私百费，使官无阙事而民不知役者，此仁之至、智之极，放之千万世不复可毫末加，实自王公发之。

而林君父子兄弟皆能世济其义，公虽去而不忍忘，公虽老而不忍欺，成公之志如公之存，公之德义在人为何如？而死生不背负，惟公之义是成，黄岩之始有义役，与既有义役以其餘利别置田，皆昉于太平乡林氏，非君与公同此一义，亦畴克至是哉！然义利不两立；此役以义结者也，而所结之田若谷与续置田，皆利属也，义利之相去其间不能以寸，况身于利之间而欲主以义，非继此主之者皆刚胜卓识，界限截然，人人如林君，则钱谷出入之际，一有不愜于众心，即蚁穴可溃金堤矣，义将安在？余不暇复辞，而详为之书，庶几后之君子皆以林君之心为心，因其成规增增不已，复积新置田之馀，展转又为乡曲无穷之义举，虽后之主役如林君者，亦闻风兴起，无不贮积，因其端而迄于成，且使为邑、为郡、为常平使如王者，尚皆以是而率其人，役无烦扰，民乐息肩，太平之期当自兹始。咸淳^{〔一〕}四年九月记。”^卅

元：县设坊正，乡设里正，都设主首，专催税粮，追会公事。其初周岁或半年一更，后改季役，以粮多者^{〔一三〕}为役首，次为贴役。^卅

明制：每图丁粮多者为里长，馀为甲首。十年轮役一次，专催办钱粮，追摄公事。附郭者为坊长，官府供给，一切取办，民甚苦之。隆庆初，始革坊长。^卅

粮长，以征收二税，本县五十五名^{〔一四〕}，不更换。老人，亦每图设，本县六十六名。每里又有总甲，统小甲十名，掌巡徼，凡六十二名。并为正役。^卅

均徭，即里长之籍。挨甲编审，有银差、力差之分。力差，如布政司门子一名，银二两之类；银差，如本府、县上任家伙银二十一两一钱四分之类，皆以银代役。内惟耳房、库子二项尤重。隆庆初，御史庞尚鹏议代以吏，岁凡四易，民始息肩。万历时，御史谢廷杰更奏行一条鞭法。以上杂役。^卅

附论：前代赋、役分为二，国朝合为一。顺治十八年，既将各项土贡、杂办裁减，折征编入地丁条鞭充饷，本色仅百分之三，亦折色汇解。康熙五十七年，复除里长一切杂役，皆出在官，胥吏无复派累。百姓正粮一完，即可高枕。此我朝仁民之政，万年垂为定法，

如前所列赋役各款是也。然不附列先朝之制，亦无以见至治邳隆而斯民安享太平之福，故复具缀焉。

仓 储 户

赋入而储之仓，官用于是乎出，军粮于是乎给。岁荒则以糶、以借、以赈。仓者，藏也，然非谓其藏而不出也。故曰：积贮者，生民之大命也。户

际留仓 《林志》：“在县治仪门外东偏土地祠前。厅三间，东西廩屋各三间，西三间今圯，门一间。凡官吏月俸、使臣廩饩，与夫祭祀、日用之需，皆在焉。”户

预备仓 旧在县治仪门东偏墙里。仓凡五廩，官厅一间，岁设大户六名看守。后改仪门内东廊南首，厅三间，廩三间，门一间，康熙元年知县张国栋奉檄建。明洪武间，每县于四境设立预备四仓，用官钞籩谷存贮，以备荒年赈贷，官籍其数，敛、散皆有定规。宣德间，渐放失，侍郎周忱奏立济农仓，设为劝借、赈放稽考则例，民咸赖之。是四乡有仓，不止在城，而劝借一法，又类于社仓。盖社仓与常平义仓法皆相表里，在官府行之何如耳！户

便民仓 《林志》：“在县治西当街井。正厅楼三间，左右平屋各一间，东厢平屋一间，西厢平屋二间，门一间。康熙十一年县丞张光恩买民房改建。地本通衢，周以墙围，便民输輓，且便于唱筹云。”户

广盈一仓 在松门卫城。户

广盈二仓 在楚门所城。户

广盈三仓 在隘顽所城。户

广盈四仓 在新河所城。明时并以给军，今废。户

社仓 旧各村社长经管，官府稽考。后散放都不能收，又社长不胜胥扰，尽愿归官。近年亦无出借之事。新例：社谷仍归各社长经管，

不入官府交代。朱子《社仓奏》：“绍熙八年十一月，浙东提举朱熹奏：臣所居建宁府崇安县开耀乡有社仓一所，系乾道四年乡民艰食，本府给常平米六百石，委臣与土居官朝奉郎刘如愚同共赈贷，至冬收到元米。次年夏间，本府复令依旧贷与人户，冬间纳还。臣等申府措置，每石量收息米二斗。自后历年依此敛散，或遇小歉，即蠲其息之半，大饥则尽蠲之。至今十有四年，量收息米造成仓廩三间收贮，已将元米六百石纳还本府，其见管三千一百石并是累年人户纳到息米。已申本府照会，将来依前敛散，更不收息，每石只收耗米四升，遇敛散时即申府差县官一员监视出纳。以故，虽遇荒年人不缺食。窃谓其法可推广行之他处，欲乞行下诸路州军，晓谕人户：有愿依此置立社仓者，州县量支常平米斛，责与本都上等入户主执敛散。其有富家情愿出米本者，亦从其便，息米及数亦与拨还。如有乡土风俗不同者，更许随宜立约，申官遵守。实为久远之利，伏望圣慈详察施行。”十二月，奉旨：依户部看详到事理施行。朱子《劝立社仓榜》：“兹当司恭奉圣旨建立社仓，已行印榜遍下管内州县劝谕。寻据台州司户王迪功若水等状，乞各出本家米谷置仓给贷，当司契勘前件，官员心存恻怛，惠及乡间，出力输财，有足嘉尚。除已遵依具闻朝廷外，须至再行劝勉，量出谷米，恭禀圣旨，建立社仓，庶几益广朝廷发政施仁之意，有以养成里闾睦姻任恤之风。再此劝谕，诸各知悉。”^ㄱ

《林志》：“仓有预备，所以行任恤之政，与民通其变也。汉时有常平之设，隋唐有义仓之立，朱子有社仓之法，或收贮于官钱之余，或积累于贷息之羨，权盈拙以救荒政之穷，未闻有定式也。太平曩建六仓，二在城隅，四在卫所。除祭祀黍盛、官师廩俸外，大半属军食，月要岁会，以餉兵不足，何暇计及于水旱灾侵之事？而仓廩旧制亦复圯坏，预备之设名留而实去矣。”国朝轸念民艰，蠲恤之诏屡下，輿情欢忭，然止济困一时，而仓储之实尤望当事者之重为筹云。^ㄱ

校注^ㄱ

[一] 赋役 原脱，据本志《目录》补。^ㄱ

[二] 匠班 原文作“班匠”，今乙正。^ㄱ

[三] 册 原文作“策”，通“册”，今统作“册”。^ㄱ

[四] 必 原脱，从上文补。^ㄱ

[五]田原脱，据《康熙志》补。ㄩ

[六]奇原作“畸”，通“奇”，今统作“奇”。ㄩ

[七]和预买即和买。宋时，官府向百姓发放贷款，夏秋时令其输绢于官偿还贷款。后来变和买为折帛，官府不贷款，而令百姓按帛价纳钱，成为田赋以外的附加税。参见《嘉靖志》卷三《贡赋·历代杂赋》。ㄩ

[八]经总制钱“经制钱”和“总制钱”的合称，以由经制使、总制使建议征收而名，即增收卖酒、印契、头子钱，以充官府经费。参见《嘉靖志》卷三《贡赋·历代课程》。ㄩ

[九]历日纸“日”原作“目”，据《嘉靖志》改。ㄩ

[一〇]丁男“男”原文作“勇”，据《嘉靖志》改。ㄩ

[一一]结原作“给”，据《嘉靖志》改。ㄩ

[一二]咸淳原文误作“淳祐”。所记内容为淳祐以后事，内称受嘱作记在咸淳戊辰，即咸淳四年，据改。

[一三]者原脱，据《嘉靖志》补。ㄩ

[一四]五十五名原作“五十名”，脱“五”字，据《嘉靖志》补。

嘉庆太平县志卷之五广

学校志

庙学

先师庙 旧制三间，东西庑各七间，戟门三间，棂星门三间，阶下有露台，庑之左神库二间，右二间为神厨，最后四间为号房，其前为泮池、泮桥，棂星门外稍东为登云桥，左右二坊，左名兴贤，右名育秀，后改腾蛟、起凤，即大圣宫墙名贤藪泽坊。又辟广前街，凿明沟行水。初，知县常完定基百千山下。成化七年，嫌地湫渍，徙县东五百步范五经故宅，即今址。自明逮国朝，迭有修建。嘉庆六年辛酉，署教谕杨蕴华相度地势，东偏临溪稍低洼，集邑绅议文庙重建，升基五尺馀，身自劝输，以老成绅士林乔丰总其成，叶盼、林德瑜、叶本桐等分董之。经年工成，庙制增峙，丹楹奢楠，窠拱攒顶，盘螭、菱花、龟背之画，耳目一新。是年，邑士鄂荐二人^[一]，阮中丞元、特郡守通阿俱有记。其前修理，在官有知县袁道、丁隆、曹文斑，县丞范亮、张光恩，教谕张佐极、龚瑛、冯宿荣，训导钱向仁；邑士有陈允英、林士螭、高尚绍、邵嗣培、林理。别有宣圣庙，在二十四都江馆，洪武时圣裔孔克镛^[二]建。知县曾重修，并表其门曰“阙里遗芳”。特郡守通阿《重修太平县庙学记》：“皇上御宇之六年冬，余奉命守台。台俗风气刚劲，亟宜以学化之。而地处海滨，飓风为灾，学宫多圯。自近者始，则宜先修郡学，至各县学之宜

修者，当以次及。正拟率属捐俸，分邑劝输，不图太平一学竟先得我心而告成也。考太平故永宁南壤，唐武后时更永宁为黄岩，历吴越及宋、元，名仍其旧。明成化五年己丑，分黄岩之三十都至五十都置县治，议立学宫，相度于百千山下，以地渍故徙今址。越十年，屋渐圯，邑人协力捐囊中金，补直如旧制，时在成化辛丑。盖经营创建之初，一星未终已倾折，不能久若此。我朝章皇帝偃武修文，诏天下郡县立学，有不整饬，有司发帑修筑之，太邑学用得焕其规模，春秋释奠无缺，而俊选英杰之士鼓篋其中，彬彬乎道一风同，越至今涵濡教泽历百数十年。其间削土斫木，涂饰而维持者，已历历载诸邑乘矣。嘉庆五年夏，风潮告灾，学宫当城东隅，地势卑洼，水淫积聚，墙宇剥砌不治。邑令李君承起与绅士谋修葺，而未有能先之者。逾年，杨君蕴华奉檄秉邑铎，引为已任，且求为久远计。进斯士而奖劝之。又以海澐山陬不能遍谕，乃就其乡告之故。阅数月，一倡百和，咸踊跃捐施，集资得六千馀金。杨君喜曰：‘是可竟乃事矣！’爰鸠工庀材，垒土于旧址之上，培高五尺许，俾水涝无患。其正殿及两庑、戟门，母桷孙椽，丹楹碧砌，视旧时益巍焕。非踵事而增华也，肃观瞻，崇体制，堂哉皇哉，用以彰圣代文明之治，而一邑之人材乐育，亦庶几乎其可焉。是役也，始辛酉夏五，迄今岁六月。而余守郡，适逢其会，人僉曰太守之功，则吾岂敢！夫杨君未至，其工未兴；杨君瓜代将行，其工已竣，则信乎司铎之力居多。然非士民鼓舞输将，亦奚以成斯盛事也？而士民究何以能向义至此，则邑宰之善治，其亦未可没欤！秋七月，邑士民请文于余，余知其事甚详，且深喜此邦之乐善，知异日郡学之成亦犹是矣！于是乎记。嘉庆七年八月。” 卍

启圣祠 旧在明伦堂西南，明知县陶秀奉敕建。国朝教谕龚瑛重新在明伦堂后。卍

明伦堂 前代或称文会，或称明教，明洪武定名明伦，在文庙后。制凡三间，倚壁卧碑一座，东西序板刻历年科贡名氏。左腋为学仓，右为会膳堂，亦三间，南为题名碑，后屏隶书《大学》圣经。左右有“存心”、“养性”二斋。儒学门在棂星门左，面天马山，敬一亭在门内。东偏外有钓鳌阁。明知县丁隆、刘弼、毛衢、曾才汉、唐世盛相继修葺。卍

尊经阁 旧在明伦堂后，明万历年间知县陈龙光建。藏部颁一切书籍。崇祯间圯，国朝康熙间改建在文庙东。卍

射圃 有西庑之西。外围石墙，广五丈，长三十丈。有观德亭。廡

奎阁 旧在文庙左，三间南向。顺治间知县刘履昌徙建文昌阁东南。阁凡三成，塑像于上。乾隆二十年知县左士吉修，嘉庆九年邑绅重修。奎为二十八宿之一，魁则斗四星，与文昌皆尊宿，无高下之分。自明以后，文昌祀梓潼帝，为人神，更不宜以天宿朝之。新制尊祀文昌，与关帝并，故奎阁仍附学宫，文昌另入祀典。廡

土地祠 在明伦堂东。嘉庆十八年重建，生员柯滨董其事。廡

丁祭典礼 用春、秋仲月上丁，取离明之义。明嘉靖间定十笏十豆，舞用六佾，易塑像为木主。国朝仍之。廡

舞曲 康熙间部颁。迎神云：“大哉孔子，先觉先知，与天地参，万世之师。祥征麟绂，韵答金丝，日月既揭，乾坤清爽。”《咸平乐》。初献云：“予怀明德，玉振金声，生民未有，展也大成。俎豆千古，春秋上丁，清酒既载，其香始升。”《宁平乐》。亚献云：“式礼莫愆，升堂再献，响协鼗镛，诚孚罍觥。肃肃雍雍，誉髦斯彦，礼陶乐淑，相观而善。”《安平乐》。终献云：“自古在昔，先民有作，皮弁祭菜，于论思乐。惟天牖民，惟圣时若，彝伦攸叙，至今木铎。”《景平乐》。彻饌云：“先师有言，祭则受福，四海簧宫，畴敢不肃。礼成告彻，毋疏毋渎，乐所自生，中原有菽。”《咸平乐》。送神云：“皞绎峨峨，洙泗洋洋，景行行止，流泽无疆。聿昭祀事，祀事孔明，化我蒸民，育我胶庠。”《咸平乐》。春、秋二祭词同，惟春祭以夹钟为宫，倍应钟起调，秋季以南吕为宫，仲吕起调。如迎神“大哉孔子”，春叶仄、仄、仄、五，秋配六、凡、上、尺是也。廡

教谕署 在旧存心斋西，南向。今在明伦堂之西，门东向。廡

训导署 旧有二：一在明伦堂左，一在文庙右。今裁一，在尊经阁北。廡

教谕杨蕴华捐俸置田九亩零，为文庙修葺费：廡

坟垵一百四十三号民田一亩升

坟垵三百五十三号民田五分三厘升

既垵三百六十七号民田一亩一分二厘七毫升

广垵六百三十七号民田三亩七分三厘五毫升

郁垵二十四号民田二亩一分七厘升

郁垵八十三号民田五分升

岁贡生林乔丰捐田十二亩零为文庙修葺费：升

璧垵二百四十九号民屯田二亩二分八厘升

既垵五百十九号民田一亩五分五厘升

东垵九十号民田一亩二分七厘升

东垵九十号民田一亩二分七厘升

东垵一百八十四号民田七分八厘升

东垵三百九十号民田五分二厘五毫四丝升

东垵一百七十七号民田五分一厘五毫升

夏垵二百七十号折四田一亩一分一厘八毫升

夏垵二百九十号民田一亩三分六厘升

重建文庙碑亭 在土地祠左，为教谕杨蕴华等立，嘉庆十八年贡生林茂沅捐建。升

捐助宾兴碑亭 在土地祠右，邑绅捐建。

升

书院升

社学 明正德间，提学欧阳旦徽州县各立社学，太平以新立县未及。嘉靖间，邑令权宜以袁公祠、忠节祠及明因寺为之，选儒士为师，取王阳明小学教约，令民间子弟年八岁以上、十五岁以下皆

入焉。乡村未遍行，久并城中亦废止。𠄎

鹤鸣书院 在城东南隅儒学左。国朝知县刘履昌始倡泉溪书院，改任去，士人思之，即其地为刘公祠，后无继者。乾隆十九年，知县左士吉毅然创兴，以前面鹤鸣山取为院名。景任穉继之，规制益备。前后皆绅士陈际清、叶炳玠、林秀起等董其事。徐任培于二十四年增拨学田为诸生膏火、岁修及宾兴之用，碑刻存书院中。左士吉《新建鹤鸣书院记》：“邑有长吏，所以父母斯民者也。父母之于子，望其为端人淑士，能文章，擢科第，以光大门闾，人情也；长吏既膺厥职，不与同厥心，可乎哉？我朝以制科取士，两浙人文甲天下，而太邑自国初百餘年来未有一售者，噫，何其异也！余周览邑中形胜，山则鹤鸣、天马、金竹、玉环，水则泉溪、月河、江洋、泽库，岂不足以增辉毓媚，钟顺效灵？及考志乘所载，名臣、理学、行道、科名，由宋暨明，先后踵接，是地灵人杰，昔居最胜，今胡匿采韬光若是？岂盛衰固有时与？抑亦作兴之者未得其道与？余谓一邑运脉，视乎人才，人才休隆，视诸科第。今欲作士气以振文风，使人才蔚起，旋转之机，在乎积学。学如工之居肆成事，其业专效速，道莫亟于书院。余因修葺文庙之暇，即与众绅士议是举。于学东偏得隙地数百弓，度可立基址，遂倡捐廉银一百两，诸绅士同心协力，始终维勤。于中为讲堂，前后两旁为课业所，通计屋五十间。经始甲戌之四月，阅岁乙亥三月落成，列宪各记颠末。大中丞周公榜之曰‘鹤鸣书院’，以其地之对此山也。于是延师掌教，诸生肄业其中。并倡置田亩，作将来膏火，为久远计焉。夫十室之邑，必有忠信。太邑虽在海滨，久沐圣天子作人雅化，岂无慨然有志思自濯磨者！兹复藏修有所，指授有师，有不奋发鼓舞，深造以底于成者乎？上之通经致用，为邦国光；次之不振文风，联翩科第，俾太邑运脉从此休隆，斯则长吏经营之心，父母斯民之百废而一举者也。幸各勉旃！” 𠄎

徐任碑载书院田亩耗号：𠄎

夏王庄田：𠄎

浦耗一百四号民田一亩六毫 𠄎

浦耗一百四十二号民田四分 𠄎

浦耗一百四十七号民田一亩六分六厘 𠄎

浦耗一百七十二号民田三亩三分四厘一毫 𠄎

浦耗二百三十六号民田七分八厘 𠄎

沛垧二百六十七号民田八分九厘九毫^ノ

沛垧二百九十八号民田一亩八分七厘七毫^ノ

沛垧三百三十一号民田一亩一分四厘三毫^ノ

沛垧三百三十四号民田五分二厘八毫^ノ

虞番庄田：^ノ

移垧三百十九号民田一亩四厘三毫^ノ

操垧四百六十一号民田三亩九分四厘^ノ

山下庄田：^ノ

宇垧九十号民田二亩四分五厘九毫^ノ

五里庄田：^ノ

肆垧 号民田六分五厘^ノ

肆垧 号民地一亩一分二厘^ノ

肆垧 号民地一亩一分二厘^ノ

肆垧 号民地八分^ノ

肆垧 号民地七分^ノ

以上老产。^ノ

盘马庄头塘四府河上田：^ノ

朝垧 号 田三亩二分^ノ

汤垧 号 田二亩七分^ノ

盘马庄头塘四府河下浦内田：^ノ

朝垧一百五十二号沙田四亩八分一厘三毫^ノ

朝垧一百五十四号沙田一亩七分五厘^ノ

朝垧四百号沙田五亩二分二厘一毫^ノ

朝垧四百一号沙田一亩五分三厘八毫^ノ

朝垧四百二号沙田一亩二分一毫^ノ

朝垧四百三号沙田四分六厘三毫^ノ

朝坵四百四号沙田一亩二分^升
朝坵四百五号沙田七分七厘七毫^升
朝坵六百五十三号沙田一亩三分四厘^升
朝坵六百五十四号沙田九分八厘一毫^升
朝坵六百五十五号沙田一亩一分三毫^升
朝坵六百五十六号沙田二分三厘九毫^升
朝坵六百五十七号沙田三分一厘四毫^升
朝坵六百五十八号沙田一分五厘八毫^升
朝坵六百五十九号沙田一分五厘四毫^升
朝坵六百六十号沙田一分三厘四毫^升
朝坵六百六十一号沙田三分二厘^升
朝坵六百六十二号沙田一分五厘一毫^升
朝坵六百六十三号沙田一亩五分一厘一毫^升
朝坵六百六十六号沙田一亩二分二厘五毫^升
朝坵六百六十八号沙田一亩三分一厘三毫^升
朝坵六百六十九号沙田一亩三分九厘五毫^升

以上左任拨。^升

盘马庄头塘浦内田：^升

垂坵四十六号沙田一十一亩^升
垂坵一百九十三号沙田八分^升
垂坵一百九十四号沙田一亩四分^升
垂坵一百九十五号沙田一亩^升
垂坵一百九十六号沙田一亩二分^升
垂坵一百九十七号沙田八分^升
垂坵一百九十八号沙田一亩二分^升
垂坵一百九十九号沙田一亩八分^升

垂坨七百九十六号沙田一十二亩九分^卅

垂坨八百五十三号沙田七亩八分^卅

盘马庄龟头岩下田：^卅

育坨六百六十九号田十一亩六分一厘九毫^卅

浦南庄三塘田：^卅

宾坨四百六十一号沙田一十五亩^卅

盘马庄二塘浦内田：^卅

朝坨一百六十七号沙田六亩^卅

朝坨八百六十七号沙田二十八亩六分^卅

朝坨八百六十八号沙田二十四亩六分^卅

下蒋庄二塘田地：^卅

因坨一号沙田三分一毫^卅

因坨二号沙田三亩八分一厘^卅

因坨三号沙田七亩一分一厘^卅

因坨四号沙田二亩三分一厘一毫^卅

因坨五号沙田一亩六分一厘七毫^卅

因坨六号沙田三亩二分四厘五毫^卅

因坨七号沙田二亩八分五厘五毫^卅

因坨八号沙田八分二厘五毫^卅

因坨九号沙田七分^卅

因坨十号沙田一亩二分四厘六毫^卅

因坨十一号沙田九亩九分九厘三毫^卅

因坨十二号沙地二分六厘五毫^卅

因坨十三号水塘三分七厘五毫^卅

因坨十四号沙地二分一厘一毫^卅

因坨十五号沙田五分六厘五毫^卅

因坨十六号沙田一亩九分五厘六毫^升
因坨十七号沙田三亩七分九厘九毫^升
因坨十八号沙田一亩四分二厘四毫^升
因坨十九号沙田三分八厘四毫^升
因坨二十号沙田一亩七分九厘七毫^升
因坨二十一号沙田四亩七分二厘二毫^升
因坨二十二号沙地一分一厘三毫^升
因坨二十三号沙地二分一厘五毫^升
因坨二十四号沙地三分三厘五毫^升
因坨二十五号沙田一亩五分二厘一毫^升
因坨二十六号沙田一亩五分九厘九毫^升
因坨二十七号沙地三分一厘九毫^升
因坨二十八号沙地四分一厘七毫^升
因坨二十九号沙田四亩^升
因坨三十号沙田一亩二分一厘三毫^升
因坨三十二号沙田八分四厘^升
因坨三十三号沙田一亩六分七厘七毫^升
因坨三十四号沙田一亩六分二厘五毫^升
因坨三十五号沙田二亩六分九厘二毫^升
因坨三十六号沙地一分^升
因坨三十七号沙地一分一厘七毫^升
因坨三十八号沙地一亩二分五厘六毫^升
因坨三十九号沙地二分七厘二毫^升
因坨四十号沙田八分一厘四毫^升
因坨四十一号沙田二亩一分七厘四毫^升
因坨四十二号沙田一亩一分六厘九毫^升

因坨四十三号沙田二亩七分^①

因坨四十四号沙田二亩一分三厘五毫^①

大球庄青屿二塘田：^①

仙坨一号沙田四亩五分五厘^①

仙坨二号沙田三亩五分六厘三毫^①

仙坨三号沙田一十六亩八分六厘七毫^①

仙坨四号沙田二亩二分三厘二毫^①

仙坨五号沙田五分七厘二毫^①

仙坨六号沙田一十四亩一分三厘二毫^①

仙坨七号沙田八亩七分五厘^①

仙坨八号沙田二十一亩一分四厘二毫^①

仙坨九号沙田一十四亩五分一厘三毫^①

仙坨十号沙田一十亩六分六厘七毫^①

盘马庄四塘田：^①

平坨 号沙田一十二亩七分^①

横河庄塘田：^①

岂坨腰塘田二十亩七毫^①

岂坨三塘田一百二十二亩四分^①

毁坨三塘田六十五亩四分^①

以上徐^{〔三〕}任拨。^①

书院各坨田亩，岁久征租较少。如岂、毁二？田二百亩，合近圣书院共田四百馀亩，乾隆三十一年风潮冲坍，自后渐次修筑，居民私行售卖、占佃日久。五十七年，邑士林凤锦、狄希韩、林茂冈等力控于官，未获厘正。嘉庆十五年，毕郡侯莅任，留心学校，经本县诣地勘丈，禀送宪断，案始讯结。惟以涂田荒歉不定，塘堤修补，各士子鞭长莫及，即令该佃缴田价洋银二千元，分给两书院董事，

另置田亩，以资实用。卅

鹤鸣书院新置田亩卅号：卅

华垵三百七十六号民田二亩一分四厘三毫卅

华垵三百七十八号民田一亩七厘三毫卅

华垵三百八十七号民田一亩四分二毫卅

华垵四百九十七号民田一亩三分三厘六毫卅

华垵五百一号民田一亩四分七厘卅

华垵五百九号民田九分四厘九毫卅

华垵五百十号民田一亩一厘二毫卅

华垵五百十三号民田三亩一分八厘八毫卅

夏垵二十八号民田二亩七分五厘卅

夏垵一百一号民田一亩一分五厘卅

夏垵二百十九号民田一亩一分四厘七毫卅

东垵二百七十三号民田三分二厘七毫卅

东垵三百一号民田一亩一厘四毫卅

东垵四百八十七号民田一亩四分一厘卅

东垵五百五十号民田二分五厘卅

东垵六百四十八号民田九分二厘四毫卅

西垵五十八号民田二分九厘五毫卅

西垵七十八号民田七分八厘八毫卅

典垵二百八十三号民田六分九厘四毫卅

典垵二百八十四号民田一亩一分四厘三毫卅

典垵三百五十五号民田三分四厘卅

典垵三百五十七号民田一亩二分一厘卅

典垵三百五十八号民田六分二厘卅

典垵三百五十九号民田四分一厘八毫卅

邑坵七十三号灶田一亩一分七厘三毫^卅
伯坵二百八十四号民田三分六厘^卅
伯坵二百八十五号民田一亩九分^卅
伯坵六百五十号灶田一亩七分二厘一毫^卅
伯坵七百三号灶田二亩七分一厘八毫^卅
伯坵七百四号灶田五分一毫^卅
伯坵七百六号灶田五分六厘九毫^卅
伯坵七百七号灶田六分二厘七毫^卅
伯坵七百九号灶田一亩二分四厘三毫^{卅四}^卅
比坵一百三十三号灶田一亩四厘^卅
比坵三百八十三号民田一亩七分一厘一毫^卅
同坵六十二号灶田六分九厘^卅
同坵七十七号民田三亩五分七厘四丝^卅
同坵九十二号灶田一亩二分九厘五毫^卅
长坵十五号灶田三分五厘七毫^卅
长坵十九号海军田一亩七分九毫^卅
长坵二十一号海军田八分二厘三毫^卅
长坵七十八号民田一亩九厘一毫^卅
长坵八十三号民田一亩一分六厘四毫^卅
长坵九十一号民田二亩二分八厘五毫^卅
长坵九十八号民田一亩九分七厘七毫^卅
长坵二百五十九号民田七分九厘四毫^卅
长坵三百号民田一亩五分七厘一毫^卅
长坵四百四十一号民田一亩三厘六毫^卅
长坵四百九十二号民田六厘九毫^卅
长坵四百九十三号民田一分^卅

长垵四百九十四号民田一分四厘^卅
长垵四百九十五号民田四分二厘七毫^卅
长垵五百十八号民田一亩三分三厘四毫^卅
长垵五百二十八号民田七分九厘六毫^卅
长垵五百七十四号民田一亩九厘一毫^卅
长垵五百八十二号民田三亩一分二厘^卅
长垵七百三十七号民田三分三厘八毫^卅
使垵六百二十二号民塘五厘^卅
使垵七百七十一号民田一亩五分^卅
从垵一百十五号民田五分^卅
从垵一百八十八号民田二亩二分七厘五毫^卅
从垵二百五十七号民田二亩五分二厘^卅
从垵三百二十三号民田一亩一分^卅
仕垵八十五号民田一亩一分一厘^卅
仕垵九十号民田九分九厘一毫^卅
政垵四百二十六号民田一亩五分四厘三毫^卅
从垵二百五十九号民田四亩五分^卅
从垵二百六十一号灶田八分七厘^卅
从垵四百五十三号灶田四分^卅
登垵三号民田二分六厘九毫^卅
登垵四号民田二分四厘三毫^卅
登垵八号民田二分二厘二毫^卅
登垵二百八十六号民田一亩一分三厘五毫^卅
登垵四百四十五号民田一亩五分一厘八毫^卅
登垵五百四十九号民田九分四毫五丝^卅
羊垵九十三号民田六分八厘^卅

谷坵二百六十二号民田五分^斗

谷坵二百六十三号民田七分三厘^斗

竭坵二百七十九号折八田四分八厘二毫^斗

物坵八十一号民田一分八厘^斗

物坵一百八十九号民田一亩一分三厘四毫^斗

物坵二百七十三号民田一亩四厘^斗

物坵四百六十五号民田一亩一分三厘九毫^斗

物坵五百四十一号民田五分^斗

移坵二十四号民田一亩一分八厘一毫^斗

意坵三百二十号民田四分四厘一毫^斗

经坵一百三十五号民田一亩四分四厘九毫^斗

念坵一百七十七号灶田四分五厘^斗

资坵四十二号民田二亩二分七厘八毫^斗

龙山书院 在新河北隅山下。明季为五龙书院。入国朝，地被三官堂僧占据，绅士沈时力讼，乾隆二十年，时子敬简与李文藻、戴恩、陈载通共请于邑侯左，更建书院。嗣后增修宏敞。徐任又拨置塘田九十三亩为膏火资。惟租息微薄，佃户逋欠，每年所入仅敷完粮之数，绅士惮于经管。庶有继左、徐二公而振作之者乎！明瞿旦《为徐荆门赋五龙书院》诗：“云开远见集仙台，借尔传经亦壮哉！词赋久淹司马客，玄经终羨子云才。城隅绿草生书带，座上青山入酒杯。隐隐花宫钟鼓寂，步虚坛上独徘徊。”国朝黄岩王诗《龙山书院落成》诗：“文坛新筑倚云层，山霭苍苍水更澄。灵境旋开李供奉，雅怀况有沈吴兴。扬髻鼓浪三春鲤，养翮冲霄万里鹏。夜望海天多紫气，疏窗逗影读书灯。”^斗

旧东屿书院 在温岭松山南麓。宋丁世雄建，以教乡里子弟。其子木与朱子友善，时将赴青阳县任，晦翁为题诗。朱子诗：“书房在东屿，编简乱抽寻。曙色千山晓，寒灯午夜深。江湖勤会面，坐卧独观心。秋浦瓜期近，何当寄此吟。”永嘉叶适诗：“朝纳棖上光，千帙乱抽翻，夜挑窗下灯，一字究本原。旧师早传习，新友悦闻见，邻里疏聚头，

江湖勤会面。勿爱好鸟羽，勿玩芳树林，书亦且置之，独自观此心。茫茫未生前，寂寂已死后，万变随浮云，浪云中中毅。何物繁陈列，所定何时，孔颜去已远，闻道命如丝。白屋无怨难，朱门不骄易，每留古人朴，不忝素士志。”^卍

云阳书院 在天黄河头。宋蒋进士彦圣建。蒋彦圣诗：“云阳书院俯清流，景物关心事事幽。红杏雨馀飞紫燕，绿荷风里渡青鸥。催寒水院轻敲杵，钓雪渔翁远放舟。几度闲窗联坐榻，狂歌清夜未曾休。”戴震晨和作：“白云片片傍江流，高士书斋趣更幽。天暖花间翻彩蝶，日长沙上浴群鸥。邻翁对月频邀酌，野客冲寒独泛舟。最是主人清兴极，闲吟对景意无休。”^卍

回浦书院 在南监，元元贞中建。至正间，王姓复有迁江庙学之议，北山林耕民作诗美之。^卍

方岩书院 在王城山北。明封翰林谢世衍与弟宝庆知府省创建，以教乡族之秀，而方石成之。旁有相观、恐闻二斋。初，三谢皆师同里张勉轩，宝庆既出仕，方石以王城山人为师。宝庆、方石退休时，又皆讲学于此，《赤城新志》之修，亦即院开局焉。李东阳《记》载《艺文》。明潘辰《方岩书院诗序》：“成化庚子，翰林侍讲方石谢先生服阙不起，日讲学里中，从游者众，书舍不能容，将请其季父宝庆公就左近地图为书院。弘治改元，先生以史馆赴召，因留资属其宗叔怡云翁为之。今年夏，书院报落成，先生名之曰方岩，赋诗二章以寄。一时名公如李西涯、吴匏庵皆有和章。先生萃为一卷以示辰，辰读之叹曰：於乎！古道之不复也久矣。书院之设其亦教化之源与道德风俗之计乎？先生为学求其大，而无益之书未尝一经于目；为教务躬行，而苟求利禄之言未尝一出诸口；天下率以道义高之，而先生欣然不自足，此台南之士仰其风徽，愿得先生以为师也。抑吾闻先生往年尝抗疏论天下事，思以其学兼济一世，刚介寡合，虽在朝廷而退修之志为多。明年将复归，与宝庆公讲学于书院，志则伟矣，而辰窃有所请者：今天子明圣，简拔俊良以图治化，风声之所鼓荡，气泽之所薰蒸，信转移世道之一机也；贤如先生者宜在左右以赞维新之政，彼一乡一族固道德风俗之所系，然亦乌足以尽先生之所学哉！矧宝庆公耆年硕德，师表后进，书院之教将必躬任之矣。辰则惟以天下之重望先生，其不以余言为赘也！”^卍

龙山书屋 在松门伏龙山麓。^卍

石龙书院 在洞山，黄久庵尚书建。尚书虽迁黄岩新宅，时来

讲学其中，盖其学本出阳明。明叶良佩《题书院》：“玉堂秋老桂花丹，海日天风满石坛。阆苑分明在平地，故招仙侣与同看。”

校注

[一] 鸚荐二人 孔融上表荐祢衡曰：“鸚鸟累百，不如一鸚。使衡立朝，必有可观。”后因谓举荐人才为鸚荐。嘉庆六年，太平有陈凤飞、林茂冈二人乡试中式。𠂇

[二] 孔克鏞 “鏞”原文作“庸”，据《嘉靖志》改。𠂇

[三] 徐 原误作“除”，今改。𠂇

[四] 三毫 “毫”原误作“分”，今改。𠂇

嘉庆太平县志卷之六十九

祠祀志

正 祀

社稷坛 在延照门外教场西，南向。东西二丈五尺，南北如之，高四尺，四出陛各三级，坛下前九丈五尺，东、西、南各五丈。瘞次在其西北，以垣缭之，由北门入。神以石柱为主，长二尺五寸，方一尺一寸，剡其上，形如钟，埋于坛上正中近南，上露圆尖。祭用春秋仲月上戊日。明洪武八年，尝令每里置社坛而不屋，本邑各里即以庙代社。惟成化间莞岙陈彬率乡人特立社，去淫祠，其后亦废。故里社不复标目。卍

风云雷雨山川坛 旧在县治南大远桥。明末徙坛于治东，坐子向午，方阔二丈五尺，四围共一十丈，四出陛，惟午陛五级，子、卯、酉皆三级。燎坛在其南，风云雷雨神居中，境内山川居左，城隍居右。卍

邑厉坛 在仰山门外凤凰山下，南向。高二尺四寸，前出陛三级，缭以垣，立门额、厉牌。祭日，长官率僚属迎城隍神主于坛上，以主其祭，仍设神牌二于坛下之左右，题曰“本县境内无祀鬼神”。旧有乡厉坛，与邑厉坛祭同日，今废。卍

城隍庙 在县治东迎辉门内。明知县常完建，陶秀重修。始称

显佑伯，继定称某县城隍之神，今称永宁王，未知何时加号。有木主，兼塑像，合祭于风云雷雨山川坛，及行厉祭时迎神主位于厉坛之上。其二仲上戊日庙中之祭，守土官自捐资备牲醴行之。乾隆四十四年，绅士因庙屋圯，前后殿俱重修。

新河城隍庙 在五龙山下。明洪武二十九年建，规制等县城。里人虔祀，修葺一新。明叶良佩《重修城隍庙记》：“天下大势，率视声教之所讫以为幅员，而设险守国之道因之。吾台僻在东南，以海洋为界。往在胜国，倭奴率间岁或连岁辄一入我境。国初，用虎臣议，设立军卫二、守御千户所五，据险要以布爪牙，由是缘海军民咸得缓带咽哺，迄于今兹。新河所在太平县东北境上，隶海门卫，厥初浚隍作城，立城隍庙于五龙山下，以供祀事。岁久圯坏，阖城父老既鸠资庀工重修之，乃请记于予。且言神有灵应，能降乩预言祸福，日者倭寇犯境，神云寇必不至，已而果然，用是人益信异。予尝考城隍之有祠，特起于吴、楚之间，高齐、梁武陵王皆有祭城隍文。及李唐、赵宋以来，其祀遂遍天下，水旱、疾疫必祷焉。然迁就附会，或指先代一人以为神之姓名，如润州、芜城、太平诸郡皆祀纪信，龙兴、赣、袁、临江诸郡皆祀灌婴。迄我朝始正神号，称曰某土城隍之神。庙宇备物，壹视有司，则其祀礼益严且正矣。神有灵应，事常有之，论者疑茫昧不可致诘。予曰：是山川之灵为之也。夫幽明一理而已，名山秀川，气之所聚，恒必有精焉，是之谓神，亦犹血气之生人，而精发乎其心也。今兹烽燧未息，神果能出阴功以佐佑我兵，屹然为东南保障，则有司将益当崇奉庙事，又不翅若今而已。斯固阖城父老之意也！故记以是终焉。”

文昌庙 基凡三徙：初自尊经阁侧迁东庑后西向，乾隆间迁儒学门上。旧附祀先师庙，今奉文仿照关帝庙之制举行，增设神位，红饰金书，春秋特祀。春祭以二月初三日，秋钦天监颁选日期。祭祀银两于地丁奏销案内，与武庙一律支销，礼加崇矣。卍

附：文昌阁在乡者：一松门旧在伏龙山；一新河在龙山书院后，前有魁星阁；一泽库初，里人张准即新桥旧基建街北隅，近阮天培、戚学椿等又另建关庙东；一冠屿赵姓建；一长屿在日照堂前；一温岭在街东北，嘉庆九年里人捐建；一金清。卍

关帝庙 在县治西延照门内。东有千古如生坊，今圯。前有池，康熙癸未年，大旱水涸，忽泉涌数尺，晚涸如前，逾月又涌，人甚异之。

知县何有略记其事。嘉庆九年灾，里人暨阖营捐资重建。ㄗ

附：关庙在乡者：一松门；一南监在十都盐场侧；一冠屿赵氏建；一石粘；一泽库即左胜堂；一新河乾隆四年间，庙门斜而将倾，十月初二夜，忽动震有声，早起见之，桁柱俱整齐，磬痕至今犹在，绅士沈时有记；一横峰桥金姓建；一后洋郑槐、郑煌文等捐建；一石桥蒋氏建；一山西在八都；一大闾。ㄗ

天后宫 旧石塘过渡处及龙王堂圆岩潭俱有宫。嘉庆五年六月，中丞阮公捕贼海上，荷神灵大风陡起，贼船尽覆，官船一无所损，事闻，敕于松门城内特建天后宫，赐额“宣籁恬波”，颁藏香致祭，并祀龙神于旁，赐额“灵昭威荡”，知县以时虔祀。其松门对岸天后宫，僧得桂修，奉香火，俗呼娘娘宫。并建有堂，名惠济。ㄗ

火神庙 在演武厅左。ㄗ

马王庙 祀房星。旧在城隍庙东，知县刘履昌建。今徙西门外演武厅右。

禹王庙 在南监北闸。宋朱文公疏水时建，栋木至今如新。石二方，色白润，叩之有声。

名宦祠 在戟门左翼。祠屋三间，知县刘弼即旧藏书库改建。祀知县袁道、卢英，续增知县晏文辉、教谕李德用。ㄗ

乡贤祠 在圣庙戟门之右。祠屋三间。《叶志》载祀王居安、戴良齐、盛象翁、郭櫜、王叔英、叶黼，续祀谢省、应志和、林鸮、黄孔昭、谢铎等十余人。《林志》增邱应辰、李茂弘、程完、林纯、李匡、林克贤、林霄、缪恭、陈彬、赵大佑、戴豪、黄绶、许鸿儒，统计二十五人^[1]。府志增知州赵崇贤、教授赵成宣。雍正五年学册有赵崇贤，无赵成宣。成宣遂昌教谕，非教授。ㄗ

集贤祠 在千古如生坊西三官堂前。祀郡伯张允登、通判曹克谦、知县方轂、俞咨益、许成章、黄岩兼摄知县刘士明、教谕周用中、陈万钟。又有怀德祠，在圣庙旁，孔承爵等建，祀曾侯才汉；永思祠，

在万寿寺左，祀胡侯学戴，今俱圯。黄公祠在县署西。廝

朱子祠 先有祠在南监街，嘉靖间，郡守宋世忠令县即佑圣观改。雍正戊申，乡人毁知县张世锡祠，祀文公，在西城三官堂之左。廝

袁公祠 在城隍庙右，即去思祠。明弘治二年，邑人陈儒敷捐建，祀知县袁道。谢铎记。国朝乾隆二十七年，知县徐命陈氏后人挺耀、贤载等循迹修理，增立后祠五楹、大门三楹及两庑。有官给田三亩八分，坐下水洞外，备岁祀及修葺。廝

戚武毅公祠 在新河。公名继光，嘉靖间，以台、金、严参将亲平地方倭寇，军官李诚立等率民立祠树碑，知县徐钺为文。旧基在城隍庙前，有田八十亩，岁久被侵，祠亦倾坏，绅士沈时等集资修建。嘉庆元年，里人以祠基狭，迁建城隍庙之西，左右有仰山、惠我二亭。明林贵兆有《戚南塘平贼记》。廝

范忠贞公祠 在县西朱子祠侧。康熙间建，祀总督范公承谟。公抚浙，尝亲至邑，奏免积荒逋赋五万，至今民德之。廝

祈霖祠 在迎辉门外。知县谢坚有惠政，邑人生祠之，谢辞，以祈雨真武神有验，改祈霖祠。后人仍祀谢于旁。临海陈炜记，炜即函辉也。廝

忠义、节孝二祠 俱在东门直街，与袁公祠近。雍正四年，知县戴世禄奉文建。后改建忠义祠训导署北。并圯。廝

烈士祠 在一都谷岙。祀元溧阳教授里人林梦正。明知县曾才汉建。廝

戴相公庙 在七都屏山。石屏既死，有神灵，乡人祀之。廝

王静学祠 亦称忠节祠。初，江南广德州有公祠。知县曾特建于县治东五百步镇东门里，祠屋五间，门屋一座。未几废，附祀学校神旁。万历三年，知县翁仲益以僧道互争地入官，详请建祠于皇华亭左，置田若干，立石祠侧。国初重修，朱长孺有记。康熙戊子

圯于风。庚寅，绅士石中玉、朱捷等再修。明陈朝宾《谒王静学祠》：“词垣血喷几沾衣，一骑征兵出帝畿。玉马谁传微子去，金戈欲效鲁阳挥。祠山有魄终依柏，商岭何心更采薇。今日城东新庙貌，千秋海国有光辉。”

贞烈祠 在黄淡岙。祀静学夫人及二女，皆靖难时死节者。蔡方伯潮记。静学故址入庠士金世葩家，知县曾求遗裔，欲树立之，谋于绅士邱云鹤、高振辉等，议即校隙地建祠，世葩让出其地建贞烈祠。廾

烈妇祠 一在县治东北二百步，明郡守罗侨檄县建，以祀林烈妇王氏。一在延照门内观音堂前，知县晏文辉建，以祀张烈妇薛氏。一在县西三十五里，知县祝弘舒建，以祀朱烈妇吴氏。又有狼吞张四女适临海叶氏，祠在府前大井头，事实详《临海志》。廾

丛祠廾

东岳庙 在县治西关庙东。万历间知县唐映建，迭年修理。嘉庆九年与关庙同灾，里人集资重建，监生应文照等董其事。廾

附：东岳庙在乡者：一新河在城隍庙东侧，里人公建；一泽库乾隆间武举阮风会因斗宫旧基募建，在街东北隅；一温岭里人公建；一石桥蒋姓建；旧有东岳行祠在南监，元至正间戴氏女如玉捐资建，今废。廾

三官堂 在观海门外大远桥南。一在东岳庙东，后有准提阁，康熙九年僧显祚建，嘉庆九年灾，十六年邑人捐资重建，监生林赞平等董事。廾

真武庙 南监场。左向又有明高祖庙。廾

北门庙 仰山门内。旧祀平水王，旁祀龙神，新增祀吕祖。廾

南门庙 县治南。祀萧圣，即县衙东所祀萧王。又古有萧王庙，在县东南五龙山下。或称萧御史庙。廾

- 岳鄂王庙 湖亭，里人公建。ㄗ
徐偃王庙 古城。旁有叶、鲍二将军庙。ㄗ
婆罗门天王庙 亦作毘罗门，在十三都。ㄗ
灵佑庙 在漳岙。元至元五年敕封忠显侯。ㄗ
潜济庙 祀圆岩潭神，宋建炎四年赐额。ㄗ
穿石大王庙 在白峰山下。ㄗ
灵观庙 在温岭街西。ㄗ
元弼真君庙 在十九都横屿。ㄗ
天真宫 在塘下。元南塘真人张惟一建。ㄗ
圣妃宫 在新河城内。ㄗ

寺 院ㄗ

明因寺 在西门外。《赤城志》：“大明因院在泉溪村，旧曰修福，唐大中二年建。”《叶志》：“初名灵泉，咸通五年建，祥符元年改额。”祥符系四字年号，上当有“大中”字。陈笈窗云唐大中，恐又因宋大中转误。南宋时戴少监良齐与里人金宗璧、宗可同修。国朝朱捷《游明因寺次韵》：“雷雨新晴解客愁，况逢九日快同游。云林溪近鳧飞逸，竹院丛深鸟语幽。酒满不须烦驿使，诗成应便倩伶讴。引将咫尺灵泉水，涌作文河万斛流。”ㄗ

显慈教寺 在二都。唐太和七年僧常一建。旧名报国，俗名山后堂。明嘉靖七年，僧禅元聚徒讲法，有神人来听。万历年赴阙，请《大藏经》以归。至今每岁六月初一日取晒一次。

治平讲寺 在大闾。五季时建，名保安，宋治平三年改今名。元至正间重修。明黄孔昭诗：“山隐招提境，人穿松柏林。钟声出树远，塔影到池深。扫叶分僧石，听猿坐竹阴。禅关秋草满，索寞向谁吟！”

梵兴教寺 在三都湖没。梁贞明元年建，旧名治兴，宋治平间

改额。有义役碑。卍

资圣讲寺 在四都高浦岙鹤顶山。《叶志》：“唐咸通间建，名崇善。宋元祐七年，南海有钟浮来，火光烨耀^[二]，渔人叩之，沉而复起，僧宏远焚香恳祷，钟泊岸。里妇李妙玄者，富而寡，高宗南渡，运粟饷军，赐封夫人，资产尽施归寺以收钟。事闻，赐今额。”《赤城志》：“黄岩县南八十里资圣院，在温岭，旧名报国，乾德五年建，治平三年改额。又一资圣院，在黄岩县南一百里，旧名国兴，唐元和元年建，宋大中祥符元年改额。”皆与《叶志》所载异。卍

普照讲寺 在五都狮山麓。创自唐乾符。明神庙时，浙藩龚勉过之，题曰“台南名刹”。有鼎，曰“台南第一鼎”，里人潘肩吾铸，邑令王存理款识。国朝乾隆八年，寺重修。

明觉禅寺 在六都。俗呼雪山寺。唐大中二年建，名崇因。僧智顓尝飞锡于此。续有禹昭者，来宁海，传智顓法，又与智贤论经，得其奥旨，亦住寺中。或说即继潭和尚。宋太平兴国二年，改应龙，治平三年改今名。离寺三、四百步有望海亭，二石柱尚存。宋叶适《明觉寺》诗：“雪山尖头海潮涌，六月天雪山寒重。道人高绝但危坐，山魃野虎皆趋拱。住山三载两遭荒，侍者饿损扶参堂。沿村索米未为耻，莫令木鱼化龙钟透水。”国朝蒋茂春诗：“寺里经游三十年，风光是昔半茫然。残碑草没东西路，古井苔封上下泉。怪石当门惊犬立，枯藤挂壁类蛟缠。老僧犹识曾来客，拄杖欢迎入法筵。”卍

澄照讲寺 在七都屏上。宋天圣元年建。《赤城志》：“旧名龙潭，治平三年改额。”卍

净应讲寺 在八都。石晋间建。旧名感应，宋治平三年改净应院。元元贞二年，鲍千三施田二顷。明洪武九年，有释清瓚同民如茂上言本县水利宜益建闸，得旨命主簿孙斌添建四闸，即其院主僧。天顺间，僧文晟重建寺。万历二年废。金清蔡氏与洞山黄侍郎族人争寺田，兴讼累年，后地人勋裔张姓。国初，金氏又从张购得，成民居，无复寺迹矣。明林贵兆《宿净应寺寄徐王诸山人》诗：“天寒独客悲行路，歇马题诗寄旧游。斜

日下松山径寂，冷云低槛水亭秋。迎徐实下花边榻，访戴虚传海上舟。千里又听寒雁去，相思应上望乡楼。”^卅

兴教讲寺 在七都唐岙。本名兴国，宋治平三年改今名。明陈时谦诗：“名山盘五龙，梵刹经年久。睡觉正黎明，蒲牢声乱吼。”^卅

崇国教寺 在九都。晋咸和间，闽僧睹异光发林壑，插草创建，名普光。宋大中祥符元年重建，改今名。永乐七年，僧可原增新。乾隆九年，僧龙溪修建前后殿及钟楼一座，规制宏敞，为一时刹院之冠。知县赵擢彤题壁：“禅榻月初上，无人水镜悬。佛经到东土，法雨洒西天。绕砌无顽石，穿岩有智泉。我来参六祖，一一青莲。”^卅

登明教寺 在新河。晋隆安二年建，旧在迂浦监，名灵石。宋大中祥符元年移山下，改今名。里人郭道善诗：“五龙山下登明寺，海上名蓝自昔传。栋宇多年知己废，城闉今日始新迁。”道善，元末人，诗作明初，盖筑城后复移今址。有栖云楼，鲍原弘记。《赤城志》作灯明，盖取佛经日月灯光明佛之义，今皆称登明。乾隆间，黄岩场大使华瑞潢馆此，名楼曰“四宜”，有“万里西风萧寺夜，一楼明月越山秋”之句。寺产寻废。嘉庆二年，崇国寺僧世华重修，又置“因”、“男”两？田十七亩零，立石为记。明叶良佩诗：“登明胜概我曾闻，数息行来日向曛。潮涨捍门看出日，石连踈蹠候归云。灌林解识风云趣，衲子欢逢食蕨群。报说故人携酒至，蒲团相对一论文。”^卅

演法教寺 在夹屿。宋端拱间建，治平三年改额。《赤城志》：“庆历三年改看经院。”元盛象翁与泽国郑谷口、夹屿缪源，及门人陈德永游寺，题云“悠悠一水沉云碧，小小双山夹屿青”，见《两峰访旧游记》。盛上世好善，与缪祖同建寺，又与郑祖建威神寺。^卅

广济教寺 在夹屿。唐咸通八年建，名福寿，宋大中祥符元年改额。^卅

金仙禅寺 在桃溪华盖山下。唐天宝九年僧子鸿^[三]建，名仙岩，

宋治平三年改额。旧院记云：乾祐三年，将仕郎赐太子正字裴光士舍己地为基云。明谢省诗：“侯门经几废，梵刹看长存。莫信昌黎表，如今佛更尊。”

惠众禅寺 在楼旗山。宋开宝元年建，名灵泉，治平元年改额。宋刘棐诗：“云迷鸟道岭重重，松子深藏释子宫。戎马不曾来此界，太平元在乱山中。”国朝参将袁国琮《捕贼宿此，赠僧教霖》诗：“宦海一劳人，停驂礼上真。兔奔偏惯狡，鹰击岂妨仁。清梵空尘虑，晨钟了夙因。劫冤何日尽，俱待渡迷津。”

流庆教寺 在十五都茅岙。晋天福二年建，名塔院，宋大中祥符九年改额。国朝金承芬诗：“高岫摩清霄，攀缘不识路。忽闻梵呗声，松风引之去。迤迳见寺门，岚光飞处处。羨彼山中人，登临月几度。”

祇园禅寺 在十八都。《赤城志》：“旧名瑞峰，即神录禅师道场，晋天福中建，吴越宝正改今额。”《叶志》：“晋天祐间建，有吴越忠懿王赐神录师《五制帖》。”按《赤城志》尚有禅定院，晋天福七年建，名神录禅师塔院，两院同建在一时，天祐乃天福之误。按宋乡贡进士陈参文《天圣五年丁卯重创祇园寺，僧惠兴请记》文称：“寺旧为瑞峰，肇自晋朝，唐赐额祇园。高祖第二十公世居闽长溪，僖宗朝由户部侍郎擢尚书，阶金紫光禄大夫，因时任宦官，谢归，闽乱，避地于台黄岩之新城。时寺厄兵火，荡废无遗，公芟夷创筑，焕然一新。以闽僧神录禅师有行道，请主院。师年九十二坐脱，以真骨塑于前定祖堂。传住至惠兴，愈扩前规，复集余族众，起资福、妙严、龙光、前定四寺”云云。是寺初建在前晋，非后五代之晋，年远未能究实。

元陈国瓌《次祇园寺僧韵》：“去去寻幽胜，翻然感慨兴。青山晋朝寺，白发宋时僧。断涧横危石，颓垣补乱藤。摩挲松下石，书此记吾曾。”

妙严禅寺 在温岭。晋天福七年建，名同和，宋治平三年改额。宋徐似道诗：“宿雾酿成三日雨，晓风麈退一天云。落花院宇浑无事，闲拂碑尘看断文。”元陈国瓌诗：“逢僧半日闲，遂我一生欢。云绕钟声湿，松摇鹤梦寒。吟机随籁动，妙境与天宽。何日重携杖，敲门借竹看。”

小明因寺 在梅溪龙鸣山下。唐咸通五年建，晋天福六年僧德

潜重修，宋治平二年赐名大明，元丰二年改今额。明天启间，邑方氏子出家，曰德昌，号满月，戒行精严，远近尊信之，号德阁黎。尝以千佛袈裟授其徒郭融，在显慈寺，旋归屏下崇福堂。德昌国初尚存，于寺后东山创明月庵，趺坐终年不出。乾隆戊申寺灾，僧悟选、鉴空等重建。嘉庆元年，曰梅峰者并庵新之。明林璧诗：“开户碧云入，问途黄叶封。寒泉鸣绝涧，落日在高松。”梁师孟诗：“双阙盘危磴，疏林曲径通。寺藏红叶里，僧住白云中。莲界灯无灭，蒲团虑一空。听经龙未睡，明月上溪东。”国朝陈世环诗：“一径入梅溪，溪流水深绿。终日不见人，经声出林竹。” 卍

惠力禅寺 在小唐岭。咸通三年建。宋戴复古《同刘兴伯、黄希宗、苏希亮惠力避暑》^{〔四〕}：“何处避炎热，相期过宝坊。万松深处坐，六月午时凉。钟磬出深屋，江山界短墙。醉来归兴懒，留宿赞公房。”

威神教寺 在三坑岙。唐乾宁三年建，名灵湫，宋治平改今名。卍

梵安禅寺 在十六都大溪。旧名保安，宋开宝中建，太平兴国改今额。嘉定癸酉重建。王居安诗：“方岩胜处是仙家，时有轻烟薄雾遮。我欲去时君共去，沿流而上看山花。”“浓云阁雨未全收，屈指相将禊事修。何必山阴寻古迹，双溪曲水更清幽。” 卍

庆恩教寺 在二十都。晋天福三年建，名修福，宋治平三年改今名。国朝谢维纳诗：“山寺非尘境，行来喜客同。草香初过雨，树古不摇风。碑石伤心卧，岩花泪血红。我来寻旧迹，徙倚碧云中。”

护法禅寺 旧在凤城山，唐大顺二年建。一日，叩钟不鸣，里人闻声在天黄山下，因徙焉。宋治平三年赐额。俗呼天黄寺。卍

普济教寺 在十四都紫莲山下。唐光化二年建，名安济，宋治平三年改名。明洪武末僧粹玉温重建。卍

崇善教寺 在紫高山顶望海尖东隈。宋乾德五年建，太平兴国七年赐额兴善，治平元年改今名。佛殿后有泉出岩窦，人以煮药多验。以上并《嘉定志》。卍

资福寺 在十八都。旧名瑞峰，唐大顺中建，宋大中祥符二年

赐额。亦见《嘉定志》。《叶志》无。

丹崖寺 在泽库西半里许山上。建于宋嘉定后，历元，名开云庵，洪武初改今名。东有抱朴楼，累经僧明山及僧琦建修。相传葛仙翁炼丹之地，丹井、丹灶古迹犹存。寺前池有无鳞鲫、没尻螺，父老云仙翁市熟者放池中，悉活，至今传种不绝。元盛象翁题寺壁诗：“勾漏仙升几度春，言寻石室度嶙峋。枯藤缭绕枝何古，宝刹巍峨景自新。竹色满亭人是晋，桃花夹岸世非秦。支颐独立斜阳暮，鱼鸟依依总可亲。”明胡连诗：“拂袖层崖问远公，招提人望景重重。岚蒸郁翠连双塔，天幻空青出数峰。丹鼎无烟霞气冷，昙花有影月华浓。坐来万籁俱销歇，飒飒西风度晚钟。” 卍

嵩岩讲寺 在嵩岩山上。元时名水月禅院，后赐今额。洪武间归并澄照讲寺。正德初，释永盛求金氏山地，重建嵩岩堂于山之处。国初僧宏济显迹处。国朝叶培《宏济禅师传》：“宏济，讳超月，又自号无知汉，本邑乌沙浦朱氏子。出家游京师，参方有悟，受衣钵于雪窦律牧和尚，知过去未来事，归住嵩岩。康熙十八年中秋，月下预书偈及诗示徒众云：十月五日寅时涅槃。届期，沐浴焚香，执拂端坐龕中，渐觉息微体冷，悠然逝矣。四方观者云集。遵遗戒举火于眠云亭外，以冬至日埋骨。嵩岩自宋景德间嵩大悲开创，号嵩岩小隐，世传罗汉化身。元至正间，秋月白日飞升，卧床尚存。宏济先名如月，得法后乃为超月，未必非秋月再来也。师存日，与予往来至好，语录中有叶天因二诗，即予也。其没并有书示别。知之悉，因为之传。”明黄绾《游嵩岩寺》诗：“爽气入深秋，同为汗漫游。云来山径杳，雨过石门幽。缥缈峰头霭，微茫海上洲。不堪回首处，旧院已成丘。” 卍

万寿寺 旧在邑东门镇东桥侧，明万历年间沅江训导林凤翔合族建。国朝乾隆甲戌冬毁于火，迁桥北田洋。 卍

镇东寺 在渭漳桥北。 卍

长屿塔院 在街西。旧名日照，明初释明山建。有石塔九层。堂前地一亩半，平溪金氏舍。顾愉《塔灯》诗有“奎壁有光笔花老，风云无力火龙闲”之句。乾隆三十九年，僧金川重建。 卍

乐邦寺 在六都。莫知创始，嘉庆十六年僧西池重建。 卍

大雁塔院 在县治东雅屿山上。知县曾才汉建。院后有乾江宫，

以迁自玉环乾江，故名。详《古迹》兴文塔下。ㄊ

崇福律堂 在一都锦屏东麓。天启时，僧郭融得其师满月千佛袈裟，其衣遍绣佛像，长寸许，佛顶各有珠。今珍藏之。ㄊ

梵胜堂 在一都，俗名下河堂，在石夫人南麓。其东麓有下岙严堂，严姓筑。

横湖堂 在百丈岩下。州同陈梦雷因岩下陈氏旧基建，俗称玉皇殿。明知县袁道诗：“山下茅庵小，门前野水平。停车候星使，老雅说民情。”ㄊ

普庆院 在三岙大间。同知陈直观祖墓在焉。ㄊ

观音堂 在西城关庙左。明万历四年通判邹通建。ㄊ

兴善堂 在八家山侧，俗误百家山。僧再五建三元阁，悬钟其上。有金松一株，最古，今失去。明邑人狄世攀《会集兴善堂》诗：“步出城门外，渐入修竹林。寒风响山谷，客子弹鸣琴。青松持晚节，栖鸟有好音。列坐讲儒行，抗志托古今。百氏多奇怪，圣道可追寻。谁云知己少，三五交情深。分韵赋古诗，聊以畅吾襟。”国朝陈籥南《和阮笃庵师韵》：“从游郭之南，芳郊送春日。履齿破苍苔，行行指层麓。纤折渡溪桥，一桁森翠竹。问僧深树间，泉洁新茶熟。拂壁认题句，宛转为之读。吾师屈宋俦，胜友亦潘陆。唱和纪游篇，一一远凡俗。时正山花开，灿然丹霞谷。”ㄊ

下保堂 在下保山西。其东有日照堂。ㄊ

崇善律堂 在屏下。ㄊ

亭岭头堂 在亭岭上，康熙间参将王虎重建。ㄊ

静福堂 在后洋旧乡约堂，乾隆间建改。ㄊ

万松堂 在虞岙岭。旧有青霄寺，在虞岙山田里。下有堂曰横堂，不知何年建，相传成化间抄废，土人往往见有阶础。ㄊ

凰山堂 陈元杰建。其地又有松云堂，陈升初建。ㄊ

横溪堂 在县东南十里，旧称横溪寺。ㄊ

石牛堂 在石牛岭珠村，林氏建。ㄊ

拈华堂 在八都锦鸡山东侧，亦名祖师堂。有二善人像：一道应，

俗姓陈，闸头人，明少参绮族子，始生即合掌和南作诵经状，既出家，终日静坐，无文字，内悟透彻，万历辛卯大疫，善人讽经，多得愈，一日之金清，作偈曰：“心在禅兮身混俗，红轮滚滚离尘欲，凡僧即说色与空，不觉不明真逐逐。”人始知其异。一德寿，俗姓邵，新河人，即道应师，具菩提心，乡人并呼为善人。今堂内塑像犹存。ㄩ

塘下堂 在南塘。ㄩ

法云堂 在四都白峰山下。乾隆元年僧世宏建，嘉庆十二年僧毓镜重修。

建法堂 在十二都，即牧屿山后堂，乾隆辛未僧世净重建。ㄩ

庆吉堂 在紫高白云山，明末建。ㄩ

华严堂 在周洋庄，十方公建。ㄩ

新桥堂 在泽库，水陆要冲之所。又有胜福堂，今称新堂，在假山桥侧，枕水而筑，杂蒔竹木，明僧毓所建。僧俗姓钟，基亦其族舍。楼下堂，亦钟氏建，本名兴善。左胜堂，即关庙，以泽库东偏无山，右山特昂，故取左胜为名。明天台夏鍤《新桥堂题壁》：“煮茧烧田四月中，男耕女作总输公。闲来未领曹司事，且乘轺轩一采风。”ㄩ

山东堂 在丹崖虎头岩下，与雄镇庙毗连。二井，堂内外各一，名虎眼井，里人塞其一，改名虎鼻。明知县曾才汉率里老阮循久、陈北溪等讲约之地。ㄩ

聚法堂 在天黄沙滩头。明代有许姓舍宅祝发于此，因又称许堂。乾隆间僧巨岳重建。

崇善堂 即乡约堂，在灵伏山麓，叶、鲍、伍、应、陈、林诸姓建以讲约。ㄩ

福德堂 在十六都部渚。ㄩ

祖师堂 在小溪。其地又有异岩堂。国朝黄岩王诗《重游》诗：“寻幽重过小溪弯，认得山门对碧湾。不到禅林三十载，依然修竹两三竿。僧谈往事茶频煮，客爱新蔬笋可餐。欲

别仍留情不尽，疏钟一杵出晴峦。” ㄩ

万恩堂 在八都，明万历间建。国朝林之松《古井行序》：“万恩院桥南人家有古井，往年夜辄发光若赤练，乃方国珍兄弟藏宝剑处，掘之立毙。”于事叵信，然赤光时有之。之松寓此，有《纪梦》作。 ㄩ

千佛塔院 在温岭。宋景德间，有嵩大悲戒律精严，入定具神通，邑人敬信，松山丁沔喜禅说，创院延主之。沔子监税畋更舍田数十亩，造塔，饰佛像，铸铁炉，镌名爵于上。又有德度，受法于嵩尊者，能符水咒邪治人病，显名于天台茗谷及郡之广福寺。自元及明，院产尽废。国朝嘉庆八年间，报恩堂僧宗定及徒广玉重建。 ㄩ

报恩堂 在温岭栋，国朝乾隆间僧毓灿建。 ㄩ

大球堂 在大球山上，有飞泉。明唐愈贤诗：“海风吹笋舆，午憩球山堂。嘉禾绿盈野，古树青缘冈。” ㄩ

小球堂 在小球山下，明季建。 ㄩ

三井堂 在峨山，旧名龙鸣禅院。 ㄩ

澄心堂 在温岭。旧名志净，乾隆间僧照诃募创。嘉庆十年灾，僧原说重建。左近并建有净志堂。 ㄩ

至善堂 在碗头山，明万历间僧如地建。 ㄩ

西源庵 在十八都西源山下。别有西原庵在梅岭下，明邱司训存菊建，修撰余本记。 ㄩ

澄云庵 在十八都，有菁山浮图，一名水晶宫。明郭樛诗：“瑶匣霜飞拂剑花，白头诗客忆仙家。饥[五]餐石室青泥髓，渴饮瀛洲五彩霞。截锦裁诗阳父美，钩银作字小王嘉。水晶宫畔春犹在，应有婵娟侍绛纱。” ㄩ

梅花庵 在小泉村。 ㄩ

宝胜堂 在下河，康熙二年建，嘉庆间僧彦本修。 ㄩ

普福堂 在锦屏山下。 ㄩ

聚福堂 在湖没，僧积崖建。 ㄩ

崇宝院 在松门东山。旧文昌阁在焉。春山古寺为松城六景之一，江左诗所谓“大雄宝殿藏深窝，几株老树延藤萝”者也。卍

福庆堂 在石塘田湾，嘉庆间僧用耀建。堂前并建有憩息亭。卍

永清堂 在长屿，旧名白莲堂，知县李汝麟改。卍

普光堂 在九都。卍

崇恩堂 在十都横板桥南岸。卍

梵音堂 在旧二十六都。卍

梵庆堂 在十五都。僧德慧由栖云庵别建，康熙十三年僧若鉴重修。卍

通济堂 在马望山下，元至正间沙门肃岩建。卢山人竹斋钦其具大智慧，依之以居。明初，金、陈、童、蔡、赵诸姓延僧旭广加修筑，俗呼五家堂。鲍原弘记。卍

永福堂 在十四都，即白蒲桥堂，顺治四年僧宗印建。国朝知县徐元肃《初冬题壁》：“鸦噪平林将作雪，人来萧寺正初冬。一丛苦竹有寒意，几处远峰多瘦容。名利可怜皆蚁斗，形骸从此学龙钟。但求僧榻须臾卧，不问南宗与北宗。”卍

普寿堂 在二都，乾隆丁亥石鼓庵分建。卍

附论：《嘉定志》黄岩禅院三十三，在今县境十五；教院二十，在今县境八；甲乙院三十有四，在今县境十三。今存者，禅院则金山、惠众、祇园、崇国、明觉、大明因、治平；教院则威神、崇善、慧力、流庆、澄照、资圣、显慈；甲乙院则护法、普济、梵安、广济、演法、灯明、小明因、妙严、普照、梵兴，二十四处耳。余如慈德、法会、禅定、吉祥、天真、悟空诸禅院、教院，资善、兴教、资福诸甲乙院，能举其名者鲜矣。虽成毁有数，空门不能逃黑灰之劫，要其徒之不安本分，有以致之。不然，何法王钟鼓之场，倏变而瓦砾哉！卍

校注^ㄱ

[一]二十五人 本志录《嘉靖志》、《康熙志》所祀乡贤，只二十四人，无二十五人。《光绪续志·辨误》据《府志》补林梦正。按：《康熙志》有林梦正，本志漏录。ㄱ

[二]烨耀“烨”原作“烛”，据《嘉靖志》改。ㄱ

[三]僧子鸿“鸿”原作“宏”，据《嘉靖志》改。ㄱ

[四]戴复古诗 按此诗《石屏诗集》题为《刘兴伯、黄希宋、苏希亮慧力寺避暑》。据吴茂云先生考证，诗中所咏慧力寺在今江西省清江县，非邑境惠力寺。此处系误引。

[五]饥 原误作“饭”，今改。

嘉庆太平县志卷之七十九

军政志

营制

宋 台州营有雄节、威果、崇节、牢城、壮城等指挥。在诸县有弓兵。黄岩营在尉厅西，额兵九十五人，有寨兵。黄岩管寨一，即松门。熙宁间，著作郎熊皋相度奏置都头、副都头各一人，十将、将、虞候、承局各一人，押官二人，长行九十三人。《赤城志》：“旧额二百三十七人。”后止一百十四人。卞

元 改州为路，有万户府。升黄岩为州，有千户。添设诸寨为巡检司，松门、湖雾、温岭、石塘皆在今县境。制防视宋加密。卞

明 洪武二十年，命信国公汤和相视沿海要地设卫所筑城。其军于民间三丁抽一，及配以科犯之徒。错置巡司，兵取之徭户，岁更。初筑城不无民怨，后倭警，卒恃为固。卞

松门卫 一座，碎石砌成，计九里三步，周城一千二百八十六丈三尺，高一丈八尺^{〔一〕}，阔二丈二尺，内平城八百四十九丈，山城四百三十七丈，月城四座，垛口共一千二百八十九个，南、西吊桥三座，四门门楼四座，瞭台一座。《林志》：“城周围五里九步。经历司在卫治东，镇抚司在治西，旗纛庙在治东，教场在城北。”谢铎《重修卫城记略》：“吾浙地滨大海，实邻岛夷。备倭官军，自临山至盘石，凡若干卫所，吾台所谓松门卫者在焉。松门，宋为寨，

国初信国公汤和始城为卫。城环九里，内设五所，而隘顽、楚门二守御千户所亦属焉。岁久坏，成化中张总督勇增修，未几复坏。弘治改元，今按察副使文公天爵巡海至，顾而叹曰：‘边城若此，何以清海道，壮国威！将领卒伍无所于处，又何以号令奔走而服役其间！’乃议选把总指挥葛奎权卫事，以修城之役属之。乞功，来请记。予曰：圣天子在上，海宇宴宁，烽烟尽息，是工诚所得已。然天下事宁备而无所用，不可欲用而无其备，此朝廷所以建立是卫之深意，与是卫今日所以不可不修者，故为记之。”

明牟昉《松门筑城歌》：“檐雨萧萧鸣不歇，旅邸无眠正愁绝，平生优逸大无为，肩不能肩手慵挈。小儿十四未成童，编夫也入三丁中，阿咸未识门户计，门祚衰薄甘疏慵。砚田笔末废已久，滥窃儒流官一亩，阿兄王事死贤劳，但觉年来渐老丑。国朝有命输三丁，三丁例筑防倭城，铁槌石■连木檝，篷箬索竹棕为绳。万事由来分已定，谁人敢失中军令，输财鬻产倩人夫，运石装泥不辞病！松门去家百餘里，子侄惊心乱愁绪，编茅葺蒲成未成，雨宿风餐在何许？三山海口来松门，水通鄞浙邻台温，普天之下悉王土，海外小国何足论。倭儿僻居东海隈，岂足为害为螟蛉，音似猿猴面如鬼，却劳圣虑咨良筹。圣恩如天大无外，筑城自为生民计，承宣未解九重心，岂料为福先为害！三丁役一未云多，贫人争奈三丁何，老甌凝尘突不墨，岂任负荷仍答呵。排愁寄语三丁户，筑城莫谓筑城苦，筑得城完如不死，凿井耕田报天子。” 卞

本卫指挥使四员，指挥同知三员，卫镇抚一员。左所副千户五员，右所正千户二员、副千户三员，中所正千户一员、副千户四员，前所副千户二员，后所副千户二员^[1]。百户共五十员。计总小旗军二千二十五名。江左《松门遗事》：“本卫内属左、右、中、前、后并卫镇抚旗军，系各府州县子民。先年三丁抽取到卫，其五千六百七名，逃亡故绝，十不及一。”然则清军御史之命亦徒有其名耳。卞

军政考格：掌印指挥一员，签书指挥二员，管操指挥二员，出海指挥二员，巡捕指挥一员，管屯指挥一员。卞

经历司经历一员，知事一员。卞

军器局十五间在卫城南山下。卞

军人屯种田二十四顷一十三亩二分，米六百二十二石九斗。仓另见。《叶志》：“洪武间屯，皆括取废寺及绝户田土，田多美好。永乐间再屯，未免照刷，畸零之余，中间多驾空补凑，指证丘段。”致军民有冒认隐占，纷纷告争。卞

隘顽守御千户所 县南三十里。城高二丈四尺，周围五里三十步^{〔三〕}。亦洪武二十年汤和筑。《林志》“城周三里”，今视城极小，不越一里，岂始本大，重修缩之？相传筑时令百姓助工一千，不从，特改令小。又云本名峡山，其地隘而俗顽，信国公更之。尹

本所正千户五员、副千户四员，镇抚一员，百户十员，计总小旗军五百六十七名。尹

军政考格：掌印千户一员，签书千户一员，管操千户一员，巡捕千户一员，贴守指挥一员。

楚门守御千户所 隘顽城同时筑，規制相仿，并隶松门卫。今析入玉环。尹

新河守御千户所 城系洪武二十八年汤和属广洋卫指挥方鸣谦筑。高二丈三尺，周围五里六十八步。隶海门卫。相传信国相度时馆于陶宅，命通所城军地，留此一家仍民地。尹

本所正千户五员、副千户二员，镇抚一员；百户十员，计总小旗军八百六十三名。尹

军政考格：同隘顽所。尹

五巡检司 在盘马者，洪武二十年方鸣谦建，墙垣周围一百五十丈，高一丈八尺，厅屋、吏舍、兵房各三间，城门一座，旧额弓兵一百名，续裁二十名。在沙角者，台州卫指挥霍远偕百户徐成筑，墙垣周围一百四十丈，高一丈六尺，公廨、弓兵数同盘马司。二司并在县境。其三山、蒲岐、小鹿三司移徙不常，今地改隶玉环。尹

以上统隶松海备倭把总。尹

嘉靖三十八年，设台、金、严参将，统陆兵四枝，水兵一枝，驻扎台州府。松海把总专属调度前军，驻新河^{今所城内游府基，疑当时军官驻地。}汛期分布要地，兼顾松门卫城池。把总一员，部领哨官五员：一哨住守苍山，南与后湾，北与甘岙官兵会哨；一哨住守甘岙，南与苍山，北与松门寨堂官兵会哨；一哨住守松门寨堂，南与苍山，北与盘马

官兵会哨，外应猫儿河头汛地，兵船声援；一哨住守盘马，南与松门寨堂，北与新河桩头官兵会哨。计兵五百四十一名。卅

国朝 顺治十五年，调山东曹州营驻防，官兵一千三百员名^[四]。又提标、协标官兵共一千员名。卅

康熙八年，设防东岙，督标官兵一千八百员名。是年，定设太平营，隶黄岩镇管辖经制，额设参将一员，守备一员，千总一员，把总四员，马步战守兵丁共七百七十五名。雍正五年，拨归玉环千总一员，有马战兵十二名，无马战兵二十三名，守兵八十四名，统一百十九名。实存此数。十三年，衢协改镇添兵，本营裁溢额马七匹，改步战兵七名。乾隆四十七年，添设无马战兵五十名，除公粮守饷二十二名，实在马步战守兵丁七百四十九名。卅

驻扎太平县城参将一员，把总一员，马步战守兵丁共一百四十八名。又各路塘^[五]拨兵丁三十五名，系城汛各兵轮调。参将署在县治前东街。初假林氏宅居之，后遂为建牙之所。空后楼不居，明世林元崧“圣世逸民”匾至今尚悬其上。卅

松门寨永驻中军守备一员，千总一员，马步战守兵丁共二百九十一名，兼顾七都湾台、林家浦台、河头口址、新设淋头、六都、乌沙浦、猫儿河等台、塘、口址。扞遣后，卫城既废，守备移驻县城。今旧界展复，功令：巡检守备各回原设衙门。卅

隘顽寨永防把总一员，马步战守兵丁共一百三十七名，兼顾四都台、沙角口址，及石桥山后^[六]、沓岭、白岩山台、河头口址、大乌根汛等台、汛、口址。卅

江下汛轮防把总一员，马步战守兵丁共一百一十八名，兼顾下楼山台、小乌根、青龙山口址、青屿、大麦山、千岭寨、平头山、湖雾等台、寨、口址。卅

金清汛轮防把总一员，马步战守兵丁共八十八名，兼顾金清台、洋屿台，及双桥、洪家场、张鸟汇等台、汛。除金清县属，余皆黄岩境。设

小巡船二只。卍

本营存红衣炮一十九位，内安设松门城三位，守护县城一十六位；行营炮二十八位，内安设松门、隘顽汛七位，二十一位存局；马蹄炮六位存局；劈山炮一十二位，内列队操演十位，二位存局；百子炮一十七位，内安设松门城一位，十六位存局；荡寇小炮八十四杆，给兵操演。前时松门卫原有西洋大炮一座、铁将军六座、铜将军二座、铜佛郎机^[七]十一座、铁佛郎机十三座。近年海上往往捞有铜铁等炮，疑即本卫陷没之物。嘉庆五年间，阮中丞巡海所获铜铁各炮，形制尤巨，盖贼携自外夷者。中丞为图作颂，述国家威德，外域利器皆为我用。分配各镇兵船，尚有存松门者。卍

教场：在西门外，厅屋三间。太平营未立，本县先有教场。明季设民兵四百，操练之处，在县西南三里。后减民兵二百，续又减二十，久并操罢，教场空地渐为民占^[八]，无人顾而问者。国家既立，参营遂即西门外就近开设教场。炮火轰击，于县山来脉不无震动，诚觅城西南旧基辟而为之，兵出初不甚远，于县西龙脉无伤，斯亦军民两利之事矣。卍

新设松门寨 明卫城顺治十八年迁弃，康熙二十四年复界改。自本寨起至黄岩界，共瞭台六，其十八年所置陈北闸、陈南闸等十八台俱革。五十八年，添设松门炮位，续定辖台、寨八，塘、汛、口址五：卍

松门山台距县五十里，东南抵海，**平六都台**卫北十三里，十里至盘马，**盘马山台**北三里至盘马山寨，**盘马山寨**北十里至林家浦台，**林家浦台**北十里至七都湾台，**七都湾台**北五里至金清汛、张鸟汇，**乌沙浦台**北五里至六都台，**六都台**北五里至淋头塘，**淋头塘**新设，北八里至苍山口址，**猫儿河头**新设，**乌沙台**西五里，**苍山口址**东北八里至河头口址，**河头口址**东南三里至松门台，又东三里至甘岙口址，**甘岙口址**北八里至本卫。卍

新设隘顽寨 明千户所，嘉靖设参将，后有左营名色，把总一员，部领哨官五员屯扎于此。康熙九年改寨。自本寨起至松门共台五，续定辖台四，汛地、口址三：卍

白岩山台北距寨城五里，**沓岭山台**寨北十里，东十里至石桥山后台，**石桥山后**

台东十三里至沙角，又十里至四都台，四都台西十里至沙角口址，沙角口址，河头口址西十五里至大乌根，大乌根汛。

新设温岭寨 始康熙九年。自乐清平头接壤起至东岙寨，共台七，续定辖台五，口址三：

下娄山台西南五里至青屿台，青屿山台西五里至大麦山台，大麦山台西南五里至平头山台，平头山台北十里至千岭寨，千岭寨，青龙山口址本汛东五里，又东五里至小乌根口址，小乌根口址，湖雾口址西十里与温州大荆营接界。卍

新设东岙寨，改归玉环。添金清汛，辖台四，塘、汛二：卍

金清台本汛东五里，又东八里至洋屿，洋屿台东八里至双桥台，双桥台东五里至洪家场台，洪家场台，洋屿汛洋屿台东三里，张乌汇汛金清汛北六里。卍

凡台寨在陆地者，俱系太平本营参将所辖，兼辖至黄岩十里铺分汛、金清、江下、湖雾等海口。其在洋面之石塘山、闾洋、龙王堂、积谷山等处，属黄岩镇标右营，大陈等山属镇标中营，并责成本邑知县，故文官常有海疆处分。卍

附：铺递《赤城志》铺兵次寨兵后，二者皆名为兵也。前明诸铺亦大半为卫所设，非第洪文官递送文书。故类次于此。卍

冲要七铺，僻路十二铺。其司兵除县前五名外，冲要各四名，僻路各三名。卍

县前总铺旧即三元堂故址，成化十七年改置，东北十里至凰山铺，又十里至铁场铺，又十里至新河所前铺由此北行十里为黄岩之冯洋铺；又由铁场铺东行十里至塘下铺，又十里至箬横桥铺，又十里至横路洋铺，又十里至松门卫前铺。

总铺西十里至温岭铺，又十里至武溪铺，又十里至青屿铺，又十里至小球铺自此西行十里为岭店驿，入乐清界。卍

总铺南十里至亭岭铺，由亭岭铺南行十里至油亭铺，又十里至罗徐铺隘顽所城外，又十里至张家井铺小鹿司之北，又十里至隘山铺，又十

里至金田铺在楚门所城；自亭岭铺东行十里至石井铺沙角司之北，又十里至高浦铺由此东行十里即横路洋铺。今金田、芦殊等铺俱转隶玉环。卞

附论：宋季患在西北，东南少事，滨海之地为备未严也。元已有倭患，故增置巡司，制防加密。至明祖深谙海疆形势，远谋大略，筑设沿海卫所，置军屯戍，布置联络，远近声势相倚，若灼见百馀年后倭寇之鲸奔豕突而豫为之防者。顾虽有卫有所，戍兵五千，兼五巡司应兵五百，城可为固；而倭至如入无人之境，任其饱掠而去，来无与御，返无与追，有兵与无兵等者，何哉？粮不月给则人饥，器不时练则卒惰。清军虽有御史勾补，仅属虚名，则籍已耗也；武职皆生兹地，平素不能服属，则令不严也；且下有功而上攘之，如郝钟之事郝钟守松门，御贼力保孤城，以功为当道所攘，忿而自戕，武获贼而文释之，如陈磊之事官军获福宁贼陈磊等数十人，磊有势自辨，官军咸夺赏，与因列讯，卒纵磊等去，由是咸刺指为誓，勿复捕贼，则赏罚无章也；由是严法惩之则怨，好言慰之则骄，兵之敝也久矣。非藉客兵以歼灭之，嘉靖间倭患其不知纪极也！至真倭少，假倭多，则《叶志》所谓漳贼与导漳之贼，又云率闽浙贾人者，数言尽之。其间并有兵贪其利而钩之反为耳目者。故军制当密而政尤当严也。幸生盛平之世，海宇义安，自郑逆归化后百数十年，百姓不知兵革，旧时扞遣之界俱已展复，海疆可以高枕。然国家先事之防，相度要地，既于东岙、六都增立台汛，复于太平设专营，置城守、参将、中军、守备等官分防驻守，武备灿然一新。加以军政严明，绝无如前明季世之为者，捍海有金汤之固，厝民于盘石之安，载笔者所乐为之记矣。卞

海 防卞

陆兵、水兵统于一镇而两相资，海防即营制中事，必别为篇者，

海患常剧于陆，防御亦莫难于水。跳刀走戟之徒，不敢公然至岸，而风涛不测之中，游魂为变，非习练有素，海道久谙，猝难制胜。上岸杀贼，洗脚下船，吴人长技，魏所以不敢正视者，其教之非一日矣。卍

海自海门卫南经黄岩县东海门外岛屿甚多，可名者曰穿礁山，东南曰琅机山、曰大陈山、几青山，又南稍东经邑新河所东，又东南至松门海中有松门山，始折而西，经隘顽所东，又西南经东岙南海中有楚门山，今改隶玉环，始折而西北，至江下汛西千岭寨南，又折而西南至温州大荆营南芙蓉村，东有数小口，又西南经乐清东北之蒲岐所。自楚门而西北有数岛，其大者曰龙王山，正西即玉环。自江下汛而南，海中有太平山，有水涨屿，有茅衍山，与玉环接。自舟山至松门三百六十里，松门至蒲门三百馀里。本齐侍郎召南《水道提纲》。

台州海道与温、宁接壤。舟行自福建福宁历温州蒲门，及金乡、盘石等卫，于中界山正北岛泊，待南风至晚收楚门千户所^{旧邑所管}，得正南风北行，过闾洋、鸡笼山，候潮至松门东港泊，候潮至海门卫北东洋山泊，望北行到陶渚所圣门口泊，开洋至大佛头山、屏风山，至健跳，又至罗汉堂山，到石浦东关，自是入宁波界。海门、松门、苍山岙、玉环皆上等安岙，可避四面颶风。大陈、凤凰、南麂等山皆中等安岙，可避两面风。此系故明海运之道，讲海防者必先悉海中路径南北去处，故详载之。

松门港：在邑东南五十里甘岙，海口萦纡屈曲。东岸为朱门山，又东为捣米门、积谷山，及下洋、大陈岙诸处。外即大洋，直抵日本。北至化屿、龙王堂、鲤港、横门、大潭、深门诸处，与新河三汊港接。南至鸡脐、钓棚、峒礁、鹿头、汛屿、闾洋、丕山诸处，与灵门接。隘顽在其南。隘顽有急，此港宜守。明洪武二十年置松门卫，隶松海备倭把总。卫东即松门港，出海即石塘山，一直抵日本。海内小山最多。若贼由温州来此，竟抵城下。若自外国来止，过大陈、丕山、大鹿登岸，皆为贼巢，港内迂曲，捍贼尤难，必出大陈而

迎战于海中，方为得之。

天门港：在邑东松门寨南，东接海中鸡脐山，与松门港接境，南接楚门、洋坑，下接峒礁山。又隘顽寨之藩篱，宜官兵戍守。又有中洲港，南出海中茅衍山，与蒲岐港接境，北出海中丕山，与重门港接境，嘉靖中亦设水军戍守。卍

新河港：口极浅隘，大船难入。然去海十里，去邑城三十里，去松门、隘顽、黄岩各五十里，所谓适中之地，三面俱有大路，可以进兵应援。明初建新河所，所南亭岭、横山诸处，皆戍守要地。又有周洋港，亦在所北。嘉靖四十年，倭由此登陆入犯。又金清闸在所东。嘉靖中，官军败倭于此。

隘顽：在松门西南五十里，北卫本邑，南阻楚门。城外四面皆山，东北有慢游岭，为松门之阻隘。城垣敲矮不足恃，唇齿之援，惟恃松门水军。嘉靖三十七年^[九]，官军败倭于此。卍

山门港：县西南十五里。源出温岭诸山，亦曰温岭江，俗称江下。南出山门港及楚门港入海，亦在所必防。卍

楚门港：在松门南百二十里。旧设有千户所，与隘顽所共隶松门卫。今析入玉环。卍

附：潮候 海之有潮，天地大气为之。其来，气之张也；其退，气之翕也，故消息盈虚，可以时测。其有迟有速，又随地不同，惟习于海者知之。如钱塘江之鸣潮，扬子江之暗潮；钦、廉日止一潮，琼海之潮，半月东流，半月西流乃随星之长短，不系月之盈亏，杜林、圣水岩之潮，子时潮上，上午潮落；东、南二海之潮，平于东者常先，平于南者常后，北水南来则为长，南水北去则为落，凡此者皆一气所鼓也。而迟速之机则视其中有阻与无阻：有阻者，水与山激，其来猛而迟；无阻者，水漫空来，其势速而静也。就东海潮汐大概言之：每月初一、初二、十五、十六日长于寅，落于巳，长于申，落于亥；

初三、初四、十七、十八日长于卯，落于午，长于酉，落于子，馀以渐推。而在浙江、扬子，已不无一二时之差。太邑之潮又早钱塘六刻。况寅时又当以月分定之，如五月日高三丈地，十月十二四更二点是也。温、台之人以每月初五、二十谓之小水，渐小至初八、二十三夫亏而不长，为极小水；二十五、初十谓之起水，渐长至初三、十八大盈，是为大潮。春、夏之潮，昼小而夜大；九秋之潮，昼夜俱大；三冬之潮，昼大而夜小。八月十八谓之潮生日。海港之远近，岛屿之悬隔，有一潮即至者，有必须数潮至者。潮未至而休息，潮欲来而速备；因潮阻而迫贼，趁潮顺而逐捕，兵机所在，皆水师所宜熟也。《叶志·潮汐馀论》专就内港言，为水利设，不系海防。予

风 信

海之可畏者，风不测也。然舟行者往西以仲春，往北以仲夏，往东以仲秋，往南以仲冬，风未始不可测也。每观前代时事，寇来恒在清明之后，前乎此则风候不常，寇不利于行，届期则东北风多而不变也。过五月，风自南来，寇不利于行矣。重阳后，风亦有东北者。过十月，风自西北来，亦非寇所利矣。故防寇者，以三、四、五月为大汛，九、十月为小汛。盖寇入犯必随风所之，东北风起则由萨摩或五岛至大小琉球，以视风色之变迁，北多则犯广东，东多则犯福建；若正东风起，则必由五岛历天堂、官渡水，以视风色之变迁，东北多则至乌沙门分豚，或过韭山海闸门而犯温州，或由舟山南而犯象山、定海，犯台州，正东风多则至李西蚕分？，或由洋之南而犯临观、钱塘。贼情无定，而风候有常，故遇东北风起，则邑沿海松门等处不可不守也。至于洋面逐贼，出船巡哨，当明风雨占候。如《孙子》云：“发火有时，起火有日。时者，天之燥也；日者，月在箕、壁、

翼、軫也，凡此四宿，风起之日也。”又如，月晕视何方缺则此方风来，众星动摇主大风，云若炮车形起并主大风，每值日辰执破多风雨。谚云：“壬子、癸丑、甲寅晴，四十五日满天星。戊申、己酉连庚戌，天上无云地下湿。”推验往往多应。江海操舟，冲风触浪，顺之则安，逆之则危，为将者安可以不究心哉！

兵 船

船制，闽、广、浙、直各异：广东之船，两旁设架，便于摇橹；福建之船，其旁如垣，其篷用卷，便于使风；浙、直之船，平底布帆，便于荡桨。所由然者，福建海水最深，各汛地俱近外洋，一望无际，纵有海岛，如浮沓之著水，故有风时多，无风时少，顺则使风，逆则戢风，此福船所由制也。广东自出五虎门，上及大鹏，下及北津以西，俱有岛屿，或断或续，联络散布，商船往来多从里海，且风气和柔，全仗摇橹，此广船所由制也。浙、直海水深处固多，浅处时有，近岸平沙或数十里，潮长水深寻丈，潮退仅可尺许，故叭喇唬、沙船专事荡桨，此浙、直船所由制也。叭喇唬船，其制底尖面阔，首尾如一，底用龙骨直透前后，阔约一丈，长四丈，末有小官舱，舳^[-〇]面两旁各置长板一条，人坐向后而掉桨，每边用桨十枝或八枝，其疾如飞。有风竖桅，用布帆，桨斜向后准作偏舵，亦能破浪，甚便追逐。哨探沙船能调戢使斗风，惟便北洋，不便于南洋，北洋浅，南洋深，沙船底平，不能破深水大浪。北洋有滚涂浪，福船、苍山船底尖畏之，沙船却不畏。北洋可抛铁锚，南洋水深，惟可下木椗。然以海战，二船皆不如苍山船：首尾皆阔，帆橹兼用，风顺则扬帆，风息则荡橹。其橹设于船两旁腰半以后，每旁五枝，每枝二跳，每跳二人。方橹之未用也，以板闸于跳上，常露跳头于外。其制以板

隔为二层，下层镇之以石，上一层为战场，中一层穴梯而下，卧榻在焉。其张帆、下旋，皆在战场之处。盖卑隘于广、福船而阔于沙船，用之冲敌，颇便而捷，温州人呼为苍山铁。其稍大者名艚船，戚继光用之，以为比海沧更小而无立壁，最得中制者。苍船最小，邑人捕鱼者所用，水面上高不过五尺，加以木打棚架亦不过五尺。里海必用苍船，以此船吃水六七尺，海潮中可摇驰快便。其在外海，则防大船之犁沉。唐顺之云：列船海上，须每夜一人坐斗上看动静。虽月黑之夜，抬船、撑船未必无一把两把火光，便可为备。此尤制胜先著也。向例双桅船只下海有禁，奸人藉以单桅恐有损坏，云必得备副桅，官府多惑从之。窃谓副桅可置，桅眼止许一，则虽多挟桅，不致为犯禁之事矣。卞

附考：海夷为患，莫如日本，诸洲约以百数，其近西南者，萨摩洲为最。明季屡次入寇，多由此洲及肥后、长门二洲之人，其次则大隅、筑前、筑后等洲，以及丰泉、丰后、和泉之人，大率商于萨摩而附行者也。自山城号令不行，诸洲专恣，丰后独强，并有诸岛；剽掠出没，皆贫恶之人，歛然而起，非有常尊定主也。其性本贪淫嗜杀；又地匪从而招引，如洪熙间寇患，皆黄岩民周来保煽诱。嘉靖初，虏劫山门何氏，公然泊舟海碛，质男妇要赎。有指挥任龙者，以奋勇无救死。又有乔汉者，亦从亡^[一]。《叶志》归咎于导漳之贼。自是倭至日多，附和益众，城乡各处咸受焚劫，非谭守纶挫之于先，戚参戎继光歼之于后，邑民其有瘳乎？夫倭非敢遽上岸也，官军不敢入水，贼知其怯，斯肆然而上矣。备倭之法，昔人以击杀海中为上策，御贼海港为中策。又曰决胜于敌至之时，不若预备于登岸之先。然水战未易，风潮之大小顺逆，收放之浅深利害，皆当熟究，而尤在先严通海之禁，绝其向导之路。如我朝声灵远讫，军政严明，控制有术，教练有方，滨海百馀年来，何曾有一倭之至哉！《叶志》有《寄使》一篇，详明季倭乱之由，于邑海防无关。且倭自明初已屡寇，患特甚于嘉靖，不尽系宋素卿、宗设谦

导之争贡仇杀也。故别著论于此。太邑被患年月，另详《杂志》。ㄱㄱ

校注ㄱ

[一] 松门卫城《嘉靖志》：“高二丈四尺，周围九里三十步。”ㄱ

[二] 松门卫副千户 王舟瑶校：“《赤城新志》：左所副千户六员，右所副千户一员，后所副千户三员。”ㄱ

[三] 隘顽城 王舟瑶校：“《赤城新志》作城周围七里一十步。《康熙府志》同。”

[四] 曹州营 王舟瑶校：“《康熙府志》作一千三百八员名。”ㄱ

[五] 各路塘 按清代军事通讯称“塘报”，其传送人员亦由兵丁组成。ㄱ

[六] 石桥山后 原文作“石桥后山”，从下文《新设隘顽寨》改。ㄱ

[七] 佛郎机 明代称西班牙、葡萄牙为佛郎机，故名其所制火炮为佛郎机炮。ㄱ

[八] 占 原文误作“估”，今改。ㄱ

[九] 嘉靖三十七年 按本志卷十八《兵寇》作“嘉靖三十六年四月”。ㄱ

[一〇] 臧原作“臧”，误刻，今改。ㄱ

[一一] 从亡 原文作“旋亡”。戚氏《台州外书》作“从亡”，据改。

嘉庆太平县志卷之八

庶政志

乡约 明代以御史奏令州县举行乡约，时惟邑东盘峰里诸耆民仿《蓝田吕氏约法》，月一举行，馀虽行无实，旋亦废止。嘉靖间，知县曾始每乡择年高德望者为约正，有才力干济者副之，约所立木牌一座，楷书《圣教六训》置于上方，而以《泰和云亭乡约》四礼条件令约正副参讲，于时乡各有所，或假禅院为之。今各里皆有乡约堂名目尚存。卍

乡饮酒 宋高宗绍兴十四年，诏郡县岁习乡饮。其后流品颇混，乃诏颁行于里社者听，官弗预。明洪武间，令每岁孟春之望、孟冬之朔，官行于学宫，士庶行于各乡。其学宫行礼，以知县为主，择本处致仕官年爵高者为僎，以乡人年高有德者为宾，其次介，又次为众宾，又选有德者为司正，后以教读为之。国朝乡饮酒礼二次，准开销银七两五钱。卍

乡射 明制州县儒学后设射圃，教学生习射，朔望要试。有司官闲暇时与学官一体习射。本县射圃在西庑之西，县署后亦存箭道之名。卍

宾兴 定例本县于秋试先期谯日，邀请赴试文武诸生，具筵饯送，举觞亲劝。坐席以科考第一人为首，馀次坐。酒三行，演戏三剧，辞出，

从台上行。给发银两,各县不同。本县官给路费银陆拾壹两三钱二分,内分武诸生贰拾两,首名所得倍之。近好义者多捐置宾兴田亩,赴举者益盛。卅

旧置虞岙庄文宾兴田壹拾亩零 : 卅

移耗一百九号民田一亩卅

移耗二百九十七号民田七分九厘七毫卅

移耗二百九十九号民田一亩二分九厘卅

移耗二百八十九号民田二亩五分二厘卅

物耗三十号民田一亩五毫卅

物耗四百三号民田八分一厘五毫卅

物耗四百八十六号民田一亩一分三厘四毫卅

移耗三百四十号民田一亩五分七厘卅

关屿贡生赵叩鸣妻金氏捐田贰拾亩 : 卅

以耗三百八十七号灶田三亩二分八厘七毫卅

以耗四百四十七号民田二亩六分八厘卅

以耗四百六十四号民田一亩四分二厘四毫卅

以耗四百六十八号民田一亩七分九厘卅

以耗四百六十九号民田三亩八分九厘卅

以耗五百二十五号民田二亩二分四厘卅

以耗五百二十七号民田二亩一分四厘卅

甘耗二十九号民田六分卅

存耗一百六十九号民田二亩一分七厘卅

白山监生郑铭钟捐田贰拾亩 :

量耗二十二号民田八分八厘二毫卅

形耗二百十号折四田一亩一分五厘八毫卅

形耗二百二十九号民地三分卅

形垵二百五十六号民地一亩二分二厘五毫升

声垵一百八十二号民屯田二亩五分五厘三毫升

盛垵三百十五号民田二亩一分三厘二毫升

盛垵五百十号民塘一分五厘升

盛垵五百十二号民田一亩八分三厘七毫升

盛垵三百八十三号民田一亩一分升

盛垵五百三十二号民田一亩升

盛垵五百六十一号民田二亩六分三厘五毫升

力垵二百九十一号内民田八分三厘四毫升

力垵一百六十七号民田一亩五分四厘五毫升

竭垵六百五十四号民田一亩六分六厘二毫升

力垵一百五十二号民田一亩四分八厘一毫升

西城林克宽妻张氏捐田三十亩零：升

广垵八百七十二号民田一亩一分五厘六毫升

璧垵二百六十五号民田三分九厘八毫升

璧垵二百九十一号民田八分四厘六毫升

璧垵三百九十号民田一亩四分八厘八毫升

璧垵四百四号民田一亩一分三厘一毫升

璧垵四百六十八号民田三分五厘升

端垵七十六号民田一亩七分九厘五毫升

端垵七十六号民塘三厘升

端垵九十八号民田五分八厘五毫升

端垵九十九号民田五分四厘九毫升

端垵一百二十一号民田一亩七分四厘一毫升

端垵一百二十一号民塘五厘升

端垵一百三十六号民田八分九厘一毫升

端垵一百三十六号民塘二分^升
端垵一百五十七号民田三亩三厘五毫^升
端垵四百九十三号民田一亩七分九厘四毫^升
建垵一百四十七号民田二亩六分七厘五毫^升
建垵一百八十号民田一亩七分六厘三毫^升
建垵一百九十八号民田六分五厘七毫^升
建垵二十号民田二亩四分八厘二毫^升
资垵三百八十八号民田一亩九分一厘四毫^升
竭垵四十五号民田一亩七分七厘^升
竭垵四百三十四号民田五分二厘一毫^升
竭垵四百三十七号民田八分四厘六毫^升
竭垵四百八十三号民田一亩七分五厘二毫^升
赵忞武生陈万清妻叶氏捐田二十亩零：
存垵二百五十五号民田一亩二分^升
存垵四百十九号民田一亩二分四厘九毫^升
仪垵九十九号民田一亩三分^升
和垵六十号民田一亩三分三厘四毫^升
坤垵四十八号民田三亩五分八厘六毫^升
坤垵三号民田六分七厘五毫^升
母垵二百六十二号民田一亩一分七厘^升
母垵一百三十号民田二亩五厘五毫^升
母垵二百六十九号民田一亩四分六厘七毫^升
母垵一百一十一号民田一亩八分六厘七毫^升
母垵二百一十一号民田一亩四分九厘二毫^升
母垵一百八十八号民田一亩二分五厘^升
母垵一百五十六号民田一亩五分四厘七毫^升

东城石上松妻陈氏捐田一十九亩九分零：卅

箴垵五百一十号民田一亩八厘六毫卅

箴垵五百四号民田一亩五厘卅

箴垵五百八号民田一亩七分九厘三毫卅

箴垵五百七十六号民田五分六厘卅

箴垵五百七十八号内民田一亩卅

箴垵五百九十六号民田八分一厘三毫卅

箴垵五百九十五号民田三分八厘四毫卅

箴垵二百五十八号民田一亩五分一厘七毫卅

箴垵六百四十号民田三分三厘二毫卅

箴垵六百二十五号民田一亩六分二厘七毫卅

箴垵六百十三号民田七厘三毫卅

箴垵六百十四号民田三分一厘五毫卅

箴垵六百六十四号民田五分三厘卅

离垵二百三号民田四分六厘四毫卅

离垵一百三十六号民田五分六厘五毫卅

离垵一百九十二号民田一亩四分九厘六毫卅

离垵二百七十二号民田三分一厘七毫卅

离垵二百七十九号民田二分七厘八毫卅

离垵二百七十三号民田二分六厘卅

离垵三百七十九号民田四分八厘卅

离垵三百二十七号民田一亩卅

离垵四百六十六号民田六分七厘一毫卅

仁垵十二号民田五分二厘三毫卅

仁垵十八号民田八分一厘一毫卅

仁垵二十四号民田四分三厘八毫卅

仁垵一百四十八号民田一亩二分三毫升

退垵一百二十三号民田三分八厘三毫升

后洋生员郑槐、职员煜文捐田二十六亩三分零：

长垵三百十四号民田一亩四分三厘升

长垵六百三十四号海军田一亩八分五丝升

长垵五百三十号民田一亩二分一厘二毫升

长垵六百三十一号民田九分四厘四毫升

长垵一百五十五号民田二亩四分六厘升

长垵三百六十三号民田三分三厘四毫升

长垵三百六十四号民田五分五厘八毫升

长垵五十号海军田一亩九厘八毫升

长垵二百九十三号民田一亩四分七厘三毫升

长垵二百八十六号民田九分三厘四毫升

长垵四十五号海军田一亩二分五厘二毫升

长垵四百三十六号民田一亩二分升

长垵四百四十号民田一亩一分一厘升

长垵四百四十号民田一亩二分八厘升

长垵四百四十二号民田一亩四厘升

长垵四百四十二号民田一亩四厘升

长垵四百七十九号民田三分六厘八毫升

长垵四百五十四号民田一亩二分三厘八毫升

已垵五十八号民田二亩三分三厘七毫升

使垵七百七十一号民田一亩五分升

使垵四百九十七号民田一亩八分七厘升

西城林炳辉捐田五亩八分零：升

摄垵一百号民田二亩一分二厘升

摄垵一百十九号民田二分五厘六毫^升

摄垵一百二十号民田二分四厘八毫^升

摄垵三百三十二号民田一亩五分六厘七毫^升

摄垵三百六十一号民田一亩一分二厘五毫^升

摄垵五百二十四号民田五分三厘五毫^升

南城贡生陈玉书捐田二十亩：^升

长垵四十六号民田二亩二分二厘二毫^升

长垵一百号民田二亩八分八厘二毫^升

长垵一百九号民田一亩一分八厘二毫^升

长垵一百十号民田二亩四分五毫^升

长垵一百七十五号民田二亩八分三厘八毫^升

长垵一百八十七号民田一亩二分六厘九毫^升

长垵一百九十号民田一亩五厘九毫^升

长垵五百四十八号民田二分八厘七毫^升

长垵五百六十九号民田五分六厘^升

已垵六十四号民田二亩八厘五毫^升

已垵一百七十三号民田三亩五厘^升

南城监生林德瑜捐田二十亩零：^升

华垵四百七十八号民田二亩五分四厘九毫^升

华垵五百十一号民田一亩三厘五毫^升

华垵五百十二号民田五分四厘二毫^升

夏垵二百二十号民田八分九厘^升

夏垵二百七十九号民田一亩二厘二毫^升

夏垵二百八十号民田一亩五分七厘九毫^升

东垵一十五号灶田七分五厘五毫^升

东垵三百二十六号民田三分三厘^升

东垵三百九十号民田五分二厘五毫^ノ

东垵四百四十一号民田一分九厘^ノ

东垵五百二十二号民田九分六毫^ノ

东垵五百二十九号民田六分二厘二毫^ノ

端垵三百七十三号民田一亩六分五厘五毫^ノ

端垵三百七十三号民塘二分^ノ

悲垵二十五号民田四分五厘九毫^ノ

圣垵一百十七号民田二亩一厘六毫^ノ

丝垵三百八号民屯田一亩一分二厘^ノ

丝垵三百十号民田一亩五分七厘六毫^ノ

好垵三百十一号民田一亩一分二厘六毫^ノ

好垵三百三十九号民田五分二厘二毫^ノ

操垵五百四十一号民田一亩^ノ

虞岙监生范朝镇捐田二十亩零：^ノ

移垵一百四十八号民田三亩二分^ノ

物垵九十八号民田一亩三厘七毫^ノ

满垵一百四号民田九分七厘^ノ

坚垵九十七号民田一亩一分八厘五毫^ノ

坚垵三百五十二号民田七分七厘四毫^ノ

坚垵四百三十号民田四分九厘^ノ

坚垵四百三十号民田一亩三厘^ノ

操垵三十四号民田一亩八分七厘^ノ

操垵三十六号民田九分六厘^ノ

操垵一百二十五号民田一亩三分四厘四毫^ノ

操垵一百五十八号民田二亩四分九厘^ノ

操垵一百八十九号民田七分^ノ

操坵一百九十九号民田一亩五分升

糜坵六百十九号民田二亩四分七厘四毫升

育婴堂 仓后街，久废。嘉庆十五年，奉藩司穆檄行州县修建。升

养济堂 始设自明，俗呼孤老院，沿元时之称。在宋称居养院。本县置在治后西街，计孤贫三十六名，布花木柴银二十一两六钱，口粮银一百二十九两六钱。乾隆二十四年，邑令徐培详拨三塘田为口粮资，岁久被侵。嘉庆十六年，府宪毕清厘书院田亩，并及缴田价洋银二百元，易置腴田，每岁收息济给，自是孤贫长邀惠泽矣。升

惠民药局 《叶志》存其名，兼列《救荒本草》，事未行。升

义冢 宋崇宁中，令州县以常平钱置漏泽园，以葬死而无归者。绍兴间，复每处置庵，募僧主管收瘞，钱亦给以常平。正德九年，县民林台出山地三亩为义冢。嘉靖间，知县陶秀复买凰扬山地若干亩，缭以垣墙，为门识之，由是暴骨始有所归。各里中亦间有好义如宋绍定间新昌陈雷其人者，金清蒋氏、新河沈氏、王氏，俱置义冢。泽库有“漏泽园”，丹崖毛氏置，至今传。

嘉庆太平县志卷之九

职官志

文 职

亲民重守令，自丞以下又皆以佐令，司铎设而教养兼矣。第百里无需多员，此前明杂职，国朝裁半也。旧有《职官志》，稍考补之。营员附后。卍

宋 未置县，地多属黄岩。境内所设官：卍

监迂浦盐场一员咸平间设，系文臣。别有监务武臣一员。卍

押袋一员系文臣。卍

松门巡检一员系武臣。熙宁三年，两浙路钤辖发运提刑司奏请：相度巡检地方要害，难以裁减，台州三员：管界、临门、松门。熙宁九年，巡检每处置都头、虞候、长行等九十余人。嘉定间，阁婆国番舶入寇，失巡司印记，复降给。又按《通志》，宋冯安国官浙东观察，巡视松门市舶；宋末陈元尝为松务副使，似更有市舶务使等官。

元 监官一员因迂浦监改黄岩场监。元贞二年，升盐司，以令、丞勾管。大德三年，设团灶户。按庆元陈伯昌以元浙西副提举调黄岩迂桥巡使，方氏之乱，奉檄御寇，死迂桥，即迂浦；巡使亦即监官也。卍

巡司四员一在松门，仍宋置；一在湖雾；一在温岭，本宋驿官改；一在石塘。《郡志》载杜文裕以亲老辞大闸巡检；似四巡检外，大闸又尝添设。卍

明 盐场大使一员洪武初，黄岩场衙门置百夫长，职掌盐课，称盐课司。二十二年改

盐场大使，给印记，管仓九，惟青林、平溪、高浦、沙角在今邑境。卅

巡司三员一在盘马，洪武二十年方鸣谦奏设；一在三山，即温岭司改，洪武元年设，后安祿侯奏移于乐清苔山；一在沙角，洪武二年设在岐头山下，二十年命台州卫指挥霍远移置于此。其小鹿、蒲岐二司，则立县后割乐清地增设。卅

河泊所大使一员在南监街，洪武十七年设。嘉靖八年裁，郡守周志伟疏请复置。管周洋等九闸。

仓场大使四员分管松门、新河、楚门、隘顽等广盈四仓，亦洪武时设。卅

成化五年立县后设：卅

知县一员，**县丞一员**并在县城，**主簿一员**今典史宅即其衙基，天启间裁，**典史一员**，**儒学教谕一员**，**训导二员**。巡检、场使、仓使^{〔一〕}、河泊等官照洪武初。又设阴阳训术、医学训科、僧会司、道会司等员。县司吏六房并总司共七名，典史共十四名：承发、架阁、铺长、学吏各一名，巡检司吏五名，黄岩场吏一名，广盈仓吏四名。卅

国朝 监明制，设：知县一员，儒学教谕一员康熙三年裁，十五年复设，训导一员，县丞一员先在城，后在新河，黄岩场大使一员一邑灶田属其征收，巡检一员在松门，与盘马、三山等五司俱顺治十八年以迁遭滨海裁去，复界后渐复殷繁。雍正十三年八月覆准部议：“台州府太平县东南五十里，松门卫城逼近海边而设，地方相近之淋头、石桥等人烟稠密，虽有千总一员，不能兼顾文职之事，应于松门城添设巡检一员，会同武弁严查其所属地方，俱各令其究辑奸匪，遇有赌博、私宰、私盐、逃盗，准其查拿移解，所需俸工役食等项，应令该督会同妥议，题报可也。”典史一员，阴阳、医学、僧会司、道会司各一员。县吏十二名、书十二名，县丞、典史各书一名。儒学攒典一名、书一名。黄岩场攒典及书各一名。巡司吏一名。卅

知县 明 卅

常 完 有传。卅

袁 道 有传。卅

丁 隆 字时雍，南昌进士，成化十七年至。寻擢御史。卅

刘 用 上饶举人，成化二十二年至。殁

樊 轩 崇明监生，弘治三年至。殁

罗 政 新喻进士，弘治九年以黄岩知县起复至。有才而逞法，货行于手，罪成于言，卒以阿枉不平被劾去。殁

刘 弼 有传。殁

卢 英 有传。殁

颜 檟 龙溪举人，正德三年至。改教去。殁

梁 瓘 顺德举人，正德五年至。殁

祝弘舒 字文安，温江进士，正德八年以含山知县调。综理有方，剖决无滞，吏民不敢欺以私。第持身在清浊间，以是逊袁、卢。后迁户部主事，历任员外、郎中、楚雄知府，两淮盐运使致仕。殁

林 正 长乐人，正德十一年以国子监博士至。性慈祥，少刚断，后请教职去。殁

吕 川 同安举人，正德十二年至。才稍短，然质朴无他。以述职卒于途，民颇惜之。

邹山龄 丰城举人，正德十五年至。性暴戾，又不检制其下。然其人故能吏也。殁

毛 衢 有传。殁

李伯润 有传。殁

刘友德 漳浦举人，嘉靖八年至。德优才短，左调去。殁

陶 秀 字子实，南城举人，嘉靖十一年至。先是理役不均，田多脱漏，秀至，设十甲均田令，又清复旧额，民甚宜之。滨海故多军卫庄田，弗属编管，军豪率逋租抵禁，乃建立军图，奔走服役视齐民。又垫磬道路，起皇华、息肩二亭，筑义冢，民益欢悦。第讼谍羈縻弗辄决，用是浸失誉。后左调高淳，父老为立政绩碑。殁

曾才汉 有传。殁

赵孟豪 号南豪。嘉靖三十一年，倭寇犯境，公率民兵守御。寇攻南门，几陷，用邑人王庚计，以火药攻退，邑赖以全。丿

方 轸 有传。丿

魏 濠 号清渠^[二]。丿

徐 钺 有传。丿

叶 浩 号奇峰，五开卫人。莅任期年，法饬^[三]政修，为庞侍御所奖。丿

徐一正 湖广岁贡，隆庆四年以同知署。

黄应忠 南平人，隆庆四年至。前任徐议修周洋、迂浦二闸，公力成之。丿

翁仲益 有传。丿

王国宾 号养默，武进进士，万历四年至。居官能体物情。流丐杨海掠妇人，药令瞽，约日乞米若干，不足，辄拷掠无完肤，廉得其事，毙海杖下。李传稽狱中待质至二十馀年，力出之。时有“王青天，柴门不闭犬夜眠”之颂。升南京户部山东司主事。去日，邑林铤等为立去思碑。丿

陈时行 晋江进士，万历八年至。丿

赵汝谊 号致庵，云南通海举人，万历十年以同知署。林白峰《遗爱碑记》称其“廉惠勤慎，不愧良吏”。丿

唐 映 号春阳，贡士，万历十一年由江右武宁知县改任。务节俭，缓催科，性慈祥，不妄鞭扑人。丿

俞咨益 有传。丿

阎恒悟 号少海，举人，万历十四年至。丿

晏文辉 有传。丿

胡登明 进士，万历二十八年至。丿

吴从道 湖广举人。丿

- 伍元正 号泰宇，举人，万历三十六年至。丿
- 唐世盛 举人。丿
- 陈龙光 举人。丿
- 王存理 金坛举人，万历四十六年至。丿
- 卢天锡 河南举人。丿
- 许成章 号石虬，长洲进士，天启三年至。文章政事，赫然有声。
累官至参议。祀集贤祠。《府志》入名宦，惜未见事实。丿
- 谢 坚 有传。丿
- 刘应鼎 号定庵，宿松贡士。礼士惠民，美绩茂著。丿
- 彭承苾 扬州举人。丿
- 全鸿志 石阡卫贡士。丿
- 胡学戴 字白庵，湖广五开卫人。博学能文，待士极优，立泰社以振人文。居官自奉朴素，抚按交荐。擢升福建漳州同知。丿
- 黄 弼 福建副榜进士。风度超雅，温平和易，民乐其简。丿
- 李继登 选贡，由台州府经历署。丿
- 国 朝**丿
- 刘履昌 有传。丿
- 于大成 辽东生员，顺治十一年至。以簠簋不饬罢。丿
- 王道鹏 四川举人，顺治十三年至。丿
- 张国栋 盛京贡士，顺治十七年至。丿
- 孙居相 扬州贡士，康熙二年至。丿
- 刘定国 广东举人，康熙三年至。丿
- 孙如兰 有传。丿
- 陈心澡 有传。丿
- 许经世 福建举人，康熙十年至。丿
- 郭 治 字醇子，河南临漳举人，康熙十一年至。丿

汪 涓 号讷庵,苏州人,由吏员,康熙十四年至。缘催征不力罢,十七年复任。丿

刘豫祥 字顺勤,号竹岩,直隶蠡县进士,康熙十七年至。以前令还职回部。丿

曹文珽 号穆斋,陕西固原人,由官生,康熙二十年任。县钱粮多逋,由户甲不实,催科楚毒,顽顺无分。文珽适值编审,亲行履勘,按图编甲,豪民无敢匿漏,良民虚挂悉除。又重辑县志,使明嘉靖后至国朝百数十年事实有征。亦有功地方者也。丿

黄在中 山东昌邑贡士,康熙二十五年任。调钱塘,仕至平乐知府。丿

周宜振 号静斋,无锡进士,康熙三十年任。在州县中负文名。丿

童溪周 由进士,康熙三十三年至。丿

于 泓 任丘监生,康熙三十五年署。丿

黄华灼 宛平人,康熙三十六年由宁波通判摄县事。丿

常 谔 镶蓝旗人,康熙三十七年署。丿

成康保 字安若,宝应进士。前内阁撰文中书舍人,康熙丁卯副主考,出为台州同知,三十八年摄县事。丿

何有略 号樵岸,广东新安举人,康熙三十八年至。丿

徐尊显 湖广岁贡,康熙四十四年至。五十年间,以丈量激变,革职去。丿

郑一枫 康熙五十年署。丿

张世锡 江南和州岁贡,康熙五十一年至。在任最久,人不堪其虐。雍正二年革职去。

张宏章 丹徒人,雍正二年署。丿

张仕骧 有传。丿

阎绍祖 雍正四年署。丿

戴世禄 雍正四年署。丿

张坦熊 有传。丿

陈 诚 号秉一，顺天通州进士，雍正六年由景宁县调任。丿

郭宗仪 顺天三河吏员，雍正八年署。丿

周元良 汉军，由开复知州，雍正八年署。丿

徐元肃 有传。丿

刘天禄 宛平人，乾隆三年署。丿

庾恒丰 广西人，乾隆三年至。丿

蒋 润 苏州人，乾隆十二年署。丿

黄 鉉 有传。丿

刘廷本 乾隆十四年署。丿

刘居敬 乾隆十五年至。值荒，以办理不善去。丿

张肇扬 乾隆十六年由兰溪县丞署。丿

左士吉 有传。丿

景稗 号虞山，山西安邑举人，乾隆二十年至。少年初任，能自振厉，不为胥吏所惑，政声甚著。旋调归安。丿

徐 培 号秋园，武进举人，乾隆二十二年至。留心学校。后调任镇海。丿

苏惠民 号慕堂，曲沃举人，乾隆二十七年至。有才藻，吏事亦明。寻调诸暨。丿

赵时煥 江南人，乾隆三十年至。贪而酷。丿

康定速 乾隆三十二年至。老成循谨，终任无过举。丿

陈国成 乾隆三十四年署。丿

屈 彰 直隶举人，乾隆三十四年至。民有“兵屈民屈和尚屈”之谣。丿

梁 森 乾隆三十七年署。丿

刘佑 乾隆三十八年署。假漏税为名，富民多受累。丿

李汝麟 号仁圃，江南山阳进士，乾隆三十九年至。学问淹博，待士以诚。性廉介，断遏苞苴^{〔四〕}。重筑二荡堤，浚猫儿河，沿海民赖之。惟畏任过，案多悬，为白璧之瑕云。丿

张寅 乾隆四十三年至。吏治首坏。丿

邓谦芳 广东举人，乾隆四十六年署。性情平易，待士有礼。调任乌程，丁艰再起，补兵马司指挥使。丿

赵械 乾隆四十七年署。嗜酒，多暴政。丿

程开源 歙县人，乾隆四十七年至。丿

赵宸扬 号丹亭，江西都昌举人，乾隆五十年署。清介有干略，尤慎虑囚，剖决如流，颇得民心。实授青田，调繁山阴。丿

萧应运 湖北进士，乾隆五十一年至。丿

李宝型 江西举人，乾隆五十二年署。丿

张景运 沧州人，乾隆五十二年至。才^{〔五〕}数月，以邻境嫁祸去官，人颇冤之。丿

吕尔禧 号涤圃，武进举人，乾隆五十二年署。熟于案牍，事鲜稽滞。丿

杨抡 字莲叔，金匱进士，乾隆五十三年至。忠厚，无才略。丿

裘世璘 号守斋，仪征人，乾隆五十三年署。丿

谢祖锡 广东举人，乾隆五十四年至。以参离任。丿

彭钰 夏邑进士，乾隆五十五年署。任情宠胥，兼失察盐案，被罪戍外。丿

刘云 湖北人，乾隆五十六年署。在任一月，政声颇著。后升金华知府。丿

孙潢 号晓兰，无锡举人，乾隆五十六年至。以参离任。丿

李桂荫 乾隆五十八年署。丿

李之煌 广东举人，乾隆五十八年署。丿

张鹏程 乾隆五十九年署。丿

杨毓莲 乾隆五十九年署。以忧去。丿

刘杞楫 号济川，庐江人，乾隆五十九年署。丿

舒其绍 任丘举人，乾隆五十九年署。丿

黄敬修 号东亭，宛平人，乾隆六十年署。丿

赵擢彤 号睦堂，莱阳副贡，由教职升。嘉庆元年任，至七年去，中间凡三调他邑。颇善诗画。丿

洪 昭 号雅六，四川双流举人，嘉庆元年署。丿

张虎步 福建举人，嘉庆二年至。升署通判。丿

王 涛 江宁人，嘉庆三年署。丿

林鸣冈 号桐崖，莆田举人，嘉庆五年署。敏于决事。丿

李承起 武进人，嘉庆五年署。创修文庙。丿

刘炳然 号藜阁，青阳举人，嘉庆七年署。丿

韩 涛 号锦澜，长寿举人，嘉庆八年至。丿

谢士萃 登莱拔贡，嘉庆十二年署。善折狱。丿

庆 霖 号旭亭，汉军正蓝旗人，嘉庆十二年三月至。县志百馀年未修，捐俸续辑。丿

教谕 明丿

郁 珍 江浦举人，成化六年选，未之任。丿

黄 初 字明复，莆田解元，成化七年至。平易旷达，尝三典文衡。升温州教授。丿

黄 缙 有传。丿

陈 彝 吴江举人，弘治六年至。丿

吴 杰 字世英，湖广兴国州举人，弘治十五年至。丿

张 泽 莆田举人，正德三年至。学规整饬。丿

傅 举 金溪举人，正德六年至。月课修举，士服其教。升罗田知县。丿

陈 义 延平人，正德十六年以训导升。终平羈卫教授。丿

陈 策 全州人，嘉靖七年以训导升，致仕去。丿

张廷器 闽县人，嘉靖十一年由举人至。勤课士，风范端严。捐俸作先师龕幔，诸生贫乏者济之。尤善论事，上官多咨访焉。丿

陈光明 字道昭，莆田举人，嘉靖十五年以五河教谕起复至。丿

许 珍 嘉靖二十一年至。丿

李德用 有传。丿

林凤仪 号閩洲，福建侯官举人，嘉靖四十一年以会试乙榜至。文章奇伟，于诸生有振起功。升广东陵水知县。丿

章 淮 号斗野，绩溪人，隆庆元年至。升长沙推官。丿

张朝阳 建德人，万历十二年至。丿

李 纶丿

谢日培 福清岁贡。丿

邹武陵 号五湖，无锡人。在任三年，擢王府教授。丿

俞 楠 余姚岁贡，万历十三年至。丿

周国珍 江西人。丿

吴端性 永康人。丿

卢明德^[六] 岁贡。丿

董成龙 字云泉，海宁人。丿

何 敏 诸暨人，万历二十五年至。丿

王继善 孝丰人，万历二十七年至。丿

冯应旻 沅州人。丿

周用中 嘉定人，见“集贤祠”。丿

梁州彦 号铉玉。丿

杨一龙 卞

窦失名 卞

汤一诰 卞

林栋隆 鄞县举人。由教职会试登进士，官至大理寺丞。卞

屠弘儒 湖州举人。卞

罗斗章 号湘沚，嘉兴举人。卞

陈万钟 有传。卞

马逢伯 天启三年至。卞

陈熙廷 字君穆，嘉兴人。卞

姚启昌 俱崇祯间至。卞

国朝 卞

张佐极 河南息县恩贡，由建德知县改调，顺治三年至。卞

范廷甫 仁和举人，顺治八年至。十五年失印去。卞

李发枝 号鹿友，山阴进士。卞

龚 瑛 字英玉，钱塘举人，顺治十七年至。课试颇勤，士^[七]服其教。以裁缺去。卞

冯宿荣 号灿垣，杭府岁贡，康熙十六年以复设教谕至。升国子监助教。卞

顾 弘 号药庵，海盐岁贡，康熙十七年至。详复科举旧额，立多士文会。卞

韩 实 会稽岁贡，康熙二十六年至。卞

盛振英 字玉符，号托园，山阴岁贡，康熙二十八年至。著有《托园诗集》、《嵩岩十咏》。

郭 銍 诸暨岁贡，康熙三十六年至。卞

沈 鳌 字时乘，钱塘岁贡，康熙四十三年至。卞

许元瀛 字懋功，临安拔贡，康熙五十七年至。卞

鲁 嵩 号岐山，青溪人，雍正五年署。丿

屠肇临 平湖拔贡，雍正六年至。丿

徐禄宜 雍正九年至。丿

朱松龄^[八] 嘉兴人，乾隆三年至。丿

徐廷煜 钱塘廩贡，乾隆四年署。丿

孙兆嘉丿

倪必英 山阴举人，乾隆二十年至。丿

陈振萼 乾隆二十九年署。丿

平世增 号玉海，山阴举人，乾隆三十年至。升岳池知县。丿

沈 沅 山阴副贡，乾隆四十年至。丿

陆 铭 乾隆四十三年署。丿

吴玉墀 号小谷，钱塘举人，乾隆四十三年至。升天柱知县，
终同知。丿

宋 贵 嘉兴府拔贡。后实授宁海。丿

谈承中 号崧岩，德清副贡，乾隆五十年至。丿

杨蕴华 有传。丿

李士玉 号式堂，余杭举人，嘉庆七年至。保举知县。丿

孙鼎元 字羹和，号作梅，仁和廩贡，嘉庆十四年署。丿

黄徵肃 字元恭，号雨庄，余姚副贡，嘉庆十四年至。丿

训导 明丿

裴 弼 辽州举人，成化六年至。升长洲教谕。丿

张 奎 孝感举人，成化八年至^[九]。丿

张 濬 字文哲，侯官举人，成化十年至。性慷慨好义，庠生
毛津贫而有才名，后卒，张买棺殓之。秩满升广东饶平知县。丿

冯 祥 字世祯，安仁监生，弘治元年至。丿

叶 濬 字仲哲，淮安监生，弘治二年至。丿

- 刘 祥 济宁监生，弘治十年至。丿
- 蔡 璉 弘治十一年由监生至。丿
- 吴 寅 连江监生，弘治十六年至。性情纯笃^[-〇]，人目为君子。
秩满去。丿
- 张 儒 歙县监生，正德元年至。卒于官。丿
- 杨文命 莆田人，正德三年由教谕左迁至。天性宽厚，待士极诚。
升绍兴教授。丿
- 鲍 凤 字鸣岐，桐城举人，正德六年至。性爽朗。善品藻，
得士子心。升宜黄知县。
- 袁 鉶 麻城监生，正德八年至。恂恂温雅，不见有喜怒色。
升锡山教谕。丿
- 徐 锐 当涂监生，正德十五年至。升余姚教谕。丿
- 程 绪 歙县监生，正德十六年至。丿
- 罗文明 长汀监生，嘉靖七年至。丿
- 朱文珊 繁昌监生，嘉靖八年至。引年致仕去。丿
- 胡 礼 字子敬，安溪选贡，嘉靖十七年至。丿
- 张 习 字以翔，东莞岁贡，嘉靖十八年至。丿
- 吴国鼎丿
- 黄 楠 泗州人，嘉靖三十年至。丿
- 叶廷溥丿
- 谢阜倪 江西抚州人。丿
- 李元泰丿
- 张秉衷 江西抚州人。丿
- 饶 锡 江西南城人。丿
- 周 爰 南直丹阳人。丿
- 陈 谿 南直太仓人。丿

杜济民 南直临淮人。 卅

张 柯^{〔一〕} 福建上杭人。 卅

江孔时 江西余干人。 卅

杨民望 湖广广济人。 卅

章志良 万历五年至。 卅

张廷礼 卅

杨 叶^{〔二〕} 万历十一年至。 卅

文 德 直隶南陵人。 卅

夏文祖 山阴人，万历十三年至。 卅

卓 尔 瑞安人，万历十五年至。 卅

萧继明 定海人。 卅

朱允若 号三冈，上海人，万历二十二年至。 卅

祝尔教 卅

徐 新 卅

俞消络^{〔三〕} 卅

姚大同 河南人。 卅

陈文馨 卅

赵 谟 卅

沈一乔 号见川，德清人，万历二十七年至。 卅

谭光哲 卅

萧凤来 宁波人，有文名。 卅

谢三秀 号君采，黔中人。 卅

吴交荐 卅

屠世表^{〔四〕} 卅

狄遵制 卅

范汝庆 号锡穀，兰溪人。博洽，勤训课。尝贷贫人应四金十两，

官满去，贫人鬻子得八金以偿，汝庆力却之，贫人父子获全。丿

杨原仁 天启间任。丿

沈云中 天启间任。丿

郑之屏 崇祯十年至。丿

段福^{〔一五〕} 福建人。丿

稽日新 号商铭，归安人。丿

裘秉睿 俱崇祯时。丿

国朝

吴钦明 号文伯，孝丰岁贡，顺治六年至。丿

张锡荫 湖州籍仁和人，顺治十年至。丿

潘志麟 新昌人，顺治十年至。丿

俞光被 字昭兹，山阴人，康熙五年至。性醇谨，冷署自甘，意泊如也。致仕去，欣然一无系恋，阖庠多以长厚称云。训导为印官始此。丿

张尹谐 字古匏^{〔一六〕}，嘉兴海盐籍海宁岁贡，康熙十年至。性不羈，善诗、古文。十三年曾养性犯界^{〔一七〕}，印被劫，义不受伪札，隐遁山僻。十四年恢复，奉府详明回籍。丿

钱向仁 号屏山，安吉州岁贡，康熙十五年。遇事直谈，无顾忌。捐俸四十金修文庙暨两庑。历任八载，以老罢。丿

顾人龙 字云驭，平湖岁贡，康熙二十二年至。博学工文，著有《思乐轩集》。丿

叶盛芳 号菊亭，西安岁贡，康熙二十七年至。丿

徐昌尹 西安岁贡，康熙三十八年至。丿

金德培 字圣业，仁和岁贡，康熙四十九年至。丿

吴会 丿

蒋邦彦 奉化岁贡，雍正七年至。丿

- 夏启寅 乾隆四年至。在任一月，告休去。尹
- 李 熙 乐清人，乾隆四年署。尹
- 章万全 兰溪岁贡，乾隆四年至。尹
- 章知邨 乾隆二十一年署。尹
- 王 葵 乾隆二十一年至。尹
- 汤 炜 乾隆二十五年至。尹
- 汤肇锡 东阳岁贡，乾隆二十八年至。尹
- 陈良鼐 象山岁贡，乾隆三十一年至。尹
- 许观海 号雪崖，淳安人。尹
- 朱 篆 号介堂，海盐举人，乾隆四十二年。尹
- 濮文焘 号燮轩，分水举人，乾隆四十七年至。尹
- 张 鉉尹兰溪举人，嘉庆八年署。尹
- 裴瑞兴 号晴川，常山举人，嘉庆八年。尹
- 县丞 明尹**
- 齐 礼 有传。尹
- 王 渊 旌德监生。尹
- 李 仓 德化监生。尹
- 范 瑛 山阳监生。尹
- 范 亮 有传。尹
- 万有谅 长寿人。俱成化间至^{〔一八〕}。尹
- 邹 胜尹
- 魏 能尹
- 常 盛 俱弘治间至^{〔一九〕}。尹
- 姚 绩尹
- 庄 敬
- 黄 通尹

王凤鸣 辽东监生。秉性疏爽，尝为贡院供给官。俱正德间至^{〔二〇〕}。 卅

张 鎭 泰和官生，世禄之家。落拓不善事上，以免去。 卅

王元辉 维扬监生。廉健有干局，凡上官所委遣，至期必办。逾一考，升林县知县。 卅

卢 潮 字文溥，江都监生。 卅

韩希琦 卅

吴天锡 卅

谭 镗 俱嘉靖间至^{〔二一〕}。 卅

杨 旻 清江人。嘉靖三十一年倭寇，力佐知县方防御破贼，见林贵兆《送杨二尹入都序》。

石蕴玉 卅

汪从清 卅

陈大杰 卅

火 铎 卅

范道行 卅

张大治 卅

苏 熿

许 楠 卅

陈 筹 卅

陈云鸾 俱万历间至^{〔二二〕}。 卅

刘大用 卅

吕允昌 卅

林宸谟^{〔二三〕} 莆田人。俱崇祯间至。 卅

国朝 卅

赵闇修 贡士，顺治三年至。 卅

- 周 钦 贡士，顺治五年至。丿
- 江左龙 顺治七年至。丿
- 荣守坤 内院中书供奉，顺治九年至。升青田知县。丿
- 文时成 贡士，顺治十四年至。丿
- 何 标 贡士，顺治十七年至。丿
- 焦万言 贡士，康熙四年至。升永嘉知县。丿
- 张光恩 福州儒士，秀水县主簿升，康熙九年至。丿
- 丁国泰 号太寰，大兴人，由吏员，康熙十四年至。升江南金山卫经历。丿
- 董全光 章丘生员。丿
- 李一经 彰德贡生。丿
- 胡 晚 富平监生。丿
- 王孳勤 三河官监生。丿
- 张宏章 丹徒例监，康熙十二年至。丿
- 张若熾 桐城监生，雍正四年至。丿
- 马元旭 直隶雄县人，雍正七年至。丿
- 张士标 江苏人，乾隆八年至。七署县事，在任最久。丿
- 徐德升 前邑令尊显子。丿
- 陈步月 乾隆三十二年至。丿
- 张福敏 乾隆三十九年至。重建衙署。升平湖知县。丿
- 山荣杰 四川三台人。丿
- 侍 臣 扬州人。丿
- 兀 家 陕州人。丿
- 舒泰然 广西人。升遂昌知县。丿
- 姚洪泉 山东人。丿
- 林锦灿 江西萍乡人。丿

- 朱大年 直隶天津人。升黄岩知县。丿
- 张问莱 号旂山，四川遂宁人，大学士鹏翮曾孙。丿
- 费嘉绍 江苏吴县人。丿
- 陈兆奎 号星垣，江西鄱阳人，嘉庆十四年至。丿
- 主簿 明**丿
- 史 驯 临朐^{〔二四〕}吏员。丿
- 张 沔 沔阳人。丿
- 黄 禧 永福人。俱成化间至^{〔二五〕}。丿
- 陈 俊 岳池人。丿
- 陈 瑀 建平人。丿
- 董 珍 扬州人。俱弘治间至^{〔二六〕}。丿
- 谭 章丿
- 柏 凤丿
- 王元宝 福州人。俱正德间至^{〔二七〕}。丿
- 梁 穰^{〔二八〕} 泰和人。丿
- 唐 翰 抚州吏员。丿
- 康 磐 潞州人。丿
- 张 钰 邵武人。丿
- 高 举 字凌汉，象州人。丿
- 杨 梅 俱嘉靖间至^{〔二九〕}。丿
- 甘 廉 隆庆五年督修周洋、迁浦二闸。丿
- 胡天挺丿
- 夏 彬丿
- 姜志学丿
- 钱应旂丿
- 蔡宪忠丿

陈以期 卅

濮阳麓 卅

杜乔楚 卅

黄一棣 卅

周梦吉 字惟修，号慎斋，荆州监利县人。有遗爱碑。卅

叶茂棠 俱万历间至^{〔三〇〕}。卅

庄嘉擢 天启间至。卅

巡检 国朝 卅

易祖愉 字天有，湖南湘乡人。雍正十三年复设松门巡检，祖愉选是职。其诗文字画夙为慎郡王所赏，临行，王钱以诗，有“寻常官职登王路，多少诗情入会稽”，及“作尉风流年少郎，图书数卷是行装”句，可想见其梗概矣。乾隆五年以卓异升。卅

熊 祺 卅

周秉钧 抚州金溪人。卅

唐 封 卅

徐培元 丹徒人。卅

冯 颺

顾汉综 扬州人。俱乾隆间至。卅

邓必玉 江西人。卅

沈懋宽 江南人。卅

舒清州 号海山，直隶人。俱嘉庆间至。卅

典史 明 卅

王 琮 杞县人。卅

崔 富 卅

汤 志 当涂人。卅

陆 安 上海人。俱成化间至^{〔三一〕}。卅

吴 珍 电白人。卅

江 铨 贵溪人。卅

马 璉^{〔三二〕} 宁国人。卅

陈 赋卅

傅 智 新喻人。俱弘治间至^{〔三三〕}。卅

吴 松卅

钱 穀 字申库，号听泉，原籍临海，占籍江南徽州，由吏目借补太平典史。以才干为长官所重。丁父镇江司训艰，遂不复仕，留居邑之莞山。卅

高 忠 俱正德间至^{〔三四〕}。卅

张 箴 莆田人。卅

戴唐贤 麻城人。卅

周时雍 南昌人。卅

顾 概卅

朱 鳌卅

吴 时 俱嘉靖间至^{〔三五〕}。卅

陈延龄 隆庆五年与修周洋、迂浦二闸。卅

徐廷敕 建德人。卅

谢嗣馨卅

陈 法卅

邹 轮卅

李文超卅

江宗海卅

唐 谦卅

梁 乔卅

郭廷栋卅

蔡宸恩 尹

张 瑞 俱万历间至^{〔三六〕}。尹

龚得荣 尹

陈 钰 尹

王自亮 尹

唐廷谔 尹

王政选 福建人。俱崇祯间至^{〔三七〕}。尹

国朝 尹

王三才 尹

郑应廷 尹

田元春 尹

杨 茂 尹

李如珍 俱顺治间至^{〔三八〕}。尹

李熙昌 尹

马三畏 尹

王廷宰 济宁人。尹

吴国瑞 青阳人。尹

陈天猷 通州人。尹

王声秀 武邑人。尹

戴鼎相 苏州人。尹

李有诚 登州人。尹

徐 振 大兴人。俱康熙间至^{〔三九〕}。尹

邹宏业 宛平人，雍正八年至。尹

朱履泰 尹

武 振 尹

陆 璉 苏州人，乾隆三十八年至。尹

王汝安 苏州人。丿

于汝英丿

陈 棣 南昌人。丿

顾 盘 苏州人。丿

李长绅 湖北人。俱乾隆间至。丿

蒋永泉 苏州人。丿

崔卓翔 江西人。丿

戴光斗 号仙洲，吴县人。俱嘉庆间至。丿

营 员丿

明 松门卫左、右、中、前、后所指挥、镇抚、千百户等官，见《营制》。其承袭历任及迁升年月、姓氏无籍可稽。今惟据国初归附呈册列后。丿

指挥：丿

单 和、胡 能、朱 恭、胡 宁系故绝；徐伯龄、焦承继、潘居敬、张国光、沈光宠、戴承裕、耿泰瞻、樊宏钦、任国恩、吴宪忠系已故；闻国政、乔 煜、程九万、胡明俊、郝光时、罗万卷、徐 鸲系现任；葛道昌、季朝煜、李正挺系优给指挥舍人。丿

镇抚：丿

顾 泰、王 因、徐 滋、费卯仁系故绝；梁 英、兰斯馨系物故；刘光国现掌五印。丿

千户：丿

岳 宗、王 凤、牛 铎、王 弼、刘 勋、陈 斌、朱 广、吴国尚、盛 隆、张 鉴、康 衢系故绝；汪应轸、顾 衮、李显卿系物故；潘 坤、陈思圣、赵廷谟、郑天眷、王家栋、李呈藻系现任。丿

百户：卅

周佩、张英、俞鳌、徐潮、陈天锡、敖翔、王佐、夏时、张经、刘鉴、陈豪、吴龙、麻荣、杜升、张鸾、尹斌、朱达、唐臣、潘节、陆勋、莫元锦、王绅、方絜矩系故绝；郭钦锡、史光祖、冯嗣谦、张天相、张宏济、李应科、符凤翱、成玉、吴扬、韩化龙、陈梦旸、陈朝栋、季时衡、葛玺、丁应雷系物故；秦光禄、吴承勋、庞孚远、杨国材、解联元、袁瑞麟、屈仲林、徐启元系现任；樊汝铨、周元龙、王光桂、王崇龙系优给。卅

经历：卅

余廷奎本司印信原任汪襄掌管，未交。卅

新河守御所千百户等官：卅

胡均忠见武秩、李谅、谈师亮俱千户；刘文昌、阎盛、赵凤、岳文、唐章、朱洪、俞瑛、崔经、张元勋俱百户，以上见胡氏名籍者书屏；胡朝宸、金万钟、李绳武、王世爵、李世忠、杨以仁、谈国卿、杨志、杜良仁、俞秉忠、刘世功、阎士元、赵学章、岳宗泰、薛文选、甄燮、朱国泰、李世文俱千百户，见所城外拈华堂万历乙巳题匾。卅

国朝 顺治及康熙九年调防官：卅

刘朝纲 四川人，台镇千总。卅

张子成 台镇守备。卅

周起龙 嘉标把总。卅

韩文盛^{〔四〇〕} 湖标把总。卅

刘进科 嘉标中军。卅

陈君初 台标把总。卅

韩进祥^{〔四一〕} 绍标把总。卅

孙如龙卅

杨俊 卅

周南 卅

李一元 金标都司。顺治十六年，力战御寇，追至西郊，马蹶被杀。卅

李国柱 台镇都司。顺治十八年^{〔四二〕}御贼歿于阵。卅

邹元奖 台标把总。李一元等既死，城守军溃，元奖竭力捍御，城陷，亦受谪。卅

张德俊 陕西人，以山东副将至。号智勇将，兼得士心，数有功。如泽库之战，捷音上闻；湖雾之役，徒步往袭；在乌沙门冒雨涉险，两渡新沟，最后于大闾单骑冲锋，斩获无算，邑人恃为长城。以十五年初至时未谙地势，孤军深入海门之前所，为贼所乘，致失利，然卒能设奇破围而出，后此之功足相抵矣！蒙谪而去，人咸惜之。卅

张秉璞 曹州中军。卅

范明才 山东副将。卅

王朝钦 陕西汉中人，参将。卅

葛之覃^{〔四三〕} 中军。卅

王虎 参将。尝建亭岭堂。卅

蒋大成 都司。卅

汪起龙 字云峰，丹徒武进士，以游击至，驻松门。儒雅娴韬略，为滨海人敬服，后勒石纪其功。卅

康熙九年特设太平营参将：卅

周祺^{〔四四〕} 广宁武进士。卅

陈宇昌^{〔四五〕} 东光武举。卅

汪国洋^{〔四六〕} 升象山副将，累加右都督。卅

袁升高^{〔四七〕} 广安人，升建宁副将。卅

鲍辅仁^{〔四八〕} 大同人，升春江副将。卅

赵廷栋^{〔四九〕} 宣化人。丿

张开元 宁夏人。丿

柯 俊 莆田人。丿

张其蕴 陕西武举。丿

刘安国 大同人。丿

郭镇邦 宁国武进士。丿

刘 沛 泉州人，康熙四十五年至。勤简阅，严节制，设防置险，巩若长城。又尝周乏恤孤，捐筑义冢。去日，邑人颂德成帙，名《公好编》。丿

达 先 凉州武进士。丿

袁国琮 江南武进士，由侍御至。能诗，兼长书法。丿

田大才 湖广人。丿

朱兆桂 正黄旗人。以上俱康熙年间至。丿

王邦宁 代州人，前为本营守备，雍正五年官是职。终总兵。丿

黄世杰 福建人。丿

吴一清 善练兵马，士卒悦奋。丿

周宗旦 江南武进士。丿

丁士雄 营政严肃，与一清齐名。丿

齐 善 满洲人。丿

舒当阿 满洲人，由侍卫至。丿

林继祖 福建人，世袭。丿

韩兴源 俭以持己，勤于训练，遇士卒有恩。丿

赵 凯 陕西人。累迁署黄岩总兵。丿

苏 詹 满洲人。丿

长 福 满洲人。丿

洪昌运 贵州武进士。丿

吴九龄 尹

白养源 武进士。尹

富隆阿 满洲人。尹

周世德 山西武进士。尹

琮觥克 满洲人。尹

吴秉钺 江南武举。寻擢杭协副将。尹

罗 察 满洲人。尹

柴建业 山西武进士，有传。尹

西密扬阿 满洲人。尹

李长庚 有传。尹

黑 虎 满洲人。

詹文炳 武进士。尹

陆再恩 湖州人。尹

孙鹤龄 山东武进士。尹

色克精额 满洲世袭男爵。尹

莫 魁 处州人。尹

佟 海 满洲人。尹

李成隆 山东武进士。由侍卫至。御下宽厚，宾礼文人，遇事
务静镇，民颇赖之。升乐清副将。

张五经 北直举人。尹

孔继贤 平阳人。尹

忠 福 满洲人。尹

福尔敏 满洲人。尹

章 杞 江南武进士。尹

王宗淦 号雪韵，宁波武举，以盘石都司署。尹

守备：尹

郭守金 南阳人。卅

梅 豹 陕西人。卅

刘 奎 字介圭，号玉池，淮安人，康熙十一年由都司借补温州守备，调太平营。山东驻防兵谋起应耿逆，惮奎，不敢动。会黄镇失守，参将陈宇昌从贼，奎不能阻，自缢，以救苏。城陷，例革职。总督李公之芳特符召奎曰：“闻太人尸祝，汝果何德至此？城陷非汝罪，将疏起汝官。”奎辞曰：“负罪蒙宥幸矣！肠出寸许，至今疮未复，即起，岂能为国用？”李知其贫，命在家食八分粮养老。邑人素德之，故其子振声由太取应，不以异籍阻云。卅

王日晖^{〔五〕} 德化人，后升游击。卅

王志胜^{〔五〕} 胶州人。卅

陈光禧 昌平人。卅

胡 昊 归安武进士。卅

庄 龙 泉州人。卅

阎陔云 真定武举。卅

王邦宁 以上康熙年间至。卅

李国铭卅

金 越卅

徐良栋 福建人。卅

张树棠卅

潘有成 宁波人。卅

冯人杰 宁波人。卅

史天贵 象山人。卅

吴士德 宁波人。卅

余 濬 铁岭人。卅

余有光 宁波人。卅

张永昌 海宁人。丿
端木林 处州武生。丿
陈世勋 温州人，世袭。丿
窦锡元 宁波武举。丿
姚万清 宁波人，世袭。

留 绩 丿

古之仕者，所至有恩泽之被，勋业之垂，虽未久即去，怀其功德者至百世不衰。以与本官此土者不同，前志名曰“留绩”，顾犹有应纪而未纪者，为续登之。丿

宋 罗 适 字正之，宁海人，治平三年进士。元祐间持节本郡，兴修水利，置永丰、黄望、周洋等闸，早有以蓄，水有以泄。朱子因加修焉。元世立祠报功，以公为首。丿

朱 熹 字元晦，婺源人。淳熙九年提举浙东路常平茶盐，行视水道，请大府钱二万缗浚河，修旧闸，增筑新闸，劝兴义役，置常平仓，积粟备荒，所至有惠绩。又与邑士林伯和等讲明理学，游其门者甚众。台南风气蒸变，公倡之也。丿

句龙昌泰 蜀人。朱文公为常平使，议建闸，以劾郡守唐仲友改官去。公继至，因成规与绅士林、蔡诸人力成之。后人与文公并祀。丿

元 韩国宝 大德三年由武略将军管州事。以治水为养民之要，境内诸闸一切修理，苦心勩力，经费一毫不仰于县官，仍于闾阎无扰。民颂德至今。丿

泰不华 字兼善，伯岳吾氏，初名达普化，文宗赐名泰不华，今奉文改台哈布哈。世居白野山，因父塔不台任台州录事判官，遂

家焉。好读书，集贤学士周仁荣养而教之。年十七，以台籍举江浙乡试第一，明年赐进士及第。出为绍兴路总管，复改台州路达鲁花赤，民间有“到底清”之谣。方国珍叛，决意主剿，阻于当事，受其降，卒怀诈反覆，兼善以身殉焉，年四十九。僮名抱琴及临海尉李德辅、千户赤盎、义士张君璧俱从死。卅

明 汤 和 字鼎臣，凤阳人，以功封信国公。洪武二十年，奉命巡行海徼，相度冲要，创建松门、新河等城，海邑赖其屏蔽。卅

方明谦 一作鸣谦，国珍从子，内附后授广洋卫指挥。汤襄武访御倭策，明谦请海上量地远近置卫所，陆聚步兵，水具战舰，使倭不得附岸，近海民四丁籍一，以为军戍，可无烦兵。今沿海松卫等城皆襄武督建，明谦所营度。明祖尝赐五花名马，朝臣皆有诗。卅

陈 岩 永乐中为台州通判，职专水利，境内一切桥梁、陂塘悉加修筑，百姓蒙福。卅

阮 勤 交趾人，由进士知台州府。成化五年，始奏请立县，营建皆其首功。卅

周志伟 号阳山，南康人。守郡廉平，以太邑沿海诸闸废坏，比岁不登，芟舍野间，躬自督修。又请于巡按，出羨镬添置永通闸，疏复河泊所司其启闭。嘉靖庚子大风，海溢浸民庐，勘视赈恤。黄尚书绂作《甘棠遗爱祠记》，盛述其德。卅

杨 文 号筠光，临海人。嘉靖壬子，倭寇城南门，几陷，文应郡守谭公纶^{〔五二〕}之命至太，大破贼于南湾，围城以解。后积功至辽阳总兵。卅

戚继光 字元敬，号南塘，文登人。世袭，屡立功。嘉靖三十七年戊午，以台金严参将移驻松海，讨捕倭寇，纪律严明，于隘顽及新河斗门桥累战皆捷，殄倭甚众。林贵兆有《戚参戎平倭纪功篇》。卅

谭纶 号二华，宜黄人，起家进士，由部郎出守台州。精韬略，知勇兼全。嘉靖壬子倭寇，赖其亲至翦除。后寇逼新河，又与戚南塘协谋败之。邑境得全，皆公与南塘力也。嗣后勋业懋著，详见《明史》。卍

张允登 四川人，由进士知台州府。泰昌元年，邑民林勺、杨逊等煽乱，督兵讨捕平之。

刘士明 字若符，颖州人，由进士任黄岩县，兼理邑篆。汰革滥费，扬扇仁风，时有“执法如山，持心似水”之谣。卍

国朝 赵廷臣 字君邻，铁岭人，总督全浙。康熙初，邑锋镝之余，加以水旱，民多失所，汹汹不安，拣委高司李^{〔五三〕}到地招徕轸抚，闾阎始有更生之庆。

高凌云 江南人，戊戌进士，康熙四年以严州推官奉委至邑。时兵马云屯，责赋甚紧，辄下令停缓，捐俸买米给兵士，更请拨外郡饷八千两，免本邑坐兑之苦；密启上官汰悍兵，除奸宄，禁虚役，民赖苏息，地方安枕。卍

范承谟 铁岭人，大学士文程子。由进士入翰林，扬历中外，巡抚浙江。明季兵燹多逋赋，民不能输，官病考成，上下交困，公行视荒芜遍野，为奏除积荒田租，平邑得五万有奇。尝题诸生黄元义种月楼云：“闻说台南地，频年困海滨。青烟残照里，今有百家存。万骑屯孤县，群山拥废村。少陵曾有句，嗟尔太平人！”闵爱斯民之心，尽溢于纸上矣。卍

名宦卍

明 常完 山阳人，由举人，成化六年以彭泽令调。县治初立，经理营建，悉出其手。

齐礼 无极人，由举人，成化六年至。清谨自持，未几以忧去，行李萧然，赙赈亦却不受。丿

袁道 字德纯，吉水人，成化十年由进士至。莅治廉平，视民患如切己。强盗林环诬指应华等二十三人，司府已锻炼成狱，力为辨理，至以去就争，华等卒得白。备倭张勇以沿海仓粮腐折，责偿于民，独据法与抗曰：“粮在仓而责之民，吾不能以是令！”张无之何。黄岩界有贼杀捕盗官姜昕者，民惊悸甚，几激变。公亟至谕之曰：“独杀人者死，保为尔等白之，无忧也。”众始安。居常杜私谒。公庭无事，乃哀缓金，新学校，建乡贤祠。行保伍法，廉请耆宿主乡约，月朔呈报善恶，以示劝惩。布衣有行义者，躬礼其庐。疏治迂浦闸，兴水利，岁以大穰。邑西乐清民闻其风，皆愿属焉，乃奏割东南凡六都隶平邑。郡守数嫌其抗，会时艰食，公善权宜，令仓官先报粮完，俟秋熟补输，守调知，白巡按逮问；耆老数百诣台，乞代罚，事得释。逾一考，以忧去。后官至监察御史，巡按广东。公去时，士民请于巡抚彭公韶，立去思碑，祀名宦祠。丿

黄缙 字绍荣，莆田人，成化十七年由举人任邑校。节缩俸资，立乡贤祠。邑未有志，手创稿。率诸生论文考课，校其勤惰，多所成就。满去，诸生颂之不衰。丿

范亮 瓯宁人，成化十九年由监生来佐县。慈祥廉慎，勤恤民隐。尝摄邑政，修学宫两庑，缮治镇东桥。岁旱，素食草履，祈祷恳切，甘雨如注。以奏荒事忤当道，罢去。贫无以归，父老赈之，无所受。争列状于府，请配祀于袁公祠。丿

刘弼 字邦直，南京锦衣卫籍，华阴人，弘治十六年由进士至。承罗政之后，一反其旧，以袁吉水为师表，筑县街，修学宫，民翕然称之。调繁黄岩，升兵部主事，历户部员外郎，终知袁州府。丿

卢英 字文华，四川崇庆州人，由进士知黄岩县，以惠爱称，

为御史车梁诬劾，正德元年调简本邑。字民如子，赋役均平，独严于吏胥及势要家，公庭肃然。暇则校试诸生，为说作文读书法。一日秋祭毕，召屠以所得坛庙胙肉与之曰：“吾将以考满上京，尔三日馈吾母肉一斤。无缺，吾门扃，他时亦不许至。”屠持肉去，亶亶叹。比行，有卫官来赆曰：“都下费大，公过廉，恐在铨部前伺候，求一杌子坐不可得。”公曰：“坐阶石上何伤！”卫官亦亶亶叹去。擢户部主事，值逆瑾[五四]擅权，左迁镇江教授，瑾诛，复南京礼部主事。平邑贤令，以袁、卢首称。丿

毛衢 字大亨，吴江人，嘉靖二年由进士至。明敏有治才，禁市豪包揽、胥役侵渔，进田野民，教以礼法。迂浦金星阁及横湖堂神祠妖妄，取为首者痛惩之，邪妄以息。尤严治盗，先后瘐死狱中者数辈，群党屏迹。其待士则恂恂如也。调知永康，升刑部郎中、四川按察司僉事，仕至副使。丿

李伯润 字文泽，山海卫举人，嘉靖四年由永康调至。念民役繁，欲请于上官减去五寨民兵十之二，会覲期迫，弗果。吏部以才力不及注考，公犹具《减省民兵移文》申部，得旨下布、按勘议。事虽终寝，民德之曰：李侯于我有遗爱矣。丿

曾才汉 字明卿，号双溪，泰和人。由举人授将乐县，未任，丁外艰，起复改除，于嘉靖十七年至。精勤敏干，有守有为。聘邑绅叶正郎良佩修邑志，及今赖有所据。丿

李德用 莆田举人。嘉靖三十年秉铎兹邑，善迪士类。尝两摄县事，皆有惠政。升长乐知县。祀名宦祠。丿

方轶 号七峰。嘉靖三十一年倭寇，侯适下车，戒民毋惊，从容问山川要害，设兵守。贼闻有备，稍引去。明年五月，寇逼江馆，村民以侯约击斩之。十月又寇珠村，登石牛岭，城中大震。侯星驰截击，贼走，追逐数十里，斩首如干，境内以安。先，邑无城垣，侯请于上，

营度创筑，皆出其手。二尹杨亦有协赞功。祀集贤祠。卍

徐 钺 号后冈，信丰人，起家进士，嘉靖四十年知县事。会倭寇大至，参将戚督兵进剿，侯内筹军饷，外随堵御，冒雨进至温岭、大麦坑，与刘意、楼楠等同破贼，斩首二十馀级。又督乡兵伏截亭岭下，官兵三路夹击，俱有功。事平，专意民事，亲履亩，正经界，一切秉公行之，无顾忌。林白峰赠诗，有“问瘼特过黄叶径，省耕时下白鸥田”之句，盖纪实也。以不合上官去。卍

翁仲益 字受甫，号见鹏，福建晋江人，万历三年由进士任。适岁饥，缓征赈乏，天旱祷雨辄应。性方严，不假词色，旦起视事，吏抱文牒鹄立，莫敢窥伺。甫一年，官声鹊起。膺荐剡，调剧县。林白峰称其“律己廉，察物哲，有威有惠，而出之以慎”，尽治县能事矣。

俞咨益 号星海，五开卫人，万历二十一年至。廉干勤敏，摘奸锄盗，定祀礼，树保障，平渔税，均铺递。筑天柱塔于芝山上，以壮邑势。戊戌以最升。民感德，于山麓祠之。其屈断叶烈妇致自尽，事出无心，不以一眚掩德云。卍

晏文辉 字怀泉，江西南昌人，以进士知县事。捐俸修学宫，备祭器，兼礼耆老，奖贞妇，以维风俗。地方津梁、道路悉除治，商贾便之。立心平易，所行不事虚文。然除奸锄猾，风烈矫矫，人不得以私干。百姓有“万里长空收暮云”之谣，隐语“晏青天”也。升南京礼科给事中，民泣送载道。御史林国材为文美之。卍

谢 坚 字用砺，江西信丰人，天启五年至。洁己自爱，豪蠹敛手。汰冗役，严保甲，缮城隍，政绩炳然，诸废俱举。父老立祠东门外祀公，公不可，改名祈霖，以祀龙神。后人仍塑公像其旁。事具右参政楚人陈元晖、临海县陈炜两记。卍

陈万钟 号惺我，汤溪人，天启间为邑校。廉静有才藻，范诸

生以礼。一生为奸徒诬陷，为具揭司道，力白其冤，士林颂之。祀集贤祠。卅

国朝 刘履昌 号元吉，清苑举人，顺治三年至。鼎革初，能抚民以恩，待士以礼。奉公执法，奸宄敛迹。以解饷被劫去官。士民即其先所建泉溪书院课士者祀公，以志不忘。卅

孙如兰 字翹年，大兴籍祥符人，康熙五年至。时饥饉荐^{〔五五〕}臻，民多转徙，公招抚流亡，始获安堵。令不便于民者，即严檄亦坚执不行。兵饷络绎，借箸无策，以罪误去官，民思之。

陈心澡 字秋沆，济宁进士，康熙八年至。廉静慈祥，实心行政。时方展界，工料所需，正供无可支给，自捐俸犹不敷，民感其诚，子来竣事。为政务剔弊安民，勤劳太过，殁于官。

张仕襄 号见沧，江南宁国府宣城人。康熙癸未进士，由庶常改知县，初任温州泰顺，兼署乐清事，雍正三年调太邑。为人坦易无城府，决狱平。暇游郊外，过村塾，为童子正句读，讲示大意。城坊演剧，间亦出观。村姬送小食，欣然受。始至时，馆北城林雍在家，故名臣恭肃后也，园亭花木颇胜，后不时往与论书史。一日，雍在偶及所亲为人讼，愕然曰：“君古道，亦说情耶！顾其人负屈，吾稔知，不待君言也。”雍在终身为愧。以强项被参劾。接任迎大吏意，盘缺仓谷三千石，且得罪，民争输助，公挥手曰：“谷敷矣！”民曰：“有馀，可为公旅资也。”其深得人情如此。卅

张坦熊^{〔五六〕} 字男祥，号郎湖，湖广汉阳举人，由桐庐知县，雍正四年署。明白干练，遇事处决了然，上宪甚器重。五年，议置玉环，俾兼理垦务，旋补其地同知。时割邑西南二乡属焉，一切经营措置能两地兼顾，民情胥协。历升至按察使。卅

徐元肃 号括庵，江南举人，雍正十年冬来任。明于吏治，案无留滞。性慈爱，几于箠杖不忍用。于村乡严禁胥吏之扰。公暇从

容词翰，宾席多文人。先有梁溪周宜振判语“华藻可诵”，与元肃皆江南名士也。卍

黄 鋐 广东龙川进士，由永康知县，乾隆十二年调。慈爱轻刑，锐意除弊，禁浮斛量收，社仓听民自经理。里胥洒寄^{〔五七〕}，有田者无赋，有赋者无田，悉心清厘，编粮户管收，除在四柱册，至今行之。修育婴堂，兴学校，政声甚著。与参将丁某不协，会丁授抚标中军，为所中，将被逮，惧辱，自经死。其神依署中，左右不谨，辄梦谴责，共敬祠之。后十馀年，子纲任浙江藩库大使，民喜良吏之有后云。详萧山周铨《黄公祠记》。卍

左士吉 字儒修，号敬亭，贵州铜仁拔贡。明决有为，不事钩距，闾里之奸悉知，惩其魁，馀党骇散。立义学，延江南名士主讲，文风为振。法朱子，行社仓，虽后人不能守，始政未尝不美。秩满，调兰溪剧县，才益展。大吏以堪胜知府保荐。去日，民以德政十五事歌之。

柴建业 山西武进士。在太协任，严束部伍，并力惩奸民之虎冠者，曰：“此文职事，本不敢越；然鹰鹯之逐，以靖地方，亦吾分内事。”会新河以丈量地事几激变，亲至其地，一言谕散，由威德素为民信服也。自奉甚俭素，接儒生有礼，至今人思之。卍

李长庚 字超人，号西岩，福建同安武进士，授蓝翎侍卫，由提标游击迁太平参将。屡获海寇，在深水洋擒缚李出等三十二人，潭头获丁郭等十九人，积功至水师提督。嘉庆五年六月，统水陆兵与黄镇会剿松门，飓风覆坏贼船，乘势获安南伪爵伦贵利，俘斩数千人。十二年十二月，捕追蔡牵，率敢勇士登贼船，牵几获，风浪陡作，贼炮中咽喉死。事闻，上震悼，恩恤封三等壮烈伯，谥忠毅。卍

杨蕴华 字綱旃，号舫秋，乌程副贡，以国子典籍衔，嘉庆六年摄学篆。才识明敏，谦抑自下，视诸生若朋辈。文庙基址低洼，

力主重建，日亲董事，匠役欢赴，逾年落成。是科捷者二人，推杨首功。尝出乡阻渡，田父问知杨学师，曰：“是好官！”即具舟送。去日留俸置田亩为文庙修葺费，人益难之。

校注

[一] 仓使 原文有两“仓使”，其一衍，据《嘉靖志》删。丿

[二] 清渠 《光绪续志·辨误》作“渠清”。丿

[三] 飭 原文作“敕”，通“飭”，今统作“飭”。丿

[四] 苞苴 贿赂。丿

[五] 才 原作“裁”，通“才”，今统作“才”。丿

[六] 卢明德 王舟瑶注：“缙云人，万历时贡生，见《处州府志》。志又有卢淮叙，亦缙云人，万历时贡生，太平教谕，未知即台州教谕否？”丿

[七] 士 原脱，据文意补。丿

[八] 朱松龄 王舟瑶注：“《嘉兴府志》：海盐人，康熙庚午举人，太平教谕。”

[九] 八年至 按《康熙志》作“六年至”。丿

[一〇] 纯笃 “纯”原作“肫”，通“纯”，今统作“纯”。丿

[一一] 张柯 按《康熙志》作“张珂”。丿

[一二] 杨叶 按《光绪续志·辨误》作“杨华”。丿

[一三] 俞消络 王舟瑶校：“案《处州志》：余消洛，宣平人，万历时贡生，太平训导。此‘俞消络’当即‘余消洛’之误。”丿

[一四] 屠世表 按《光绪续志·辨误》作“涂世表”。丿

[一五] 段福 按《康熙志》云失名。丿

[一六] 古 原文为“占”，疑为“古”。

[一七] 曾养性犯界 三藩之乱，靖南王耿精忠于康熙十三年（1674）在福建起兵叛清，遣总兵曾养性率部攻温、台二州，八月陷县城。次年，清兵收复县城。参见卷十八《兵寇》。丿

[一八]俱成化间至 按《康熙志》：“齐礼，成化六年至；王渊，八年至；李仑，十三年至；范瑛，十五年至；范亮，十九年至；万有谅，吏员，二十三年至。” 卍

[一九]俱弘治间至 按《康熙志》：“邹胜，吏员，弘治五年至；魏能，吏员，十二年至；常盛，监生，十七年至。”

[二〇]俱正德间至 按《康熙志》：“姚积，监生，正德二年至；庄敬，监生，七年至；黄通，监生，十二年至；王凤鸣，十五年至。” 本志“姚积”作“姚绩”。

[二一]俱嘉靖间至 按《康熙志》：“张鎡，嘉靖四年至；王元辉，十年至；卢潮，十六年至；韩希琦，二十一年至；吴天锡，二十八年至；谭镗，三十年至。” 卍

[二二]俱万历年间至 按《康熙志》：“汪从清，万历五年至；石蕴玉，十一年至；陈大杰，十三年至；火铤，十七年至；范道行，二十一年；张大治，二十七年；苏焄，二十〇年；许楠，三十〇年至；陈云鸾，三十六年至。” 卍

[二三]林宸谟 王舟瑶校补：“入国朝，升光宅知县。” 按：“光宅”应是“光泽”。

[二四]临胸 “胸”原文误作“驹”，今改。 卍

[二五]俱成化间至 按《康熙志》：“史驯，成化六年至；张沔，监生，十二年至；张质，安东人，成化十八年由监生至；黄熹，监生，二十一年至。” 本志脱“张质”。 卍

[二六]俱弘治间至 按《康熙志》：“陈俊，监生，弘治元年至；陈瑀，监生，五年至；董珍，吏员，八年至。”

[二七]俱正德间至 按《康熙志》：“谭章，监生；柏凤，监生；蔡昂，正德〇年由吏员至；王元宝，监生，正德十三年至。” 本志脱“蔡昂”。

[二八]梁穰 原文为“梁稯”，疑为刻之误。

[二九]俱嘉靖间至 按《康熙志》：“梁稯，监生，嘉靖二年至；唐翰，七年至；康磐，监生，十年至；张钰，监生，十四年至；高举，监生，十七年至。” 卍

[三〇]俱万历年间至 《康熙志》：“胡天挺，万历四年至；姜志学，十三年至；钱应旂，二十年至；周梦吉，三十三年至，四十年四月去。” 卍

[三一]俱成化间至 按《康熙志》：“王琮，吏员，成化六年至；崔富，十年至；汤志，监生，十一年至；陆安，吏员，十六年至。” 卍

[三二]马璉“璉”原文作“涟”，《康熙志》作“璉”，系避乾隆太子永璉讳而改，今回改。

[三三]俱弘治间至 按《康熙志》：“吴珍，吏员，弘治二年至；陈赋，吏员，十五年至；傅智，吏员，十八年至。”

[三四]俱正德间至 按《康熙志》：“吴松，吏员，正德六年至；钱毅，十二年至；高忠，吏员，十六年至。” 卍

[三五]俱嘉靖间至 按《康熙志》：“戴唐贤，吏员，嘉靖十一年至；周时雍，十五年由知印至；顾概，二十一年至；朱鳌，二十八年至；吴时，三十年至。” 卍

[三六]俱万历年间至 按《康熙志》：“徐廷敕，万历四年至；陈法，十一年至；李文超，十三年至；江宗海，十七年至；唐谦，二十一年至；梁乔，二十五年至；郭廷栋，二十七年至；蔡宸恩，三十一年至；张瑞，三十八年至。” 卍

[三七]俱崇祯间至 按《康熙志》：“王自亮，崇祯八年至；唐廷谏，十三年至；王政选，十五年至。” 卍

[三八]俱顺治间至 按《康熙志》：“王三才，顺治三年由吏员至；郑应廷，三年由吏员至；田元春，十二年由吏员至；杨茂，十四年由吏员至；李如珍，十八年由吏员至。” 卍

[三九]俱康熙间至 按《康熙志》：“李熙昌，康熙二年由吏员至；马三畏，九年由吏员至；王国宰，十五年由吏员至。” 王国宰，本志作“王廷宰”。王舟瑶校：“王廷宰，十九年至。”

[四〇]韩文盛 按《康熙志》韩文盛后为“王元佐，湖标把总”。 卍

[四一]韩进祥 按《康熙志》作“韩进禄”。 卍

[四二]十八年 按李国柱战死时间，《康熙志》及本志卷十八《杂志·兵寇》，均作顺治十六年。

[四三]葛之覃 按《康熙志》先葛之覃，次王朝钦，次蒋大成，次王虎。 卍

[四四]周祺 按《康熙志》：“号寿岱，奉天广宁人，庚辰科武进士，康熙九年至。赋性狷介，肃兵有纪，校射之外，兼好文墨，有雅歌投壶风。乞休去，标下镌碑于东城，曰‘德量齐芳’。”

[四五]陈宇昌 按《康熙志》：陈宇昌为“河间府景州东光县人，乙酉科武举，康熙十一年以参至。十三年与曾养性通，致其犯界。”东光，本志“光”误作“江”。丿

[四六]汪国洋 按《康熙志》作“国祥，康熙十四年至”。丿

[四七]袁升高 按《康熙志》：康熙十六年至。仁而有勇，断而有容，一闻警息，徒步涉高山峻岭。于沿海险要形势，皆遍历熟筹，分军驻防，地方赖以安枕。且以廉著，口碑载道。

[四八]鲍辅仁 按《康熙志》：“康熙二十二年至，二十二年升广春副将。”王舟瑶校：“二十年至。”

[四九]赵廷栋 按《康熙志》：“康熙二十二年至。”丿

[五十]王日晖 按《康熙志》：康熙十四年至。丿

[五一]王志胜 按《康熙志》：康熙二十一年至。丿

[五二]谭公纶 嘉靖三十四年至三十七年任台州知府。嘉靖壬子，即嘉靖三十一年，台州知府为马钟英。见《台州府志》。又下“谭纶”条：“嘉靖壬子倭寇，赖其亲至翦除”，皆误。丿

[五三]高司李 原文作“高引李”。司李，即司理，明清俗称推官为司理。下条“高凌云”，有“康熙四年以严州推官奉委到邑”，卷十二《人物志·一行》“金尚麟”条，有“严州司李高公凌云以抚恤至邑”，皆可证，据改。丿

[五四]逆瑾 刘瑾(?—1510)，明宦官，陕西兴平人，正德时掌司礼监，在东厂、西厂外加设内行厂，镇压异己，斥逐大臣，夺民间土地。正德五年被告发谋反，被杀。

[五五]荐 原文作“涪”，通“荐”，今统作“荐”。丿

[五六]张坦熊 王舟瑶校补：张坦熊于“雍正十年升台州知府，见《浙江

通志》”。

[五七]洒寄 即飞洒诡寄。将自己田地应纳田粮洒派别户曰飞洒，将自己田粮挂于他人名下曰诡寄。

嘉庆太平县志卷之十上

选举志 一

征 辟

唐 金斯铉 字祖鼎，号凝庵。祖天遂，中书舍人，由莆田至台，访郑员外，遂居泉溪。大中间，祖鼎以荐任台州司马，与许棠、吴罕登华顶赋诗，见《天台集》。丿

宋 陈 宽 字严中，迂浦人。仁宗时辟授闽盐运司干官。娶后湾龙图阁直学士盛公女弟。卒葬灯明山下。丿

戴秉志^{〔一〕} 南塘人。绍兴元年辟，官从义郎。丿

戴廷坚 字信夫，由泉溪迁竹冈。官道州录事参军。丿

赵林成 字子美，乌根人。祖奉直郎泰亨，父衢州教授大鼎。尝与王龟龄十朋同砚席，绍兴初官国子司业，乞养归。复延龟龄教其子祖安，昕夕印订今古，后亦以《春秋》荐，授迪功郎。丿

黄 聪 洞山人，都监绪后。绍兴间辟授德化令，以廉干称。官满将迁，士民留之，遂居德化。丿

黄 祯 聪从弟。授治粟都尉。丿

郑 越 南监人，淳熙四年辟授行人。丿

林 勉 车路人。绍熙五年知连江县，监邵武酒税。丿

王 祥 小屿人。绍熙间授修职郎。丿

黄 仍 禎之子。纯质尚义，叶水心器之。尝应词科，辟官太子洗马。丿

黄 恪 字居笃，禎从子。潜心读书，与兄慎（字居敬）俱从水心游。绍熙间，恪以廉孝举，仕至谏议大夫。丿

潘起予 小泉村人。官秘教。丿

潘 裡 字永年，从善祖。官大理评事。丿

林 亨 车路人，伦之族。授浙东监司干办。丿

金 乾 平溪人。嘉熙初，李沐荐授蓝山训导。终河间通判。见《叶志》。宋止有主学、学谕等官，无训导；河间即瀛州，在燕云十六州内，终宋世失之。疑有误。

邱 璠 字彦修。知永宁县军事。丿

陶 辰 赵岙人。官史馆校勘。子居安，太常寺簿；孙应雷，太学录，宗仪祖也。丿

徐 练 字定夫，团浦人。征授朝散郎，转通议大夫，娶濮安懿王女弟。子桂孙，娶丁郡马复子鼐之女。丿

林济舟 字良甫，太平乡人。授柳州融县知县。

陈 宝 字大定，号东庐，前陈人。绍定间辟授饶州坑冶司提举。丿

阮景芳 字允时，号绵安，泽库人。淳祐七年，节使程崇以学行荐，授南剑州学正。有《泽畔行吟集》。丿

陈 正 字大方，大閩人。宝祐二年辟官。同时有陈大方，明州人，官大理评事，有陷王惟忠事，《赤城会通记》遂以正入“乡黜”条，《叶志》仍之。另辨见后。

陈尧道 字景传，前陈人。娶东汾李竹洲女，谢后姻也。由荐辟官殿中侍御史。景定癸亥^[1]，贾似道议行公田，尧道与正言曹孝庆言限田之法自古有之，阿附执政，遂为乡评所少。

谢端弼 字道辅，娄江人。景定间为武安军节度判官。丿

张允邹 字均益，琅岙人。以贤良征，官郴州知州。丿

陈三聘 字华卿，峨山人。辟充本州校官。廾

王 诜 天黄人，有传。廾

赵宗式 字叔则，乌根人。官金华教授，历迁制属^{〔三〕}。子文范，字正仪，性至孝，学本车玉峰，永嘉诸生礼聘为师，郡守遂奏补其学教授。孙廷翱，元延祐间历官乐清、福闽学谕。

元 林 昉 半岭人。有传。廾

钟 铭 泽库人。有传。廾

邱世良 泉溪人。有传。《林志》入宋代，误。廾

盛象翁 三坑人。有传。廾

戴 恢 字大猷，南塘人。朝散大夫，前武学博士、集贤院直学士、信州同知。林承旨仁本，其妹婿也。子君省，主簿。廾

戴 夔 字舜臣，恢之族。由翰林检阅，终杭州录事。廾

戴骝孙 字与耕，亦恢族。翰林编修，终建宁教授。廾

林恺祖 字景仁，茅岙人。平江书院山长。山长，元官。《林志》列宋征辟。

《黄邑志》又列方伎，云遇神授医术，以疗小儿著称。廾

潘德老 字道之，号恕斋，陈山人。元贞间，台省荐为宗晦山长，转宁德学谕。廾

邱应辰 泉溪人。有传。廾

叶本初 温岭人。有传。廾

林仁本 字公立，号梅边，团浦人，起滨子。至大间，由里选为缙云教谕，当事贤之，荐于朝。皇庆初授翰林直学士，寻以疾卒于杭州。《叶志》云嘉兴下沙场司丞。廾

林仁荣 字公望，号竹外，起潜长子。天历间，以博士举。试礼部，论当世急务，累万言，干时忌，置下第。授信州路治中，专以礼教化俗。告养居里二十年，朝议再起之，会亲歿而止。廾

林仁棐 字公佐，起潜次子。喜关洛之学。至元间，浙西按察官

举为余姚学谕，改温州学录，转本州黄岩学正。至顺初，借调赣州石城下寨巡检，摄石城县事，谢归。复起为宁国教授，终江山县尹。丿

林仁集 字公大，号竹涧，起潜三子^[四]。读书尚气。石抹继祖家人横台中，仁集力挫之，继祖闻之为谢过。至顺间，以贤良征为蒙古学正，迁开化簿及泉州金谷大使。仁集子宗焯^[五]，任江浙提举，兄仁槩子宗可成元统进士。一门德业相望，时称“六君子”云。丿

朱 恩 泾畚人。授运干。丿

鲍与俦 字锡侣，迁浦人。强记博览。至正丁酉以荐授福建省参政。弟与侃，字锡瓛，亦举为枢密院断事，门无私谒，集贤学士陈元达飞白书“廉如鲍叔”四字赠之，升温州路总管，入明为海阳知县。丿

林应雷 字子发，北山人，乔年子。守祖父训，累世共炊不分，待寡嫂汪备尽恩礼。天历间，征授慈利训导，升瑞安学谕。丿

陶复初 赵畚人。有传。丿

毛南翰 丹崖人。有传。丿

盛侍道 圣泉孙。有传。丿

郭秉心 字公葵，南监人。有传。丿

潘 柯 从善父。绍兴路教授。族子源，蒙古学录。丿

潘孟翔 字晋之，焦湾人。黄岩州学正，有《松崖集》。丿

叶居暹 字从光，号绿野，镜川人。官平阳州学正。丿

叶德润 镜川人。从盛圣泉学，得其指归，入太学。延祐间，辟授绍兴路录事，迁徽州路推官。至顺间，又荐擢四川茶场副使。丿

黄 智 原名杞，字怀丛，洞山人。通经术，并明星历之学，辟泉州判官。丿

郑閔中 本名应纶，莞田人。授翰林编修。子传心，贵池县尹。丿

林良弼 车路人。与弟良珉俱教职。丿

陈元珏 蔡洋人。潞州副使。丿

戴文瓚 石屏诸孙。仕江浙行省参政，刻《石屏集》。丿

戴宗锐 恢之族。由庆元路同知升朝散大夫，金书枢密院事。
见《赘言录》。丿

郑仁光 字炜明，新建人。有传。丿

邱 考 字松之，应辰从弟。常州教授。见《征献录》。丿

李子才 字懋叔，竖石人。至正间^[六]辟为河间学正，有《基勤集》。

王 毅 诜之孙。有传。丿

季幸俨 字师望，号养拙，高洋人。历官枢密院都事。丿

徐 贤 团浦人。由国子生荐。授松江节判，民怀其德，遂留家。
时海倭不靖，有《客舍怀乡》诗“应知细柳将军令，能解扶桑赤子危”
之句。丿

王应璧 字廷瑞，祥之后。广州路总管。丿

郑文宝 字永思，瀛之后，居委羽。治《春秋》。荐入史馆，仕
江浙行省郎中，升参政。方国珍授行省丞相，文宝为其属。明祖以
是憾之。丿

何中立 字本道，屏下人。侯官县尹。丿

张 玺 字定一，四都人，寿鹏父。和州通判。丿

林孟凯 字元伯，仁本孙。韶州学正。丿

陈道常 字大中，前陈人，永期子。明经，通《周髀》法。与
刘伯温友善，伯温佐戎台州，荐不赴。元左御更荐为温州路乐清瑶
岙巡检。弟道器，字大用，由明经举，授丽水县丞，谪颍州卒。丿

陈绍先 字维烈，泾岙人。黄岩州学正。筑种德堂，图竹石壁
间，题曰：“石性则介，竹性则虚。我德其德，故作斯图。”高天逸、
朱献子皆有诗。丿

沈思锐 松门人，公桓父。累官行枢密判官。入明知梧州。丿

戴奎 字文祥，号介轩，石屏曾侄孙。元末钱塘录事，明初徙濠上，荐起为齐河主簿。《石仓十二代诗选》录其诗三十首，附王止仲后。丿

林受峻 字德高，号石塘，四都人。以学行著。至正间，累辟学录，不就。丿

明 李时可 温岭人。丿

何明远 字文仪，泉溪人。丿

丁文升 丁岙人。有传。丿

郭 櫜 松山里人。有传。丿

陈铿翁 虞岙人。有传。丿

陈子显 前陈人。有传。丿

郑 涔 字起深，莞田人。有传。丿

林天祺 字君寿，号西峰，横溪人。洪武四年，以孝义征授山西徐沟知县，缘事卒于京邸。妻郭氏闻信，亦殉死，翰林张廷璧为诗嘉其节。丿

姜大化 字炳变，三岙人。洪武初，以人才举，官赣州知府。珠村林蒨，其孙婿也。丿

高于民 字天逸，号敦复，自称东阁居士。出潘松溪之门。洪武五年，以耆民应诏，授青阳县丞。丿

陈仲素 蔡洋人。洪武六年荐授山东范县知县。丿

王叔英 亭岭人。有传。丿

林传达 字近可，珠村人。洪武壬申以耆老应诏，献《早朝》诗首选。将授官，以言动粗率，命为陕西偏桥卫知事。《林志》贵州卫知事。丿

林淳翁 字天粹。洪武癸酉以经行荐授乐清教谕。《叶志》入元代。考淳翁与传达、仍达弟兄行，时一门先后同辟五人，铭可诗有“叔侄总为能事累，家门漫道读书荣”之句。今改正。丿

林仍达 字铭可，号石盘，传达弟。永乐三年，以明经、贤良征，授本府司训，学行见重于时。族人构祸垂十年，几不可解，铭可作《睦族论》，皆感悔，宗得以无覆。著《石盘晚翠稿》。丿

林德玠 字士衡，淳翁侄。洪武壬申辟官嘉兴教谕。丿

林韶 字厚昭，传达子。洪武间征授河南府僚幕。丿

黄友谊 温岭人。蜀府长史，调国子助教。著有《翠屏》、《登瀛》二稿。丿

谢敬铭 号芥舟，泉溪人。工诗，与林公辅为友，官应天府经历。丿

戴岳 字起南，良齐之后。任蠡县丞，与青阳县丞高于民并有政声，时称“泉溪两县丞，岭下三知县”，知县谓王叔英诸贤也。丿

戴友南 号履素，岳之弟。泗州学正。丿

郑元益 号世清，南门街人，御史洪范父。初辟通州训导，以言事擢阳春知县。尝献浑天仪。传有遗集，豫章吴庸序。丿

王瑜 字嗣重，号养白，泉溪人。丰城知县。丿

蔡文友 字源辅，号云谷，金清人。少治儒术，通《毛诗》，长于声律。洪武间召对，授楚府审理，王甚眷之。卒于官，葬练林，王静学有记。丿

胡弼 字钦仲，号南谷，莞田人。元末宿儒，官教授。丿

郭秉文 南监人。以人材征，授长安知县。丿

程养源 号思睦，完之叔。黄岩训导，升醴陵教谕。丿

吴初 消村人。永清教谕。丿

李原绅 字彦信，长屿人，毓之父。与潘松溪、胡南谷友。授华亭知县。丿

陈载 字德厚，前陈人。林铭可内兄，从石门先生游。以明经举，试奉天殿，赋得“风暖鸟声碎”诗称旨，授福建布政司经历，决狱莆田，

有能名。丿

陈元用 字楚宾，号石盘，泾岙人，天佑后。洪武间荐授泗州学正，升南昌府教授。丿

陈元达 字子晓，元用弟。北直新乐知县。其从弟元翊，字廷翰，尉氏县丞；元丙，字南宾，曲阳县丞。丿

杨 万 字文启，号景斋，大阊人。官大理寺左丞。丿

林国修 温岭人。历官江西按察司佥事。丿

牟 观 温岭人。合肥县丞。丿

金从献 平溪人，乾之后。宜黄知县。丿

蒋鼎亨 字本通，号味学，蒋洋人，彦圣后。高州教授。丿

蒋复亨 字本显，号纳斋，鼎亨弟。兰溪教谕。丿

徐 数 字仲容，团浦人。以人才征授福安知县。垂歿诗云：“伏枕何心赋子虚，茂陵不起病相如。故人眼底无王粲，难付中郎一篋书。”闻者悲之。丿

徐希俊 塘下人。乐安县丞。丿

鲍与传 字锡中，迂浦人。父文虎，仕元为越州嵊县尹。洪武乙卯，与传以贤良荐，授大名府滑州判。丿

鲍世昌 字仲蕃，与传族。先仕元，为行枢密院都事，工诗画，人争重之。明初，荐起为章邱县丞。丿

林师度 字文宪，号散轩，莘塘人。受《书》、《易》于陈石门，兼善钟隶八分。贾指挥以经行荐，授开封中牟簿。平远侯以币聘，为父镇守凤阳尹国公书碑志。改福建瓯宁簿，释县民张氏兄弟冤狱。当事方论荐，卒于京邸。丿

林师言 字文恕，号恒斋，师度弟。永康训导。王静学称其“有有为守，学问自静中来”。靖难时，为吏童德谋告为静学党，下诏狱卒。丿

戴怀玉 南塘人。吏部主事。未几谢归，太子赐诗。丿

郭煜 字元亮，櫜从子。新昌训导。ㄱ

林公存 北山人。见《公留传》。ㄱ

鲍原弘 居龙井里。有传。ㄱ

李存仁 长屿人。有传。ㄱ

王兴 字文启，苍山人。仕元为检校，明初例徙汴。性至孝，念亲不已，群鸟朝夕随之。释宗泐^[七]为作《乌啼曲》。以荐授济南照磨。ㄱ

朱仲翼 泾岙人，恩之后。诸城知县。ㄱ

张仲经 玺之后。山阳知县。ㄱ

陈伯英 字子实，钥之后。洪武九年辟授诸城知县，考绩居最。寻卒于京邸。

杨治 温岭人。遂溪知县。ㄱ

林道生 温岭人。乐陵县丞。ㄱ

瞿从钦 号石林，泉溪人。永乐间荐授潜山知县。ㄱ

董遏 字元静。永乐间荐，试《平北赋》，授乐安知县。ㄱ

应志和 正统间以明经荐。有传。ㄱ

王朝比 号云谷，南塘人，天沐父。万历二十三年，由永康侯荐，授前军都督府教授。

蔡崇国 字若弼，金清人。少游江淮，以策干吏部尚书史可法，奏授前部参军，擢都督僉事。其弟一鼎，号天生，上书陈事，授中书舍人；一鼐，字文明，亦授游击将军。俱不知所终。ㄱ

国朝 顾初 字南金，松门人。顺治初，以贝勒荐授官，历镇江知府，江南粮储道参议，分巡建南道、建宁副使，署藩司卒。ㄱ

附论：邑中征辟，莫盛明初。鹤书^[八]赴陇，先后相望，有一门中至四五人者。洪武开国，方需人用，平乡^[九]又适当才盛之时，龙虎兴而风云从，固其会也。永乐间，荐剡稍稀矣。洪、宣以降，专

重科目，殊伦魁能之士，不得一第至老，至无以自见。三杯毘毘，又安望使者之至门哉！宜纪述之寥寥尔。

嘉庆太平县志卷之十中

选举志 二

甲 科

宋 其制:进士有五甲,试外自州倅、知县至簿尉,视其甲第之高下。叶水心言^{〔一〕}:宋设科目,黄岩进士,至夏庭筒方赢十人。北宋不敢妄载。

大中祥符二年己酉梁固榜: 卅

陈 甲 字立纲,大阆人。与弟申同以《春秋》登第,有联锦坊及双桂堂之建。官至枢密副使。《赤城会通记》云咸平间进士。 卅

陈 申 字立教,甲弟。累官至户部侍郎。 卅

宣和六年甲辰沈晦榜: 卅

戴舜钦 字虞佐,南塘人。官南康司户参军。《叶志》:宣和间尝上书危言,赐同进士出身。

乾道二年丙戌萧国梁榜: 卅

徐似道 字渊子,上珙人。有传。 卅

陈 洗 字宁然,号首峰,峨山人。淳熙间知韶州,又知池州,革弊兴利,民甚怀之。

乾道八年壬辰黄定榜: 卅

林 鼐 字伯和,珠村人。有传。 卅

淳熙二年乙未詹骕榜: 卅

刘允迪 字进之，新渎人，承务郎、赠朝请大夫祐次子。兄允元，不及仕。弟允武、允济，皆历官有声，时称三刘。允迪历定海、桐城丞。廾

淳熙五年戊戌姚颖榜：廾

刘允济 字全之，允迪弟。有传。廾

淳熙十四年丁未王容榜：廾

王居安 字资道，初名居敬，字简卿，大溪人。省试第二人，入太学，登第。有传。

嘉泰二年壬戌傅行简榜：廾

邱牧 字子谦，泉溪人。授淮西制置司干官。廾

嘉定四年辛未赵建大榜：廾

丁木 字子植，丁岙人。有传。廾

嘉定十年丁丑吴潜榜：廾

黄石 字曼卿，大閤人。历官迪功郎、邕州教授。从黄勉斋得考亭之传。与孙烛湖应时为友。在大学时尝上书言事。宦归，创楼藏书数千卷，讲授里中，人称曰清湘先生。烛湖为题楼曰“步云”，林昉有记。廾

叶应辅 字子仪，镜川人。有传。廾

嘉定十六年癸未蒋重琛榜：廾

王居宝 字正卿，居安弟。廾

宝庆二年丙戌王会龙榜：廾

陈雷 字正叔，前陈人，问道后。仕金坛尉。廾

绍定二年己丑黄朴榜：廾

戴逸卿 舜钦后。历官东阳令，迁武学博士，终朝散大夫，赐绯衣鱼袋。廾

嘉熙二年戊戌周坦榜：廾

戴良齐 字彦肃，泉溪人。有传。《泾阳戴氏谱》：良齐从兄械，字致道，宝祐十年修宗谱序称：“械藉祖荫，学书数年，科中进士，任刑部，今致政归。”后载：“赐进士，加赠资德大夫、正治上卿、刑部尚书兼左春坊庶子，同修国史，八世孙械序”，可谓显矣。而良齐自序谱，言其宗“三百馀岁，继绪萧条，未有能大此族者”。《泾阳谱》似难信。ㄱ

淳祐七年丁未张渊微榜：ㄱ

戴登贾 逸卿之族。ㄱ

毛鼎新 字新甫，丹崖人。有传。ㄱ

朱繁宗 字于朝，楼山人。任秘书少监，直学士院。ㄱ

潘应桂 字彦芳。仕终绍兴司李。自柏都徙淋川。ㄱ

宝祐元年癸丑姚勉榜：ㄱ

陈 镇 雷从子，官镇南军节度推官。《前陈谱》：“坚之子，以《诗经》登第。初授国子监正，外补节度推官，擢侍御史。”郡志：“韦子”，盖“纬孙”之讹。

陈淳伯 坚之子。ㄱ

宝祐四年丙辰文天祥榜：ㄱ

郑居智 字知道，泽库人，滂之孙。是科同年录载：居智父应之，本贯台州方岩乡。《县志》失收。《郡志》有其名，讹作“郑彦智”。

陈绍南 字景修，玉环乡人。是科同年录载：本贯台州，寄居温州。今《乐清志》有其名，不详址贯。ㄱ

毛 铸 字圣传，丹崖人，永淳之后。ㄱ

景定三年壬戌方山京榜：ㄱ

戴觉民 字希尹。有传。ㄱ

郑 圭 字简卿，泽库人。仕京学教授。《新建郑氏谱》云：“瀛子。”《黄邑亢山谱》：“迪功郎涣生楷，楷生熟，熟生圭。”名字偏旁循五行相生之次，疑得其实，瀛当为圭祖行。《叶志》但云“瀛族”，不云瀛后，盖志慎也。ㄱ

赵文藻 字汉章，乌根人。历邵阳、象山尉，有德声。德祐初，知宋室不竞，谢病归。

管善孙 泉溪人。与同里金国治、郑绍宾为莫逆交。官宣义郎、太府监丞。其先又有官少监者，故所居山以管监名。《郡志》宝祐进士有陈绍宾，下注“黄岩人”。陈绍宾疑即郑绍宾。丿

咸淳四年戊辰陈文龙榜：丿

蒋彦圣 号静庵，蒋洋人。绍兴监仓。《郡志》讹作仙居人。丿

咸淳十年甲戌^{〔一〕}王泽龙榜：丿

戴震晨 一作霆晨，南塘人。新昌尉。《郡志》讹戴为赵。丿

特科宋制：发解经三次者该免，特奏名赐进士出身，谓之特科。

淳熙二年乙未：丿

陈问道 字图南，前陈人。少孤，育于季父，克自振励，为文操笔立成。历闽清簿、缙云丞，著有《通鉴谱》。丿

项观古 字正己，陶夏人。仕袁州录事参军。有《园亭杂咏》，见《项氏遗芳集》。丿

绍熙元年庚戌：丿

郑瀛 字子仙，泽库人。有传。丿

嘉定十六年癸未^{〔二〕}：丿

陈 钥 字启叔，岩下人。承奉郎，监嘉兴酒税。尝筑桂林书院于所居西偏。丿

绍定三年庚寅：丿

戴 飞 号伏斋，南塘人。庐江尉，有《宓斋集》。据戴参政豪作其祖慎斋《行状》补。丿

宝祐四年丙辰：丿

樊汝舟 樊塘人。《林志》作汝周，据《乐清志》改。丿

附上舍该恩释褐：丿

林 基 车路人。元丰间知徽州。丿

陈 坚 字与权，前陈人，纬之子。绍熙四年太学释褐，授迪功郎，

教授临江军，升从政郎，差充浙东提举，转国子正经、著作郎，与修《绍兴乾道会要》，转朝散大夫，除宗正卿，又除太府卿，兼秘书监、太子左谕德。以宝章阁待制致仕，卒谥文节。丿

林 伦 基之族。天圣四年发解，以上舍出身官大理司直。其后有名敏者，乾道八年补太学生，甚有文名。丿

陈天祐 泾岙人。乾道八年由州学补太学生，孝宗幸学，释褐授迪功郎。丿

郑少明 字子信，泽库人。嘉定十五年玉宝恩，仕江山县令。丿

徐 穆 字清甫，团浦人。理宗时上舍释褐，任王府掌书。贾似道当国，引病归。丿

进士科分未核：丿

金九思 字惟诚，唐岭人。进士六名，建康通判，乾德间卒于官。丿

郑 彬 字天与，号思轩，泽库人。宋初进士，终学士院。明黄淮《叶益轩志》云：“娶石库郑氏，宋朝散大夫徐庆裔”，未知于彬何人。丿

陈 早 字载明，峨山人。仁宗时进士，官大理司直。丿

黄 彝 字秉心，洞山人，与兄省、弟恕皆以文学知名。乾道间试南省，独彝登第廷试，授漳州府判。闻兄省卒，父老，遂不之官。丿

金懋哲 字道文，改名人文，泉溪人。庆元间进士，任德阳教。丿

盛鹰扬 字名卿，号望台，三坑人。宝庆进士，授石门尉，升知会同县，莅政廉明，召入为御史。象翁祖也。丿

金 宰 字国鼐，泉溪人，戴少监良齐甥。宝祐间进士，任光禄录事，除军器监簿，更詹事府簿，升府丞。德祐乙亥卒于官。丿

陈晞尹 字竹叟，岩下人，钥子，宝祐间进士。丿

元 科目起自延祐间，或设或罢。其设都在子、午、卯、酉之年。丿

泰定元年甲子张由益榜：丿

戴 璿 南塘人。有传。丿

元统元年癸酉李齐榜：丿

林宗可 字邦猷，号慎斋，团浦人，仁槩子。累官至平乐府知府，锄暴安民，考绩为诸郡最，加封父爵西河郡伯。元改州为路，有总管，无知府，叶海峰尝疑之。林白峰贵兆《与谢司训书》言：“元制文移有‘路督府、府督州、州督县’语，即按《通鉴》，如至大元年书‘巩昌府地震’，至正十二年书‘徐寿辉^{〔一三〕}陷武昌，知府丑驴死之’，是元未尝无知府之名。”盖宗可即其先世也。丿

至正十一年辛卯文允中榜：丿

潘从善 字择可，小泉村人。有传。松溪与林原缙等有唱和诗。其人最寿，洪武二三十年间犹在。明初尝荐起，见方逊志书，言与其先人官同事。林药所送松溪诗：“白云兮溶溶，舒卷兮山之东，悠然一起兮惟龙是从。云从龙兮天际，凄凉兮山中之松与桂。”颇惜其出身科第。则仍当系之元。丿

进士科分未核：丿

陈直观 字密表，号桂岩，大间人。至正间进士，庆元路同知。避乱居长沙，诗酒自遣，仿杜牧之故事，自铭其墓曰：“名题金榜，身到黄堂。一朝归老，草木含光。洞视八极，适意徜徉。他日居此，黄土文章。”见陈耻斋《存佚录》。丿

郭道善 字养性，号八一道人，迁浦人。至正乙科进士，玉山教谕，见林元协《征献录》。

明 洪武四年辛亥吴伯宗榜：丿

王 谏 字原贞，镜川人。历汝宁府同知、太平府知府，所至著廉能声。林郎中璧，其外孙。丿

洪武十八年乙丑丁显榜：丿

王 蒙 唐岭人。任监察御史，终都督府断事。丿

洪武庚戌制科：丿

戴 信 一名瑞安,字文信,号樗巢,世居小塘岙。为南塘之别子,母王氏遗腹生。累官监察御史、四川按察司佥事。 丿

永乐十三年乙未陈循榜 : 丿

李茂弘 字用受,长屿人。有传。 丿

郑弘范 字贵谟,泉溪人。有传。 丿

宣德二年丁未马愉榜 : 丿

李 匡 字存翼,长屿人。有传。 丿

正统元年丙辰周旋榜 : 丿

林 璧 字贵璧,北山人。有传。 丿

黄彦俊 字昌瑜,洞山人。有传。 丿

陈 钝 字斯钝,乐清人,世居竹冈,成化间割隶太邑。有传。 丿

景泰二年辛未柯潜榜 : 丿

林 鸮 字一鸮,北山人。有传。 丿

景泰五年甲戌孙贤榜 : 丿

谢 省 字世修,桃溪人。有传。 丿

天顺元年丁丑黎淳榜 : 丿

李 璲 字崇信,长屿人。有传。 丿

天顺四年庚辰王一夔榜 : 丿

黄孔昭 字世显,彦俊子。有传。 丿

天顺八年甲申彭教榜 : 丿

谢 铎 字鸣治,省之侄。有传。 丿

成化二年丙戌罗伦榜 : 丿

林克贤 字一中,北山人。有传。 丿

林 凤 字应道,一曰字五道,号北峰,白壁人,乐清锦衣卫官籍,十二年隶太平。仕至工部侍郎。 丿

成化十四年戊戌曾彦榜 : 丿

林 霄 字克冲，北山人。有传。丿

戴 豪 字师文，温岭人。有传。丿

陈 绮 字于章，闸头人。有传。丿

成化十七年辛丑王华榜：丿

黄 辅 字汝修，孔昭子。有传。丿

邵 誠 字元侃，虞岙人。有传。

徐 宽 字栗夫，海宁卫军籍，本迂江人。有传。丿

弘治十五年壬戌康海榜：丿

叶凤灵 字昌诏，牛桥人。有传。丿

弘治十八年乙丑顾鼎臣榜：丿

陈 进 字崇志 莞岙人。有传。丿

陈 璋 字宗猷，竹冈人。有传。丿

正德六年辛未杨慎榜：丿

戴师观 名避^[-四]，温岭人。有传。丿

戴 驳 字允化，师观叔。累官大理评事。丿

嘉靖二年癸未姚涑榜：丿

叶良佩 字敬之，镜川人。有传^[-五]。丿

嘉靖八年己丑罗洪先榜：丿

曾 洗 字子重，本甘岙人。有传。《历科题名碑》：“江南扬州府江都籍，台州黄岩人。”今黄岩仓头街有坊，太平松门则其祖父所世居。后人居扬州，名曾家巷。近江右曾运使燠表其故宅。丿

嘉靖十四年乙未韩应龙榜：丿

赵大佑 字世胤，关屿人。有传。丿

万历十四年丙戌唐文献榜：丿

林守信 号泰寰，白壁人，悦之子。终抚州知府。丿

万历四十四年丙辰钱士升榜：丿

林继祖 号木公，泉溪人，侨居四明，见《邱氏遗芳集》。未殿试，卒于易州。廾

万历四十七年己未庄际昌榜：廾

谢邦荐 号可文，省之后，住邑城。有传。廾

崇祯十五年壬午特赐进士：廾

王士瑞 字五生，汇头人。仕邵武知县，升邵武同知。《陈寒山集》有《甲戌第一场后，同同社叶具五、周翼生、应吉生、韩之孙、王五生谈场事》诗：“具五名昶，黄岩人；翼生名士显，临海人；吉生名昌士，仙居人；之孙名昌祚，天台人；五生名士瑞，则太平人也。”《太学进士题名碑》崇祯十五年壬午赐特用出身史惇榜有王士瑞，浙江杭州府临安县民籍。《浙江登科考》亦云临安人。改籍取应，必有其因，其赐第并不由乡榜。《林志》云崇祯丁卯，崇祯年止有己卯，无丁卯；又云庚辰赐进士，庚辰则崇祯十三年，非十五年。今悉考而正之。廾

《林志》明进士尚有赵宽，云松门人，赵卓之子；又有潘阳春兄弟三人，名下无履历。考赵宽，吴江人。《明史》有传，确非邑人，另辨见后。潘阳春，字汝泽，万历二十六年赵秉忠榜进士，仕广东参政；融春，字汝明，三十八年韩敬榜进士，官四川右布政；同春，字汝休，崇祯十年刘同升榜进士，官蒲州知州，《题名碑》并载绍兴府余姚军籍，与太邑无与。然或祖籍在太，或由太改籍，如徐宽、王士瑞之例，故虽削去，仍附名于此。廾

国朝 康熙五十四年徐陶璋榜江济、雍正十一年陈倬榜林之正，并县人，入黄岩籍。廾

乾隆四十六年辛丑钱棨榜：廾

戚学标 字翰芳，号鹤泉，泽库人。乾隆五十九年选河南彰德府涉县知县，嘉庆十一年引病归。廾

乡 科

前代以白衣领解举进士，不第则仍为白衣，故州解有至数次者，与明制之得以举人除选者不同。考《赤城志》，宋解额旧制三岁五人，崇宁中行三舍法，岁贡一人，大比贡四人，宣和中复科举，岁解八人，

绍兴三十一年，合流寓三人为十一人；以今合郡终场数至八千人绳之，几于千取其一，士至奔迸易乡贯、去井邑，求试于漕台、于太学。是则宋时发解亦非易事。如《郡志》竟削去宋元乡举，断自明代，则人物所遗多矣。故仍一一搜录，惟年远，科分无可考。丿

宋 大中祥符二年发解：丿

林 胜 字敬中，谷岙人。丿

庆历四年发解：丿

林 哲 丿

大观二年发解：丿

林 泽 字大恩，胜之族。官大理评事。丿

淳熙元年漕举：丿

丁希亮 字少詹，丁岙人，少云从弟。丁氏明仲、世昌辈并有当世名，而艰于遇，少詹亦仅中漕举，赍志以歿。有传。

开禧三年发解：

毛仁厚 字及之，丹崖人。辨见传后。丿

嘉定十二年发解：丿

戴 曷 字景明，南塘人。有传。丿

咸淳三年发解：丿

林应丑 字子寅，北山人。有传。丿

邱年远 应辰祖。丿

咸淳六年发解：丿

邱 伟 号古村，泉溪人。宋末隐天台石村。丿

咸淳九年发解：丿

徐谷琅 字学古，团浦人。豪于诗。其族又有名渭老者，师事吴草庐，由乡举任兰溪学谕。明贝琼言：黄岩半岭、梅溪、团浦诸林，宋设科目一岁中有司者八人。是邑先发解者多矣，惜无从详载之。丿

发解年分无考：丿

陈参文 字克己，号南源。宋景德间发解。希悦，其后也。丿

许仁 字尚德，大间人。博通古今，制行高洁，宋初领乡荐，除知郎州。丿

许晚 号虚庵，大间人。绍兴发解，官睦州学谕。族有名琅者，乾道间亦省荐，官建宁教授。丿

丁复 字子礼，丁岙人，木之弟。《林志》载乾道乙酉科，系孝宗元年，而其兄木嘉定四年进士，是弟乡举反先兄四十六年；又载复绍兴间征辟，先后歧出，另有辨。丿

陈希说 字立道，峨山人。登乡贡第一。好直言忤时，与兄岩隐肆志林泉，号西泉先生。

元 延祐二年乙卯发解：丿

林文野 字景环，号南塘，莘塘人。官福建提举副使。丿

至顺□年发解：丿

林宗焯 字震可，团浦人，仁本第三子。从父游宦，交海内知名士，学日以博。馀事兼精轩歧术^{〔一六〕}。领乡荐，以父荫授江浙行中书省提举，仍监管库。至正四年卒于京，著有《安州集》。丿

陈颐老 字景寿，叶屿人。少与泉溪洪存德同学，明《左氏春秋》。元中叶领乡荐，授国子学录，年四十即谢归。洪与同举，官国子掌书，亦寻致仕。丿

许容 号竹窗，大间人。膺乡荐，授全州路普江教谕，端行训士，一时司教莫及。

至正□年发解：丿

林玩 字易之，号伯迳，仁本犹子。与潘松溪同巷同术，至正间同举于乡，何东阁愚有“松溪柏迳并登科，衣锦归来照里闾”之句。官终福建教谕。配镜川黄氏，即松溪妻弟。

潘伯修 字省中，淋川人。尝两次发解于乡，不得一第。至正甲申，

江浙有《非程文》，言潘伯修两举奚为，盖元末贿赂公行，寒士类不得其志。另详传中。丿

林元铎 字声教。元末尝领乡荐。明初胡惟庸闻其名，聘为子师。胡抄没，元铎遁仙居山中。黄沙陈君佐知其非庸人也，厚遇之。后与君佐同葬，两人盖生死之交云。丿

明 洪武三年庚戌科：丿

洪伯恭 泉溪人。定远教谕。丿

王 谏 见《甲科》。丿

戴 信 见《甲科》。丿

洪武十七年甲子科：丿

朱中敏 号蒙轩，楼山人，繁宗五世孙。获鹿知县。丿

朱中美 中敏弟。温州府通判。丿

王 蒙 见《甲科》。丿

洪武二十年丁卯科：丿

陈孟清 汇头人。晋府教谕。《泾番谱》：字濂卿，元丙子。丿

建文元年己卯科：

鲍 珙 龙井人。父原弘为乐清训导，遂由乐清籍中式，仕广信通判。《郡志》作洪武庚午，庚辰之误。今依陈汝元《浙士登科考》。丿

永乐十二年甲午科：丿

李茂弘 见《甲科》。丿

郑弘范 见《甲科》。丿

李 旻 字寅东，长屿人，存仁子。常德教授。丿

林 纯 字居粹，北山人。有传。丿

永乐十五年丁酉科：丿

林 芊 字从嘉，北山人。有传。丿

永乐十八年庚子科：丿

朱 珽 字子芳，中敏子。罗田县丞。丿

永乐二十一年癸卯科：丿

阮 奎 字兴光，号敬轩，晚号文璧，泽库人。少与林郎中璧同执业原贞王太守之门。领乡荐，授河南长葛教谕，宣德间致仕。详楚府长史宋拯所为传。丿

孙孟安 武溪人，由乐清籍中式。武溪在邑境内，旧志未载，今补。丿

宣德元年丙午^{〔一七〕}科：丿

李 匡 见《甲科》。丿

李 诚 别字阳诚，存仁子。任惠安教谕，课士尽职，人咸称之。丿

宣德四年己酉科：丿

林 璧 见《甲科》。丿

黄彦俊 见《甲科》。丿

李 睦 字景敦，长屿人。丿

林 昂 字居贲，北山人，璧从兄。任海州学正。详见传中。丿

宣德十年乙卯科：丿

陈 钝 见《甲科》。丿

正统六^{〔一八〕}年辛酉科：丿

李 谟 字居定，茂弘子。复姓林。壬戌会试中副榜。有传。丿

正统九^{〔一九〕}年甲子科：丿

李 会 字崇际，号学古，长屿人，暘之子。为国子生时在京有名，同辈咸推重之。任福安丞，后升知县。丿

正统十二^{〔二〇〕}年丁卯科：丿

李 让 字崇谦，长屿人。任滑县教谕，以文名，江西、福建两聘为同考官。丿

林 凤 字克翔，号澄川。少从父郎中璧、章主事暉受《尚书》，仙居教官蔡熙聘为子弟师。任福建尤溪教谕。林谟有《送侄克翔还任尤溪》诗。《林志》作龙溪，误。丿

景泰元年庚午科：丿

林 鸮 见《甲科》。丿

景泰四年癸酉科：丿

谢 省 见《甲科》。丿

李 璲 见《甲科》。丿

林 偃 字克渐 昂次子。会试乙榜，授南平训导，升黎城教谕。丿

景泰七年丙子科：丿

林 挺 字居俊，号彦乔，团浦人。魁北省，时学士王文私憾御史林鸮，诋其为巡绰时私同族，下诏狱。久之，讯同乡非同族，复前令挺默官试文，无一字误，得释。以文仍总机要，不复会试。凡历休宁、商河、蒙城三教职。其学尤精《毛诗》。丿

林克贤 见《甲科》。丿

黄孔昭 见《甲科》。丿

天顺三年己卯科：丿

戴 孚 一名孟梧，字尚琴，温岭人，舜钦之后。官盐城教谕。丿

谢 铎 见《甲科》。丿

成化元年乙酉科：丿

林 凤 见《甲科》。丿

李 殷 字天周，诚长子。由温州府学中式，授淮府训导，升临湘知县。丿

彭 俊 竹冈人。官大名同知。丿

彭 昭 俊之侄。官仙游知县。丿

成化四年戊子科：丿

张甫 枫林人^{〔二一〕}。文词典赡，尝授经谢木翁家，戴师文豪、林成月星允，皆其高第弟子。

成化十三年丁酉科：丿

邵 誠 见《甲科》，有传。丿

黄 備 见《甲科》，有传。丿

陈 绮 见《甲科》，有传。丿

戴 豪 见《甲科》，有传。丿

林 霄 见《甲科》，有传。丿

成化十六年庚子科：丿

徐 宽 见《甲科》，有传。丿

应 纪 有传。丿

陈 辅 钝子。应天中式，官安溪教谕。丿

张克用 甫从子。官归德州学正。丿

成化十九年癸卯科：丿

叶凤灵 见《甲科》。丿

邵 恒 字元旦，号适轩，虞岙人。官钩州学正。丿

成化二十二年丙午^{〔二二〕}科：丿

戴 通 字允儒，豪之父。从衡州徐公学，捷北闱^{〔二三〕}，官安州知州。家居敦行不怠，人称长者。丿

戴 镛 字允大。有传。丿

李 珏 字朝聘，长屿人。丿

弘治二年己酉科：丿

李洪繁 字乾祉，长屿人。丿

弘治五年壬子科：丿

赵崇贤 关屿人。有传。丿

弘治八年乙卯科：丿

陈 璋 见《甲科》。子名猷，正德丙子由乐清籍中式。丿

弘治十一年戊午科：丿

戴 特 字师唐，通从子。授鹤庆推官，调武昌府致仕。恹悞无华，喜吟咏，著有《萃同集》。丿

弘治十四年辛酉科：丿

李 亨 字崇大，号芝山，长屿人。由松溪教谕转晋江。江西聘为同考官，以劳卒。丿

陈 进 见《甲科》。丿

正德五^{〔二四〕}年庚午科：丿

戴师观 名避，是科榜首。见《甲科》。丿

戴 驳 见《甲科》。丿

正德十一^{〔二五〕}年丙子科：丿

叶良佩^{〔二六〕} 见《甲科》。丿

嘉靖七年戊子科：丿

邵 濬 泉溪人。有传。丿

曾 铎 见《甲科》。丿

嘉靖十年辛卯科：丿

应元清 字一鉴，志和从孙。官福安教谕、新安知县。丿

钟世给 字资甫，号星山，山南人。父复，积学不偶，附见《陈瑄传》。丿

嘉靖十三年甲午科：丿

赵大佑 见《甲科》。丿

林 悦 号碧崖，白壁人，侍郎凤之侄。由山东钜野知县升济南同知。

嘉靖^{〔二七〕}十六年丁酉科：丿

叶恒嵩 字乾中，号中岳，良佩从子。初选沛县知县，改知南宮县，

升大理寺评事。著有《云林稿》。丿

嘉靖十九年庚子科：丿

林贵兆 团浦人。有传。丿

李梦云 字继吞，号观我，长屿人，徙郡城^{〔二八〕}。任河南光州学正，升知旌德县。

嘉靖二十八年己酉科：丿

赵大佶 字世服，大佑弟。官泸州知州。丿

嘉靖三十七年戊午科：丿

赵大伦 字元肃，大佑弟^{〔二九〕}。丿

赵成孚 大佑子。官石埭知县。丿

隆庆四年庚午科：丿

林守信 见《甲科》。丿

万历四年丙子科：丿

李廷洁 字世与，号文池，江洋人。北闱中式，通判高州。丿

万历七年己卯科：丿

郭振民 泉溪人。有传。丿

万历十六年戊子科：丿

林文藻 白壁人。副榜。丿

万历十九年辛卯科：丿

金孚兑 平溪人。有传。丿

高存愚 号振凡，泉溪人。本房吴节推力荐魁，以不协于主司梅，抑置副榜。丿

万历三十四年丙午科：丿

林继祖 见《甲科》。省志误作定海人。丿

朱士昌 乌沙浦人。父益南客南海，遂占籍广东。丿

万历四十六年戊午科：丿

谢邦荐 见《甲科》。丿

天启元年辛酉科：丿

叶 忱 原名允僚，字搃甫，恒哲孙。副榜第三名。与四明张两如先生结两浙社，名士三十二人，邮寄论文。年三十一卒。丿

张君宠 字遇隆，号锡蕃，琅岙人。副榜，江西宜春知县。丿

天启七年丁卯科：丿

王士瑞 见《甲科》。丿

沈一夔 号木公，松门人，世袭指挥、镇江参将光宠子，葛浩孙婿。丿

任可受^{〔三〇〕} 号松风，松门人。一夔同里、同学。随父广东任，寄籍中式。丿

崇禎三年庚午科：丿

高大勋 字圣猷，泉溪人。副榜。丿

崇禎六年癸酉科：丿

朱元胤^{〔三一〕} 字长孺。有传。丿

国朝 乾隆三十九年甲午科：丿

戚学标 北闱中式。见《甲科》。丿

嘉庆六年辛酉科：丿

陈凤飞 有传。丿

林茂冈 字邦协，号澹园，中央园人。丿

嘉庆九年甲子科：丿

梁廷亨 字元尊，号庆颺，塘岙河头人。恩例。丿

嘉庆十三年戊辰科：丿

黄 濬 字睿人，号壶舟，三都人。丿

选 贡

选取始无定制，与辟召相似。成化间，祭酒章懋方疏请选择入贡。又或有通廩之选，有六人之选。其途次于科甲而优于岁贡。国朝始六年一行，新例定十二年，多在酉岁。丿

明 赵起潜 迂江人。洪武庚戌贡。有传。丿

许伯旅 泉溪人。洪武初年贡。有传。丿

潘时显 原名应浦，择可从子。洪武壬子贡，与许伯旅同升太学，试文华殿，居首，授吏科给事中。丿

朱中立 楼山人，中敏兄。洪武初年贡，授钱塘教授，以文学鸣世。见《征献录》。丿

余尚则 建山人，洪武九年贡。有传。丿

陈允迪 字处惠，号深斋，峨山人。洪武间贡，授温州教谕。

郑开宁 字秉彝，牛桥人。正统间贡，授南昌教授。丿

张宗宥 字思位，号逊斋，琅岙人。嘉靖初年贡，衢州府训导。丿

钟世谦 字顺甫，号咸峰，鹭屿人，世给从弟。嘉靖间贡，廷试优等，授建宁府节推。

王廷立 字庄叔。嘉靖丁未贡，授惠州教授。丿

陆良臣 字思贞，号海庄。始祖胜孙，洪武间调松门卫，世军籍，遂居焉。嘉靖间贡，授含山知县，有政声。归，筑室墩头，与白峰为社，会讲《蓝田吕氏乡约》，暇则一尊览胜。著有《缶鸣集》。丿

赵大健 字世任，号居易，恩之子。嘉靖间贡。丿

赵成愈 字子抑，号韩岳，大佑第四子。隆庆戊辰贡，直隶无为州巢县知县，升常州通判。

林文恒 字天寅，号重洲，后街人。万历间贡，官漳浦丞。旧志作字^三天相。丿

陈应荐 县城人。万历壬辰贡。有传。丿

梁大器 字承伟，号宏庵，七都河头人。万历戊戌贡。性豪爽，善诗文。授通判，未任卒。

李风声 长屿人。万历己酉贡。丿

阮文钤 字明达，号凤麓，文铨弟。天启辛酉贡。丿

毛容民 字授之，号玉冈，晋山人。天启间贡，授太平府司训，著有《潜志稿》。丿

狄来王 字见叔，光明人。天启间贡^{〔三三〕}。丿

王汝度 号披云，新河人。崇祯己卯贡。丿

谢国榷 字笃产，邦荐子。崇祯间贡，官贵州石阡推官，升知思南府。丿

陈叔乐 字性生，号咏嘉。崇祯间贡。丿

国朝 叶凤鸣 字仪甫，号若笙，江洋人。与同邑王五生齐名。崇祯癸未贡，将廷对而明亡。顺治丙申，诏进士科贡皆来京复试，凤鸣选鄞县训导。丿

林士龙 北山人，居三元桥。顺治戊子选贡。有传。丿

钟 骧 字汝牧，扁屿人。顺治辛卯选贡。丿

石中玉 字亭立，号璞斋，县城人。康熙丙寅选贡。疏财好客，有丁少云前辈风；诗文名与同时林鹤巢相伯仲。丿

刘振声 字鸣九，号鹤皋，县城人。父奎以宦留太平，遂占籍。康熙己丑选贡，考充景山教习。黄崑圃先生重其才，延为弟叔璫、叔琬等师。卒于京。丿

金季琬 水洋人，住西关外。雍正癸卯选贡。有传。丿

周 鉴 县城人。乾隆辛酉选贡。有传。丿

李文藻 新河人，乾隆癸酉选贡。有传。丿

戚学标 泽库人，乾隆乙酉选贡。见《甲科》。丿

黄际明 字维健，号二峰，三都人。乾隆丁酉选贡。天赋颖异。初年为文踔厉风发，一往无前。悉心经史，学益纯实，所论著卓然可传。兼精六壬。性慷慨疏财，嗜酒耽吟，不屑屑以科名为意。门下经讲授俱有尺度。子濬领乡荐，深得之于庭训焉。丿

李成经 字维三，号敬五，长屿人。乾隆己酉选贡。丿

林茂冈 字邦协，号澹园，中央园人。嘉庆辛酉选贡。见《乡科》。丿

陈 善 字积厚，号兰友，世环之孙。嘉庆癸酉选贡。丿

岁 贡

明 定制：岁贡加贡廷试，每给水手银壹拾贰两，路费银叁拾两。选官不拘本省。

林 远 湖雾人。洪武乙卯贡，邵武同知。丿

陈公逖 字德源，前陈人。洪武间贡。卒于胄监。丿

林 澄 字如渊^[三四]，号须静，芊从兄。永乐甲申贡，历事吏部，授承事郎、滨州同知。丿

林 芊 永乐甲午贡。见《甲科》。丿

孔克炯 江绾人。永乐甲午由乐清贡。丿

邱 庆 字用孚，海第五子。宣德丁未贡，入太学十年，特命巡察四川，以疾卒于井陘官舍。丿

金如璧 号书屋，水洋人。宣德己酉贡，试事兵部，与部员稽核武臣，阅理精详，拟授官而卒。丿

叶 传 字士充，莞田人。宣德癸丑^[三五]贡，著有《石云稿》。丿

叶 俊 字士赞，传之弟。宣德乙卯贡，延平训导。丿

吴其昌 字成俊，号绘轩，娄江人。宣德间贡。丿

王 纯 字怀一，或作宗一，天黄人。正统丁巳贡，单县教谕，

改德化，有学行。具尚书秦纮墓志。丿

陈时谏 孟清从子。正统庚申贡，苏州府同知。丿

林 湛 字居湛，号尚志，璧从弟。景泰癸酉贡，华亭训导。从子一鸮、谢太守愚得皆其门人。成化时纂修实录，郡县以“师道得人”上。丿

李 庸 长屿人。有传。丿

金 祯 字祥渊，号草庭，如璧族子。广东东莞训导，升崇明教谕。一夜梦中得句云：“三千水国南归客，五月江城见落霞”，遂告归，未几卒。著有《草庭稿》、《东莞祈顺序》。

金 弘 字弘渊，号勘斋，如璧子。漳浦知县。丿

叶 培 字从本，号沂川，牛桥人。陕州州判。有即事诗云：“四十年来一敝庐，白云流水意何如。老妻数问生涯计，笑指床头几卷书。”亦清高士也。丿

高 彝 湖雾人。由乐清贡。大名府推官，转九江府。丿

以上五人俱天顺六年四十五岁例贡。丿

金 汀 字惠渊，号浦云，祯从弟。天顺癸未补国子生，未仕卒。丿

陈 诞 湖雾人。天顺癸未由乐清学贡，郟城县丞。丿

滕 顺 湖雾人。成化己丑由温州府学贡，授临安通判。丿

李 爵 字崇勋，庸族弟。成化己丑贡。丿

李 铛 成化辛卯贡，上杭训导。丿

戴 通 成化癸巳贡。见《乡科》。丿

林 霄 成化乙未贡。见《甲科》。丿

林 旆 字克猷，号毅斋，霄之兄。成化丁酉贡，授广德州建平训导。丿

程 匡 乌根人。成化丁酉由乐清贡，授兴化训导。丿

李洪谟 号希古，燧族子。成化己亥贡，分宜训导。廾

林世用 字保艾，号逊志，鸚从子。成化辛丑贡，宁津训导。廾

吴 隆 字际云，湖雾人。成化辛丑由乐清贡，襄乡训导。廾

黄 伦 字汝彝，号静斋，孔昭从子。成化癸卯贡，任休宁训导。有诗名，著有《静斋》、《远游》二稿，《东瓯唱和集》，为程学士敏政所重。廾

高 升 字弘谥，号兑斋，县城人。成化乙巳贡。与林金事及给谏同师受业。授吉水训导，启迪得士子心，咸称兑斋先生。详具罗太守侨墓志。廾

叶 平 字持正，倓之子。成化丁未贡，授永丰训导，迁萍乡教谕。修《萍乡志》。

林元古 字循道^[三六]，恺祖裔。常熟训导。尝捐资修先世经畚堂，置义田教乡子弟。戴参政豪有记。廾

叶 勉 小溪人。弘治己酉由府学贡，清河训导。廾

金 魁^[三七] 字凤魁，号愿学，如璧孙。弘治己酉贡，官六合训导，以母老乞归。详具谢文肃墓志。廾

鲍 衡 字全衡，迂江人。弘治辛亥贡，亳州训导。廾

陈 秉 纯之孙。弘治辛亥贡，颍州训导。廾

林世冕 字保芾，号尚綱，璧之孙。弘治癸丑恩贡。廾

黄彦良 字朝用，号百之，彦俊庶弟。弘治癸丑贡，延平训导。致仕家居，自号坦然居士，筑小庵于下岙，日怡情于松声、稼色、樵歌、渔唱之中，与谢文肃、夏赤城唱和成帙。

林天爵 车路人，弘治间贡。有传。廾

张 积^[三八] 字大有，号怀沼，琅岙人。弘治丁巳贡，政和训导。廾

陈 熙 字元治，号锦斋，屏下人。弘治己未贡，沾化训导，

升楚府纪善。生平醇实无他。谢文肃有“故乡文物谁传旧，吾道斯人直至今”之赠。ㄱ

陈 琦 字国卿，蔡洋人。弘治庚申贡，补国子生。ㄱ

谢 鉴 省从子。弘治辛酉贡，福州训导。ㄱ

蔡克诚 字惇夫。弘治壬戌贡，有才名，授松溪训导。ㄱ

李 稔 字洪亘，号讷斋，长屿人。自少有声场屋，弘治癸亥贡，雷州通判摄府篆致仕。

叶 胚 镜川人。弘治乙丑贡，有传。ㄱ

叶凤岐 字昌治，一字昌运，号果斋，培之子。正德己巳贡，善属文，有声黉序，授梓潼训导。ㄱ

李 学 字习之，号秋江，长屿人。正德己巳贡，授高邮训导。有诗名，著有《燕石稿》、《金坛集》。ㄱ

林 永 即寿永^{〔三九〕}，字克宣，号亦斋，芊之孙。正德辛未贡，授宁国训导。事具梅鹗所撰墓志。ㄱ

陈孝民 一名兴溪，字克周，路边人，迁郡城下门。正德癸酉贡，东阿训导。ㄱ

叶凤翔 字昌翱，号鸣冈，培之侄。正德丙子贡，镇江训导。ㄱ

李循规 长屿人。正德丙子贡，补国子生。ㄱ

谢 霄 号思贻，桃溪人。正德丁丑贡，万年训导。ㄱ

江 蕃 字存玉。正德丁丑贡，邵武训导。善吟咏，著有《樵阳稿》。ㄱ

吴 泰 字宗郭，温岭人。正德己卯贡，精于《易》学。任休宁训导，以廉称，无半亩遗。子英师，字可文，累不能举火，吟咏自如。尝读《杜子美集》曰：“须得其仁民爱物意。”昔人所未及也。又族子之挺^{〔四〇〕}，博学工书，温郡太守刘公深礼重之。ㄱ

潘 禄 沈岙人。嘉靖癸未贡。有传。ㄱ

谢增 字希高，号祇斋，桃溪人。嘉靖乙酉贡，宁阳训导，持身端谨，士林重之，未半载致仕归。丿

毛宣 号萝洲，晋山人。嘉靖乙酉贡，授平阳教。丿

林应开 字必先，号冰川，昂重孙。嘉靖丁亥贡，任江西永宁训导。博学能诗，在官有政声。丿

高崇文 字端实，升之子。嘉靖己丑贡，延平训导。丿

曹文繁 字崇柱，号方田，泽国人。嘉靖辛卯贡，补国子生，授福建兴化府通判，未任卒。

赵恩 字戴夫，号小山，崇贤仲子。嘉靖壬辰补国子生，任广东高州府推官。丿

林文相 嘉靖癸巳补国子生。丿

叶良储 字厚之，号小峰，良佩弟。嘉靖甲午补国子生，任阳山知县，有异政，配食昌黎。

蒋超 字天挺，号鸣岐，三都石桥人。有才名，与同学陈校、吴珠、临海陈巨江相埒。嘉靖戊戌贡，选封川训导，未任卒。丿

吴邦一 隆之子。由乐清学贡，授当涂训导。丿

彭牧 字复司，横湖人。嘉靖己亥贡，宝丰教谕。丿

翁秀 字存治，泉溪人，审理朝臣后。嘉靖庚子贡。以瞻博称，邑侯曾修县志，地方前后事皆询焉。丿

邱植 字元立，号云冈，应辰后。嘉靖间补国子生。丿

曹颐 嘉靖甲辰贡，福州罗源训导。丿

江象 补国子生。丿

沈升 字子积，号晓山，松门人。句容训导，终国子助教。著有《楚游稿》。丿

林贡 字宜贡，号云江，团浦人。嘉靖间贡^{〔四一〕}，授九江彭泽主簿，以缉贼功升兴平知县。

高振辉 号兑斋^{〔四二〕}，崇文子。嘉靖甲辰贡，宁乡训导。丿

赵献夫 名纯瑗，号石潭，关屿人。嘉靖丙午贡。丿

李尚升 字朝列，长屿人。嘉靖间贡。丿

林应秀 号鹤泉，北山人。嘉靖己酉贡，吴江训导。丿

王 云 字尚德，花山老人松之后。邃于理学，有《题太极图》一篇传世。与戴给谏筠溪、邵长史誠友善。沙角徐玉成、塘下徐冕、高浦王光皆其高弟。学者称梅关先生。丿

邱云鹤 字元腾，号九皋，庆之后。嘉靖间贡^{〔四三〕}。丿

鲍文郁 又名邦郁，字崇质，号观澜，迂江人。工诗，林白峰谓“庄诵再三，琅然金玉音”。嘉靖乙卯贡，任湘潭教谕。与赵方崖为姻，其子就亲在都，白峰下第，方崖延至寓馆课之。丿

朱子光^{〔四四〕} 号后峰，松门人。嘉靖间贡，宁国府教授，以文学知名。丿

林元栋 北山人。嘉靖己未贡。有传。丿

林大节^{〔四五〕} 原名纬宗，字子堪，号莘田，莘塘人。隆庆戊辰贡，福建政和训导，寻升荆府教授，署汉阳事。在政和为李佺事修《武夷山志》，著有《南游草》。丿

王 慎 字玉溪，大溪人。隆庆间贡，政和知县。有善政，李巡抚嗣美特疏奏留，以母疾解绶归。丿

叶恒荫 号方北，镜川人。万历元年癸酉贡，任缙云、余杭、乐安教授、宁国府长史。

赵纯琼 字循夫，号亦山，关屿人。万历元年癸酉恩贡，邵武知县。著有《南游稿》。

曹 宠^{〔四六〕} 万历甲戌由临海县学贡，广昌训导。丿

李朝文 字用质，长屿人。万历己卯贡，鄞县训导。丿

鲍大濩 字承殿，号节庵，迂江人。万历辛巳贡，与林莘田、

王玉溪并见知于薛方山，授长兴训导。丿

蒋宗周 号嵩山，瓦屿人。万历癸未贡。丿

赵大亶 字世聪，号明庵，关屿人。万历乙酉贡。丿

叶恒哲 字乾兔，号方陵，恒荫从弟。万历丁亥贡，温州学训导，著《学易斋稿》。丿

陈廷诩 字仲周，号文冈，坊下街人。万历己丑贡。丿

戴梦松 字巨溪。万历庚寅贡，安西训导，升德府教授，致仕归。著有《文录》。丿

林应祯 字庆肃，号一斋。万历壬辰贡。孝友博学。其祖乔年筑沙埭二闸，应祯独力重修，大利乡邑。著有《一斋稿》。丿

赵大荫 字世庇，号九陵，关屿人。万历丙申贡，温州训导，升仁和教谕。丿

赵志行 字邦见，号可庵，大佑孙。万历庚子贡，历官保定、兖州州判、阿迷州知州。

张士巍 号立斋，琅岙人。万历壬寅贡，海宁教谕。丿

赵成宣 字德旬，号达庵，关屿人。万历壬寅恩贡，历官吴县训导、遂昌教谕。丿

王 束 万历甲辰贡，长兴训导，升知县。丿

李逢春 字继侗，长屿人。万历乙巳由府学贡。丿

李怀霆 字时亮，长屿人。万历丙午贡，历官慈溪训导、宁州学正。丿

张良守 万历戊申贡，武义训导，升湖州教授。丿

郑应畿 万历庚戌贡，历官慈溪训导、当阳教谕，升衢州教授，致仕归。丿

陈文理 万历辛亥贡。丿

姜士龙 号太囊。万历壬子由府学贡，楚府长史。丿

林凤翔 字汝文，号梧阳，莘塘人。万历壬子贡，义乌训导，升沅江教谕，不赴。丿

谢澄然 别字大心，号镜宇，桃溪人。嘉靖甲寅贡，兰溪训导，升于潜教谕。归筑景晖堂。

朱 赞 字益化，号参寰。万历甲寅由临海贡。丿

金元声 字子衡，号振寰，水洋人。万历丙辰贡，安吉训导，升永康教谕，终肇庆教授。

陈所志 万历戊午贡，青田教谕。丿

谢邦赉 邦荐从兄。万历庚申贡，由浦江司训升温州教谕。丿

毛鸣葩 字天奇，号太乙，晋山人。泰昌元年恩贡，光泽教谕，于亚湖堂开青莲社讲授。

赵 玉 字邦玉，号楚阳，关屿人。天启间贡。丿

叶梦麟 天启壬戌由府学贡。丿

鲍彦著 号未袁。天启癸亥贡，乐清训导。丿

赵志厚 字邦典，号完一，关屿人。天启乙丑贡。丿

邵舜选^{〔四七〕} 字朝臣，号梧溪，虞岙人。天启间贡。丿

阮世济 字充济，号冲含，文铨子。崇祯己巳贡，龙南教谕，升灵寿知县。著有《尊生居稿》。丿

蒋大捷^{〔四八〕} 号俊公，三都石桥人。崇祯庚午由府学贡，松阳教谕。丿

牟廷献 号鼎铉，松门人。丿

林国祉 号泰阶，坊下街人。崇祯辛未贡。邑令全鸿志请赴宾筵。丿

赵应聘 号起莘，关屿人。崇祯甲戌贡，南康教授。丿

金国鼎 字叔夏，小溪人。崇祯乙亥贡，霍山知县。丿

蒋德鲸 字凤鲸，号博溟，三都石桥人。崇祯丙子贡。丿

赵师雍 大佑曾孙。崇祯丁丑贡。丿

梁 赞 号襄明，后峰人。丿

谢朝铨 号图南。丿

赵志冲 字邦瞻，号九程，关屿人。崇祯辛巳贡。丿

谢叔申丿

狄 发 字必桂，泉溪人。崇祯间贡。丿

林 茂 北山人。有传。丿

郭应祯 字瑞熙。与许明佐尚理[四九]有《甲申野哭》诗。丿

胡来甫 号云公。崇祯间由府学贡。尝修《丹崖山志》。丿

林一槐 号云甫，北山人。崇祯间贡。《府志》作一桂。丿

张廷楠 号上木，寿鹏后，县城人。崇祯壬午府学贡。丿

季光潜 字茂见，号藏初，松门人。明末，闽藩倥偬需人，准贡授江西新淦知县。未抵任，国破，不知所往。子廷机，许鸿儒婿。丿

国朝 赵景融 字邦经，号淡生，关屿人。顺治丙戌贡，嵩县知县，升广西平乐府同知。

许鸿儒 松门人。顺治丁亥贡。有传。丿

季廷梁 松门人。顺治戊子贡。有传。丿

葛茂春 松门人。顺治庚寅贡。有传。丿

吴士成 松门人。顺治壬辰贡。丿

林 鞞 字又鞞，滕家桥人。顺治甲午贡。丿

李伯麟 顺治丙申贡。丿

谢三锡 字怀甫，邦賚仲子。顺治丁酉贡，任处州训导，以裁缺改嵯县，升海宁教谕。

罗 锦 号元素。顺治戊戌贡。丿

林茂广 字良章，号渊度。顺治庚子恩贡。丿

林月人 字敷五，号即仙，北山人。顺治辛丑贡。精《易》理，

时称羲坛名宿。与族中云甫、白生、钱水同负时名。丿

赵师崑 字良甫，号云眠，关屿人。康熙甲辰贡。丿

何维容 《府志》作荣 康熙间贡。丿

刘应陞 《府志》作陞 字尚高。康熙间贡。丿

梁 楫 字乘舟，号木公，七都河头人。康熙间贡。丿

谢国隆 字綦甫，号复旦，桃溪人。康熙丙辰恩贡。丿

李晋锡 字虞城。康熙间贡。丿

何天衢 字松萝，县城人。康熙丙辰贡。丿

陈廷简 字仁趾。康熙戊午贡，授训导。丿

谢于宣 字来侯，号月麓，桃溪人，住横山。康熙庚申贡。无意仕进，有“一带山云村胜郭，半篙春水土归农”之句。著《邯鄲步诗集》。同时有监贡谢于蕃，字来叔，疑其族。

林 章 字俊升，号平伯，北山人。康熙庚申府学贡。丿

林 槐 字雯汉，中央园人。康熙庚申贡，辛酉廷试候选教职。尝修邑志。丿

潘汝瑁 字祥甫，号充耳^[五十一]，淋川人。康熙壬戌贡，廷试候选教职。丿

柯 澳 字竹三，县前街人。康熙壬戌贡，癸亥廷试候选教职。丿

张 仲 字仲英，号石云，县城人。康熙癸亥贡。丿

郭 琛^[五十一] 字译来，县城人。康熙甲子贡。丿

金 澍 字用霖，东关外人。康熙丙寅贡。丿

赵徵奎 字集甫，号宋占，关屿人。康熙戊辰贡。丿

赵宗峨 字宜之。康熙庚午贡。丿

赵 濂 号即溪。康熙壬申贡。丿

邵嗣培 字庆才，号笃庵，县城人，濬之后。康熙甲戌贡。丿

刘锡宸 字更旦。康熙丙子贡。丿

- 朱捷 字岸先，号五山，县城人。长孺子。康熙戊寅贡。丿
- 林绳 字飞羽，号欠庵，县前街人。康熙庚辰贡。著有《学诗草堂集》、《欠庵漫稿》。
- 陆涛 号广陵，黄淡岙人。康熙壬午贡。丿
- 叶应时 号复斋。康熙甲申贡。丿
- 林梦鹤 字侣琴，北山人。康熙丙戌贡。丿
- 王筠 字天进，号介夫，夹屿人。康熙戊子恩贡。
- 邵清 字元及，号镜湖，中央园人。康熙戊子贡。丿
- 叶昌迪 号简亭，镜川人。康熙庚寅贡。
- 赵宗钦 字汝恭，号缓斋，关屿殿下人。康熙壬辰恩贡。精河洛之学^[五二]，著有《洪范续稿》。
- 罗洪 字静夫。康熙壬辰贡。丿
- 赵元捷 字慎之，号启潭，关屿双桥人。康熙甲午贡。丿
- 张锦 字元益，号素轩，县城人。康熙丙申贡，选授富阳训导。丿
- 邵迁鹤 字声野，号逸吾，中央园人。康熙戊戌贡。丿
- 林一枝 字仔宸，北山人。康熙庚子贡。丿
- 林充 字体乾，号春岳，槐之子。康熙壬寅恩贡，有诗名。丿
- 赵岸 号泥轩，关屿人。康熙间贡。丿
- 赵宗灏 字季梁，号素庵，关屿殿下人。康熙间岁贡，选泰顺训导，未任卒。丿
- 曹景洛 字绍临，号南川，泽库人。雍正甲辰贡。居乡，后进多所启迪。选丽水训导，府委监放赈务，署宣平教谕，母老辞归。再选衢州府训导，不就。学行为士林所重。丿
- 林之松 雍正丙午由府学贡。有传。丿
- 陈应发 雍正丙午贡。丿

邱梦筠 字昌聚，号南村，南城人。雍正戊申贡，授景宁训导^{〔五三〕}。丿

连应雷 字上鸣，号豫庭，居路桥。雍正己酉府学贡。丿

张拱 字允直，号端庵，县城坛前人。雍正庚戌贡，义乌教谕。有文名，督学于耐圃深赏识焉。丿

郑 宸 雍正壬子贡。丿

叶中诗 字允相，号理斋，上阳人。雍正甲寅贡。丿

金元桂 字芳五，县城人。乾隆丙辰恩贡。雍正七年，邑令陈锐修六闸，柬邀董其事。经年闸成，败于壬子大水，同事几受累，元桂自咎，为《六闸记》。丿

吕 樾 字伟木，县城人。乾隆丙辰贡。丿

金承芬 迁江人。乾隆戊午贡。有传。丿

潘凤翔 字介成，泽库人。乾隆庚申贡。丿

黄家许 字廷栋，号隆庵，三都下黄人。乾隆壬戌贡，嘉善训导^{〔五四〕}。丿

赵学诏 字觉斯，号啸斋，宗灏子。乾隆甲子贡，选平阳训导，未任卒。丿

赵 升 乾隆丙寅贡。丿

许鸿图 字如九，县城人。乾隆戊辰贡。丿

连 茹 字若谷，应雷子。乾隆庚午贡。丿

金季瑾 字声墀，号太完，季琬弟。乾隆壬申恩贡，以学行著。子涵，诸生，工六体。

叶映浦 字藁君，号淇园，镜川人，随父昌年居县城。乾隆壬申贡。丿

黄 澄 字叔蕃，号静江，县城人。乾隆甲戌贡。丿

杨敬学 号惕堂，新河人。乾隆丙子贡。丿

- 何超 字允石，苍山人。乾隆戊寅贡。丿
- 蒋茂春 字英奇，号拙庵，三都石桥人。乾隆庚辰贡，寿昌训导。丿
- 金文岫 字陟南，号静崖，金清人。乾隆壬午恩贡。丿
- 黄子述 字廷序，号秀川，南城人。乾隆壬午贡。丿
- 叶炳玘 字乾泽，号惺庵，镜川人，居东城。乾隆甲申贡，嘉兴府训导^[五五]。著有《笑林集》。
- 邵棠 字紫庭，号憩庵，迁鹤次子。乾隆丙戌贡。丿
- 柳盈袍 字亦怀，泽库人。乾隆戊子贡。丿
- 林锦文 字公载，号守庵，四都汇浦人。乾隆庚寅贡。丿
- 瞿再昆 字君玉，号环川，撮屿人。乾隆壬辰府学恩贡。丿
- 叶泰蓁 字载扬，号东倩，横泾人。乾隆壬辰恩贡。丿
- 李显裕 字亦洪，高桥人。乾隆壬辰贡。丿
- 陈在齐 字临爽，号海东，峨山人，居县城。乾隆甲午贡，开化训导，卒于署。丿
- 陈濬意 字廷佐，号西崖，县城人。乾隆丙申贡。丿
- 叶映娄 字鲁占，号圣居，镜川人，住县城，映浦弟。乾隆戊戌贡。丿
- 陈纲 字兆守，号希成，路边人。乾隆庚子恩贡。丿
- 张绍龄 字汉有，号沛三，县城人。乾隆庚子贡。丿
- 何杞昆 字铭石，号凤溪，县城人。乾隆壬寅贡。后复姓陈。
- 蒋若藺 字崇光，号佩芳，石桥人。乾隆甲辰恩贡。丿
- 冯奎 字兆瑞，号星斋，又号聚台，县城人。乾隆甲辰贡。丿
- 刘兆太 字睿思，号熙堂，县城人。乾隆丙午贡。丿
- 陈世环 字围九，号式斋，县城人。乾隆戊申贡。丿
- 林乔丰 县前街人。乾隆己酉府学贡。有传。丿

- 陈伟典 字文锡，号念初，山王人。乾隆庚戌恩贡。廪
- 蒋裕中 字崇志，茂春长子。乾隆庚戌贡。廪
- 杨特耸^{〔五六〕} 字德全，号绿溪，县城人。乾隆壬子府学贡。廪
- 蒋在泮 字安若，号芳洲，茂春次子。乾隆壬子贡。廪
- 张 挚 字建恂，泽库人。乾隆甲寅府学贡。廪
- 林兆风 字起渭，号怀清，北山人，居东关外。乾隆甲寅贡。廪
- 许大邦 字瑛琮，大间人。嘉庆丙辰恩贡。廪
- 陈起凤 字鸿禧，号南屏，娄岙人。嘉庆丙辰贡。廪
- 季 璧 字子瑞，号敬亭，廷梁后，居东关外。嘉庆戊午贡，未几卒。廪
- 王电扬 字永龄，号省斋，县城人。嘉庆戊午贡。廪
- 叶敬山 字钦明，号艮思，镜川人。嘉庆庚申由府学贡。廪
- 赵载荣 字永幹，号逸泉，关屿人。嘉庆庚申恩贡。廪
- 陈翼猷 字成幹，号钝夫，濬意子。嘉庆庚申贡。廪
- 沈冠儒 字毓荆，号肆三，新河人。嘉庆壬戌贡。廪
- 陈 奎 字学聚，号星萃，峨山人，居县城。嘉庆甲子贡。廪
- 阮天章 字朝正，号倬轩，泽库人。嘉庆丙寅贡。廪
- 叶凤栖 字汝南，号春台，上阳人。嘉庆戊辰贡，未几卒。廪
- 李继显 字上章，高桥人。嘉庆戊辰贡。廪
- 马麟书 字圣瑞，号峰望，新河人。嘉庆庚午恩贡。廪
- 陶肇京 字谢池，号瞻洛，新河人。嘉庆庚午贡。廪
- 郑绍康 字承文，号芸斋，县城人。嘉庆壬申贡。廪
- 陈炳南 字灿远，号耕心，县城人。嘉庆甲戌贡。廪

嘉庆太平县志卷之十下

选举志 三

杂 选

唐、宋进士出身，皆先试簿尉。始仕之阶，未闻以贱辞也。元科目间行，士多由掾选，即为正途。明代专重科第，由三考为簿尉者，流品始卑。然一命固朝廷官，功德可及人，其中亦更有奇士。至纳粟补官，自古有之，如司马相如、张释之，何害其为资郎哉！是皆不可以无录。丿

宋 丁 旻 字彦和。为人酝藉，有志节。宣和间^[五七]，方腊寇乱蔓及邑境，奸民沈氏应之，姚总统平仲率兵讨捕，谕有能擒戮盗魁及党与者，赐官与金粟，旻团乡兵，数获贼有功，授校尉。顷之，监北恩州王子税，太守章公每事倚之。又以招集亡卒劳转承节郎。亲老丐归，卒。时乡先生徐庭筠次其行，观察推官刘孝黻为志墓。世雄其后也。丿

陈于亲 大闾人，甲从弟。由儒士除承直郎，吴县簿。丿

许 善 字尚嘉，大闾人。由司狱掾授邕县簿。丿

金若书 字法商，泉溪人。江山县尉。其裔克谔，号雁台，由湖南兵马监簿，终潮州司户。

吴 珊 字尊生，后洋吴人。仙居康肃公芾，其从祖也。芾知

临安府，携与俱，设计捕获杀人内侍，以其才荐，授长乐知县。甫之任，卒。丿

刘允武 新渎人，允济第三兄。吴江簿。丿

刘坡孙 允济子，迪功郎，溧水簿。丿

林仲谋 珠村人，鼐之子。隆兴司户。丿

蔡 鈺 镐从弟，监江山税。又有名铅者，枢密检校。其族名瑞者，承奉郎。

陈国鼎 叶屿人。江山场使。丿

金宗可 号梅峰，泉溪人。咸淳九年任泉州晋江县祥芝巡检。从子元昌，福建邵武照磨。

郑世仁 泽庠人。官制干，佐吕文焕守襄阳，画大江形势图，指示要害，有防御功。丿

王世忠 小溪人，侍郎居安曾孙。福清典史。丿

盛崇孙 三坑人，象翁父。将仕郎。丿

元 陈 矩 字于方，颐老子。福清簿。丿

陈章宗 字正祚，横湖人。福建延平经历。丿

张廷鞏 字尚飭，琅岙人。扬州典簿。丿

戴 迁 字伯殷，南塘人。广东行省都事。弟达，字伯善，由掾吏补江浙行省检校；以子濬贵赠通议大夫，并从南塘迁温岭。明初，以故官谪凤阳。丿

陈伯方 字仁实，横湖人。秀岭巡检。丿

谢端通 字仰高，娄江人。浮梁学正。丿

陈元善 泾岙人。枢密院经历兼统制，著《归田稿》。

陈南隐 字少逸，莞山人，彬曾祖。盐税使。丿

林 曾 字国仪，莘塘人。任城主簿。丿

林景韶 字九成，团浦人。象山县尉，终养归里，明初死倭寇。

妇戴氏以节闻。丿

叶德骥 初名马，镜川人，学正居暹次子。方国珍为江浙行省平章，以朝命强授官，辞不获。子安允以事抵越，为张吴^[五八]所得，不屈死，遂决意归。明初，以故官谪濠上卒。丿

蒋 追 字熙古，三都石桥人。汉阳县尹。丿

明 陈元良，字能之，泾岙人。平阳巡检，转盐井卫百户。丿

金允华 名伦烜，泉溪人，任巡检。从弟允良，名伦贤，河南孟县驿丞。族孙名庆，字世特，蕲阳典史。丿

林宁宝 字文安，横溪人，天祺子。广积库大使。丿

彭有温 横湖人。顺昌典史。丿

邵 申 字永名，泉溪人，冲之先。江西建昌仓大使。丿

林大象 字元辉，珠村人。洪武间江都门副使。丿

陈建初 字孟卿，泾岙人，宜黄典史。又有言谔，字切卿，由广东都事转德卫经历。

钟 赤 字庆艳，铭之后。由胄监授福建大金仓使。其族有名端者，字庆惟，贵州赤水卫大使。丿

张 特^[五九] 字思立，号节斋，琅岙人。由诸生改藩掾，见知礼部都公，以州佐职任旗手卫经历。寻署湖广归州，及枝江、荆山等县，升河南邓州州同。丿

瞿 鸿 字直渐，号瞻云，撮屿人，家泉溪。景陵主簿。丿

张禹鼎 松门人。北京留守卫经历。丿

陈 瑞 字景佩。广西藤县丞。年百馀岁，屿头有坊。丿

陈尹进 字永精，前陈人，子显子。福建兴化巡检。丿

陈尹胚 字永仪。天顺间任江西抚州横山巡检。丿

黄元会 字孔谦，洞山人。任福建同安河泊所。善风鉴及岐黄。丿

叶梦星 四川雅州州判。丿

陈德 叶屿人。太医院吏目。有承恩坊。ㄱ

陈操 钦天监司晨。明始设钦天监五官，灵台郎下有司晨二人，佐刻漏博士，定时以漏，警晨昏以钟鼓，秩皆从九品。按正统十四年正月，宁海杨辂官顺天府通判，元夕后一日，会同郡在京者二十一人：翰林侍讲杜宁，兵部郎中齐汪、陈臧，刑部郎中林灏，主事王忠、杨珏、郑显、高瑛、林璧，行人童守宏，鸿胪司宾贺法，中书谢睿，国子监丞鲍相，海州州判赵取完，庐江教授夏鲁，晋江学正王稳，钦天监司晨陈操，上舍徐孚，钱茂律、李会，其一则侍郎王一宁也，以唐人“火树银花合……”二十字分赋七律各二首，一宁序。具载临海《长石谢氏族谱》。盖操亦能诗。有恩荣坊，在学宫西，又一坊在屿头。ㄱ

陈允谟 字时用，号乐圃，赵岙人。太医院吏目。谢文肃为作《爱萱堂记》。ㄱ

陈诚 字元诚，号尚菊，屏下人。淮安常盈仓大使。ㄱ

林胖 字克渐，北山人。福建同安高浦仓大使，转嘉定税库司大使。弟寿阶，字克敬，马馱司巡检。ㄱ

林昕 字世晦，号秋江。由知印授安仁县主簿。从弟世荻，政和典史；世音，官驿丞。

林佶 字克闲，北山人。广东电白县神电仓大使。ㄱ

王湍 号碧山，夹屿人。德州知事，弃官入道。蔡布政霞山有《题王碧山归隐卷》。又王望台，官经历。ㄱ

翁朝臣 县城人。鲁府审理。ㄱ

邵冲 字尚霄，号思养，泉溪人，潜之父。由府掾从镇朔将军太师保国公征伐，以功擢鸿胪簿，进阶修职郎，迁光禄署丞。ㄱ

陈季龙^[六十] 字尚浩，号起潜，叶屿人。四川沙关巡检，从征土官，转铅山大使。

章宗邦^[六一] 字应畿，渭章人。由郡吏考授昆山主簿。ㄱ

朱士立 字永植，乌沙浦人。由监贡授范县知县，升淮安府同知。ㄱ

- 林 浩 光禄寺丞《林志》云赐一品。横桥人。丿
- 李良特 字邦奇，长屿人。正德中河南右布政司务。丿
- 钟世兆 字聚麟，号坦斋，横湖人。由省祭授南京府军左卫西仓副使。丿
- 陈 治^[六二] 石粘人。由儒士授鸿胪寺序班，升鸣赞。丿
- 鲍全禄 都督右府训导。丿
- 邱元善 字长卿，号存菊，海重孙。由清平伯教读任天津训导。丿
- 金凤应 号思齐，水洋人。左都督府训导。丿
- 金凤昂 号南川，水洋人。由教读任漳平训导。丿
- 林 润^[六三] 字克和，号次庵，北山人。左都督府训导，有《次庵集语》。丿
- 邱 仁 字元祉，临淮典史。麟，字元厚，九江税大使。亮^[六四]，字元寅，由吏部掾考授经历，改县丞。佐，字元特，由御马仓授苏州经历。丿
- 张邦赞 字大育，琅岙人。旌德典史，升沅州吏目。丿
- 李怀周 字邦侍，长屿人。归化典史，转淮安巡检。丿
- 李宗稠 字守立，长屿人。柳州古暨镇巡检。丿
- 李崇约 字天湛，长屿人。盐山县丞。丿
- 李翔凤 字洪仪，长屿人。白河驿丞。丿
- 叶永俊 字虞文，上阳人。江西进贤^[六五]典史。丿
- 谢文绅 字曰缙，娄江人。福建饶平典史。丿
- 高存怀 字子才，号南溪，县城人。给事户曹，出为宣慰司经历，转酉阳，再迁京卫。
- 娄 廉^[六六] 字守洁，号宾泉，泉溪人。由京卫掾为江都典史，再任汀州府连城典史，奉委巡捕，守姑田。丿
- 鲍邦璧 字崇琮，号慨云，迂江人。江西安仁县主簿。丿

钟世昭^[六七] 字昶甫，号凤城，世符从弟。与叶敬之同学祥云僧舍，工诗。初任禹城簿，兑税德州，以清节为太守陈秋崖所重，升崇府典仪。 卍

李 俊 字洪杰，号南屏，住东关外。兴国典史。有《咏庭竹》诗：“不逐凋零不逐华，淡烟疏雨野人家。客来不问庭前竹，只看蔷薇一树花。”子岳，亦能诗。 卍

李 沛 字洪濬，长屿人。由胄监授真定武强教谕。 卍

李翔汉 字洪倬，沛之弟。由教读授训导。 卍

李洪浩 名翔南，长屿人。宜黄典史。族弟应美，字洪表，漳州府局大使；应榜，字洪选，奉新税库大使；应适^[六八]，字洪评，铜鼓仓大使；鸣濩，字洪商，丰城税库局大使。 卍

张 寿 字大恺，号蛟峰，琅岙人。松溪典史。 卍

林 凤 号瑞徵，北山人。凤阳一仓大使。《林志》又有：“林凤，典史。”

李柔绮 字朝绣，长屿人。由附生入太学，授福州福清主簿。兄儒緋，由例贡补国子生，未授官卒。 卍

李朝湛 字怡轸，长屿人。万全都司草场大使。又弟孝友，名朝职，福安主簿；朝并，字怡梗，山东宁阳县丞；朝璋，字怡谋，山东临邑典史。 卍

莫 沼 字思莲，号慎睦，塘下人。为郡吏忠诚不贰，人呼“莫道学”。正德间，营缮主事某受诬于逆瑾，沼以旧所事代诉冤，为瑾所捕，讯掠无完肤。瑾败得释，除万年尉，终以不善事上官罢归。林白峰《谒姑夫慎睦》诗云：“故园三径菊初残，白首郎官一鹤还。古树石坛人不见，独遗清节照江山。” 卍

赵 木 字端夫，号联翠，崇贤第三子。兴化吏目。 卍

程授恩 乌根人。德庆州州同。 卍

叶宗 沈明臣《平倭纪略》：嘉靖三十六年，温州贼过太平县，典史叶宗时在家，率乡兵与战，被害。丿

张孟雷 字义宾，号凤南，寨门人。福建莆田巡检。丿

金世略 字秉韬，号嵩溪，部渎人。由河南漕运巡书任福建场大使，转梅关巡检。丿

金仲周 字洪备，号贞吾，部渎人。湖广汉阳分司。丿

金枝 字子乘，号秀北，部渎人。湖广汉川县主簿。丿

李贵朴 字崇本，长屿人。奉新典史。丿

李重氲 字崇保，长屿人。永福典史。丿

叶思静 号松野，镜川人。高邮大使，转龙潭司巡检。丿

潘宗纶 字茂经，沈岙人。江西安仁典史。丿

陈皋言 字克邦，叶屿人。金华仓大使。丿

戴廷玉 温岭人。泰和典史。族叔参政豪赠诗，有“千年此源本，一命亦光荣”之句。

朱宗楠 字世茂，乌沙浦人，广西思明府同知。又廷笏，字奕常，昆山县丞。杭，字朝浙，桃山驿丞。鞏，字益平，新中驿丞。丿

翁朝盈 县城人。遵义县丞。丿

朱逢尧 号际唐。饶州府经历。丿

卢廷华 字秀之，号盘冈，县城人。三水县典史。诗才便捷，有《柳枝歌》传于时。丿

李贵祚 号春绿。平凉府驿丞。丿

李贵林 号台暘。宛平主簿。丿

尤兆祥 泽库人。典史。丿

李子海 号鹤坪，泽库人。由掾选任淮安仓大使，调山东齐河簿，升湖广宁远县丞，以获盗功授知县。丿

钟世霆 号竹渠，楼下人。武定州吏目。丿

林承春 字良缉，北山人。由肃宁典史升滉池主簿，擢楚府工正。族弟承韩，字良愈，威远典史；承颜，字良范，旧江口巡检，升代府工正。丿

林承瑞 字良科，住上宅。考授京库大使。有《玉蕊集》。丿

林朝显 字庆写，号鉴山，河岸人。湖广大雄仓大使。丿

林朝序 县城人。朝城典史。丿

曹凤相 字克显，泽库人。由广东南雄府横塘驿丞升巡检。族弟凤沼，字克鉴，考授八品职，未任卒。丿

翁良瑞 县城人。宽河卫经历。丿

阮思诚 号丹泉，泽库人。由永定典史升平江县丞，累署县事。子儒珂，字明谨，任大瓦巡检。从子儒悌，临汾县丞；儒佩，由驿丞转虔州大使。丿

高 銮 字从方，号颐斋，县城人。江西广济库大使。丿

程舜望 字大经，乌根人，授恩子，宜良县丞。又有舜卿，字大德，滕县主簿；希钦，沙河左仓大使；守约，字大殷，茶陵卫经历。丿

叶良浩 字徽之，镜川人。湖广房县仓大使。丿

蔡鉴义 字一之，号西川，金清人。除南京豹韬副使，转广东巡检。子礼珩，号少冈，有诗名，从父治粟淮南，又随至五岭，所至题咏，为时人所推重。丿

柯 谦 字克源，号清侯，三都小岭人。饶州典史。丿

张逢亮 字庆臣，琅岙人。由京县吏目转益府典仪。丿

陈廷富 字彦足，号怡南，屏下人。黎平府经历^[六九]。丿

邵兴道 字子达，号云逵，虞岙人。福建莆田县丞，升潞安知县，终龙安知府。族弟兴谟，字子显，鸿胪寺序班。丿

蔡礼质 字邦幹，号月川，金清人。湖广兴山典史，采办皇木入都，有《和九日诗》云：“两度菊花愁里见，一尊竹叶病中开。”叶比部

敬之极赏之。丿

许朝倩 原名良钺，号少溪，始从羽山迁邑城。由吏员授福清河泊所，升澧州吏目。次子明侯，字尚公，自大田典史升安州吏目，题授雄县知县。四子明佐，字尚理，号鼎隆，操行端整。思宗甲申之变，与同学郭应祯等举丧郊外，为诗以吊，名《野哭》，有不与闯贼俱生之意，大抵皆变徵之音也。丿

彭楠 号倚峰，横湖人。湖广沔阳大使。丿

徐思业 字道夫，团浦^{〔七十一〕}人。好学能诗，任屯留典史。丿

李安信 竖石人。主簿。丿

林大芬 原名存芳，号辉馥，又号宇春，县前街人。由省祭效事兵曹，授广西藤县主簿。

季彦守 本名允贞，号灵谷，莞田人。南京府军卫经历，升江右布政司理问，大司马张蒙溪委理浙直兵务。在金陵与同郡王九难游凤台、燕矶、雨花，唱和成帙。著有《优仕录》。

陈世元 松江府知事。丿

邱承周 元善族侄。大使。丿

林元嵩 字天申，北山人。牛屯河巡检。丿

林恒彬 字国申，北山人。江南太平府主簿。丿

黄承德^{〔七十二〕} 字伯明，号海曲逸叟，尚书绾三子。由国子生例授广西奉议军民指挥使司经历，补桂林卫经历，累权邑事。仙居林应麒赠其之官句云：“公子似君才孰似？拜官如此意何如！”其弟承忠诗：“献赋十年成浪迹，参军今日下浔阳。”是亦才而不遇者。有《黄参军集》、《海曲谈林》。丿

黄承宿 字伯庚，号紫垣，洞山人。福建仓大使。丿

林风声 字子杨，号冲宇，河岸人。山东平原县丞。丿

李成吉 字宗周，号少迂，高桥人。瓜州五佑大使。时人谓其“两

任居官，未益分田寸地；六旬乏嗣，连生四子三孙”，传述至今。丿

李成群 字宗表，号道范，成吉族。山东德州吏目。丿

朱元轩 字益盛，号木翁，乌沙浦人。太原府经历。丿

陈尚浩 字怀澄，号筠湖，屏下人。由凤阳府五河典史升江西万安巡检。丿

陈秉桂 名舜治，屏下人。考授陕西西安府知事。丿

阮汝通 字时序，泽库人。广东廉州灵山典史。丿

吴永绵 字廷远，号南溟，横塘人。由吏员任江南建平典史，捐资修砌道路，民皆称便。

黄惟允 字仲登，洞山人，陕西典史。族弟惟慎，字仲礼，湖广应城典史；惟周，字仲复，北直容城典史。丿

谢宗褫 字世贤，桃溪人，广东新会县丞。弟世荣，惠安主簿。

谢天表 名邦域，桃溪人。漳州古雷司巡检。丿

谢天纵 字宗鲁，桃溪人。全州吏目。丿

阮仁哲 字机阳，泽库人。山西绛县典史。丿

洪 泰 字君泽，泉溪人。湖广城步典史。丿

钟 崇 字子邃，世霆从孙。济南府长济典史。丿

邱世冕 字庆勉，号竹楼，县城人。辰州卫经历。丿

邱国英^{〔七二〕} 字满之，县城人。由仓大使升襄阳县尹。丿

陈世杰 字汝英，号潜斋，北门人。郾城典史。丿

金永谨 字文信，泉溪人。夔州盐课大使。丿

金凤晓 号一敬，水洋人。东莞县巡检。丿

王朝政 县城人。松滋县主簿。丿

江息民 字曰宁，号静川，松门人。由令史授广州南海县丞，升广西思明府通判，终淮府审理。邑令王存理以“两粤循良”署其门。丿

潘从荐 号易融，淋川人。援例授国学，选山西布政司都事。

弟从召，字肩吾，补国子生，未授官卒。丿

潘士鼎^{〔七三〕} 字玉节，号君调，从召子。授汝宁府同知。丿

王廷翰 字朝卿，朝比弟，居县城。崑山主簿。丿

张世鉴 字朝察，号少南，琅岙人。延平府永安县丞，升知永安。丿

李宗珖 字继望，长屿人。由掾选，以军功升知印。丿

李文琥 字继照，长屿人。由仓大使迁雷州海康巡检。丿

王伯记 字世巧，号明亭，湖亭人。丰积仓大使，迁江西巡检。丿

邵世昌 松门人。官州判。有传。丿

邱必亨^{〔七四〕} 号涵宇，县城人。上虞主簿。丿

邱必盛 名亨雷，县城人。上杭典史。丿

王天沐 号凤衔，朝比子，居泉溪。博白典史。丿

张光濬 字益之，号元一，琅岙人。湖广金子矶巡检，升顺天府经历。丿

林挺秀 字毓英，北山人。由温州平阳吏考授福建龙岩县丞。卒葬长乐，子孙遂家焉。

国朝 陈飞渭 字渭英，号清孺，县城人。康熙间增广生，入太学，授中书科中书。丿

林文爵 字雅公，挺秀子。由国子生任福建漳州府经历。康熙己巳卒于官。丿

季会东 字孔江，号兰圃，高洋人。少英敏，有志节。为弟子员有声，援例试乐清教。时张丞福敏宰县，故与其父厚，子弟视之。一日，将怒责诸生，毅然争，理直，张不能夺也。旋署嘉兴学，却去诸生贖曰：“幸自具饘粥，无需此琐琐为也。”体素弱，以疾卒于任所，年三十馀。先娶李氏，继钟氏，皆无子。钟生一女，未离韶龀，白纁含悲，青灯勤织，卒抚之长成，嫁士族。苦节数十年，闺门无

伏龙之警^[七五]焉。ㄎ

戚学文 字道载,号思泉,泽库人。嘉庆二年以县丞发河南试用,历署遂平、郾城、永城三县捕务,从侍郎王公汝璧审案陕州,继奉抚檄赴归德鹿邑军营管粮台。事毕留省,暴疾卒,年三十六。尝以画见赏于臬司诸公以谦,其死也,甚惋惜,厚赙赠焉。嗣子杭幼,兄涉县宰归其丧。ㄎ

戚祖姚 号泠江,泽库人。候选知县。ㄎ

旧志杂选有任所、无里居者,仍载于左:ㄎ

李必选徐州州判、王德玠南京府知事。ㄎ

张□□旗手卫、王□□京左卫、邵应潮京卫。以上经历。ㄎ

董凤鸣武清县丞。ㄎ

叶承运池州府、陈廷略徽江府、潘鸣夏东莞、王德修同安、陈守缉新会。

以上照磨。ㄎ

林遇春潜山县、陈克琬广西藤县、林友云凤阳。以上主簿。ㄎ

陈寿卿武站州、陈□□谷岍人。以上吏目。ㄎ

林子俭寿光、石承宠儒文、叶澄东乡、严兴法麻城、蔡鉴之宝应、金大显通江、董良工宁杨、俞世明高安、陈茂亨光泽、潘廷禄东乡。以上典史。ㄎ

潘从朴同里司、李大璧江西大庾、林承立山西、孙明达江淮司。以上巡检。ㄎ

孙继常贼罚司、董万禎象山县仓、王汝为闽安镇、蔡宗涟漳州府、林仲猷御马仓、蒋蓬湖北京。以上大使。ㄎ

旧志杂选里居、任所皆无考者,仍载于左:ㄎ

张清、刘玉。以上州判。ㄎ

应聪、吴君茂。以上经历。ㄎ

朱正琳、阮士猷。以上县丞。ㄎ

林雁石、陈直美。以上照磨。ㄎ

张滨、张汉、季友、周光祖、王廷恩。以上主簿。丿
胡之显、孙宏、陈正言、吴楚秀、陈汉章、邱邦习。以上吏目。丿

王恒、陈恩、陈洪、林勤、黄浩、谢龄、胡恩、项从、江应时、李思宪。以上典史。丿

丁伦、孙玉、金龙、祝兴化。以上巡检。丿
叶守正、林钦、陈文俊。以上大使。丿

右榜进士丿

宋乾道时，榜首赐^[七六]武举及第，余并赐出身。绍兴初有武学之建，选文武官知兵者为博士、学谕各一员，定弓马及选试去留格。乾道一遵之。丿

宋 淳熙二年蒋介榜：丿

蔡 镐 白山人。有传。丿

明 嘉靖十一年壬辰：丿

潘居敬 松门人。官至陕西都司。丿

嘉靖十七年戊戌：丿

吴 震 官福建副总兵。丿

隆庆二年戊辰：丿

季 金 字长庚。登第三名。从征关白[七七]，复朝鲜，积功官至都督僉事。能诗，有《友人招游委羽洞作》，见《委羽山志》。详《武秩》。丿

万历二十九年辛丑：丿

方叔显 官狼山参将。丿

万历三十八年庚戌：丿

季光浙 官至参将。详《武秩》。丿

万历四十一年癸丑：丿

郝肇元 官山东总兵。丿

季光汤 官都司佥事。丿

天启八年戊辰^{〔七八〕}：丿

徐一鸮 官都司佥书。丿

武 举 丿

明 洪武初：丿

孔克鏞 字中夫，江绾人。至圣裔，辟官大名府知府。筑宗鲁堂，修《孔氏小宗谱》。

正德九年癸酉科：丿

朱宗梁 字世泽，号文华，乌沙浦人。丿

嘉靖三十一年壬子科：丿

潘 青 坤之父。丿

嘉靖（失年分）：丿

章宗攀 渭漳人。由临山卫籍中式，授钦依把总。丿

隆庆元年丁卯科：丿

朱 高 字益高，乌沙浦人。官广东虎头门游击。丿

万历元年癸酉科：丿

季 钺 金之弟。参将。丿

万历四年丙子科：丿

张光烈 元勋子。以父荫历官指挥、同知。丿

万历十三年丁酉科：丿

葛 钦 浩之子。世袭指挥，任上营管兵守备。丿

李孟隆 超之子。是科榜首，官临山参将。丿

万历十九年辛卯科：丿

邱陵 字元高，泉溪人。官守备。丿

万历（失科分）：丿

徐兴道 松门人。葛茂春其婿也。丿

万历试戊子、辛卯二科：丿

张光显 元勋次子。官都司。丿

万历试三科：丿

陈菴臣 官乍浦守备。丿

任国恩 官漕运都司。丿

罗万卷 累官至总兵。有传。丿

天启七年丁卯科：丿

季光满 字茂谦。丿

崇祯试庚午、己卯二科：丿

季元植 字荣卿，号木生。丿

国朝 康熙五年丙午科：丿

潘坤 松门人。由虎头门游击升福建参将。丿

林廷显丿

顾玗丿

康熙十一年壬子科：丿

单文免《省志》误作辛酉。丿

乾隆三年戊午科：丿

金铨 字维章，号云圃，水洋人，住下村。丿

乾隆六年辛酉科：丿

阮风会 字亦诗，号二从，泽库人。丿

乾隆三十六^{〔七九〕}年辛卯科：丿

林绕鹤 字朝伦，号九皋，团浦人。廾

乾隆三十九年甲午科：廾

陈开元 字际统，四都人。历署宁波台协千总，终补本营把总。廾

乾隆四十四年己亥恩科：廾

赵梦熊 字若济，关屿下村人。廾

乾隆四十五年庚子科：廾

赵人杰 字永宪，关屿下村人。廾

乾隆五十七年壬子科：廾

陈永龄 字秀春，号巍堂，隆耀侄，北城人。廾

乾隆五十九年甲寅科：廾

赵殿英 字永澜，关屿下村人。廾

乾隆六十年乙卯恩科：廾

蒋六鳌 字载瀛，号芳洲，三都石桥人。廾

林惠枫 字师瑾，号秀昆，团浦人。绍兴右营把总。廾

郑安国 字若蠲，号雅园，后洋郑人。廾

嘉庆五年庚申恩科：廾

林福清 字永定，北城人。廾

嘉庆九年甲子科：廾

陈升泰 字文刚，五都人。廾

林羽林 字乾赞，福清父。尝为阮抚军赏识，委令巡缉海口，督率乡勇，以获盗闻。廾

嘉庆十三年戊辰恩科：廾

赵云龙 字景福，温岭人。廾

武 秩 户

元 赵师闻，乌根人。官海道万户府。有传。户

萧万户（失名）盘马起至松门塘，皆其所筑。《林头潘氏谱》载有萧家巷，在白沙下，相传萧侍郎故居，不知何代人。叶世杰《草木子》：“方氏寇乱，朝廷招安，啖以官。濒海之人咸愤，与万户萧载之谋袭之，弗克。”萧万户当即载之。

金用嘉 字元瑞，本姓刘，水洋人。海道巡防千户。尝置学田。见《谢方石集》。户

陈元彬 下陈人。由武资改擢黄岩州判。户

林德宝 字文本，横溪人。永宁镇抚。户

陈景鹤 字端鹤，横湖人。千户。户

明 孙景贤 随汤国公和筑松门城^[八+]，授北直守备。户

金茂豪 字廷寅，西门人。明初由本卫升庄浪卫^[八-]指挥佥事。户

胡 文 字厚郁。由临山沂海所世袭正千户，调海门卫新河所守御正千户，封武德将军。而英、而斌、而均忠、而鉴、而茂松、而凤翔、而朝宸、而士龙，新河世职相承不绝，可考者此一姓耳。户

许 清 父福，明初杭州前卫副千户。清于永乐间袭职，调松门卫镇抚。象垣祖也。户

王 敏 先世大兴人，永乐时以功授阳和卫副千户。世袭至敏，调松门卫隘顽千户。正统八年阵亡。嘉靖三年，裔孙补袭，授武略将军。户

张云从 弘治时隘顽千户。户

吴永云 字廷从，号元龙，横塘人。嘉靖间任都督府中军指挥使。户

林仲华 白璧人，侍郎凤之父。随征剿大同有功，授锦衣千户。户

狄兴运 字庆亨，光明人。以千总从戚参戎平倭，升临海守备。丿

葛 萱 宣德六年调松门卫，世袭同知指挥。传子奎，弘治十三年升统理浙江军务分巡杭、嘉、宁、绍、台、温等处都指挥，抚绥有政，防御有功，地方倚为保障。浩三世祖也。浩有传。丿

朱巨震 字洪长，号崧原，乌浦人。钦依石浦守备。丿

季 金 其先宿迁人曰忠者，袭祖彬羽林卫指挥使，调松门，五传至金，益盛。父堂，领松门关，缘事陷狱，力疏申救，仍视卫事。金授海盐备倭，升广东潮州参将，擒剧盗鲍士秀，进总统。乞养归，起补临清参将，升镇江副总兵。弟时衡、孙国栋，皆荫指挥。馀详武科。

季光浙 字茂科，号枢环，金次子。赴都袭职，选郎以私憾其父，降二等，袭指挥僉事。中武进士，署指挥使。李趋其妇翁也。丿

朱巨武 字洪勋，号崧阜。石浦水师千总。丿

连 扆 字元芳，号芬宇。由乐清戍松门，有御寇功，任指挥，遂徙家焉。其孙更迁路桥。丿

张元勋 新河人。有传。丿

李 超 有传。丿

李 趋 松门人，以靖倭功，由杭州任游击累官至南路参将。丿

李 越 松门人。以边功累官至游击。丿

季光汤 字茂武，号璘存。武进士，授镇江圖山备倭署指挥僉事，被诬解任。会毛文龙标员激变，登莱抚军议抚，与孙应龙等奉令往，迫降不屈，被害。子元枢携骸归。女适署都司僉书潘坤。丿

崔 经 新河所百户，由参将中军随戚继光剿倭，擢江西赣州参将。丿

沈元宠 一作光宠，松门人，一夔之父。世袭指挥同知，累官至永生州参将。丿

程大勇 号干城，温岭人，祖居乌根。嘉靖戊子从征倭，以功

授三山所千户指挥，历升建宁副将。归休日，仅馀乘马。建广爱堂西山下，延师课子弟书。丿

郝 钟 松门人，指挥僉事。倭入境，昼夜捍御，力保孤城。当道攘其功，忿激自戕。赠龙虎将军护军。丿

张邦弼 字大展，号寓安，琅岙人。福建游击。《林志》：“仲经孙。”

邱廷表 新河所副千户，随张都督元勋征闽广有功，累官江西鄱阳都司。丿

朱元响 字益声，号御飞，乌浦人。黄花关守备。丿

朱 勋 字益承，号华干。剑门关都司。丿

朱 庸 字益宁。云南普宁中军。丿

张光祖 袭父元勋荫，官海门指挥使。丿

杨 纶 石牛岭人。百户，充朝鲜副使。丿

江鳞跃 大陈关把总，升台州卫千户。丿

吴献忠 有传。丿

曹应忠 号赞元，泽库人。明末由行伍任南直隶省城游击。丿

国朝 林桂芳 北山人，从父挺秀居长乐。国初官福建游击。丿

黄学骥 官名瑞，字叔伦，洞山人，居楼崎下陈。江南扬州府泰州守备，当熙朝初，奋身许国，屡立军功，诰封宣武将军。丿

陈盛纲 字仁常，峨山人。幼习武略，与同乡戴明榜、同郡蒋化义结生死交，康熙初随征台湾，三人同心协力，每战有功。总督姚启圣奏在台州营先食游击俸。逾年，实授江南吴淞营参将，升陕西潼关协镇，遂留家同州。丿

葛立程 浩之后，赘健跳徐氏。初为偏裨，被获，送总统刘金所，念其前朝勋裔，有才略，委署参将。部议照原职降二级录用。累功授山西潞泽营都司，升四川成都府^{〔八二〕}右营游击。

罗万卷 松门人。有传。丿

顾洙 兵备副使弼之孙。以生员授都司职，奉调河南垦荒。

蔡圣桂 字良翰，崇连子。少习武，入伍授忠靖校尉，守本县城。旋补昭信校尉，驻松门。顺治间经迁遣，官廨、营房尽废，兵丁至露居，独捐资修理。秩满送部，引见于汤山，试骑射连中，以营守备即用。丿

戴宪宗^[八三] 由行伍任右都督福建将军标副总兵。丿

瞿俊官 字国文，撮屿人。温州大荆营千总，候推守府。丿

赵斌 字秀水，县城大街人。嘉协左营守备。丿

林学瑞 小南门人。由玉环营千总升温州守备。卒于京。丿

高永超 县城人。本营千总。丿

陈隆耀 字嘉云，号倬亭，云浦人，居县城。由太平营把总补宁海千总，擢至嘉协右营守备，驻扎乍浦，调湖协都司。乍浦地滨海，界嘉兴、嘉善、平湖三县，防范有法，营规肃然。与水师旗员处，无瞻徇，亦无屈挠，始终相得。乾隆四十六年大水，城被浸，赖其力救全。五十年，乡人梁洪绪等贩海上，被误获送县，力白出之。江北流丐入境滋扰，惩为首史长七，地方以静。后以病告归，送者如市，绅士徐一麟、朱志云等皆赋诗赠行。丿

王元龙 本姓章，雅屿人。宁海千总，升温州守备。丿

赵恺 关屿人，乐清籍。由大荆营千总署守备。丿

赵瑞 恺之弟。由大荆营千总擢江南靖江守备，累官掘沟营都司、京口游击，至川沙营参将。提署太湖协镇，未之任卒。丿

林建标 县城人。金华千总，署守备。丿

黄永前 县城人。宁海千总。丿

封 赠

宋 陈 谨 大阆人。以孙申贵，赠太仆卿，进赠资政大夫、户部侍郎兼大理卿。

陈大临 申父。赠同父谨。丿

刘 祐 新淦人。以子允济贵，赠朝请大夫。丿

蔡待时 白山人，镐父。赠忠翊郎。丿

邱 荣 字士钊。以子璠扈从恩，赠汝州州判。丿

戴岩肖 字应求，泉溪人。以子良齐贵，赠朝议大夫。《良齐传》载“从子应雷、应发皆为显官”，不应其父字应求。戴氏又有名应丑者，未知为良齐何人，附笔于此。丿

徐康国 团浦人。以子练贵，赠通议大夫。丿

元 林起潜 团浦人。以子仁棐贵，赠儒学副提举。丿

林仁棐 以子宗可贵，加赠西河郡伯爵。丿

张輿槃 塘下人。以孙惟一贵赠官，见《坟墓》。丿

明 林长民 以子茂弘贵，赠承德郎、户曹清吏司主事。丿

林廷谏 字从节。父公留负才早歿，育于母丁，念父筑庵曰“永思”。以子璧贵，赠吏部郎中。丿

林廷赞 字从参。以孙鹗贵，赠刑部右侍郎。丿

李寅恭 以子璿贵，赠安乐州知州。丿

李汶惠 以子匡贵，赠都察院左都御史。丿

林友民 名仲箴。以子芋贵，赠刑部主事。丿

黄尚斌 以孙孔昭贵，赠工部侍郎。丿

陈 参 以子钝贵，赠吏部郎中。丿

黄彦俊 以子孔昭贵，赠工部侍郎。丿

黄 辅 以子绾贵，赠詹事学士。丿

谢 乾 字性端。与乡名士陆修正、鲍原弘、汤朝宗为文字交，

陆贫甚，置塾礼之终身。以孙铎贵，赠礼部右侍郎。丿

谢性全 以子省贵，赠兵部员外郎。丿

谢世衍 以子铎贵，赠礼部右侍郎。丿

林居正 字宗格，号草楼。以子克贤贵，赠刑部主事。丿

邵能政 以子^[八四]誠贵，赠吏科给事。丿

陈 穆^[八五] 以孙璋贵，赠刑部侍郎。丿

陈伏嘉 号寄南。从长山李九思学，与都宪匡友。以多病废举子业，触时感事一于诗发之。以子绮贵，赠工部郎中。丿

叶 钊 以子良佩贵，赠刑部主事。丿

赵 相^[八六] 字祝夫，以子大佑贵，累封刑部尚书。丿

谢叶然^[八七] 以子邦荐贵，赠文林郎。丿

季世托 名茂谦，以子彦守贵，赠藩司理问。丿

叶朝紫 以子梦星贵，赠征仕郎。丿

金渊泉 以子孚兑贵，赠文林郎。丿

陈朝宾 号尔观。以子应荐贵，赠文林郎。丿

国朝 季光瀚 字茂观，号云翔。以子廷梁贵，赠知县。卒葬海山乌龙坑。丿

黄惟恂 字仲方。以子学骥贵，赠宣武将军。丿

李方来 字英初。以孙南湖贵，赠奉直大夫。丿

李懋才^[八八] 南湖父。赠奉直大夫。丿

陈炳荣 字仙友，号羽登。以孙隆耀贵，赠武德郎。丿

陈 杰 字翰卿，号笃轩，隆耀父，赠武德郎。丿

戚鸣凤 字启周，号亦崖。著《碧珊拾遗》二集，有诗见《方城遗献》。以孙学标官知县，赠文林郎。丿

戚振鸢 字陶章，号菊仙。受法于樵石广，以画名，传僧美源。阮中丞《两浙輶轩录》载王诗《题戚菊仙山水》诗四首。亦以子学

标任知县赠官。丿

林兆泰 建标父。赠武信郎。丿

荫 叙

宋 林 洗 伦之子。崇宁五年，荫迪功郎、衡山主簿。丿

黄 孝 仍之子。荫观察通判。丿

黄 厚 孝之子。授忠翊右职，迁统领。丿

戴 竑 字全忠；子序，字伯甫，并以父、祖良齐恩，授将仕郎。丿

王仲彝 居安子。知浏阳县。丿

盛兴孙 以父鹰扬恩，官中顺大夫。丿

元 林宗焯 以父仁本恩，授江浙行中书省提举。丿

明 林 薇^{〔八九〕} 字世烈。以父鸚恩，授寿州同知。林尚书见素谓其清节不愧于父。丿

林 菲 字世敷。以父霄恩，授光禄署丞。丿

谢必祚 以祖铎恩，荫国子生。丿

谢适然 以曾祖铎恩，授抚州通判、延平同知。丿

林 怡 白璧人。以父凤恩，官晋安通判。丿

陈 祜 以父璋恩，授光禄署正。丿

赵成妥 以父大佑恩，历官庆远府知府。丿

黄承文 字伯敷，号石洞。以父绾恩，荫南京通政司经历，升知府。丿

谢天纵 以高祖铎恩，补监生，授吏目。随征苗，以功擢通判。丿

张光烈 新河人。父元勋生四子：光烈荫锦衣千户，历指挥、同知；光显、光祖、光荣并荫海门指挥使。孙二：胜、奉，俱海门

卫金事。ㄱ

国朝 许国鹏 以六世祖鸿儒恩，补袭恩骑尉世职。嘉庆九年三月行学，准改文生。ㄱ

校注ㄱ

[一]戴秉志 按《嘉靖志》“志”作“智”。ㄱ

[二]癸亥 原文作“壬寅”。景定无壬寅年。据《宋史》，贾似道议行公田在景定四年癸亥，据改。

[三]制属 制置司属官。ㄱ

[四]起潜三子 “潜”原文作“滨”。据《嘉靖志》：仁棐、仁集为仁桀之弟，仁本为仁桀从兄。又按上文，仁本为起滨子，仁桀、仁棐为起潜子；下文仁桀为仁集之兄。则仁集应是起潜三子，非起滨三子，今改。

[五]仁集子宗焯 按：本卷《乡科》称宗焯为仁本第三子，《荫叙》称宗焯“以父仁本恩”授官。此称“仁集子”，未知孰是。ㄱ

[六]至正间 王舟瑶校：“《三台诗录》作‘至元间’。”按：《三台诗录》系戚学标纂。ㄱ

[七]释宗泐 “泐”原文作“勒”，今改。ㄱ

[八]鹤书 一种书体，古时征辟贤士的诏书用此体。ㄱ

[九]平乡 指太平县。王舟瑶批云：“称太平为‘平乡’，未妥。此沿明人之陋。”

[一〇]叶水心言 按叶适《宣教郎夏公墓志铭》：“黄岩……多异材，然自隋、唐设进士诸科，而其地寂寥湮没，无以名称者。宋兴且百年，始一见，又百年，始再见，又或始二人，或越数举，积而至于君，然后始赢十人。呜呼，何其少而难也。”（见《水心集》）按：夏庭简，庆元五年进士。据《赤城志》，是年黄岩中进士者十人。ㄱ

[一一]甲戌 原文作“癸酉”，今改。ㄱ

[一二]癸未 原文作“己卯”，今改。丿

[一三]徐寿辉 “寿”原文作“筹”，今改。丿

[一四]名避 按师观名颀，因避嘉庆帝颀琰名，而作者撰此书时正是嘉庆年间，不得称讳，故书“避”字。

[一五]叶良佩 以下王舟瑶校补进士一人：“《玉环厅志》：陈亶，璋从弟，嘉靖癸未进士。学问淹博，官至御史，弹劾不避权贵，直声播天下。”丿

[一六]轩歧术 即医术。轩，黄帝轩辕氏；歧（通“岐”），医家始祖岐伯。丿

[一七]丙午 原文作“丙子”，今改。丿

[一八]六 原文作“五”，今改。丿

[一九]九 原文作“八”，今改。丿

[二〇]十二 原文作“十一”，今改。丿

[二一]张甫，枫林人 王舟瑶注：“《浙江通志》：温州人。亦见《永嘉志》。《玉环志》作枫林人。”丿

[二二]丙午 原文作“丙子”，今改。丿

[二三]北闱 顺天（今北京）乡试，通称北闱。丿

[二四]五 原文作“四”，今改。丿

[二五]十一 原作“十”，今改。丿

[二六]叶良佩 以上王舟瑶补：“《温州府志》：陈猷，璋之子，正德丙子举人。《玉环志》：著有《困学集》行世。省、府志作《田学集》。”按：陈猷，见上陈璋条。丿

[二七]嘉靖 原文作“嘉庆”，今改。丿

[二八]徙郡城 按：李梦云系寄籍临海中式，故科目载《临海志》。丿

[二九]大佑弟 王舟瑶校：“《康熙志》作（大佑）从弟，府志作仲弟。”今据大佑父赵相墓志，大伦确为大佑仲弟。丿

[三〇]任可受 王舟瑶校：“《浙江通志》列崇祯十二年己卯科，《康熙太平志》、府志同。此列丁卯科，误。”丿

[三一] 朱元胤 原文“朱元育”。《康熙志》：“原名避东宫讳，故删其两傍，曰‘育’。”按：东宫即雍正帝胤禛。今回改。ㄩ

[三二] 字 原脱，据文意补。ㄩ

[三三] 天启间贡 王舟瑶校：“狄来王，《三台诗录》作崇禎间选贡。”ㄩ

[三四] 林澄字如渊 王舟瑶校：“《三台诗录》作林仕澄，字从渊。”按：《嘉靖志》作林澄，字从渊。

[三五] 癸丑 原作“癸酉”。《康熙志》：叶传，宣德八年贡。按：八年是癸丑，非癸酉，今改。ㄩ

[三六] 字循道 “循”原文作“遁”。王舟瑶校：“《康熙志》作循，《戚志》原刻本同。”从改。ㄩ

[三七] 金魁 原文作“金核”。王舟瑶校：“康熙府、县志作金魁。”按：《嘉靖志》亦作金魁。从改。ㄩ

[三八] 张积 王舟瑶注：“《玉环志》：克用子。学有根底，为文迥不犹人，诗宗山谷，著有《杏坛诗集》。”

[三九] 林永即寿永 王舟瑶校：“《康熙志》：林寿永，正统己巳贡，宁德训导。”按：《嘉靖志》有林永，无寿永。ㄩ

[四〇] 族子之挺 按《康熙志》“挺”作“珽”。ㄩ

[四一] 嘉靖间贡 《康熙志》：林贡，嘉靖戊戌贡。ㄩ

[四二] 号兑斋 王舟瑶校：“原刻亦作兑斋。《康熙志》作充斋，列万历时赵大荫后。”ㄩ

[四三] 嘉靖间贡 按《康熙志》：邱云鹤，隆庆戊辰选贡。ㄩ

[四四] 朱子光 按《康熙志》列杂选中。ㄩ

[四五] 林大节 王舟瑶校：“《康熙志》入杂选。《知我轩杂说》上有《送林莘田应贡北行序》，称‘隆庆壬申选天下士以贡，莘田与焉’。”ㄩ

[四六] 曹宠 《康熙志》作“嘉靖二年岁贡”。按：《临海县志》亦作嘉靖二年贡，并云字宏惠，惟未载里籍。ㄩ

[四七]邵舜选 王舟瑶注：“《三台诗录》：‘官教授。’” 卍

[四八]蒋大捷 王舟瑶注：“《处州府志》有传。” 卍

[四九]尚理 “尚”原文作“上”。本卷《杂选》许朝倩条：“明佐，字尚理”，据改。 卍

[五十]号充耳 按《康熙志》作“汝瑁，字充珥”。 卍

[五一]邬琛 王舟瑶校：“《台诗续录》作字驿来，拔贡。” 卍

[五二]河洛之学 其说以《周易》卦爻附会人事吉凶，以所论本于《河图》《洛书》，故名。 卍

[五三]景宁训导 王舟瑶注：“《处州府志》：邱梦筠，乾隆十三年署景宁训导。”

[五四]嘉善训导 王舟瑶注：“乾隆廿六年任，见《嘉兴府志》。” 卍

[五五]嘉兴府训导 王舟瑶注：“乾隆五十一年任嘉兴府学训导，见《嘉兴府志》。”

[五六]杨特耸 乾隆五十八年版《泾沔陈氏宗谱》卷一收录杨的《隐东公行状》，落款为乾隆庚子岁进士，与原文所记有矛盾之处。存疑。 卍

[五七]宣和间 原文作“元符间”。方腊在宋徽宗宣和二年秋发动起义，言“元符间”误，今改。 卍

[五八]张吴 张士诚，泰州人，至正十三年起兵，后降元，割据范围南达浙江绍兴，自称吴王。 卍

[五九]张特 按《康熙志》：正德间人。 卍

[六十]陈季龙 按《康熙志》作“陈尚浩”。 卍

[六一]章宗邦 按《康熙志》有“章崇邦，松江县主簿”。 卍

[六二]陈治 王舟瑶注：“以下六人（陈治至林润），《康熙志》列岁贡中，《康熙府志》同。” 卍

[六三]林润 王舟瑶校：“《三台诗录》作恭肃公鸚从子。”按：《嘉靖志》《康熙志》作“鸚从弟”。 卍

- [六四]亮 按《康熙志》：“号君寅，由王府典宝升县丞。” ㄱ
- [六五]进贤 “进”原文作“追”，今改。ㄱ
- [六六]娄廉 按《康熙志》作“娄濂，连城县丞”。ㄱ
- [六七]钟世昭 王舟瑶校：“康熙府、县志列岁贡中。” ㄱ
- [六八]应适 “适”读作 ku ò。ㄱ
- [六九]黎平府经历 以下王舟瑶补：“《三台诗录》弘治朝有‘陈廷见，字仲轩，号慎斋，太平人，淮王府引礼舍人，著有《适情小稿》’。” ㄱ
- [七十]团浦 “浦”原文作“圃”，今改。ㄱ
- [七一]黄承德 王舟瑶校：“久庵尚书家黄岩，其诸子皆黄岩人，今收入太平，非是。《三台诗录》：黄承德，黄岩人。” ㄱ
- [七二]邱国英 王舟瑶校：“《康熙志》列大使中，不言升县尹。且明时无县尹之名，恐系‘丞’字之误。”
- [七三]潘士鼎 王舟瑶校：“《康熙府志》入岁贡中。《三台诗录》：字君调，号玉节，天启间贡。” ㄱ
- [七四]邱必亨 按《康熙志》列县丞中。ㄱ
- [七五]吠龙之警 按《诗经·召南·野有死麕》写男女幽会，有“无使龙也吠”。龙，狗。
- [七六]赐 原文作“试”，据文意改。ㄱ
- [七七]关白 日本平安时代官名。天皇年幼时太政大臣主持政事称摄政，天皇成年亲政后改称关白。此处代指日本。ㄱ
- [七八]天启八年戊辰 按天启止七年，戊辰为崇祯元年。ㄱ
- [七九]三十六 王舟瑶校：“‘六’，据原刻本补。” ㄱ
- [八十]松门城 “城”字原脱，今补
- [八一]庄浪卫 “浪”原文作“郎”，今改。ㄱ
- [八二]成都府 “成”原文作“城”，今改。ㄱ
- [八三]戴宪宗 王舟瑶注：“字良高，号云峰，竹冈人。《玉环厅志》有传。”

[八四]以子 原文倒作“子以”，今乙正。ㄱ

[八五]陈穆 王舟瑶注：“《温州府志》：恩荣坊，在乐清县，为侍郎陈穆、陈恺立。《温州志》：陈恺，璋父，赠刑部侍郎。《康熙太平志》有陈恺，以子璋贵，赠侍郎。”ㄱ

[八六]赵相 以上王舟瑶补：“赵崇贤，广德知州。以孙大佑贵，赠南京刑部尚书。见吴时来《赵大佑行状》。”

[八七]谢叶然 “叶”读作 xi é。

[八八]李懋才 王舟瑶注：“《台诗续录》：字宗望，号绣屏。候选司马，在都见知于仇沧柱学士，里居义声著闻远近，皆呼为屏公而不名。后以子南湖贵，赠知州。”ㄱ

[八九]林薇 王舟瑶校：“《三台诗录》作林保薇。”ㄱ

嘉庆太平县志卷之十一上

人物志 一

寓 贤

自古流寓诸贤，虽非其地之人，类皆于里党有薰德善良之助，或因留家以长其子孙，是又人物之所自出，与仕此者同有造于我土也。黄岩三贤祠祀叶适，其中流风遗韵，偶至者思之不置，况其居之久者哉！^卅

五代 林 勋 以盐铁使转督台州军事，遂由闽之长溪徙家邑之半岭，即今横溪、团浦诸林之初祖。^卅

黄 绪 先闽人，为昭武镇都监使。会王审知死，诸子争立，朱文进构乱，不欲仕。开运元年，与从兄校理郎理、弟统浮海而北。理居湖没，后徙大闽，统居黄岙，后徙塘洋，惟绪居洞山，以忠厚立家，传世历久益繁。《叶志》谓：“种德者求用于百年之后，若黄都监其人已！”《郡志》列《征辟》。^卅

郑 偃 字武卿，号恂斋。唐末举进士，亦避朱文进乱，与弟修同至台。偃居泽库，子孙代有仕宦。修别居仙居。^卅

赵征明 字元昭，柯山人。石晋时官福州司户，遭王延政、李仁达之乱，尽室航海至大坞，喜其山川隐僻，遂留止不去。^卅

刘 炎 原名避，河中人，唐节度使沔之孙。父柟，福建招讨使，

尝从讨董昌，卒于会稽。钱氏据杭州，闻炎才，辟为指挥使。见藩镇专恣，不乐仕进，避地台南之唐岭，改姓金。水洋金氏其后也。卍

戴良镒 号晋泉。父文明，世居泉州蛙湖里。及晋泉，善诗文，耽游。一日舟行海滨，遇飓风大作，泊邑之盘马岸侧，见异人，又梦神示所居地，遂舍于南塘。折节下士，时周人急。闽人黄子亢、郡人徐经臣、黄朝宗皆与论交。尝入郡借书，有“骑驴到郡郭，冒雪渡溪桥”之句。郡守毕仁叟、通府夏子乔为之绘图。子鸿，监徽州酒税；蒙，丹徒令。惟孙上舍博、宣教郎夔随侍。晚境益恬，咸谓得天之佑。林处士逋为之传。

宋 陶 榘 先世居涿郡。尝为台州司户参军，遂家邑之赵岙，为宗仪之始祖。今其地犹呼陶夏，盖子孙避讳去“木”为“夏”云。江阴孙大雅《南村先生传》：宋皇祐间，有陶太和者家此，官里溪巡检。疑太和即榘之号。另详《杂志》。卍

陈良弼 字希说，祥符人。用父绎恩补内黄门，事徽宗，累迁皇城使，提举中大一宫。宣和五年，进提举京城，增修城濠。靖康初，往来金营议和。高宗即位，奔赴行在，除宝庆军承宣使。寻致仕，买舟顺流而下，抵邑境居焉。绍兴九年，召拜内侍都知，无何，复致仕。卒，赠保信军节度使，谥忠简，葬庆恩寺东。石碑尚存。卍

于 恕 字忠甫，诸城人。绍兴中，以父定远为州判官，因寓居邑之桃溪。中特科，历官靖安尉、昌国主簿。恕少受学于母舅张九成，九成谪岭表，恕裹粮从之。汪应辰、樊光远皆折辈行与之交。尤豪于诗，有文集数十卷。卍

陈 远 字宏达，本闽人。绍兴进士，官祠部员外，以悻直谪台州校。先五季时，远祖名鳌者避乱邑之锦屏，卒葬石莲岩下。至是，迹其祖旧居地卜筑焉。弟评事迹访兄，亦来家。

王十朋 号龟龄，永嘉人。传详《宋史》。尝读书花坞，课赵氏子弟，又尝授徒梅溪。邑士多往从之，如余如晦、施良清、郑逊志，

尤所契赏，称为三益友。ㄱ

林 宪 字景思，东鲁奉符人，由吴兴徙天台。中特科，监西岳庙。乾道中，从妻祖贺参政允中寓临海。屡客松山丁少云家，园林景物，题咏殆遍。戴石屏尝从之，讲明诗法。著有《雪巢集》。ㄱ

虞似良 字仲房，余杭人。父授^[1]，建炎初官于台，因寓居邑之横溪。淳熙中，为兵部郎监左藏东库，终成都府路运判官。自号横溪真逸，喜游，慕贺监、乐天风。徐渊子赠诗有“秘书行处有歌钟”之句。诗词清婉，得唐人旨趣。尤工隶书，笔意多宗汉，而仲房更出新意。无一食顷去笔札，卧寐中犹运指作势，衾褥当指处皆裂。晚益奇古，天下重之。世所传阴符经碑、小桃源碑、洗耳碑，皆其笔。有《隶篆韵书》行世。从孙谦，字子益，隶书逼真仲房，时称小虞。ㄱ

叶 适 字正则，永嘉人。淳熙进士，仕终宝谟阁学士。学问经济名盛一时。尝寓黄岩，往来邑温岭之丁氏。名士丁希亮、王汶、蔡仍、戴许等多从之游。与朱子并时，开邑文教，功不可泯也。ㄱ

朱伸之 字太叔。开禧元年特科，湘潭主簿。与子铨自台迁娄江。孙为后峰梁氏后，两姓合为一族。ㄱ

陈仁玉 字德公，号碧栖，仙居人。以白衣召赐进士，官提刑，历侍郎。德祐间，谢太后诏天下州郡降元，仁玉与权知台州事王珪募民死守。兵破，隐邑之石塘，子孙三世不仕元。后更徙金清。明参政绮，其后也。ㄱ

元 陈 高 字子上，温州人。进士，官庆元录事。尝客游南塘。见《不系舟渔集》。ㄱ

李孝光 号五峰，乐清人。诗名重一时，与黄岩陈叔夏数往来唱和。以女孙妻邑叶屿陈元。

明 陆修正 号草屋，吴郡人。善属文。尝寓邑盘马，由台籍计偕京师。为半岭林伯云序其从祖《半山文集》。授徒自给，虽贫而

操益坚。邑名士汤朝宗、谢乾皆敬礼之。卞

章一焯 府志作“一焯”字陟瞻，乐清人，恭毅公纶之后，以明经为湖广耒阳令《林志》作“饶阳”，据《通志》改。致仕。闻李自成破京师，佯狂走平邑，题诗王静学祠曰：“本欲厕身明伦堂，无奈城门谨护防。今幸先生祠在此，正好相邀入帝傍。”遂赴祠前水死。卞

国朝 余煜 字旭贞，会稽人，明天启乙丑殿撰煜之弟，崇祯壬午拔贡。国亡，侨居松门，被遣，始转寓临海。奉大将军贝子命，往谕曾养性^{〔一〕}归正，不屈死。

蒋懋勋 字君化，号云岩，临海人。微时佣于泽库之左胜堂。有勇力，喜自负。每出必使小儿辈呼喝前导，同辈佯奉之，即重任力肩不辞。不十年，以从破台湾功积迁至总兵，世袭三等阿达哈哈番^{〔三〕}。尝用铁耙击贼，军中呼“蒋铁耙”。卞

嘉庆太平县志卷之十一下

人物志 二

仕 进

古今人物，出处二途而已。官职有尊卑，事业有大小，随其自见记之。均之出也，则仕进已该人物之半焉。郡志划仕进于人物外，又或于仕进中分名臣、宦业，嫌门类之多矣。

宋 徐似道 字渊子，号竹隐，上垟人。乾道二年进士。初尉吴江，见知于范成大。转户曹参军，入为太常丞，历中书舍人，直学士院，迁秘书少监，出守郢州，终朝散大夫，提点江西刑狱^{〔四〕}。公韵度清雅，才华敏捷，名重一时。宁宗立皇子洵，公行制词云“爰建神明之胄，以观天地之心”，意味悠长。叶绍翁叹为真学士。平生酷嗜书画，不屑屑于功名。《贵耳集》载其为少监日，朝闻弹疏，坐小舟载菖蒲数盆飘然而去，道间争望若神仙。刘龙洲贺启有云“以载鹤之船载书，移买山之钱买砚”，皆其实事也。然居官所在以廉能称，退闲姓字不通州县，于里社欢洽最甚。杨诚斋品藻中兴以来诗人，公居其一。戴石屏师事之。著有《竹隐文集》。尹

林 鼐 字伯和，珠村人。母梦二龙绕腹，生伯和及弟叔和。父兴祥，业贾，徙黄岩城中东禅巷。伯和登乾道八年进士，授奉化簿。有中贵人将入境，县设杂戏，使摄尉逐百里外，辞曰：“性不耐此，

且略吾地，毋以迓为也。”迁定海丞，郡令受租税，听民自概量，吏不能侵渔。与弟叔和俱受业晦翁之门。家居，晦翁荐修水利，谓其通达谄练，为众所服。起知侯官县，民服其教，终日寂然，庭无讼者。性刚毅，不肯以声色徇上官，即怒，从容待之不少屈。颂声遍民间，欲中以罪，不能也。擢判均州，未行卒。叶水心志其墓。次子仲谋为隆兴司户，有名。卍

蔡 镐 字正之，待时子，世居白山。初入武学，以信义称，司业高之，上其行。及登右榜进士，孝宗识其名曰：“是非戴几先所荐耶？”以格授盐城尉，特改为武学谕。孝宗每语周必大曰：“蔡镐可喜，对朕语皆着实。缓急用之，不辜负人。”未几，自乞从军，孝宗曰：“三衙岂可以阶级待学官？”以诸生故，被劾去。旋召还为博士。枢密院以公能，议使往金贺正旦，金使适来，乃以为馆伴。时以使辞宴，诏改茶酒。又故事，非奉旨，馆伴不过使位上，中官甘弁好异同，公不从，弁潜于上，然卒从公行。又充接送伴使，在道深悉筑瓦梁堰及重筑楚州城之害，力陈其不便，孝宗为罢役。公志在出力为国，会和议既坚，颇、牧之才无所展，遂乞归。朱子为浙东常平使者，议建黄岩诸闸，荐镐才可任。朱去，句龙昌泰继之，镐及郡人谢敷经、支汝绩、陈纬经营其间，所建六闸增三闸，皆一成可永久。父丧毕，再召充贺使，命未至而公已卒，年仅四十九。病革，自书多志已过，勗子弟以孝谨，且曰无求仕进。五子，淑、滂、泽、湛、济。淑知新宁县，有政声。滂见知于叶水心。后人怀建闸之德，立先贤祠堂，祀罗赤城、朱子及句龙昌泰，以公数人配。元林昉有记。蔡由唐季立族白山，十二世迨公始显，自后书业相仍，为名族。明洪武间，经抄没，子孙遂转徙为氓隶。永乐后，仅有一名恕者为村塾师，左图右册，恂恂然犹有先正之遗风云。

刘允济 字全之，新渎人，与兄允迪后先成进士。允迪厚而敏，

官不甚显。允济初为婺州掌教，历太常寺主簿、国子监丞，知南剑州，福建常平提举，转知永嘉军，以中奉大夫提举崇禧观。生平信道执德，终始不变。在南剑州，以民俗多溺女，善诱而严戒之，举^[五]者给粟赈贷，不举者罪之，俗为一变。求罗从彦^[六]后人，为请谥于朝，并进其所作《圣宋遵尧录》。在永嘉，与通判陈子云、知县胡衍道等僚属一心，利兴弊革，远近翕然称治，周纯臣每叹永嘉人有福。卒后，杜清献公范挽诗，有“瓯闽看蔽芾，有泪正难收”之语。子坡孙，溧水主簿。廌

王居安 字资道，家方岩乡。自少见知于刘孝黈。天才英敏，下笔千言。省试第二人，登进士，廷试第三人。授徽州推官。服阕，改江西提刑司干官。使者王厚之厉锋气，人莫敢撓，公遇事有不可，面争不少屈。入为国子博士，首言人主当以知人安民为要。改司农丞，知兴化军，条奏行经界法以均赋役，以废刹田十顷给士人廩膳，擒剧盗。召为秘书丞，转对，论疆场事称旨。迁著作郎兼考功郎。韩侂胄之诛也，公实首赞其决。明日，擢右司谏，极论侂胄奸邪误国，请肆诸市朝以谢天下。右丞相陈自强憊幸朋比，乞追责远窜，以为为臣不忠之戒。初，侂胄欲钳天下口，使不议己，太府丞吕祖俭以直言谪死，布衣吕祖泰亦以直言流远郡，公皆奏请明其冤。劾郭倪、郭僕，窜岭表，天下快之。继兼侍读，又疏言：元凶既歼，正当更化之时，若用人稍误，是一侂胄死，一侂胄复生也。会赵彥逾与楼钥、林大中并召，公言：“钥与大中用，天下苍生之福。彥逾启侂胄专政之谋，汝愚斥死，彥逾之计居多。陛下乃使与二人同列，邪正并用，非所以示趋向于天下也。”疏已具，有微闻者，除目夜下，迁起居郎、崇政殿说书。公为谏官才十八日。既供职，即直前奏曰：“陛下特迁臣柱下史，岂非欲使臣不得言耶！二史得直前奏事，祖宗法也。”遂极论之。又言：“臣为陛下耳目官，谏纸未干，既以忤权要徙他职，

不得其言则去，臣不复留矣。”帝为改容。御史中丞雷孝友论其越职言事，诏夺官，太学诸生有举幡乞留者。四明杨简邂逅于山阴道中，谓“此举吾道增重”。江陵项安世致书云：“左史，人中龙也。”逾年复官，知太平州。入对，帝曰：“有用才也。”权工部侍郎，知隆兴府。已而，盗起郴黑风洞，罗世传为首，势甚张。会江右李元勗之兵亦起，列城皆震。朝廷以公为帅，督战于黄山，大胜之。贼惧，走韶州，势日促。遂命公节制江、池。召土豪问便宜，皆言贼恃险不可破，公曰：“吾自有以破之矣。”会元勗执练木桥贼首李才全至，公厚待才全而赏元勗，众皆感激。罗世传果疑元勗贰己，遂交恶。公语都统制许俊曰：“两虎斗于穴，吾可成卞庄子之功。”已而，世传喉练木桥贼党袭元勗，擒之以献，磔于吉之南门。元勗既诛，世传负功益骄蹇，名效顺而实自保。许俊请班师，公不许，俾因壁固守。居无何，世传果与兄世禄俱叛。公密为方略，遣官兵围之，世传自经死，斩其首以徇，群盗次第平。公之在军中也，赏厚罚明，将吏尽力，始终用计以贼击贼，故兵无伤者。江右尸祝之，刻石纪功。徙镇襄阳，以言事罢，闲居十有一年。嘉定中，与魏了翁同召，迁工部侍郎。时方受宝，举朝皆贺，公入对，首言：“人主畏无难而不畏多难，舆地宝玉之归，盍思当时所以失。”言极切至。居数年，以宝谟阁待制知温州。理宗即位，以敷文阁待制知福州，寻升龙图阁直学士，以大中大夫提举崇福宫。将行，盐盗起宁化，命公专任招捕。募军校刘华、邱锐，授以计，指期约。与摄汀者不合，力辞去。卒，赠少保。《宋史》与李文清宗勉同传，史论曰：“居安宅心空明，待物不贰。”又曰：“扫除群邪，以匡王国，其志壮哉。”自号方岩老圃，有《方岩集》。今从祀乡贤祠。

丁木字子植，丁岙人。父世雄，疏财礼士，一时闻人如东鲁林景思、龙川陈同父并至其家，木因得亲炙，闻议论。又从

叶水心、王诚叟游，故所学具有原本。先补承信郎，干办仪銮司阁门班。登嘉定四年进士，授池州青阳县尹，政称最。建五溪桥，便民来往，创官屋十八楹，收僦值为学徒费，士争弦诵。擢礼部郎、右司谏，转左。直言忤权幸，谪迁澧州通判，有守城捍敌功。家居有园亭之胜，朱子尝寄题焉。四方从学甚众，尊之曰松山先生。著《东屿稿》，其子俨梓以传。从子石，字贯道，号菊山逸民，工诗，与戴石屏友善。ㄱ

叶应辅 字子仪。嘉定间进士，历校书郎、右司谏，知明州，终敷文阁待制。与诸葛希仁并临海王公滋高第弟子，后王子子勉又转师之。王侍郎方岩于同乡后进中，亟称其文可以寿世。先居旧邑，与进士杨似云同巷，杨善草，应辅工行书，时人呼所居为草行巷。继自靖化乡徙镜川。郎中良佩之始祖也。ㄱ

戴 曷 字景明，号东野，石屏从孙。嘉定中发解于州，任赣州法曹参军，又尝为池州某职。其自编《东野农歌》及《农歌续集》，皆宝祐时效官秋浦作。人品清雅，诗律纯正，石屏所谓“不学晚唐体，曾闻大雅音”者也。善画，尝为其族曼卿作《潇湘片景图》，意趣闲逸，笔墨间绝去畛畦之迹。《宋诗钞》谓嘉定己卯登第，误。ㄱ

徐 烈 一作照，字大胜。以父似道荫，授建昌通判。居官清介，尝于治所构一室，有中贵来议借馆，烈曰：“吾构此，为名士觞咏地，岂为若辈设耶！”纵火焚之，投劾归。ㄱ

戴良齐 字彦肃^[7]，泉溪人。嘉熙^[8]二年进士，累官秘书少监，赐爵临海子。景定初，转对，奏祈天永命四事：一曰惩奸，二曰劝贤，三曰保民，四曰理财。已，又进君臣交修之说，言词剀直，帝嘉纳之。以古文名，尤精性理之学，所著有《中说辨妄》、《通鉴前纪》、《曾子遗书》、《论语外书》、《孔子年谱》、《七十子说》。明林公辅《答徐始丰书》曰：“当今经书虽皆完具，而《礼经》独为残缺，加以汉

儒之记有不纯者，乡先哲戴少监尝力为之辨。元草庐吴文正公师之，得其说，于今未大行也。”观此，则其学源委可见。今从祀乡贤祠。从子应发、应雷，皆为显官。卍

毛鼎新 字新甫，丹崖人。敏悟强记，文好班、马，诗学陶、韦，醉墨淋漓，生平以此为乐。登淳祐间进士第。居官精密，所至有能名。初尉西安，有囚归自郡狱，折胁死，以诬里正初捕时毆折。新甫计其距初捕已十六日，实则出狱而监守者毆折之，遂雪其冤。有争折膊而易骨蒸验者，骨之大小长短同，众莫能决，新甫秤其所易骨较重一钱，狱遂定。尝掇龙游，有诉相窖者，词至再三不受，贪守无得以为闾里灾。继任常平司从事，其长欲献羨馀四十万，力争，以置社仓惠民。无锡县有献缺役田入和靖书堂者，又力争，役不得废。其切切救民多类此。咸淳丁卯自浙西幕府召入史馆，明年与礼部试，有忌者，遂罢去。辛未春再召入馆，又为忌者所阻。未几，以疾卒于家。新甫文章吏治声誉甚都。自县尉，历兴国军教授、浙西提举茶盐司准遣、改常平司准遣、临安府教授，除史馆检阅，主管华州西岳庙，再除史馆校勘，已駸駸向用，而以忌者，卒不得大展其才，惜哉！详四明黄震《毛奉议墓志铭》。卍

陈宗 字正学，一云字正夫，前陈人，坚之子。理宗宝祐四年，侍御史丁大全既逐丞相董槐，益恣横用事。时宗为太学生，与黄镛、陈宜中、林则祖、曾唯、刘黻上书攻之，大全怒，嗾御史吴衍劾之，削籍编管远州，时号六君子。后起废，官治中。又以甲辰岁史嵩之起复，与刘黻倡为期之论^[九]。时相好名笼络，悉掇巍科，致通显，而宗不善取容，罢，且先死。其后宜中误国，曾、黄辈相继降元，时人有“开庆六君子，至元三搭头”之语，盖六人中，始终完名节者，刘黻与宗而已。卍

王甸 字伯俊，侍郎居安从子。景定中，为桂阳军判官。敌人邕、

宜、衡、永，势不支，桂阳且无城守，州守弃官匿山中，军民惊乱。伯俊微知守所，力挽出视事，立木城，除戎器，谕众曰：“若有叵测，吾当与汝共死！”敌闻风不敢至。果断有居安风。尸

赵宗斌 字叔宪，乌根人，有材略。景定间游江湖，守襄阳吕文焕奇之，妻以兄女。补忠翊将军。忠愤之气尝见词色，称江南正将。襄阳援绝，吕议以城降，宗斌阻不从，遁去，隐迹澧州，寄诗家中云：“落落桐花一倍寒，客衣犹未卸重绵；多情海燕频来往，第一无情是杜鹃。”尸

戴觉民 字希尹，南塘人。景定三年进士，授两浙添差干官，转国史检阅、浙西提举，除礼部郎中兼军器大监。厄于贾师宪，不得有所建白。德祐元年，以直秘阁权知平江府，召赴行在。旋辞归。觉民精治史传，风雅倾一时。尝于当涂刻《李白集》，后之考白事者据焉。

郑 瀛 字子仙，泽庠人。弱冠入太学，五上书论事，以直闻于时，朝廷不果用，志不少衰。客游海陵，馆孙烛湖应时署。孙尝尉黄岩，其旧好也，有“书生今独忧当世，末路人谁识此翁”之赠。以贫，谋少田官。绍熙元年特奏名^[-〇]，授监南岳庙。尸

林应丑 字子寅，乔年之侄。咸淳三年发解，历官兵部员外郎。上疏攻贾似道，引病归。

郑 溱 字秦叔，世居泽庠。受经于吴直轩，一时名士若郭右史磊卿、陈提荆仁玉皆与之游。杜清猷范提荆浙东，以书召溱，配以侄女。用杜、郭交荐，授节干职。旋谢归。次子庭实，号时隐，始迁新建。性夷旷，尝补永宁仓使。尸

王 诜 字邦正，天黄人。咸淳癸酉以明经荐授行人，历广东提举常平兼茶盐使。以不肯发同官私，忤时宰贾，谪监军储仓。家居有学行，同郡周博士本心、杨应奉仲礼尝从之游，为元代名士。

卒后国子博士谢端为志墓。卍

元 林 昉 字仲昉，号晓庵，又号旦翁，半岭人。尝与同族雪村、勿斋俱举于乡。宋亡，与吴大有、仇远、白斑等六七人遨游湖海，诗酒相娱，时以比竹林七贤。至元间荐起为国史检阅。善属文，尤深经学，尝作《谷梁论》辨震雷月食等说，陆修正谓可羽翼经传。宋学士濂爱其《乳柑记》行文绝类西汉。著有《丹邱小稿》、《半山文集》、《田间书》。卍

钟 铭 字德新，号警盘，泽库人。潜心理学。至元壬辰召试元和殿优等，授兴化儒学正。用参政房公荐，擢福建副提举。罢去，再起为淮西副提举。所至有治声。以疾卒于官。门人枢密院都事范邦佐志其墓，以为官历三任，年逾七十，而居无高门，野无良田，其清节洵足尚也。卍

邱世良 字子正，世为台名族。祖璫，以河东经制副使徙钱塘。父岳，尝参赵范军，力阻无端开边衅，卒有李伯渊、崔立之事，人服其先见。世良幼颖悟，书过目辄解。父丧，奉母以居，日益贫，往来台、杭间教授生徒。经、传、子、史，百家之言，靡不搜究。元初，用荐为海盐州学正，复学田千馀亩。秩满，除杭州路教授，既代，授庆元路总管府知事。所定文牒，吏不敢舞文法为奸。仕终松江路治中。著有《梯云集》及《随笔》六卷。《杭州府志》谓其父璫，误。卍

盛象翁 字景则，三坑人，宋御史鹰扬孙，戴大监觉民甥也。少读书有异禀，从车玉峰、黄寿云游。二先生并邃于《易》，车主明象，黄专晰理，公会而通之，著《易学直指本原》，溪南应氏谓其有功学者。荐起，官平阳学正，迁汀州路教授，儒官得以其所学教。聘典江浙行省试。江阴陆文圭子方为时宿学，宋咸淳间以《春秋》中乡选，久不出，延祐设科，有司强起之，为文融串经传，纵横奇变，莫测

其涯际，独公一见识之。仕终昌国判。所居与圣水山近，学者尊曰圣泉先生。今从祀乡贤祠。卍■

陶煜 字明元，号白云漫士，故居在赵岙，又号赵岙山人。幼事元武神甚谨。母病心痛，积精祈祷感神，遣天医化二童子来治而愈。比长，从乡先生周仁荣游，学有本末。试吏兰溪，升补江阴州，辨屠人杀奸之狱，白丞相府爪牙虐民事。以年劳，除杭州东北隅录事。省宣使畏吾人伯不华，以小妻故剗刃其妻不死，遂并所生女十岁一室囚之。婢引女诉冤，录长不受词，煜曰：“此婢去，母女二人俱死矣！”遂受词理之，省宣使坐黜。历弋阳及归安尹。湖州陷于寇，为主兵画策收复。调上虞。卒于越州都昌坊寓舍。详《张思廉集》及朱编修右所为传。卍

陶复初 字明本，别号介轩老人，明元弟。官台州儒学教授。博通群籍，多材艺。小篆师徐、张，古隶师钟、梁，图绘专师李蘅邱父子。作墨竹及著色山水，皆入神品。子宗暹，一名文昭，字晋生，官浙江儒学提举，书画并擅一时。一云复初官乐清县尹，宗暹官秘书监簿。卍

毛南翰 字仪仲，《四朝诗》作毛翰，字彝仲，丹崖人。父亨早卒，育于祖母郑。少力学不辍。科举既废，挟册游吴中，士夫争延接。参政苏暨江浙行省^{〔一〕}左丞某奉命平饶、信贼，南翰献《凯旋赋》二首，二公奇之，留麾下，权理问，征行幕史掌计。在军，尽交前御史刘师鲁、周太史暉诸前辈。时虽多事，意致恬如。在饶城客舍，书一篋、酒一壶而已。有获贼数人遗之令请功者，笑曰：“吾书生不知战，而掠他人所获以为功，将谁欺？”晚多在四明，当事者辟为鄞山书院山长。时无为吴主一、会稽胡舜咨、永嘉柴养吾、魏郡边鲁生辈，后先寄迹于鄞，或赋诗，或作文，或论书法，各逞所长，常推彝仲为祭酒。词章翰墨人争得之。

戴璿 字文玠，南塘人，后迁温岭。登泰定元年进士，由宗正主簿历江西省参知检校，改正丞，进翰林待制、奎章阁学士。有文名，与杨铁崖、柯丹邱及方外张伯雨结诗社。卒葬对嘴山，杨铁崖志其墓。尸

王毅 字伯宏，号松岩，天黄人，诜之孙。伯兄均金尝由文学登仕籍，妙达象纬，以天文火星守三台，决台郡有兵，已而果然。毅博学，亦长风角。一日与达兼善避暑荷亭，见少女风起树上，曰：“大水至矣。”顷之，雨如注，连日不止，几至沉灶。至治间，荐授福州教授，迁徽州路蒙古学正，旋谢归。子遵道，有隐德，世称“南柯先生”。尸

谢雄 字伯英，伯逊族。试吏宁海。迁延平，再调处州宪府司募。方氏踞有庆元，谢去，遍游诸名山。郭饶阳有赠诗。尸

盛侍道 字希曾，圣泉孙。注《易学直指本源》，发明祖学。中台李献荐授婺州路兰溪学正。尸

郭秉心 字公葵，号谔轩，南监人。少负才气，积学纘言，笃志不倦。精研河洛卦范之原，无极性命之蕴。元统乙亥贡有司，而罢举之令适下，侨居钱塘。凡天文秘奥、疆域图籍、家国庆兴之故，史记传志、诸子百家之言，无不遍究。暇则肆情山水，吟咏陶写。著有《谔轩集》。翰林承旨张蜕庵评其文高古整密，诗雅趣绝俗，有风人深致。进士唐肃叹其诗清若玄酒，雅若朱丝，时以为知言。至正间用荐授翰林编修。明初，以故官例徙临濠。卒，遗诗三百八十馀首，其友柴季通铨次手钞也。尸

潘从善 字择可，世居小泉村。宋时有评事永年、秘教起予，皆其先也。至正九年文允中榜进士。累官承直郎同知制诰^{〔一〕}兼国史编修，终福建儒学提举。工古诗文，善小楷书，名重士林。著有《松溪集》。明初尝被迁谪，携犀盞银瓢为屣屐资，已宥还，故物仍完。

林铭可为诗以贺。年最寿，家居为绅士领袖。《逊志斋集》有《与潘择可先生书》，盖与方正学为父执也。ㄱ

郑仁光 字炜明，新建人。至正中，以勇略荐，授武德将军。偕行省中书刘仁本省运，由海道入都廷见，擢处州路治中。会绛巾山贼未平，松阳诸处骚扰，集义旅数千讨平之。为处州守令所忌，欲甜贼害之，恐为所陷，谢病归。ㄱ

赵师闻 字彦冲，号疏斋，乌根人。祖文藻，进士。父贲孙，筑延绿书院，延曹新山、潘省中主讲席，世称东坞先生。师闻大家子，有才略。方氏起海上，欲招致不从。为什伍法团乡兵，保境自固。窥敌渐炽，走杭州，谒马总制，为画收捕策，马荐为海道万户。其弟嗣翁，数获寇，授折墟巡检，调永嘉县尉，为贼所惮。为人锋锷峭厉，师闻尝戒之，卒为人倾陷，罢归。师闻家亦旋遭寇毁。国珍既降明，始归理旧业，筑西庄。复为丁氏讼事词连被逮，行至天台而卒，年八十馀矣。墓在隘岭之原，乐清赵布政新为志铭。ㄱ

明 李时可 温岭人。元季尝与潘伯修同避兵柔川。洪武初，举教官。三年，入觐奉天门。适太史奏文星见，上亲擢十八人俱为监察御史，诣武楼下，赐冠带，吉水王子启诗所谓“圣主亲除十八人”是也，时可亦与焉。未几，出知偃师县，治声甚著。布政使赵新、饶阳令郭櫜皆其所汲引，时称知人。ㄱ

何明远 字文仪，号愚斋，泉溪人。通《春秋》。元末两征不起。洪武初，郡县交辟，召对御边安民策，称旨，授浙江市舶提举。身在利藪，于商民一无所侵渔。未几，引疾归，四明人议为立祠。里居无儋石之储。讲学论道，后进化之。所著有《愚斋稿》。子及，以诗名。

丁文升 字子高，木之后。历官兵部侍郎。《广东通志》：“文升以文学举。洪武四年任广东佥事，端慤廉介。时民讼多不情，文升

建亭署左，榜曰‘三思’，有讼者令造亭下坐思之，由是讼日少，至今美之。”文升两子：渊、河阳，并居广东，盖先人遗德所在。又按，林原绮有《怀丁香舫先生》诗，雪舫，文升号。其为侍郎，皆当在明初，旧志入元代甲科，误。卍

郭 櫟 字德茂，号畅轩。其先仙居人，提举晞宗后。提举生正肃公磊卿，从朱子游，与方山、南湖二杜公友。从子勉中，得诸家庭师友间，学有原委，其子友直，孙敏夫，咸以儒世其家。公，敏夫子也，从世父宽夫徙邑温岭之松山里。少勤问学，比壮，特有所悟。其涵养专用静中工夫，燕居衣冠危坐终日。邑士从游，教以先收放心，心收方见吾道端倪，即圣贤言语皆有归著。又曰学者不怨忿室欲，则自家都坏了，此是大切要处。父没，兵荒不克葬，茹素抱戚者十馀年，葬已始破颜。母杜氏患末疾，衣不解带，亲为浣涤，手指烂成疹，终不以人代。洪武初，御史李时可荐授饶阳知县。县隶真定之晋州，赋役繁重，为设法均平。上官有非所令，必力争。满一考入京，以从兄事波及，免归。逻者于道搜篋中，惟所著《易说杂评》、《畅轩稿》数十卷及爪发一束。以闻，明祖嘉叹，赐纱幘、银带、宝钞旌之。既归，号台南兀者。年六十二卒，门人私谥贞成先生。从祀乡贤。卍

陈铿翁 字太希，号石门，虞岙人。其学得之祝进士蕃远，并尝从桐屿於相游，二人皆出车玉峰之门，实渊源朱晦翁，故邃极于理。所为文皆切实，及门甚众。明初，由荐授平阳教谕。晚以非罪遭籍没，乏嗣，人皆冤之。所著有《石门集》。其故址距邵少卿誠所居不远，至今呼陈岙。卍

余尚则 名郁，以字行，号讷斋。天性孝友，其父永瑀尝避方氏聘，徙居邑南建山，尚则裼蹶扶持，克尽色养。少聪颖绝伦，博通经籍，尤长《春秋》。洪武九年，以选贡第一人入太学肄业，授河东盐运副使。奏正盐法，忤旨，谪岳州经历。与林公辅、方孝孺、卢原质为友，

以文学名当世。其诗酷类晋、唐人，所著有《蛙吟稿》。从子启，字元明，幼失怙，事母郑尽孝。孙司马原贞为题《寿萱图》。ㄱ

陈子显 字大名，别号太昊，前陈人。父万伯以事累，卒于杭，子显扶柩归，重不可行，因宿于庙，祝曰：“子显力殫资尽，愿父轻而易举。”及旦，柩果轻，其下获钞十锭，盖神锡之也。既葬，庐墓侧泣血三年。洪武十六年，以孝廉征，遁于临海之椒江。再以明经荐，策试，于卷末自书“廉谨”字。授丰城知县，罢归。用学士刘三吾荐，起补湖广茶陵县。与岷府长史张孚为道义交，孚为作《苍岭云房赋》。卒年七十六，葬扁屿。宣德间，地为大姓宅所侵，改葬山北小屿石壁。ㄱ

赵起潜 原名文昂，号金陵，迂江人。本泾岙陈氏，先世为迂江赵松泉后，从其姓。洪武间，起潜膺选，廷试第九名，拜监察御史，按部岭海有声。寻以累谪儋州，矢节不改，读书不入城市，儋人敬之。见《广东通志》。ㄱ

许伯旅 字廷慎，号介石，泉溪人。洪武初，由选贡授官刑部给事中。在凤阳日读杜诗，忽悟曰：“古人之高乃在于是。”遂尽焚所作，昼夜诵想，至忘寝食。一日呼童子研墨甚急，大书所作《感兴》诸篇。时江西刘子宪方以诗自负，见之叹曰：“是子且来逼人矣。”其论诗谓：“上士得法之意，下士得法之句；吾诗意之所至，词必与俱，固未尝囿乎法，亦未尝废乎法也。”徐子元论明初诗，以为“廷慎若天台、雁荡雄踞东南，小杜之称，岂容多让。”所传有《介石稿》。ㄱ

郑 潞 字起深，閩中后。洪武中，以经明行修举为乐清训导。倡明道学，严立条教，学者竞劝。性简易俭约，家日益贫，而操日益坚。与同官鲍原弘以道义相师友，俱为东甌人所敬信。著有《正直斋稿》。见《乐清县志》。ㄱ

鲍原弘 名仁济，以字行，号恕庵，德贤子。为陈石门铿翁高第弟子，石门爱其才，以女孙妻之。平日以淹博闻，为文雄健精密，

一主于理。洪武二十三年以明经举，授乐清训导。善淑人，诸生来问难，为从容讲解，务通其旨。与朱希晦、赵新相唱和，称“雁山三老”。永乐间，升伊府纪善，进治国要道十二章。遇事辄面争，不少隐，王衔之，欲坐以他事。原弘遂白之朝，伊庶人获罪，得无及。尝痛其师石门冤，且乏嗣，为文招魂，祀于家之别馆，俾妻陈氏主之终其身，论者与之。兄原谦，名仁牧，号受益，得诗法于释禹迪。尝谓：“仁济与诸名士角胜词场，森立戈矛，坚阵待敌，虽常捷，终费周防。吾即以赤棒掙人，人自侧避。”仁济笑而然之。卍

李存仁 字新民，号慕韶，长屿人。尝为三都千长。赴温州盘石兑粮，道拾遗金，有妇人狂哭欲投河，存仁诘其由，倾囊还之，亦不告以姓名。永乐间，以贤良荐，授沛县知县，寻改新喻。廉干有机局，初抵任，佯为不知状，逾月，闾里铢两之奸悉知之，一时豪右摧抑殆尽，境内大治。民所告讦，判决如流。尝有慢命者，命拘其母，不出，既而拘其妻，即出。怒曰：“慢命事小，彼不忍于其妻而忍于其母，不孝罪大。”杖杀之。其不烦鞫摘而事自理，皆此类。详《江西通志》并习侍读脂所撰行状。卍

李茂弘 字用受，号存省。本林姓，乔年之后，以曾大父天麟后其舅氏李，遂从其姓。登永乐乙未进士，授刑部主事。勘狱闽藩，时称其有为有守。已而，擢考功员外郎，冰檠之操，始终如一。辅臣欲荐居禁近，或谓用受语言多南音，不宜近侍，乃止。已而，当道交章论荐，尤为三杨学士所重。年六十即乞归。土木之变，李文达贤谓人曰：“往正统间，李茂弘先生尝言：‘君臣之情不通，经筵进讲不过粉饰太平气象，未必可久。’官满即引疾去。乃今其言果验，智者见于未然，先生有焉。”又曰“茂弘为人恬淡少许可，与人不苟合，而疾恶之心太胜，以故未至卿佐”云。卍

郑弘范^{〔一三〕} 字贵谟，泉溪人，阳春知县元益子。少年美才，

成永乐乙未^{〔一四〕}进士，授监察御史，出按淮阳。执法无私，豪右屏息，人比之范孟博。中飞语，谪知云南阿迷州。在官，民畏而爱之。见《云南名宦录》。卍

林 纯 字居粹，号凌云，应雷之后，侍郎鸚父也。由永乐乡科授湖口训导。淬厉风节，得士子心。卒于官，诸生立祠祀之。见《明一统志》。卍

林 芊 字从嘉^{〔一五〕}，号存心，纯之族。贡入礼部试第一，历事翰林预纂修。举永乐十五年顺天乡试第七，会试乙榜，赐冠带，仍预修史。擢承直郎刑部主事，升员外。尚书郭震以廉能荐，出为南安知府。练达政务，裁决如流，刑无滥及。政暇从容词翰。卒于官，民哀思不已。见《明一统志》。卍

李 匡 字存翼，号肃斋，长屿人。宣德丁未进士，授太常寺博士。选御史，弹劾无所避。奉敕录囚陕右，减殊死数百人，民以无冤。寻按江右，首揆杨公^{〔一六〕}子稷持势暴横，公已至太和访得之，诉者至，按治如律，纤毫无所假，民大称快，首揆后亦愧谢之。调四川兵备副使，平播州蛮乱。擢佥都御史，巡抚四川，许便宜行事。是年叙州蛮叛，复讨平之。罢归且十年，宣府独石有警，英宗乃起公巡视宣、大，陛辞，赐宝钞以行。至则奏增堡寨、广墩台，复屯种，备御有方，寇不敢越边墙。朝廷降玺书褒美，赐白金文绮。以老致仕。初，公卸四川副使篆，接任者即其婿黄岩高瑛，面授方略，瑛亦平松茂剧贼刘崇虎等。翁婿前后同有大功于川。卍

林 璧 字贵璧，号无逸，耕民孙。宣德丙辰登进士，拜精膳司主事。出使广东，有司以土物致馈，一无所受。已而，以裁减官员免，还家。两聘主江右文衡，称得人，彭文宪时其所取士也。又明年，调祠祭司主事，以廉著声。擢南京考功郎中，考核庶官，一以至公。未及引年即谢事去，士林尚之。公尝从族父良斋及乡先生程完、陈

璲受业，学有渊源，为诗文有理致，士子多从之游。自号无逸先生。有《一枝集》、《北游稿》。

黄彦俊 字昌瑜^{〔一七〕}，号慎斋，尚斌子。登进士第。寻使广西赏赉将士，人心悦服。拜职方主事，清理军籍，无所私。会讨麓川，尚书邝野荐，持节四川^{〔一八〕}，简兵数万人，皆精锐，卒赖以成功。所历名胜遍题咏，归示所知曰：“吾行西蜀，所得若是，可不谓富乎？”陈相国循称其为诗文“成之不难，然非沈思终日，痛有所削，不足以满其意，宜其传之久也”。笃于友谊，给事中徐易道病卒，为治棺殓，见其首屈，手正之。触秽气得疾，将革，叹曰：“修短有命，恨无以报吾亲耳。”盖京官未滿九年，父母不得请封典，公尝以为憾。卅

陈 钝 字斯钝，号寿斋，竹冈人，乐清籍，分县后属太境。以孝闻。起家甲科，官行人，历使远藩。至朝鲜，世子亲馈，毫无所受，凡再进再却，且谕以诗，有“天使非关贿赂来”之句，朝鲜人相顾动色。进文选郎中，旋乞休。有《全归集》。卅

林 昂 字居赉，号自怡。与从弟璧同领宣德己酉乡荐，会试乙榜，授海州学正。尝以《尚书》授生徒，同乡若主事章暵、佾事徐彬、长史鲍刚，在越若侍郎俞铎、解元章以占，皆其高足。新昌人祀之，称“寓贤自怡林先生”。卅

李 谟 字居定，号切庵，茂弘子，复姓林。正统辛酉本省中式，次年会试副榜，授苏州训导。自律甚严，诸生以贽谒者，一无所受。吴江莫铉取古画《时苗留犊图》，乞尚书杨翥题其上以赠，谟曰：“此使我为市名矣！”录诗而反其画。论者谓其清介有父风。景泰间，尝内召，会丁外艰，归卒。见《苏州名宦录》及门人吴文定宽所撰墓志。卅

林 鸮 字一鸮，号畏斋，北山人。景泰辛未进士，拜监察御史。言事之臣，率摺摭细琐，或过其实，公独持大体，言必当实。掌院萧公举看详奏牍，士论重焉。丙子监京闈试，被诬劾，与林挺皆逮讯，

复验得白。英宗复辟，诏选良二千石，以公知镇江府。至郡，举偏补弊，与民更始。漕使以孟渚河多险，欲别开七里港，引金山上流通丹阳避之，巡抚崔恭是其议。公以七里港接故河几四十里，坏民田庐坟墓无算，且并山石多，功难成；接七里港东有京口闸、甘露坝，皆漕河遗迹，浚而通之，抵故河便。崔以其言疏于朝，竟从公。调繁苏州。苏故健讼，公曰：“囹圄之设正为此辈！”乃故淹之不为理，久而讼简，民亦革心。于是诣学宫，进诸生讲业校文，府庭肃静，若无事者。御史李昺行部至，迎诸郭门，不跪，李颇衔之。或谓李：林某非俗吏也，第善遇之。成化初，迁江西按察使。有犯大辟赂达官求生者，公屹不为动。广右盗起，流劫赣之龙、南、信、丰，势张甚，亲督兵兼程往剿，寇闻遁去。广信民有妄传妖神者，立置其首于法，妖遂息。访陆象山、虞雍公诸贤后，命有司存恤，进其可教者于学宫，民咸感劝。进右布政，逾年转左。岁饥，奏减恒赋十五万石。召入为南京刑部右侍郎^{〔一九〕}。丁内艰，服阕，改北刑部。持法平，屡与权要者忤，请托路绝。抱疾犹治事。卒年五十四，图籍外，囊橐萧然。同邑谢文肃、黄文毅典治其丧，同声叹曰：“官至三品，而家无百金之积，产无一亩之增，古所谓居官廉，虽大臣无厚蓄者，公真其人矣。”公貌庄重，眉目秀伟，人望之耸然。平居对妻子无惰容，见小吏必冠带。暇辄危坐阅书史，临帖作楷书。自奉俭薄，事母程氏至孝。母性严，少忤即大怒，常跪请，移时乃已。彭从吾有言：“林侍郎之好礼，其严足尚也。”详具《名臣录》。从祀乡贤。广

谢省 字世修，号愚得，晚号逸老，桃溪人。景泰五年进士。天顺初，授南京车驾司主事，未几，转武选员外郎。成化己丑，出知宝庆府，至则首与神誓，悉推堂食钱为公用，大书真西山四事十害为僚属戒，条民隐十四事请于上，次第罢行之。春秋时行郊野，察民不足，给牛、种，教民妇纺绩。斥淫祠为社学。计郡储可支五

年，选学宫子弟教之府，乡村教之社，皆得以饫食。于公暇，则自诣学正句读，行赏罚。又撮取朱文公家礼，并作《十勿》诗，俾民诵习之，其怙终不率者，一裁以法。至黜县令二人，籍其赃以代民赋，境内肃然。会岷府奏欲徙建宫殿，檄有司议，公执不可，府中人行金，不为动。巡抚、都御史力主之，公乃乞补教职，不许，连乞养病，亦不许，考满，至中途上疏，竟归，时年才五十四。声誉籍甚，当道交章论荐，檄下郡县敦促，竟不赴。公去，而岷藩之议行矣。既归，囊篋萧然，子三人，仅各给田十八亩，顾孜孜祠墓间，率族人作会缙亭。每旦，深衣幅巾，谒祖毕，即与弟子讲学方岩书院，议行乡约。时复同一二布衣登高望远，酌酒赋诗。李文正在朝闻而心服其为人，寄诗为寿。公博通经史，早有诗名，尤深于礼。著有《行礼或问》、《杜诗注解》、《逸老堂净稿》，板行于世。门人谥曰贞肃。从祀乡贤。季子邺，有诗名。卍

李庸 字崇恩，长屿人。以天顺癸未贡太学。授湖南潜江丞，修先圣庙，增置学舍。邑滨江多水灾，堤防俱坏，悉心经画，次第兴筑，复三十六堤之旧，近邑治者曰花封堤，施工尤巨。在任六载，颂声载道，吏部侍郎黎淳称其为治，吏畏其威，民怀其利。以劳卒于官，大学士邱濬为表墓。卍

李璉 字崇信，长屿人。天顺元年进士。历官安乐知州、南京刑部员外、郎中。成化十四年出知肇庆府。学问该洽，胸次豁如，督儒生讲学，躬行畎亩，劳民劝耕。请免太监进取异禽，民甚称快。以刚介获谤去，行李萧然，士论惜之。见《广东省志》。卍

应志和 名律，以字行，号复庵，晚号宜休居士。宋名儒恕之后，父尚惠，徙居邑镜川。家故多资，而从伯尚武贫无子，志和乃以资归兄志卿，而身为从伯后。从伯卒，伯母周老，奉之不异所生。笃意问学，从族父溪南先生尚履游，又登叶拙讷之门，具有师承。永

嘉黄文简一见，遂定为忘年交，声誉日起。提学孙鼎荐为盐城训导，以母老辞。周守旭鉴复以郡学荐，道近，乃奉母同赴官。丁忧，服阕，补兰阳。其县断科第久，志和力振作，士皆知奋，岁有登荐者。洎升鄱阳教谕，兰阳人感其教，为立祠。在鄱阳，益笃风教，寻乞休归，考德问业，门无虚席。年八十四卒。有《复庵存稿》。从祠乡贤。卍

黄孔昭 名曜，以字行，更字世显，号定轩。年十四，遭母金夫人丧，扶柩南归。旋又丁父职方忧，哀毁骨立。登天顺四年进士，授工部屯田主事。屯田号浊曹，公持以正，同僚怨之，嗾恶吏诬奏，事白，誉益起。奉使江南，馈遗一无所受。进都水员外郎。尚书姚夔知其廉，荐调吏部文选郎中。在职奉公守法，不徇情，不市恩。散部适邸舍，未尝脱冠带。客至辄延入，访以人才高下，县道繁简，疏之于册，由是因才授任，罔不称官。数与其长尹旻忤。旻昵通政谈伦，欲用为侍郎，公持不可，伦卒败。又欲推故人为巡抚，公不应，旻谓其人曰：“黄某不离铨曹，汝不能迁也。”先后在文选者，率骤迁改，否亦辄败，惟公考满，人以为难。升右通政。又五年，擢南京工部右侍郎，澡剔宿弊，如恐不及。先是沿江诸郡芦洲咸属工部资营缮，率为豪势所僭，公稽籍，一归之官，委属员董其入。节量诸费，除借办商贾所逋钱数万缗，民不致荡产。工部主藏者以羨金数千进，斥退之。掘地得古鼎，急命工镌“文庙”二字，送之庙中。俄，中贵欲献诸朝，见镌字而止，人服公之远识。有诏令大臣举堪任方面者，公举知府樊莹及致仕佾事章懋，时称得人。去吏部久，人益思之，以为清正类魏时东曹掾毛玠。在工部，一署尚书事，物论皆望以钧衡。卒时年六十有四。世居邑洞山，后迁旧邑之西。生平嗜学敦行，与谢方石为莫逆交，同辑《赤城集》及《赤城论谏录》。自著有《定轩集》。嘉靖时，追赠礼部尚书，祀乡贤祠。子侑，孙绾，自有传。卍

谢 铎 字鸣治，号方山，更号方石，贞肃侄。天顺己卯中乡

试第二，甲申成进士，选庶常。旋授编修，奉旨校勘《通鉴纲目》。疏言：神宗好《通鉴》，理宗喜《纲目》，而不能推之致治，因劝上亲贤讲学，大本立而万目随。成化丁亥修《英庙实录》成，迁侍讲。每经筵进讲，必尽言无讳。时塞上有警，条上备边事宜，请养兵积粟，收复东胜、河套。又言今之边将无异晚唐债帅^{〔二〇〕}，败则士卒受殃，捷则权豪蒙赏。语皆激切。以家艰归。既免丧，谢病不起。弘治初，台谏荐，征修《宪庙实录》。擢南京国子祭酒，以身为教。疏请增杨时从祀，而黜吴澄，尚书傅瀚阻之，大学士溥主其议。其他若择师儒、慎科贡、广载籍，诸论列尤多。寻擢礼部右侍郎，管国子祭酒事，力辞不得，乃就职，仍请旨以本官治事。先后在两雍，律己率人，皆严立规约，革六堂班见礼。监故有羨金，尽籍于官，构东西楼，刊经史庀其上。北监庙街湫隘，益市地辟其斜侧，又市庐舍三十馀区为官廨；诸生贫者贍给，死者赙殓，皆羨金，不自私一钱。又请别祀叔梁纥，以曾皙、颜路、孔鲤配，用齐圣^{〔二一〕}不先父食之义。修《历代通鉴纂要》成，乞归疏五六上，始许。正德庚午卒于家，寿七十六，赠礼部尚书，谥文肃。公天资纯粹，动师圣贤，虽列崇阶，自奉如寒素，俸赐分给诸弟侄，置义田书院，构墓庐，以合宗族。其立朝建白，皆依古义，无徇俗希人意。论者谓其德业无让薛文清。林见素尝叹曰：“谢公天下第一流人物也。”今从祀乡贤。生平著述甚多，别详《艺文志》中。

林克贤 字一中，号抑斋。少从李考功茂弘学，与从兄侍郎一鶚相师友。登成化丙戌进士，授刑科主事，转员外郎，升福建按察司僉事。在部尽心狱事，无顾忌，亦不为苛刻。有阮成者，锦衣卫当以大辟，属公议，知其冤，白尚书陆公曰：“固知锦衣权重，然杀人以媚人，某勿为也。”陆悟，卒从未减。寻吏部诬王宗穰以投匿名书罪，宗穰之父渊尝以言官获谴，众曰：“非林员外莫能辨。”遂以属公，卒

得白。其在按察也，尤力振风纪。尝面质闽巡按御史某过，某日伺公隙不得，嗾无赖诬毁公，卒莫之浼。然竟坐是十年不调。两为省闱监试官，御史欲以意黜陟人，公抗执不从，其坚于有守如此。尸

戴 镛 字允大，豪从叔。由举人授六安州学正。敦尚节义，进汪立信于乡贤祠，表俞节妇之墓。未几，以御史荐，升南京国子助教，迁监丞。诸生稍有过失，必面责；有患难困乏，则倾资财助之，深为祭酒章公所重。当道交章论荐，吏部拟迁提学金事，会病卒，舆论惜焉。尸

戴 豪 字师文，温岭人。弱冠中成化丁酉乡试第七名，连登进士。李文正得其卷奇之，以语谢文肃公。及廷试，冢宰尹欲置上第，时相万以文长难奏读，置二甲之三，自是名动京师。授兵部武库主事，迁员外郎。会边报旁午，众务纠纷，豪不动声色，应答如流。本兵马文升特倚重之，诸司奏牍悉委看详，同官服其精敏。公退，虽甚疲，手不释卷。家人以日用不足告，辄麾去，曰：“称贷之，无乱吾志。”寻升广东右参政，益殚志虑，思有以救弊拯困。未几疾卒，年止三十六。赴官之夕，其父见有大星坠于水，故居草木皆有悴色，盖兆先见云。所著有《赘言录》，又与从弟师观有《二戴小简》。今从祀乡贤。尸

陈 绮 字于章，号得闲，金清闸头人，宋提刑仁玉之后。成化戊戌登第，授中书舍人，升工部副郎。抽分芜湖，悉循旧额，于己无所入。大冢宰三原王公谓其行事通敏，持身刻刻以名检为重。升本部都水清吏司郎中，奉命视通州、济宁一带河道。时河决张秋^{〔二〕}，遣内监李兴、平江伯陈锐、副都御史刘大夏前往修治，兴察知公能，欲与山东参政张缙并荐，公耻出内监门，力辞不得，以诚告刘都宪，始得已。天台庞给事泮自京寓书曰：“李内官荐章至，深惧执事在列，今不在，众论黜之。”后出为四川松潘粮储参议。松潘在万山中，番

苗杂处，号难治，公廉明有威，远近慑服，仓中有五年之储。巡抚嘉禾钟公荐公可大任，为同事者所忌，钟去，公亦报罢。既归，萧然一室，惟以书史自适。谢文肃公深敬礼之。尸

应 纪 字茂修，号继休，志和子。成化庚午举人，会试乙榜。授六合教谕，以岁俸共宜休翁家食，身自刻苦，于馈遗一无所受。孳孳勉诸生问学，士民翕然尊信。举摄县事半载，平反冤狱，有能声。顷之，聘为福建考试官，所取皆博雅之士。父丧归，满制，改黟县，清修如六合。未几，亦谢病。家贫，授徒自给。有田数亩，门下遣力代之耕。岁时幅巾杖屨，与伯兄绍号宾月、仲兄维号讷斋、叔兄经号味淡遨游山谷间，皆庞眉皓首，隐居为乡塾师，见者起敬，称为“林下仙”。会袁通判文纪来掌县事。袁，六合人，素重之，乃尽蠲其族人之徭，俾以值^{〔三〕}归继休，继休辞不取，令族人建宗祠。尸

黄 辅 字汝修，号方麓，孔昭子。成化辛丑进士，授职方主事，改武选。癸卯被命往乐清营章侍郎纶葬事，以疾在告且数岁，改营缮。丁文毅忧，服阕，补车驾主事，能其职。亲王之国，车船费且十万，府属中官势张甚，奏请裁其半，并给车船户票，令往返销缴，以验冒滥，任怨勿顾。会文选员缺，时论谓文毅尝九年在铨曹，前后莫及，必其子乃可，遂奏改文选。由员外历郎中，守职任法如其父。以内艰去。再起为稽勋，未几仍为文选。当路者不便其所为，遂致事归。著有《方麓集》。尸

邵 誠 字元侃，虞岙人。成化辛丑进士，擢南京吏科给事中，弹劾无所避。弘治初，上疏言三事：一曰省圣躬，二曰明黜陟，三曰广言路，词甚剴切。已而，迁光禄少卿，在职勤励。张东白元祯尝称其趋端操洁，不愧其官云。尸

徐 宽 字栗夫，迂江人。由海宁军籍登成化十七年进士第。家世乔木，博学有操存，温温言动，与坐终日不厌。赵侍御储秀，

学人也，每言粟夫于此事极有工夫。初授工部都水司主事，管临清砖厂。淡于宦情，满三年，即告归，养亲杜门，著述卓然可传。重乡谊，尝有“根在丹崖叶在吴”之句。尸

赵崇贤 字彦达，号次山，关屿人。弘治壬子领乡荐，会试乙榜。授汀州府训导，善迪士人，人喜得师，岁掇科常四五人。迁知南城县，丁外艰，服除，补六合县。京卫军恃横侵民产，公严禁之，民为谣曰：“积苦军横，势极乃更，天假赵侯，以宁我生。”剧贼赵实、王平等为乱，流劫至县界，公先为备，密授义勇张文达等计，擒斩其魁。逆瑾抑其功，量移广德知州。闻州大姓濮鸾三等为里中害，号十虎，皆缚至庭下，法处之。叩头乞改过，公曰：“改即贷尔死。”时方议津贴建平军需，以助养马，公以马政派自草场，军需出于田亩，县民食田而州民为纳税，非制也，数与太仆卿杨及乡官潘姓者争，事得已。州人德之，于公去后建三惠祠，祀王邦瑞、彭栋及公焉。迁道州，亦有惠政，建周元公祠，抚苗兵，数得其用。已而，以病乞归。论者曰：“赵公其有后禄乎？位不副德。”其后果大显。尸

林天爵 字进修，号惕若，车路人。授吉安府训导，以不善容，致仕归。博览经史，好深沈之思，至不知饥渴。尝修县志。所著有《读易杂钞》、《纲目补注》、《雕虫集》、《庸字备考》。尸

叶凤灵 字昌诏，号未一，牛桥人。初授新城教谕，课诸生，讲解作文，具有程度。为督学苏公所重，随阅试卷，聘典四川文衡，校阅精审。壬戌，以例上春官，登康海榜进士。尝诣方石谢公，睹案上书籍，曰：“了此，庶可以无负矣。”寻授南京刑部主事。已而丁内艰，归卒。子慎辑其《奕世遗诗》共为卷。尸

叶 胚 字全卿，号颐斋，良佩世父。由贡任建宁训导。有义气，急人之难。诸生李楠被诬，力白于上官，得复。谢纯才而贫，资以五十金，不索其偿。满考遂归，修大宗祠，命从弟谏、嗣子聘之辑《丛

珠录》。自著有《颐斋存稿》。丿

陈进 字崇志，号练溪，莞岙人，儒敷第三子。登弘治乙丑进士。善属文，力追古作。谢文肃公甚器之，曰：“此不羁才也。”授崇安知县，未任卒，士林以为憾。丿

陈璋 字宗献，号省斋，竹冈人，乐清籍，分属太邑。起家进士，授刑部主事。以官不知律谓之旷职，精求法意，亲为注解。历员外、郎中，审录八闽案件，全活百余人。武宗南巡，上疏力谏，廷杖五十，几死。世宗嗣位，升大理寺卿。锦衣捕获群盗，中十二人实平民，送大理审。公曰：“笞一臧获，不当其罪，人且议之，况置十二人于非命乎？”具奏释之。继为刑部侍郎。有上官以非法杖死下吏，付法司鞠，或欲贷之，公曰：“杀人抵罪，官民一也。”固持不可。忤执政意，即乞致仕归。丿

戴师观 原名避^{〔二四〕}，号敬斋，豪从弟。少颖异，谢文肃见其文曰：“乔松著根，干先擎空。此异日栋梁器也。”正德庚午，闾中赋诗，即以元自命，榜发，果然登进士第八。入翰林，拜吏科给事中。劾奏光禄卿冯兰不职，章再上，竟降谪兰。武宗议南巡，百官伏阙谏且哭，大理寺少卿吴当喝阻，君又上章劾之。直声著闻，在朝咸惮之。未几卒。著有《倦歌集》、《筠溪杂稿》，藏于家。丿

黄绶 字宗贤，号久庵，又号石龙。郎中甫子。以祖孔昭荫，补后军都督府都事。王阳明自庐陵入觐，与之语，喜曰：“此学久绝，君何所闻？”公遂以师事之。又与湛甘泉、郑少谷为莫逆。世宗初，荐起为南京都察院经历。以议大礼称旨，超迁大理寺卿^{〔二五〕}，改入翰林。修《明伦大典》成，升詹事，充经筵讲官，擢南京礼部侍郎。诸部院官缺，兼视五篆，一无废事。复摄领操江，严防御，谨盘诘，江盗屏息。阳明既歿，桂萼齟齬之，公疏言：“昔议大礼，臣与萼合，臣遂直友以忠君。今萼毁臣师，臣不敢阿友以背师。”乃以女妻

阳明子正亿，携之任，销其外侮。自右侍郎转左。奉命抚勘大同功罪，计擒元凶三百三十余人，一方难靖。还，知贡举，丁内艰。服阕，以礼部尚书奉使安南，未行而罢。既归，犹屡疏论国事，不报。卒年七十五。平生博极群书，于五经皆有论著，尤善经理世务，为海内重。今祀乡贤。诸子承德、承忠最有名。卍

潘 禄 字洪量，号云塘，沈岙人。邃于经学，善属文。嘉靖二年贡，授福宁训导，升莘县教谕。叶海峰言：“邑林氏世攻《毛诗》，其先传自临海检讨陈公璲，郎中、给谏皆以此取科第。郎中从子世兆尤精密，潘教谕得之以授余。”盖叶《毛诗说》本于符邵阳，而精之于先生，其渊源如是。卍

叶良佩 字敬之，号海峰，镜川人。少从潘教谕禄受《诗经》，又从黄邑符邵阳游，习举业有声，益精究《坟》、《典》、《史》、《汉》及星历图纬，百家之言无不披览。领正德丙子^{〔二六〕}乡荐，连登进士第^{〔二七〕}。授新城令，刑简赋轻，民甚德之。自署其门曰：“空庭不扫三分雪，泰宇长留一脉春。”部使者以其能，奏调繁贵溪。地五达，多巨猾，武断于乡。会权瑄督造真人府，怙势横敛，里下受害，良佩至，一绳以法，不敢肆。案牍丛集，谈笑立决，政声籍甚。擢南刑部主事。以刑为民命所关，加意详慎，丝毫无所假贷。有富阉当论死，夜馈二百金，欲以移诸同事，严拒之，竟抵于法。转河南司郎中。任久，法益精，奏进“案比法”。诸司有疑难案，咸咨以决，侪辈多推服。先在留都与况伯师会讲经书，伯师转考功郎中，科道官之以考察去者，皆谓伯师受良佩指，因罗织其罪，嗾当事举劾。报罢，怡然拂袖归。日惟兀坐一室，翻阅校讎，思以作述名世。修《赤城郡志》^{〔二八〕}、《太平县志》，自著书尤富，巡道胡为梓行。为人孝友俭约出天性。晚寄情于酒，酣而不乱，言貌温恭，士人恒乐亲之。卍

邵 濬 字怀源，号象峰，泉溪人。嘉靖戊子举人。任崖州知州。

安戢黎甯，岁饥不待请，即发仓赈济。司徒钟公闻之，嘉其能，州民生为立祠。旋改知河池。州逼近南丹、那地、东兰三土州，孚以威信，皆欣然奉约束。升德府长史。缉古贤王懿行嘉言，名《训志录》进之，王嘉纳。乞归扫墓，王赠诗云：“春日轻装驾紫骝，长亭柳色不胜愁。咨卿拜扫还宜早，莫待严霜涉九秋。”所著有唐陈伯玉、杜少陵诗注。卅

曾 铄 字子重，号石塘，祖居松门南城外，又尝徙黄岩之仓头街。父贾而贫，铄自少从客至扬州，遂以江都籍登进士第。由长乐知县内召，累官兵部侍郎、三边总制^[二九]，屡著奇功。丙午议复河套，条上十八事，朝议未决。铄又劾仇鸾科敛士卒，阻挠军机，诏夺鸾职。边兵入延安、庆阳诸路，遣将李珍夜劫其营，上嘉劳之。严嵩论铄开边衅、夏言附和误国，方逮讯，会兵部奏俺答^[三〇]入延宁，上曰：“铄召之也。”鸾又乘机讦之，遂与言并斩于市。临刑赋诗曰：“袁公本为百年计，晁错翻罹七国忧。”天下莫不冤之。隆庆初，加赠兵部尚书，谥襄愍。卅

赵大佑 字世胤，号方崖，州守崇贤孙。嘉靖乙未，连捷进士。授凤阳府推官，擢广东道监察御史，巡按贵州。宣慰使安万铨所为多不法，械其党指挥张仁、李木毙诸狱。又将按铨，巡按刘某纳铨贿，使伪授甲为文移诸司，公曰：“苟利社稷，死生以之，吾不畏激变也。”竟遣吏按之，铨即日囚服出就理。贵阳、永顺苗相攻，有司按之不服。贵与湖广邻，檄界上严为备，奏进兵合剿，二省以宁。比还，条上八事，诏下贵州编为令。及为侍郎，奉命往勘伊藩，严分宜当国，属宽之。至则尽发伊藩不道事。旧军民讼俱投牒通政司，送法司问断，诸司应鞫亦参送法司。后诸司不复遵守，公与郑晓、傅颐守故事争，与巡按御史郑仁章俱下都察院会刑部平议，分宜激帝怒，落晓职，贬傅侍郎秩，并出公南台^[三一]。及分宜败，王始服法。晋南刑部尚书。齐庶人杀其仆，以诬儒生陆某，某故富家，法曹引嫌莫敢断，公独

毅然出之。劾兵马司胡元弼，褫其官，因请定终岁考察法。阉人马广坐法当刑，巨珰王锦阴左右之，竟奏弃市。自筮仕三十馀年，更十数任。疏起浚川王廷相，劾时宰翟銓不合引用尚书周其雍、顾尧封等。有《分别君子小人疏》万馀言，词甚剀直，赵御史之名震于阙下。因亲老乞归养。隆庆改元，以言者交章荐，复征为刑部尚书，寻改兵部，参赞机要。两疏力辞，得赐告侍亲，足迹不入城。尊乡一念尤为切至，林恭肃故未有谥，由公请得之；天台夏公鍤以文行著，为梓遗集，并恤其孙。故勋业著于官，行谊闻于乡云。尸

葛 浩 松门人。嘉靖二十七年袭指挥同知。时倭寇入犯沿海郡邑，参戎戚以陆师捍御，倭每伺隙入，官兵至，辄又遁入海。戚曰：“非得一人统水师，倭不能制也。”闻浩才，请于总制，委专练水兵。与倭战吊棚，追至穷洋，生擒酋长善才扞。倭由浙转遁至福建，与海寇吴平各据海岛为犄角。奉檄调赴闽捣巢，迁烽火门守备，加荫世职一级指挥使。继赴广东剿罗旁山寇，为坐营都司。贼首诸良宝恃地险人众，官兵不能制，副总兵李以五万人全师陷歿。大兵会集，浩率五千人冲锋，入山诱致其前部数百人，待以恩，尽得贼情形，遂一鼓破贼，仍以功让李赎罪。前后招降贼甚多。抚镇忌其功，仅奏升广西都司，寻擢柳庆副总兵。乞休归。尸

张元勋 字世臣，号东瀛，先本北直东安人，世袭海门卫新河所百户。公沈毅有谋。从戚继光破横屿倭，进署都指挥僉事，充福建游击将军。隆庆初，破倭福安，改南路参将。从李锡破曾一本，累进副总兵。五年，代郭成为总兵官，镇守广东惠州。贼唐亚六等劫掠郡县，元勋进剿，亚六等授首。肇庆恩平贼陈金莺等与邻邑苔村、藤峒诸贼相扇为乱，元勋与总督计，令雕剿得同大征叙功^{〔三二〕}，诸军争奋。又密遣副将梁守愚等屯恩平，掩其不备，遂生得金莺，而馀贼黄高晖等亦以次擒获，诸路悉平。惠、潮接壤，贼首蓝一清、

赖元爵、马祖昌等各据险结寨，连地八百里，党数万人。会金莺等灭，佯乞降，元勋知其诈，督参将李诚立、沈思学等分路进剿，自居中节制，追亡至南岭，一日夜驰至，击破李坑，生得贼卓子望等。明年，破乌禽嶂。贼曾廷凤等阻高山^{〔三三〕}，元勋佯饮酒高会，忽进兵击擒之。前后获大贼首六十一人，次贼首六百余人，破大小巢七百馀所。进都督同知，世荫百户。潮贼诸良宝既抚复叛，犯阳江，据高岭不出战。元勋积草土与贼垒平，用火攻之，斩首千馀级。遗孽魏朝义等四巢亦降，惠、潮遂无贼。其冬，倭陷铜鼓石、双鱼城，大破之于儒峒。万历五年，大征罗旁、瑶、浪等洞蛮，捣平贼巢五百六十馀处，拓罗定一州东安、西宁两县。特赐蟒玉，追封三代皆正一品，荫一子锦衣卫千户，三子海门卫指挥。寻以疾乞休，进上柱国、光禄大夫，以少保兼太子太保中军都督府左都督致仕，建坊新河。与妻杨氏后先卒，皆赐祭葬。公初定八闽，再平五岭，身历三朝，宠遇日渥，既死，与大司马汀公血食羊城，至今有祷辄应云。

李超字升霄，号天衢。先世江右鄱阳人，洪武时以军功世袭指挥，调防松门，子孙遂居卫城。超自幼习骑射，娴韬略，既袭职，思立功自效。倭寇浙东，观察谭公纶廉其才可用，荐于总督胡公宗宪，委以备倭之任。甫莅军而寇至，超单骑持矛，直突其营，倭众惊溃，斩获无算，谭心喜得人。会谭以忧归豫章，寇逼其乡，势猖獗，超忧之。计至江右往返三千里，乃佯病假一月，部壮士数十人星夜兼程赴其难，出不意攻贼，贼骇走，尽追杀之。中丞薛公幸豫章，一方获安，而未知其兵之何出也。超既谒谭，谭挟以见薛，告之故，薛大喜曰：“义士也。”且实有功，特疏于朝，授超南赣游击。屡著战功，迁台、金、严参将。倭深入台南，督诸将大败之，悉焚其巢，倭自是不敢复犯。事闻，擢全浙护军，驻镇定海。历任十年，劳绩懋著，再迁京城卫军都督，提督军营，一时倚为长城。以疾乞休，优旨加特进

柱国光禄大夫，建三坊于浙省城，以旌其伐。在松门有“盛世干城”坊。黄岩吴给事执御为之传。

林贵兆 字道行，号白峰，团浦人。领嘉靖庚子乡荐。厌俗学纷靡，专务穷理。慕薛文清、陈白沙为人，以生不同时为恨。闻郡城金提学一所唱道东浙，往从之交，以心性名节相砥砺。选江西都昌知县，茹檠饮冰，清风两袖。时权势当朝，大小竞趋附，公笑曰：“我岂能为若作鹰犬耶！”即日解印绶去。父老泣留之，公别以诗曰：“湖边植柳维官骑，柳未成阴官已去。殷勤父老莫留衣，旧瓢曾挂衙前树。”又，“时艰无计缓征输，一夜忧民鬓已丝。唱断南风人不和，空留春色到棠枝”。士民思慕，为立祠。给事梁梦龙以守道执法题荐，竟卧不起。著书乐道，结社讲约，为时砥柱者三十年。乡人化之，所居称仁里。年八十二无疾终。门人私谥文贞先生。著有《四书申解》、《易经申义》、《正志》、《近说》、《大学困知录》及《识知》、《齐治》、《五伦礼》诸编。卍

林元栋 字子隆，号中冈，北山人。嘉靖间贡，授漳州训导，再为瓯宁教谕。以忧归。服阕，补新建，升湖州教授，擢楚府纪善。茅鹿门坤称其在湖学^{〔三四〕}，不但讎经校艺，缙缙然以力行为先，面授手指，率仿胡安定公遗意。既去，寮式以下及帷中弟子数十百人，置酒赋诗，共饯之茗水上。著有《率土迓言》、《六不斋稿》。卍

郭振民 字德之，号东城，县城人。编修公葵后。性醇谨，以孝友著。嘉靖壬子，倭烧石牛岭民舍，时邑未有城，振民母厝西山，虑及，白父，冒险难亲扶柩还家，得全。贡太学。万历己卯中式，授江西信丰教谕，学规整肃，当道贤之。擢凤阳颍上知县，值河决，治之有方。大祲，申请蠲赈，革夫役，汰冗费，具有规条。有富弁欲连宗派，笑曰：“此使我为崇禎^{〔三五〕}之续矣，我何敢！”富弁颇衔之。未几致政，讲艺赋诗，陶然自适。病革，语子侄曰：“吾同祖宗及周

亲宜相恤，勿以小嫌乖情义。馀无他嘱也。”葬郡城。有自颍来者造拜墓下，曰：“颍人思公不得见，见公同郡来者如见公，见庙祀公者凡七家矣，今幸一杯酒奠公墓也。”乡里溢为贞惠先生。所著有《鱼目集》、《四书中说》、《易经中说》。ㄎ

金孚兑 字吉所，乾之后。万历辛卯乡荐，授广东曲江知县。值岁侵，请于上官，奏蠲逋赈恤。贫人业渔，夫妇操小艇昼夜居江中，岁输课若干，悯其苦，为请免。江中石牛为祟，风雾一作辄坏舟，为文祭江神驱逐，其患遂息。人谓诚格如昌黎之徙鳄。韶郡迹诸洞，互市稍忤意，辄哗，甚抽刃杀掠，出示严约束，兼布恩信，俚人^{〔三六〕}以戢。充省闱分校，称得人。唐宰相张九龄其县人也，求得其裔，厚恤之，荐一人入学奉祀，并于其故址建风度楼。居五载，迁江西瑞州同知，剿抚山寇，境内安枕。凡七月，忽不愜，谢归，赋诗“折腰非本意，蒿目有深情”云云。家居诗古文自娱，著有《周易解》、《曲江三议》、《存笥稿》。卒日，门人谢邦荐等私谥文定。ㄎ

陈应荐 号抱一，县城人。能古文词。由选贡需次京师。有亲戚歿于旅寓，婢方孕，转鬻某太学家，应荐知其事，为赎还。婢后生子，其人得有嗣，乡论称之。授广东兴宁知县。旧时长吏下乡，里下盛供具铺设，应荐适有所按勘，闻之骇曰：“沈冤未辨，滥费何名，奈何为地方累？”立禁之。巨商公税外有私馈，并却去，曰：“此辈栴风沐雨，奔走千里，博锱铢，忍坐分之！”立石为永除。升福建延平通判，德声益著。解绶归，著《芸窗书业》、《牧爱要议》、《粤闽游稿》，又辑《尊乡录》，校家礼，修宗谱，有《睦族敦伦要语》。ㄎ

谢邦荐 字可闻，愚得太守后。万历己未进士。知上饶县。近山水利可灌田，将兴役，乡士惑堪舆家言，阻其开浚，邦荐不从。凡便民事，毅然行之。或怵以魏珙^{〔三七〕}势，终不稍屈意。左迁温州教授。魏败，连及诸绅士，起邦荐刑部主事。赴任未逾月而卒。ㄎ

国朝 朱长孺 原名避^{〔三八〕}，别字玉哲，号月岩，娄山人，住县城，中立后。前明癸酉举人，顺治己亥授直隶武强知县。武强人先从流寇者时反复，至则大开恩信绥怀之，皆大感悦，曰：“父母如此，忍自外乎？”境内帖然。复为修备御兴屯法，捐俸葺学宫，月课诸生。干戈后，忽闻弦诵，皆喜而思奋，中书刘谦、张星耀其所造就士也。适获逃人，词连富室张可大，力辨雪，全其家八十二人。可大携男妇跪谢，长孺曰：“释诬剖枉，我分也，何谢为！”值编审，一厘田赋夙弊，吏不得为奸。卓异，升兵部主事。旋卒。著有《易经手授》、《论学渊源》。门人称文穆先生。卍

季廷梁 号剑庵，一号冰轩。先世在松门以武功显。廷梁顺治初由明经辟授广东普宁令。己丑，郝逆作乱^{〔三九〕}，廷梁身冒矢石，长子炎战死焉，城陷不屈。次年，王师复普宁，出之于狱，依栖山寨中，以次经理。调山西兴县，改大同，并有政声。归家宦橐萧然，惟一妾及破书数簏而已。卍

罗万卷 字文藻，松门人。少读书入邑庠，补弟子员。家贫弃去，就武举试三科。国初，以现任松门指挥自陈愿效力军前，发往广东营。平岭南贼，获渠帅数人，积功至苏松总兵官。每诣学宫，集士子讲书论文，有儒将雅歌投壶风。给假归省墓，语邻族曰：“向守一经，不过岁贡教职而已，岂能为国家出力哉？”卒，无子，内弟福建参将潘坤葬之松门山。卍

林士龙 字震为，号钱水，恭肃公鸚之裔。性耿直，不以世喜怒为从违。顺治戊子，以选贡入都，辟雍诸名士咸推重。康熙丙午，选直隶香河知县。下车兴礼教，均赋徭，民大德之。县苦河患，是岁二月复泛决，邑民惧为鱼，士龙昼夜率夫堵筑疏浚，势渐杀。复为文祭金龙神，愿以身当咎，无累民，水遂退。咸庆再生，瓣香诣县谢，于是有《瓣香集》。比归，优游泉石，犹时以民生为念，凡事

有关系者，公言无忌。暇多吟咏，有《芝山续稿》。丿

葛茂春 字元夫，松门人，世袭指挥。父光莲授读金华，茂春年舞勺^{〔四〇〕}，随侍于馆舍，寒温定省靡间，所作文，同舍生年长者咸自谓弗及。父卒，居丧尽礼，乡党称之。顺治甲子，由岁贡授湖州乌程训导，修文庙及明伦堂，诸生课有程式。巡按御史杜荐升溧县知县。溧经乱后，赋仅四里，丁不满六千，旋省入通州，改授荔浦县。瑶、壮多梗化难驯，为申法禁，布恩惠，卒成淳俗，政称最。一岁间，荐章二上。闻母讣，限于交代，欲奔丧不获，日夕涕洟，成疾卒，子雯扶其柩归。丿

李南湖 字允涵，号秋水，长屿人。自少有志节，思为世用。乾隆二十一年，以州同知职发广西，试补柳州武阳镇巡检，补实土思州州同。夷民杂处，抚驭有法。随使安南，以廉能为宪司提拔。升湖北归州知州，严饬捕役，邻境东湖盗不敢犯。修举废坠，士民安业。所建亭归人以“太平舟”名之，谓州主太平人，亭像舟形，兼取能载物之义。丁内艰归。再起，行至杭病，还，卒于家，年四十七，远近惜之。丿

金承芬 字芳远，号迂淑，金清人，尚麟后。生平醇谨自飭，非衣冠不见客。为文清心入细。以岁贡生选湖州孝丰训导。吴兴多才，邑独在深山，文风稍减程、安，承芬加意训迪，识诸生许长浩于单寒中，振拔资助，卒成科宦。归，日读书简出，惟同辈数人诗札往还而已。

李文藻 字学千，号迂江，新河人。乾隆癸酉选贡。文采艳丽，才思甚富。召考二等，授诸暨教谕。诸生贽礼，一无所受。秉性介直，不苟是非，数诣县争。以疾卒于署，士人甚惜之。丿

校注^{〔一〕}

〔一〕授 原文作“授”，据《嘉靖志》《康熙志》改。

[二]曾养性 见本志卷九注[一七]。丿

[三]阿达哈哈番 清初世爵名。清初世爵有八等:公、侯、伯、精奇尼哈番、阿思哈尼哈番、阿达哈哈番、拜他喇布勒哈番、按沙喇哈番。乾隆元年,将精奇尼哈番以下世爵清文改用汉文,阿达哈哈番汉文为轻车都尉。丿

[四]提点江西刑狱 原文为“提点浙江刑狱”,据《宋史·刑法志》改。丿

[五]举 指养育孩子,此处专指养育女孩。丿

[六]罗从彦 字仲素,宋理学家,从学于杨时,为程颢、程颐再传弟子。丿

[七]彦肃 原文作“奇肃”,据《嘉靖太平县志》改。丿

[八]嘉熙 原文误作“康熙”,今改。丿

[九]为期之论 期,古时丧服之期。史嵩之父死未及时奔丧,舆论指责他不孝,不可望其忠,不宜起复为丞相。据《宋史纪事本末》,太学生黄恺伯等一百四十四人上书持此论。丿

[一〇]特奏名 宋代科举制度一种特殊规定,考进士多次不中者,另造册上奏,经许可附试,特赐本科出身,称特奏名。丿

[一一]江浙行省 原文误为“浙江行省”。元代称江浙行中书省,治杭州。据《元史·地理志》改。丿

[一二]制诰 原文误作“制诏”,今改。丿

[一三]郑弘范 原文“弘”作“洪”,据《嘉靖志》改。丿

[一四]乙未 原文“己未”。永乐无“己未”,据《嘉靖志》改。丿

[一五]从嘉 按《嘉靖志》、《康熙志》均作“廷嘉”。丿

[一六]杨公 即明代内阁大学士杨士奇。丿

[一七]黄彦俊字昌瑜 按《嘉靖志》、《康熙志》均作:“名瑜,字彦俊,以字行。”丿

[一八]持节四川 按《台州府志》作“选兵四川”,以府志为是。持节为大将之事,彦俊只是职方主事,任务招兵,不宜称为持节。丿

[一九]南京刑部右侍郎 “右”字原脱,据《明史》本传补。丿

[二〇] 债帅 唐大历以后，政治腐败，凡命一帅，必广输重赂。求帅职而资财不足者，向富户借贷，升官后搜括偿还，因被称为债帅。ㄱ

[二一] 齐圣 指孔子。《左传·文公二年》：“子虽齐圣，不先父食久矣。”ㄱ

[二二] 张秋 即今山东省阳谷县张秋镇。明弘治七年，黄河在此决口。ㄱ

[二三] 值 原文作“直”，通“值”，今统作“值”。ㄱ

[二四] 戴师观原名避 见卷十注[一四]。ㄱ

[二五] 大理寺卿 据《明史》本传，嘉靖六年六月，黄绾擢光禄少卿，非大理寺卿。ㄱ

[二六] 正德丙子 原文作“嘉靖丙子”，据《嘉靖志》改。ㄱ

[二七] 连登进士第 叶良佩丙子（1516）应乡荐，癸未（1523）进士，相隔七年，不得谓“连登”。ㄱ

[二八] 修赤城郡志 按叶良佩未曾参与《赤城新志》编纂，此系误记。

[二九] 三边总制 全称是“总督陕西三边军务”。ㄱ

[三〇] 俺答 明代鞑靼酋长，据有河套地区，驻今呼和浩特。嘉靖间屡犯边，隆庆五年封顺义王，与中原地区和平互市。ㄱ

[三一] 南台 即御史台。ㄱ

[三二] 同大征叙功 据《明史》本传：“故事，两粤惟大征得叙功，雕剿不叙，故诸将不乐雕剿。”ㄱ

[三三] 曾廷凤等阻高山 据《明史》本传：阻高山者曾仕龙，非曾廷凤。ㄱ

[三四] 湖学 宋胡瑗执教湖州，时方尚辞赋，瑗独以经义及事务为先，弟子数千人，时称湖学，弟子尊为安定先生。ㄱ

[三五] 崇韬 五代后唐人，助唐庄宗灭梁平蜀，立有大功，累官兵部尚书、枢密使，拜侍中、成德军节度使。因出身低微，晚年乃引郭子仪为同宗，以示光耀。刘皇后教宦官马彦珪矫诏杀之。ㄱ

[三六] 俚人 古族名，主要分布广东、广西。此指韶郡附近的少数民族。ㄱ

[三七] 魏瑯 瑯，汉代武官冠饰，后作为宦官的代称。此指明代太监魏

忠贤。ㄊ

[三八] 朱长孺原名避 见卷十注[三一]朱元胤。ㄊ

[三九] 郝逆作乱 指顺治四年李自成部将郝摇旗、何腾蛟联合抗清。ㄊ

[四〇] 舞勺 《礼记·内则》：“十有三年，学乐、诵诗、舞勺。”舞勺之年，指幼年，也特指十三岁。ㄊ

嘉庆太平县志卷之十二

人物志 三

隐逸

《史记》：孙叔敖，楚之隐士也。孙叔岂甘心蜚遁者哉！士或自行其意，寄兴烟霞；或不遇于时，栖身萝薜，事不同，其为处而不出，均也。隐逸门兼是二者矣。卍

五代 于履 后唐时人。与宁海郑睿俱以文名。睿仕吴越王，为都官员外郎。履隐居不仕，自号药林。《笈窗志》：履隐于邑之叶茶寮山，尝开山得楛矢云。或曰本名丁复，后改；或曰本于复，于，丁字讹。卍

宋 丁朗 字明仲，号温峤散人。负诗名。绍兴间，屡游江湖，以诗谒岳鹏举、刘信叔，二帅皆奇之。时军兴旁午，未能荐。久之，客死钱塘，且无子，束棺逆旅，朝士醵金送之归。叶水心为墓志，陈止斋书其后，称明仲只字南金，齐名郊、岛，千载后当有知音。从子世昌，字少明，诗文与少詹相埒，亦好结客。水心所云“吟成绝妙惊人句，散尽粗浮使鬼钱”者也。自号竹坡老人。其弟少虞，号竹洲，并与徐似道竹隐友善。徐《游西庵》诗：“竹隐、竹坡并竹洲，三人来往亦风流；只今已入清凉国，他日定封潇洒侯。”时有“三竹”之称。戴石屏亦尝与竹坡唱和。卍

王公义 字治老，世居下保。淡泊无所嗜好，唯市书积数千卷，由是得尽读诸经传子史百家言，下至轩岐医药之书，靡不通晓。尤好施予，时会岁歉大雪，民饥，闾里闭粜，治老发粟赈贷，人咸以长者称之。其子粹然，与王方岩同学。卍

蔡待时 字元晦，世居白山。宗族和睦，上下有礼，里人皆敬之。子镐，初为武博，有执政与公相识，公戒镐曰：“谨自守，无以利灭命也。”镐接北使，时公随任临安，问此行于国大事何得，镐对以筑瓦梁堰、修全楚城皆不便，非使指，欲奏未敢。公曰：“《传》不云‘皇皇者华，臣获五善’^{〔一〕}乎？瓦梁堰一筑，是弃淮西外四州与盱眙，而使滁河两旁人受为鱼之害；铲楚城旧土重筑新城，不惟费不资，扰役军士，且虑他变。此何等大事，汝不为上言！”镐请俟送伴回，公怒曰：“使命事关国信，有不如意，国北门可复入耶？”夜自秉烛，促其稿。奏上，镐以上奖谕告，公叹曰：“臣子于君父，其义一也，所知不隐。我余年岂待汝活，期汝者名节耳。”一日，叶水心过镐，公自屏后见之，曰：“此正人，可与友。”其明大义，善成其子如此。卍

戴敏 字敏才，号东皋子，舜钦从子^{〔二〕}。工书，得钟、王遗意。博闻强记。不屑举子业，以诗自豪，与徐渊子齐名。尝赋《小园》诗，论者谓诗和则欢适，雄则伟丽，新则清拔，远则闲暇，一篇之中各具四体，卓然可以名世。又有“人行踟躅红边路，日落鸚鵡啼处山”句，为魏庆之所称许。后，子石屏刻之集中。卍

林薰 字叔和。博学高才，早冠贤书，叶水心一见即定交焉。继友四明沈焕、舒璘。二人并出陆象山门，因走上饶谒象山，与议不合。朱子来台州，与兄伯和及杜知仁兄弟并受业小樊川，得其“此心此理随处操存”之旨，并平视彼己，兼取众长，一绝门户私见，造诣益进应用。累举恩授官，不赴。家居授徒，学者尊之曰草庐先生。

叶水心表其兄弟所居曰“景贤坊”。《尊乡录》二林赞：“叔和雅志，能脱雕虫，一变至道，如坐春风。”盖其学得于紫阳最深云。尸

王立之 字士特，楼崎人。志行高迈，童时已卓犖不群。入乡校，与右史徐公为友，声誉相颉颃。既而累举于有司，辄不利，乃放志自娱，寄兴嘲咏，率于广坐中援笔立就，由是同辈咸推服之。遇商榷时事，辩论风生。淳熙间，邑病水灾，议久不决，立之指划形势，谓当开鹜屿^[三]港，泄月河水，其议乃定。已，竟赍志没，乡人恒以为恨。尸

王木 字伯奇，号桂山，楼崎人，士宁子。有雅韵。于书无不读，为诗文不肯袭凡语，尤工隶法。性孝友，多行义事。与经营六闸，人受其利。又疏役法害民者数事，请于有位，得罢行。就西涧筑书堂，以来四方之士。年四十即弃科举。环居多佳山水，升高望远，清泉茂树间，浩歌长啸，欣然终日。得疾，犹坐小阁，检花石。一日，忽作书寄博士周子静，托铭先墓，又书《中庸》、《论语》古格言各一通，并赋六诗，授子若婿，亲朋一一致诀别。所书字皆遒劲不苟。迨暮而逝。里人感其德，相率祀之。金坛刘太常宰为撰《迎神送神曲》。子四：汶、澄、濬、汲，知名者三人。尸

王汶 字希道，木之子。尝与同邑戴许、蔡仍往永嘉从王诚叟^[四]游，会诚叟赴江右聘，遂同受业叶水心之门。水心告之曰：“《易》蒙之象曰‘山下出泉’。泉之始发甚小，其终流为江海而莫御。故君子法之，以果行育德。”汶遂以蒙名其斋。警敏刻厉，所学日进。又与名士陈耆卿、韩泂、吴子良辈交往，诗文名著一时。自题所作曰《东谷集》。弟澄，字渊道，号两山。濬，字深道，号西涧，发解于州，为刘漫塘所知。弟兄并有盛名，时称为“三王”。从弟演，字周道。博通经史，所作《植兰说》、《颜乐斋记》，率开合自如，不蹈流俗绳尺。早死，渊道哭以诗，曰：“把酒休教读奠文，有才无命可怜君。向来五色江淹笔，今作空山一冢云。”希道志其墓曰：“王氏家楼崎数十世，

冰蓄雪播，惟笔墨之畦畛是辟，然未有偶于时者。晚得周道，谓宜获而收之矣，亦卒无年焉，何哉？”希道诗多见《江湖续集》。卍

丁希亮 字少詹，号梅岩，世雄从弟。少自命豪杰，喜为骇俗之行，读书尤意不可一世。闻叶水心先生授经乐成，往受业。水心谓：“学本《中庸》。不然，则读书之博，只以长傲，见理之明，只以遂非。”极力箴劝，乃痛折节，潜心念诵，自夜达旦。明年，变名氏从陈同甫于龙窟，同甫惊曰：“是人莘莘愕愕，非妥帖为学徒者。”既又走金华，从吕成公游，得其绪馀。与朱文公有往来诗。口诵手抄，卷册满屋，纵笔所就，词雄意确，论事深渺，皆有方幅，人于是目为巨器。益纵志不怠，率以月之二三日留治其家，馀辄屩山航海，僧房民舍随所栖止。今叶茶寮山有其读书故址。水心每谓书传士晚成必垂功名，然少詹乃独不遇，但于淳熙元年一中漕举，自后不复应试。卒年四十馀，士林恨之。传有《梅岩文集》数十卷。次子范，石浦令。卍

柯大春 字德华，号大雷山民。五岁入小学，即愤悻求大义。闻叶水心名，往谒之，叶介绍于林浩斋略之门，因具闻二公秘论，兼肆力于古。谢慎斋直得其所著书十馀卷读之，服其理到。浩斋自台谏参大政，甚念之，竟不致书问起居，其远嫌如此。卍

于有声 字君实，桃溪人。豪放不羁，以诗自适。与徐似道为友。尝举浙漕，已而谢去，放浪江湖。持所著诗一帙归，谓家人曰：“吾生平事业尽在此矣。”王侍郎居安有《酬于君实》诗“世事不平无切齿，人生相与戒亡唇”之句，盖时侍郎罢居，君实以诗慰，二人仕隐不同，志行相埒。卍

戴式之 名复古，号石屏，敏之子。幼孤，育于祖母。稍长，痛其父临歿“诗遂无传”之语，遂就林景思、徐竹隐二先生讲求诗法，又尝登陆放翁之门。平生游迹自东吴、西浙、襄汉、闽粤、淮上，以及荒远邃僻之地，靡所不到。阅历既广，交与多闻人，而诗亦日

进。庆元、嘉定以来，诗人多奔走阆台郡县为谒客，又好雌黄士大夫，口吻可畏。复古虽往来搢绅家，能淡然无所求，广坐中不轻发言，以故远近重之，同时阮梅峰、林可山辈不及也。尤敦友谊，绍定间，剡溪姚镛以忤陈子华谪之衡阳，朋好俱散，复古独问关由闽度岭访之，姚有“万里寻迁客，三年独此人”之句。前后在江湖几五十年，子琦自镇江迎还时已八旬^[五]矣。终日坐一楼，焚香观化，或从侄孙岂潜、景明辈探梅观鹤，为诗酒之乐。又数年而后歿。诗以雅淡自然为宗，昔人谓其句法不减孟浩然，又谓天然不费斧凿处，大似高三十五辈。真西山尝欲疏荐，复古力辞之，以山人终。有《石屏集》及《石屏新语》行于世。

项 洗 字宜甫，桃溪人，唐诗人斯之后。学有原本，工诗。交谢希孟直、杜仪甫范。屡游行都，声名鹊起。尝以拟古作示金坛刘文清宰，刘称其字字浑成，无摹仿痕迹，可自名家。晚绝意进取，所居在仙人田下，于屋西偏筑亭，疏沼，蒔花木，娱奉寿母。著《怀仙杂咏》百有一首，一时名贤多和作。洗有女兄，史书并通，有女学士之称，归临海陈说之。卍

陈 咏 字景沂，号肥遯，泾岙人。学博文贍，为时所称。理宗时，上书论复仇，词意激切，不报。咏遂专意著述，撰《全芳备祖》五十八卷。自叙：“于花果草木必全且备，凡四百馀门，非全芳乎？凡事实、赋咏、乐府，必稽其始，非备祖乎？”又宝祐癸丑安阳韩境叙。

蔡希点 字子舆，号贯之，稿从孙。先世藏书甚富，希点尽读之。隐居教授，从游以百数，多擢高第，跻臚仕，若潘燧景昭其一也。安贫乐道，以终其身，乡里咸敬之。后迁居罗屿。所著^[六]有《春山杂稿》。卍

郑 镇 字安道。父药斋，故老儒，戴少监良齐志其墓，以为教子戒律甚严，不使专举子业。杜清献公范亦谓镇亶亶好学，研味

理奥，必有得家庭诗礼之训。与戴石屏友善，集中屡有往来作。ㄱ

陈景温 字纯之，峨山人。从大田王先生学，为晦翁之再传。理宗时尝征不就，隐居教授。有《樗野集》。ㄱ

郑大惠 字子东，号谷口。《黄岩志》：建山人。据元陈叔夏《先世旧游记》，实泽国人。耽书乐隐，制行与胡立方相似，经术深洽，高出流辈。杜清献尝恨不能致谷口于朝，顾谷口殊无宦情。所著《饭牛集》，真西山叙称：“盘礴充积，得天地间清明俊杰之气。”为文古奥，法孙可之，无季宋披靡^[七]之习，卓然成家。《临海志》有郑大惠，字简子，号天游，清苦善诗，操行略同，兼亦同时。按：林昉《集》有“谷口郑东之学于叶水心。”《临志》“简子”恐即东之，《黄志》“子东”疑亦东字误。ㄱ

戴 亨 字子元，良齐从孙。师事邱木居^[八]。其学以毋自欺为第一义，尝铭于座右曰：“莫见乎隐，莫显乎微，欲人不知，莫若勿为。”所著有《太极图说》、《人心道心说》、《近思录补注》、《朱子诗解》、《北溪字义辨正》。郡志入临海。ㄱ

阮养安 字本固，号樵隐，十三都人。意趣恬雅。知宋季大势已去，预自隐晦，徜徉林壑。作隐居绝句数首，有“翰苑岂期舒壮志，竹林姑自效清风”之语。ㄱ

林时可 字中俊，铁福庄半岭人，后周盐铁建猷之后，生宋淳祐间。九岁能诗，师命赋庭雀，应声成二绝，云：“雀岂将为贺，鸣声不肯休。文成楼五凤，亦合喜啁啾。”“午日庭前噪，曾传雀信明。非吾初度节，相对亦怡情。”比长，赘泽库郑氏。郑世宦，爱其女，甚虑婿去，为营广厦于大塘，以娱其意。时可见国势浸弱，不愿仕进。宋亡，更筑室前炉，日坐云水轩，吟适于药栏花径之间。《诗》、《礼》、《春秋》皆有论著，稿毁于元至正九年倭乱。

叶仕充 字宜荣，镜川人。从临海董楷受《易》学，于程、朱之说能会其通，著有《程朱易书》。丞相叶梦鼎荐于朝，筮得“贲之

艮”，曰：“艮其趾，舍车而徒，吾可以仕哉？”遂力辞。宋亡，益自韬匿，乡人罕见其面。卍

元 陈国琥 字君玉，号行素，峨山人，戴石屏之曾外孙。学殖该博，善属文，尤长骈体。隐居教授，训迪有方。晚年放情林壑，以诗酒自娱。著有《山中樵稿》。

叶本初 名嗣孙，以字行，温岭人。德性淳厚，与兄养初同居，白首无间言。大德中，以明经辟，辞不就。尝赋《方石》，有“携归到人世，袖里有空明”之句，潞公张翥见之，呼为叶方石。有诗集行于世。子道滋，博通经史，著有《韵海明珠》及《龟峰集》。卍

鲍德贤 字性善。先世自三坑里迁龙井。父桂英，自号乐闲居士。性善少从乡先生陈孚仲受《易》，质鲁气锐。师令卦诵二百遍，性善倍之，久之，遂悟精微之学。科举废后，更专力于诗。工书，有《圣教》、《阴符》^[九]遗意。陈先生，泉溪人，卒后有四丧，贫不能举，无期功亲近，性善为营办，心制三年。至正间，宅毁于寇，为草舍，歌咏不辍。语诸子曰：“乱世多资为累。乘兹焚荡，不为盗指目，庶少苏，俾儿曹得专心于书，或造物者之相予乎？”所居曰“有邻室”，著《有邻稿》。子三人，原弘尤有名。卍

邱应辰 字咏圣，号心泉，泉溪人。博极群书。与叶本初、应景裕为友。元贞间，举青田县教职，不就。著《忧心集》，有《正异》、《复井田论》，皆关世教、切时弊之言。观和赵师度韵云：“庭草尚春色，霜风有岁寒。万家晨汲苦，三月溜声干。”用心可想矣。明初，有御史毛公经其墓下，祭之云：“学究天人，才优经济，晦迹一时，曙光万世。”今从祀乡贤。

徐原全 字伯正，号闻轩，团浦人，练之后。教授里中，沈公桓、林仁桀皆其弟子。有《梅花百二十咏》传于时。武宗初，固征不起。性绝嗜欲，耽游山水，一出不反，乡人后或遇之天台山中。李考功

用受《集》中有《横江子传》，即其人也。从弟原璘，字伯武，亦先后累辟不赴，筑静轩自娱。ㄱ

林起潜 字用夫，团浦人。少与弟起滨字显夫同游达观王先生之门，已而相语曰：“人各有贵于己者，与其雕篆以干人爵，孰若释靡践实，求圣贤所为学者，以适吾志哉！”遂筑室同居，以经籍相剋切，视进退荣辱泊如也。笃于行谊，乡里高之，称东皋、西墅二先生。详阎复、史孝祥所撰墓志。ㄱ

王 钟 字元鼎，号樗翁。与兄均金、弟毅并与达元帅兼善友。谦退冲抑，观盈若虚，以时事将有变，绝意进取。托辟谷从赤松子游，坐卧蕴真斋中，可十日五日不饮食。间以吟咏自适。兼善为作《樗翁记》，叹其生扰攘之时，能以智自全。ㄱ

陶宗仪 字九成，号南村，上虞县尹煜子。少从父游宦四方，遍交名士潞国张翥、清江杜本、永嘉李孝光等。其母宋宗室赵孟本女。又娶昭武大将军、都漕运万户费雄女。费，赵文敏孟頫婿也。宗仪得赵氏之传，词翰图绘并工，尤好著述。隐居九峰三泖间，每出以笔墨自随，有得，即摘叶书，贮盎中。庭前列盎数十，笑曰：“此中皆古今人物、上下千百年事也。”前后凡成书数十种。至正间，浙帅达兼善、南台御史丑驴辟举行人、校官，皆不就。张士诚据吴，欲屈以军谘，亦谢不往。明初，尝一赴召，旋辞归。生乱世时，有重名而能高隐自全，抗心泉石，有周党、严光之节。阅《南村别墅十景图》，令人想其高致。二弟皆仕明，宗传代县令，宗儒选曹郎。或云宗儒即宗谊，一字汉生。ㄱ

林公留 字耕民，北山人。从学潘松溪。自号丹邱生，即以丹邱名集。乡先生何双槐称为儒家之良。至正间，荐授宣慰司照磨，不赴。弟公与，字学民，号殷所，与许给谏廷慎、林太学公辅为友。公存，字养民，号酣云，洪武间荐不赴，永乐再征，州县敦迫，勉出，

试事户曹一载，即乞归。公晏，字平民，号谷西翁。公治，字齐民，所居植佳桔，与朱蒙轩、潘松溪盘桓其中，自号桔隐，居乡有祷雨事。当时传美，所谓林氏五民也。丿

李 蓊 字原正，号谷隐，长屿人。方国珍与同乡，辟仙居主簿，不就。再令权镇海军道巡防千户，皆力辞。或潜国珍：“彼不义公所为，是目无公也。”国珍曰：“此善人也，不做官，听之。吾不可以得罪乡里。”人高蓊之节。丿

林彦华 号城南，太平乡人。才气卓犖，锋利无前。年三十馀卒。有《八台咏》传于世。陈彬《泉溪赋》所云“彦华评为诗史”是也。丿

戴 胄^{〔一〇〕} 字养和，南塘人。閤毅通达。学《周易》，尤精推验测究之法，旁至兵刑、律历、医药，无不通晓。往来燕京，左丞帖木儿一见深器重，每呼为鹏飞先生。将荐于朝，胄私语人曰：“吾非不欲闻达，以数推之，中原将乱矣。”遂辞归。年七十三，无疾端坐而逝。宋学士濂铭其墓。《石仓十二代诗选》戴文祥后有戴养吾诗，疑即养和。丿

陈 元 字于明，号恒斋，星山人，乐成李五峰孙女婿也。元亡不仕，郡守以明经荐，力辞不赴。时拒命者多得罪，元饮暗药得免。丿

明 林鸣善 号梅南，太平乡人。博览群书，尤工于诗。元季侨居郡城，不应征辟。洪武初，范守明敬请摄郡学教授，创建庙学。后谢病居三童山。有葬邬氏三丧事，人高其义。著有《梅南别墅稿》。丿

林士恭 字伯云，半岭人，昉从曾孙。好学笃志。刘诚意佐戎台州时，多交台士，伯云其一也。在胄监^{〔一一〕}读书，陆草屋修正称为乡士之最。父尝将千兵镇括苍，母夫人留居故第，伯云念两不可违，轻装美味，奔走二州间，以致其养，问安之使踵接于道，士君子闻而嘉其孝。见《逊志斋集》。《黄岩志》：伯云官北平州判。丿

沈 圭 字公桓，号狮峰，松门人。知梧州思锐子。思锐以谗

死，母林氏携二子航海归，又被寇难，家计荡然。圭养母，勉支门户。仍奋志力学，兼得外家之传，经史外兼弋猎诗赋，文名重一时。痛父之亡，绝意仕进。洪武初，与叶见泰同膺荐征至京，以母老辞。乡里咸称为沈高士。ㄱ

徐良驂 字从康，原璘子。谦谨好义，不慕华靡。与吴顺能、梁希乾、族弟廷彦以诗酒自娱，年皆八十馀，时称为“盘峰四皓”。林郎中无逸有《四老歌》，考功用受为作《菊庄传》。

李 毓^{〔一〕} 字长民，号药所，茂弘父。姿秉纯粹，学问渊洽，精楷书。方氏据有三郡，长民杜门不与通，赋《感愤诗》曰：“白发三千丈，穷愁十万端。谁云李太白，心事酒中宽！”里居与潘松溪、许介石诗酒往还，二公明初皆应辟，长民独耽隐山林，自行其意。洪武间，以明经举，不赴。著有《药所稿》。长子茂端，号良斋；孙斐，号熙轩，俱能诗文。茂弘自有传。ㄱ

林原缙 字彦恭，别字居恒，北山人。居乡有名德。逍遥诗酒，意趣闲逸。明初邑士争应辟召，原缙意殊淡然。永乐间，与同里邱海、何及等结花山九老吟社，至今为美谈。ㄱ

邱 海 字朝宗，号慎馀。性豪爽，无书不览。避乱，自旧居新罗坊徙泉溪，建环清轩，又筑望思阁，绘图致念亲之意。清苑李尚书友直题句，所谓“看云每作还家梦，为客难防陟岵忧”者也。以名重，张吴专使聘，海逊词谢却。后明祖见其辞征书有颂扬语，坐戍辰阳，其子锡用谦请代行。海因娱意林泉，与从兄鐔结花山社。著有《慎馀稿》。孙震，字廷范，能世其业。ㄱ

何 愚 字起直，号东阁，泉溪人。能诗，与李毓为友，花山社中之一。ㄱ

程 完 字德充，号成趣，小泉村人。气和行方，博涉经史，为文有典则，一时物论归重。门下著录之盛，与叶拙讷相等，渊源

并出于贞成郭先生，其教皆先行而后艺。卒祀乡贤。同时若团浦沈元圭、沈洗、长屿李存清、夹屿闻轩、珠村林士从，皆经史自娱，不求仕进，亦其流亚也。ㄱ

郭熙 号退轩，饶阳令櫟子。博学笃行，不愧其父。叶士冕尝从之。门人私溢文康先生。孙琤，号筠心。念先世之绪，攻苦力学，屹然自立。再迁新建，一室萧然，疏筠瘦石，左图右书，不知人世间别有所谓尘俗气也。谢方石极敬礼，谓其巍然布衣中，为乡先辈人仰望弗及。所辑有《郭氏诗选》、《文献录》，见郡志。ㄱ

陈叔武 横涧桥人。年十二，父被诬系南京狱，亲往挝登闻鼓诉冤，父得释。比长，读书自甘布素，号乐野散人。好骑牛，时挂酒一壶，或手持渔鼓，载歌载饮。又刻一木人，每饮则引之于几上，名“伴醉翁”。人呼为方外神仙。ㄱ

陈建儒 字鲁卿，泾岙人。少从潘择可、赵信卿、戴友南三先生游，学有原委。于声律尤长。永乐间，以遗逸征至京，母老，力辞归。执丧既禫，犹不御酒肉。授徒里中，称钝庵先生。沈巢云洗为撰状。ㄱ

林儒奴 字从圣，号樵山。学问淹雅。从子郎中璧，其门人也。家居不慕荣进，有诗云：“短蓑圆笠雪盈头，芦荻花边夜泊舟；一尾鲈鱼一樽酒，半江明月半江秋。”ㄱ

叶黼 字士冕，本初从孙。父希圣，操履清修，见重乡闾。季父咏，谪戍于淮，托以孀妇、童孙，尽家所有付之。后归，见妇孙皆植立，资更逾旧，叹曰：“吾侄托孤寄命之节，当于古人中求之。”士冕濡染庭训，自少即知励行。比长，学务根本，不读非圣之言。其教生徒，先孝弟诚敬，次经史，次文艺。脩脯所入，计八口经费外，即以均乡族之贫者。弟尚夫无子，与同衣食，命次子后之。晚学益邃，从者益众。门下生掇巍科跻显列者不一人，而士冕青袍终其身。尝

折衷《学》、《庸》众说，取《朱子语类》及黄超然《通义》与《语录》相发明者，附于《周易本义》，未终而卒。学者称为拙讷先生。长子原徽，字允迪，号素轩；次原纪，字允仁，号一得，皆以文学世其家，时号二叶。允仁子定中，才而早卒。黄尚书久庵言其先桃溪处士，少从叶拙讷、程成趣二先生游，二先生之学又原于贞成郭先生。贞成尝言：“敬者，天命所以流行衽席之间；一有不敬，则天命息矣。”故二先生之学，皆以敬为本，而叶先生尤得其醇。叶海峰谓拙讷从郭文康得饶阳性理之学，文康即饶阳子熙也。其学之渊源如此。ㄩ

赵惟恢 字士宏，坞根人，元万户师闻后。读书敦行，不慕仕进，以“耕乐”自号。温州黄文简、吴恭毅及本邑叶拙讷、李怡轩，皆其莫逆交，时有“朝三公野三宏”之语。ㄩ

李存清 字元坎，号九思，长屿人。学博而邃，隐居授徒。族子都宪匡、知县会、二尹庸、教谕让，皆出其门。天台杜侍郎高其行，永乐十二年以保雄训导荐，不就。尝自吟曰：“绿水源头田数亩，白云深处屋三间。”意致恬如，于世事一无营也。ㄩ

黄尚斌 名礼遐，以字行，号松坞，都监绪之后。读书识大义，于嘉言善行恒思以身体之。每阅史至奸臣贼子，掩卷感愤，义形于色。居家井井有法，临财尤不苟。尝见人有盗其困者，佯为不知，避之，其狷介而能有容，类如此。年九十卒。后以孙孔昭贵，赠工部左侍郎^{〔一三〕}。ㄩ

谢 绩 字世茂，贞肃弟。自少兄弟相师友。读书务穷底里，贯彻为经，实际为纬。诗始规仿盛唐，宛转流利，晚爱少陵，尽变故格，益为清激悲壮之词，思尽其所欲言，亟为李学士东阳所称许。陈白沙慕其为人，题句诗后曰：“不见山中人，溪上步明月。”以试卒于杭。著有《王城山人集》。犹子文肃公，亲所教，黄岩施副使新斋亦其弟子。ㄩ

王佐^{〔一四〕}字仁甫，号古直。断事蒙之后。能诗，善行草，下笔烟云变态，不拘一格。旅游京师，客公卿间三十年，意度直率，不为崖岸，李西涯、吴匏庵诸公皆重之。李尝欲荐于朝，仁甫大言曰：“吾安能为若执门下士礼耶！”每在酒所，叹曰：“此亦吾毕生事业也。”日下名迹游历殆遍，尤爱万柳庄之胜，语谢公方石曰：“死便埋我于此。”及卒，方石为辑其遗诗，又欲如其言葬之万柳庄，竟不果。李西涯有《古直老人传》。同时有牧村陈宙、雪窗林海、野处金如珺、卧云余敏，俱以诗鸣。宙尝行举“吕氏乡约”于娄山堂，有《村居牧唱稿》；海旷达不羇，自逃于酒；如珺有《野处集》；敏有《卧云集》，然皆足不越里闾，不尽为世所知。卍

赵元韶字廷时，或作廷峙，惟恢子。自少有学行，立志卓然。以好施济，减旧资之半，顾不少介意。筑室大坞山，自题“白云深处”，终日阅书史，吟啸其中，人号为白云先生。县大夫访之，多不肯见。袁令道投以诗云：“茅屋山中老，和云日采薇。县官强一见，岚气上征衣。”谢文肃以述于李学士西涯，李深慕其为人，自都书诗扇寄之曰：“京国由来不计春，采芝人远梦应频。天门拾得青鸾尾，寄与山斋扫白云。”年九十馀卒。黄宗伯久庵撰墓志，谓其常遇异人云。子崇福，号秋山，亦有名德。邑令陶赠句：“玄酒太羹一元气，荜门圭窦两高人。”谓其父子也。久庵招至翠屏山中，与处月馀，叹曰：“老成典型，于斯尚存。”卍

缪恭字思敬，号守谦。通《春秋》，为县学生。已而弃举子业，攻诗文。生平孤介自守，有远见。尝从黄岩张学录粹游，与谢昭同门友。昭以石亨得官，奔走其门者如市，守谦贻书与粹曰：“亨败在旦夕，祸将及昭。先生虽门弟子，方远之不暇，而顾亲之乎？”未几，言果验。弘治初，诏求直言，守谦以布衣上书言六事：一曰保神器，二曰崇正学，三曰绍绝续，四曰怀旧勋，五曰广贤路，六曰革冗员，

历历凡数千言。其曰绍绝续者，大略谓汉景帝立平陆侯刘礼为楚王者，盖思元王之贤，封礼以续其后也。矧懿文太子功施社稷，泽被生民，理宜择贤宗室封国，以续其祀。指斥忌讳，皆人所不敢道者。疏入，通政司官大惧，拘留劾奏，上不之罪，敕有司遣还家。有问之者曰：“万一不测，奈何？”守谦曰：“吾此行已分一死，敢侥幸其间哉！”自是杜门不出，环堵萧然，惟授徒自给，诸生束脯外，即亲友有所馈遗，不受。寄黄文选诗云：“出处云泥隔，行藏实系天。南山田不治，终日抱愁眠。”自称“小茅山饿夫”，示志也。年六十五卒。会其子炼省妹于望江教谕张夔任所，诸生叶大卿殓葬之。谢文肃公铭其墓曰：“韦布之忧，肉食之弃。明主之危，治世之利。呜呼思敬！罪或言高，思非出位。漆室杞天，我铭不愧。”茅山门人林暨亦哭以诗，有“青草独留坟上土，漫将荣悴问苍天”云云。著有《茅山稊稿》若干卷藏于家。从祀乡贤祠。卍

陈 彬 字儒珍，号敬所，更号秋山居士，莞山人。少从郎中林无逸先生游，与谢文肃、黄文毅、林金宪以文行相激励，岁考递相后先。三公相继取科第，于时有所建白，儒珍滞诸生。顾名行日显，乡里尊之，不以一第得失为轩轻，请业者溢其门，君亦遂脱青袍高隐。将贡，辞不赴礼部。读书暇，即会族人合乡老讲行礼法。立义学，斥淫祠，孜孜行善，以身为乡里率，三十馀年未尝一日变。文肃家居，深衣幅巾白首往来者，君一人而已。卒年八十。门人谢增、高崇文等相与谥曰刚敏，并呈请入乡贤祠。弟扬，字儒敷，号嘉植，不甚读书，然力于为善。邑侯袁道，贤令也，知其可任，举为乡长，监隘顽仓出入，清邑地赋，事皆集。人服其公正，讼或不之官，而之陈。袁数造其庐，与均礼，固辞，袁曰：“君代吾治邑，敬君名德，敢以部民待乎？”论者谓二陈氏庶几古之王彦方云。儒敷有子进，成进士。卍

陈 瑄 字润卿，号养斋，彪重孙。幼有美质，读古诗文辄颖

悟，同辈劝业举子，亦辄有声，为学宫高等弟子。谢文肃公为序其稿。同时赵湍、林蒨、钟复、谢龙、王特皆科目遗才也。湍字存性，号南阳，倜傥有大志，有诗见《赤城集》。蒨自有传。复字庆心，号养思；龙字鸣革，号月岭；特字崇俊，号静修，一时学士所推，相继死，士论称屈。后，养思子世给中乡科，声誉籍甚。静修子廷琮亦能以书香世其家。独月岭无嗣焉。尸

林蒨 一名文蒨，字应美，号竹仙，珠村人。有诗名，为王侍郎东瀛所重。东瀛归南台日，有“他年林下重相见，不道诗仙是竹仙”句。与叶全卿、陈养斋寓郡城之水家洋，感物吟诗，各自夸为老杜。忽有人闯然而入，曰：“君等自命工部，世岂无昌黎？”遂邀坐联吟，各极所长，诗成，其人告姓名而去。时人喧传，谓侯刘相聚〔一五〕而遇轩辕道士也。著《竹仙稿》。子凤仪，号月航，有《悠然集》、《袖韵》、《唐音南叶》。尸

江琅 字时修，芝田其别号也。长叶敬之八岁，声名每出其右。尝慷慨谓敬之曰：“吾欲与子相让为甫、白、愈、翱。”敬之曰：“唐称韩、柳，子顾举翱何？”曰：“翱文虽不及柳，其人可重也。”顷之，敬之举进士，而琅竟落魄不偶。然考试累居首选。提学万潮简诸生异等者读书于杭之万松书院，琅居第一，然卒不遇。诗文绰有古风，晚益耽《史》、《汉》、魏、晋，病中犹日授徒讲解。吴宗贯，其执友也，死而无家，琅收养其遗孤，尤征有始终云。尸

蔡礼文 字邦大，号应山。世居披云山，西有净应寺，因号应山。才而贫，以诗呈邑侯曾云：“地尽卓椎还有税，田留破砚总成荒。”又以《台雁浮踪》诗呈魏令清渠云：“江湖廊庙身何主，休戚看来共此心。”魏大击赏。探弟之荆州，舟行速，不值，题诗黄鹤楼，有“目断关山无雁影，汉江流水意迟迟”之句，亦为人传诵。尸

潘存斐 洪章，淋头人。尝建东桥，里中人即以东桥呼之。少

有志节，嗜《史》《汉》，不屑为媵阿媚世之文。又见世扰攘，无意进取，作《闵志赋》以自寄。家故多资，以乐推解，渐衰耗，终不自悔。嘉靖壬子，倭焚烧其庐，鳩工复建。适岁饥，乡里嗷嗷，慨然曰：“我居可缓，人之死不可坐视也。”遂辍役，以其资市米赈之。他行义多类此。年八十馀，郡邑两延宾席，辞不出。黄岩王金事九难以“海南大老”称之。著有《苍峰居士稿》。ㄱ

陈廷璧 字仲完，号月塘，屏下人。有诗名。局室芦帘，风雨不蔽，而吟咏自如。赵方崖使河南，闻其病，寄诗云：“洛浦望乡南斗近，相思无奈故人贫。”为梓行其诗。从子秋，号梅山，放浪江湖。游金华，与尚书卢后峰、都宪王麓泉订忘年交。著《见吾稿》。林白峰选刻《同声录》，推梅山为最。ㄱ

黄承忠 字伯己，号九野山人，尚书绾第五子。习举子业，试不利，遂遨游长安，历东西二塞，为诗客。外甥新建伯^{〔一六〕}为梓行其集。生平于书法、绘事、农圃、卜筮诸书靡不留心，得其寸楮，如获珍宝。子惟楫，字说仲，亦以诗游，与翰林沈自邠、廷评欧大任、虞部许应逵相唱和。从许之淮上，又为郡伯李芳邀与其子进士原中诗文相切磋。弟惟栋，并有名。其后，子孙隶黄岩籍，靡得而详云。ㄱ

林元协 字子彦，号方城，郎中璧之后。性聪慧。髫年攻举子业，已著声。一日检架上书，叹曰：“此中自可千古，岂在一第！”遂广搜旧籍，兼历名山大川，以箕颖^{〔一七〕}之行，任伊洛^{〔一八〕}之传。辑邑之诗可称者，附著其人行迹，为《征献录》。自著有《瓴甌集》、《敝帚集》。万历丙辰，按院杨入台访高士，邑大夫以元协应，深礼重。顾未能以名上闻。卒日，邑侯题为“文节”。胡珙，字伯莹，博学善吟，著《醉樵漫稿》，王楼峰亮为叙传；戴茂诚字元统，与从叔仿同志业，王百谷叙其《西阁州集》，皆与元协数唱和往还。此外，若钟人龙象冈、陈子传述甫、王正邦雍熙，俱隐迹以诗自娱。ㄱ

钟鸣琥 字子登，号玉溪，丹崖人。胸富载籍，下笔千言。松海兵备罗公闻其名，聘入幕，一切文檄、露布、奏牍俱出其手。尤为提督江北兵马大将军戚公继美所契重。病卒，戚哭以诗曰：“羽化闻君讣，悲歌首重回。风帆期共舫，铃阁忆衔杯。白日寒吟社，黄尘闭夜台。交情何处尽，肠断暮猿哀。”遗集数十卷，皆散无存。廾

林元考 字大兴，号平城，乔年后，应脗子。天性醇挚，事二亲甚谨。处乡族温温然，饮人以和。邑中有事，咸望其裁决，无良辈耻为所知，时论以比陈仲弓、王彦方。晚曳履芝山，啸傲泉石，与东嘉何无咎、冠屿赵可庵，族兄子彦、侄良相结社麋和。县大夫高其行，时时造庐问。年八十九卒，门人私谥孝穆。传有《芝山集》。子承古，文行并优，邑侯胡学戴举介宾，有“诗篇老更醇”之句以赠，年八十二卒。孙士龙，香河知县。次士彰，县学生。又其族有元罫者，号燕崖，贡生应禎子。结庐燕山，翛然尘外，永嘉何丹邱、夜郎谢芝房以为古之逸人。

金殷仁 字靖公，山下人。家贫好学，博极群书，读诵之声无寒暑间，四方从游者数百人。年七十馀，督学尝荐其才，不就。廾

阮文铨 字明选，号鸿山，县城人。德行醇洁。长古文辞，尤善骚雅。著有《竹林清啸》，梓行于世，林栋隆序。廾

李德春 别号虚白，高桥人。隐居放意。著有《两京游稿》、《春怀八咏》，梓行。廾

谢朝璞 一字城易，敬铭后。攻举子业，性孝友，学行为诸生冠。五赴棘闱不售，因放浪山水间。著作甚多，惟《雁鸣山房诗集》梓行。廾

陈尔瞻 原名避^{〔一九〕}，叶屿人。幼孤，抚于母黄氏，比长，温清定省，克供子职。励志诗书，为弟子员试辄高等。邑侯许成章题其门曰：“二五人中，宓子捭衣恐后；三千官内，蹇修将币何迟。”

年七十二，垂歿赋诗有：“风尘能暗黄金市，霄汉应开白玉楼”之句。才高遇厄，士林嗟悼。传有《星野集》。ㄱ

林承妥 字良相，号龙顾山樵，应祜之孙。苦心《坟》《典》，日有所得。著《龙楼集》六种。为诗若草茅之忠君、风木之孝母，皆关系名教，不屑藻采。华亭陈继儒、临海陈函辉、江右朱统经亟称之。天启以后，邑文风渐衰，其力主骚坛称祭酒者，承妥一人而已。

林汉卿 字尚九，一字赤霞，号若明，泉溪人。崇祜末，郡侯苟天麒特疏，以硕德宏才荐。福藩监国^{〔一〇〕}，慨然上书言事，力抵马士英，为当道所阻，拂袖归，不复出。著有《卷石山樵稿》。ㄱ

邱九思 字君征，号梦鹤，渊之孙。工书画。性好游，不事产业，足迹遍九州。陈寒山、杨龙友两先生为之延誉，所交尽一时名公卿，获赠遗甚厚，九思随得随散。所蓄名笔诗画，有好者亦辄予之。诸公强为入资为选郎，非其意也。著有《邱氏遗墨》，李宗伯维楨、陈靖江函辉为之序。ㄱ

江万纪 本名麟台，字以明，松门人，淮府审理息民子。耽学，手不辍披。精堪輿，兼知天文象数，言多验。自号鉤玄子。天台张侍郎太素深奇之。或荐于时相马士英，笑曰：“观彼所为，岂能作文天祥？江南且破矣！”挈妻子遁瓊溪山中。ㄱ

国朝 林承晓 号白生。淹贯经史，精举业，兼放浪于古文词。性温雅，不设机械。老益谦退，群居赋诗行酒，无少长，咸为欢洽，襟度豁如也。平日著作，贫未能梓，独《友说》行于世。

金鸣卿 字耐夫，号昌牧。为诸生，尚气节。已而弃去，隐居养母。母卒，哀毁骨立。与林茂同志友善。茂善鼓琴，世罕知者，惟鸣卿能得其高山流水之音。后鸣卿死，茂置琴不复鼓，人谓钟期、伯牙今世再见云。ㄱ

林 茂 字长倩，侍郎鹗之裔。明季明经。端方耿介。隐居方城山，

注《易》，鼓琴终其身。著有《瓦鸡草》、《逸园文集》。鹿城林太史增志闻其风，寄以诗曰：“廿年不改旧冠裳，姓氏知曾达庙廊。遗世惟耽陶令酒，杜门甘老管宁床。一枝梅吐孤山月，半部骚歌楚泽霜。长夜漫漫浑是梦，相逢何日说沧桑。”^卅

潘献良 字君亮，号羹梅，淋头人。明末诸生。兼综百氏，同辈中推其浩博，督学周延光深器之。国初在乡里为都讲，叶凤鸣、钟襄皆出其门。论者谓先生虽屈一第，而道亦尊，身亦足。遣界后，居长山之东溪，年八十馀，问字者犹盈门。^卅

蔡崇连 号西园，金清人。博闻，善赋颂。尤工笺牍，富丽如《樊南甲乙集》。游幕海内，两次为湖州太守王锡徵延请，又荐于同姓宛平冢宰熙，言议相得。一时朝绅如宗伯徐公倬、少宰严公我斯、总河孙公在丰，并礼为上客，以诗相酬答。然颇不以功名意为意，故乡里少知者。两子，长修职郎璁，次守备圣桂。^卅

江 左 一名长卿，号白下，松门世家，麟台子。博览篇籍，为词赋有名。国初，尝为王大将军^[-]延至温陵幕，陈遵尺牍，人竞传之。归，筑舍琥溪，花酒自娱，作《乐天词》寓意。遣界后，僦居长屿，自以依人如燕子，有《燕子赋》。尝记《松门遗事》，桑梓故实赖以有传。^卅

林 矿 字倚云，北山人。学邃才优，诗法韩、李，并长书画。为县学，甚有名。康熙戊戌，张抚军鹏翮拔取郡属超等，送杭州书院肄业，最为掌教陆内翰阶所识器。邑令张士骧数诣其家，或邀入署，与评书读画。尝语所知：“古人非公不至宰室，我正以非公至耳。”雍正壬辰，邑人筑六闸，镇帅、郡守皆临验，君熟故事，晓先代遗制，因命在列。工成，而水骤发，闸紧开迟，村居淹没，民蜂涌入城，毁首事宅，君独不及，缘素行人信服之。以气高傲不合于学师，为所齟齬，阻进取，改就太学终。^卅

林之松 字葱木，号鹤巢，县城人，后居乡。天姿敏异。同辈陈国载、娄应璧等皆精举业，以时文擅声，鹤巢兼习诗古文，碑传记叙得昌黎法，五七言警拔流利，亦肩随香山、随州。每秋试报罢，人为惋惜。与石璞斋至契，以其家为行窝，一年踪迹大半在城。喜诙谐，不拘小节，然至义所难取，千金不为动也。著有《绿天亭集》，齐息园宗伯为序传。ㄱ

金季琬 字序璧，号秋屏，鸣卿孙。颖异多读书，为文根柢经史，典赡而意能深入。邑诗学颓废，力振起，为后进宗仰，篇出争传录。雍正癸卯，学使例拔士入成均，与路桥连若谷俱在选，品校诗文策论，各不相下，乃更令默经书，序璧独无一字错，遂定贡序璧。家居授徒，经指划者大半为名士。张令坦熊数临访，以童试卷委勘定，榜出，士论允服。比莅玉环聘，同行一切笔墨尽出其手。操尚清洁，与张道谊文字交，未尝及他事。邑中称文行兼者，首推焉。弟季瑾，亦以学行著。时以比何氏大小山。ㄱ

金玉音 字子澄，号穆斋，部渎人。出秋屏、声墀二金先生之门。根柢经史，学极笃实。文宗先正，不为时趋，虽老蹶省门，不悔也。前与林倚云为诗友，晚交天台齐萱圃、黄岩王韩楼，邮筒唱和，深山独居，藉此为娱。老计积诗盈卷，阮芸台中丞录入《两浙輶轩采风集》中。生平衣冠古朴，不接俗人，步武皆有尺度。前辈隐德，后生稀识之。ㄱ

周 鉴 字梅友，号镜初，县城人。父歿甫五岁，十一岁兄又歿，母抚养成立。自少知念母艰，思所以悦其志。从金秋屏先生学，精进日异，归辄依依亲侧。向例，选贡多科试前列者得之，辛酉，君独以二等拔取，为破格之事。顾不以一贡喜，家居孝养，不赴廷试。母歿，枕枢侧数年，自谓失恃后，怅怅如无头路人。初年攬经摭史，为文雄恣，继乃敛华就实，专意四子书。尤殫精河图^{〔二二〕}，由李安

溪《周易观象》，上穷邵、朱《启蒙》及《皇极经世》奥旨，终日正襟玩索，有得则旁注，蝇迹殆遍，一一正书，不敢苟。性廉介，授徒所得脩脯外，一介无取。乡间高其行，偶出，见者皆耸敬之。卒年八十馀。门下生哀其留楹书梓行。ㄱ

陈凤飞 字馥清，号丹峰。辛酉科举人。寒门后进，幼无师承，而能力学，用已百已千之功，空山齏粥，手编无间，遂尔心大开悟。既膺乡荐，自河南入都，访求名宿，益拓闻见。馆龙门戴明府署，夜诵常至五鼓。戴谓：“如陈君之读书，吾心怖其勇也。”卒以过劳成疾，会试不能终二场。病亟，同年友林澹园力携出都，势不支，仍送还京寓。未几卒，年三十馀，闻者莫不惋悼。ㄱ

义 烈

死生之故亦大矣。至此能决然者，必其人有百折不回之志，与一往不顾之概。顾不以忠节名而必别言义烈者，仕、隐二门忠节具在矣，兹独异乎其能死也。陈宣、潘伯修之徒，非仕非隐，当别为之纪。若王静学之仕而死，陈天规之隐而死，以类从焉。独宋盘峰先生姓氏事迹不传，仅于明给事许伯旅诗中一仿佛其为人，悲夫！ㄱ

宋 许 涟 字昆玉，大闾人。靖康间，诏勤王，涟奋起曰：“吾男子，顾不如恤纬之女耶！”遂往从招讨张叔夜麾下，与金兵连战歿。ㄱ

黄 然 字弥薪，洞山人。少有远志，读书尚气。尝愤靖康之耻，思为国效命。会倭寇海上，以身出力，保障一乡。素勇健，日啖粥可一二斗。以软革缚腹，取猫竹之劲者留梢之半，手提之，纵横击刺，上下如飞。夜半贼突至，孤身与战，度不胜，为生得则辱，遂自刳，死犹身植立不仆，时年止二十五耳。家人收葬洞山下，为祠祀之。尚书绶有《英烈庙记》。其后有承德，字伯度，嘉靖二十三年，

倭寇蒲歧所，率义勇与战，亦亡于阵。尸

许绍字继甫，大闾人。咸淳初，领乡荐，仕至福建提举。张弘范师南下，其子请避之，绍曰：“食人之禄，焉避难？此吾效命时也。若与母行，俱死无益。”遂率兵迎战，被获不屈死。子日靖，遇朔风起辄北向长号。尸

毛彦字元一，号义圃，丹崖人。读书以忠义自许。德祐间，见宋社将屋，咄咄不豫，题诗崖壁，有“须知明月归来夜，也为沧桑一慨然”之句。会文信国至台，张哲斋招彦往从，义兵起，署彦都护军，其子国祥为之副。传檄海上，元帅张弘范知檄出彦手，叹曰：“忠义人也！”兵败，父子俱被执，弘范谕之降，不从，自缢死；并使谕国祥曰：“吾死国，若毋一念误亏忠节！”国祥亦死。弘范义之，为收瘞。李考功茂弘、沈高士公桓并尝纪其事。元末，又有名贞德者，方氏乱海上，闻其才，请为谋主，劫其子允保为质。允保逃至净应寺为僧，号楚庵。贞德与陈仲广率里人拒战于白枫河。仲广遇难，贞德挟幼子允泰遁山谷，匿名姓，自号流离翁。毛氏占籍丹崖三百年，为簪缨世族，至此尽矣。然历世以忠孝闻，崎岖转徙，复昌其后于晋山云。尸

元林梦正字古泉，谷岙人。博学能文，与虞伯生、揭曼硕为友。以遗逸举为溧阳教授。蕲黄贼寇溧阳，梦正摄州事，督兵御之，获其魁张姓，世职千户也。叱之曰：“尔父祖世受国恩，忍为此耶？”既而寇转盛，竟夺张去，令曰：“有生得林教授者受上赏。”既为所获，张曰：“前日骂我者非尔耶！降，即俾尔为帅。”梦正乃更骂不已。贼怒，缚于树杀之。详《元史类编》。今从祀乡贤。尸

潘伯修字省中，世居邑淋头。诗文与陆居仁、蔡徐庆齐名。前后数冠省试，入春官，卒不遇。见元政不纲，往往忧愤形之诗歌，隐居著述，并旁及天文、地理、律历之说。为文多寓微意，曰：“文

章不关世教，虽工无益也。”方国珍兵起，其族祖义和与乡人应允中等纠众与战死，伯修避难玉环，续馆西乡柔川黄氏。江浙参政[二三]朵儿只班统兵至，将尽屠海上民，伯修率父老诣军前力争曰：“百姓何罪？创乱者独国珍耳。”乃得免。又尝挺身说国珍降，左丞荅纳失里奏其功。国珍卒据有温、台，开府庆元，同郡名士朱右、詹鼎等多往依之，独伯修不肯屈，卒为所忌，使盗待诸隘杀之。或云郭枢密仁本潜之也。应梦虎哭以诗，有“嵇康未必轻钟会，黄祖何曾爱祢衡”之句。其徒黄中德欲走婺州请兵为复仇，会国珍已降明，不果。谢方石有《待隘盗》篇，为伯修作也。子元贞，隐迹玉环，孙良友、良交等始还里。卅

应允中 字得闻，甓下人。方国珍反，允中与朱甫、潘义和等潜募勇壮几万人，与战于半野桥，允中坠水，遂遇害。郡将达公闻于朝，赠临海尉，旌其门。

陈 宣 字钦召，太平乡人。方氏寇海上，令郭仁本劫宣，不从，遂倡合乡兵御之。仁本遣党纵火焚其家，宣度势不可敌，乃自刎。葬王大田山，州正赵宜浩书其碑曰“独节陈宣之墓”。卅

明 王叔英 字原采，号静学，亭岭人。初从外家陈姓，后复本姓。其学得于临海陈南斋，以圣贤自励，同郡叶夷仲、林公辅皆心折之。尤与方正学道义相剋切，往来多规过之言。洪武二十年，与方、叶同召，中道辞还，遗书方，劝以合时措之宜，缘其平日好言复古也。久之，应仙居训导之辟，改德安教授，升知汉阳县。天旱，祷于神，雨随至。既雨不止，祷又即霁。其祷神文诚意恳切，汉阳人至今诵之。建文初，召为翰林修撰。论行限田，至数千百言。又上务学问、谨好恶等资治八策，且曰：高帝除奸强，若医去疾，农去草。急于去疾或伤体肤，严于去草或损禾稼，疾去宜燮其血气，草去宜培其根苗。援古证今，言皆切中。靖难师起，至淮，奉旨募兵广德。尚书齐泰惧诛来奔，公曰：

“泰贰矣。”命州人执之。泰告以故，乃释之，与图再举。闻都城破，恸哭，沐浴具衣冠，书绝命词一首云：“人生穹壤间，忠孝贵克全。嗟予事君父，自省多过愆。有志未及竟，奇疾忽见缠。肥甘空在案，对之不能咽。意者造化神，有命归九泉。尝闻夷与齐，饿死首阳巅。周粟岂不佳，所见良独偏。高踪邈难继，偶尔无足传。千秋史臣笔，慎勿称希贤。”又书案上曰：“生既久矣，愧无补于当时；死亦徒然，庶无惭于来者。”遂自经于祠山玄妙观银杏树下。同乡道士盛希年为葬于祠山麓。妻金氏瘐死狱中，二女自沉井。弟元默潜匿，为里人金宽告捕亦诛。门下士杨文贞士奇，正德间为追题墓石，因公弟子张玘访知公幼子戍大同，以百金与其乡人孟范赎归，命扬州教谕某教之。明末，追赠公礼部侍郎，谥文忠。卍

林孟圭 字彦璧，承旨仁本孙。少年恃气，为怨家所中，发锦衣军。以方经乱，宗祀衰落，脱归，娶妻顾氏，既生子，仍身赴营伍。会南州寇乱，诣军门陈状，请立功自赎。奋勇屡杀贼，死于行间，子孙得除名军伍。君子曰：“其逃以存祀，孝也；其归以效死，忠也，可传也夫。”详见裔孙贵兆传赞。卍

林 霄 字克冲，侍郎鹗从弟。五六岁时号奇童，十五岁食廩学官，以优等贡太学。登进士第，入翰林，升刑科给事中。成化十一年，暹罗遣使人贡且告丧，以公皙肤伟貌，发声洪亮，特赐一品服，与行人姚隆往封其子国隆勃刺略坤息刺兀地为王。其国在占城西南，必顺风十昼夜始至，波涛不测，人皆危之。公曰：“君即天也。顾辱命是惧，何足危！”至其国，议相见礼不合，不肯宣诏。除馆西郊，供张甚薄，再三欲屈公，公不受，愤恚成疾卒。副使姚折节，获厚宴重赂以归。事闻，罢黜姚，厚恤公，赐祭葬，赐敕有“仗节不屈于蛮邦，结愤竟归于冥漠”云云。子菲，荫国子生，官光禄寺丞。卍

吴献忠 松门人，世袭指挥僉事。李自成寇逼都城，遇贼力战死之。卅

国朝 许鸿儒 号象垣。自其祖永乐间为松门卫镇抚，世职，至象垣以文学显，受知督学樊公，同里刘上更应陞、沈松霞志夔并推重之。顺治四年岁贡，谒选得广西罗城县，携弟重然，二子承昊、承荐之任。时县境为贼踞，大师未进克，身随征战，家暂止长沙。承荐病死。辛卯，桂林既下，同事分方赴任，至沙巩，会罗城胥役来迎，重然先往，中途陷于贼，惟承昊相随，间关入县。治凡一期，地方有起色。壬辰，西兵^{〔二四〕}骤入，省会告变，定藩自焚，州县一时皆溃，罗城孤立失援。象垣为贼得，以刃加颈逼令降，象垣不屈，并子承昊俱死。姻戚季廷梁闻而哭以诗曰：“四人离家园，沦胥无一存。虽得忠孝名，其如死者冤。”读者伤焉。甲午，仲子圭万里奔丧，哀请赠恤，赠广西按察司^{〔二五〕}僉事。谕祭文略云：“历潢池之起变，励臣节以弥坚，临难不屈，殒命甘心。”命府县两学祠祀，荫一子恩骑尉。圭流寓江右，恩典遂悬。后归，徙家泽库，裔孙国鹏补荫，改文生。又有居长屿曰习之者，犹守其前任太守大治所作《许公南坡及方安人合葬墓志》石刻。卅

陈朝枢 字拱之，号天规，屏下人。为诸生，颇自负，不少下人。顺治丁酉九月十九日，郑寇陷邑城^{〔二六〕}，闻其名，胁授伪职，朝枢誓斥不从，贼怒杀之。子良锡，字士元，自楼掷下救不及，挺身与贼斗，贼断其右手，左手犹持杖斗不已，贼又杀之。血溅处，经数十年犹殷然。先是朝枢请乱，画百马图，图成，马身首皆相离，至是父子俱死于贼。邑令孙如兰欲上其事，不果。有会稽游士吊以诗云：“尔父持峻节，尔身甘挫折，非为利名然，难得一时烈。”读者为酸鼻。卅

一 行尹

志坚一往，而不二三其德。一行者，行之笃也。然有一节之善，古贤所取，足以砥世励俗，不必求其全。此亦录一行之意也。尹

宋 金恒简 字朝略，号遯公，泉溪人。居乡多厚德，有还行人陈振遗金事。里党纷争，恃一言以解。歿后人惜之，为语曰：“遯公不生，谁与息争？遯公死后，无从诉剖！”县西明因寺，其所重修也。尹

戴秉器 舜钦从子。蔡滂尝语水心先生：“戴居南塘，富盛累世，秉器尤为邑里所敬，有巨人长者之德。”族人新构宅者，将为门以出，秉器故有大圃正当其道，其人噤不敢言。秉器微知之，中夜，毁圃夷其地，诘旦门立，则町然庭也，族人殊不自意。其平生行事类如此。歿已久，怀其德者语及，辄苏苏陨涕曰：“今不复有戴公矣！”尹

丁世雄 字少云，丁岙人，世昌弟，出后伯父进武校尉轼。挟《周礼》应举，坐不如式罢。俄而校尉死，无兼子弟，少云且读书且膺家，慨然曰：“岂天之与我有限哉，我非以家自歿者也。”即其居起高堂温室，辟园池，招致四方名士与游，意欲有所论著。客自天台、雁荡来者必归之，留连旬月，有依之不去者。凡乡人遇官私急难，常借助之，税役或为代输，疾病给药，死而无归者为殓葬。有以伪死乞敛具者，少云不以疑也，亦畀之。从弟希亮常訾少云似杜季良轻薄，少云不为变。及希亮得疾垂绝，无妻子幼，乃请少云属以后事。少云拭泣曰：“弟毋匆匆。”他日，少云之妻戴氏为其内，少云为其外，经纪诸用过于希亮在时，人以此益多之。子长木，次复，并贵显。尹

陈 纬 字经仲，问道之族。少与谢丞相深甫同学，为莫逆交，已又为婚。比谢贵显，经仲引嫌自远，足迹不一至其门。尝同蔡武博修建永丰等九闸，积三岁不窥其家。复捐廩以赈饥民，不责其偿。里人咸呼为“陈义士”云。尹

戴龟朋 一字叔宪，号竹洲。舜钦孙，进义校尉秉中子。少苦学，文记、诗歌清卓无俗韵。生平介介自持。遇人急难，若己疾痛，救之不暇。好义不亚从叔秉器，而资力不及，人谓其所为尤难。娶蔡武博女弟，无子，侄本嗣。叶水心志其墓。ㄎ

戴 丁 字华父，秉器子。父子两世尚义乐施，乡人并呼为“戴佛”。族叔屋无子，以子栝后之久矣，会其亲从有子，屋以彼素仇，且继已立，坚不欲易，丁劝以大义，而使栝亟归。从弟澹且死，子幼，念惟丁可托，举家资半请其子栩为之子。后澹妻邱能寡，又抚子如己出，丁曰：“是庶几矣，曩吾受弟产，冀安其心，今不还，直利之矣。”即以券归之。二产值皆万缗，而能弃不取，君子谓其克以义断。子楷、木、栝、栩。木字子荣，号渔村。从叶水心游，学问渊雅，著《类事蒙求》。神童颜老，木子也。ㄎ

毛仁厚^{〔二七〕} 字及之，丹崖人。开禧中，与清献公同发解于州。建义仓，岁或不登，发义廩贷之，窳甚者不责其偿。又率同志为诉于州县，请公廩赈。嘉定己亥岁大祲，时及之已感末疾，梦数万蚁浮水，引以竹乃得渡，觉而言曰：“其殆饥甞，需我活也。”乃力疾走州县请粟。家人忧其病，固止之，应曰：“饥民苟活，吾死不憾矣。”因得所请，竟含笑而卒。后清献公为表其墓。另辨见后。ㄎ

陈 容 字益之，新建人，后迁旧邑之澄头。尝立本价庄，岁出缗钱数千收粟于秋，而以本价粜于春。其数所赢馀，每遇凶岁，减市直之半，遍邑中恒仰给焉。见《戴彦肃集》，杜清献亦为之记。ㄎ

林宋卿 太平乡人。补太学生。先是常平使者阿时相意，括浙西阙役义米献羨馀，因循不革，催甚急。时邑无义役，宋卿父从周白于宰陈公汶，创行之。淳祐九年，王公华甫来，因其法约：产百贯鳩田一亩，节贮其费，候别置田足敷役，還元鳩之数。太平一乡专畀宋卿主其事，不二十年，置良田一百七十馀亩。王公来守台，

申前约，以元鸠田还其人，宋卿家元助田十亩，独不取。与其弟齐卿谋曰：“吾家主此义者也，可亦利之乎？”并以附新置田，一乡之经费沛然有馀，民得安枕。《黄氏日钞》有《黄岩县太平乡义役记》，盛述林氏父子兄弟之美。ㄎ

林乔年 字松孙，泉溪人。养高不出，缙服共爨，庭无间言。又建沙埭二闸，溉田万馀顷，乡人赖之。ㄎ

陈参生 迁浦人。元兵至，负母逃。母曰：“我老病垂危，汝速去，俱死无益也。”参不忍舍，遂遭其害。ㄎ

元 陈 德 字开初，一号端卿，屏下人。博通经史。因生宋季，隐迹不仕，于所居山下建便休亭。曾孙舜炯，亦有名德。丁雪舫侍郎赠诗，深致钦重。ㄎ

张寿鹏 四都人。尝从父定一州判之任和州，至临安道中，父卒，寿鹏奉柩归葬，庐墓泣血不止，有芝生于庭，鹊巢檐角。泰不华守台，以闻，诏旌其门，建孝感坊。ㄎ

陈永期 字颐仲，前陈人。精《易》、《春秋》，以德行闻。元末尝三辟不就。居乡施义浆，织草屨万馀两，以便过客。岁疫，有全家不能葬者，悉为葬。与王伯雍为莫逆，伯雍卒，以三丧托，经营既毕，并为文告之。子道常，官巡检。ㄎ

余国元 紫高人。其母乃宋时二徐先生之裔。至此，二徐后绝，国元承母志，奉其遗像及行实，遍走四方，求名公表扬。潘从善序其事，谢方石、张汝弼有跋。ㄎ

明 谢温良 字伯逊，桃溪人。至正间客昌国，奉母陈氏以居。陈病症，伯逊刲股作糜以进，母辄差。时昌国兰秀山盗发海上，州人皆匿山谷，伯逊侍母独不去，寇义而释之^{〔二八〕}。寻奉母至黄岩，而留橐于旧馆人。越一年，往取橐，比至，忽梦母盛饰坐堂上，辄弃橐以归，母果病危。又一年，母复病瘵，手足痿痹不自举，伯逊

扶持眠食凡十有三载，不少懈。洪武中，以孝廉应召授官，敕还祀其先，病卒。ㄎ

黄与庄 字谷时，谷春弟。读书不事华藻。与文士黄云松斌、陈石门铿翁交。在乡多义行。次子礼孚赘小閭薛氏，妇悍，以反目纠父兄箠击其夫，礼孚不胜愤，自缢死。妇家惧，欲置舟甯海上。谷时至，哭临毕，杖其子尸，曰：“吾望汝厚，以夫妇口角遽轻生，不孝莫甚焉。”令棺殮，火之。或尤之，曰：“吾非忍而为此，非是无以安薛氏也。”妇弟金敬温以耆老赴阙言事，谷时赋诗赠行，既往而忘携其诗。敬温得罪，赠诗有名者皆被遣，谷时独获免，人以为天佑之。再传而生职方彦俊焉。ㄎ

陈圭 字锡元，大閭人。洪武初，父叔宏为仇家所讦，法当死。圭诉所司曰：“圭不能谏父，陷父不义，愿以身代，祈原圭父，使自新。”事闻，上大喜曰：“不意今日乃复有孝子，宜并贯之，为天下劝。”刑部尚书开济奏曰：“罪有常刑，不宜屈法开侥幸之门。”遂听圭代死，而谪其父戍云南。见《泳化类编》。ㄎ

陈颜 圭之族。洪武中，倭寇登岸，居民骇散匿山中。母葛氏老且病，颜负而逃，力不能任，恐寇追及之，母曰：“我死决矣，汝亟去。留汝收吾骨，孰与俱死！”颜涕泣不忍去，并遇害。谢方石为作《倭登岸》乐府。ㄎ

邱鐔 字叔卫，号蓬屋，应辰之后。早丧母，事父至孝。父年高无齿，鐔取鱼肉之精美者制丸饼以进。比卒，遗命葬祖茔之侧。茔去家百里馀，岁歉费巨，悉力经营，卒如命，乡人称之。修撰王叔英为传，上其事于朝。ㄎ

陈彪 字炳文，元珏之后。尝设义塾以教宗党之孤贫者，延同邑程成趣为西席。其次子稍顽，程挞之，翌日^{〔二九〕}死。炳文止家人毋哭，以安其师，里中人皆是之。ㄎ

赵 岩 字维石，号耕趣。宋武翼大夫亥之后。曾祖德明，元时始自洪洋迁冠山。世饶于资，多行义，于里族之贫者有恩。建石闸二，人沾其利。充千夫长，督造海舟，事集而民不扰。卒后，外孙林侍郎为求于侍读刘俨为墓铭。弟峰，字维阳，行谊如其兄。卍

谢本立 字原参，温良子。尝役于京师。有丹阳学官陈俊者，岭南人，与共旅馆，以白金二百两托之，随游他处。原参病濒危，乃亟遣其子廷翰速俊还，归其金。俊至，原参已死矣。

林 元 字用白，团浦人。性至孝。年十三，父病，医者莫能疗，元刲股作糜以进，夜则稽顙北辰，愿以身代。越数日，父病良已，刀痕亦随复，人谓孝感所致。居常供养，皆潜自营办，不令亲知其难。会岁饥，富家射利闭粜，乃携古器物往他县易米，躬负归以供二亲。如是往返者凡数四。比秋成，则喜曰：“吾父母自今可保无虞矣。”二亲卒，顿擗几绝。既葬，月朔必至墓所，号恸徘徊不忍去。李都宪匡为作《孝子传》，沈洗、叶辅皆有诗。卍

钟则厚 字仲温，号松里，泽库下庄桥人。永乐初，以才行举，亲老不赴。尝缘他累入京狱。有同郡人先在狱委顿几死，则厚分所有济之，兼代营救，得并脱。里人叶守华家为盗所焚杀，暗设计为捕。叶之邻鲍敬夜梦守华披发奔走往钟家哀请，数日而盗获，传为异事。正统六年岁歉，输粟三千斛助边储，诏旌其义。卒葬丹崖。武靖侯凤阳赵辅为志墓。卍

戴守温 名瑱，佘事信之族子。少孤，孝事其母。母病须鲫鱼和剂，时际隆冬，亲解衣入水捕得之，服果愈。居丧哀毁过常。寻以疾卒，贫不能葬，邑令袁公道为营冢于小唐岭之侧，题其阡曰：“方岩之北，唐岭之南，孝子之风，流千百年。”稍先，有洪溪者，字永昂，泉溪人，尝割股愈母李氏疾，作《百雁图》劝宗人敦睦，袁亦举充乡饮宾^{〔三〇〕}。卍

林 登 字大登，号中冈，恺祖裔。父世博^{〔三一〕}卒时，登年甫十三，奉母陈氏惟谨。读书遇古孝友事，辄感泣自励。积资葬父，治一室，朔望拜奠。弟妹婚嫁，惟母意无所靳。母年八旬，患末疾，虑卑湿，筑楼居之，颜曰“春晖”。时登年近六十矣，常如孺子慕，如是者复一十七年，母始卒。邑侯唐旌其门曰“节孝”。乡先生赵方崖、叶少峰更为《萱堂丽日图》，以扬厉之。卒年八十二。子子蛟，字潜斋，袭其先世仙授书施药，全小儿命无算。起留耕堂遗子孙。享年七十八。孙之干，字宁箴^{〔三二〕}，孝事继母，周邻族。尤好蓄书，延名师课子侄。笃古喜吟，所至山川有题咏。卒亦年六十馀。卍

林继敦 字恒笃，号养恒。亲卒，庐墓三年，足迹不至家。府县旌其门。卒年八十九。

潘 康 字宏阜，沈岙人。负奇尚义，不惜指困济困。弟早卒，抚孤嫁女，备尽心力。建斗山书院，具脩脯延师以教后进。年七十七卒。见王东瀛、蔡霞山二公文集。《叶海峰集》微异。卍

钟世符 字阶甫，号笃庵，楼下人。幼负高志，从王阳明游。筑“读易楼”以居。父逸休卒，枕块寝苫，母卢安人虑其过哀，粉干鱼入粥中，觉而大号，遂不复食。为国子生，湛甘泉、王虎谷皆相器重。时相董公，与世符^{〔三三〕}媾，以孝子不为下，大恚，嘱铨曹远除广西浔州照磨。未几谢归，筑“养心窝”，诗酒自适。郎中郑善夫传孝子甚详。卍

钟承炮 号诚斋，丹崖人。天性笃孝。父死，日惟蔬粥^{〔三四〕}，冬夏不炉不扇，晨夕向墓拜号。母死亦如之。庐山中五年，饲一犬，有所需，书片纸系犬颈，命至家取之，无不达。犬尝猝遇虎被衔，孝子随其后号诉，虎即释犬去。舍后竹生二笋，一夕簪解，节间成异文，咸云孝感所致。黄岩令高材闻而亲拜于庐。从祖典仪凤城赠以诗曰：“白云苍树丹崖北，岙口相传李氏居。千古云山终不改，一时添设伟元庐。”卍

黄承梯 字汝觉，号南陵，三都人。性豪爽，慕季心^{〔三五〕}之行。族子典为债家逼，致鬻妻以偿，承梯闻，疾往，以五十金全其夫妇。兄承产，嘉靖岁饥，尝出粟赈乡里贫者。人谓义行多出其家。卍

江允孚 盘马义民，有旌义坊在司侧。又吴永昭，号筠亭，横塘人，同知王嘉其出谷济荒，镌名府后山碑。卍

钟永儒 泽庠人。一日寓京师，有解户遗白金三百两于途，永儒拾得，坐故处伺其人来，问实，竟还之。又有隘顽杜民显者，捐己资百金，垫甃大闾官路可十里许，前令大书“旌善”二字以颜其门。卍

邱 渊 海之后。尝委理社仓，岁凶谷少，救赈不足，每自捐补给。万历年，学宫圯，渊捐资修葺。以及疏河、修城堞，率先倡议。卍

黄 龙 字守庵，三都人，本宋武博蔡镐后。寿百有四龄，巡道谭亲造访。谦德恂恂，衣冠古朴，类非近世间人也。有坊在皇华亭侧。裔孙鹏，字翼云，邑诸生，能于族戚之贫者有恩，卒年七十八。卍

王承章 字大奂。性至孝，幼丧二亲，哀慕不已。父号梅楼，见座有梅枝，珍重爱护如对父。一日，瓶梅生根结实，乡间以为孝感所致。知县伍元正表其闾。又有王应殿、徐善兼，皆诸生，以庐墓称孝。卍

程国俊 字廷彩。髫龄锐志经史，赋性纯笃。父病剧，吁天求代，因割肉疗之，父病旋愈。州县并详其孝，学道洪批给衣顶，旌额“童年知孝”。同时，有滕壮来者，年十二，亦能割股疗亲疾。卍

邵世昌 字如海，松门人。弱冠游京师，捐资修造会馆，刻《天涯桑梓录》，以笃乡亲之谊。邑城隍神像亦其增塑。所施关庙蟒袍玉带，至今存。卍

国朝 韩元杰 业歧黄，济人不以贫富二心。国初海警，军校执一女至，元杰行医于署中，闻泣声，即罄囊中金二十为代赎。询知女湖雾陈姓，受南閤章氏聘，家已无所归，为具奩嫁之，邑人高其义。

后有叶承麟，为子买妾，闻其良家女，亦另择对为嫁。

金□□ □洋人。亲歿，寝苦枕块，守制尽礼，不出素帏者三年。比葬，砖石皆自负。乡人称孝，知县张国栋表其闾。ㄩ

郭世臣 字谐虞，振民子。邑诸生。幼时，父暨嫡母俱亡，事所生母寝膳以至洗涤，靡敢少懈。娶室王氏，生子未周而妻卒，遂不再娶，生母为代抚，世臣授徒以供甘旨。与诸弟子讲论，遇古忠孝事，辄欷歔，惟恐反躬之不逮。子连城，亦诸生。

郑朝寿 焦湾人。五岁父亡。稍长，念母抚育劳，力作供膳。十五岁母卒，合葬父墓，庐其旁六载。深山有虎，人劝朝寿避，朝寿不从。虎尝一入庐，竟不伤而去，士大夫闻其事，咸赋诗赠。ㄩ

张世坚 寿鹏后。母疾药石不能痊，世坚甫弱龄，涕泣吁天，刲左臂和药以进，母遂愈。事闻，巡道张、郡伯鲍并旌之详，提学给以衣顶。同时有施伯申者，下保人。八岁，母病笃，家贫，药饵无支，刲股进，母病得痊。邑令刘旌其“髫年知孝”。ㄩ

金尚麟 字惺初，金清人。康熙五年，岁荒，煮粥賑饥，多所全活。严州司李高公凌云以抚恤至邑，高其义，详宪旌奖。ㄩ

石承柬 字乾一，县城人。勤业起家致饶裕，然颇能推解，应乡党之急，屡求亦屡应。甚有以怨报者诬之官，里论不平，欲共攻，承柬力止，事卒白。甥章某亡，遗子梦鼎，为衣食而教训之，既入学，且代娶妇。买媵良家女，闻珠村王子振尚未娶，慨然具资嫁之，女得所归，王祧亦借以续。他所为多类此。年七十二卒。ㄩ

林 沅 字用丹，号石波，北山人。弱冠入府庠。事亲能色养。家无馀资，尝济人之急，曰：“眼见形状，心内如何得安，予亦不自知其为从井救人也。”歿日，邑侯徐括庵吊以诗，有“一代冠裳悲宿老，三冬夜火哭邻家”之句。ㄩ

陈梦雷 字函玉，号兆魁，叶屿人。贡生，考授州同，分发江南，

承办河工，浚泰州丁溪一带二百馀里。河员以奔走应对为能，兆魁朴实任事，与同辈不合，归。富而能施。康熙三十一年，岁歉，出谷五千一百馀石散乡里。三十三年，又散种谷一千四百石零。见何侯有略《陈兆魁賑济册序》。其于拾骸瘞骼等事，尤亟亟为之。歿日，阖邑人举其生平十善报于官，并有传其为神者。卍

李懋材 字宗望，号绣屏，人呼屏翁，归州知州南湖^{〔三六〕}父。以州司马职需次在都，见知于甬上仇大史兆鳌。还里，力行善。环山皆李姓，无高资，翁以一身应通族门户。戒族人勤俭守正，勿坠先都宪家风，虽长行，皆敬听。贫困时周恤，岁大侵，人情惶惶，独长山晏然，以有翁在。邑义举莫先翁者。尝谓掩埋髑骼诚仁人事，然哀瘞一处，男女莫别，或反使死者不安。岁遣人检拾，每骸一具为坛盛入土，用意可谓至矣。卒日，白衣冠吊者，路为阻行。以子贵赠官。卍

张 淮 字禹川，号静波，泽库人。邑诸生。学问淳实，不事声誉。性方严，治家有法。异母弟五人，皆身为经营婚娶。同居，财物贮一室，听所用，各令簿记。量身制衣数袭，出入更易，讵用返故处。门庭整肃，至其家者终日不闻妇女声。创立宗祠。率里绅建文昌阁，为文会，诱引后进。既老，犹自力于学。在乡里规言矩行，每出，咸背指为狄仁杰，以其正人也。老成典型，歿后，人犹思之。子摯，明经，能世其家。卍

林乔丰 字圣瑞，号朴斋。府学贡生。端居绩学，以名德推重乡里。人谓君有三异：处县朝喧嚷之地，而心如在空山，一也；家垆程白^{〔三七〕}，而被服儒素，不异单门，二也；平日恂恂惟谨，独义之所在，奋往不顾，三也。至其一门怡怡友爱，创宗祠，立私塾，事事可为矩则。文庙之成，平巢之举，并其首倡，宜汝南月旦无异词云。卍卍

续访四乡名德，在石桥有蒋天植，高桥有李守奉，东外有裴炳南，

新河有丁长发，行谊皆可记，惜志已刻，故缀于此。ㄩㄩ

校注ㄩ

[一]皇皇者华臣获五善 皇皇者华，《诗·小雅》篇名。《序》谓：“《皇皇者华》，君遣使臣也。送之以礼乐，言远而有光华也。”后因以“皇华”为赞颂奉命出使或出使者的典故。五善，谓咨、询、度、谏、谋。《左传·襄公四年》：“臣闻之，访问于善为咨，咨亲为询，咨礼为度，咨事为谏，咨难为谋。臣获五善，敢不重拜。”ㄩ

[二]舜钦从子 按戴敏应为舜钦从弟。见《嘉靖志》卷六校注[一]。ㄩ

[三]鹭屿 原文作“木屿”，即今之牧屿，本志统一称“鹭屿”。ㄩ

[四]诚叟 “诚”原文作“成”。诚叟，王綽字，今改。ㄩ

[五]已八旬 按戴复古自称“落魄江湖四十年”（《镇江别总领吴道夫侍郎》）。他生于乾道三年（1167），归来时经扬州，淮东制置使赵葵接待他，约在嘉熙元年（1137），此时正七十岁。此处本《台州府志》，言在江湖“几五十年”，归家时“已八旬”，误。ㄩ

[六]著 原文误作“居”，今改。ㄩ

[七]披靡 “披”原文作“波”，今改。ㄩ

[八]邱木居 《赤城新志》卷九：邱渐，字子木，人称木居先生。原文“邱木居士”，衍“士”字，今删。ㄩ

[九]圣教阴符 圣教，《圣教序》，僧怀玉集王羲之字迹刻碑，世称《集王圣教序》。阴符，《阴符经》，唐欧阳询书。ㄩ

[一〇]戴胄 一说“胄”当作“胃”，见《光绪续志·辨误》。ㄩ

[一一]胄监 国子监。ㄩ

[一二]李毓 按《康熙志》作“李敏”，《嘉靖志》作“李毓”。ㄩ

[一三]工部左侍郎 按《康熙志·黄孔昭传》为“赠工部右侍郎”。ㄩ

[一四]王佐 《嘉靖志》《康熙志》均作“王良佐”。本志卷十五下《王古

直传》作“王佐”。

[一五]侯刘相聚 刘师服与校书郎侯喜夜坐谈诗，一道人指石鼎说：“能同我以此赋诗吗？”于是三人相与联句。二人睡去，道人不知所往。请教韩愈，韩说是轩辕弥明，并为《石鼎联句》作序。ㄚ

[一六]新建伯 原系王守仁的封爵，子孙世袭。此指王守仁孙承勋，为黄承忠甥。

[一七]箕颍 古代高士许由居箕山之下、颍水之阳，后人因谓隐居之地为箕颍。

[一八]伊洛 伊水、洛水。此指宋代程颢、程颐理学。程氏兄弟洛阳人，讲学于伊洛之间，故称。ㄚ

[一九]原名避 尔瞻名应颢，为避嘉庆帝（颢琰）讳而隐去不书。

[二〇]福藩监国 福藩为明神宗孙朱由崧。崇祯帝自杀，明朝灭亡，五月初三日，明朝在南京的势力拥立朱由崧监国于南京。五月十五日，朱由崧在南京称帝，年号弘光。ㄚ

[二一]王大将军 康熙十三年耿精忠之变，清廷命和硕康亲王杰书为奉命大将军，统军进剿。时人即将其简作“王大将军”称呼。ㄚ

[二二]河图 儒家关于《周易》卦形来源的传说。ㄚ

[二三]江浙 原文倒作“浙江”，今乙正。ㄚ

[二四]西兵 指张献忠残部李定国部队。张于崇祯十七年在四川成都建立大西政权，故称之为“西兵”。

[二五]按察司 “司”原文作“使”，今改。ㄚ

[二六]陷邑城 指郑成功部队攻陷台州事。参见卷十八《兵寇》。ㄚ

[二七]毛仁厚 《中国人名大辞典》有毛仁厚，名字、事迹与本志毛仁厚相同，却是衢州人，且称“开禧中与赵抃同发解于州”。赵抃北宋人，开禧是南宋年号，显然自相矛盾。按：衢州赵抃与黄岩杜范卒后皆谥清献，《人名大辞典》将杜清献当成赵清献，致有此误。毛仁厚确为本县丹崖人，戴丁婿，内舍生，

绍兴府嵊县主簿，见叶适、戴复古所撰戴丁夫妇墓志铭。ㄩㄩ

[二八]寇义而释之 按《嘉靖志》卷七作“师义而释之”，本志卷十六《谢孝子传序》作“帅义而释之”。

[二九]翌日 按原文“翌”作“翼”，两字相通，今统作“翌”。ㄩ

[三〇]乡饮宾 乡饮仪式中的“宾”，多请有声望的士绅担任。参见《嘉靖志》卷五《乡饮酒》。ㄩ

[三一]世博 原文误“博”为“传”。ㄩ

[三二]宁箴 “宁”读作 zhù。下文言其“尤好蓄书”，“蓄”，原文作“畜”，作积贮解，也作“蓄”，今统作“蓄”。ㄩ

[三三]世符 原文脱“符”字，今补。ㄩ

[三四]蔬粥 “蔬”原文作“疏”，相通，今统作“蔬”。ㄩ

[三五]季心 西汉季布之弟，仗义任侠。ㄩ

[三六]南湖 原文倒为“湖南”，据卷十一李南湖本传乙正。ㄩ

[三七]家埒程白 程为秦代程林，以酿美酒得名。白为战国时魏人白圭，尝言自己治生如治国。二人皆以经营致富。埒，等同。ㄩ

嘉庆太平县志卷之十三

人物志 四

节 孝

刘向大儒，其传列女，载卫宣姜、息夫人贞烈事，与《诗经》、《左传》绝不同，非真是非之谬，抑亦见闻之殊。闺门志节，亟宜表章。介马馱馱一诗，于无过中求过，至阴蒙神责如老铁者，能不惧焉！新志所录，皆经里族呈报，可无疑其滥。尸

宋 许生坎妻虞氏，大闾人。绍兴间，生坎入太学，挈至行都。生坎卒于寓舍，贫不能归葬，从杭俗舁柩郭外焚之。火炽，身跃入与俱焦。家人曹狗儿检其骸，归瘞东山。都人吊之，有“谁信寒灯虚岁月，自投烈焰儆冰霜”云云。尸

朱士龙妻蔡氏，博士镐女孙也。归朱氏五年，夫卒。本路常平使者闻其贤，欲聘之，咸劝改适，氏曰：“彼虽贵，岂以易吾节！”断发示劝者，乃不敢复言。奉亲教子，于为妇为母之道兼尽。卒年七十馀。尸

陈仕道妻戴氏，石屏孙女也。适仕道十年而寡。遭宋末寇乱，长子国珣被掳，次国琥尚幼，凌侮四起，能于疾波骇浪中柏舟^[1]坚致无恙，且造就其子为闻人。盖节妇亦贤母也。尸

元 郑谷祥妻陈氏，临海人，名贞一。年十九归莞田郑闾中孙

谷祥，五载而谷祥亡。抚其媵所生子女如己出，言动以礼，闺门肃然，乡人称之。至正间，诏旌其门。卅

洪氏，许嫁南塘戴氏子，将行而夫疾亟，其父先遣婢视汤药。比于归，中途闻夫卒，从者皆阻，氏不肯，曰：“吾之死靡他矣！”至戴服丧成礼。婢有遗腹子，抚成之。有司以行闻，诏旌所居曰“夫人里”。人咸称“洪夫人”云。卅

马祀妻盛氏，三坑大家女。幼读书通览。归东山马氏，甫十年夫死，家中落，殓^{〔一〕}具皆出氏经营。惧伤老姑意，辛苦不使闻。口授子女书句，以指蘸渍麻水作点画。终丧，遇月吉，必衣经拜中庭，感涕歔歔，久而不替。至正末，避地西华岩深谷，士族并迎礼之。有《梅花诗》数十篇传世。子纯和，为名士。叶、谢各志一人异载。今以同时陈德永所撰《马节妇述》为据。

明 林景韶妻戴氏，团浦人。景韶任象山尉，明初死倭寇。氏少艾，母族欲夺其志，泣曰：“吾不即死者，以姑与两孤在。今见迫，有死耳！”引刀自刳，女奴夺去，遂剪发自誓。姑赖以养，子亦成立。鲍纪善原弘为传美之。卅

沈思锐妻林氏，名靖，团浦人。元翰林承旨仁本女孙。适思锐以故官归明，权知梧州，遭谗死，氏携二子航海归，与妾杨同守。濒海多寇，门户属长子圭，携少子普往依外氏，竭力抚教。见赵名永、顾硕二传。卅

谢乾妻赵氏，名欣。乾卒时，氏年未三十。利其资者欲逼氏去而危其孤，遂散财，厚妆嫁夫之女弟，衣食取仅给，覬者乃止。婢严，年十九，亦誓弗二节，既老，家人以支婆礼之。刘文安公为作《贞则堂记》。文肃公铎祖母也。卅

梅氏，金彦敬母也。彦敬生四岁，父亡。氏誓同穴，以孤托娣姒，裂吭殉焉。郭元亮吊以诗，云：“烈妇处其变，感激蹈勇决。引刀裂其吭，

悲风洒腥血。孤儿弃弗顾，毅气凌冰雪。天仍恤其孤，不使宗祀绝。”
子孙居小溪，犹蕃盛。丿

王静学^[三]妻金氏并二女，见《古迹》下。妹陈舜章妻，见《杂志》。丿

林文渊妻金氏，裔出小坑，归珠村林氏。生子宗权而寡，抚至成童，以王修撰姻党，充南京左卫军。茕茕孤苦，有人所不堪者，而操愈励。发白，宗权得代还，母子相见如隔世。比卒，宗权作“景节堂”以报。叶士冕、程成趣为叙其事。丿

林汝殷妻王氏，泉溪人。青年寡鹄，孝事其姑。里豪慕欲娶^[四]之，以死自决。伺家人防稍懈，阴部署嫁时服，嘱侍者分致母妹，遂自繆也。丿

邱鏊妻谢氏，泉溪人。嫁不数年，悼失所天，遗孤嚶然一女耳。贫不自给，咸劝改图，氏不应，孳孳纺纆以贸食。李考功茂弘贤之，求其女为子谟室。丿

金如珙妻陈氏，名哲，水洋人。为妇七载而嫠，欲自杀以殉，所亲阻止，乃断发系夫臂曰：“此以先从夫地下也。”长女适兵部主事黄彦俊。叶士冕为传。丿

金彦修^[五]妻施氏。性至孝，闻有割股愈亲疾者，在室时于父，自嫁于姑，两以玉藕试霜刃。姑病时，夜数惊，独施至则静，若闻语云：“孝妇来，孝妇来！”先以宗弱，求广孕嗣，妹既同归，兼有助箴，鸚鵡均一^[六]，由是子孙繁焉。有祠在石刺山，三百年来犹岿然也。丿

蔡宜龄妻陈氏与子进昂妻曾氏，姑媳两世贞操。《陈木斋稿》有《双节堂》诗，高按察瑛序。丿

张矫妻林氏，南塘人。刲臂愈其姑疾。后病革，其子效母所为，亦得愈。临海陈检讨逸庵所作碑志，后人犹藏之。丿

王崇仁妻潘氏，南塘人。夫亡时，年二十三，抚孤槐成立。又夫妇继亡，藐然遗孙，辛勤乳哺。孙长而氏蓬鬓皆霜矣。卒年九十八。卍

王元勉妻瞿氏，潜山尹石林女。适泉溪王氏，有孝行。姑患病笃，氏百方祈祷，俛于床侧得香丸一颗，进之而愈，咸谓孝感所致。乡里谣曰：“瞿潜山，女阿班，事姑孝，天赐丹。”阿班，氏小字也。卍

王寅良妻陈氏，峨山诸生良璟女。归六载，而寅良与其父母相继歿。毕丧，坚志抚其孤云。里豪金五聚群不逞，欲篡取其资，有二虎踞门，惊散去。氏节益著。临海蔡尚书潮作《义虎传》。袁吉水莅太，首表县民戴守温之孝及贞妇陈氏，即寅良妻。其传氏但美其苦志，无一语及义虎事。今后人藏有明贤题妇册，又似实有其事，故仍存旧志云云。蔡传误寅良为义寅。卍

赵贞女，名偃，小呼佛奴^[七]，松门人。兄曰贵，贵妻梁不孝其姑，将闻之官，梁自尽，其弟蜂拥而来，将缚贵而甘心焉。贵走匿，遂迫偃，欲污之。偃拒骂，遭群凶乱殴死。邦人哀之，为作《长恨歌》。卍

严贞女，名云，松门人。许同乡郑某，未婚而夫亡。欲以夫弟接婚，有成言矣，氏曰：“此不惟丧节，且犯义，不如死！”夜自经。方景晖记其事。卍

谢兴毅妻金氏，文肃公媳，出齐江诗礼家，端庄有容。夫夭逝，含涕终日，勉奉翁姑，疏服茹素，惟义命自安。识者谓不愧名门妇。卍

陈攀妻朱氏，泾县人。生子在襁，夫病不起，散发投地，欲同时毕命。姑抱孤庆朔止之曰：“若即不念吾二老，此一块肉忍委之乎？”乃止。治丧，身不离姑侧，孝事愈笃。庆朔承母教，既长，得与士列。卍

李霞妻赵氏，父湍，自少教之书，比长，端操有踪。归李甫二三年，夫卒，遗腹子兴世，矢志抚孤，头如蓬葆。年七十馀，及见三孙。嘉靖丁酉，与陈攀妻朱氏同旌。卍

朱四妻吴氏，夫亡，父母欲夺其志，赴水死。尸

叶贞女，柯士一名映霞，聘为室，未几卒，氏泣语曰：“身许柯矣，夫亡，命也。其又使他族问吾名乎？”遂诣其家执丧。倭寇入，火及邻室，度不免，伏夫棺将与俱烬。已，竟免，咸谓神佑。夫先畜婢孙新奴，请以嫡事同守不二。有坊在小岭下，题“嫡媵双节”。《林志》“坊表”又载小岭下柯易妻王氏，无传，未知是一是二。

金双塘妻谢氏，逸老先生女孙也。以双塘齐江旧族又才，归之不数年为嫠。立节抚孤，门庭整肃，有班姑^[八]风。卒年八十馀。同族老人十竹燠有诗云：“贞妇持苦节，贞心许谁知？结发甫十载，鸾凤遂分离。断发系夫手，誓言抚孤儿。儿虽非己出，属望良在兹。倘儿有成立，门祚堪维持。儿今已长大，挟策游帝畿。姓名登仕籍，惻然念慈帏。欲图葵藿情，难忘乌鸟私。孤枕夜不寐，心旌日东驰。归家拜慈母，喜极还成悲。忆昔出门日，甘旨将付谁？赖有弱媳在，晨昏两相依。残灯吊形影，寒月侵霜帷。生平冰檠心，凜凜不可移。阶前有劲草，不怕严风吹。闺门振风化，无由达天墀。念之成感激，为赋陈情诗。”尸

章宗邦妻陈氏，宗邦，渭章人。待次卒于京。柩回，氏大号曰：“嗟乎！吾不获再见夫面也。虽然，将必见之。且柩来自远，乌能信？”遂违众启棺，貌如生，惟冠欹一翅，手整之，还盖，丧奠成礼。抚子女成立。倭寇至，令子远避，自挟刃待之。倭闻其节义，去。邑士陈晓赠联：“十指佐三餐，为白头姑在；一身经百折，全黄口孤存。”尸

吴永作妻童氏。永作家横塘，父老儒公珠，字宗贯，与邑陈进、江琅齐名，而数不售，贫甚，须子以养。永作病亟，念无以存济，讽氏去，无重阿翁忧。氏曰：“翁以文学称，岂可以此辱之！脱君不讳，我自为计。”既葬夫，遂自缢。尸

郑永广妻韩氏，二十五岁守志，四十馀年冰操不改。邑令卢天锡

为作传。子怀瑁妻金氏，亦早寡，苦行如其姑，称“金山双节”。升

林世博妻陈氏，茅岙人，孝子登母也。世博卒，登与弟妹尚幼，氏勤纺绩，抚之成立。登长，哀母氏之劳，备极孝养，有“春晖堂”之建。乡衮为诗美之。氏寿近百岁。升

高于道妻叶氏，县城人。年二十四夫亡，以侄嗣，躬抚成之。奉老姑尤尽礼。府县嘉其节，为表宅。升

张大柱^[九]妻薛氏。大柱患瘵，氏仓皇割臂肉和药进，卒不效。将殓，一恸几绝，创血迸不止。苦节数十年，成其子。万历间得旌，建祠春晖门。升

江圣培妻张氏，松门人。年二十二，圣培卒，守节五十馀年。府县俱旌其门。升

叶应符妻王氏，年二十守志。其孙恒览妻陈氏，较氏年尤少，亦能寡。镜川人白于县，旌为“闺德双清”。升

叶思植妻罗氏，年二十三岁守节，历五十年。知县伍元正旌其门。升

王扩妻陈氏，军府教授朝比母，以节著，为知县唐映所旌。后朝比卒，妻唐亦孀居，抚子天沐，年及八旬。知县许成章复旌之。升

邱桂妻张氏，生子四月，桂亡。矢志抚孤，备尝艰苦。郡县嘉奖。升

蔡项妻胡氏，守节时年仅二十。孝事舅姑，养生送死能尽其力。以上寿终。升

邱世汪妻林氏，同室年馀，夫歿。嬰弥在抱，誓志抚孤。寿逾九旬。宁海胡献来为作《贞寿传》。升

叶忱妻施氏。忱登天启元年副榜，未几卒，家无一有。氏鬻焉支门，贞操久益坚。升

林贞女，少名月汀。年十六许适南城邱茂匡，未婚，茂匡卒，

女散衣装归邱氏，哭临尽哀。夜梦见夫肩上瘢，并语某物藏处，告姑，验之信。寝食枢侧三年，上奉重闺，孝谨备至。年五十卧病，有雀衔小鱼自窗入，吐席上，饵之立愈，咸谓天赐贞女。婢许奴，本王中丞士琦家媵，遣还绍兴为仆，转鬻于贞女舅家，适见贞女，愿依终身。遣市物，市人误触其指，即以刃断之，至今人传焉。国朝巡按王元曦为请旌。卍

金大召妻林氏，中年寡居，训子成人。娶媳李氏，复寡。司李蒋旌曰“姑媳双贞”。卍

张元德妻章氏。元德，县诸生，早卒。章以志节闻，为知县阎恒悟称奖。卍

洪石氏，失其夫名。尝刲股疗夫疾，比卒，并棺而卧者三年。知县彭承苾嘉其节。卍

吴材官妻余氏，松门人。海？入城，逼氏欲污之，触石头裂而死。材官亦遇害，官给银以葬。卍

金大秀妻李氏，知县谢坚给“节寿”额。卍

赵顺妻金氏，年二十顺死，抚子铃长，为聘室亦金氏。继铃又夭，媳随姑守，一门贞行称难得。卍

赵铨妻叶氏，关屿人。卍

项贵妻潘氏，上垟人。卍

蒋江童妻朱氏，石桥人。国朝，族孙蒋若圃过题诗云：“秋风三板路，落日蒋家村。一女留全节，千秋壮里门。无人继芳躅，谁为耐贞魂。沙角潮头雨，犹疑见泪痕。”卍

高端表妻陈氏。卍

王新妻金氏，泉溪人。卍

邱械妻吴氏。卍

江贞女，松门刘孔贤未婚妻。卍

徐子格妻孙氏。以上八人，《叶志》有坊，事实未详。卍

蒋平夫妻叶氏及子存清妻孙氏，称瓦屿一门双节。ㄱ

赵幢妻林氏，关屿人。有坊。ㄱ

金成岳妻林氏，平溪人。ㄱ

陈继会母赏氏，松门人。有坊。ㄱ

林氏，南塘王惟叟伯母。经知县胡学戴给“冰节遐龄”额。以上六人，

《林志》事实未详。

国朝 张禹鼎妻段氏。禹鼎，故明北京留守卫经历，卒时，段年二十馀。洁操孀居，柏舟誓志，其子德昌为请旌。寿八十八。ㄱ

蔡崇卿妻王氏，金清人。崇卿，明末诸生，死无子。甲寅避乱遇贼，惧辱，自投厕中，贼怒，刃其肩，血被体死。其族又有崇劲妻祝氏，少寡，有遗腹子。值海寇，人民失业，惊巢未定，卒能历艰辛，全节抚孤。署县宛平黄亲旌其闾。ㄱ

吴廉妻张氏，两松人。廉为诸生，有名而卒，氏曰：“吾士人妻，不可以二！”剪发置棺中，又欲刀毁容，众夺之而止。贞操迭为当事所表。ㄱ

顾国妻陶氏，国，松门建南道初子，夭逝。氏抚孤洙成立，以生员授武职，调豫垦荒，氏留守夫坟。迁遣后，徙黄岩。虽历艰苦，贞行不渝，卒年七十九。ㄱ

陈君翰妻邱氏，海鲸人三蚕，妇女走匿山中。遇贼，将犯之，掷刃令畏，氏即拾刃自刎，贼来夺，并斫贼。既死，一手犹携子，身僵立不仆。君翰迹至，取子乃仆。ㄱ

柳立然妻吴氏，泽库人。立然卒，吴刻苦持门户，独于延师不惜费。尝曰：“所以慰先志者，此也。”后果子孙有声庠序。ㄱ

蔡秉太妻王氏，知县郭洽、训导张尹^{〔一〇〕}并给“节寿”额。ㄱ

王士音母朱氏，南塘人。经知县孙如兰奖赠。上二人见《林志》，无事实。

洪以玫妻葛氏，泽库人。夫以贫死，遗子九龄，次犹在腹。五鼓起，

作菽乳鬻以供食，寒灯经纬，手指皴裂。后卒享高寿，亲见长男经纪起家，次读书成名，殆苦节之报。经旌建坊。

李莪妻赵氏，下村人。莪，邑诸生，死日，母在堂，孤未周岁，家贫，无叔伯。氏辛苦奉养，备尽闵斯，律己甚严。乐清周外翰闻而奖之。次孙配蔚室陈氏，亦青年守志。前后六十年间，一门两著贞操。旌

林文廉妻项氏，凰山人。夫妇家并贫薄。结褵八月，文廉病亡。氏以堂上风竹之枝、腹中桃花之蕊，不敢过戚，饮恨茹苦。幸生子，专意抚成。陈耻斋为传其节。旌

林世芳妻何氏，县城人。秉性贤淑，孝养其姑。孀居五十馀年，冰槩益著。卒年七十八。坊在东关外。旌

郑茂先妻周氏，后洋人。适郑甫六日而夫亡，矢志靡他。独处严内外，孝事姑嫜，身不离侧。以侄汉云继，而汉云同母兄代之耕。前后苦行四十年，抚子若孙成名。得旌，建坊石粘街南。旌

金齐膺妻赵氏，关屿儒家女。生子未周齐膺死，氏寸肠欲裂，勉强乳抱。五岁子又殇，号曰：“良人死，所不即殉者，以有息延一线传。今已矣，生何为！”随仰药死。诸生金仲巍有传。旌

阮贞女，泽库诸生文浩妹^{〔一〕}。闻夫陈沛然讣，衰经奔丧，遂不返。以甥嗣。常密缝一寝衣，终身不离，夜非烛不行。王外翰玉生称其冰槩数十年，女也而为妇为母之道兼尽。坊在本里。旌

李朝开妻林氏，泽库人。夫亡，氏年二十二，节甚著。子昌仁娶柳氏，甫三年又寡。两世冰槩相继，闺门肃然，皆经督学奖额。旌

赵金三妻江氏，金三，关屿诸生有声者，娶江八载而亡。江衔恤抚孤，温清尽节。孤又早丧，媳李氏依姑共守，遗三岁儿，委曲训成，寒夜刀尺声与啜唔相应。江守节五十二年，李亦三十八年。嘉庆十一年同旌。旌

陈叔翰继室金氏，县城人。少有志节。适富家，夫亡子幼，邻

族多虎冠，飘摇风雨，氏静以镇之，外衅自息。其延师训子，礼宾赡族，尤明大体。寿近八旬卒。卍

赵焕然妻蔡氏，与媳伯朋妻叶氏，关山人。蔡氏少寡，筠心荻画，孝义著闻。叶氏以勤起家，节亦峻，与姑后先辉映。伯朋子翼为请旌，建双节坊。卍

金克鼎妻谢氏，水洋人。年甫二十，寡鹄不双，冰节自励。子振声才俊，亦早埋玉。妻叶氏与姑两世茕茕只影，夜闻惟刀尺声。人谓其姑大家，媳即丁子妇也。卍

谢翰英妻陈氏，桃溪人。翰英为宝庆太守后，式微，居祖墓侧，死日，上有老母，遗孤犹乳。氏甘贫守志，卒成子廷献名。寿九十四，无疾终，时廷献亦七十二岁，乡人皆称“老节妇”。卍

黄修五妻金氏，三都人。少习《女诫》，视听无闪^{〔一〕}。输事尊嫜，衽衣手浣。恩及臧甬。夫病，剪爪^{〔一三〕}吁天祈代，卒不起，鬻焉当门，仰事俯育，一身撑柱。子已成立，犹严折墓之教。年近七旬，垂歿涕零，以未得送老姑为憾。乾隆壬申，学使彭表其闾。卍

赵筠木妻金氏，关山人。姑风疾，起动须氏扶掖。夫亡，欲自殉，闻姑在床呻吟声，泣曰：“吾忍弃姑死，陷不孝大罪耶！”卒奉养终其身。乡党以节孝称。卍

陈绍爵继室张氏，娄岙人。夫病危，尝刲股以疗。比卒，尽屏资妆，清节自励。继子生孙起凤，自幼失恃，全资其抚教，得贡成均。卍

陈叔干妻林氏，县城人。叔干无子，于嘉兴置一妾。父惧媳不容，将怒责叔干，氏跪请曰：“儿不育，夫买妾，正儿志也。”父大贤之。逾年自举子，妾生一女，而叔干卒，嫡媵同志守，终身无间言。卍

林克泰妻陈氏，团浦人，武举绕鹤祖母。始鬻时，年二十三，饘粥仅供，零丁孤苦，抚子成立，兼用勤起其家。卒年九十三。卍

林名禧妻徐氏，团浦人。年二十八，夫故。氏坚永毕之心，法

义方之教。家计渐裕，门户修饬。子孙皆列翘关扛鼎之选，人谓天酬其节。予

陈瑞麟妻阮氏，蔡洋人。与长媳匡齐妻王氏、次媳匡赞妻陶氏，一门三寡，皆能好义赈乏。人叹其遇之蹇，亦羨其节之高。并经前县匾奖。予

金承华妻郑氏，金清人。始丧夫，痛哭昏愤，忘脱耳边环，继而觉，忿曰：“吾尚须此耶？”手裂去，耳为穿。抱数岁孤，跪托其兄公承芬，潜服自尽。知县徐元肃为作传。予

金秋泉继室童氏，水洋诸生玉堂母也。家贫，能完贞立业，为夫毕向平^{〔一四〕}之愿。尝曰：“穷寡妇咬菜根，命也。”忽瓶中齏开花，香竟日不散。死后，家人不戒于火，夜闻氏声唤起扑灭。二事至今传之。予

李学政妻陈氏，新河人。与其姒学智妇沈氏并早寡。一心同茹苦，先后宛若。陈有子，沈以侄继，后俱列庠。夷险一节，寿至白首。其犹子应昌室林氏，亦以节著。冰壶门第，得松柏之操益显。予

钟良选妻黄氏，扁屿人。家故富，氏与夫皆以俭约自奉。及良选亡，氏节哀抚孤，并支门户，业加隆焉。予

陈荣五妻郑氏，娄岙人。夫故，翁老乏嗣，力劝翁置箠，己愿下之。既生子，翁妾目瞽，氏又代鞠，门祚赖以不坠。论者谓其明大体，非专以节称。予

梁元积妻赵氏，小泉村人。伉俪十年，遽伤坠镜，氏曰：“吾河头诗礼家，岂有移节之妇！”辛勤抚子女，终身练布，铅华不御。八旬寿终。予

陈钦静妻张氏，叶家庄人。自为未亡人，以纺织为业，俯仰赖以有济。寿至九十六，无疾终。予

林玉屏妻金氏，县城人。本富室女，体弱。既嫁，改服布素，

躬操作，奉姑尽礼。玉屏死，二子，幼者犹在襦。氏益励冰操，晨夕依其姑侧。训子义方，不事姑息。卅

蔡显仁妻戚氏，山西人。夫与次子并以心疾死。翁姑老，而家中落，母族怜而迎之，率一二日辄返，不忍在家独晏食也。抚子朝永有成。一切养生送死，皆出十指力。至老未尝有笑容。卅

郑焕章妻张氏，新建人。夫亡，一意抚孤，辛苦经营，完夫身后事，并业加裕，于邻里有所济助。嘉庆十五年请旌表。卅

曹绍刚妻陈氏，泽库人。与绍宗妻阮氏，妯娌同居，并青年寡鹄，彼此相依，一灯共织。始励柏舟之操，终至巴台^{〔一五〕}之筑。陈已得旌，阮将续请。卅

曹绍凤妻缪氏，泽库人。夫亡^{〔一六〕}遗一女，氏愿即同穴，赖姑力劝，起乳。清操凛凛，同巷不敢有诟谗声。偶得疾，夜梦神示红糖、黑豆、姜酒方，服良验。后每梦必应，咸谓神明默契。嘉庆间得旌。卅

盛可玉妻戚氏，三坑人。二十一为嫠。沉默寡言，家人敬惮，事皆禀承。尝谓：“吾寡妇无他营，然习劳可代萱苏^{〔一七〕}。”故终身女红无一日废。卒年七十三。卅

张国勋妻颜氏，狼岙人。见《艺文》。卅

沈亦昭妻王氏，新河人。与媳敬筠妻张氏两代孀守，贞操自励。论者谓“以行义之桓嫠，得扶风之子妇^{〔一八〕}，宜其皆以节显”云。卅

林兆飞妻吴氏，团浦人。誓志抚孤，虽雪虐风饕，不少挫。享年八十二。孙曾林立，家亦渐饶，人以为苦节之报。卅

梁明略妻江氏，后峰诸生安国母。髫时，安国尚幼，氏鞠育恩勤，兼支门户，棘心弥瘁。安国子德澄娶林氏，将合卺而卒，女毁服自誓曰：“儿闻先大母苦节矣。命如此，有留死一尺，无背行一寸，吾谁归？”其家为之立嗣。不数年，额发半白，盖姬姜^{〔一九〕}而处憔悴之遇，自如是矣。卅

林本支妻金氏，北城人。武举铨长女。聪慧知大体。青年守志，抚孤成立，历五十馀年，艰苦备尝。卒年七十三。尸

赵维藩妻郝氏，关山人。既寡，推亡虑存，早作夜息，以成其孤。自青年至白首，未尝一见其笑至矧。尸

钟华臣妻李氏，扁屿人。华臣死，孤才数岁，一身支柱，课读尝至夜分。子振玉复夭，妇洪氏与姑相依，并著清节。李谢世久，洪亦发皤然白矣。尸

陈德咸妻鲁氏，县城石工女。德咸遇氏无夫妇恩，既死，邻妇谓氏：“是若出头日也。又贫无子，盍改图？”氏曰：“是何言！”日夜勤苦，以针黹为人佣，积资举三丧，并偿夫逋，终身未尝一饱饭也。有传见《鹤泉文钞》。尸

柯维林继室蔡氏，温岭人。始悲镜破，终厉石坚，勤织如敬姜，教子亦法韦逞之母^[二〇]，宜其荣膺旌表辉扬管彤也。尸

郑吉善妻李氏，路西人，教谕文藻妹。夫死，子才三岁。苦志茹荼，留心荻画，冰檠之操，闾里始终无闲言。尸

曹玉文妻罗氏，树场人。夫亡，深自匿。市魁柳某，故与其夫往还，氏觉其来数，绝不见。既老，或谋为请旌，辞曰：“妇人从一而终，岂奇节哉！”乃止。其族又有学蓝妻谢氏孀居，有三子而丧其二，惧其夫有忽诸^[二一]之痛，愈贫而节愈坚。年七十六卒。尸

陈德舜妻戴氏，东陈人，与其媳朝周妻林氏俱早寡，荼心棘手，两世皆能完节。尸

李心正妻廖氏，高桥人。性端节厉，风骨矫矫。子继显，克承其训，卒列成均。尸

杨宇庆妻潘氏，团浦人。与其姒宇焕妻徐氏同占镜破，交襄如左右手，故其家渐裕。

吴汝金妻朱氏，娄江人。安贫守志，以勤俭起家。其侄用度妻

亦朱姓，并以节闻。殁

周贵彬妻狄氏，南城人。贵彬病，氏剜肉以进。既卒，投地创进几绝，戚里劝曰：“若有子在，责方重，殉无益也。”乃强节痛抚孤，兼支门户。年七十六卒。殁

陈成宪妻马氏，石粘人。见《艺文》。殁

曹绍经妻蒋氏，树场人。子学建妻蔡氏，姑媳双贞。殁

李荣炜妻季氏，长屿人。生长富厚，脂泽不施。荣炜疾，刲股救之不起，封情忍思，延师以课诸孤，束脩之问必丰，不以家之中落计也。至次子作楨入邑庠，始颯然一启齿。卒年七十馀。殁

钟汝奏妻范氏，扁屿人。结褵未十年，伤心撤瑟，风雨含哀，惟奉姑略见欢容。后以寿终。殁

郑允卿妻赵氏，新建人。允卿无遗产，藐诸孤呱呱待哺，氏日拾薪、夜织纴，手指为秃。孙体仁，亦娶赵姓，已成室而亡。与大母同刻苦，矢志不二。殁

赵飞五妻潘氏，关山人。自丧所天，励清操。子亡，抚侄煦如己出。煦亦早丧，妻石氏苦行如潘氏，以养以教，俾遗孤殿英名成，登右榜。先是飞五祖汝珍妻蔡氏，以节称，至是姑媳又同旌，称桓嫠家云。殁

季会东妻钟氏，见会东名下。殁

张介成妻叶氏，狼岙人。年二十夫亡，抚棺自誓，以无子，出奁资为夫兄置媵，卒延介成之嗣。殁

吴学贯妻李氏，北城人。兰蕙之姿，有松柏之操，门庭整肃，邻里称之。殁

叶邦金妻林氏，江洋人。自以命薄，悼丧所天，攻苦食啖，自奉姑外，终身从未一尝甘旨。

陈宗茂妻邬氏，泽库人。贫寡，甘饿而志不移。依宗祠以居，惟赖池租之贍。数十年凄风苦雨，有人所不堪者。其后，有陈公诗^{〔二二〕}

之母钟氏，节亦苦焉。ㄱ

冯德熔妻陈氏，新河人。夫亡，孑然一身，年正艾，叹曰：“更嫁义不为，徒生亦无益。”遂夜自经。张侯仕骧曰：“是妇也，与金彦敬母梅、林汝殷妻王等烈矣。”ㄱ

陈保元妻周氏，金清人。夫亡，欲身殉，娣姒指其孤曰：“忍弃此呱呱者乎？”曰：“有娣姒在，终不令失所，儿当为鬼佑之耳！”服卤死。ㄱ

梁洪叨妻潘氏，后峰人。洪叨无恒业，为佣外出，氏独居常断炊。洪叨病垂歿，语氏曰：“我无立锥地，若何以自活？又无子，可更嫁。”氏惨默不应。既举丧，服盐汁死。ㄱ

叶烈女，横泾人。许适黄邑梁宗玉，故旧姻也。未于归，宗玉死。兄嫂以女性烈，秘^{〔三三〕}不以闻。已而觉色异，将入劝，女已缢死矣。梁氏求丧合葬，里人具鼓乐送焉。陈明经伟典有记。ㄱ

刘烈女，县城诸生立义女，许字汇头王有瑜。在闺闻讣，佯随母炊供客，潜服毒，呕吐，母知救之，却不纳。死时神色如常。逾年，从兄某病笃，恍惚见烈女来，二炬前导，霍然苏。人传烈女已为神。ㄱ

潘烈女，坞根农家女。许伊人徐氏子，业渔。女有邱嫂数否长者，劝不听，以是积不相能。闻徐氏子死，欲奔丧，度嫂必笑之；晨兴，言动如常，已而，面渐墨，气绝，盖潜服卤也。郑兴嗣合刘立义女为《烈女传》。ㄱ

王烈女，三株松人。许适泽库诸生李鹿鸣，猝病亡，父母不许女奔丧，终日默然。久，闻有委禽者，乃绝粒。视衷衣密密缝，盖志决一死矣。两地人为具礼迎棺合葬。或吊以诗曰：“苦辛复苦辛，哀声不忍闻。哀声何难闻，嫁娶皆死人。”闻者悲焉。ㄱ

赵烈女，南山人。沧浦陈孟栋未婚室。某年月，新渎闸坏舟，

死者七人，孟栋与焉。女先夜梦伟男子至其床前而嘻，心怪之，晨得信，泣谓家人曰：“溺人必笑，郎来告我矣，将死从之。”遂服毒。两地人嘉其烈，为请旌。卅

沈贞女，霓岙人。许适闸头陈崇浚，行有日矣，而崇浚死。服衰往吊，遂留奉姑，茹荼食蓼，守志四十馀年。郡守周称其“心松筠竹”，宜其门有乌头显彰懿节云。卅

林贞女，县城陈郁未婚妻。闻讣，衰经赴奠，誓终身守。初欲留陈宗，以上下多人，故返。长斋绣佛，独处一室，兄嫂外悉谢不见。晚课女弟子数人，皆少年孀居有志操者。陈宗为立嗣成其志。年七十馀卒。有坊在凰山头。卅

林贞女，团浦人。许适乌沙朱任梅。未婚闻讣，露紵奔丧，遂留朱守。心如古井，形类槁木，卒以哀死。乾隆五十五年，大风海溢，飘没里中棺，骸骨狼藉，独女与夫棺阁土墩上，完好如故，人甚异之。卅

朱贞女，娄江人。许字盘马江洪信。嫁衣未裁，鸾镜早破。女号曰：“吾已为江氏妇矣，可二心乎？”冰槩自励，苦志三十馀年。嘉庆四年旌。卅

薛思礼妻邱氏，西城人。少寡，依继子以居。继子又亡，独居贫苦，纺织度日^{〔二四〕}，年逾七旬，从不称贷邻里，曰：“穷寡妇当安命，义不受人怜也。”卅

李载锡妻钟氏，泽庠人。归六载为未亡人。躬自茹素，推燥就湿，抚成两子。卅

吴际春妻陈氏。见《艺文》。卅

潘松如妻於氏，泽庠人。息影深闺，栖心禅诵。年八十馀。尝云：“命使独，吾安之，幸有子承门户。心无杂念，此居孀第一义也。”卅

元恒简妻王氏，潘郎人。守志历五十二年，中间子死，继子又死，惨痛难言。承遗业，兼苦心积资，建元氏宗祠，远近称之。卅

狄翼康妻杨氏，光明人。夫死，咀辛吮苦，积有薄产。遭继子荡尽，家苦无隔宿粮。氏垂老抚孙，常以泔泔烝自给，里人甚怜之。卅

程世芳妻林氏，温岭人。年十九夫亡，誓不二夫。孝事翁媪。媪性严，沃盥馈食，心常兢兢。嗣子体羸而秀，躬自保护，不啻己出。嘉庆十五年旌。卅

陈学兰妻张氏，横湖人。青年失偶，甘心糲糲，残夜糠灯，嫠也惟纬之恤。遗孤略有知识，口授风丁^{〔二五〕}，卒获成立。嘉庆十五年旌。卅

林存素妻陈氏，县城人。家苦无担石储。夫亡，翁姑之养在于一身。甘贫尽孝，操守亦复懍然。卅

蒋文学继室张氏，金清人。芳桂早摧，匏瓜无匹。氏遭此笃阨^{〔二六〕}，虽处富饶，不以华鎗为容。视前室子如己出。内政秩然。嘉庆十五年旌。卅

黄念祖继室张氏，三都人。结缡甫四月夫亡。坚心匪石，防意如城。生平无疾言遽色，趾不逾榭。古谓钟礼^{〔二七〕}，今复见之。卅

黄文环妻张氏，沙中人。夫病剧，刲臂疗之，不起。抱未啐子誓曰：“吾仅有此子，不使成，何以慰良人泉下！”及长，延师课读，日膳必手治。寒灯白首，历五十馀年。里人称为节寿。卅

郑凤岐继配林氏，后洋人。含哀鞠子，前室所生皆令得所。子昶妻叶氏亦寡，能效其姑守。卅

卅陈钦宙妻林氏，前街人。钦宙死，遗孤四龄，怀女才数月。家贫无倚，刻苦数十年，卒以一身支柱，完男女婚嫁。前县赵采舆论加奖。卅

林紫庭妻潘氏，车路人。婉娈之姿，际憔悴之遇，卒能志励松筠，觴沙蓬鬓，前后一节，可谓其苦如荼，心能甘之者矣。卅

叶继炳妻钟氏，白山人。结缡甫五载而继炳亡。躬任纺织，以

徐资力建宗祠。嘉庆十五年请旌。卅

蔡友彦妻叶氏，山西人。友彦亡时，慈萱先萎，翁年老亦半死之桐，须氏以养，相倚如父女。前后营三丧，皆出其力。晚以子能经纪，渐至燕喜。寿七十馀卒。卅

林凤彩妻杨氏，县城人，与姒宇范妻金氏皆少寡。杨子夭，金有遗腹子，共抚教之。知县李以“一门双节”奖。卅

许凤侣妻孔氏，大閤人。清操励俗，光益家声。知县赵以“心在冰壶”奖。卒年七十七。

潘学泰妻林氏，大閤人。僻居海滨，孤清自守，卒抚其子成立。卅

叶本圣妻朱氏，江洋人。年二十三而寡，甘贫守志。抚遗腹子，比长，为成伉俪，不二年遽以羸疾卒，晚境尤艰。闻者皆悯其苦而高其节。卅

叶元泰妻陈氏，县城人。从父杞昆句读，娴吟咏。既歌寡鹄，柏舟自矢，以节操著。卅

阮威能妻李氏，泽庠人。幼失怙恃。将嫁而夫已病笃，叔载弁勖之曰：“即不幸有他故，宜安尔命。”氏泣颔之。未几而嫠，风雨孤灯，卒成不二之节。卅

元恒齐妻陈氏，潘郎人。性行饬谨，与同族恒简妻并著志节。卅

陈祖烈妻丁氏，东城人。与媳志仁妻林氏皆少年失伉，苦节自甘。卅

丁贞女，新河人。未婚而夫徐洪茂亡。女往哭临，愿守节奉翁媪。吊者在庐，贺者在门，咸谓难得。始才及笄，今已白首矣。卅

张贞女，县城贡生绍龄女。婚期已届，而夫林克宽死。欲往临，父母谓：“女能守义甚善。但舅姑老，毋过哀重伤其心。”女颔之。既行，冰槩自励，前后三十年，毁服易容，成郁生两髦之节。尝捐宾兴田三十亩。嘉庆十五年旌。卅

陈贞女，县城监生藜灼女，许适石亭立曾孙上松。闻讣，凶服过门，蓬首处室，一心奉姑终焉。初才识字，晚能诵经。年既合例，得荷褒荣。珠村宾兴田二十亩其所捐。ㄱ

莫贞女，莫家庄人。许适撮屿瞿继一。继一得心疾，其父恐误氏，令他许，女执不从。继一死，服衰往吊，家人咸阻，女曰：“儿预知其必死，设欲易志，不俟今日。”遂行。《芣苢》之诗，蔡人女伤夫有恶疾而志不移，复于贞女见之矣。ㄱ

赵贞女，县城人。在室闻夫杨荆山丧，易服往吊，卒哭誓曰：“既至杨，无更事他姓理。为吾谢父母，儿不还矣。”独居三十年，惟父病一归侍汤药，刲股以疗。其至性如此。ㄱ

应贞女，许北城陈显灿，未婚而显灿亡，赴义励节。式微之家，有此立志女子，尤难得焉。

莫贞女，许适新河丁君铨，婚有日矣而君铨死，女闻讣奔丧，孤守四十馀年，茹荼集蓼，终无二心。ㄱ

陈匡泽妻蒋氏，蔡洋人。夫死时，子女皆幼，邻妇以氏贫，讽令改适，氏曰：“子女可携去，奈堂上老姑何？”卒不易志，仰事俯育，皆出十指力。寿终七十有三。ㄱ

赵宪昂妻阮氏，县城人。督学钱以“熊荻遗徽”匾奖。子罍震早卒，媳戴氏守志如其姑。

莫升高妻王氏，莫家庄人。矢志抚孤。督学宴以“荻训遗芳”奖。ㄱ

邵苍维妻高氏，南城人。抚孤成立。前县赵以“画荻遗徽”奖。ㄱ
蒋应奉妻陈氏，石桥人，南振韶妻林氏，督学于以“松柏风清”奖。ㄱ

倪堂妻张氏，泽库人。督学李以“贞操不二”奖。ㄱ

叶玉书妻许氏，牧屿人。前县以“桓孟遗风”奖。ㄱ

李光华妻王氏，高桥人。前县李以“节比松筠”奖。丿
钟文茂妻黄氏，扁屿人。督学刘以“钟礼郝法”奖。丿
钟彦超妻李氏，扁屿人。督学周以“柏操萱龄”奖。丿
陈宜英妻钟氏，泽库人。前郡守以“行高咏柏”奖。丿
王锡龄妻黄氏，水洋人。督学朱以“苦节安贞”奖。丿
蒋文辉妻王氏，石桥人。与承芳妻潘氏，督学阮以“松筠并节”
匾奖。丿

陈思正妻徐氏，大球人。知县程以“冰节为光”奖。丿
李心诚妻吴氏，与姒心行妻郑氏，高桥人。丿
叶玉山妻胡氏，牧屿人，与姒懋荣妻胡氏。府宪李以“操凜冰霜”
奖。丿

郑永文妻赵氏，新建人。督学彭以“完贞裕后”奖。丿
林浣妻金氏，西城人。督学李以“清心玉映”奖。丿
冯云高妻张氏，县城人。督学周以“完贞启后”奖。丿
蔡茂龙妻赵氏，莞渭人。督学彭以“志凜冰霜”奖。丿
戴季禄妻陈氏，瓦屿人。督学李以“操励松柏”奖。丿
许叔高妻赵氏，瓦屿人。前郡守以“心松筠竹”奖。丿
岳潮妻徐氏，南城人。知县赵以“松柏同操”奖。丿
戴殿扬妻林氏，县城人。督学王以“松筠劲节”奖。丿
赵绣庭妻沈氏，冠屿人。督学窦以“柏操松贞”奖。丿
陈淳川继室潘氏，东陈人。督学文以“节励冰霜”奖。丿
周锦文妻林氏，夹屿人。知县舒以“操比松筠”奖。丿
张显远妻樊氏，山岙人。郡守邓以“苦志坚贞”奖。丿
王必猷妻吴氏，新河人。知县赵以“励操冰霜”奖。丿
柯际时妻林氏，县城人。儒学杨以“柏劲筠清”奖。丿
梁德鳌妻陆氏，后峰人。丿

陈崇云妻李氏，大球人。前县以“金石盟心”奖。卅
王廷甫妻滕氏，大球人。前县以“冰心柏志”奖。卅
蒋国训妻柯氏，石桥人。卅
朱茂周妻潘氏，金岙人。卅
陈兆荣妻柳氏，泽库人。卅
郑精一妻梁氏，湖亭人。卅
金忠选妻孙氏，水洋人。卅
谢文若妻潘氏，县城人。卅
林圣泉妻何氏，县城人。卅
邵国灿妻刘氏、媳德音妻程氏，虞岙人。卅
杨德陵妻俞氏，西外庄人。卅
金克体妻陈氏，山下金人。卅
陈洛荣妻江氏，石塘人。卅
谢秀发妻陈氏，桃溪人。卅
钟克调妻蒋氏，扁屿人。卅
范希珙妻林氏，县城人。卅
金贵周妻马氏，县城人。
王维兰妻阎氏，西外庄人。卅
金承钊妻周氏，金清人。卅
陈凯南妻戴氏，南城人。卅
邵典妻陈氏，南城人。卅
黄道焕妻葛氏，余萧人。
梁元金妻李氏，塘岙人。卅
谢思魁妻王氏，桃夏人。卅
林允宁妻郑氏，南城人。卅
葛保定妻蔡氏，北城人。卅

潘君宠妻童氏，莞渭人。卅
邱尚泰妻吴氏，南城人。卅
林维智妻陈氏，团浦人。卅
吴维标妻童氏，虞岙人。卅
陈学谦妻朱氏，北城人。卅
孙醇玉妻金氏，北城人。卅
柯幹妻陈氏，西城人。卅
莫兆晓妻潘氏，下半人。卅
陈景文妻柯氏，沙中人。卅
江仲韬妻何氏，大球人。
林辅伦妻谢氏，团浦人。卅
张成鉴妻钱氏，寨门人。卅
林道重妻陈氏，横湖人。卅
林道正妻叶氏，牧屿人。卅
陈益妻章氏，罗西人。卅
陈人雅妻张氏，沙中人。卅
蒋翼言妻瞿氏，石桥人。卅
张兴佐妻季氏，泽库人。卅
郑世荣妻朱氏，消溪人。卅
章映琅妻陈氏，渭章人。卅
顾养章妻林氏，桥伍人。卅
黄祖有妻丁氏，坞根人。卅
蒋怀新妻潘氏，石桥人。卅
滕圣济妻林氏，南城人。卅
何翼宾妻郑氏，西城人。卅
吴圣泉妻蔡氏，叶家庄人。卅

朱再元妻杨氏，团浦人。卍
蒋应霞妻陈氏，石桥人。卍
叶亨星妻吴氏，夹屿人。卍
蒋鸿勋妻厉氏，石桥人。卍
蒋崇业妻谢氏，石桥人。卍
钟仲玉妻蒋氏，扁屿人。卍
潘文海妻蒋氏，五都人。卍
陈日新妻林氏，山岙人。
赵思邦妻林氏，五都人。卍
王秉远妻毛氏，盘马人。卍
黄守信妻陈氏，余萧人。卍
刘国柱妻陈氏，大球人。卍
刘国英妻李氏，大球人。卍
李显鳌妻赵氏，湖亭人。卍
王卿桂妻廖氏，塘下人。卍
潘兆扬妻叶氏，沈岙人。卍
蔡胜育妻陈氏，铁场人。卍
蒋绕兰妻陈氏，石桥人。卍
王廷戴妻林氏，塘下人。卍
颜天发妻莫氏，新场人。卍
刘桂林妾王氏，大球人。卍卍

校注卍

[一] 柏舟 《诗经·邶风》中的篇名，相传为卫宣夫人所作。卫宣夫人年轻守寡，坚不再嫁。诗云：“我心匪石，不可转也。”后用来比喻夫死不嫁为“柏舟之节”，称丧夫为“柏舟之痛”。卍

- [二]殄 原文作“斂”，通“殄”，今统作“殄”。丿
- [三]王静学 “静”原文作“靖”，今改。丿
- [四]娶 原文作“取”，通“娶”，今统作“娶”。丿
- [五]金彦修 按《赤城新志》作“金敬修”。丿
- [六]鸣鸠 即布谷鸟。《诗·曹风·鸣鸠》美鸣鸠养七子，用心均一。此处引以为喻。丿
- [七]佛奴 按《嘉靖志》作“佛女”。丿
- [八]班姑 汉班昭，嫁曹世叔，早寡，抚子成长，著《女诫》。丿
- [九]张大柱 王舟瑶校：“康熙府、县志，雍正《浙江通志》均作张大桂。”丿
- [一〇]张尹谐 原文疑漏“谐”字，今补。
- [一一]文浩妹 原文作“文浩女”，王舟瑶校：“原刻本作文浩妹。”从改。
- [一二]闪 原文作“陕”，通“闪”，意为闪失。今统作“闪”。丿
- [一三]爪 原文作“蚤”，通“爪”，今统作“爪”。丿
- [一四]向平 即向子平，东汉人。待子女婚嫁已毕，遂不问家事，出游名山大川，不知所终。后人就以子女婚嫁自立为“毕向平之愿”。丿
- [一五]巴台 秦始皇褒扬巴蜀寡妇清能守夫业，为筑“怀清台”。丿
- [一六]亡 原文作“忘”，通“亡”，今统作“亡”。丿
- [一七]萱苏 萱草忘忧，皋苏释劳的缩称。丿
- [一八]桓嫠 东汉鲍宣妻桓少君，自甘守贫的贤妻。扶风东汉曹世叔，扶风人，见本卷注[八]。扶风之子妇，即班昭。丿
- [一九]姬姜 春秋时，周王室姓姬，齐国姓姜，二姓常通婚，因以“姬姜”称大国之女，亦用作妇女的美称。丿
- [二〇]敬姜 春秋时鲁文伯之母，早寡，戒子莫怠惰。韦逞前秦人。年幼，母昼采樵，夜则教子，卒至成才。丿
- [二一]忽诸 绝后之意。丿
- [二二]陈公诗 原文作“陈公理”，王舟瑶校：“原刻作陈公诗母。”从改。丿

[二三]秘 原文作“闕”，通“秘”，今统作“秘”。ナ

[二四]度日 “日”原文作“十”，王舟瑶校：“原刻本作度日。”从改。ナ

[二五]风丁 《元史·王恂传》：“恂性颖悟，生三岁，家人示以书帙，辄识风、丁二字。”

[二六]笏闲 原文作“竺旻”，通“笏闲”，今统作“笏闲”。ナ

[二七]钟礼 钟夫人之礼。钟氏为晋司徒王浑妻，待人以礼。ナ

嘉庆太平县志卷之十四

古迹志

志所载皆古迹也。名胜附见“山川”各条，更举其尤有名者言之。宅、墓、坊表等各以类附。卍

胜迹卍

古城 在县西北三十五里大唐岭东南。外城周十里，高仅存二尺，厚四丈。遗隍断堑，隐约可指。内城周五里，有洗马池、九曲池。故宫基址崇一十四级，上有乔木可数十围。故老相传即徐偃王城。其东偏有偃王庙。又南可五里有叶、鲍二将军庙，云即偃王将。《叶志》略本《赤城志》谓：按韩愈《衢州徐偃王庙碑》，“偃王墓当在彭城。”或谓“偃王之走，不之彭城，之越城之隅，弃玉几砚会稽水中”。则是偃王之逃未知所止。今象山有偃王墓，雪川亦有墓，黄岩界又有徐山。按今衢之龙游，宁波昌国东之翁洲，并云王所居。而嘉兴复礼乡并有墓，不止叶所云。其亦舜井姚江之类。《赤城新志》云：周穆王时，越未通中国，台去衢远，唐岭又台极南山谷中，于此筑城以居，何哉？又今所谓古城，两山相距不一二里，而谓城周十里，尤不足信。又古《建台州记》云：“地主任氏女，感石精生男，有文在手曰徐，因号东海胸徐。既长窃据，自号徐王，城此以居，卒葬焉。”说亦不经，陈笈窗已辨

之。《读史方輿纪要》于“古城”下注：“楚灭越，越王支庶筑城保此。俗讹为徐偃王城。”与邑西方城山称王城山，云“越王失国保此”合，今从之。明沈守正《古城》诗：“漠漠孤烟山上横，行人说是偃王城。百年仁义将何用，九地流连恨未平。故垒历朝看鹿走，荒基无岁不牛耕。徐山石室今奚似，旧楚依然春草生。”

孙恩城 在温岭。《永嘉记》：“妖贼孙恩筑城峤岭，高四丈，周回六百步。”即此。《郡志》“黄岩灵石寺”，亦称“孙恩伐木造舡于此，有飞石下坠，因而惊走”。盖未为辛太守击斩之先，驻兵此地，未可知也。卞

天冢石 在茶寮山。《郡志》云：“世传有人锄山得物，状如铁窗。呼其党斲之，见金棺有光。忽雷雨暴至，若摧山裂石，众惊走。及再往，有道士峨冠立云表。明日诣视，岌然石也。于是，更相与封植，号天冢云。”《赤城志》：临海韩天冢在鲤鱼岙，云昔之仙人有韩其姓者尸假于此。今章安湖侧、黄岩茶寮山亦各有之。或云韩墓今不存，旧有于姓者葬此。卞

西仙源 在西源山。《云笈七签》：黄岩有东西二仙源。东源在县东北五里，地仙刘奉林主之。西源在县南九十里峤岭，地仙张兆期主之。杜光庭《洞天福地记》：东仙源在乐安，西仙源在台州峤岭。所指东仙源，一在黄岩，一属仙居，其说互异。西仙源则俱以为在峤岭，即今之温岭也。卢廷干《黄岩东西二仙源辨》：“太平故黄岩地。西源在邑山之西偏，东源对此得名，其为黄之东偏何疑？今以乐安为东，是以西为东也。”其言最晰。卞

鼓岩 《赤城志》：“在黄岩东南七十五里。两石相累，高广可三尺，伐之如鼓声，故名。”前后邑志不载。距湖没里许陈岙土阜上，石一片，团围约三尺，如镜面平，累崖石上，击之如鼓，??作鼓声，他石皆否。土人呼“鼓岩”。蒋姓筑庵于此，名石鼓庵，离黄邑城适七八十里。又，石粘有鼓岩，大间有鼓山。卞

义役碑 在三都梵兴寺。其文曰“淳熙九年，浙东提举朱文公

熹行部至，有乡士诸葛蒸硕请使民自结义役，文公奉行”云云。今寺废碑毁。卍

七酒坊 《叶志》载：宋时置于赏头、石塘、东镇、长屿、紫高、夹屿、监北岸等七处，岁收其税。明初始罢置。卍

二女井 在亭岭下。王静学二女殉难处。康熙乙酉，知县徐尊显立石，乾隆辛酉，知县徐元肃复镌碑。《成祖实录》：“叔英殉节后，有诏治奸党，妻系狱死。二女皆及笄，命陈瑛簿录就锦衣卫，将给配，俱赴井死。”乡里所传，则闻簿录，信死此井，不在锦衣狱井也。卍

梅花洞 在石牛山下。本无洞，梅花万树夹路旁，人行其中，若洞然。明永乐间，逸士林原缙、王崧、翁晟、邱海、邱鐔、何愚、何及、狄景常、程完等结吟社于此，号花山九老，各赋诗，程完序。村有庵，则潘省元家筑也。程完《九老会序》：“古人谓上寿百岁，中寿八十，下寿六十。然自中古来，淳风既散，民生多夭，有自下寿以上至于七十，则乡里交庆，以为古稀。吾里居恒先生林公，与谷礼王公，及斋、直斋两何公，慧斋、宗斋两邱公，实斋翁公，常斋狄公八人，其于古稀之寿，或过之，或未及，皆鹤发童颜，有长生久视之道，他日由古稀而跻中寿，由中寿而跻上寿，殆未易量也。永乐二年甲申正月下旬，会于里之华山精舍，欲继唐白乐天香山故事。某于诸公年最少，亦许预会，以备九老之数，而居恒令子韶民则以从其父而至焉。肴核既陈，盞斝既行，于是诸公更起为寿，相与乐甚。酒酣，取少陵“迟日江山丽，春风花草香”之句，分韵赋诗，且命某序其事。窃惟古来人之跻于寿者固难，寿而能享康宁之乐为尤难。不为忧患饥寒所累，则汲汲于功名富贵，老而不知税驾之所，其能有一日之安以乐其寿？此乐天香山之会所以为当时盛事，而九老之诗传诵至今。今诸公优游于桑梓之中，燕嬉于升平之世，虽人爵之贵未及乐天，而雅怀高致诚亦一时之所尚，其乐视乐天果何如耶！夫有生而寿，寿而乐，乐而能宣之歌咏、著之金石，是华山之会信无异香山，而乐天不得专美于唐矣。某幸从诸公游，知诸公之乐为深，遂不辞而书。直斋，及斋之侄；宗斋，慧斋之季云。”林原缙诗：“端居离垢氛，颇觉飞兴逸。笑逐香山老，来叩维摩室。竹杖徐徐行，萝径深深入。草绿软铺茵，花红半酣日。林深众鸟斗，松老千虬立。山僧延我坐，烹葵事筵席。世虑淡相忘，尘凡詎能逼。永结平生游，何妨效真率。”邱鐔诗：“星华发九山翁，行乐寻幽到梵宫。轻盖高张冲晓雨，短筇徐策步溪风。临

流饮酌愁先醉，分韵成诗愧未工。洛社青山遗事在，雅怀聊企昔人同。”王崧诗：“晴日孤村路，东风二月时。僮为乡老眷，未负野人期。邂逅衣冠聚，从容杖屦移。高年仰耆旧，盛德见威仪。屡挹沧溟阔，渐慙培塿卑。庸才蒙齿录，雅集许肩随。共惜年华逝，都忘足力疲。看花穿巷陌，煮茗过茅茨。寺隔前峰远，桥横独木危。一溪穷窈窕，数里历嶙峋。地僻空门静，崖倾古树欹。朱甍萦宿雾，翠槛俯清池。野鸟鸣相和，山僧语自痴。香销还炷火，柯烂罢观棋。挈榼春偏好，开筵雨更宜。名齐洛阳社，韵祖少陵诗。尚喜丹心在，休嫌白发垂。狂歌忘老大，痛饮乐雍熙。坐久神逾畅，颜酡醉不知。晚来双屐齿，归去未应迟。”陈彬诗：“梅花洞口夹深溪，九老当年任品题。今日青山不容隐，五桥车马听骄嘶。”李岳《潘省元梅花庵》诗：“出门十里见梅花，古木含烟起暮鸦。漫向荣枯论桃李，河阳千古属潘家。”

兴文塔 在县东南二里雅屿。形家谓当巽位木星，宜有芒杪，建塔其上，利士子科名。嘉靖间知县曾才汉因与县丞卢潮、主簿高举等议兴役，以邑致仕训导高崇文董其事。塔凡七成，名“兴文”，于上并建钟楼，而铭之曰：“风浏浏，云油油，据上游，声实流。”旧有文昌阁，宋戴氏建，相传其地夜常见神光如灯。康熙五十一年，众议拆去，惟塔院存。明邑人章承赞《访友兴文塔院》诗：“望断芳洲杜若芬，幽寻苍玉凤毛群。峰前塔影凌秋汉，山外钟声隔暮云。贝叶满床参后悟，松涛万壑坐来闻。缘知二妙真潇洒，读罢南华更忆君。”

坊 表

旧明一代为盛，风尚所在，抑亦物力之贍。宋、元间有，或由其后人补立。国朝仕科多不建坊，惟贞节坊多焉。

联锦坊 在大闾，为宋进士陈甲、陈申立。

甲科坊 在坞根，天启间为宋进士赵文藻补立。

神童坊 在范岙，为宋神童詹会龙兄弟立。

登云坊 在赵岙，为宋进士项观古立。

学正坊 在竖石桥，为元学正李子才立。

孝感坊 在四都，元至正间为孝子张寿鹏立。丿

联辉坊 在小泉村，为元进士潘从善及其从子明给事中时显立。丿

殿元坊 在小泉村，本为潘时显立，后重立误为从善。今状元坊是。丿

孝友坊 在赵岙，为元孝子谢温良立。丿

郡守坊 在三岙茅山下，为明初赣州知府姜大化立。其先又有漳州太守坊，在百亩埭；相传名守达，在宋嘉祐时。地至今呼姜牌岭。丿

联凤坊 在茶屿小桥，为明高州教授蒋鼎亨、兰溪教谕复亨兄弟立。丿

恩教坊 在南城，为司训邱元善立。丿

三边总制坊 在长屿，与一门天宠坊俱为明都御史李匡立。又有都宪坊，在黄岩西街。

天官坊 在牧爱坊南，为明郎中林璧立。上列累世名爵。丿

继美坊 在北门外邑厉坛侧，为明举人李谟立。丿

名臣坊 在北山，为明侍郎林鹗立。又有司寇坊。丿

攀龙坊 在赵岙登云桥，为明宝庆太守谢省立。丿

宗伯坊 在桃溪，为明礼部侍郎谢铎立。丿

延英坊 在长屿亚园池，为明二尹李庸立。丿

三名臣坊 在东门外，为明尚书谥恭肃林鹗、侍郎谥文毅黄孔昭、祭酒谥文肃谢铎立。

经魁坊 在虞岙，为明光禄少卿邵誠立。丿

奉直大夫坊 一温岭，为明举人戴通立，又名桂香深处坊。一关屿，为明道州守赵崇贤立。

文宗坊 在温岭，为明四川学正戴鏞立。丿

巍科坊 在温岭，为明参政戴豪立。丿

世英坊 在白山，为明举人应纪立。

擢秀坊 在虞岙，为明举人邵恒立。ㄱ

世科坊 一县治东，又名奕世天官坊，为明吏部职方主事黄彦俊、侍郎黄孔昭、文选郎中黄辅立。彦俊别有步蟾坊在洞黄。一长屿街，为明举人李旻、李诚、李会、李璲、李殷立。旻自有夺锦坊，璲有瑞凤坊，在溪西。ㄱ

聚秀坊 在长屿东溪，为明举人李珏立。ㄱ

祥麟坊 在长屿东溪，为明举人李洪繁立。ㄱ

攀桂坊 在温岭，为明推官戴特立。旧志作戴镛。ㄱ

龙门坊 在长屿唐家洋，为明举人李亨立。ㄱ

桥梓光荣坊 在长屿，为明通判李秬立。ㄱ

主事坊 在白山，为明赠刑部主事叶钊立。ㄱ

进士坊 一北山，为明僉事林克贤立。一金清闸南，为明参议陈绮立。一温岭，为明评事戴驳立。一牛桥，为明刑部主事叶凤灵立。一莞岙，为明知县陈进立。一镜川，为明刑部郎中叶良佩立。良佩别有秋官坊。

解元坊 在县城十字街，为明翰林戴师观立。又有内翰坊在本里温岭。ㄱ

应宿坊 在白塔，为明知县叶良储立。ㄱ

尚书坊 在天官坊南，为明兵部尚书赵大佑立。又大司马坊在本里双桥。ㄱ

都御史坊 在县前横街东，亦为赵大佑立。ㄱ

科甲联辉坊 近学宫，明知县曾才汉为历科进士、举人立。ㄱ

秋官坊 在桃溪，为明刑部主事谢邦荐立。ㄱ

四代都督坊 在新河，为明都督张元勋及其祖、父张贵、张清、张恺立。ㄱ

盛世干城坊 在松门城，为明都督同知李超立。ㄴ

恩荣坊 在县城十字街南，为明钦天监司晨陈操立。又一坊在长屿。ㄴ

承恩坊 一泉溪，为明鸿胪主簿邵冲立。一叶屿，为明太医院吏目陈德立。ㄴ

父子承恩坊 在东门外，为明赠文林郎陈朝宾及子通判应荐立。ㄴ

忠节坊 在县治直街东，为明刑科给事林霄立。俗称花门坊。ㄴ

旌义坊 在六都盘马司侧，为明义民江允孚立。ㄴ

百岁坊 一屿头，为明县丞陈瑞立。一关屿殿下，为明赵湛立。一泾岙，为明陈凤振立。一松门城，为国朝乾隆间寿民张廷辉立。又有北城民王朴高年一百一岁，西城民徐德元年一百三岁，天黄王如享年一百八岁，横河王侍科年一百一岁，石桥贡生蒋若茵母年一百岁，俱详请建坊。ㄴ

百岁恩荣坊 在高浦，为孝子陈文俊立。见《郡志》。ㄴ

励俗坊 在赵岙，为明谢乾妻赵氏立。ㄴ

贞节坊 二在关屿：一为明赵铨妻叶氏立，一为赵幢妻林氏立。一赵岙，为明谢兴毅妻金氏立。一三都山前，为明蒋江童妻朱氏立。一太平桥，为明高端表妻陈氏立。ㄴ

旌节坊 一长屿，为明李霞妻赵氏立。一在上珙，为明项贵妻潘氏立。一南城，为明邱械妻吴氏立。一北城，为明王新妻金氏立。ㄴ

节妇坊 一在莞田，为元郑谷祥妻陈氏立。二在松门：一为明徐子格妻孙氏立，一为明陈继会母赏氏立。一在七都塘下，为明王崇仁妻潘氏立。一东门外，为国朝生员林世芳妻何氏立。一泽库西，为洪以玫妻葛氏立。二泽库树场：一为生员曹绍凤妻缪氏，一为儒士曹绍刚妻陈氏立。一寺前桥，为陈崇濬妻沈氏立。一横湖，为陈学兰妻张氏立。ㄴ

双节坊 一三都小岭下，为明柯士妻叶氏暨媵孙新奴立。一关

屿殿下，为国朝廩生赵焕然妻蔡氏、赵伯朋妻叶氏立。一关屿上桥，为国朝廩生赵金三妻江氏暨子绍宪妻李氏立。ㄎ

贞女坊 一松门，为明刘孔贤未婚妻江氏立。一泽库，为国朝儒士陈沛然未婚妻阮氏立。一皇山头，为武生陈郁未婚妻林氏立。ㄎ

旧志又有陈璋侍郎坊，彭昭、彭牧双桂坊，张甫翔凤坊，张克用掇科坊，今俱析入玉环。ㄎ

第 宅 ㄎ

五代 赐太子正字裴光士故居 在桃溪华盖山下。后舍基为金仙寺。ㄎ

宋 徐秘书渊子故居 在上珙。有环碧亭，其地有流水澄泓，旁栽松竹，万绿参差。《困学纪闻》载其上梁文曰：“林木翳然，便有濠、濮闲想；清风飒至，自谓羲皇上人。”渊子《自题环碧亭》：“老去功名不挂怀，高眠之外只清斋。偶因种竹便多事，风叶扫馀还满阶。”陆游《题环碧亭》：“茶山丈人厌嚣哗，幅巾每访博士家。小亭谈笑不知暮，往往城上闻吹笛。兴来杰作粲珠璧，岁久妙墨亡龙蛇。郎君弟子多白发，回头日月如奔车。徐卿赤城古仙子，十年四海推才华。览观陈迹喜不寐，旋补罅漏支倾斜。曲池还浸古来月，丛莽忽见当时花。重题旧句照高栋，力振风雅排淫哇。席间红袍已散鹞，堂上讲鼓初停挝。速宜力置竹叶酒，不用更论桃花茶。”放翁题下注：“亭有茶山曾先生诗，盖感旧之作。”

王侍郎方岩故居 在大溪金山南。有侍郎街、金山堂、东屿斋、梅石轩，又有园池竹院，为藏书之所。今称王公园。《黄岩志》谓在县东岩魁坊，俗呼郑家巷者，或其别宅。ㄎ

范五经故居 五经佚其名，今学宫乃其宅基。泮池旧名范庄池，或又称范章，疑章即其名。

虞司马仲房故居 在横溪堂侧。仲房有《横溪春晓》诗：“一把新秧趁手青，轻烟漠漠雨冥冥。东风染尽三千顷，白鹭飞来无处停。”国朝邱有章《虞仲房旧隐》：“司马去今久，横溪

空自流。我来寻旧迹，谁复识荒丘。松柏青天近，猿猱白日游。有碑应坠泪，怅望^{〔一〕}暮山头。”^{〔一〕}

戴山人石屏故居 在南塘。《赤城志》：“戴公岩，在黄岩县东南七十五里，上有累石，池水甘冽，以石屏先世居之名。”今有异岩类狮子，在田中，犹戴氏故物。石屏屋前大樟五，枝干如龙蛇，阴蔽天日。游归，更创小楼。侄孙子固后园一池甚广，取唐戴简隐居长沙东池以为名。”石屏《小楼》诗：“破屋不可住，如何著老身。喜于乔木下，见此小楼新。山好如佳客，吾归作主人。摩挲双脚底，无复踏红尘。”《东池隐居》：“今朝当社日，明日是花朝。佳节惟宜饮^{〔二〕}，东池适见招。绿深杨柳重，红透海棠娇。自笑鬓边雪，多年不肯消。”^{〔二〕}

戴少监彦肃故居 在县治南五百步。先世自平阳金乡洲来迁，与南塘异派，称“坊下戴”。所居有宅前街、走马弄。^{〔一〕}

元 盛州判圣泉故居 在三坑。有林泉之趣。筑堂曰“画堂”，自题云：“一山流水琴调就，千点奇葩锦织成。”^{〔一〕}

潘提举松溪故居 在小泉村。有古巷名潘家巷。宋黄谏议恪及洗马仍赠吊其先，墨迹犹留壁上。黄恪《赠潘事裡》诗：“水心心上易，同悟到玄真。灯火泉村雨，飞腾翰墨春。我餐遗世菊，君忆故乡莼。白首瞻依地，又为观化人。”黄仍《挽潘秘教起予》诗：“诗书真世泽，门第几登科？云路迟吾到，恩波及子多。官斋三日病，旅棹一程途。家老临江泣，尘沙暗□□。”^{〔一〕}

明 王修撰静学故居 在亭岭下。谢铎过吊诗：“凄侧百年地，经过千载心。天高那可问，泪下益难禁。尸祝今遗社，孙谋谁蓄金。清风薇蕨老，落日首阳岑。”林元协诗：“花落城南燕子飞，孤臣第宅锁斜晖。楚魂日暮招难返，蜀魄春深怨未归。宇宙不留金匱草，风云长护首阳薇。行人莫问银瓶事，语及双娥更湿衣。”

李考功存省故居 在县西巷，俗呼李宅。萧山魏尚书骥书“玉洁冰清”门额。^{〔一〕}

黄侍郎定轩故居 在洞黄。其门有嘉靖时御赐联“江左诗书旧第，台南理学名家”，又“碧桃红杏尚书第，玉节金鱼学士家”。后迁黄岩新第，以宅与弟，并立义塾，教其族人。

谢侍郎方石故居 在桃溪。先卢姓居之，方石高祖伯逊始迁焉。僦居时，卢方富盛，构华屋。伯逊梦神告曰：“尔竖柱，尔竖柱。”觉而异之。后果有卢宅，大松可十围，伯逊手植。子孙或谋伐之，方石世父王城山人买存，作诗刻片石嵌松树中云：“登云桥上路，不见旧时花。留得青松树，人人说谢家。”方石退闲，治一园曰归来园。初市地，问直须五十金，倾囊不足，乃还券。会温州江心寺建文信国祠，永嘉令汪循奉二十金请碑文，方石笑曰：“园成矣。”李东阳《归来园次韵》：“又向长安忆故园，白头归向此中存。长留旧履供山水，旋买新书寄子孙。楼上元龙曾卧许，社中司马未封温。将恬激懦清朝事，廊庙山林总是恩。” ㄩ

赵尚书方崖故居 在关屿。ㄩ

叶郎中海峰故居 在镜川。秦尚书华峰记称“镜川茂林长薄，闾比闾联，突烟起于屋霤，叶氏世居”是已。ㄩ

附园林^{〔三〕}ㄩ

宋 蔡氏藏书处 在白山。武博镐之从曾祖居士富而好义。绍兴九年大旱，居士将出谷散人，而恶居其名，托于欲辇大石出之土募人，酬以粟。石高二丈馀，广三之，质润如玉，因置屋，名“石庵”。犹子承奉郎君瑞更拓之，广市书以教族子弟。叶水心赠茂才贯之子与诗“蔡家五千卷，藏向石庵中”是也。水心又有《石庵藏书目序》。ㄩ

陈氏胜云林 在锦屏寿星岩。南渡初，礼部郎陈远与弟评事迹卜筑于此。有百花园、洞桥、育鲤池。朱晦庵与临海陈参政叔进尝过访。朱子诗：“锦屏山麓可幽居，君却高官卜此庐。每为迎宾新酿酒，多因训子旧藏书。种花东谷栖灵鸟，凿水西塘养化鱼。偃仰衡门成独善，白驹空谷渺愁予。” ㄩ

丁氏园 在温岭丁岙。嘉祐初，丁仲镒始创。八世孙少云淳熙间拓而大之，有松山南麓诸亭池楼阁及东屿书院。少云子木官归，

又建云海观，台榭岩径无虑七十馀所。陈笈窗《松山林壑记》称少云幽栖之所，面际海，后接仙源。王绰《云海观记》略云：丹邱，列仙之所萃。松山丁少云即其所居依山辟园，回环曲折，曰亭，曰堂，曰台，曰榭，曰林，曰坡，曰窝，曰谷，无虑二十馀，具载于雪巢林景思之赋咏。至于奇诡特异之观，则自小垂虹而入，跨莲荡不知几何亩，有堂岿然乎其上，曰芙蓉，此尤雪巢之所长吟而永歌者。龙川陈同父一见，辄心可之。距今五十二年。子植追思旧事，因芙蓉故址敞为杰阁，以“云海观”目之，盖取坡公“玉霄云海”之词，以补先世之未为者。子植名木。少云从弟少詹^[四]，亦有园林可观。景炎丙子，为知县李复将诬奏抄没，宗族星散。今其地名“毁宅”，一望藜苳，而东湖、西湖、中湖、杨柳巷、千秋街、洗马池遗迹宛在，父老能指而言之。子植尝咏衰柳云：“莫向长堤怨摇落，与春为地是秋风。”今日之衰，又安知异日不再盛耶！永嘉陈傅良《和朱宰游丁园》诗：“榆火逢佳节，棠阴得胜游。移尊欣及暇，乘屐共寻幽。日静竹光合，风喧花气浮。主情殊未倦，衰暮为迟留。”徐山民照《丁少詹园林》诗：“州分低岭外，来向此园行。路改初栽树，堂成未有名。药苗随草长，岩溜入池清。欲识怀君意，时闻鹤一鸣。” 广

黄氏读书堂 在洞山。黄轲读书之所。永嘉叶适诗：“谁能采桑谈，谁能带经锄？古人读书地，妙理出穷间。矧今值华室，山翠涌前除。风烟聚景趣，竹松成画图。主人乌纱帽，子弟绣罗襦。新装茧纸印，上记开辟初。展卷忽有得，欣如奏笙竽。勉哉造其微，勿逐皮毛粗。” 广

涉趣园 在王城山下。项处士洗筑。邑戴参军曷诗：“四面山回合，中间百亩畦。入门惟见竹，绕屋半栽梨。果熟霜前树，鱼肥雨后溪。秋来饶景物，斟酌费诗侯。” 广

郑公台 在十三都威神寺后灵湫山上。虞仲房曾过题。元陈两峰德永言三坑盛圣泉先世与泽库郑谷口祖同建寺，疑台亦郑祖筑。今丹崖山上有茧室，泽库街后下庄桥郑大塘有假山及钓鳌台故基，即郑监庙八景诗《碧沼遗踪》也。国朝戚亦崖鸣凤《郑公台》诗：“经旬雨暗郑公台，阶下阴森遍绿苔。一一蜗牛缘壁上，飞飞紫燕掠烟来。看花久已闲邛杖，拨闷何能仗酒杯。坐待痴云

风扫尽，山红润碧好怀开。”威仪凤《郑庄》诗：“几回策杖步回塘，无复芙蕖满路香。岸草斜浮光暗暗，水云倒浸色苍苍。参差梵呗来僧院，断续渔歌过野航。曾是昔贤行乐地，只今相对叹沧桑。”

元 松桂轩 在洞山。黄谷春与星读书行义，与诸兄弟同居孝友，家有集怡楼，又筑此轩。名士多从之游。陈石门铿翁记云：“天台、雁宕之交，有谷曰洞黄，洞言谷，黄言姓也。谷之中峰嵌岑砢砢，左右并驰而南出，若运肘然。溪流盘束两山间，路则自山之口溯溪而入。黄氏五代时卜筑于是，今十三世矣。环其居皆松也。屋之前有大桂，偃蹇轮囷，当自其始祖时植，上歧为二枝，连螭荟蔚。黄氏谷春开轩，朝夕盘桓其中，延师取友，论文赋诗，或抚松而啸，或倚桂而吟，匾曰‘松桂轩’。春林赋粉，秋花屑金，夏簟生寒，冬窗含翠，笙簧奏而天香飘，可谓得读书松桂轩之趣矣。”郭煜《集怡楼》诗：“大山飞凤小蟠虬，中有幽人结翠楼。碧槛静临华萼屋，珠帘高卷雁行秋。相看得句追灵运，共喜谋生拟少游。登览岂无苏内翰，题君孝友配前修。”¹

明 晚翠轩 在石盘山。元季，林铭可隐居教授，环屋植松，大小千百株。隆寒雪霰，草木不蕃，乃嗒尔凝然坐轩中，览松之苍翠自怡，题曰“石盘晚翠”。吉安张廷望为记。¹

宗鲁堂 在江绶。《叶志》：国初大名府知府孔中夫建，衍圣公孔讷记。又有望云堂，祭酒宋讷记。又孔克瑜建鲁青轩，鲍原弘记。¹

酣云轩 在泉溪北。林公辅记称：林养民舍近雁山，高插霄汉，四时云气浮游其中，据石而歌，固将与云冥合于太空之表。屈子所谓“餐六气而饮沆瀣，漱正阳而含朝霞”，知其非妄语也。¹

驾鳌轩 在三台山下。林周民建，御史范瑾记。¹

莞山草堂 在莞岙。陈敬所先世筑，方正学有诗。¹

环清轩 在泉溪。邱慎馀海建。潘从善诗：“环清初试酌，披豁见情真。醉蟹凝膏腻，香柑暝雾新。襟怀原落落，笑语自津津。最爱门庭静，超然远市尘。”¹

望思阁 在泉溪南。孝子邱篷屋建，王静学有记。¹

多山楼 在二十三都。赵猷建。¹

悦亲堂 在星屿。陈子安建，陈铿翁有记。¹

听松轩 在温岭。郭饶阳櫜所居。饶阳免归，舍于椒山，潘均

宏氏亦为颜其轩曰“听松”。鲍原弘有记。廬

贞则堂廬在桃溪赵岙。谢方石为祖母赵氏筑，刘侍郎定之有记。廬

逸老堂 在桃溪。谢太守省筑。复创悠然阁，有五朴之名：一居室朴、一主人朴、一器物朴、一子孙朴、一童仆朴。太守各为诗，亦韵事也。犹子文肃《次韵逸老堂》：“一笑功名真覆鹿，十年辛苦枉听鸡。梦魂回首长安路，几忆清风竹下溪。”廬

会辅堂 在镜川。元学正叶居暹建，正统间，裔孙廷旦重建。章主事暲记称：堂之命名，取以文会友、以友辅仁之义。先后主讲者，如叶拙讷、应溪南、应复庵、闻兼山，皆名儒。来学之士，如溪南之侄志钦、志道，拙讷之子允迪、允仁，及潘国民、缪思敬，并一时之彦。而主人供其服膳，可谓富而好礼者矣。廬

乡约亭 《叶志》：乡约亭在盘峰里。耆民江敦义、毛太、林居见、金澄广等创立。而望轩徐子文仿蓝田吕氏，作为约法十五章，月一举行之。县尹罗政有序。国朝天台齐侍郎召南序称：宣德间，各里皆有堂与亭，为乡约所。孝宗时，六都约正林木、江城、毛缙、徐绍、梁奉、朱呈、金标、杨操、陈颖、周乾、吴诚等，论说经书，少长集听，时号君子乡。廬

白云深处 花坞赵氏富盛累世，有多山楼、兰雪亭、延绿书院之建。成化初，处士元韶读书养志，自题所居曰“白云深处”。罗翰林璟称其间山势夭矫连亘，与雁荡诸山相接，岸海东行，最为幽邃。每当晓日未出，清风徐兴，山中之云若披絮，若拥縞、若蒸沈檀婆律而涨其篆烟，悠扬缥缈，蔽满崖谷，峰峦人物，隐约其间，盖有王维、关李所不能画，洵山中奇观也。其弟元纆沈酣书史，亦于山中构万卷阁。黄孔昭《白云深处》诗：“我家大雷山，山高天与属。夙昔试登眺，雁荡近在目。逶迤转花坞，盘旋极深谷。鸡犬寂不闻，白云常蔽覆。别来始十星，蹊路失回曲。缅怀素心人，好爵不可束。朝看白云飞，暮共白云宿。云闲心亦闲，步趋无踏蹶。林茂艳青阳，溪泉杂鸣玉。坐咏古人书，

千载无自足。悠悠青云端，此乐将谁告？”谢铎前题：“岸海东行路若封，白云堆里草茸茸。一声鸡犬斜阳暮，知在青山第几重。”“十载红尘梦里闲，鸟啼长忆旧青山。白云茅屋知何处，亦欲云边著半间。”谢省《万卷阁歌》：“岂不闻，汉留侯，纳履圮桥夜一编，运筹帷幄兴炎刘？又不闻，宋忠献，典故枢衡佐两朝，一篇论语分用半。几家有书不能读？几家无书满便腹？邺侯取讯昌黎公，插架牙签手未触。闻君藏书富充栋，阁中少似胸中涌。不求闻达若终身，能藏能读兼能用。中郎枕书空自秘，子云奇字何足贵！圣贤心学在斯道，上以经天下纬地。忆余别君十寒暑，特寄诗篇三二幅。诗句虽工学之末，本源不究终非淑。他日逢君推本源，定为阿蒙加刮目。”^①

春晖楼 在茅岙。孝子林大登建，赵方崖有诗。^①

栖清草堂 在二都。许仲蔓建，有《栖清》诗，赵方崖序。^①

瑞芝馆 在南城。狄世攀，号惺惺子，筑丈室，庭植梧竹，读书其中。有芝挺生九茎，光彩奕奕，时以为瑞，赋咏甚众。永嘉何白诗：“郁郁文杏馆，奕奕玄光英。卿云弹五彩，玉台纷九茎。中有黄眉叟，少怀经世情。犀象不我试，天为藏青萍。浑物若瞿瞿，于道何惺惺。抗志托千古，闭关穷五经。发为骚与赋，鎗然金石声。赤霞动海峤，大半飞梁横。金光开贝阙，雪涛卷沧溟。我来一长啸，翻作升天行。遗以一茎草，服之五内轻。矫首望黄鹄，掉臂东南征。愿言结终始，相将天地并。”^①

国朝 且园 县小南门有鸿胪第，明神庙时洞山黄钦缙号少雷故居。钦缙授鸿胪序班，未任卒。孙之瓚，号琢琳，更筑且园西城内。国初，诸生黄土英名文灿居之。范忠贞公承谟巡历台州，馆其中，手书联赠之云：“别有楼台藏日月，居然城市即山林。”又“乔木大家，十年百年之树；疏花小石，一丘一壑之间。”范忠贞承谟《题且园》诗：“且园城西角，径仄石墙湾。松老黄公宅，花香白昼间。登楼临古木，开户即深山。廿载干戈内，栖迟得此难。”“车马风尘客，征鞍此暂投。海山微过雨，天气欲成秋。玉兔三株树，元龙百尺楼。主人何必问，终日为淹留。”^①

坟 墓^①

晋 王氏坟 在楼旗山下。《赤城志》云：“墓砖螭形鱼文，贯以柳，

或为钱状，旁有文云‘晋永和十二年岁次丙辰八月壬午朔，琅琊国’，或云‘八月壬午，作方璧二千，楼旗洽典作’，或云‘太元十五年’，餘皆漫不可识。字画奇古。”南宋时，王西涧深道尝拓以赠人。金坛刘太常宰跋《晋砖志》后，称其与保母帖^[五]同出，今殆为王氏复兴之祥。盖即西涧之远祖墓。乾隆三十五年，温岭山岬风雨，崩出古坟砖，上有“晋太康七年蒋氏造”字，又早永和百年矣。卍

唐 蔡家墓 在灵伏山下。唐中和间，蔡氏祖累世葬此。宋赵希悦有贖还蔡氏墓地事，杜丞相清献义之，为记其事。杜范《蔡家墓记》：“武学博士蔡公竑，以才名气节被遇阜陵。余时方束发，未之识，而与其从弟江山征官禾同学。武博歿二十年，余登戊辰进士，始克拜其像于堂，识其子新宁令淑兄弟。淳祐二年，余金书有府，禾之弟铅以供检《武经要略》为余属，因知蔡氏事为详。蔡本出晋侍中谖后。名午者，唐中和间自邑之来远乡赘于白山尹氏，因家焉。死葬灵伏山之原。午之子师路，师路之子邦，邦之子希实，亦葬焉。里人名曰蔡家墓。墓侧有田百亩以为缮莹。垂白之老，始髡^[六]之童，悉能指而言之。自午至武博，盖十有二世矣。武博亡，蔡氏稍弗振。里陈姓者，有其墓旁之山，并欲包其墓。蔡聚族谏之，不胜。其四世八家，虽岿然在中，榛荆蒙翳，春秋祭享，仅能穿甬而入。陈未几家废，山归何氏。会何营他山，与前上虞尹赵安臣之山连壤，以所买陈山求易。券成，独一面不肯割入，盖蔡家墓也。新省仓门赵直温，安臣之季弟也，谓安臣曰：‘蔡氏横松荒于陈久矣，此吾党所共愤也。今何以易山来请，其蔡先灵欲假手于我乎？’安臣于是捐竹园数亩与何冢相值者，并易之。既得蔡墓，即以归蔡。其入墓之径素属己者，复以畀之。呜呼！赵之德于蔡宏矣。方陈之强也，何有于蔡？不一传复还其旧。余以知蔡之泽尚长，而安臣之德与之相终穷也。铅与其族属余记，故叙颠末，使刻诸墓，以诏方来。安臣名希悦，直温名希禛。”按：希悦，师夏子，见《郡志·选举》。戴石屏送其之官上虞，所谓“远庵家学在，持此去为官”者也。本家黄岩西桥，特地在灵伏山。详载此记，足征其义，不必列入邑人物传。《林志》作希悦，误。卍

陈尚书仲猷墓 在资福寺东。尚书名谋，本闽人，相传僖宗时官户部侍郎，晋尚书，阶金紫光禄大夫；弟谦，字仲光，为帝戚；论，字仲孟，官刺史，一门贵盛。为宦官方镇所忌，会闽乱，避地隐居邑温岭之新城，今陈家宅是。卍

金中书天遂墓 在石牛山。中书本闽人，元和间始迁泉溪，卒葬此。卍

五代 黄都监绪墓 在洞黄金字山。俗名“大坟墩”。明尚书绾始祖也。

宋 陆进士康业墓 在县南河岙。世传为唐宣公贄后，宋初擢第，倅永嘉，卒葬于此。

陈枢副甲墓 在大雷山。卍

陈侍郎申墓 在山岙庵后。子孙藏有赠恤诰敕，称申以疏通之才，端方之操，发身科第，著绩勤劳。体国而怀忠荃，随事以最声猷。抱志经时，归荣故里。追念往劳，宜伸恤典。系真宗二十五年。卍

陈忠简良弼墓 在庆恩寺东。碑尚存，阮抚军元尝遣人摹拓。卍

赠金紫光禄大夫赵彦文墓 在方岩金仙寺侧。光禄名伯洙，绍兴进士，知南外宗正事。黄岩西桥宗室。卍

金书镇江军节度判官赵咏道墓 在祇园寺侧。金判名师戴，伯洙子，开禧进士，尝知铅山县。子司户参军希孟，祔葬父墓下。卍

丁监税畋墓 在温岭西山之原。尝监北恩州王子税，土人误称“王子墓”。叶水心挽丁少明，有“新来王子碑能说”句，即指此。卍

丁山人明仲墓 在温岭。明仲名朗，有诗名，客死钱塘，归葬焉。永嘉陈傅良题丁明仲墓志碑阴：“叶君只字双南金，予子拳石藏幽深。大书深刻词不淫，我岂识子犹沾襟。黄山之阿墓林林，断碑日烁秋雨霖。彼岂孙子力不任，人莫过问嗙飞禽。子以穷饿死苦吟，束棺逆旅无衣衾。未乃得此世所钦，子视昔者孰与今。区间寿短升与沈，长留天地谁无心。于中诗人最岷岷，竟亦朽腐如书蟬。何独遗子天球琳，上与郊岛名相寻，虽无荐藉贵亦歌，况立之后主金鬻。期以数岁头胜簪，有田可稼桑可纆，收拾遗稿编朱纁，未必千载无知音。呜呼读者悲不禁，牛羊勿践木森森^[七]。”卍

桂山君王木墓 在楼旗山。有厚德，歿而里人祀于社。楼山三王之父也。金坛刘太常宰《桂山君祠迎神送神曲》：“灵之山兮幽幽，迟夫君兮来游，春兰兮菊秋。”“灵之泉兮泚泚，君之来兮乐只，酌匏尊兮荐芳芷。”“明月上兮君归，树掩冉兮风披，归来归来兮君无远

而!” 尸

徐秘书渊子墓 在湖雾半岭，俗呼“徐大坟”。尸

王侍郎方岩墓 在十六都梵安寺侧。杜范挽侍郎诗：“地灵钟国秀，庐唱压时名。虎观坚廉节，螭坳著直声。志随时暂郁，身与道俱荣。人羨腰金日，于公孰重轻。”“粉阴敷越里，昼锦借辉光。诱接常登席，振升屡负墙。故山欣弭节，华屋痛帷堂。岁晚凋松柏，令人重慨伤。”谢铎《侍郎坟》诗：“东屿曾无主，西阳岂有宫。惟应归鹤语，凄断月明中。” 尸

虞司马仲房墓 在横溪。明林元协过吊诗：“寒食经行处，灰飞隔陇钱。羊肠樵子路，马鬣大夫阡。高树笼山霭，断碑横野田。临风下一拜，重是先贤。” 尸

朝散大夫赵益能墓 讳希代，西桥宗室师夏次子。墓在繁昌乡资福寺前。尸

刘太守全之墓 在新溪山之南。杜清猷范挽诗，有“逸馆休黄发，为邦付黑头。瓯闽看蔽芾，有泪正难收”之句。尸

蔡冲之墓 在灵伏山。武博犒弟也。赵几道为志墓，叶水心书其后。武博葬所，《叶志》未及，或云在楼旗山之原。尸

丁少詹墓 在温岭。见叶水心志：少云墓在温岭西山之原。

赵尚书立夫墓 尚书名德成，开禧进士，乐清人，墓在石塘岙。尸

戴山人石屏墓 在塘下。古汴武衍《哭石屏》诗：“四海诗人说石屏，一时知己尽公卿。家传衣钵生无愧，气挟江湖老更清。重感慨时多比兴，最瑰奇处是歌行。九原不作空遗稿，三些吟魂泪为倾。”

戴少监彦肃墓 在南城隅雅屿。尸

毛奉议新甫墓 在南岙和尚原。四明黄震为墓铭，载《黄氏日钞》。尸

赵隐君月溪墓 在关屿，故方岩乡潭头里。隐君名处温，字和卿^{〔八〕}。宝祐间，与其季处良出义庄田二百亩供役，并给乡之贫不能葬及婚嫁无力者。所居有靖和堂。郑谷口大惠赠诗，有“月计簿书^{〔九〕}在两庑，岁积金谷排六仓”之句。邑令王华甫有《役田记》。初家黄

岩洪洋，卒命其子葬此。车玉峰为志墓。《叶志》入邑“人物传”，云洪洋人，墓在方岩乡潭头里，犹未遽以为邑人。《林志》改“墓在”为“住在”，则址贯无辨矣。今删去厚德本传，附其行于此。尸

赵武翼西村墓 武翼名亥，一名处良，字遂乡，号西村。与兄处温同出林浩斋之门。宝庆丙戌右榜进士，登第三名。由殿前司同副将积功，以武翼大夫改文资差知藤州及贺州、广德州。性恬退。杜清献在宥府累书促赴官，卒丐祠归。里居与兄多行义事，乡里德之。卒，祔兄墓侧。四传至孙东庵，元季避乱，遂于祖葬所居焉。今关山赵姓之始迁祖。尸

马右相廷鸾墓 在石塘岙东。其子骥尝尉乐清，元初移葬于此。尸

赵封翁松泉墓 在迂江灯明山麓。松泉名景新，字德甫。其子官武节将军、行宣政院判官、骁骑尉，封仙居县子^[-〇]。在宋元间，事实失考。家富，在迂江有赵半街之称。

元 赵处士良显墓 祖迪功郎不弱，始居黄岩。处士以元至正丁未卒，葬丹崖弓屿。葬圣水寺者，其子友养也。谢文肃祖母，处士裔。尸

盛州判圣泉墓 在三坑。《赤城新志》：“墓上大松数十，其一伐去已六七十年，而根尚活，生意宛然。”谢铎谒墓诗：“逝者如斯日夜奔，玉峰西下是渊源。不浑竟亦成千折，欲挽谁从到九原。树老秋声悲宿莽，天留春意与孤根。濂溪溪上窗前草，愿起先生一细论。”尸

林教授古泉墓 在谷岙西园。尸

鲍知县文虎墓 在楼旗山东庵后。太子赞善陈□为墓表。尸

赠嘉议大夫鲍文尧墓 在长屿流水岩之原。潞国公翰林承旨张翥为墓铭。尸

鲍参政与侑墓 在麂岙。尸

林承旨仁本墓 在磊石山。正德间，墓为里人所有，将夷为地，

子孙控争，误举其祖官，官不为直。及贵兆复号阙下，始得复。丿

陶九成母赵氏墓 在桃溪赵岙之原。九成本桃溪人，父煜仕外，母宋宗室女，归葬于此。席帽山人王逢题墓云“赵县主德贞”，犹沿宋旧称。丿

张真人祖父墓 在塘岙。墓碑四道，并载诰敕。祖名輿槃，以孙全德靖明宏道真人唯一贵，赠资善大夫，封台国公，谥康穆；配郑氏台国夫人。父名缺，赠集贤大学士、荣禄大夫，并封台国公，谥文显；配钱氏并台国夫人。以皇庆元年二月葬。碑首有戴氏字，盖真人先世本南塘戴氏裔也。墓前石人马半芜没。丿

潘提举松溪墓 在小泉村。丿

明 谢孝子伯逊墓 在桃溪水塔头。古木一株，大几数围。康熙甲午，监司取造战舰，族人预斫去，树鸣三昼夜，百余人牵之不动，祭之方动，损人夫一名。咸谓孝子之灵。丿

丁侍郎雪舫墓 在西源山。土人呼“侍郎坟”。丿

郭知县贞成墓 在温岭西源山。

李考功存省墓 在管监山。丿

赠侍郎林居粹墓 在西关前岙。丿

林郎中无逸墓 在管监山东麓。

林侍郎畏斋墓 在芝岙山。李东阳挽诗：“庙堂风采重于山，功在江南草木间。一代循良须不愧，百年气运恐相关。冰霜节苦天应识，亥豕书存手自删。莫道衣冠无荫泽，圣朝恩命果重颁。”丿

叶隐君士冕墓 在温岭。丿

黄隐君松坞墓 在洞黄金字山。商文敏铭表墓。丿

谢太守愚得墓 在桃溪东。与弟王城山人联圻。丿

应教谕复庵墓 在流庆寺后。子知县纪墓在下珠山麓。丿

谢侍郎方石墓 初在洋岙，迁上黄。邑令曾才汉《谢文肃公迁墓碑》：“公既

卒，厥子奉遗命，附窆先莹。朝廷赐葬谕祭，大学士见山桂公为进士时被命襄事。既而大梦山葬所弗吉，门庭多事，礼部尚书久庵黄公，以门下士感公最深，乃助资易地。于嘉靖丙申二月十九日，迁公葬于上黄，以配淑人陈氏、孔氏，嗣子兴义、次子兴寅，咸祔兆次。戊戌夏，汉承乏太平，展谒墓下，观神道举未修葺，用成厥美。会公曾孙适然以南刑部照磨升抚州府通判，便道展省，经营造作，次第完辑，请汉纪其概。汉辞弗获，敬书墓前之石，以扬休烈。” 卍

林佺事一中墓 在雅屿北。谢文肃铭：“众之非，不以疑。众之趋，不以随。其巛巛也，人所挤。其嚶嚶也，人所悲。於呼！一世之快，百世之嗤，以此易彼，君子弗为。” 卍

林给事勿斋墓 在祇园寺侧。卍

戴孝子守温墓 在小塘岭。邑令袁道为营造，并题其阡曰：“方岩之北，唐岭之南，孝子之风，流千百年。” 卍

陈先生敬所墓 在莞岙堂山。知县进墓亦在焉。卍

王先生静修墓 在紫高山。罗殿撰洪先题云“明儒静修王先生墓”，前刻尚书刘麟吊诗。其子廷侗建望云台、孝思亭、雨露坛。卍

戴参政师文墓 在温峤大岭北。卍

陈参议得闲墓 在长山。卍

邵少卿元侃墓 在温峤大岭南。卍

赵尚书方崖墓 在十三都马嘴山。有樟木，大可数抱，二百年物也。乾隆辛卯，巡司周秉钧以军工强伐去，昇至金清海口，沈于水，百计挽之，不能出。未几，周道遇奔牛触坠河，惊悸得疾卒。卍

叶郎中海峰墓 在白山。秦尚书鸣雷为志铭：“鉴于铜，或可匿也；铭于石，不可易也。彼美叶公，乡之特也。出展其猷，底厥绩也。退葆其真，完乃璧也。名寿并隆，孰通塞也。太史勒铭，匪私昵也。有揭斯阡，过必式也。” 卍

张都督东瀛墓 在小屿东。碑载谕祭文，略云：“惟尔起家世胄，洊历戎行，总熊虎于师中，歼鲸鲵于海上。拥旄杖钺，振岭峤之军声；执讯献俘，扫罗旁之逋藪。投戈既久，推轂尤勤。何遽云亡，良可伤悼。爰颁祭葬，用示恤恩。灵爽有知，歆承无斁。” 妻杨氏继卒，亦赐祭葬。卍

林知县白峰墓 在象狮岙。卍

赵知州韦所墓 在三坑凤翼下。ㄩ

国朝 赠按察司佥事许鸿儒墓 佥事死节广西罗城，仲子圭扶柩归葬松门。《林志》载谕祭文，略云：历潢池之起变，励臣节以弥坚，临难不屈，殒命甘心。后人有居长屿者，犹守其前任公大冶所作《许南坡公及方安人合葬墓志》，盖佥事之祖父母也。又或徙泽库，亦佥事后。ㄩ

罗总兵万卷墓 在松门伏龙山。ㄩ

朱知州玉哲墓 在楼山。ㄩ

林知县钱水墓 在凤凰山祖祠侧。ㄩ

赠奉直大夫李英初墓 在兴教寺侧。ㄩ

赠奉直大夫李绣屏墓 在黄监山庙后。ㄩ

李知州秋水墓 在茶寮山花心。ㄩ

赠武德郎陈羽登墓ㄩ

赠武德郎陈笃轩墓 俱在百千山麓。ㄩ

陈守府倬亭墓 在横湖虎岩山侧。ㄩ

赠知县戚亦崖墓ㄩ

赠知县戚菊仙墓 俱在三坑百亩坦。ㄩ

附：五虎坟 在丹崖山之阴。宋宝祐间，前陈人陈镇兄弟五人，俱有文名，取科第，号五虎，卒时合葬于此。或云，葬后，人见有虎五踞坟上。ㄩ

彭家坟 在县西九龙山。宋彭祖彝为其父培甫墓志云：“先君彭氏，讳籽，字培甫。曾祖达、祖父汝义，赠正义大夫。父椿年，任国子祭酒，右文殿修撰致仕，赠正奉大夫。曾大父自甫阳来居临海，大父后徙居黄岩，因家焉。先君淳熙己丑九月辛巳生上饶官廨，开禧乙丑四月丁酉卒于正寝。娶戴氏，先一岁而卒，时嘉泰甲子六月丁未。子男二人：祖彝、祖茆。女一人，适夏绍堂。宝庆丙戌十月丁酉合葬于太平乡金山之原。先君少而颖悟，博涉经史，以弱冠魁漕选，寻至该免，竟以疾终。重惟大父以儒学起家，先君谨身励业，笃意箕裘，冀光前躅，志不克就，呜呼痛哉！若夫隐德，将俟

作者发挥，姑叙岁月，纳诸圻云。”

三友墓 在长山。元至大间，南监蔡睦，号筠轩，与同里郑梅坞、陶松坡结“岁寒三友”，死约同葬，名“三友墓”。今俗呼“蔡大坟”是也。明林士奕论：三人幼同爱，壮同节，死同穴也，为近世难得。尸

王修撰静学墓 公卒于江南广德州祠山玄妙观，同乡羽士盛希年葬之山麓。杨文贞士奇为表墓，知州周瑛修砌，置墓田。邑潘教谕禄谒墓诗：“祠山麓，郁郁佳城天预卜。修撰死，上有皇天下青史。我爱祠山盛炼师，斧钺不避收遗尸。唐林义士可同传，含凄聊续冬青词。”尸

蔡审理云谷墓 在湖广江夏。云谷，金清人，名文友，洪武时为楚府审理正，卒，王葬之练林。子尚远作冢图，王修撰叔英为记。后子姓转迁汉阳蔡家店。六世孙曰际时者来台云：“千里觅宗，一朝识祖，迷子既亡而复归，谱图合新以系旧。”词甚切至。乡里庆贤者有后云。王叔英记：“《练林先冢图》者，天台蔡尚远既葬其先人而作也。先人何？尚远之考原辅，为楚府审理正者是也。练林者，其葬地也。地何在？江夏邑南若干里是也。尚远天台人，而葬其亲于江夏何？以道远不能归葬也。亲葬于此，身独归乎？曰：非也，其亲葬于兹而身亦居于兹可矣。其亲之上，宜有墓于其乡者，可尽舍之而独守练林之墓乎？曰：尚远盖将身居于兹，为练林之墓是守；其先墓之在其乡者，又将遣子弟辈归以守之也。然则作是图何？盖为子弟辞归者作也。其为辞归者作何？盖欲慰其离亲墓之悲，又欲不忘其亲墓之所在也。君子以其曲尽乎义而近乎礼焉，是以咸称之。审理公之葬在洪武二十七年。后四年，而余来游江夏，时尚远歿已三年矣。余与蔡君同邑人，喜闻其父子之贤，于士大夫间而不及见之，殊可恨也。过其寓舍，获观此图，既为掩卷叹兴，因为发其意云。”尸

王山人古直墓 在京师城外。仁甫客游都中三十年，爱万柳庄之胜，曰“死愿埋此。”一日，闻方石起官，曰：“吾事济矣。”故李西崖赠诗，有“久客耳通南北语，古人心结死生缘”云云。比卒，方石及诸绅士为营葬城南万柳庄，竟不能得。尸

附墓庵

屏山庵 宋南塘戴氏建。戴昺《秋日过屏山庵》：“凄切抱叶蝉，间关栖树禽。入山本避喧，又爱聆此音。微颺动夕爽，薄云散秋阴。众籁阒以寂，片月生东林。” 卍

戴庵 在十四都。少监良齐后志道建，为合族墓祭者。卍

追远庵 在梅溪。明清江贝琼记：“林氏始祖由闽长溪徙黄岩半岭。其后枝叶益繁，散处梅关、团浦。宋设科目，一岁联中有司者八人，曰雪村，曰勿斋，曰晓庵，皆以能文称。故江以南衣冠大姓，必推天台林氏。至六一学正，言吾族之大，非一人一世之积，于是乎筑堂梅溪，置主其中，岁祀，聚族人讲礼。有祭田四百亩，其孙国子生伯云惧混其实也，求余为记。” 卍

终慕庵 在洋岙。明陈麟兄弟建，以奉亲祀。麟弟鸞尝于此庐墓三年，乡人呼为“陈孝庵”。 卍

存思庵 在莞岙。明陈彬建，以奉祖考。旁有书院，彬讲学于此。 卍

裕后庵 在洋岙。谢文肃为父母墓建，改名大梦山。李东阳有记。 卍

时思庵 在八都石仓山下。李寅韬为其父建。都御史匡纪略云：从兄存辉奉亲至孝，丧祭尤尽礼。其子寅韬熟于见闻，亲歿，一遵所见而不敢违。家既立庙，复于墓所创庵屋数椽栖魂，以展孝思。余因谓曰：“尔之登斯庵也，将思尔父之形乎？不可得而见也；将思尔父之声乎？不可得而闻也。身为亲杖，神以祭在。一出言而貽羞是思，则亲之声如闻也；一举足而貽辱是思，则亲之形如睹也。田产亲所置，思所以守；诗书亲所遗，思所以教。如此，则致思之诚，非独将祭之顷，一日十二时无非此心与神交，神与人会，祭其有不来享者乎？” 某承教，愿勒诸石，以示后人。 卍

会緦庵 在方岩乡杜氏山。天台夏鍤记云：“谢孝子之墓在旧杜氏山，旧有庵，二谢公因葺之，创称为会緦，取会五服之人，有事于此也。因更名。二谢公夹山麓为居，开门登山，不劳甚便。逃宠禄味静退，家居之日为多，是故营于其上者首尾接焉。墓有碑，有厝碑之宇。庵有祠，有享馔之所。庵之前，有方岩书院，有相观、恐闻二斋，有方石山房，有桃溪书屋、二溪室。庵之西，环以竹树，有竹林池。庵之南，被以菱茨，有采藻池。池之上，构石面水，有采藻亭。亭之左，累石承溜，有濯缨池。

池之东南，其翳四彻，前森大水，有望海亭。后藏方岩，有仰高亭。山之南有石门。之北之东亦如之，南北署，其前以墓门，东署其背以书院门，而题其前曰‘台雁东南第一山’云。”王文恪《和谢氏三亭》诗：《望海》云：“方岩缺处著幽亭，岌岌多应负巨灵。弱水蓬莱真可到，天台雁荡亦分停。蜚¹为帆起当窗见，潮作风来吹酒醒。我欲更从高处望，齐州九点雾中青。”《仰高》云：“亭上悠悠坐见山，东西回合隐如环。悬崖有路神仙到，从桂无言手自攀。理寓静中应自得，事于身外不须关。金堂玉室分明在，其奈高人去不还。”《采藻》云：“池边小立驻幽芳，异味真疑自乐浪。沙鸟自鸣还自歇，野人相见旋相忘。擷来浅濑和云煮，归去倾筐带月湘。欲献吾皇还自愧。蓼花蘋叶委秋霜。”¹

锦屏庵 在翁岙。谢原师建。¹

遗后庵 在木杓屿。郑存高建。《郡志》误作“瓦屿”，《林志》又误“郑”为“陈”。夏鞮记：“太平之隶土，有木杓屿，郑氏之莹在焉，累三世不更卜。至四世号融轩处士，始为屋屿旁以奉墓祭，是足以遗后矣。处士居新建里，名梯，字存高，元治中仁光后。”¹

来青庵 在白山古塘门。叶处士伯山影堂从子本源有致庵。又有思庵，主事钊建。¹

西云庵 在长屿风山下。金氏建。¹

翠屏庵 在七都屏山之阳。王朝比建。¹

栖云庵 在茅岙。林潜斋建。叶拙讷尝馆此，应番阳志和、叶益轩安皆从学焉。¹

庆远庵 在茅山。叶方城建。¹

附论：语曰“过墓思哀”，荒阡旧陇，不知其人，为惻然凭吊，况前贤遗蜕所在乎！许由之冢，见于《史记》，柳季之垅，征于《国策》，皆赖典籍之存，后人得知其处。不然，烟雨披残，野狐人立，白杨萧萧，翁仲卧棘，即其子孙迟之又久，有莫能指其所在矣。¹

校注¹

[一] 怅望 “望”原文作“房”，今改。¹

[二] 饮 原文作“隐”，据《石屏集》改。丿

[三] 附园林 本志“第宅”既以五代、宋、元、明叙次，至叶海峰故居后，又以宋起纪事，所记皆园林之属，故补此标题。丿

[四] 少詹 “詹”原文作“瞻”，从《人物志》改。丿

[五] 保母帖 即保母砖志，传晋王献之书，宋嘉泰二年出土。丿

[六] 始龀 “龀”原文作“齿”。按文意以“始龀”为是，故改。丿

[七] 陈傅良诗 原文“岂”误作“能”，“力”误作“咸”，“相”误作“千”，“遗稿”二字脱，“鸣”误作“鸣”。《光绪续志·辨误》据《止斋集》补正，今从。丿

[八] 和卿 按《嘉靖志》作“仲和”。丿

[九] 簿书 “簿”原文作“薄”，今改。丿

[一〇] 县子 爵名。晋代公、侯、伯、子、男皆封以县，历代因之。丿

[一一] 蚩 原文误作“黄”，今改。丿

嘉庆太平县志卷之十五上 广

艺文志 一

书 目

《竹隐文集》宋徐秘书似道著。竹隐名著一时，诗文散见于《鹤林玉露》、《困学纪闻》等书甚多，刘后村摘其警句为图。遗集刻本失传，今《江湖集》呈进本有其一卷，余姚黄氏录藏。广

《东皋子诗集》宋戴敏著。元时裔孙刻附《石屏集》中。敏，石屏父也。刘翼有《题东皋子诗卷》诗云：“雪竹霜松不老身，尽教后进笑陈人。相逢亦有吟诗客，谁似先生语意真。”广

《方岩文集》宋王侍郎居安著。侍郎豪迈有奇节，诗文亦如之。叶水心尝和其作云：“侍郎盖代豪，平蛮早垂名。览书五行下，援笔千人惊。”倾倒至矣。遗稿临海吴子良序。

《梅岩文集》宋丁希亮著。梅岩少跌宕不羁，为文亦好为惊世语。从叶水心游，始就平实，进学益锐。又就正于吕东莱、陈龙川。《钱塘除夜以诗呈东莱》云：“结得先生灯火分，论文共守一更残。”故晚所著，卓然可传。卒后，其子策哀诗文若干篇梓行，有水心序，戴石屏跋其后。广

《东谷集》宋王汶著。楼崎三王之一也。《宋诗纪事》误作汝阴人。广

《春山杂稿》宋蔡希点著。叶水心《赠子唯诗》：“蔡家五千卷，藏向石庵中。”学问该洽可知。晚迁罗屿，稿多散佚。ㄱ

《东屿稿》宋丁通判木著，凡十卷，其子俨侵板行世。东屿诗善用意，耐人咀嚼。交游甚广，卷后附永嘉陈君举、王诚叟^[1]、周端朝，五羊崔与之，上饶赵昌父、韩仲止，金坛刘平国，霁川陈贵谊，西安余景瞻、鄞袁甫，庐陵丁文伯，於潜洪舜俞诸贤评跋，皆一时闻人。

《石屏集》十卷 宋戴复古著。先有数刻，元至正戊戌，裔孙文瓚重刻，贡师泰序，并载浚仪赵汝腾、荆溪吴子良、四明楼钥、建安真德秀等序跋。明弘治间，族孙参政豪有志再刊，未就，其从父六安学正镛谋于州守宋克明梓行，有谢文肃铎序。ㄱ

《石屏词》一卷 载毛晋《六十四家词》中。ㄱ

《石屏新语》一卷 前有新说数十则，皆记前五代轶事，注云：张询古，盖其说所本。后载杂说十八条。系小山堂写本。ㄱ

《东野农歌集》宋戴参军昺著。东野诗格纯正遒劲，名亚石屏。正、续二集，大半效官秋浦时作。又多散见《江湖集》及《江湖续集》中。ㄱ

《类事蒙求》三十卷 宋戴木子荣著。子荣与同邑王汶、蔡仍俱出叶水心之门。是书采取该备，条理井然，林昉跋称：“高出唐、宋类书之右。”自著有《渔村稿》。ㄱ

《戴君玉稿》君玉与东野、子荣俱石屏诸孙行。其诗工斫削，似瘠而腴，得石屏之一鳞片甲。据杜清献范跋语，其人亦诗穷也。ㄱ

《怀仙杂咏》宋项洗宜父著。集中多拟郭璞《游仙》驰情物外之作。因筑室近邑方山，其上有仙人田也。ㄱ

《通鉴谱》宋陈问道著。ㄱ

《全芳备祖》宋陈咏景沂著。前集二十七卷，所记皆花；后集三十一卷，则遍及果木农桑药蔬。其例，每一物分事实祖、赋咏祖，

盖仿《艺文类聚》之体，而子目条理较详，足供词章家采掇。《群芳谱》即以是书为蓝本。有宝祐间自序及韩境序。黄博士徵肃家所藏，犹元时抄本。ㄩ

《百丈草堂集》二卷 宋陈钥著。钥所居在百丈岩下，遂以名集。ㄩ

《饭牛集》 宋郑大惠谷口著。谷口人物清高，诗文皆一洗时下庸腐之习，极为杜少傅范所重。真西山跋其集，谓得乾坤清气，读之如咀冰雪。ㄩ

《泉溪集》 宋戴少监良齐著。少监以古文鸣理宗朝，尤精性命之学。所著《礼经辨》，吴文正师其说。又有《孔子年谱》、《曾子遗书》、《通鉴前纪》十卷，俱佚不传。惟此集，嘉靖时，其裔希光犹守之。其建白于朝，如《崇德辨惑疏》，分四目，曰惩奸、劝贤、保民、理财，无虑数千言，皆切中时弊。家食时，复以便宜白于守土之官，如经界、水利、社仓、赋税，俱国计民隐所关。非但学优，实有用之才。ㄩ

《易学直指本原》 元盛象翁圣泉著。本其师黄寿云《易经通义》，删去芜说，独标旨趣，以理为主，并兼及象数。其后，孙侍道更为之注。自所作诗文，即以《圣泉》名集。ㄩ

《半山文集》 元林检阅昉著，陆修正序。其《乳柑记》、《谷梁》等辨，极见赏于宋景濂。馀所著有《丹邱小稿》、《田间书》。ㄩ

《有邻稿》 元鲍德贤著。德贤筑室龙井，署曰“有邻居”，遂以为集名。ㄩ

《山中樵稿》 元陈国琥君玉著。君玉其母，戴石屏女孙也。诗法有传授，近体高出赵天乐。ㄩ

《梯云集》六卷 《随笔》六卷 元邱世良著。世良寄籍钱塘，平日于经史百家皆深究研，故论著俱见根柢。《杭志》载其父璠始自台来迁，据家乘，璠乃其祖。《郡志》书目误梯云为梯云。ㄩ

《忧忧集》元邱应辰咏性著。咏性慨元政不纲，州县吏贪浊，不胜漆室之忧，著论多愤时悯俗，有功名教。其《续明妃曲》，寄托深远，尤出人意表，郭翰林为序，亟称之。本失不传，存者止《正异》上下论、《复井田论》，传录亦多鱼鲁。丿

《龟峰集》《韵海明珠》元叶道滋著。丿

《基勤集》元李学正子才著。丿

《松岩集》十卷元王教授毅著。毅字伯宏，一云元宏，与达兼善友善。其集兼善所序。

《郭谔轩集》元郭翰林秉心公葵著，其友柴季通詮次。诗文，张翥、唐肃、徐一夔等皆亟推许，集则朱右白云序。丿

《松溪集》元潘提举从善著。博学高才，诗精对仗，如“已有豚鱼孚国信，不烦鹅鸭乱军声”之句，名警不减义山，至今人传诵。丿

《辍耕录》三十卷元陶征士宗仪著。于有元一代法制及至正兵乱纪载颇详，所考订名物、诗、画亦精核，足资考证。丿

《说郛》一百二十卷陶宗仪辑。体例如曾慥《类说》，而采摭较富。原本一百卷，其二十卷陶珽增。珽，前明万历进士，籍云南，自署黄岩，疑九成之远孙也。丿

《书史会要》九卷陶宗仪撰。评论古今书画及叙记作者名氏，共八卷。末一卷为书法及补遗。南村书画多得赵文敏父子之传，故其论鉴甚精。其前有孙作撰《南村先生传》，系后来附入。续编则明宗室朱谋壘所补。丿

《草莽私乘》一卷陶宗仪编。凡录胡长孺、王恽、许有壬、虞集、刘因、李孝光、金炯、杨维桢、林清源、龚开、周仔肩、揭傒斯、汪泽民、贡师泰十四人杂文二十首，皆纪当时忠孝节义之事。有文天祥、陆秀夫二传，系抄本。丿

《古刻丛钞》一卷陶宗仪编。所载皆汉、晋以来金石文字，前

人所未及，凡七十余种。前后无序跋，盖随手登录，未完之书。丿

《游志续编》陶宗仪撰。因仙居陈仁玉有是编，续成。同时钱叔宝尝爱而手书之。丿

《元氏掖庭记》陶宗仪撰。皆元代宫掖之事。立言有体，不专訾议，而法戒自备，君子有取焉。丿

《南村集》四卷 陶宗仪撰。九成诗格力遒健，为虞、杨、范、揭后劲。毛晋尝刻入《元十家集》。外有《沧浪棹歌》一卷，正德间松江唐锦序，为宗仪所自编，与《南村集》亦互见。丿

《国风尊经》一卷 陶宗仪撰。有自序。原目惟无《豳风》，此本仅止《卫风》，盖半佚矣。解经多用《字说》。孙作《沧螺集》九成小传不载，或后人伪托。丿

《江槛集》元潘伯修著。叶良佩序称：“集五卷，无刻本，世父东野君得写本于其师缪守谦氏，曰《潘先生集》。其古诗长短错综，有李谪仙骑鲸之气；叙碑铭则模范昌黎，才力又駉駉乎足以达之。”谢文肃《赤城集》选录特多，至三四十首。丿

《石门诗集》明陈鏗翁著。宋濂叙称：“石门之学，得朱考亭之支流，人品学问，推重海内。为诗气充词畅，浑厚精醇，大雅奏而黄钟鸣，非求工于一言只字、若苍蝇之声与出于蚯蚓之窍者也。”又称“至正朝起征辟，任平阳教”。然则石门实以元故官不仕，获罪抄没，前志载洪武征辟，为误。此又关先生生平出处大节，附载于此，以俟考焉。丿

《畅轩集》明郭大令櫜著。他著有《易学杂评》。丿

《介石堂稿》明许给事伯旅著。林公辅序称：“《感兴》诸什，非近代人语。其诗善用法，而能得法之意，扬抑高下，意所至而词与俱。”方希直亦谓其命意持论，卓然不苟。丿

《松石集》明戴宗涣著。宗涣，石屏六代孙也。丿

《石盘集》明教授陈元用著。ㄎ

《石盘晚翠稿》明林铭可著。石盘晚始应辟，此皆其隐居教授时作。ㄎ

《直正斋稿》明郑涔起深著。多雁山纪游作，盖尝司教乐清。ㄎ

《金陵集》明赵御史起潜著。ㄎ

《介轩集》明戴录事奎著。录事，石屏后。集失传，尝于曹学佺《石仓十二代诗选》见之。近朱太史竹垞摘其警句入《静志居诗话》。

《静学文集》明王修撰叔英著。先经林公辅序行，旋已散失。谢宝庆太守从郡守阮公得录本，为刊行。国朝康熙间，参将郭镇邦捐俸重刻。ㄎ

《恕庵稿》明鲍纪善原弘著。稿凡四：曰天台、曰云门、曰金陵、曰洛阳，随所寓名之。又与父有邻、兄受益诗合为一帙，题曰《家学集》。ㄎ

《尚书该义》明郭元亮著。元亮名熙，櫟子，学者所称“文康先生”也。ㄎ

《东阁集》明何愚著。ㄎ

《药所集》明李毓著。药所明志养高不仕。集中多与翠易子往来诗，不知其何人也。

《全室集》明释宗泐季潭著。本邑陈氏子，从临海周姓，后出家。洪武初，以高行召住天界寺。通儒书，太祖呼为泐秀才。其诗大雅宏秀之宗也。继此诗僧名重者，明末有文心，出北山林氏，为无尽高弟，诗载《天台山方外志》。国初有摄庵和尚，本扁屿人，钟姓，将婚，忽逃去为僧。性至孝，工诗，作度亲庵，有“心死都缘读佛书”之句，《台岳英华》多录其诗，全集未见。ㄎ

《畏斋存稿》明林亚卿鸞著。亚卿歿，子薇方髻髻，及长哀遗稿，仅得诗若文三四十首，存什一于千百。稿首先录诰、敕、谕、祭文，

末则附以碑铭、赠、挽诸作，以见公之上结主知，下收士论而已。正德间，复有增刻，莆阳宗袞见素及王溪陂太史为叙。故今传者有二本。ㄱ

《郭氏文献录》明郭处士琤辑。先世自宋来，三百年文章行业之载于碑版、传记者，备录为文献。ㄱ

《郭氏遗芳集》郭琤辑。谢文肃叙称：“筠心先生尝辑先世诗文，铎叔宝庆先生为叙。既又别其诗之精者为是集，自其九世祖漫斋先生与其先君子南溪翁之作，咸在焉。”

《茸茸草》明金文钺著。ㄱ

《复庵存稿》明应教谕志和著。谢文肃称其诗“温雅深粹，视世之盘折粗硬，务为奇崛，颓堕溃烂而漫无精采者，大不侔。”尝闻《牧牛词》、《东湖纪兴》诸作，脍炙人口，今皆不见，岂世所谓大好者，乃先生所大不得意者耶？志和又尝辑《赤城丛录》，皆唐、宋来台人诗，今惟见首卷目录。ㄱ

《逸老堂净稿》明谢太守省著。为卷十九，盖萃金陵、邵陵、归田、覆瓿诸稿而茸之，各体诗三百八十首，杂文八十四首。张学士元禎序。ㄱ

《杜诗注解》谢省著。逸老既休致十八年，犹好学不倦，经史之余，取杜诗七言长古，芟厘旧注，以发其平生未尽之心，曰：“杜子非诗人也。”王太守弼为刻于兴化。ㄱ

《行礼或问》谢省著。太守尝举三《礼》，并及《家礼》，撮要行之于宝庆。先又辑有《祭礼仪注》。ㄱ

《王城山人稿》明谢绩著。总百六十九篇，为卷三，犹子文肃裒刻，九十五篇在家从游时所录，四十九篇于敝篋得之，皆与人往来，二十七篇则东广邗尹载道所得。李东阳序，陈献章书其后。ㄱ

《崇安县志》明李训导让著。凡卷四，为类五十五，叙事极该

而简，在州县志中最有名。

《茅山稊稿》明缪恭著。ㄩ

《陈敬所集》明陈彬著。诗四卷，文集二卷，门人潘骥与其弟儒信所编。诸侄晓有《迂叟集》。ㄩ

《定轩存稿》明黄侍郎孔昭著，子甫编辑。诗皆规仿盛唐，出入汉、魏，力追古作，不屑以俗置胸中。有谢文肃叙，甘泉湛若水跋。隆庆间重刻文毅文集，则临海金立敬叙。ㄩ

《王古直诗稿》二卷 明王山人佐著。古直客游，卒于京，同乡朝士为论次刊刻。其人与诗，累见李西涯《怀麓堂诗话》。ㄩ

《伊洛渊源续录》明谢侍郎铎著。仿宋景濂推明婺学之源，于台录石子重至赵讷斋，皆亲从朱子游，于清猷、玉峰得之私淑者，不敢辄列，窃附多闻之阙。又有《伊洛遗音》，专取其诗百五十七首，录寄广信守王良玉刻之。ㄩ

《续真西山〈读书记乙集〉》谢铎著。西山记凡四集，乙集专记自虞夏至汉唐历代相业，文肃更取宋一朝相业有合于西山考评者附其后，所载皆正己、格君、谋国、用人大事也。

《尊乡录节要》谢铎著。初，方逊志欲搜邑里遗事为《先达传》，未就，文肃阅中秘书，得陈笈窗《图志》，乃本逊志意，旁及史传、碑版，与故老所见闻，萃为《尊乡录》四十一卷，惧其繁，更为节要四卷、拾遗一卷。ㄩ

《赤城新志》谢铎著。计二十三卷。继笈窗而作，故作记载皆断自嘉定之十六年始。惟图、谱、表三卷，总要所在，不以年断。别有补遗、考异二卷。ㄩ

《赤城后集》谢铎辑。继宋林表民搜录文章之有关于台而《郡志》不及者，共三十三卷。今所见抄本，已佚过半。ㄩ

《縵山集》谢铎著，凡七卷。文肃著作既富，名亦不一，见《百

川书志》者有《桃溪净稿》三十九卷，见《两浙名贤考》者有诗集《蚁忱》^{〔二〕}、《归黄杂咏》，见《续文献通考》者有《汲绶徐诚》，黄氏书目^{〔三〕}有《桃溪诗稿》三十六卷，别有《桃溪杂稿编年谱》，文肃自为小引。大约《净稿》其后定本。其《元史本末》、《宰辅沿革》二书，所未见矣。丿

《国朝名臣事略》 谢铎著。时以史事赴召，取其在永乐中及熙、宣以来至今日者为后集，以旧与黄定轩同辑者为前集。是题，其总名。丿

《赤城论谏录》 谢铎著。所载皆乡先正奏议，自宋陈公辅，迄明方孝孺，共十八家。莆田周瑛叙。丿

《赤城诗集》 谢铎辑。皆郡人诗，自宋左纬，迄明邬望，共六十家。抉择极严，诗不多，而皆精美可传，非若《黄岩英气集》之取备，以至玉石互陈也。应副宪志钦、李太守崇信刻之广中，林佺事一中又为下建阳书院重刻。又有补遗五卷、续编八卷，皆与定轩同采，黄岩知县李葵刊。丿

《比部招拟》二卷 明侍郎陈璋著。乃其初为主事时论定，深得法外之意。丿

《抑斋存稿》 明林佺事克贤著。抑斋勇于有为，虽职刑狱，好学不倦，旁涉诸经、子、史、唐宋诸大家，发为文词，浓郁奋迅，想见其为人。建宁通守刘大本为刊行，盖其身后嗣子所辑。其他散失尚多。丿

《金氏遗音》 明水洋金一敬辑。以先世祖、父、伯、叔及昆弟诸物故者所作诗，哀为一集，上自国子上舍如璧、旌承事郎璋、适安如连、野处如瑁，一辈四人；次柳川贵渊、旌承事郎聚渊、漳浦大尹弘渊、国子上舍思渊、挹翠希渊、一默齐渊、秋麓灵渊、崇明教谕祥渊、愚学辂渊、守常仁渊、固轩回渊、思安胜渊，一辈十二

人；又次澹轩凤廷、筠庄凤纪、卧南凤昭、六合司训凤魁、慨云凤明、怡南凤律、介轩凤时、韦斋凤笙、漳平司训凤昂、慨梅凤实、退省凤升、虚斋凤琳、渔乐凤锦、疏拙凤绚、企之凤心、川南凤霄、浦南凤道、西江凤周、水屋凤图，一辈十九人；共得诗二百三十四首，又皆取其自性真流出，有关名教者，想见衣冠世族诗礼之盛。正德丙子，黄岩陈太守勉序。卍

《赘言录》明戴参政豪著。参政著此时年正少壮。谢文肃谓：“越宿再读，如通陈公辅书，凿凿可喜，所谓骥子堕地，气已千里，乔松著根，干先擎空，尽其力而滋其本，则过都越国，耸壑昂霄，可立待也。”卍

《筠溪杂稿》明戴给事师观著。其与参政合集者曰《二戴小简》。卍

《竹仙诗集》明林菴著。竹仙诗学杜，与同县陈养斋、叶颐斋齐名，陈、叶诗并刻于建阳，竹仙诗身后其子凤仪哀集，王东瀛侍郎为叙。叶郎中敬之作墓表，称其所著《经传类考》，于《礼》发明居多，则不但诗人也。凤仪诗亦能继声。卍

《会坛集》明李习之、伍继鲁、林惕斋等社会作。卍

《难斋诗稿》明茅山林暨著。叶海峰叙称：里中布衣能诗，胜国有鲍有邻、王逸翁；国初则应复庵、缪守谦、王古直诸公。有邻传子纪善原弘，逸庵传子太守谏，复庵后为学谕，传子黟县教纪，独守谦、古直无传，而难斋得其传，其诗卓然名家，泐泐可歌。

《镜川抔沙集》^{〔四〕}明叶胚颐斋辑。自序：“此予亲旧往来，相与联句诗也。地在镜川，非镜不录也；义取抔沙，非倡和不录也。先世与应复庵、谢方石、缪责庵诸先生倡和作，见《丛珠录》。此集自余始。前集未之官，后集则已归官也。岁时递迁，人物存歿，遗稿散失，能不感怅！掇其存者若干篇，著其姓名于首，庶子孙诵之，

得知世讲，不敢为流芳计也。”

《海峰堂稿》明叶郎中良佩著。有前、后二稿。ㄩ

《周易义丛》叶良佩著。取汉、魏下百家之说，摘录其要，仍冠以本义，备载程《传》，而以己意为测语，附缀焉。海峰先世本受《易》学于临海董正则、同邑盛圣泉，故于《易》有家传，而大旨不离程《传》。在南京时，以与况伯师讲《易》，为忌者所罗织，然其书则传矣。今御定《周易折衷》亦采之。ㄩ

《读书记》叶良佩著。此书采辑卷帙甚多，今但存有目录。ㄩ

《洪范图解》叶良佩著。抄本。ㄩ

《地理粹言》叶良佩著。海峰明堪舆，故其作《县志》，叙山发脉支干，一一分明。后人任意变乱，殊失之。ㄩ

《春秋测义》叶良佩著。《林志》本传尚载有《易占经纬》、《天文便览》、《皇极经世集解》、《太玄经集解》、《绿野青编》、《燕射古礼》等，书未见。秦华峰尚书言：海峰在西曹时，与邹东郭、吕泾野诸公为五经会。既归，坐一室，讎史质经，思以作者自名。所著有《海峰堂稿》、《周易义丛》、《太平志》行于世。其家藏若《续稿》、《春秋测义》、《韵语类编》、《事类蒙求》等集，犹不下数千卷。王太守宏又言：已侵梓者，有《华国集》。多《林志》未及，惜俱失传。ㄩ

《纪真稿》明毛旭著。ㄩ

《训志录》明邵长史濬著。长史为藩相，尽辅导之职，录皆著古贤王言行可为法者。又著有《杜诗注解》、《陈伯玉诗注》。

《石龙集》明黄尚书绾著。尚书世家子，留心世务，上李西涯、储柴墟书，条书指陈，皆中时弊。继从阳明、甘泉二先生游，更讲明经学，抱蕴益宏。为文自达所见，绝去曲士拘牵，亦不屑规左、马而袭沈、谢。其《石龙奏议》、《云中流稿》皆在官作，议论董、贾之流也。ㄩ

《易经原古》黄绶著。其说以先天诸图有图无书为伏羲《易》，卦次序亦以先天横图之先后。又以孔子言始终万物莫盛于艮，阖户之坤先辟户之乾，推之以为夏、商《连山》、《归藏》之次第。ㄱ

《诗经原古》黄绶著。以《南》《雅》《颂》合乐次第为先，退《国风》于后，去其名，谓之《列国》。《鲁颂》亦降就《列国》之列。ㄱ

《春秋原古》黄绶著。痛扫先儒义例之凿，一以经文为据。ㄱ

《礼经原古》黄绶著。以身、事、世为三重，凡言身者，以身为类；言事者，以事为类；言世者，以世为类。于经虽乱，甚资取用。ㄱ

《书经原古》黄绶著。但正其中错简，于今文、古文，不加考辨。ㄱ

《久庵文选》黄绶著。久庵，尚书号。遗稿数百卷，以海寇残毁散佚。郡守磐石李公就稿为选梓，以代去。郡守晋江张公嘱黄岩令刘君顺徵续成，汤聘尹序。焦氏《经籍志》：《久庵集选》十六卷，即此本。ㄱ

《雁湖绪言》明王廷侗著。廷侗为慎修子，学有师承。此编多本先人之说而畅明之。

《七子同声集》明林贵良选刻。七子者：洞山黄正俪，字汝侗，号洞樵，乡居教授，避倭城中，与林白峰、沈晓山、林方城、钟象冈、陈南郭、吴有云、戴近溪诸贤，结社赋诗，少峰为抡其最者刊行。ㄱ

《空谷遗音集》明邑士林月航、陈月塘、黄海州等诗，赵方崖尚书为梓行，林白峰贵兆序。ㄱ

《优仕录》明理问季彦守著。ㄱ

《兰社宣声册》明赵推官恩避寇黄岩，与其旧交蔡郡博迟斋、吴藩相樊阳、孙山人少梅等酬倡之作。比还，萃为一册，名《兰社宣声》，而蔡太守绍科为之序。ㄱ

《大司马集》明赵尚书大佑著。黄氏书目有《燕石集》五卷，

王世贞序。丿

《台南纪功集》明嘉靖辛酉，邑人颂戚参戎平倭功诗，林贵兆序。丿

《正志稿》明林大令贵兆著。自叙大旨：诗至宋斯下矣，然汉、唐人制作虽盛，卑则荣利，高则仙释，忧乐失中，美刺违则，道之弗古，何取于格！故宁取程、朱诸唱，以正其志。学人持论，往往如是。丿

《知我轩近说》林贵兆著。中有曰《识知录》者，自谓“静观之余，偶有一觉，辄书之，以自观省”。皆信口常言，不事润色。丿

《大学困知录》林贵兆著。与《四书申解》、《易经申义》俱抄本，未梓行。丿

《佩韦轩集》明赵太守大侐著。丿

《一统志略》明高庆宗著，陈南郭叙。丿

《征猷录》明林山人元协辑。山人工诗，足不出闾里，名著远近，同时与孙少梅相伯仲，著有《瓠瓠》、《敝帚》二集。此则其所集自宋来邑先辈诗，水沧林燕五家尚藏其本。丿

《学易斋诗集》明叶恒哲著，侯一元叙。丿

《芸窗书业》明陈通判应荐著。其入仕后又有《牧爱要议》、《粤游》、《闽游》二稿。

《鱼目集》明郭大令振民著。丿

《周易解》明金同知孚兑著。读《易》自抒所得，大约宗述程、朱，略于象数。别有《存笥稿》，皆自著诗文。《曲江三议》为在官时作。丿

《龙楼集》明林山人承妥著。山人诗与子彦格调相似，品亦清高。《忆依吟》、《一息草》，并其所著，忠爱之性，具见楮墨。丿

《贮雪草》明林韡著。其人入国朝始贡，诗则刻于甲申以前。丿

《斗华集》明黄学启著。丿

《瑞芝馆草》明狄世攀著。集备古今体。内有咏周、程诗，云“阳明居士是吾师”，盖亦学道中人，非徒争骚坛旗鼓者也。晏文辉、萧凤来序。丿

《彩虹存稿》明梁师孟著。丿

《丹崖山志》明胡来甫、钟化龙同辑。体例与胡昌言《委羽山志》相似，载钟姓诗尤多。

《白下草》国朝江左著。白下，左号也，麟台子，居松门，盛有文名。游幕温陵，有《适闽草》，龙岩连洋序。此其晚年徙居侨寓作也。松门既荒弃，白下追感梓里，一一记录，有《松门故实》一帙，前前置卫、设城之迹，赖以有征。丿

《仙羊续韵》国朝季大令廷梁著。在广东时作，故以“仙羊”名。旧稿毁于兵，续成此卷，而名其先存者曰《燹馀草》。一生宦迹，并其戚友许象垣广右死事源委，于此见焉。海宁查伊璜序。又有《客窗三出》^[五]，止存《义侠记》一本，为手书。丿

《拨愁吟》国朝滕壮来著。壮来先世宁海邬氏，从滕姓，居松门。诗文名在江白下、闻赞皇间。迁遣后寓长山，感里居荡废，浮迹如萍，不得意之况，往往于句间见之。丿

《芝山续集》国朝林大令士龙著。丿

《易经手授》^[六]国朝朱主事长孺著。丿

《逸园文集》国朝林高士茂著。所作诗曰《瓦鸡草》，音节极宏壮。丿

《绿天亭文集》国朝林之松著。之松负才，终明经。歿后，齐次风侍郎叙其遗集云：“跌宕顿挫，往往以逸气抒写胸中苍凉磊落之情。其诗格调，在长庆、大历诸公间。”子昭远能诗而瞽，侍郎弟培风图南序之。丿

《欠庵漫稿》国朝林绳著。又有《学诗草堂集》。康熙间，泉溪

负诗名者，林鹤巢、金秋屏外，有林究春岳、谢于宣月麓，稍晚有林矿倚云、金玉音穆斋、杨登筹宕东、吴虬莞崖。卅

《存逸录》 国朝陈应辰耻斋辑。耻斋承其父国载家学，终年铅槧，于前史并有论辨，著有《胜代品谈》。又葺自宋迄明邑先辈诗十卷，名下各系小传。时未见有林山人《征献录》，且多林未收者，搜罗具苦心矣。卅

《大学中庸订解》 国朝周鉴梅友著。其书有自解者，有杂引儒先说加按语者，先总论，次逐段分节，义理融洽，脉络分明。盖于宋四子书殚心数十年，故所得之邃。身后外孙叶纯修为刊行。卅

《垂钓集》 国朝金季璈平川著。初曰《鸡肋集》，改名《垂钓》。临海蒋湘序称：“先生一年不止三千六百钓，钓不在鱼也；每钓有诗意，并不在钓也。”其人其诗皆类唐天随子。

《方城遗献》八卷 国朝李州同成经辑。因《征献录》、《存佚录》二本，增所未有，改正传讹。诗经抉择，多可传。其曰“献”者，诗存而人存。金华楼上层叙称：“太平自宋以降七百载，山川、风土、嘉言、善行，莫不备具。”得是书之意矣。卅

《汉学谐声》二十四卷 国朝戚大令学标著。以反语兴而五音四声起齐梁间，因有韵书，于声音之本原无推究者，上溯许子重《说文》，于其每字注云从某某声者，一一推求，得声之本，益以推其变，更历引古书，证明本读，而力抵二徐氏于《说文》附音切之非。后附《读说文》一卷，又有《说文补考》、《又考》、《三考》。卅

《毛诗证读》 戚学标著。以陈第《毛诗古音》虽能纠吴才老《韵补》叶韵之非，顾亭林、江慎修等于《诗》声历有考订，然其失总在以韵绳《诗》，不知韵在作《诗》千百年后，作《诗》者天籁自然，无所谓韵也。前载《读诗或问》一卷，其论诗歌音节有高有下，有疾有徐，无全首皆平，全首皆仄，且无一定句句用韵之理，亦前人

未论及。仁和诸以谦序。ㄱ

《诗声辨定阴阳谱》四卷 戚学标著。言古音者，多不离韵，故于《诗》失其读。此书以音之见于《诗》者为主，历引古书在韵书以前者证之，更每字辨其阴阳。如“东”为阳，“冬”为阳中阴，“先”、“来”等字在韵书为阳，在《诗》声为阴。大旨总以开口、合唇分之，悉扫音切平、上、去声之陋。与《毛诗证读》相表里，而证则加详。浦江戴聪序。ㄱ

《四书偶谈》内外编 戚学标著。盖其都讲曲阜时，门徒为录存刻之。内编羽翼朱注，外编稍有异同，亦不定尊马、郑。先系袖珍板，因盛行京师，刷印漫漶，改刊大板，又有所增入。ㄱ

《三台诗录》三十卷^{〔七〕} 方外、闺阁、诗馀四卷、《台诗续录》四卷 戚学标辑。此书采摭既富，兼考详核。盖游历在外十馀年所得，不但取资乡里闻见，足为台诗五总龟。末附《凤雅遗闻》上下卷，一卷论诗，一卷借诗纪事，则不定台人作。先有《三台诗话》之刻，亦改并入。ㄱ

《台州外书》二十卷 戚学标著。以赤城新、旧《志》、《郡志》为纲，于其佚者补之，误者正之。其详载兵备，及纪历代寇乱，尤为地方关系，不但资桑梓故实。ㄱ

《三台述异记》 戚学标辑。皆引古书，取有征，近、今得于闻见者不录。ㄱ

《鹤泉文钞》上下卷 戚学标著，临海黄河清序。ㄱ

《集杜》正续集 戚学标著。前集皆五言律，续集备诸体，凡诗七、八百首。又有《集李》、《集唐》、《集苏》、《集选》诸刻。其自著有《景文堂诗》，门徒笺注，惟《三春日咏》、《绿香楼长律》、《溪西集》、《仙源诗馀》先梓行。ㄱ

《涉县志》 戚学标著。令涉县作。考补、改正，皆出手稿，非

复旧本错乱荒秽。ㄱ

《字易》 戚学标著。以世为谢石法者多无义理，用古人离合法，每字分八门，以备占验。占字与玩象同理，命曰《字易》。ㄱ

《回头想》四卷 戚学标著。休官寓邨下，无书可阅，追忆自少至入仕时旧事，及平日交往闻见，随手登录。又有《回头再想》、《回头再想想》。ㄱ

《台诗续录》三十卷 潘桥九十老人元启旦梓。老人勤积喜施，嗜义如渴，此书因戚、宋二君底本，命子贡生显达讎校，捐资独刻，较之平日所行诸善事，厥功尤巨。ㄱ

附论：邑之大者在文献。前志录人物，不载艺文，是献存而文亡矣。时代虽远，千百中，什一固有存者。然如郡志，但载书目、某人著，不知所著何项，亦空名无实。就所知裒辑，稍仿陈直斋《书录解题》例，为注其下，庶一览知作者大旨，因文而献益以征云。ㄱ

嘉庆太平县志卷之十五下

艺文志 二

外 编

答林伯和书

宋朱熹婺源人

近世语道者，务为高妙直截，既无博文之功，而所以约之者，又非有复礼之实；其工于记诵文词之习者，则又未尝反求诸身，而豁然遽以判断古今、高谈治体自任，是皆使人迷于入德之序，而陷於空虚驳杂之中，此不可不察也。予

为贤者计，莫若以持敬为先，加以省察之功。盖人心之病，不放纵，即昏惰。如贤者必无放纵之患，但恐不免于昏惰处。若日用之间，务以整齐、严肃自持，常加警策，即不至昏惰矣。予

讲学莫先于《论》、《孟》。而读《论》、《孟》者，须逐章熟读，切己深思，不通，然后考诸先儒之说，以发明之。如二程先生说得亲切处，直须看得烂熟，与经文一般成诵在心，乃可加省察之功，与讲学互相发明。但日用应接、思虑隐微之间，每每加察其善端之发，谦于吾心，而合于圣贤之言，则勉力而行之，其邪志之萌，愧于吾心，而戾于圣贤之训，则果决而速去之。大抵见善必为，闻恶必去，不使有顷刻悠悠意态，则为学之本立矣。异时渐有馀力，然后以次渐读诸书，旁通当世之务，盖亦未晚。今不须预为过忧之计，以失先

后之序也。若不务此，而但欲为依本分无过恶人，则不惟无以自进于日新，正恐无本可据，亦未必果能依本分无过恶也。ㄩ

忠翊郎武学博士蔡君墓志铭

宋叶适永嘉ㄩ

君姓蔡氏，讳镐，字正之。初入武学，以信义称。试屡入高等，恶逼同试者，以疾避，司业高之，上其行。及赐第，上识其名，曰：“此非戴几先所荐耶？”顾宰臣“别与好官”。君无所求，以格授盐城尉，诏特用为武学谕。ㄩ

未几，自乞从军。上难之，曰：“三衙岂可以阶级待学官？”君以法裁诸生，诸生多不悦，言事者用为君罪，劾去。枢密院召君稟议，欲使贺金正旦，君闻之，故逾期行，差马军行司计议官。金贺正旦来，遂以君馆伴。当宴紫宸殿，上患腹疾暴下，将就驿赐之，金使辞，请俟上有间。故事，馆伴非上旨不过虏使位。上令君过位谕金使，金使因辞，诏改宴为茶酒。中官甘弁与掌仪谋并免茶酒，复使君过位，君以非上旨，趣至再三，不行。弁怒，潜于上。君请待罪，上意解，卒赐茶而罢。复为武学谕，迁博士，充接送伴使。ㄩ

时议筑瓦梁堰，浸地三州，方四百里，曰可为边险，调役烦拏。君归奏其不便，曰：“是弃淮西山外四州与盱眙也。滁河两旁，桑稻满野，家计成，子孙长矣，又可鱼乎？且水没楚州，城坍损坼裂，瓮肚低坐，既皆有处，随宜修补，州郡常事尔，今欲尽铲旧土，重筑新城，费宜数百万缗。纵陛下不惜钱，使军士铲平复垒，舍一易，造两难，惧有他变。”上悟，为是修城，罢筑堰。君会去亲久，求归甚力，执政惜之，留为贺金国正旦使。丁父忧。服丧垂毕即召，命未至，以疾卒。年四十九。ㄩ

君性安于善，质局方整，刚塞重厚，畏利欲如痛切，义理所集，趋前就之。自事君父、从友执、待妻子，取下使人、临财当事，余

默考之，无一不合。使之治民，必为仁牧；使之治军，必为良将。君业除武学，用之有限，若使为士大夫，亦莫量其所至也。尸

君十四世祖午，传为晋蔡谟后，自婺州来居黄岩白山。曾祖产、祖元之、父待时，皆不仕。待时以君故，封忠翊郎。病革，自书凡数千言，其词多志己过，教子弟以忠、信、孝、弟，且曰：“无求仕宦。”盖不以年不足、用不尽，为其身惜也。夫人郑氏。子曰淑、曰滂、曰泽、曰湛、曰济。女四人。尸

淑走诉余于濡须，相见北关门外。久雪始融，泥潦尺馀，拜且哭曰：“先人临绝，以再世墓铭托夫子。今卜以某年月日葬某所，非得子文，不掩也。”余义知君，于其吊也，遽不及誄，因为长言系诸铭。尸

戴佛墓志铭

叶适

嘉定中，黄岩戴木以诗集句见，爱其意正，留与家居。目不流盼，足不窘步，敛身降首，惟书之徇。以父丁年七十二，有上气疾，归，疾已，复至，俄又疾作，芒屨夜发，及门而丁歿，十四年四月丁巳也。尸

哭既卒，摄衰复至，明年犹未行。余累趣之，木曰：“二月壬寅，葬日也；繁昌乡戴岙，葬地也；必得铭行矣。”又言：“人未有不渔猎贫弱以求富强者，怨谤近而易感，故业不永，命不长。虽暂永长，终不谓是也。木之先高祖洵曦、曾祖舜文，及祖秉器，关市调直，铢龠必平，不平，宁弃与。里人同辞赞重曰：‘佛，嘻者佛也。’先人继之，无改其度，亦曰：‘嘻者佛也。’佛者，里人尊敬之极称也。我不诳彼，彼故诚我，虽不渔猎，而富强之道存焉。然而人不为，何也？”尸尸

“族祖厚无子，以木弟栝为子，久矣。会其亲从有子，先人曰：‘彼当立。’使栝亟归。厚惊泣曰：‘彼仇也。委吾财于壑，焉用！’尽立卖契以畀我。先人不听，厚竟自费之，十一付其仇，示不绝而已。

从父澹病且死，子始一岁，叹曰：“托孤幼，莫如吾兄华父。”华父，先人字也。举家资半，请弟栩为之子。先人曰：“不受，无以安吾弟。”澹死，妻邱能寡，爱其子如己出，先人曰：“是庶几矣。”即以券还邱。二产直皆万馀缗。”^卅

昔孟轲有食羹形色、千乘好名之论。夫始不以一截动其心，多则变矣。王介甫语苏子瞻曰：“行一不义，杀一不辜，而得天下，不为也。人必如此而后可以有为矣。”苏公笑曰：“较半年磨勘，虽杀人为之也。”王公不能答。噫！彼公卿之簞食、豆羹，与若夫二产之获，则匹夫之千乘已。君非好名，而能不取，岂不贤哉！^卅

娶毛氏。子楷、木、栝、栩。女嫁内舍毛仁厚、曾建大，幼未行。孙宜老、双老、大老、冲老。孙女二。^卅

铭曰：始由信立，一钱不欺。终以义断，万金不私。岂无长林，何必高冈。棣华连理，伯季同藏。^卅

送戴许蔡仍王汶序

叶适

戴许、蔡仍、王汶来自黄岩，从王诚叟学，未久，叟为有力者挟之江西，三士失所依，束书将归，请质于余。^卅

夫力学莫如求师，无师莫如师心。《易·蒙》之义曰“山下出泉”，蒙泉之在山，虽险难、蔽塞，然而或激或止，不已其行，终为江海者，盖物莫能御，而非俟夫有以导之也。故君子观其象，而以果行、育德。人必知其所当行，不知而师告之，师不吾告，则反求于心。心不能告，非其心也。得其所当行，决而不疑，故谓之果行。人必知其所自有，有不知，而师告之，师不吾告，则反求于心。心不能告，非其心也。信其所自有，养而不丧，故谓之育德。学而至于能果行、育德，则不可胜用矣。然则三士之归，求其心而已，无师非所患也。

松山林壑记

宋陈耆卿临海序

松山林壑者，丁君少云幽栖之处也。余闻丁园名素著，又以趾其园者多伟人，益著。其间昉于少云者，二十有五，衍于其子子植者，三十有三。大较，松山其主名也。面际海，后接仙源，水自西南数十折至东北，其横竖侧出如一步武而神功随也，其倏窈忽烂如一顷刻而物候换也，其递凉燠、杂幽丽如一拱揖而四序之变交吾前也。予

盖好境天成，佳趣人涉。俯瞰而仰答，远瞩而近观，万象横陈，迥不可状，其以为幽栖宜矣。虽然，古所谓幽栖者，未必具是也。具是景，未必具是心也。心具则无景不清，固无俟乎景；而得景之清，亦益以增心之适，大而天地之周流^[^]，细而鱼鸟之飞跃，撷吾目、慨吾心，景随心生，而心不随景逝，是真幽栖者也，非锢焉者也。予

少云不及仕，而子植既仕矣，非可处而不出也。然必知所处，而后知所出。幽栖之所，皆求志之地，故子植之归也，于此尤惓惓焉。盖君兄弟所与游，如叶水心、陈龙川，正伟人之尤者，尝与之婆娑偃仰、咏歌讲诵于其间，其筇影、履声，龟鹭犹能认忆也。予

今二公已逝，而清芗馆方筑。当有名流豪特，袂连簪盍，与之共筹此心者，而余以官守未能随也。子植又言山之幽阻可面势者尚众，规而未成者亦众。然则子植心固无尽，而景亦焉有尽？其承少云之业而增成之，岂锢于幽栖而为景滞者哉！予

贺徐司封兼直院渊子启

宋刘过江西

荣膺一札，骤拜九重。锦省判封，尚在郎官之列；玉堂寓直，行为学士之真。众惊妙选之独贤，我喜斯文之有主。恭惟某官，才兼人之十倍，学通古之百家。以载鹤之船载书，入觐之清标如此；移买山之钱买砚，平生之雅好可知。惟其超群出类之不凡，所以作赋吟诗之逾妙。予

始宰西昌之邑，旋分南纪之州。歌阳春白雪之诗，相为宋玉表里；和落木澄江之句，谁知山谷主宾。七言常许其判花，一日忽传其视草。曰金曰玉，定市价于已先；非鹤非风，见王师之果至。莲炬光摇于落笔，药阶响动于鸣珂。欲作笺管之贺言，不过台衡之异数。未知桃观，渐惊燕麦之非；须觅竹篙，更有江梅之好。

某一无知己，百不如人，但能敬宗伯而变唐风，稍以饕虫鱼而笺《尔雅》。老矣直钩之钓，喜兹大厦之成。知判诰入翰林，我昔预期于大手；经品题作佳士，公今当念于苍髯。颂咏之私，编摩罔既。 夆

与徐郎中渊子书

宋孙应时余姚夆

违远清风，岁月如许，然梦寐依依，犹若在竹所持螯时也。人事几变，参辰相望，齿发日凋，愈深话旧之思。自擢官帝城，久欲奉书相庆，缚身剧邑，膏火煎熬，匆匆不果。便中乃蒙先以手札，不意尘浊芜没之踪，而当世名流，犹不我忘也。欣跃感激，如何可言！ 夆

顷闻太和佳政，专用藏富于民之意；公堂觞咏，正作山谷道人后身。如仆固无此段风流万分之一，何当使仆亦得引例以告台府耶！叹慕下风，日日以俟。略此展谢梗概，伏纸惓惓。

上大田王先生书

宋车若水黄岩夆

天授才于人，才不必与位期也，然必与位兼而后才始名。位苟适均，高下在才；才苟适均，高下在位。闾巷之穷吟，泉石之孤啸，友朋之清咏，近不出乡党，远不逾州里；而朝廷搢绅，天子盼睐，大臣敬惮，新宾旧僚，百口美善，一语脱笔，则朝阁省而暮天下。盖登高而招，与引领跂足于墙阴者，所居之地相辽也。 夆

虽然，位而后名，固也，天下遂无不位而名者乎？孔子、孟子，皇皇于春秋战国时，时君不能用，或暂用而辄弃；然时君不孔、孟，当时天下孔、孟也，后世至今孔、孟也，名岂囿于位哉！孔、孟不

可思矣。本朝老泉，以布衣来自万里蜀，一时名人，自韩、欧皆下之。欧称其似荀子，韩以其文章议论追典诰、极皇王，片言断句，人到于今诵之。此亦无位而名者也。世固有莫为于前，虽美弗彰者，仆犹疑老泉之名，曷为尚假于韩、欧之位也！^九

先生之文，简严沈邃，实似老泉；虽规模不践，而气象实侔。先生身不能于位荐，而称者又不能如韩、欧之位，宜若失步墙阴，引领跂足，见不见者未之必也。而大田之滨，袂牵赆接，分求一言，墨沈未干，已实客袖。得者自贺，未得者谓奚独后予？远且弥见，乃不异于高而招者。今之荷世大名，漫塘、鹤山、篔窗数先生，掬指可计；而先生之名，则布衣于其中。况数先生名溢于位，非位而后名也。位而名者，已不敢望，今以不位参之，则又不止无异于高而招者矣。^十

呜呼！仆今而后知：使天下无欧阳，不能使天下无老泉也。老泉之遇，老泉之不^九幸尔。先生非有老泉之遇，而名曷尝不老泉哉！且位而名易也，而位者尚不能皆名；不位而名难也，而乃与名之大者偕其名，则难不愈难乎？惟其愈难，故老泉以后寥寥。虽然同此不位而名也，其文则同此简严沈邃也，而老泉本于《战国》，先生本于《春秋》，所以简严沈邃者不同矣。

仆受才最凉，位非吾能也，名非吾事也，而少学《春秋》者也，愿闻《春秋》之所以简严沈邃者。^十

《石屏集》后序^[-〇]

宋吴子良临海^十

石屏以诗鸣海内四十年，所搜猎点勘，自周、汉至今，大编、短什、诡刻、秘文，凡可资以为诗者，何啻百千家！所游历登览，吴浙、襄汉、北淮、南越，凡乔岳、巨浸、灵洞、珍苑，空迥绝特之观，荒怪古僻之踪，可以拓诗之景，助诗之奇者，周遭何啻千万里！所唱酬、谄订，

或道义之师，或文词之宗，或勋庸之杰，或郡邑之英、里巷之秀、耕钓酒侠之遗，凡以诗为师友者，何啻数十百人！是故，其诗清苦而不困于瘦，丰融而不鬻于俗，豪健^{「一」}而不役于粗，阔放而不流于漫，古澹而不死于枯，工巧而不露于斫。闻而传，读而赏者，何啻数百篇！^卍

盖尝论诗，意义贵雅正，气象贵和平，标韵贵高逸，趣味贵深远，才力贵雄浑，音节贵婉畅。若石屏者，庶乎兼之矣。岂非其搜揽于古今者博耶？岂非其陶写于山水者奇耶？岂非其磨礲于师友者熟耶？然此旧日石屏也。^卍

今行年七十七矣。焚香观化，付断简于埃尘；隐几闭关，等一楼于宇宙；离群绝侣，对烛影为宾朋。而时发于诗，旷达而益工，不劳思而弥中的。然则石屏所造，有在言语外者，非世俗能测也。^卍

《方岩王公文集》序

宋吴子良

丙寅冬，韩侂胄以弄权误国诛，著作郎王公居安拜左司谏，疏请明正宪典，并陈自强、郭僕窜岭外，伸雪故大府丞吕祖俭、布衣吕祖泰之冤，而褒其忠，究极治本乱阶，曰：“如此则治，否则乱。”分别君子、小人，曰：“此不可以再误，再误是一侂胄死，一侂胄复生。”亡几何，赵彥逾与诸贤同召，公言：“侂胄之专，故相汝愚之死，咎实自彥逾，而可与诸贤偕来乎？”疏已具，是夕迁左史兼崇政殿说书，公直前奏：“臣供谏职未两旬，无故而得美迁，岂非当路者以臣欲劾彥逾耶？使彥逾再入，臣为善人忧。疏欲明日上而今夜改他职，是蹈韩侂胄前辙，遏言路，涂圣聪，废台谏纪纲，饵臣以好官而塞之口，臣甚恐焉。愿求去。”退又杜门上章，不朝谒。于是中丞雷孝友承风旨论公越职，夺一官罢，而王左史之直声撼海内矣。^卍

后起家为郡守、部使者。会柳寇猖獗，毒连江湖，招捕久无功，

当路稍释憾，召权工部侍郎，帅隆兴，付贼事。公奋不辞难，勉戎帅忠义，白吉守懦漫，厚贼之降附，离贼之腹心，李元砺、罗世传寻授首，江西、湖南次第平，民家颂户祝之。忌谗复起，坐废，逾十年，而公老矣。ㄎ

嗟夫！慷慨而立风节，谈笑而成功名，非具奇禀负杰气，讵能如此！自古养才如养木，木虽坚劲耐岁寒，要亦以培植而成，以摧拉而毁。乾、淳间，培植而成者众；嘉定后，摧拉而毁者多。如公之瑰磊卓特，当其拜司谏、帅隆兴时，愧不以忌谗去，得直遂而迅上，所树立岂在乾、淳人物下哉！此可为浩叹者也。ㄎ

公之子畴，集遗文十卷，属余序。读之明白夷畅，绝类其胸襟。诗尤旷远，尝有句云：“高下水痕元自定，后先花信不须催。”公之出处、去就，二语可以占矣。ㄎ

跋戴君玉稿后

宋杜范黄岩ㄎ

君玉携诗卷示余。余不能诗，且不暇，姑读数阕，见其斫词抉意，严而舒，瘠而腴。时有馈西湖霜螯者，风味近是，为之命酒长吟，浩然一醉，恨坡公尝江珧柱而未尝此也。昔人谓诗能穷人，又谓诗穷乃工。君之穷，其诗之为耶？君之诗，其穷之为耶？或谓诗以得穷，又将以疗穷，抑信然否？因醉而书。淳祐癸卯九日。ㄎ

跋神童戴颜老文稿

杜范ㄎ

童科之设，以其神也。世无杨、晏，强教以握之，苗而弗获，且殄其天，何以为神？而乃有神如杨、晏而夭为殇子者耶！余昔访戴君，见其子容颜丰秀，步趋详雅，固以远器深期之。尝语戴君曰：“此天下良宝也。一第不足溷，宜以经史华润熏浸而茂悦之，以需其成。切勿以世俗干禄之文，揉其心，扼其胆，使制而不得骋也。”去之曾几何年，乃徒见其揉心扼胆之文，而其人则已矣。ㄎ

呜呼，天下良宝，天所神也，而光采辉发，仅止此耶！九龄与玄，子云所痛。玄可使与也，龄不可复与也。悲夫！然神之者天也，殇之者亦天也，虽悲痛，奚益？淳祐癸卯中秋。ㄱ

云海观记

宋王绰永嘉

丹邱列仙之所萃，自昔有道术者多居焉。岁在丁酉，松山丁君少云，始即其所居之南，依山之址，辟而为园。远近蔽亏，高下辉映，回还委折，而曰堂、曰亭、曰台、曰榭、曰林、曰坡、曰窝、曰谷，无虑二十馀许，意匠剪裁，各成面势。然已具载于雪巢林景思之赋咏矣。至于一日千里，伟然有奇诡特异之观，可以助高明，排埃壘，使人徘徊顾恋而不能去，则自小垂虹而入，跨莲荡，不知其几何亩，有堂岿乎其下，而曰“芙蓉”。此尤雪巢之所长吟而永歌者。盖烟霞之吞吐，云气之开敛，日光之出没，野色之浓淡，隐几而望，有若道家所谓海上之三神山^[1]也，相与隐约拱揖于有无冥漠之间。ㄱ

龙川陈同甫来自永康，一见辄心可。每与少云、少詹击节抵掌，谈王说霸，穷日竟夜而不知倦。间举酒以属少云：“自李谪仙死，世无奇士，谁能骑长鲸，驾大鹏，徜徉恣肆，以与之为沆漭汗漫之游乎？”时庚子，距今五十有二年矣。子植倦游来归，遐想旧事，因“芙蓉”之故址，敞为杰阁，高轶霄汉。既成，而以“云海观”目之，盖取坡公“玉霄云海”之词，以足先世之所未为者。ㄱ

夫勿堕緝坠，使不一失夫前人之遗，固非世其家者不能。乃不惟世其家，并斥大其所已成，规恢其所未备，西自秋堂，广袤开拓，伐蓬蒿、列花卉，极水石林麓之盛，葱蒨茂蔚，对蒙泉精舍，殆若异境，且旁筑客馆数十楹，东由松岭，度横约，沿缘夷犹，上下坳坂，有幽泉溢出，??碎石间，循其右以上，挹蓬莱云气，若几案间物，而又于东北之隅，揭为此观，是岂不足以宏先志、侈后观哉！ㄱ

子植既集友朋以乐之，且曰：“睹天地之大，览山海之胜，吾何敢于自旷？亦聊以憩其驰骤焉尔。”友朋悉曰：“往者之屈，来者之伸，此《易》所贵乎随时之义，又奚必勤计虑于出入动息之间耶！”虽然，巨浪喧豗，迅风横溃，回轳转棹，则即有泊岸遵途之捷矣。故进而竞于物也详，不若退而反于己也约，此惟有道者知之。子植其不讲于道乎？子植名木。ㄩ

书石屏诗卷后

宋方回严州ㄩ

戴复古，字石屏，黄岩人。早年不甚读书，中岁以诗游诸公间，颇有声。寿八十馀。

宋之南渡，江湖游士多以星命相卜，挟中朝尺书，奔走阊台郡县糊口耳。庆元、嘉定以来，乃有诗人为谒客者，龙门刘过改之之徒，指不胜屈，石屏其一也。相率成风，至不务举子业，干求一二要路之书为介，谓之“阔匾”。如壶山宋谦甫，一谒贾似道，获楮币二十万缗以造华居是也。ㄩ

钱塘湖山，此曹什百为群，阮梅峰秀实、林可山洪、孙花翁季蕃、高菊涧九万，往往雌黄土大夫，口吻可畏，至于望门倒屣。石屏为人则否，每于广座中，口不谈世事，搢绅多之。其诗高处颇清健，不至高九万之纯乎俗。刘江村最晚辈，本天台道士，能诗还俗，而处士诗名遂绝唱矣。故因取石屏诗，而详记之。ㄩ

《许介石诗集》序

明^[-三]林公辅临海ㄩ

杜子曰：“文章千古事，得失寸心知。”夫文，心之所出也。心无所得，又乌知得失之所在？得失不知，而曰能知乎文，吾不信也。古之圣贤，千言万语，皆写心之所得。故其大通天地，小入毫末，妙入鬼神。人得一窍之微，为终身之用不穷。至荀卿、贾谊、董仲舒、杜子美、韩退之、欧阳永叔诸公，揆诸圣贤，虽时或有倍，而其涵

茫不测，变流不滞，亦非自外而至，故其言犹为世尊雄^{〔一四〕}，何也？言发于心。心之所得，虽未必如^{〔一五〕}圣贤，而其发也，亦非率尔而妄言者矣。此天下后世亦莫得而废之也。ㄱ

若扬雄、王通之才不足以及此，识不足以知此，始以钻刻为功，取圣贤之言，章模句范，传于天下。其曰《太玄经》者以配《易》，其曰《玄经》者以配《春秋》，其曰《中说》者以配《论语》，其意谓圣人天下之所宗也，冀天下之人相谓曰：“彼乃与圣人配，则其高可知矣。”是假圣人以惑天下，侥幸于一传。呜呼！是犹聚土以状人，其形面手足，人也，其神气则无矣。抱童子远而视之，犹曰人也，近而视之，亦知其非矣。雄、通之言是欺童之远也，将传于天下，可乎哉？ㄱ

吾是以知：有得而言，其言也虽少，犹为世贵；无得而言，虽多至累千万，亦徒劳尔。故孟子曰“君子深造之以道，欲其自得之也^{〔一六〕}”。自得之，则居之安。居之安，则资之深。资之深，则取之左右逢其原”矣。尚何模范为事哉！以模范为事者，皆无得者也。世之能知此，其惟我友许君廷慎乎！ㄱ

廷慎少业科试，会有成，曰：“兹不足以发名成业。”遂取六经及他圣贤之文，读之数年，不觉胸中浩浩，理融意析，渊澄藏积，吐吞呼吸，力不可得而制也，事不可得而泄也。于是触时遇物，肆而成章，至于纵横上下，颠倒敲正，喻散之际，莫不如其意之所为。世之吟风弄月为至，煦煦草木情思为工者，皆不暇顾也。故其诗名隆隆振远迹。此岂得于口耳之浅哉？要其心之所得，又不自知其至矣。ㄱ

呜呼！吾少时与廷慎同学，廷慎长予一岁，日与廷慎戏为笑乐，乌知其至此！而余也愚日倍，譬如盛盆盎，待秋雨之一溉而不可，其视廷慎，宁不皎然于中心乎？吾知能无及矣！故书此于篇端，为异日岁月之考云。ㄱ

酣云轩记

林公辅尹

吾自少闻黄山林养民伯仲之贤，常欲见之。已而见其仲齐民，朴茂人也，祷雨有感，予作序以赠焉。已而又见其伯兄学民，温默人也，号其居曰“盘所”，予作文以记之。独养民未与之见。今年忽寓书来曰：“吾昆弟子皆有言，吾虽不识子，尝号其轩曰‘酣云’，计子以吾昆弟故，必不简我也。”予笑曰：“予，天下之穷民也，与世相弃也久矣，而林氏伯仲相继有求焉，予言虽陋，得无以少复之耶！”尹

呜呼！天下之物可酣者甚多，而人酣于财、于色者尤至。日持筹较锱铢，利尽而意未愜，此酣于财者也。娥姣媵媚，昼夜盈前，此酣于色者也。而有志者笑之，于是南驰越，北驰胡，取位禄于朝，立声称于天下，此则酣于功名者也。而达者复笑之，谓生为暂来，死为暂往，一酣于酒，不知人理有哀乐，而世道有安危也。凡是数者，皆有迹可见，故吾可得而酣。尹

若夫云，阴阳一气耳。聚则弥满太空，不可得而拒也；散则不存毫末，不可得而追也；果何迹可肆吾酣耶？呜呼，有迹者有尽，无迹者无穷；有尽者可以有心求，无穷者可以无心得。世人不能无心，故其所求者在乎迹也，养民不能有心，故其所得者在乎云也。吾闻养民之居，离雁宕不数舍。而近雁宕之山，高插霄汉，四时云气浮游其中，养民攀援而上，据绝顶，击山石而歌，固将与云相冥会于太空之表者矣，又乌知云不可得而酣耶！不然，屈子谓“餐六气而饮沆瀣，漱正阳而含朝霞”。六气果可得而餐，沆瀣果可得而饮乎？正阳果可得而漱，朝霞果可得而含乎？将以屈子为妄，屈子非妄人也；将以屈子为实，其实又不可见也。是其中固有不可言之妙者矣，岂俗之所能知哉！养民其知之乎？余异日归，当请养民而更论焉。

答陈元采^{〔一七〕}

明方孝孺宁海人

别久得书，闻已应仙居之辟，为邑人师，士子向服，从游多君子；寄来文章，又皆敷贍纡馀，有作者风，过前时所见远甚，慰喜无量。予

吾兄年在仆先，问学日有所益，固鄙心所敬畏者。来书偃自卑下，每发求教之谦言，内视愧恐，诚不足当。况仆近年为疾疾所迫，惧一旦溘死，终无所闻，愈思刊落华藻，以求身心之实病，向时悦人取誉之具，朋友交相奖引以为可喜者，非惟不暇为，亦不复为矣。众人不之察，往往以此事相督责，无以应之，则悲且^{〔一八〕}怒，不知人亦何用乎此也！使诚有志乎学，则圣贤之经，成法具存，放而行之，无不可至，吾徒虽巧为饰词，亦不足希其毫末。弃彼不师，而惟吾德之求，不亦异乎？吾兄所称陈宪直，仆已知其为人，其所求傲斋之文，闻之久矣，仆诚无爱乎吾言，惧其无益于宪直，故愧而不敢出耳。幸吾兄明告之。如宪直必欲得之，则求之吾兄足矣，何必扰扰乎于仆之问也。予

古人之相问，告以道而不以文，今人举异乎是。仆私自试，入道之路，莫切于公私义利之辨。端居而思之，念虑之兴，一日之间，出于义与公者虽多，出于利与私者亦不少，则不逮仆者可知也，去仆愈远者，又可知也。舍此不治，而欲为学，是犹纵盗于家，而欲府藏之盈，乌可得乎！尧、舜人心道心之训，孔子之克己，孟子之扩充四端^{〔一九〕}，皆是理也。圣贤所以为盛者，以其公之至、义之尽也。愚不肖之不能有为，以其本心汨于利与私而无以自克也。吾徒其可去此而不思耶？予

仆前日病而问诸医，医曰：“未病可治也，既病而医，何益？”始甚怒之，既而思其言，盖以医为讽也。是以乐以此告吾兄。天下

之不病者几人？病而求医者复几人？医而肯以情告者复有几人哉？仆非能医者，盖病而后知医者也。吾兄非病者，盖治人之病者也。今之病者，莫甚于好利而自私，宜乎仆之以斯言告也。ㄱ

近作《易枝词》未能成书，又无人缮写，不果上。从吾游者，近因筑城之役，皆散去，兀然独居，无可属笔者，自作报书。ㄱ

答许廷慎

明方孝孺ㄱ

往在京师，士人从濠上来，多能诵足下歌诗，固已窥见胸中之一二。去岁在临海，遇林左民、张廷璧二子，问^[一〇]足下言行滋详。二子自负为奇才，至说足下，辄弛然愧以为莫及也，然后益信所窥之不妄。ㄱ

近在王修德家，得所录文章数篇及手书，深欲读之，会仆家难作，未果寓目，辄引去。重入京师，道途所行千馀里，恒往来于怀。及到此，获《岁寒事记》于友人家，览数行而大惊喜，命意持论，卓然不苟，非流俗所敢望也。何足下取于天之厚至是耶！斯文世以为细事，然最似为天靳惜，其赋于人也，铢施两较^[一一]，不肯多与，得之稍多者，便若为所记忆，时时迫蹙督责，不使有斯须佚乐。意此理绝不可晓，岂其可重者果在此耶！不然，何独忌此而悦彼耶？ㄱ

如仆自揣，百无所有，以粗识数字，大为所困。当危忧兢悚时，自誓欲以所能归诸造物，甘为庸人，而不可得。足下幸安适无所苦，而駸駸焉欲抉发奇秘以与造化争也。然其取忌亦太甚矣，得毋亦蹈其所忌乎？仆虽为斯文喜，然窃以为非计之得也。虽然，君子顾于道何如耳，宁论利害哉！ㄱ

自古奇人伟士，不屈折于忧患，则不足成其学。载籍所该，大半皆不得意之词也。然后世志卒明矣，又乌知忌于一时者，非所以为无穷之幸，而悦之于俄顷者，非甚弃之耶！此可为足下道，聊以发笑，

且自解耳。予

左民多称王微仲之贤，恨无由见之，适见其弟晃仲，亦雅士，当是吾辈之秀，大不凡也。仆侍祖母，故来此，其详有所难言。予

修撰王公墓记^{〔二〕}

明周瑛建昌人

去广德城西十里许，王修撰墓在焉。修撰故台州人，姓王氏，名叔英，字原采，有气节，建文朝为文字官。未几，文皇帝南巡，原采募丁壮广德，遂自经而死。死时尝自为赞曰：“生既久矣，未有补于当时。死固徒然，庶无惭于来世。”又自为诗曰：“人生穹壤间，忠孝贵克全。嗟予事君父，自省多过愆。有志未及竟，奇疾忽见缠。肥甘空在案，对之不能咽。意者造化神，有命归九泉。尝念夷与齐，饿死首阳巅。周粟岂不佳，所见良独偏。高踪邈难继，偶尔无足传。千秋史臣笔，慎勿称希贤。”寻有诏治奸党，其二女赴井死，其妻系狱死。人为上其所赋诗，上曰：“彼食其禄，自尽其忠。”乃置不问。予

初，原采将死，以书抵祠山道士盛希年曰：“可葬我祠山之麓。”希年卒收葬之。盖原采、希年同台州人，故托以后事。正统中，少师杨公士奇始为题其墓曰“呜呼故翰林修撰王公原采之墓”。且为文以祭之曰：“先生之学，圣贤是师。先生之行，纲常是持。先生之心，金石其贞。先生之志，霜雪其明。浩然全归，乘云翩翩。我怀先生，崇山长川。桐川之藏，既固且深。遥致觞奠，神其来歆！”盖原采尝荐杨公建文朝，久后事定，故及此。原采死，无后，坟墓陵夷，鞠为邱莽，所可识别者，仅有杨公之碑而已。予

瑛初为进士时，尝闻其事于其乡之诸搢绅。及官广德，首以特羊祭其墓。继而访诸故老，得其遗事为详。云原采入广德未几，车驾渡江，郡人皆出走，原采募丁壮番上，遇兵部尚书齐泰来奔，皆溃归，原采以齐为贰，令州人执之，既至告以故，其夕原采引决。原采死

时，年未四十，盖其见义之明，杀身之勇，处死不乱，良由其志素定，非若一时忙迫失据，计出无聊，而自经于沟渎者比也。因念其行义之笃，且悲其无后，而为修治其墓，并述其事，以告后人。卍

或议之曰：“原采建文臣子，子不为讳而表章之，非罪耶？”瑛曰：“不然，自古忠臣义士，为其主耳。原采仕建文朝，故忠于建文，若仕于太宗朝，则忠太宗也必矣。况两朝天下，皆太祖高皇帝所经营之天下，两朝臣子，皆太祖高皇帝所培养之人物也。譬如天地分为四时，凡禽鸟感时鸣者，虽有春秋之异，要皆造化中物，未可舍此而取彼也。”议者谢曰：“子之言是也。”丽牲有石，其瓿诸。卍

吏部考功员外郎李公墓表

明魏骥萧山卍

茂弘，字用受，台黄岩人。登进士时，已知其名，闻太常少卿钱塘仪之王先生道其学行之详，慕其为人。一日过翰林，会东里、建安、南郡三杨学士谈人物之长，亦叹赏不置。予因其友主事李文定邀致与会，自是相与日密，悉知其学之正，操履之笃。时求贤之诏屡下，建安欲荐居禁近，或以用受乡音未变，难之。未几，考功主事员阙，方择人，适用受自黄岩还，少师蹇公遂奏补。余辱同吏部署，裨益尤多。匪特予得裨益，自尚书下，咸庆得人。卍

及予升南京太常少卿，用受送别，谓予：“相见未知何日，倘有不逮，乞直书见遗，俾始终不忝所职，幸也。”自此用受冰檠益励，且闻其书考例得序进。时吏部无正五品员阙，奏留为考功员外郎，秩稍卑。或为惜，用受曰：“人苦不自知，望躐等而进，吾自知审矣！”久之，予自南京召入，为吏部侍郎，又获与周旋。既而奉敕巡抚淮甸。用受因秩满，以老疾辞，廷臣知者留之不可得。逾八载，予亦还山。方期彼此遨游浙水东西，以畅所乐，用受已疾不起，景泰壬申正月十九日也，享年七十有四。呜呼！卍

用受本姓林氏，上世闽人，徙黄岩。曾祖天麟，为舅氏后，子孙因氏李云。祖元绅，洪武中膺明经，荐授知县，试事户部。父长民，赠承德郎。妣茹氏、继杨氏，皆赠安人。配邱氏，封安人。子男三人，曰谟，正统辛酉乡贡进士，苏州府学训导，操履廉正，有父风，居父丧，哀毁而卒；曰洗，先十二年卒；曰恩，读书惇行，恪守先志。女一，邵能约其婿也。孙男五，孙女三。其葬之所，在里管监山。呜呼！

用受敦重贞悫，廉介沈毅，不奔竞，不诡随，遇事不择夷险，无毫发戾所学。凡三为主事，一为员外，皆剧司。经事四朝，几四十年，所为所守，始终一致。惜位不副德，所施未究其蕴焉尔。予与用受相处久，彼此一心，诚所谓异姓骨肉也。乃幽明遽隔，不获临总帷一恸！兹恩奉前翰林检讨致仕陈先生状求表墓，故撮其平生大略，俾饘诸墓门之石。 卍

松坞黄公墓表

明商辂淳安 卍

公讳礼遐，字尚斌，姓黄氏，号松坞，故职方主事彦俊父，今文选郎中孔昭祖。葬二十年矣，孔昭惧潜德或泯，具状征予为表，刻石图弗朽。 卍

黄氏世家台黄岩，今属太平县，所谓洞黄是矣。先徙自闽昭武都监绪，至公十四世，衣冠礼义，视他族为盛。高祖轲、曾祖文质、祖德深，皆长者。德深兄弟友爱，尝匾其楼曰“集怡”。考与庄，敦厚信实，搢绅推许。妣金氏、继叶氏，俱有贤行。 卍

公天性明达，读书不尚辞章，思于圣贤嘉言善行，以身体之。弱冠应门户，公私规划，具有条理，治家取衣食裁足，未尝过营。诸子有倦学者，即勒使归田，曰：“四民之业，惟士与农，外此皆逐末，非黄氏子孙所当务也。”临财一无苟，尝买纸于市，觉其误多与，还之。见有盗田谷者，潜避去，戒从者勿言，曰：“彼所得无几，如为我见，

将终身怀惭。”每谓家人，贸易当留有馀与尔子孙。乡间中服其行端而恕，事有不平，皆来取决。顾深自敛抑，邑大夫乡饮，每虚席请，辞不赴。定例九载始得推恩赐封，职方未届期，不得为公请，至死以为恨，公闻讣^{〔三〕}曰：“儿能尽心职业，即显扬在是，余痛儿死耳，岂以一封为荣哉！”晚益强健。天顺戊寅闰二月乙丑无疾而亡。生平好《通鉴纲目》，每读至奸臣贼子事，必掩卷詈不绝口，未卒前一日，犹手编坐松下展玩不倦。距生洪武戊午七月，寿八十有一^{〔四〕}。卅

娶两叶氏、一祝氏，皆有妇德。子男八：长瑾，号桃溪居士，先卒；次瑜，即彦俊，正统丙辰进士，历官有声，后以子孔昭贵加赠官；次宝、次琬、次珑、次璫、次璵、次璪，邑庠生。女一，适许韶。孙男三十二，长崑、次曜，即孔昭，亦起家进士，现任吏部郎；馀尽业儒。曾孙二十三，玄孙四。墓在金字山之原，先叶氏祔焉。卅

孔子论质之近仁，以刚为首，惟无欲者能刚。公可谓无欲，有近仁之资矣。仁者必有后，是宜子孙众盛，显荣光大，如火燃泉达，福未有艾也。卅

王古直传

明李东阳长沙

王古直，名佐，字仁辅，后去车为甫，古直其所自号，以号行世。世居台之黄岩，今分太平县地也。少为诗及行、草，漫游京师。有邻人坐事者，古直候诸官，官并捕候者，询其孥甚急，古直甘侵辱，竟不言所在。入刑部狱，独暴立烈日，不与众囚伍。李主事廷美异之，检衣帽间，得柯学士诸诗，问之曰：“尔能诗耶？”使赋日影诗，成，纵之归，长揖而出，狱吏皆大笑。然古直亦自是得名。卅

与今侍郎黄定轩、侍讲谢方石友善，尝主方石。方石以忧去，主林给事克冲。克冲使海国，主王员外存敬。存敬亦出使，主定轩子主事汝修。然亦不恒在，卒然求之不得也。旅食三十年，无僮仆，

不置釜甑。有大笼五、六，惟诗数百幅，中贮壶酒，晨出饮，一再酌，已，复鑪之以去。上元，京师烧糯汁为瓶以贮水蓄鱼，旁映屏烛，通明可爱，俗呼为泡灯，古直买置谢馆，日玩弄为儿戏，触碎，意怫然不乐曰：“吾平生家计在此，今荡然矣。”方作草书，值掾吏至，曰：“遽败吾兴。”群掾欲殴之，或俾自为计，古直曰：“我固当殴，殴则吾名益彰。”一日遇诸途，竟被殴，独袖手承之以归，亦不以屑意也。予

或劝使仕，大言曰：“我来为爵禄图耶？”“盍科举乎？”则笑曰：“安得以少年处我哉！”尝在酒所叹曰：“此亦功名事业也。”显灵宫道士请主师塾，馆饷甚厚，阅月，忽辞去，曰：“安能矻矻操朱墨、坐几案间乎？”克冲之使，欲与俱，不果。或问之故，曰：“彼不吾强，吾安能为彼行耶？自古大贤闻人不渡海者何限，海岂必渡然后为快耶？”其性气屹屹不肯为人屈类此。予

然意度直率，不为蹊径，遇所会意，辄欣然忘去，人亦以此乐之。按察仲律尝值古直，询其邑里名迹不置，古直曰：“公不须问，大抵奇怪人也。”其亦善自道耶！《周官》称四民，班固表人物列九等，魏晋以来中正第九品，予雅知古直，然不能目其为何人也。作王古直传。

方岩书院记

李东阳^予

方石^[二五]谢先生作方岩书院于台州太平之缙山，盖旧所名杜山者也。山有孝子府君墓，墓有会缙庵，因更名其山。山之旁有狮子、虎头诸岩，娄旗、文笔诸峰，仙人迹、月岭、桃溪诸境，其外则环以大海，浩淼无际，其后则天台、雁宕诸山，竦立于霄汉之表，委灵输秀，至是而极，则结为方岩，巉耸峭拔，为一方之胜。故院以是名。

为堂四楹，左右为相观、恐闻二斋，以居学徒。置田三十亩，

以资教事。而仰高、望海、采藻三亭，及桃溪书屋、方石山房皆在焉。自先生叔父愚得公以宝庆守致仕，始为会缙，仰高而下，次第交作。先生又欲为是，请公主教其中。会有^{〔二六〕}纂修之命，乃留资于族叔怡云翁世弼。越一年，而以成报，则弘治己酉八月也。丿

夫书院之置，肇於宋初。若白鹿、石鼓、应天、岳麓，其名最著。盖乡党之学，士大夫所建，而朝廷因之。及州县^{〔二七〕}学立，顾为具文，而此独不废。其他聚徒讲道，皆足以为教于世，而不独此也。然程子讲于伊^{〔二八〕}洛，而朔、蜀^{〔二九〕}之徒不能相通；朱子讲于考亭，而江西、永康之徒各不相下，要其是非得失有不可易，则存乎其人，而不系乎其地也。厥后朱子之学遍天下，其在台者，有若石子重，及杜良仲、仁仲兄弟，及其孙成之，以及车清臣氏，学问之徒，远有端绪。先生家自师友，又友乡之善以及天下，尚论于古之人而究其实，则身检力践，未尝设崖岸、立门户，惟名是务。然乡之徒薰其德，而善良者亦多矣。院既成，先生有归志，又逾年，拜南京祭酒，不可遽言去，而愚得公实领之。丿

昔胡安定教湖州，太学取以为法，后自为之，而天下始被其化。方岩之教，殆自是行矣。使被先生之化者，溯厥教源，兹院之名将不朽。公虽退处林壑，亦岂不隐然为天下重哉！请以是为方岩书院记。丿

送世职胡均忠还新河序

明徐琮金溪丿

人伦莫先于忠孝。能忠孝，则立身行己，大本不亏。而推之政事，一是心之充积耳。天下岂有无本之功业乎哉！丿

成化丙申秋，浙海门卫新河所正千户胡侯均忠来京，朝廷循例予世爵归，饮钱有日矣。其姻族胡耕读辈来征予文，曰：“侯之先，直隶凤阳寿州人。祖通，从高皇帝定天下，以功授昭信校尉。其子文，任临山沂海世袭正千户，调海门卫新河所守御。世勋相承，今已五袭，

公私无过举。侯尤循循雅飭，笃学尚义，凡韬略之书，五权、六术、奇正、顺逆之法，罔不殚究，冀益显其祖父，为国宣力。愿一言宠其行。”余闻柳子云：“见善不言，与喑哑同；闻善不慕，与聋瞽同。”侯之祖以忠义树勋，垂裕后代，奕叶相传，而侯更自奋厉，克纘前光，正所谓世济其美者。予非喑且聋，得无言乎？^卞

方侯之膺命袭爵，人皆以为荣，而侯则深念主恩之优宠如此，惧无以仰答，祖父之勋烈如此，将何以光大。观其抑然善下，无一毫骄矜满盈之意，必能胜偏裨之任，著捍卫之功。云台、麟阁，指日可待，忠孝于侯两收矣。不然者，徒知读父书、嫻弓马，而不本诸内行，他日即有所成就，必不能光於史册。此予之于侯独有取也。侯其勉乎哉！^卞

与黄宗贤

明王守仁余姚

使至，知近来忙，想亦因是大有得力处也。仆到家，即欲与曰仁成雁荡之约，亲友牵绊，刻弗能自由。终决意往，烈暑，阻者益众且坚，复不果。时与曰仁寻傍近诸小山，东南林壑最胜处，与数友相期，候宗贤一至，即往。^卞

又月馀，曰仁凭限过期，势不复待，乃从上虞入四明，观白水，寻龙溪之源。登，杖锡至于雪窦，上千丈岩以望，天姥、华顶若可睹焉。欲遂从奉化取道赤城，适彼中旱，山田龟裂，道旁人家彷徨望雨，意惨然不乐，遂自宁波买舟还余姚。往返亦半月。相从诸友，亦微有所得，然无大发明。其最所歉然，宗贤不同兹行耳！^卞归又半月，曰仁行，去使来时已十许日。往时在京，每恨不得还，故山往返当益易，乃今益难。自后精神意气，当日不逮前，不知回视今日又何如也。念之可叹、可惧。^卞

留居之说，竟成虚约。滁阳之行，难更迟迟，亦不出是月。闻

彼中山水颇佳胜，事亦闲散。宗贤有惜阴之念，明春之期，亦既后矣。ㄎ

此间同姓后辈三、四人，习气已深，虽有美质，亦消化渐尽。此事正如淘沙，会有见金时，但目下未可必得耳。ㄎ

林中冈先生赴楚藩纪善序

明茅坤湖州ㄎ

明兴以来，天台间多正谊明道之士，而我中冈先生，则又能世其先大夫尚书恭肃公之学，汉所称贤良文学不过也。由贡为县训，再则为瓯宁县谕，已而以忧，服阕，补新建，又再则为我湖郡教授。世所称名博士，特讎经校艺，而先生面授手指，大较仿宋安定公遗意，独以力行先。久之，擢为楚王府纪善。其寮式以下，及帷中弟子数十百人，相与饯之茗水之上，且请予文宠其行。ㄎ

或按国家近代故事，仕之属籍王府者，例不得他徙，稍稍累欷，低徊不自己。先生独捋髯起曰：“高皇帝臣一四海，所擘画舆地，北起大宁、幽、蓟，转入云中，西捷秦、晋，南包滇、蜀、百粤，下及荆、襄、汝、蔡、河、洛、齐、鲁之际，瓜分同姓，错峙若绣，又择左右侍从，及博选文学之臣，出为辅导官属，甚盛事也。永乐后，建议者始述汉之七国、晋之五王为戒，故稍稍易置，以迄今日。以予观之，诸王府固多贤，然亦以世远属疏，诸辅导官间多不逮；予倘能引汉贾谊、董仲舒、龚遂、张敞，故所匡救，次第施行，固可补过而明职也。又不然，楚控上游，古所称方城、汉水，今天下之名山大川，鳞次相望也。南眺九疑，西通汉沔，北顾彭蠡，东连吴会，予稍及曳裾王门，珥笔兔苑，其间如古宋玉、邹阳、枚皋、王褒之属，又不可以赋诗登歌，托物效讽已乎！第恐异日者嗷嗷赳赳，无以报明天子万一耳！”或曰：“先生之意殆远矣。”遂书之。ㄎ

义虎记

明蔡潮临海

太平陈氏，年十七配王义士寅良，仅七载，而舅姑与夫继亡，遗孤云呱呱在襁褓。陈哀毁丧明，方自经以殉，救免于侍女。其母谕以忍死抚孤为事，乃含冰茹檠，延师教子，以守贞焉。卅

族有利其馀资者，因受赂乡豪，夜聚众及门，将劫他适，而吞并所有。贞妇惊觉，计无策处，方自经图免辱，忽二虎奔卫门外，咆哮震地，众落胆散去，陈氏竟得完节。垂五十年，寿登七十三矣。前尹吉水袁侯道亲为作传，今令刘侯弼核实上闻，旌表其门。云今为乡善士，贞妇所训成也。卅

君子曰：《传》恶反道、败德之人，谓夫一失则夷狄，再失则为禽兽。噫，降人之灵而以禽兽拟之，其贱、其辱蔑以加矣。今观族暴之夺节，义虎之卫门，诂意复有堕于禽兽之下者耶！卅

兰社宣声诗册序

明蔡绍科黄岩卅

高州节推太平少山赵公，昔读书于吾邑之明因禅寺，与藩相樊阳吴君、吾弟郡博迟斋君，意气甚相得也。中，公涉宦途，参商各天，近各先后归田，而限于地，不续旧好者垂十馀年。辛酉五月，海寇警，少山越唐峤，望委羽，趋避于城南王氏家。吾党闻之喜，日往寻候，仍分番为东道主，咏诗、论文、弹棋、投壶，日纵清欢。然非但吾党士夫相与周旋，其韦布缝掖之流，亦皆争拜下风，以亲绪论，所谓“桃李不言，下自成蹊”者非耶？寇退，少山命驾有期，少梅孙子，少山知己也，乃萃所与倡酬诸什，录于册，题曰“兰社宣声”为赠。以走忝年长，且世交，属序之。卅

走谓以兰名社，取《易》“其臭如兰”，以兰比少山及吾党也。宣声云者，情以诗达也。其始也，喜少山之来，而相与歌咏以识情；其既也，惜少山之别，而以歌咏者录于册以赠行。甚哉！吾党之不

忍舍少山也，少山又忍舍我而去哉！不宁惟是，抑可以表久要之情，引世讲之谊，考理乱之迹，而今昔之感慨系之矣，非徒骋奇角丽为也。少山家子姓皆善鸣，归请以此册示之，必有鉴别之论。ㄩ

逸老堂集序

明张元祜长洲ㄩ

逸老，宝庆太守谢公归休后自号，兹其平日之所作也。逸老名省，字世修，台之黄岩人。自甲戌进士，历主事、员外郎于兵部，陟守宝庆，甫一考辄归。其器宇严重，其识趣端正，其问学该博，老益邃。其持身治家，一轨诸礼度。其遇事敢奋，非势力可得而挠。其为政一以明教化、正人心、厚风俗为本。其廉退操守，尤峻卓。盖方其为守，政声、位望已駸駸上，顾以士风好进为天下忧，乃乞补教职，不许，则连乞病，亦不许。竟以考绩至天官，决告去，时年才五十四尔。ㄩ

其族子侍讲君鸣治，学识、气节，亦表表士林，尝论次其行曰：“先生之道无进退，无隐显，无精粗大小，所谓无所不用其极。”君子信以为然。予未识逸老，然闻诸贤士夫久矣。窃以为此振古之杰，非今人中可多得者也。兹集实鸣治所辑。鸣治同予以纂修职业起至京，出示求序以传。ㄩ

夫名之传，于人不予言。然言工者亦传，况言与人皆有可传！逸老言具在兹集，其义理勃勃，一振诸中而彪诸外，非徒事于言之工者。即其言，复可以想见其为人，其传也无疑。于是乎序。ㄩ

林氏传跋

明苏桓新建

予读《春秋》，至“郟伯姬来归”，而三复于胡氏之言也。盖婚姻之礼废，则夫妇之道苦，此内女出、夫人归，《春秋》所以必谨而书之也。及诵《诗》至《摽梅》三章，则又废卷而叹：古人盟约盖若是其重哉！何天下之以贫富而易婚姻者，趾相接也？

苏子曰：是未闻平泉林女之风矣。女为处士时利子，年十六许

字邱匡。匡旋卒，矢不他字，卒得请于父母，称未亡人者于今三十年。呜呼！彼未成妇也，为匡也誓，则出于性而非生于情也。夫情之所出而能止乎礼义者，《春秋》与《诗》必详录焉，况非出于情者乎！女之于斯世也，亦不幸而不遇夫仲尼之推许之也。然是女子知与邱匡之谓为夫妇尔，何生死之有间与后世推许之相及哉！而世之弃其盟约者，夫固未闻林女之风，抑亦天下《春秋》与《诗》之教之废而不举也。予

吾从杨君龙友得读林女传，又得见邱君梦鹤，而征其事至悉，盖不胜慨焉！更叹其父母之贤，终不夺女志，而邱之族且能举其节烈以闻于时也。女未成妇，或例不当称氏以表之，如有当于《春秋》之义，传者当曰“林女子”云。予

重修天后宫龙王堂碑记

国朝孙星衍阳湖尹

海之祀，见于经证者，惟《诗·周颂·般》序有祀四岳、河、海之文，《礼·学记》云：“三王之祭川也，先河而后海。”汉武帝诏以河、海润千里，令祀官修祀为岁事。南北朝以来，有蓬莱海若之祀。隋始近海立祀。唐始封王，东海曰广利。宋加渊圣广德、助顺广德之号，祀于明州定海，诏为大祀。而天妃之祀，见于正史，则始于元至元，以护海运有奇应，加号积至十字、十二字，庙曰灵应。他书以为始于宋，又举人神以实之，皆不见于正史。前明崇祯时，又封碧霞元君。国朝屡加封号天后。今上嘉庆四年，敕封护国庇民妙灵昭应宏仁普济福佑群生诚感咸孚显神赞顺垂慈笃祐天后。所著灵应，不可胜纪。

浙江台州府松门山，有天后宫龙王堂，庙祀旧矣。嘉庆五年太岁庚申，为今抚部阮公莅浙之明年，察海盗之鸱张日久，将大创，预绝其赍粮侦伺之路，先请捐制大战舶，又奏请闽、粤舟师会剿。得旨，则严守御，设方略，购获盗调数十人，盗大穷蹙。六月

二十二日合师，海风大作，一夕漂没盗船数百，歼戮沈溺无算。设伏岛屿，擒获其窜匿者数千人。海疆之民，鼓噪相庆曰：“抚部之力。”抚部曰：“此天子之德。”天子曰：“繫神之功。”乃俞抚部所请，发藏香，葺神庙，御书匾额，悬于天后宫龙王堂，以答神庥。卍

《经》曰：“天明威，自我民^{〔三〇〕}明威。”《传》曰：“阳感天不旋日，诸侯不旋时，大夫不过期。”惟抚部知民疾苦，为之造战舶，请舟师，故师未至，而盗气慑。惟天子能用儒臣，伸国威，奋智勇，故士气倍而神灵格。惟神鉴圣君贤臣一德一心与民噢咻，故不费折冲，不烦转饷，俾海隅睹安堵之日。不然神庙之建数百年，海盗之患非一日，海风波涛亦时作，而必乘国家赫怒整旅之日，以效灵受赐于宣室？是则神之灵，皆天子之德、抚部之力，民之所不能忘，不可不纪也。若夫水为土妃，又居坎位，女宿所居，故象饰似之，有举莫废，亦祀典也。星衍母服未除，授经兹土，抚部阮公，以亲见其事，属为文以纪灵应，锡予之盛，不敢以位卑辞。铭曰：卍

皇皇地祇，孰主宰是？居阴配天，有元肇祀。朝宗于东，为百谷王，翼翼神庙，溯自隋唐。神光之祐，管宁以济，鸿图翊运，反风示异。松门岩岩，海若所依，潢池出没，神怒睨之。天子命我，觐觐开府，靖此海隅，有文有武。声威大张，诃伺以穷，取其鲸鲵，覆其滕臃。屏翳乘之，况有胥种，神之格思，仁者有勇。歼厥渠魁，福我蒸黎，海波不扬，明台受釐。天章昭回，辉是神宇，沧桑可变，祀典有举。勿弛民务，勿赍盗粮，远臣监司，敢告封疆。卍

重建太平县学宫记

国朝阮元仪征卍

《鲁颂·泮水》之诗，小序以为僖公修泮宫而作，中多敷陈淮夷俘馘之功。然则学校之事，必兵事定而文治乃隆也。浙江太平县，在台州府治之东南，明成化初，始分割黄岩及温之乐清以为县。其

地左濒大海，右挟群山，松门、盘马，皆深负险隘，南与玉环相萦带，为浙防要害。士民俭朴，尚少文采，是以科名未臻鼎盛。且海甸繁剧之区，官其地者，既以擒捕干练为声能，而又牵率于他邑之燿柝，故其于泽宫之地，如妥神习礼诸仪文，不暇日为整理，即因仍旧制。元昔督学颯风知其事，亦有不能尽责者焉。卍

今皇帝受宝命之五年，元奉诏抚浙。夏五月，交南夷盗及闽盗数千人来窥松门。元督兵驻台，方谋攻取，六月二十二日夜半，颯风作极烈，尽荡盗舟，遂飞檄军旅，歼其渠魁，获伪夷侯及印敕于松门。自此太平无剧盗，越三年於兹矣。于是太平之民，各安于农，士通于经，耕读之馀，屡获丰稔。而乌程杨蕴华适署教谕来是邑，念黉宫之就圯也，爰倡率一百数十庄绅士，捐七千馀缗，于城东水口旧地拓新之。培高正殿者八尺，凡堂个阶庑，以逮宫悬俎豆之细，靡不修举。宫外之溪，浚而通之。士民交庆。是科举于乡者二人，文风气会，固亦有惟人自召者欤！嘉庆七年十二月二十日落成，以碑记来请。予既嘉杨君之克襄厥事，而尤幸海疆宁谧，居民乐业，非圣天子声教所暨，至于海隅日出罔不率，俾能如是乎？卍

夫能于三时之隙，渐就修建，将所称通情以相讽切者，感七始，动八风，虽《鲁颂》所咏，曷以加焉！他日蔚人文，为国器，当企而俟之尔。遂系以诗曰：卍

巍巍学宫，于海之滢，登歌万舞，舍菜奠币。自堂徂基，福衡丽碑，蓓蓓子衿，以侑以绥。昔惧鹿骇，枕戈靡赖，今安负耒，禾役旃旆。昔闻鸛音，乘舰不遑，今乐悬宫，威仪跼跼。农饱士休，群生斯遂，周廓宏基，功成以岁。高堂峨峨，采芹而歌，郅治渐海，海不扬波。卍

校注

[一]王诚叟“诚”原文误作“成”。据《中国人名大辞典》《永嘉县志》稿改。

[二]《蚁忱》原文误作《蚁存》，见《光绪志》卷十八《辨误》。

[三]黄氏书目 即黄虞稷《千顷堂书目》。

[四]镜川抔沙集 “抔”，原文作“搏”，据《民国台州府志》改。ㄩ

[五]客窗三出 此为季廷梁客居他乡手抄以自消遣之书，非季氏所著。其中《义侠记》即明人沈璟所作之传奇。ㄩ

[六]易经手授 “授”原文作“听”。王舟瑶校：“浙江通志”引《太平志》作‘手授’。”按：《民国台州府志》卷六十四《艺文略》亦作“手授”。从改。

[七]三台诗录三十卷 按《民国台州府志》卷八十四《艺文略》著录为“《三台诗录》三十二卷、《词录》二卷”。ㄩ

[八]周流 “周”原文作“同”，据《赤城集》卷十五改。ㄩㄩ

[九]不 原文脱，据《三台文献录》卷十四补。ㄩ

[一〇]石屏集后序 按戴复古游历江湖四十年，晚年归里，始刊行《石屏后集》。此序《石屏集》题为《石屏诗后集序》，作于淳祐三年（1243）六月。ㄩ

[一一]豪健 “健”原文作“杰”，据《石屏集》改。ㄩ

[一二]三神山 “山”字原脱，据《赤城集》卷十五补。ㄩ

[一三]明 原文误为“宋”，今改。

[一四]尊雄 “雄”原文作“奉”，据《赤城后集》改。ㄩ

[一五]未必如 按《赤城后集》作“未如”。ㄩ

[一六]也 原脱，据《孟子》补。ㄩ

[一七]陈元采 即王叔英。叔英字原采，据陈应辰《书静学先生书后》，元采幼育外家，从母陈氏姓，后复本姓。ㄩ

[一八]且 原文作“则”，据《逊志斋集》卷九改。ㄩ

[一九]四端 原脱，据同上书补。ㄩ

[二〇]问 原文作“闻”。据《逊志斋集》卷十一改。ㄩ

[二一]铢施两较 “施”原文误作“於”，据同上书改。ㄩ

[二二]记 原文作“表”，据《赤城后集》卷二十一改。丿

[二三]闻讣 本文校以《赤城后集》卷二十三，颇多删节。此“闻讣”前未交代儿死，即删节所致。丿

[二四]八十有一 “一”原文作“二”，据同上书改。丿

[二五]方石 “石”原文作“岩”，据《赤城后集》卷五改。丿

[二六]有 原文脱，据同上书补。丿

[二七]县 原文脱，据同上书补。丿

[二八]伊洛 “伊”原脱，据同上书补。丿

[二九]蜀 原文作“洛”，据同上书改。丿

[三〇]民 原脱，据《尚书·皋陶谟》补。

嘉庆太平县志卷之十六

艺文志 三

内编上

缴进《遵尧录》状

宋刘允济全之序

臣闻，言有忠而得录于后者，固先贤之素志；事若缓而有功于今者，亦治世所乐闻。山林之士，虽弗急于功名；畎亩之中，未尝忘夫君父。言不用世，事或遇时。司马迁藏《史记》于名山，以俟后圣；孔安国得《尚书》于屋壁，悉上达官。人虽无速售之心，道岂有终穷之理。序

臣少挟策铅，长游学校。夙闻罗从彦为闽名士，制行甚高，守道尤笃，未得生平言行之实，每识遵闻钦慕之心。昨叨圣上洪恩，来守延平偏壤，始知从彦实为郡人。继而见《春秋》、《诗经》解之累编，中乃有《圣宋遵尧录》之八卷，亲书手笔，自为叙文。大抵以我朝一祖开基，列圣继统，纲正目举，无汉、唐杂霸之未醇；君圣臣贤，若舜、禹尊尧而不变。备述太宗凡边防事机之重，尽守规模；复言仁宗承封社宫室之余，益加恭俭。揄扬丕显，推本深仁。大而郊庙宫掖之严，次而朝廷郡国之政，或释言以极发明之旨，或辨微以寓讽谏之诚。末陈元丰间改制之因，皆自王安石作俑之过。臣以是见从彦道术精粹，议论正平，虽然山泽之寒儒，蔚若台阁之名宦，

义由中激，言不诡随。生同葵藿之倾，歿与草木俱腐，情实可悯，忠永难磨。臣谨录成书，缴进黼座，欲望万几之暇，特加一览之勤，倘有合于宸衷，幸宣付于史馆。仍乞睿慈赐谥，如近朝尹焞、邵雍之俦；庶几天下归心，希古者柳惠、少连之节。非特慰忠魂于泉壤，亦将兴大道于人心。ㄱ

臣观从彦凡所立言，不愧古昔；念无后嗣，可续声猷。所图斯文遭遇于圣主，庶使其名流传乎永久。言诚狂瞽，罪分诛夷。所有从彦元撰《圣宋遵尧录》八卷，谨缮写成二册，实封随状缴进。须至奏闻者。ㄱ

论今日莫急于御戎疏

宋王居安方岩ㄱ

臣窃维今日之急务，莫急于御戎。然自用兵以来，廷议不一，臣窃忧之。自古中国之待外寇，不过战、守、和三策而已。大抵以守为主，而以和、战为权。惟其能守，故可战则战，而战不至于危；可和则和，而和不至于屈。以吾所以待之者，素有其备故也。近日之事则不然，言战则无必战之声势，言守则无必守之规模，言和则无必和之成说。三者之论，久而未决，是岂可不原其故哉！ㄱ

国家自南渡以来，其为失策，盖非一朝一夕之故。议者不知边防失策之由，而轻言兵事，抑何不思之甚也。自绍兴和议之后，沿边不屯重兵，险阻不修，斥堠不明。当时所建城邑，始于和议之际，收复残破，鸠集其民而居之，初非有意于审地利、相形势，谋为异时解盟败约，金城千里，可战可守之计也。纵或有之，亦不过因陋就简，漫为经画而已。而其实可以凭借者，十无二三。异时有志之士，未尝不叹息于斯，往往掣于开边生事之戒，日就苟且，莫敢置议。ㄱ

况自绍兴来，内郡之民，利其荒闲，谋往居之，生息日蕃，车马屋宇渐拟内地。后生晚长，不见兵革。盖自辛巳逆亮之来，边民

始窘，未几修好如初，武备复弛。自是厥后，非无深谋远虑之人，逆知今日之事，每谓沿边城垒，其可守御者有几？沿边之田，其可使官兵留屯者有几？计非不善也。然城郭既立，则难以复迁；请佃既久，则难以复夺。而况虏人耳目邻近，微有改作，官吏惧遣，纵有欲建长策、为国远虑之人，孰敢迁一城邑，以据险要，夺一民田，以便留屯哉？所以守不足恃，和战费力。及至前日，戎马侵犯边境，沿边之城，疏缺甚矣。淮襄州郡之蹂践大半，足见沿边素不为谨守之备。用兵之道，进可攻，退可守，斯为善计。但知进以谋人，不知人之谋己，进以图侥幸之胜，退不知自保之策，为谋亦已疏矣。

臣闻寇一入吾地，修城掘堑，便为守御之备。岂有我国家素有之地，平时无事，不修治险阻，一旦用兵，但为长驱之计，略不思保守之策。考其源流利害之迹，灼然可见。今也置督视宣抚诸司，而未有举之日，遣和议之介，而未有必和之报，窃恐和战犹豫，计虑狐疑，仓卒有变，必误大事。倘^[1]使敌果能听命求和，使疮痍之民稍稍息肩，岂不甚幸？然敌情多诈罔测^[2]，可尽信哉！或知吾圉未固，而我又屈意求和，彼必有难塞之请，朝廷自度能悉从乎？臣知其不可也。议或不成，敌必再来，事不在远，不过三数月之间尔。夹淮之战，不可不急为之备也。乃

或曰：若此，则和议遂可已乎？曰：不然。古者兵交使在其间，何尝因战而废和？惟我之形势先立，可守可战，彼自度不能以必胜，而后有可和之理。我无必守必战之形，而屈意以求和，彼必骄蹇而邀索，此和之说所以未易议也。何谓可守可战之形？如扬州之堡寨、真州之六合，若和、若楚、若襄阳，皆以城壁稍坚，北人屡来屡却，亦足以见有备无患之小验。如安丰、如濠梁、如滁阳、如仪真、如光化、如枣阳等处，皆以城壁不坚，遂至被其深入蹂践而无所忌惮。及今和议未定，百事可为，兵少处益兵，地险处增戍，城壁可迁者即迁，

可修者即修，凡百守御之策，次第修举，纵未能逾淮前进，亦须使敌人稍知疑畏，断不可玩敌、弛备以待和也。ㄱ

倘吾之形势渐立，兵势渐振，守御之道无缺，异时欲和则和，欲战则战，无不在我。机会所在，间不容发，此庙算所当先定者也。惟陛下留神。取进止！ㄱ

乞诛殛韩侂胄陈自强疏

宋王居安ㄱ

臣至愚极陋，初乏寸长，陛下过听，擢居谏诤之列，臣^{〔三〕}辞不获命，勉就职。自量无以补报隆天厚地之恩，惟遇事尽言，始为无负尔。ㄱ

臣今早立班，恭听朝制，窃见太师韩侂胄罢平章事，特进陈自强罢右丞相。奸人去国，公道开明，天下幸甚，社稷幸甚！然二人之罪重于丘山，而罚未伤其毫毛，虽曰朝廷姑存体貌之礼，而罪大罚轻，公论喁然。臣职在言责，既有所闻，岂容缄默，请详为陛下陈之：ㄱ

侂胄始以肺腑夤缘，置身阁职，典司宾赞之事，不过若此而已。光宗皇帝以父传子，盖国朝之家法，陛下贤圣仁孝，亲承大统，加以慈福太皇太后重闱之眷，天命所归，人心所向，臣子何功之有？侂胄乃以预闻内禅为功，窃取大权。自是以后，无复顾忌，童奴滥授以节钺，嬖妾窜籍于宫廷。创造亭馆，震惊太庙之灵；燕乐语笑，彻闻神御之所。齿及路马，礼所当诛；忽慢宗庙，罪宜万死。其始也，朝廷施設，奉令禀命；其后也，托以台谏大臣之荐，尽取军国之权决之于己。且御前金牌，祖宗专法隶内侍省，而多自其私家发遣；至于调发人马，军期急报，并不奏知。此岂征伐自天子出之义？台谏侍从，惟意是用，不恤公议；亲党姻娅，躐取美官，不问流品。名器僭滥，动违成法；窃弄威柄，妄开边隙。自兵端一启，南北生灵，

壮者死于锋刃，弱者填于沟壑，流离冻饿，骨肉离散。荆、襄、两淮之地，暴尸盈野，号哭震天。军需百费，科扰州县，海内骚然。

迹其罪状，人怨神怒，覆载之所不容，国人皆曰可杀。而况陛下即位以来，以恭俭守位，以仁厚保民，无声色玩好之娱，无燕游土木之费。凡可以裕民生、厚邦本者，无所不用其至。不惟人知之，而天亦知之；不惟中国知之，而外域亦知之。自军兴以来，人情汹汹，物议沸腾，侂胄箝制中外，罔使陛下闻知。甚至宦官、宫妾，皆其私人，莫敢为陛下言者。至如西蜀吴氏，世掌重兵，顷缘吴挺之死，朝廷取其兵柄，改畀他将，此为得策甚矣。侂胄与曦之结为死党，假之节钺，复授以全蜀兵权。曦之叛逆，罪将谁归？使曦不死，侂胄未可知也。人皆谓侂胄之心，无有限极。数年之间，位极三公，列爵为王，外则专制东西二府之权，内则窥伺宫禁之严，奸心逆节，具有显状。纵使侂胄身膏斧钺，犹有馀罪，况兵衅未解，朝廷倘不明正典刑，何以昭国法，何以示敌人，何以谢天下？今诚取侂胄肆诸市朝，是戮一人而千万人获安其生也。ㄱ

况比者北使之遣，敌帅尝以侂胄首谋为言。是敌人亦知兵事之兴，非出于陛下意也。使诛戮侂胄而敌不退听，则我直而彼曲，我壮而彼老，自然人心振起，天意昭回。以此示敌，何敌不服？以此感人，何人不奋？臣向谓议者谓国朝家法仁厚，大臣负罪，止于窜斥，未尝诛戮，然窃以侂胄非大臣比也。祖宗之法，位至公师平章军国者，皆东班元勋巨德而后有此，未有如侂胄一介武弁，自环卫而知阁，自知阁而径为平章太师者。若此则破坏祖宗成法，自侂胄始，乃乱法之奸臣，非朝廷之大臣也。侂胄既有非常之罪，当服非常之诛，讵可以常典论哉！ㄱ

又窃见右丞相陈自强，素行污浊，老益贪鄙。徒以贫贱私交，自一县丞，超迁越授，径至宰辅。不思图报陛下之恩，惟侂胄之意

是徇。侂胄始虽怙权，犹奉内祠，凡所施設，尚关庙堂；自强巧为柔佞，上表力请平章军国。侂胄骄昏，但贪荣而冒处；自强狡计，因借庇以营私。驱虎狼为之前导，而狐狸舞于后，自强之为己计深矣。姑以大者言之，用兵一事，举国以为不可，而^{〔四〕}自强曲为附和，力援私党，占据言路，以胁制天下之公议。至若纵容子弟，交通关节，饕餮无厌，皆臣所未暇言。独以其奸险附丽，黷乱国经，较其罪恶，与侂胄相去无几。臣愚欲望陛下奋发威断，将侂胄显行诛戮，以正元恶之罪；其自强亦乞追责远窜，以为为臣不忠、朋奸误国者之戒。谨录奏闻。ㄎ

楼崎王周道墓志

宋王汶希道

周道弟卒之六年^{〔五〕}，当绍定癸巳，与其兄沚祔柩于父兆。将置石，忆与予言耿耿，无一不存，今兹居庐，倘泯默以视其窆，是死周道也，乃泣序之。ㄎ

周道姓王氏，名演，台黄岩人。祖士宁，父镐。少失父，勇自树立。日聚诸书，夜半深颿朗咏，音节清苦，与灯影同凄迷。坚坐者十年，始挈而之东嘉。东嘉人士如林，咸侧席曰“佳士”。周道益自贵重，山阻水崖，携一编径往，饮食饥渴无期度。猝然遇人语，不相酬对，不知者以为目寄飞鸿也。以是于诸经史靡不通，其他文字，若《植兰说》、《颜乐斋记》等作，开合自置，不蹈俗绳尺。棱棱苍松，气欲干霄，与世樗栌异矣。

予观自昔文人，类多兴趣高远，投以世故，辄不了。而周道于家事极晓，于人情痛痒极周悉，耆年宿德，尊奉不少懈，下至僮奴，不以一毫意气陵之也。予一日过周道，见手数珠，问之，曰：“母病，日以此课梵典。”周道岂不解者，直欲娱慰其亲至此也！ㄎ

噫，王氏家于楼崎，积十数世矣。冰蓄雪播，惟笔墨之畦畛是辟，

然未有偶于时者。晚得周道，谓宜获而收之矣，亦卒无年焉。何哉？虽然，合群从数十人语，其声联响接，必曰周道；间适他郡，见可喜以十百数，亦莫有逾周道者。则其所树立，亦可自比于古人矣，无年乎何伤！尸

周道卒以戊子八月六日，年才二十有三。未属纊，犹翻某书，惊曰：“吾目光陨矣。”急持母啮其臂以诀，连呼曰：“负吾母，负吾母！”乃瞑。其从兄澄哭以诗曰：“把酒休教读奠文，有才无命可怜君。向来五色江淹笔，今作空山一冢云。”“尘满书床草满庭，数间竹屋冷如冰。旧囊萤火应将去，散向松花作鬼灯。”未知当泉下意否？有文五卷，藏于家。铭曰：尸

山之上兮云悠悠，山之下兮泉幽幽。昔盘而游，今瘞于丘，恍兮惚兮谁与俦！尸

贺氏二女传

宋戴良齐彦肃尸

孝女二娥，临海人贺朔女也。大英如、小华如，同乳而母卒，父恶而弃之，三日夜不死，以邻母劝，乃举。迨年十九，并白机丝，捷便如神。邻有困者，脱珥济之；有不孝，必切责，改乃已。尸

唐长兴二年八月一日，父渔海溺死。二女与异母弟瑄，年十三，号泣江浒。求尸不得，二女欲投江，人止之，越五日，竟投。其弟追至舍北三山岩，见所蹶履四，曰：“二姊此逝矣。”仰天悲号，呼父姊不绝声，亦投于江。次日，二姊一弟，手相挽抱父尸，浮至岩下。岩一名三石山，去父所溺海门外三百馀里，二女卒能致父尸，由是乡人哀异，为收葬。尸

后遇天日晦冥，出游岩洞中，人多见之。舟行，或见二女、一男子坐岩上。有里母经纬，忽二丐女来佣，织梭跃如飞，俄成布十馀丈。饭之，不食，挽留之，走入三山岩水中。又时与里女同缉麻，

忽不见。人咸以为水仙，名其岩曰小姐岩，洞曰水仙洞。滨海数百里，居人及舟中皆奉祀之。经此岩者，必鼓三通，献纸钱。卍

显德四年，周师平淮南，遣使聘于吴越国王俶，俶尽括国中战舰应之。一舰风飘至三山，下其碇，百数十人拽不动。令善泅者下覘，见二妇人金冠霞帔及带幘头人。惊问，父老具以二娥神灵告。祷许建祠，碇应手掣起。自是灵彰海陆。卍

宣和三年，寇金七佛陷黄岩，侵掠近境。忽二寇若有附之言者，曰：“我三山小姐岩之神，来救汝，汝慎勿东，东乡兵盛，但北去无虞也。”寇东望，旌旗满山，乃北。时郡司户滕膺正发兵伏其处，寇被给遇伏，败。卍

滕属罗从愿表二娥，奏之朝。略曰：“孝感天廷，夺父尸于鱼腹；神扬水府，移官舰于龙矶。”又曰：“张旗帜以捍乡，引虎狼而陷阱。威行千里，功盖万夫。”朝廷尝议封，不果。乡人仰其阴福，并称其弟为校尉，岁祀不绝。卍

昔汉曹娥，著名宇宙，于其孝，不于其灵。今二娥精贯山海，神明有灵，而呼为仙也，宜与曹娥同不朽矣。图志佚其事不书，贺氏后人一正，持陈公辅所表来示，为传以俟后之史氏。卍

奏札

宋戴良齐卍

臣既以崇德修慝之说为陛下献，敢复申言古者君臣所以交修之义。臣闻昔武丁之命傅说也，曰：“尔交修予，罔予弃。”修之为言治也，治其不善而使之无不善之谓修。交修云者，凡所以修辅厥后，非一事而已，亦非一言而止也。譬之玉人之事，既切矣，而复磋之，既琢矣，而复磨之。交修之义然也。夫古圣贤，端此一身以治其国家，不啻足矣，而何孜孜于人之言，其不惮烦若是！人心惟危，道心惟微，一念之差，真有发于其政、害于其事而不能自知者。又况群臣万民，

四方之广，欲其无有壅蔽之患，岂一人心术、知虑所能周哉！道之使谏，宣之使言，而不敢以惮烦者，非务容纳为称美也，理势然也。尹

昔卫武公年数九十五矣，犹箴傲于国曰：“自卿以下，至于师长士，苟在朝者，毋谓我老耄而舍我，必恭恪于朝^[六]，朝夕以交戒我。闻一二之言，必诵志而纳之，以训道我。”以武公之德，岂其犹有不足？则其所贵于交修者切矣。古者天子听政，使公卿至于列士献诗，工^[七]执蓺事以谏，命百官箴王阙，懍然此身规谏之中，而后得以立于无过之地。下至齐威、晋文，犹曰：“近臣谏，远臣谤，与人诵，以自诿也。”而后能以成伯功。故曰：“若药不瞑眩，厥疾不瘳。”交修之义，顾可一日不明于天下哉！尹

恭惟陛下始初即政，窜殛奸慝，擢用贤良，谏诤之路为一辟矣。及期之后，凶党四斥，善类再合，谏诤之路又一新矣。而顷岁以来，厌讳之意，浸加于前，覆护之俗，浸成于下，往往好同恶异，近于惟予言而莫之违。臣切以交修之义顾如此，恐非所以为国家之福也。圣度恢宏，容德覆帔，凡在臣子，视如手足，虽草茅狂瞽，未尝一有戮辱之事，顾岂不能容一二违忤之臣，而或反以滋天下之惑？臣知其说矣！自古言格君者，必曰惟大臣能之。何则？其德谊素孚，其学识素明，正身无屈，言皆可法，恳实之意，格于上下，以其正己之学，而为格君之学，固将不待于有言也，而况于言乎！今也有所论刺，而或自不免于偏颇，有所矫拂，而或自不免于疵议，其所谏诤论辩，而又或不免于词旨之失中，人品之不类，宜其未足以动九天之听也。尹

虽然，君明则臣忠，君仁则臣直。此非陛下盛德至仁，海涵天覆，亦孰敢直为婴拂以自取戾耶？彼其言之有失得也，词之有逊悖也，人之有纯疵也，要自其身之责，而非吾事也，独所宜急者，顾其言之足以中吾过否耳！《诗》曰：“它山之石，可以攻玉。”石之粗厉，物之至贱者也，而玉得之以成器焉，岂复以其粗厉而弃之耶？夫其

言之果足以中吾过也，是明主之所欲急闻也。吾而改之，其益大矣，而又何尤焉！《书》曰：“小人怨女、詈女，则皇自敬德。厥愆，则曰朕之愆。”不啻不敢含怒。细民之谤诽，圣人不敢怒焉，而惟日省诸己、敬德之为务，况其有列于朝，皆得以自献于上，而概以违忤去，岂所以彰陛下之盛德也哉！

近者谏诤尤骇物听，事有未审，才一献疑，又已亟迁而骤去之矣。天下之事，与天下成之，天下之失，与天下正之，职在谏诤，顾不当是非可否其间耶？臣虽至愚，切为陛下惜之。岂徒以将顺之为是，而正救之为非；岂徒以逊志之为贤，而逆心之为罪；岂徒以恕己量主之为忠，责难陈善之为有邪心耶！切窥时意，似有好同之弊。夫去和而取同，此宗周之所以弊，而史伯之所以歆歔也。故曰：“和如和羹，同如济水。”若以同裨同，尽乃弃矣。夫好人同己而恶人异己，则其弊必至为诡随、为迎合、为附和、为拱默，虽存亡安危反复手间，亦且结舌而不敢发，岂不殆哉！此人臣之利，非社稷之福也。卍

陛下独不观之于端嘉之际乎？方其初，旌擢忠鯁，乐闻直谏，一时治象为之翕然。不数岁而台谏给舍往往相继以言而去，中外能言之士无几，亦以是而汰斥，于是大奸掉臂而入，莫之敢格，而国事几至于不测。赖陛下亟悔悟耳！此事也，岂不为深戒焉，而又宁使再误而再悔耶！侧闻孝宗皇帝尝命近臣随事规谏，曰：“卿等若只备位，非所望于卿等。”又尝谓唐文宗仁弱，顾省而叹曰：“朕不独有叹于文宗，盖亦以汉威灵自警。”而陈俊卿直引威灵以谏游猎，不特不以为忤，而遂登用之；一太学正奏对，数及王抃之恶，即日斥抃在外，不为固吝。此孝宗皇帝盛德事也，又岂非陛下所宜法耶！卍

矧惟今日虽粗有安静之形，而实有危逼之势。左冯右翊，夕思朝议，所以弭乱持危保邦之道，恃谏诤一路耳。若意向少差，顺适是与，望风相戒，不敢忤违，今日曰：“诚如圣谕。”明日曰：“圣学

非臣所及。”则是使人主自圣，且孰与共忧天下之事也哉？语曰：“千人之诺诺，不如一士之谔谔。”武王谔谔以昌，殷纣默默以亡。臣不胜大愿，惟陛下以顷岁近事为戒，以孝宗前事为法，渊澄大虑，砥励初心，振飭臣功，交修不逮，辟忠谏之路，开不讳之门，不以人废言，不拂于从谏，不吝于改过，毋以切直难堪之言，而自为盛德之累，则天下忠哲志义之士，皆得悉心以佐其上，而陛下为克己从谏之圣主，岂不盛哉！昔者仲由问事君子于孔子，谓之曰：“勿欺也而犯之。”由之果毅，不难于犯颜之谏也，而圣人犹以是戒之，则何也？犯颜纳谏之为最难，而有怀不敢尽，卒不免于欺君者，臣子之通患也。君臣之义，天地之经也。臣至疏贱，言不敢僭，然幸获一日之登对，不敢不效其拳拳之忠，惟陛下幸察。取进止！

宗谱叙

宋戴良齐序

我戴氏子姓，出于宋戴公之后。降及末世，支派分散，类居东南为多。广陵、剡溪，盖尝号为江左之望族矣。乱离迁徙，谱系罔问。然而于台之南著籍者亦数四焉。所在相望，乃至于不相往来。每念到此，欲考其所自出而无从。然遂置之，不可也。序

窃惟我先祖分派，自平阳金洲乡迁居泉溪，今三百有馀岁。继绪萧条，竟未有能大此族者，而世次亦几于无传。是以谱而列之。呜呼！本根之远，可不念与！枝干之弱，可不畏与！《传》曰：“夫氏姓之不振，岂繄无宠，皆炎黄之后也。”又曰：“积善之家，必有馀庆。”呜呼！尚监兹哉。咸淳元年七月望后。序

跋丁梅岩集

宋戴复古

梅岩少时不碌碌，勇于为义，不吝千金。闾长、邑胥势横，莫能谁何，君白于牧，去之如拉朽，识者壮之，谓其有古烈士风。既而折节问学，与一世宏硕相师友，而仅博一第，抱负终不大试于天下，

岂造物固嗇于梅岩耶？^卍

君没逾四纪，其季子策始刻其遗稿以传。丰城剑气，发越自今，梅岩其不死矣。嘉熙庚子重九后三日，石屏野客书。^卍

跋尹和靖十帖

宋毛鼎新^卍

自马上得之之说行，君则曰：“事干戈之时也，道学乎何庸？”臣则曰：“执干戈之时也，道学乎何有？”呜呼，曷不视此哉！崎岖金革，一闻守臣之执，则惟有道者是信、是使，不曰徐议其任也。恳切奏疏，一惟师学之明，必欲以道而立政、立事，不曰姑舍所学也。是诚明良之盛际，修攘之大原，兹炎兴所以祀夏配天，而衍万亿年之休与！咸淳丙寅七月既望。^卍

庆善寺钟^[八]铭

宋郑大惠谷口

有^[九]宋淳祐九年，岁次己酉，六月四日，近二^[-〇]更初，火起西邻，越街首及金光明阁，延缘焚燎，殿堂廊庑，御书钟楼，凡寺屋舍悉遭煨烬。于时洪钟受大厄难，半体坠地，入土三尺。何物妖孽，挟风为壮，煽焰肆虐，吁可畏哉！^卍

知县新昌王君华甫，克知此所祝圣道场，捐财建义，选请乡官前嘉兴府司李参军赵君崇馥，贰以乡士葛君元善，委督起废。至则合诚历询庶务，莫先于钟，否则无以丕显众听，启迪善根。时则有僧名曰道耕，来自他山，睹境兴念，自舍衣盂钱二^[-一]百千，首以为倡。于是本寺住持文郁，咨彼维那法政干造^[-二]。政则能以存淳实心，为化导本，从而贵寓洎及富室，在邑在野，若男若女，随力高下，施与有差。卜以人心，罔不悲叹。思惟昔者，不约而同，金曰可矣，借以告役。^卍

乃召良冶，取法鳧氏，都匠宰陶，坐主经画，群公翼谋，备循戒令。和土作范，崇甃作炉，明三昧火，炼五金齐。奋膊鼓橐，不夏而雷，

以彼离坎，为我造化。热海内煮，涌液赫曦，沌窍旁决，溜光夺霞。人则审密，佛则护持，合宏誓愿，一铸而成。厚薄侈弇，咸中厥度，石播柞郁^{〔一三〕}，举弗遗疵，猗欤伟哉，是大器也。居长八音，警动六时，太虚含韵，万籁敛鸣。虽尔^{〔一四〕}劫数，有成有坏，而我佛法，不增不减。今焉一旦，蒲牢复悬，三乘四天^{〔一五〕}永以助道，其义博矣。然是役也，初于瓦砾搜拾烬馀，比旧有亏，兹募补就，共六千斤。其于^{〔一六〕}工匠与凡佐用馀费，计钱百五十万。卍

呜呼噫嘻！事不难成，而难其时；时不难逢，而难其人。幸值永嘉林君端行继则来宰，二三僚佐，同寅协恭，命续前绪。复出公^{〔一七〕}钱，又得缙徒克勤无退，时与人偶，讫成此事。乃^{〔一八〕}合志愿，以是功德，上祝圣寿，同此钟声，天地并列，钟声无穷。又愿此声，遍周法界，天堂地狱，闻者皆觉。阅岁辛亥冬闰十月初旬九日，官民俱集，证明圆满，扶老携幼，云隘衢塞。若僧及^{〔一九〕}道，维士与女，围绕瞻仰，或以金银器皿簪珥纳于大炉，无不乐助。时郑大惠^{〔二〇〕}亦在会中，于是随喜而为^{〔二一〕}作铭。铭^{〔二二〕}曰：

寺遭劫火钟何辜，得非受形^{〔二三〕}有数欤？大^{〔二四〕}音不作岂终无，就其初者还厥初。阴阳为炭天地炉，蜚廉、祝融供^{〔二五〕}走趋。百炼既刚五金俱，溜液铸成弹指馀。积累钧石由锱铢，尔则尽性我尽模，骊龙踏顶交盘纒，铁蛟绾索司纽枢。取法圆象垂方輿，道寓于器中则虚，动生于寂应不诬，叩随大小声远舒。上达九霄下三途，凡有知觉无贤愚，与昔所闻初无殊，善根增长罪业除。愿以是功奉^{〔二六〕}宸居，君臣明良文德敷，箫韶凤仪瑞同符，律吕其和及寰区，何^{〔二七〕}千万年永基^{〔二八〕}图。卍

《全芳备祖》自叙

宋陈咏景沂

古今类书，不胜汗牛而充栋矣。录此遗彼，不可谓全；取末弃本，

不可谓备：皆纂集之病也。姑以生植一类言之，史传、杂记之所编摩，骚人、墨客之所讽咏，自非家藏万卷，目阅群书，能免择焉不精，语焉不详乎？余束发习雕虫，弱冠游方外，初馆浙西，继寓京庠暨姑苏、金陵、两淮诸乡校，晨窗夜灯，不倦披阅，记事而提其要，纂言而钩其玄，独于花果草木，尤全且备。所集凡四百馀门，非全芳乎？凡事实、赋咏、乐府，必稽其始，非备祖乎？

尝谓天地生物，岂无所自，拘目睫而不究其本原，则与朝菌复何异？竹何以虚，木何以实？或春发而秋凋，或贯四时而不改柯易叶，此理所难知也。且桃李产于玉衡之宿，杏为东方岁星之精，凡有花可赏，有实可食者，固当录之而不容后也。至如洁白之可取，节操之可嘉，英华之复出，香色之具全者，是皆禀天地之英，皦然殊异，尤不可不列之于先也。梅仙孤芳，松友后雕，兰有国香，菊存晚节。紫薇虽粗，而独贵于所托；黄葵无知，而不昧于所向。草伤柳别，紫笑萱忘，韭薤最幽于相遇，藜藿甘贫而自得。薏苡可食、可饲，茯苓、黄精通神通灵。凡若是者，遽数之不能终其物也。或曰：“琼花玉蕊，胡为而躡处其上？”答曰：“此尊尊也。”或曰：“牡丹、芍药、海棠之无实、无香，胡为而亦处其上？”答曰：“此贵贵也。凡是皆奇葩异卉，特立迥出，胡可以一说拘也。”或曰：“子之说则信辨而美矣，子之书则信全而备矣，不几于玩物丧志乎？”答曰：“余之所纂，盖昔人所谓寓意于物，而不留意于物者也，恶得以玩物为讥乎？且《大学》立教，格物为先，而多识于鸟兽草木之名，亦学者之当务也。”

自太极判而两仪分，五行布而万物具。凡散在两间，物物各具一太极也。太极动而生阳，则元亨诚之通，而万物所资始也；静而生阴，则利贞诚之复，而万物所以各正性命也。禀于乾者为木果；禀于震者为苍筤竹、为萑苇；禀于巽者为木；禀于坎者为坚，多心；禀于离者为科上槁；禀于艮者为坚，多节，为果蓏。根而干，干而枝，

枝而叶，叶而华，华而实，初者为阳，次者为阴；阖者为阳，承者为阴。得阳之刚，则为坚耐之木；得阴之柔，则为附蔓之藤。无非阴阳者，则无非太极也。以此观物，庸非穷理之事乎！程先生语上蔡云：“贤却记得多许^{〔二九〕}，可^{〔三〇〕}谓玩物丧志。”今止纂取大略，以便检阅，备遗忘耳，何致流而忘返而丧志焉。卑于《尔雅》虫鱼注，可怜无补费精神，观者幸毋以为消。卍

跋《类事蒙求》后

元林昉晓庵卍

昉少闻葛元诚兄弟、谷口郑柬之、渔村戴子荣，皆师事水心叶公，学有根据。稍长见葛、郑诗文为多，戴文特未之见，独见其悼子颜老之作，并将终自挽之章。又闻汇聚古今奇词异论成《蒙求》一编，绝出唐宋类书之右。中年与其族子监四丈希尹、少府君方大游，访寻是书，咸谓毁于德祐丙子之兵，莫有藏，私窃惜之。卍

辛亥冬末，过彦纶父于高洋田舍，酒边出所谓渔村《类事蒙求》者三十卷，于是大慰夙心。阅之通夕，信有古人所未到者。作而叹曰：先生以此惠后学，博矣。抑坚甲利兵，林立郊野，将而用之，存乎其人。榱桷山积，而不能构一室，非匠之良者也。然则先生之志，要有寄于书之外者，岂独区区于此自衒其所学之富也哉！卍

柑子记

元林昉卍

柑桔，柚之甘者也。扬以桔柚锡贡，而柑无闻焉。唐开元天子元夕会宰执、侍从，飡黄柑，既拜赐，怀其馀以归，转相馈遗，号曰传柑，不数桔柚矣。然此特温柑，非台柑也。卍

宣和^{〔三一〕}中，植温柑数十本于艮岳，台柑犹未知名。高宗宅钱塘，始锡贡台柑。未几，钱氏以勋旧贵戚来居台，乾道中，晋班两府，始致柑贡。虽区区宦妾之忠，而回赐之利厚矣。端平初，谢氏为后，于是谢氏亦进柑，回赐视钱益厚。其十月进者为霜柑，献毕，命班亲王、

两府，即日拜表谢。其九月进者为青柑，尤上所贵重。始进即献太庙，上御内殿，召后妃宴而飨之，往往手擘诸袖中，宫人捧金钟三酿之酒，上手搗其皮，香雾溅酒面，凝而为乳，挑而尝焉，味益香竦，故曰乳柑也。当是时，台之乳柑遂为天下果实第一。虽练紫之香，含消之爽，亦在下陈，况洞庭千头之绿，与永嘉数寸之黄者乎！¹

台之州为县五，乳柑独产于黄岩。黄岩之乡十有二，而产独美于备礼之断江。地馀四里，皆属富人。一亩之园，可二十本，直铜钱十万，有鬻者，争置之。柑之叶如宫妆柳眉，色嫩青如栝，花比桔柚而小，气清而和，在茶？、茉莉间。园丁云：“此木须根泥土下，不宜一草气夺土力。一阵风色，即实若弹丸，萎且脱矣。灌时亦不得锄其下，视其荫之广狭，环以塘泥。岁两粪之，在花之前、实之后也。霜雪则纂稿覆其颠，根亦散覆之。将采贡，先一夕亦以塘泥渍糯泔，则液愈饱而美。”方钱氏、谢氏收柑时，为楮动以万计，园户争售之。已而分亲戚，遗乡邻，通商贩矣。¹

归附后，于是台柑作贡四千里远矣。官吏构奸，株大小各赋，园户置厚赂，颗始及等。朱蓝黄封，责付其人，一选于府，再选于宣慰司，三选于行省。其选也皆有计置，始为转输。如是数年，园户大困。官吏上言：“黄岩海潮没断江，柑皆卤死矣。”由是稍宽。¹

断江之东为新界，西跨江北为新南，地皆宜柑。新南柑，其肌粗，其臭烈，其肉苍，其脉络紧，其核夥，其味甘以酢。新界者，其肌细，其臭婉，其肉莹，其脉络宽，其核少，其味甘以短。断江者，其肌泽，其臭馥，其肉素，其脉外附，其核细以稀，其味甘以永。又有地曰东江，亦宜柑，品出新南下，何敢望断江。¹

予窃感夫木之微，发于数千载后，穷天下果蔬之美，莫能与之争；曾未几时，人皆侧目，愿与枳棘共安于空山乱薄中而不可得，可叹也已。近岁复命进柑，有蠹吾山人史弼为江浙省左丞，审知其害，

因著定式：县令丞岁押柑纲，直达于杭，仍复树者家。民德之。卍

会友人游山檄

元林昉卍

人有残缣败缙，一山一水，爱之若宝，售之必千金，至于目与真景会，则略不加喜，毋乃贵伪而贱真耶！求乐之真，今日正在我辈。春雪既霁，春风亦和，或坐钓于鸥边，或行歌于棹外，百年瞬息，欢乐几何？肴核杯盘，随意所命，毋以丰约拘也。檄书驰告，盍勇而前！

与赵子昂书

元盛象翁景则

闻物之配于道而列于器，事有极智者之深思而遭愚者之鄙笑，其惟文辞乎！或曰：“文辞小艺。”此不能文辞者之论也。夫文辞之体，原于性命，用关于政教；阐正运奇，积顺发华，操之无底，诣之无涯；衍圣贤未尽之旨，泄天地难言之情；通微悃于九重，播皇猷于万里；明之可感悟冥顽，幽之可和乐鬼神；前之千百世而如见，后乎千百世而如授，岂可以寻常小艺目之哉！卍

今有巧思之人，目^{〔三三〕}接众技，无不精工，父母教之文学，则劳师傅，旷岁月，而无成功。又有强记之人，经史百家，溃溢胸臆，使执笔为文，非蹈袭而不择，则枯涩而不畅。无他，盖能为文者，才妙天成，无规矩之可授，机斡心腑，非简编之可习。人为万物之灵，能为文者，又人之至灵者也。故一代超卓之士，百年不过数人，一时惊拔之文，平生不过数篇。岂非文者天地之奇气，人世之至珍！或者不能不知，乃以易视之，此志士甚所不甘者^{〔三三〕}也。卍

虽然，六朝之末，以对偶为工，晚唐之末，以音律为工，宋之末，以科场立说之异为工，穿凿大道，投合时好，皆文之靡者也，其鄙于人，固宜。至若浩然正大之气，蔼然和平之音，则治世不可一日无者，况欲鄙之乎？但不多见耳。昔人言作者如牛毛，识者如麟角，非确论也。天下岂有能作不能识者！卍

仰惟阁下，钟神秀于星岳，传训教于阶庭，云锦为裳，蕙兰为佩，扫时文之尘腐，追大雅之芬芳，笔力扛鼎，赋声^{〔三四〕}摩空，一字落世，千金莫易。皇元初混江南，收拾文臣，首得阁下，声价之重，百倍机、云，是非荐引者真知阁下，斯文将兴，天启其衷也？予

某是时已有垂翅附鸿之意，故尝介养蒙张先生以贱名通于左右。矧奎躔炳赫，贲于吴越，某也^{〔三五〕}敢不早夜奋迅，以自托于光照之末。但学不先人，心甚企古，自总角从事斯文有年矣，虽未遽进前修，自谓稍异流世。顾瞻邻里，儒服累百，而相知者不一二，迩来客在闽荒，可与语者益绝，于是深闭斋庐，歌咏旧所为文，颇自娱好，而门外之人，莫不听而非笑之。夏虫不可语冰，尚何言哉！抑又窃比陈、黄，自恃以不穷之志，有当今之苏长公在上，敢为斯文之受诘讼焉。非为己讼，盖为吾道讼也。并录古诗一十首，上希采览。秋林小籁，未谐律吕，惟阁下怜^{〔三六〕}其志而教之。予

朱伯贤《广琴操》跋

元郭秉心谔轩

古《琴操》十有二，韩子去其二，而取蔡中郎《琴操》事迹作十操。予尝读而悲之。见韩子有志周、孔，而惜夫时不值也，特著其词以自表见。比读朱君伯贤《广琴操》，其所见又出人意表，非徒拟而作也。予

《将归操》云：“九州博大兮，将予遂之。”圣人化^{〔三七〕}天下之心也。《猗兰操》云：“子如好修，维我之求。”道在我躬也。“子如不好，于我何尤^{〔三八〕}。”安于命也。《龟山操》云：“周公上天，奈龟山何？”家国之治否，实存乎其人也。《拘幽操》云：“日月有明，容光弗留。”辅相之蔽也。《岐山操》云：“既有我土，毋戕我民。”太王之志也。《履霜操》云：“民生有知，以顺天亲^{〔三九〕}。”天下之为父子者定矣。《残形操》云：“日^{〔四〇〕}修尔躬，自天之佑。”君子惟自修而已。予

吁，兹非有以广韩子之意与！《琴操》作于韩子之后，立言尤难，

其宜与古人并传哉！^卅

重修致庵记

元潘从善择可^卅

墓有庵，所以修饗荐、备展省也。赵氏世居大坞，由所居而南一里曰江山，自七世祖而下多葬焉。右曰一庵者，已毁于宋季兵燹矣。由一庵之左，登峻阪数百步外，峰峦回翔，林山丛茂，又其曾祖考制属公与仲氏学谕公之墓在焉。二公之子尝结庐于墓下，曰致庵。翰林承旨赵公孟頫大书其匾，复为记；曹南主一吴公用隶法书“云山深处”四字，揭之于庭。岁月几何，陵谷变迁，亦化为瓦砾荆榛之场。外有池塘，皆污塞莫识。^卅

一日，赵氏之彦师辄谓从子瑾曰：“二庵废坠，子孙责也。吾与若等先致力于致庵，由亲以及疏，旋图修辑，可乎？”于是辟地筑庵，堂宇丰洁，室庐静幽，一如旧观。其旁则开为居守之所，洗涤旧池，引泉注之，皆揭以旧匾。经始于至正丙午秋，讫工于明年冬。^卅

十二月，驰书抵余，求记其事。闻诸祭义曰：“致爱则存，致恻则著。”著存不忘于心，夫焉得不敬。此前人名庵义也，承旨公记之详矣，复何言哉！虽然，余闻诸凡物兴衰成败固有其数，而举废坠以纘前绪，则系于人也。兹庵之创几百年，而灰烬于强寇之手，又不十数年复其旧，则赵氏世泽之未艾可知矣。^卅

今其子孙饗荐于斯，展省于斯，必相谓曰：今之樵槛，昔蓬莽区也；今之池台，昔狐狸穴也。若不思继述先志而一新之，则虽有致爱、致恻之心，将安所寓乎？而今而后，漫漶必修，圯坏必修，且朽蠹必易，则兹庵可保永久，而尊祖敬宗之心，与之无穷矣。姑书此复之，以告来者。^卅

送余国元远行诗序

元潘从善

友人余国元氏别予将远行，予揽其袂而告之曰：“厥今四郊多

垒，民情弗固，士或出境，苟无援引攀联之势，则所谓关以为暴者，亦往往不能无也。且岁华摇落，雪霜载途，此岂远适之宜哉！殆不如无往。”则应曰：“吾，徐出也。徐之先，在宋崇宁间有若^{〔四〕}真定、温节二先生，父子相继，俱以行义为时闻人。文公朱子行部至台，实往拜其墓，有诗曰：‘道学传千古，东瓯说二徐。’西山真文忠公亦曰：‘二徐先生，视山阳节孝，殆无可愧，而父子相继，则为过之。’祠列乡校，事载国史，其取重当时，有若此者，吾党之士所熟知也。天不慙遗其后，今乃斩焉无绪。而其家所辑世录，及其遗像，犹幸吾母氏宝而存之，使自我而湮没焉，非所以崇表先德，其获罪也滋大。吾为此惧，将持以求当世立言之君子，发其幽光，以照映史传。而粉墨之久，将零落漫漶不可知，得善貌人者传其似，以托不朽，庶以成母氏之志焉尔。”

余闻而悚然。嗟夫，世降道微，民不兴行，人之视其先，或一再传失其世次而忘之者有矣，尚能及其外氏之自出乎？又况当此之时，而能思人之所不能急者乎？子以是往，孝义之感人，盖将兴其锡类之思，而归德于厚矣。二先生之高躅，愈久而益显，将见闻其风者，顽廉而懦立矣。子之誉将益起矣，大人君子其有不乐成吾子之志乎？子行其有所合矣。遂叙次其言，以壮其行。而乡之士友，咸为歌诗以饯之，俾予书于其端。予

书李次渊《孝经讲解》后

元盛象翁

昔孔子举万善而授之曾子，惟曰：“吾道一以贯之。”曾子不掩万善而受之，孔子惟曰：“唯授者无复丁宁，受者无有疑难。”孝，特万善中一事，且出于曾子之天性，而假口说之繁哉！或者谓《孝经》辞衍旨复，非孔子之书，盖汉初诸儒派曾子之传者为之尔。夫苟足以派曾子之传，虽谓《孝经》为曾子之书可也。圣贤不世，习倍降

而告戒渎，撞钟破瓿，灼炬开矇，时实使之然也。汉初去孔子之时未远，其辞已不容于不详，况后二千年哉！况遐荒绝徼，素昧先王之政者哉！^卅

西蜀李仲海次渊教汀之岁，讲解此经，旁譬曲引，累千馀万言，谓次渊非孔子忠臣可乎？亦不得已也。呜呼！跪足之羔，反哺之雉，不言而喻，今首冠足屨，乃使为师者谆谆其海，可以愧矣。^卅

余后五年来汀，闻而求其简，学徒无能习者，吾犹恨次渊之解未详也。兹因同乡一山连宰公出示录本，感叹而书其末。^卅

《正异论》下

元邱应辰心泉^卅

家世尚德者昌，灭德者亡，如影响之契于形声也。自世道微，人欲胜，信释道福田之诱，而谄非祭之鬼，于阴阳地理之说，劳心求焉，古无有也。今世贫者不葬其亲，其葬者，自非达德，必请地师择之，以不得地，致旷延未举。终日相随，出入山谷，听地师指此山吉，曰富且贵焉，彼水凶，曰贫且贱焉，遍一邑之境，谓美而可葬者，取什一于千百。吁！一邑之广，何啻数百里，其居者何啻千万人，而可葬者止此，馀皆何以处之？宜释子荼毗之化易入也。^卅

夫天地之中，因其高者名山，顺而下者导水。且遂以其向背为吉凶，且有年利、年不利之说，然则先王制礼，天子七月、诸侯五月、大夫三月、士逾月而葬，皆非也！凡今美而可者，果古人未葬者耶？自有书契以来，有美地而未葬，是懵于古而明于今也。自揆古今聪明，法天象地，孰贤欤？礼乐刑政，孰备欤？衣食宫器，孰工欤？今不逮古远矣，何其令子孙取富贵之道，不若今也！^卅

或曰：自古王君，国都皆必取形势之地，为城池之固；富家甲第，亦择美壤居之，堪輿言何必尽非。然未见其定福人。咸阳金城千里，秦二世而亡；金陵六朝转易，所都则一而已。鉴之在昔，由德之兴衰，

非其居之谓也。ㄎ

然则葬亲若何？曰：幸力能之。宜择其土厚水深，草木畅茂，前无有碍者，顺礼而葬，日时从时历用之。如贫也，取高地累土，埋令深固，岂不愈于焚乎？世有董永、何子平之志者，天人必佑之。昔子游问丧具，夫子曰：“称家之有亡。”子游曰：“有亡恶乎齐？”子曰：“有，无过礼。苟亡矣，敛首^{〔四二〕}足形，还葬，悬棺而窆，人岂有非之者哉！”信行之，一洗尘俗固陋，风俗淳古矣。ㄎ

思无邪轩铭为关山赵穉中作

元毛南翰ㄎ

心兮中虚，思乃其官，思有邪正，为美恶端。戒使无邪，岂不在我？纯一不二，庶乎其可。《鲁颂·駟》篇，其词有征，宣尼抉指，用括全经。于兹丘隅，有沉轩居，藏修游息，惟山泽臞。有琴有樽，有图有史，休哉燕私，物或来靡。防于未然，取法圣贤，揭名文梓，服膺拳拳。我作铭诗，永助尔德，庶几终誉，无忝武翼。ㄎ

寄谢泰秘书长^{〔四三〕}

元潘伯修ㄎ

伯修顿首再拜大卿先生阁下：友人王君伯宏归自京师，致阁下之命，以先子必有铭，铭有题首旧纸一通，篆古文，外緘以小楷书曰潘先生云云，皆公手笔也。奉书而读，且拜且泣曰：先君行事，不肖犹能记忆，猥以穷远，不获于宗公巨人之前，一图不朽，不孝罪何能赎？然私怀之久矣。伏惟阁下以盖世之英，抗缝掖之表，德尊名显，海内视犹斗、极，可望而不可攀，顾乃垂荣于弗曜之德，加轶于无施之材，生死蒙泽。至愚如仆者，亦忘其穷远，窃欲自附，而莫知所报称焉。ㄎ

仆少时每自负天所以予我者甚厚，沈之为精，发之为光，郁之为机，锐之为锋，将天下之至幽者惟所烛也，至坚者惟所达也，又况于文章，宜无谁何者！因稍随时世，习举子业，守《书》蔡氏传

者徐二十年。颯颯焉譬犹童奴之从马也，其主怠且息矣，独不能试身其上，暂一据鞍而加策也？辄不自料，每欲表章《洪范》一篇，使读书者识帝王大经大法，当不止如传注所陈而止。不幸门户多故，忧患百方，先君幽光潜德湮没之是惧。岂天之至理，不妄以属非其人耶！何仆之不遑宁息若是也。丿

迺来筋骸气血，浸不如前矣。此身神明，政亦有限。继今一、二年间，坟垅就绪，经营一碣，稍尽人子之责，旁筑小区，揭周、邵、朱、蔡诸图于其内，求古人所用心，以全吾性与所命于天者，暇则放意山水，衣木食草，趺坐盘石上，使光风湛露，通透于八万四千窍之间，与世相忘已耳。顾老母在上，年岁就晚，遭患之后，族无大宗，岁事草草，弟妹无聊，儿女复长，旧日躬耕舂卤之墟，不早即水，聚徒而教，力学者少，反视其身，腐甚草木，果天之所以予我者如是耶？耿耿此心，大惧槁死，负先君平日之教诲。年几四十，受阁下方新之知，设终不能以一善得名，方且内辱先训，外并累阁下知人之明，是一身两受重负，蚤夜思图，茫无涯涘，以无能报称为恨，既感盛德，还自惭也。惟阁下教之。丿

文释赠金华吴履

元潘伯修丿

文者，道之荣也。夫道之有文，犹火、日之有光，草木之有繁泽。道之大，无所不居，故文无所不著。太虚得之以为天文，水土得之以为地文，草木鸟兽得之以为草木鸟兽之文。其在于人，灵气之所昌，菁华之所被，大之为经纬礼乐之盛，垂之为《易》、《诗》、《书》、《春秋》之常。载之于身，则万物衣其光；措之于言，则万世食其实。若后世之文，乃古所谓于道为臣妾者，非道之荣也。丿

且文何从兴？昔庖牺氏王天下，仰观于天，俯察于地，旁观草木鸟兽，而取其文为八卦，历世以为文之祖。而陶唐氏端以文称，

仲尼曰：“巍巍乎，荡荡乎，焕乎其有文章。”陶唐氏之文冠于《书》。嗣是有虞氏文明，夏后氏文命，备书于史，皆不必其所作之文。周世雅、颂之兴，卿大夫、士与庶民杂为之，而西伯乃溢为文。仲尼亦曰：“文王既没，文不在兹乎！”如仲尼之所谓文，则又取《易》《诗》《书》《礼》《乐》《春秋》而考定之。世言《春秋》盖笔于圣人之手，然犹曰：“其文则史。”其他传论，尽出其门弟子也。孟氏亦然。然天下后世，不谓百王之文不统会于夫子，故文莫古于庖牺，莫尊于陶唐，莫盛于周，莫宗于孔子。

王道衰，圣人熄。于汉，司马迁、相如、枚皋、王褒、扬雄、班固；于唐，陈子昂、李白、杜甫、元结、韩愈、柳宗元；于宋，欧阳修、曾巩、王安石、苏洵、轼、辙，往往以自擅于世，华丹其毛皮，佐力于舟车之下，皆所谓道之臣妾。如相如、褒者，又臣妾之巫优者也。独韩氏愈能尽于道，数数以文自诩^{〔四四〕}，惜也能起八代之衰，而不闻^{〔四五〕}群圣之绪，顾乃尊玄于雄，尊史于迁、固，尊歌咏于甫、白，而后之作者，视而决焉！周子曰：“轮辕饰而人弗庸，徒饰也。”笃其实而艺者书之，故通所以赞《易》也，表《中庸》所以叙唐虞也，箴、铭所以准《抑》之诗也，《纲目》所以续《麟经》也，兆礼于士，正乐于律，所以继周也。而无极以宗之，性命以精之，德义以涵之，神明以出之，日月不得明，阴阳不得不变，鬼神不得不幽，而万物又谁剥之生也？故曰文者道之荣也，犹火、日之有光，草木之有繁泽。盖至于此，而后人始不敢自擅于虚车。作文释。卞

《林半山文集》序

元陆修正卞

余往岁由乡贡计偕京师，乡人林伯云由胄监诸生访余于邸，因出其从曾祖晓庵先生所撰《乳柑记》文一首见示。余得诵之再过，作而曰：“此文叙事绝类西汉，当与东坡《表忠观碑》同称。”伯云

应声曰：“今太史宋公亦云然。”翼日，余谒公于遣中，因语及，公曰：“非具眼不能识也。”余尚识其言而未忘。予

越三十馀年，始克见先生全集，得遍阅之。如《谷梁》等辩，可羽翼正道矣，为《春秋》者不可不知也。其震雷、月蚀等说，深得程子传《易》之旨，如天地大五行论，尤^{〔四六〕}非区区论阴阳者所能言也。使先生之文得表而出之，可补诸传之未发者。世无欧阳公，识先生者其谁与？於乎惜哉！虽然，丰城之剑，尚有待而试也，余谓先生之文亦然。先生讳某字某，晓庵其别号也。世居黄岩半岭，代以家学称云。予

明利害策

明王叔英静学予

臣闻天生斯民，立之司牧而寄以三事，曰庶、富、教是也。盖为人君者，将欲遂民之庶，必先富之，既富，然后教之。今天下之民未甚庶，未能从上之教者，以富之道未至焉耳。富之道，臣尝读《大学》而知之矣。《大学》言治国平天下之事，有曰：“生财有大道。生之者众，食之者寡，为之者疾，用之者舒，则财恒足矣。”是则平治天下，道实本此。窃观天下凡有害于此者，亦颇知其大略矣。恒产未制，而贫富不均；赋敛未平，而田多荒莱，此二者，生之本之害也。军卒有多馀之丁，而惟务于工商；僧道有污杂之众，而失助于耕稼；民之务末者常胜，而务本者常贫，此三者，生之未众之害也。养兵太多，而有徒食之军；冗官未汰，而有素餐之员，此二者，食之未寡之害也。官司役民，或夺其时，或尽其力，此二者，为之未疾之害也。土地有可养之物而不养，民粟有可储之时而不储，民用有可省之费而不省，此三者，用之未舒之害也。臣请得而详言之：予

古者井田之制，一夫授田百亩，故民生业均一。后世井田既废，故民业不均。至后魏有均田之法，北齐有永业之制，唐有口分世业

之田，虽非先王之旧，亦庶几使民有恒产者。自唐后，恒产之制至今不行，故富强兼并，至有田连阡陌者，贫民无田可耕，往往租耕富民之田，而输其收之半，由是富者愈富，贫者愈贫。此恒产未制之害，所以贫富不均也。古者田皆在官，故什一之税通乎天下，赋敛以平。后世田有官民之分，故赋有轻重之异。官既事繁而需于民者多，故田之系于民者，其赋不得不轻，惟系于官者，其赋重，而亦有过于重者。官民之田，肥瘠不等，则赋税有差。然或造籍徇私，往往以肥为瘠，赋当重而反轻者有之，以瘠为肥，赋当轻而反重者有之。若夫官田之赋，虽比之民田为重，而未必重于富者之租，然输之官仓，道路既遥，劳费不少，收纳之际，其弊更多，有甚於输富民之租者。惟是官民之田，其人可有可输租赋之馀，而又有可酬其力者，民然后可得而耕，其不然者，则民不可得而耕矣。此赋敛不平之害，所以田多荒莱也。斯二者岂非有害于生之之本乎？^九

古者兵出于农，则兵固自耕而食者也。今为兵者，既不耕而食于农者多，而又多有馀丁，不为商，则为工，是亦不耕而食于农者。人之务末者众，而务本者寡，实由乎此。此军卒有多馀之丁，可裁减归农而未裁减之故也。古之为民者四：曰士、农、工、商而已。后世益之以僧、道，而为民者六，故务农者益寡。况二氏之教，本以清静无为为宗，而后世为其徒者，多由避徭役而托于此，又倚其教能使人尊奉，有不耕而食、不蚕而衣之利，由是为之者众。然能守戒律者甚少，而不守戒律者甚多，往往食肉饮酒，华衣美食，肆欲营利，无异于污民，是则于其本教既忍违之，况可律之以吾圣人之教乎？其人可耕稼而不耕稼，乃托佛老以为生，无补于世道，而有败于风俗。如此愚民，不知彼之身已获罪难免，犹谓人之事其徒者足以获福，且辍己之衣食以奉之，其惑世诬民甚矣。昔唐高祖尝议除之，以此故耳。人之坐食者众，而资食者少，实由于此。此^{〔四七〕}

僧道有污杂之众，可除省助农而未除省之故也。古者制民之法，以农为本，故常厚之，以商贾为末，故常抑之。后世抑末之法犹存，而厚本之法，每病于费广食众，不能行之，故为商贾者益多。然商贾获利既厚，而财货有馀，农民往往衣食不给，反称贷于商贾。况又有工艺之家，男女或尽弃耕织，不务生业，而施奇技淫巧，为服用之物，以渔厚利，徒多费工力，而无益于实用。农人竭一家之力者，或不足以当其一夫之获，积一岁之收者，或不足以付其一旦之售。由是务末者恒有馀，而务本者恒不足，诚以务末恒胜，而务本者常负之故也。斯三者，岂非有害于生之未众者乎？¹

古者天子不过六军，诸侯用兵，不过三军。近世宋太祖天下精兵亦不过二十万，以十万屯京师，十万屯外郡。今京师之兵已十万，而在外郡者，不知其几。以此推之，今之兵过多，而有徒食者可知矣。天下赋敛之难平，储蓄之未丰，实由于此。昔唐虞稽古，建官惟百，夏商官倍，亦克用乂。后世事渐繁密，故官亦渐增多。唐太宗省内外之官，定制七百三十员，曰：“吾以待天下之贤足矣。”今内外大小之官，数以万计。以此推之，今之官徒备员而有素餐者，亦可知矣。天下赋敛之难平，储蓄之未丰，亦由于此。斯二者，岂非有害于食之未寡者乎？²

古者用民，岁不过三日，然役之必于农隙之时。后世事繁，故徭役浸多。然唐太宗制租、庸、调之法，其役民，岁亦不过一十日，盖由其能省事故也。故其法至今称之。今天下有司，役民无度，四时不息，由其不能省事故也。至于民稀州县，人丁应役，诸役不给，丁丁当差，亦有男丁有故而役及妇人者，奈何而民不穷困乎？盖由州县有应并省而不并省，其民既稀，其役自繁。是以民稠州县，虽不尽其力，亦夺其时；民稀州县，既夺其时，又尽其力也。斯二者，岂非有害于为之未疾者乎！³

古者山林川泽，与民共之，而有厉禁。是以斧斤以时入山林，材木不可胜用；数罟不入污池，而鱼鳖不可胜食。后世之民，困于徭役者多，故其入山林，不能限之以时；欲急近利者众，故其入污池，多以数罟。由是材木常用之不给，鱼鳖常时之不充。此所谓土地有可养之物而不养者也。古者三年耕而有一年之储，九年耕而有三年之积。故虽有水旱之灾，而民无菜色。后世赋重、役多，故民无馀蓄。然汉宣帝时，以岁数丰谷贱，农人少利，因置常平仓，令谷贱则增价而籴以利农，谷^{〔四八〕}贵则减价而粜以利民。至隋唐，皆有义仓，于收获之时，劝课出粟以防饥馑。皆良法也。其法今〔四九〕皆未行，或有水旱之灾，何以备之？此所谓民粟有可储之时而不储者也。古者制民之用，宫室、饮食、衣服、器用之制，婚姻、丧葬、祭祀、宾客之礼，贵贱各有等差，不得过侈，而又无有释老斋醮之设、妖淫鬼神之祠，故民无妄费，而财用常足。后世虽或有制，而未必尽行。故以庶民之贱，苟富有财货之家，其居处服用之物，与凡吉凶之礼，拟于公侯者有之；至于斋醮，则有累日之设，费用至数百千缗者有之。其贫无财货者，虽以居处服用之物无以适意，至有婚姻之事，往往贷假于人，务为浮奢，以资观美者有之；及其亲戚之丧，或穷竭家资，设作斋醮，以杜外议者有之；若疾病，则访之巫祝，必归咎于诸淫祠，苟乏祭物，或竭己资而致衣食窘乏者有之，或举债于人而致田庐典卖者有之。此所谓民用有可省之费而不省者也。此三者，岂非用之未舒之害乎！^卅

凡此数者，特其大略耳。若其他，固非臣之所能尽知而遍举。欲致民富之道，有害如此，此所以未能遂民之庶，而教化所以难行也。陛下苟能因臣之所知，而益求其所未知，明其为害则除之，明其为利则兴之，将见富庶之效，不数年而可致，而教化之行，有不^卅难矣。

与方正学书

明王叔英

仆与执事，别十馀年，其间情慕之浅深，书问之达否，皆事之细者耳，姑置之不足道也。惟执事之身，系天下之望，士之进退，天下之幸不幸与焉。侧闻被召，计此时必已到京，获膺大任矣，兹实天下之大幸也。故敢有说，以进于左右焉。丿

凡人有措天下之才者固难，自用其才者尤难。如子房之于高祖，能自用其才者也；贾谊之于文帝，未能自用其才者也。何则？子房之于高祖，察其可行而后言，言之未尝不中，高祖得以用之，而当时受其利。故亲如樊、吕，不可得而间；信如陵、勃，不可得而非；任如萧何，不可得而夺，此子房所以能自用其才也。贾谊之于文帝，不察其未能而易言之，且又言之太过，故大臣绦、灌之属得以短之，于是文帝不^{〔五〕}获用其言，此贾谊所以不能自用其才也。方今圣天子求贤用才之意，上追尧、舜，固非高祖、文帝可比；而执事致君泽民之术，远方皋、夔，亦非子房、贾谊可伦，真所谓明良相逢，千载一时者也。将见吾君不问^{〔五〕}则已，问则执事必能尽言；执事不言则已，言则吾君必能尽用。致斯世于唐虞雍熙之盛者在是矣，岂非天下之幸欤！丿

虽然，天下之事，固有行于古而亦可行于今者，亦有行于古而难行于今者。如夏时、周冕之类，此行于古而亦可行于今者也；如井田、封建之类，可行于古而难行于今者也。可行者行之，则人之从之也易；难行者而行之，则人之从之也难。从之易则民乐其利，从之难则民受其患。此君子之用世，所贵乎得时措之宜也。执事于此，研诸虑而藏诸心者，非一日矣，措之犹反掌耳，尚何待于愚言之赘哉！然仆闻，知者千虑，必有一失，愚者千虑，必有一得，故不能无言于左右耳。丿

夫人情爱其人之深而虑其患之至者，必救其失于未患之先。苟

待其既失而后救之，是乃爱之浅而虑之疏也，其得为忠乎？天下知执事之深、爱执事之至如仆者固多矣，窃谓忠于执事，未能有过于仆者，伏惟少垂察焉。 ㄩ

跋潘省元宣德碑文后

明郭櫓 ㄩ

宣德碑未树，而方国珍遣盗杀潘省元伯修，依违不受朝命，复遁入海，至我朝始纳款。予得碑文副本于李知白先生，每读，未尝不为省元挥涕而三叹也。则僭书其后曰： ㄩ

国家之气运在君相，庶事之康隳在宰臣，一俞拂取舍之间，而成败兴亡之机决矣。帖里左丞、御史左纳二公之招谕国珍也，初未得其要领，决其诚伪，而遽以乞降上报，请授流官，使纳其战舰，散其徒众。二公度能制国珍之死命否乎？言何容易也。于时脱脱为右丞相，执不许，请遣兵征讨，章留中不报。及脱脱为元主所忌，受命率诸将讨徐州贼，定住方居中用事，竟可二公之请。由是损国威而张寇势，元之国祚，至不可救云。一宰臣之用舍，而国家之成败，遂夔然悬绝如此，后之任相及柄国者，可不视为龟鉴乎？

元之事已矣。独惜省元以清庙瑚琏^{〔五二〕}之器，乃倒持莫邪、干将，失其用以自殒其身。兼碑文褒贬稍失实，奖帖里、左纳而抑脱脱，非当时实录也。应梅魂及知白皆有诗悼之。予非不知省元者也，惜其遭时不偶。又其文必且传后，恐后人以帖里、左纳之计为果可用，故书所见以质省元于九原。如其有知也，其且为予扼腕而三叹也乎？恨梅魂、知白之不得见也。

答郭退庵论《纲目》书

明叶黼 ㄩ

黼顿首奉书：黼承学门下，得读贞成公遗书，有《通鉴纲目》诸说，论及庐陵刘氏友益书法有一二未尽处，尝默志之。兹领教令参订其数条奉复，黼安足以及此！ ㄩ

窃惟孔子因鲁史作《春秋》，以为万世之法，比事属辞，褒善贬恶，其要旨在于尊周室。子朱子因司马氏《通鉴》作《纲目》，以正百王之统，纲以效经，目以象传，其要旨在于崇正统。此天地之常经，君臣之大义，而圣贤之本心也。《左氏》、《公羊》、《谷梁》三传，备著褒贬书法，杜元凯、何休、范宁注解，复有书法凡例，一以尊周室为说。春秋之世，周室衰微，诸侯强盛。以地，则仅比一小国；以兵力，则不足以自卫。然而岁首则必曰：“春，王正月。”其行事、聘问，一则曰“天王”，二则曰“天王”。楚与吴不请命，而僭自称王，则贬而斥之曰“人”、曰“子”。中国而用夷礼，则夷之。至于齐桓、晋文，以尊周特见许与，一有逾分奸礼，则必贬而责之。凡所以尊周室也。子朱子虽不敢言续《春秋》，然知《春秋》之奥旨者，宜莫如朱子矣。予

当其时，吾乡赵几道先生从游门下，以意旨属令创撰《纲目》初稿，其详见于所与商论诸简可考也。赵氏之言曰：“纲目之作，在于崇正统。”如曹氏亲受汉禅，威加中国，卒不能禁诸葛孔明“汉贼”之讨；元魏据有中国，行政施化，卒不能绝区区江左之晋而继之。此万世之功而不可易焉者，岂非君臣之大义、夷夏之名分不可废乎？《春秋传》曰：“春秋大居正。”又曰：“王者大一统。”此正统之名所由本也。予

方逊志先生有《释统》，论正统一、变统二，诸先辈皆惊服，以为卓有高见。《纲目》书法，今刘氏一依朱子，大书其世代年月，自秦始皇二十六年始，凡不开行列书者皆为正统，则其说褒贬之间亦必有未尽处。然非殚一生心力，不足以议此。先肃奉答，俟及门，详请教。

饶阳知县郭公行状

明黄友义予

公讳櫜，字德茂，号畅轩。其先东阳人，五代时为永安镇都监，

因家焉。永安，今仙居也。传八世，至宋朝请大夫讳仲珉始大。仲珉生琼筦安抚宗之。宗之五子：曰森卿，夔州通守；曰明卿，湖南总干；曰世卿，两浙都兵马台州路分；曰嘉卿，以朝请大夫致事，赐号继一处士；曰磊卿，右正言，赠金紫光禄大夫，谥正肃：皆以风节振厥家声。世卿生太常寺丞勉中，勉中生左右司员外郎友直，是为公祖。娶乐邑桥亭刘氏，生公父敏夫，始从伯兄^[五三]参知政事宽夫迁黄岩松山里。廾

公天性明敏。迨壮，独有所悟，由伊、洛上溯洙、泗，求圣贤真实之学。燕居衣冠修整，危坐终日；与人接，和气满容；闭门扫轨，箪瓢屡空，晏如也。其涵养，专用静中工夫，言动一循礼，士大夫莫不尊仰之。初，公父没，兵荒不克葬者十馀载，公抱戚，未尝破颜。迨营冢，或以左道沮，公不听，曰：“阴阳家祸福之论不足信，得先人入土，死无憾。”奉母杜氏，极婉愉，晨昏温清，出至诚。长兄梁多子累，有所需力为营，慰母念。母患风疾，奉食进药，不敢离左右，亲为沃面、澡身、浣衣席，久而指湿烂成疮，终不许人代。比卒，哀恻，水浆不入口者累日。袭含衾绞，遵古制，竭诚谨慎。四时祭祀，必请长兄主之。兄贫，欲以先业售于人，同署卷，略无吝容，亦不分其直，饥寒扶济，不待告也。又收兄次子焘^[五四]，教之。族姻间，恩义俱至。教后进收放心，曰：“心收，方验得圣贤言语有归著。”又曰：“作诗写字，误了天下多少英俊！”又尝论治道当法三代，效汉、唐则下，须力扫积弊更张之，不然，为治皆苟而已。廾

洪武四年，同里李御史公时可荐试吏部，授饶阳知县。县隶真定府之晋州。下车日，县人望见威仪，窃相谓：“是岂肯私我者耶！”在事日，察兵站，革豪户夤缘；以伦理开导，僧道使有偶，倡优俾从良；立分数法，均田赋；设方同令，平力役。真定卫议选军，科^[五五]本县五百户，责流民未土著者充之。公以“民户凋瘵，招集未遑，复选

以充军，岂所谓民之父母”力争于卫，幕官周矜其恳款，止以二十五户少壮者入军，余遣还，民甚德之。既而军中著刷民间驴匹，公以民倚以当差给食，即申答罢刷。五年夏旱，乡社聚设龙王像以祷，命焚之，默自诚祈天，即大雨尺深，民益惊信。秋，聘授同考试官。越明年，旱蝗洊作，民食木皮草实，公上其事，上敕尚书刘公赈之，仍免田租，弛力役，旁及晋、冀武强、安平、南宫、新河、武邑、枣强等处。继遇派办军装，令民出布，官酬直，公又争。其以身体民，不顾利害，类如此。七年秋，解饶阳任，新令左以公贫，僚吏馈绢一车为道里费，追运至京师，辞不受。以从兄学士获谴，故放还。巡事者察于途，囊无长物，惟得所著书与诗文一篋、爪发一束。以闻，上亦素知其忠清，加赐纱幘、银带，及宝钞一百贯旌之。公念平生所学弗克少展，遂更号台南兀者。洪武癸亥四月卒，年六十有二。卅

从子煜洎诸友人翰林修撰赵新考论公之德，相与私谥贞成先生。有诗文数十卷、杂评一帙，其《易说》未就。卒葬温岭西原。配徐氏，与公相敬如宾，公德之成，实有助焉，先公八年卒。子男二：熙、烝，孙南耜。友义与公为忘年交，且熟闻其世系事实，兹从熙请，掇其大者为状，俟立言君子铭于不朽云。卅

《谢孝子传》序

鲍原弘卅

曩予闻谢孝子名旧矣，已而见父老谈其孝行，凡四端：元至正间，孝子客昌国，奉母陈氏以居，母病症，孝子割股肉作糜以进，辄差。内附初，孝子犹未去昌国也，时兰香山窃发海上^{〔五六〕}，蔓延昌国，朝廷命歼之。昌国人尽窜匿山谷间，惟孝子侍母病不去，官军俘之以见其帅，帅曰：“汝为盗觜我耶，何为独不去也？”孝子对曰：“母在，子去将何之？死则俱死耳。”帅义而释之，曰：“真孝子也。”寻奉母还黄岩，而留橐旧馆人家，越一年，往取橐焉，比至，忽梦母

盛饰坐堂上，孝子曰：“俗占，梦盛饰者死。”辄弃橐以归，母果病，若不能生者。又一年，母复病瘵，手足痿痺不自举，虽有他女奴可备养，其眠食起居，一出孝子扶持者，凡一十三载。尸

予避席揖父老而言曰：“谢公之行，信孝矣。敢问四者孰^{〔五七〕}难？”父老曰：“梦感于心，诚则形，形则著，著则征，故《周礼》有六梦之占，无难易也。然刲股非躯命所关，使不避难而死之，岂但一刲股哉！故不避难难于刲股。至若扶持眠食起居至十三载，一出其力，又难也。盖刲股、不避难，出于一时，而勇于义者或能勉之，难而易也。其职扶持不怠，非仁爱诚敬根于心而安于子职者，能之乎？易而难也。”嗟夫！论其行有难易，究其心则亦随寓而应，乌可以难易评哉！尸

吾知孝子之心犹源泉焉，随地异势，或触而鸣，或坎而止，或川而流，无所不可。故其刲股而疾愈者，孝感于天也；不避难而释之者，孝感于人也；梦而足征者，孝形于心也；其职扶持十三载者，竭其力而纯乎孝也。予尝语人曰：“知谢孝子者，其惟父老乎！”尸

今年秋，孝子之孙乾出陆草屋所为传，征予文。予读之，其辞与父老大同小异，予益信父老之谈不诬矣。传书孝子以孝应召，且授官而宠锡有加，敕还祀其先，竟发病卒而不得食孝子之报，惜哉！孝子讳温良，字伯逊。尸

听松轩诗序

明鲍原弘恕庵尸

饶阳尹郭公去官之明年，舍于椒山潘廷翰氏，为颜其轩曰“听松”，且为之记。台之士大夫又从而歌咏之，皆铿然韵金石，若与松声争激昂者。尸

一日，廷翰请篆其卷首作“听松”二大字，复征序其后。余曰：“耳之于声莫如乐。昆仑之竹，峯阳之桐，泗滨之浮磬，不叶之五音六律，不足为韶夏，子奚取于松哉？”君曰：“蕢桴、土鼓，纯乎朴尔。

松之为声，挟大块之气，得元和之真，含太古之余音。方其怒而雄也，若吕梁未凿，龙门未辟，河流春撞，震撼天地，贲、育为之失其勇，夔、襄为之失其律，天吴惧而为龙伯之罢钓。迨乎翕而合也，若凤凰之鸣朝阳，惠不足以喻其和；激而扬也，若孤鹤之唳秋空，夷不足以喻其清。悠然而虚者与神谋，飘然而迅者与气协。若夫变态万状，至精至妙，入乎耳而得之心，不可以言喻。故某之于是轩，读书恒于斯，鼓琴恒于斯，客至而饮，饮而乐，乐而歌以啸，亦莫不恒于斯，咸若有和于侧者。人或以俗事告，则曰：“余方与髯翁语，子姑去。”

余曰：“子盖淡然忘世，而自得于有声之声者矣。子知无声之声乎？《礼》云：‘至乐无声。’《说苑》云：‘有声之声不过百里，无声之声延及四海。’许由挂瓢树上，厌其历历有声，遂去之，其得无声之妙者乎？”君曰：“至哉！子之言也。”余曰：“未也。君子善体物，闻其言，当会其理。挺然正直者松也，子其持德不回；岁寒然后凋者松也，子其秉心不变；桓桓矫矫，可以梁、可以栋者松也，子其博物洽闻，丰其材。毋若鸟兽好音之过耳，邈然无与于己。”君曰：“命之矣。”于是乎书之。请质诸郭饶阳，以为然否？

新井亭记

明李茂弘存省

黄岩为县，左峙方山，右控澄江，委羽秀耸于其前，而县治据其胜。山川回合，风气完固，人生其间者，读书尚义，敦本勤力，自昔号易治。间有不治者，非民性然也，治之者不得其道也。

山东焦侯来令是邑，三载于兹，政通人和，邑事渐简，乃考县乘，相水土，求恤民隐。县邻大江，潮汐往来，地带斥卤，水味咸涩，饮之者疾或生焉。宋异僧净真，尝于县东三里许方山之麓，凿井一所，方不逾丈而深半之，下造铁窗以限沙石，因以米筛井名之。又于井旁浚地，深一丈二尺，暗作石沟五百馀丈，引井泉至梯云坊里，分

凿二十八井，周布市廛，以济居民，民赖以饮。ㄱ

历岁滋久，沟塞井涇，民以告侯。举贞修尚义耆宿之士廷翰、尹操两陈君，与僧宗胜，分任其事，募缘，协力经画，即净真所作石沟之塞者通之，坏者补之。欲复旧井之数，计其工费甚巨，事甚难，别凿大井于东禅桥之东，广丈馀，深倍之，引石沟泉于井。澄莹冰冽，民饮而甘之，汲者憧憧，无间昕夕，众皆称便，乐颂不已。又构亭以覆之。此其所以邑据山川之胜，民获山川之利，恒沐治化以安，岂小小哉！始事于正统十一年八月，讫工于次年九月，以工计者四千馀工，以财计者八千馀缗。ㄱ

廷翰等凿此井、构此亭，有功于邑民，不可无述以示将来，乃征予言记之。予惟兹举为邑民便，则夫利所当兴，弊所当除，又出于斯井与亭之外者，将次第举行之，姑托始于此也。谨按《春秋》法有直书其事具^{〔五八〕}文以见意者，敢窃取斯义，辄序梗概，俾后之贤令尹知创造之不易，相继修治，以垂永远云。ㄱ

颐庵葛君墓表

明李匡肃斋ㄱ

一乡之中，必有端谨孝德之士，足以模范后进，而后乡人有所慕效而化为善也。俯仰今昔，吾乡能称其实者，惟征士葛君，殆庶几乎！ㄱ

君讳源泳^{〔五九〕}，字希济，别号颐庵。其先润之丹阳人。宋建炎间，讳祐者，仕知黄岩县事，卒于官，子孙遂卜筑邑东之东山以居。六世祖讳元芝，徙居今之西桥。高祖讳彬，元从仕郎、广东宣慰使司都事。曾祖讳复忠，祖讳道彰，会国难方殷，力支弗坠。父讳永年，治经邑校，赍志而没，少保永嘉黄公准铭其墓，德善备矣。母同里徐氏，儒学司训茂之女，兵部右侍郎宗实之姊^{〔六〇〕}也，清修凝重，妇道师焉。ㄱ

君生而神清气完，言行不苟，读书必求古人之躬行实迹。事父母，

色养不违；处伉俪，宾敬而不衰；待诸弟，则怡怡愉愉，若宫商相宣，而埙鸣篪应也。乡闾无少长，必温恭姬煦之。为编户长，一毫不取诸人。遇人贫不能食，丧弗克举者，辄赙之、济之。故旧有患难，则力为排援，又资助其不给。疏远之亲，必敦其序；缙功之丧，必制其服。此皆人所难能，而君优为之。尸

父病痼逾数月，君食旨不甘，日具汤药，侍左右，衣带不解，虱虱丛生。既没，擗踊叫号，绝而复苏，罢栉^{〔六〕}沐，废盐醢，不入寝室者三年。正统间，贵溪周旭鉴来知县事，威严刚愎，遇人少许可，惟见君则置诸春风和气之中。以本县学职荐，不就。已而，直隶提学御史程富又以赵州学官缺员状荐诸朝，黽勉而起。一夕，舟次淮上，梦见母若不安状，君即舍舟南归。母惊其忽至，君具以告。母曰：“吾于某日得疾，恐不获见汝而朝露，啮臂悲鸣，此岂有所感耶！”计淮上所梦之夕，正与啮臂之夕符。呜呼！母子相感之理，一至此哉！暨母没，居丧如严君之戚。一日邻家烧地降种，火逸流入牛牢，时西风迅急，延及正屋。君抚棺吁天大恸，东风转，火就灭，棺幸无恙。人皆谓孝感所致。是日君之侄存诚招予饮，目击其事，非得于口耳之传闻也。尸

次弟希澄，仕归德州学正，不幸弃世^{〔六二〕}，诸生归旅榱，君临棺哭之^{〔六三〕}甚哀，声彻巷陌，行道嗟伤。次弟源滚、源滉相继先逝，君哭之如学正，不以老而少衰。抚其遗孤如己子。曾叔祖官翁死，无后，殡浅土四十馀年，君摭其遗事撰志，卜地葬之。尸

娶柏山张氏，厚资装，习美饰，无骄矜之态，修行妇道，孝敬姻睦，靡不备至。子男三人：长模、次楫，皆克家；次棱，补邑庠生。女一，适同里徐履道，宦族也，能读书以世其家。君享年五十有九，卒于己卯八月二日。安人生视君少四岁，卒视君先一年。合葬于三童乡吕白洋先茔之侧，礼也。尸

呜呼！君之潜德懿行，可以敦励薄俗，可以模范后进。由是西桥上下方数十里，虽田夫、野妇，皆知所以敦行、孝弟。君第五弟源湛，于君之丧、之葬，亦如君之哭诸弟而加袒括焉。予素重君德，知后之必昌也，故以季女侍椁之巾栉。今君不可见矣，见夫椁，宁不感慨而动于中乎？故略序平生行实，表诸墓道，使后人有所知焉。卍

筠轩记

明林璧无逸步

吾乡赵先生维阳，有室曰筠轩。没后二十年，其季子希平来京师，以先生遗命，求记于余。余文乌足以慰先生？希平固以请，乃复之曰：“竹为物之至清，乡土所宜，无处无之，无人不爱之。先生不好他物，而务同乎众人所好，于是竹也，既植之于轩，意未足也，又图之于壁，意犹未足也，又揭之于匾，且将求文以发之，不果而卒。先生拳拳于竹若是，岂取其虚心劲节，凌冰雪而愈茂乎？抑取其娟娟玉立，阴若绿云，声若苍涛，风得之而愈清，月得之而愈明乎？将取其结实以致凤凰，投葛陂而化龙乎？是三者，何居？”希平曰：“某闻诸先君子曰：‘吾好是竹，岂以其迹哉？于是乎趣存焉。’”予以先生自谓得竹之趣，是其所托在竹，而所得则在乎竹之外也。卍

天下之物，滞于有形者谓之迹，妙于无形者谓之趣。迹者，众人之所共见；趣，非悟道者不知也。然则轩之所植，壁之所图，匾之所揭，与吾前所云者，皆迹也，非趣也。陶渊明曰：“但得琴中趣，何劳弦上音。”或问孟嘉何以好饮？曰：“君顾未得其趣耳。”王徽之对竹，辄啸咏终日。人问其故？曰：“何可一日无此君！”故得琴中趣者渊明也，得酒中趣者孟嘉也，得竹之趣者，其徽之与先生乎！卍

古人以竹之有筠，喻人之有礼。闻先生于礼，深其趣，将又在于是。然则先生殆与竹俱化，不知竹之为我也，我之为竹也。大凡趣之得乎己者，己知之，人莫之知；得乎天者，天知之，己亦莫之知，此

之谓天趣也。先生且不自知，而予乌足以知之。况自今追言，言亦迹也。於乎，安得起先生于九原，而相与默悟于忘言之表哉！既为之记，又系以诗。予

庆全归应先生百岁寿序

林鹗畏斋

元气流行天地间，有生同禀而厚薄不齐。其有盛大遐福者，必是气至厚所钟，而天于人无数数也。故七十中寿已为古稀，况百年上寿乎！亿万人之夥，或有一焉，将拟于白麟、朱凤之为瑞，常见岂可得哉！若全归先生应公，真人中麟、凤，见一人于亿万人者矣。予

应为黄岩著姓。先生生而秀，卓异等伦^[六四]，发身科目。历儒官，事亲藩，前后四十年，仕虽弗大显，能视其职之所在而谨奉之，未尝以夷险易志。既谢归，逍遥烟霞泉石间，凝神葆真，消释万虑，历三十寒暑。贤子孙孝敬，凡所以奉口体而乐心志者备至。先生嬉娱榆景，虽不复为伏生口授，而不忘武公警戒之勤，是以年弥高而德弥劭。内而宗族，外而乡邦，得于观感者，孝弟行焉，慈顺洽焉。郡邑大夫及宪使，岁时过门，亲冠裳之。古淡挹眉宇之清和，醇德雅言，老成典则在世，岿然如灵光独存，盖莫不肃然敬而欣然服。予

先生尝以仲子今江西提刑金宪钦贵封监察御史。至是，金宪官满九载，而先生之寿适满百龄，夫人李氏亦寿跻八秩^[六五]，偕老一堂。金宪欲取道还乡，与昆弟子侄上堂拜祝无涯之寿，旋即报政京师，仰答圣明之宠。凡我僚案，咸谓先生得于天者厚，而养于己者深，上膺朝廷恩命之隆，下为乡邦闾里之重，孟子所谓三“达尊”，《洪范》所谓“寿、富、康宁、攸好德”，几于全备；且遭熙洽之运，自少至老，无一日意外之戚，非一家之瑞，乃乡国天下之同瑞。于是各为声诗颂美，而以首简见属。予

某以乡曲，早获拜床下，与金宪联姻戚，又同年举进士，来

江右又属同官，于斯事也，欣慕实倍恒情。方兹窃禄，未克一觴致区区之祝，然闻先生耳目聪明，精神完固，饮食起居，不减耆艾之年，绵绵遐算，未有纪极，他日来归，从父老长者之后问安否，未晚也。ㄩ

敦彝十二会序

明谢省愚得ㄩ

燕飨之设，所以通人之情也。情通则义洽，义洽则心孚，心孚则教行让兴，而家肥族睦矣。然燕不欲数，数则褻而渎，渎则乱生焉。故先王制百拜之礼，以备渎乱之祸。今废百拜之礼，而欲数燕，使无礼义以处之，其不至于渎且乱，不能也。ㄩ

成化十二年冬十月某日，十弟系始创为赏菊之燕，预会者若处淡老叔、编修老兄，洎省以下弟侄知文墨者凡十有四人。酒半酣，省唱为诗，在席者皆依而和之。一觴一咏，留连劝酬，自卯入申，经六时而罢。乐且醉矣，咸归其乐于十弟，号之为乐菊居士。明日，怡云十六弟赞邀以解醒。醒轩十八弟厥，纳庵十九弟济，止斋二十五弟纪，又各期日以为续燕之会。省及编修老兄，亦为答燕以终之。燕凡七，后六燕戒初燕之醉，而益为之节，乐不及淫，达不弃礼，食不弃物，亦文字饮也。ㄩ

明年，菊有花，十弟复举故事，而燕又不止于七。又明年端阳日，省设草酌，会处淡老叔以下弟兄六人。既就席，省扬觶曰：“某欲分赏菊之燕于诸节日，一月一会，会各有名，名各有义，义各著其名之下，合而名之曰敦彝十二会，将为敦厚彝伦之具，非止为觴咏之乐，虽数，不惧其渎且乱也。遭期之丧，辍七会，大功五会，小功三会，缙一会。其所辍之会，值祀先展墓之月，犹举，不以卑废尊，但不畅饮尔。”咸曰：“可。”遂定其名，著其义如左。

噫！昔陶元亮在彭泽，所与饮者樵夫、渔父。白乐天在洛，所

与饮者名士、贵人。非二公之有意，所遭异尔。省之十二会，惟一家弟兄叔侄而已。坐立有差，酬酢有节，杀百拜之烦，而不失揖让之礼；通亲疏之情，而不废规戒之义，无非成吾肥家睦族之心，何暇论其贵贱贤愚也哉！作敦彝会序，以贻后之人。ㄩ

新刊《静学王先生文集》后序

明谢省ㄩ

昔欧阳文忠公谓众人之与草木鸟兽之死同一归于腐坏泯灭，独圣贤于其间异于众人草木鸟兽，虽死而不朽，逾久而弥存也。若吾静学王先生，国朝仕至翰林修撰，江西杨文贞公，实先生之所举者，壬午岁，不病而客死于广德，逮今壬辰，七十有一年矣，生气犹凛凛不朽而存，非得圣贤之道，能之乎？省为邑人，于先生死后二十年生，又二十年，喜从长老谈先正节义事，始知先生之所以死，而内阉安人死于犴，二女同死于井。噫！臣死于君，妻死于夫，子死于父，非道充于身、行于家，能之乎？ㄩ

先生尤善于文章，省恨不得一览。去年冬，从吾台守阮公必成得是集读之，无一言不本于仁义之所发。其《送友人应荐》诗，有曰“吾观古豪士，道在身可捐，与其不义生，有愧于皇天，宁令就义死，含笑归黄泉”数语，当时不知先生者，孰不以为夸词，后先生卒践其实，可见死生素定于胸中，而自处处人同一心也。林先生公辅，吾台名儒，序先生之文，称其气节庚庚，略不为势家所屈。先生之生如此，则能如此死也不难矣。ㄩ

林先生所序之文，弃散不存，此则十之一二。省恐久而亡失，谋吾衡守徐公定之，斥俸钱绣梓，布传四方，使大夫士读之，见先生之行不违其言，实有得于圣贤之道，所以异于众人草木鸟兽之死，不朽而存者，虽千万世犹一日也。先生名叔英，字原采，静学其别号，黄岩人，墓在广德，无子孙以世其家，惜哉！ㄩ

吏部郎中林公行述

明应志和复庵

公讳璧，字贵璧，号无逸，姓林氏。其先闽赤岸人，五季时避乱居台黄岩之太平乡，族久益衍。曾大父彦文、大父耕民，皆业儒不仕。父从哲，以公贵，累赠官；母朱氏，赠宜人。

公自少颖异，丰神明秀，读书再过辄成诵。父私语所亲曰：“是子殆昌吾宗者乎！”然虽甚爱，程督不少贷。不幸早失怙恃，且值多故，先业日落，授徒里塾间。益刻志问学，从族父良斋樵山，及乡先生戴友南质疑问难，深契其旨。又从同郡陈检讨逸庵受《毛诗》，兼肆力百氏。为文浩瀚奔放，一主于理。逸庵叹曰：“有用器也。”宣德己酉，以儒士中乡试第六。正统丙辰，会试亦前列，廷试第五人。少傅杨公荣延至家，课诸孙。予

丁巳，除礼部精膳司主事。戊午，出使广东，所经不受私馈，奏裁减教官之逾旧制者。请假还家，时相三杨公、尚书王公直以下皆诗赠行，期待甚厚。辛酉，主江西试，人服其公，若彭少保时、刘都御史箴、陈侍郎宜、邱布政嵩，皆其所取士也。甲子，调祠祭主事，每当大祭祀，必斋肃竭诚。天下僧之受度礼部者两次，秋毫无所取。甚为其长胡公浚所重，有“学优行端，秉直不阿”之考，见者谓非溢美。景泰二年，秩满，升南吏部考功郎中，勤谨廉介如前，考劾黜陟，一秉至公。天顺二年，以末疾谢归。七年某月日卒，享年七十有一，葬里管监山之原。予

公敦孝友，慎交结，存心制行，一以不欺为本。年逾四十始仕。初以诗谒永嘉黄少保介庵，黄与语大奇之，为题梅花卷。正统间，介庵薨，奉命往祭，治葬事，即公也。嫉恶素严，见人不善，若将浼己，去而不之顾。取予一介不苟。居官二十馀祀，布素如寒士。殆所谓以清白遗子孙者欤！年既高，手不释卷，澄心玩味，凡异说

乱真者，必明辩而痛辟之。诗宗李、杜，多惊人语，临终犹为绝句百馀首示子孙。诗文若干卷，藏于家。卍

配李氏，封宜人，有贤行，与公同岁，寿康未艾。子二人，孙男六。一日其孤锡腔来告曰：“先人葬也久，惧无托以传，敢以状请。”予获交公久，最相知，遂不辞论次如右。卍

叶韦轩挽诗序

明繆恭守谦卍

天地有盈缩，阴阳有消长，人类有生死，理也。故虽以熏天之贵，旷世之才，不能以一日缓；以执鞭之微，守株之愚，不能以一日速。是贵贱贤愚，同一死耳，奚以哀为！不必哀而哀之，何居？昔者孔子哭馆人之丧，而为之一恸，而孟子亦曰：“哭死而哀，非为生者也。”然则孔、孟非欤？是不然。生死者理也，哀乐者情也。不以理之不可移，而没吾情之不容已，亘古以还，未之能改也。虽然，死一也，而君子与小人不同；哀一也，而儒者与俚俗不同。君子不以死而没其名，儒者不以哀而掩其文。名不可以苟存，而哀不可以妄塞。于是有谏、有状、有志、有铭、有哀词、有挽歌，皆所以文吾之哀、存彼之名也。卍

镜川叶公韦轩，年五十一而卒。卒且葬，其嗣子希蕴命母弟希珏，录公挽诗，得若干篇，属予为序，以遗其子孙，使知祖德之有考；而凡交游往来之义，亦因以附见焉。余无似而窃儒者之号，况尝与公诸子同学所谓会辅堂者，辱公之爱甚笃；仰公之德，哀公之不幸，惧公之名或泯，恨不得磨泰山之石而深刻之，诗序之作，其容后乎！卍

或曰：爱其人而哀其死，固圣贤之所重，哀而有诗，殆非古欤？余曰：事有不必修古，而以义起者，义苟尽，不害其为古也。若贾谊之吊屈原以赋，昌黎之祭田横以文，彼皆异世而相感，况生同时，处同里，过从往来，恩义相孚，休戚相维，如吾徒于韦轩公者乎！且名有时而泯也，情有时而尽也，哀有时而止也，其所以不泯、不

尽而不止者，不能不赖于文字之存也。文字有存，而其人又有可存之实，则吾徒之哀于是乎塞，而死者之心于是乎慰矣。噫！此又录诗者之志也！用序。丿

上慈懿皇太后山陵疏^{〔六六〕}

明黄孔昭定轩

臣闻：孝者，天地之经义；礼者，古今之准衡。人子欲致孝于亲而不以礼，非所以为孝也。故孔子曰：“生，事之以礼；死，葬之以礼，祭之以礼。”伏惟陛下受天成命，纘嗣丕图，以四海之尊养，极两宫之欢娱。臣已知陛下等汉、唐、宋而上之虞舜、周武，同一大孝、达孝之心也。丿

兹者慈懿皇太后崩逝，闻有敕旨，欲别卜葬地。既因内阁大臣陈言，命多官会议，复闻敕旨，谕以圣母皇太后之意，坚不可违。臣又知陛下孝固不衰于慈懿皇太后，特欲顺皇太后之心以为孝也。夫慈懿皇太后乃陛下之嫡母，虽不亲育圣躬，而抚慈保爱之恩，实同于所生。故先帝在御，宠眷特隆，盖以匹配人道之大端，正嫡天理之大序也。陛下为先帝之子，受先帝之托，正宜上体先帝之心，生而事之于一宫，死而葬之于一陵，祭之于一庙，斯于理为当，于孝为至矣。岂可以不忍违皇太后之心，而废天下之大礼，拂天下之公心哉！丿

陛下诚欲致隆于所生，则宜准宋仁宗葬李宸妃故事，于皇太后千秋万岁后，陪葬裕陵。此又圣人所以权乎礼者，固不可违礼以为孝，而为是亲疏隆杀也。如陛下以重违皇太后之命为不孝，而忍违先帝之心，独可以为孝乎？臣伏愿陛下亲谒圣母之前，号泣极谏，恳恻开陈，必欲上顺天道，下顺人心，远法帝王已往之迹，近答先帝在天之灵，即日奉慈懿皇太后梓宫同葬裕陵，奉神主祔祭英庙，则非惟臣等之福，实为天下之福，宗社万年之福也。如果再三谏而不从，则陛下当断

以大义，独举而行之。如告而娶，孝也，舜不告而娶，亦孝也。且今日之事，纲常所在，天下人心系焉，国家命脉关焉，陛下诚能断然行之，则不惟有以彰陛下之孝，而圣母之德，益昭于无穷矣。不然，则众论虽可抑，公心不可拂，天理不可违，而陛下享祀宗庙之日，亦何以对越先帝哉！今不决议，后虽有悔心，不可及矣。ㄱ

臣受命郎署，职非言官，但以天地大父母视之，则皆臣子也。臣子闻父母有大事，则远近大小，皆得号泣而言之，岂敢隐忍偷生，以为非其职而不言哉！于事之未然而不预言，使天下后世窃议于已往，则臣虽死无补矣。谨昧死上言，伏乞圣听，不胜恐惧之至。ㄱ

《交游别录》序

明黄孔昭ㄱ

景泰中，予在邑庠，所与交者陈君儒珍、张君存茂、王君希文、应君志顺、高君廷美、谢君世懋、世懋之从子鸣治、林君克宪、克宪之从弟一中，凡十人，皆于予为益友。ㄱ

既而予与一中领景泰丙子乡解，鸣治领天顺己卯乡解。庚辰，予第进士，官工部。甲申，鸣治第进士，官翰林。丙戌，一中亦第进士，官刑部，则成化三年也。于是予三人者，幸相与同朝，踪迹日益密，谊分日益深，居同志，行同道，门墙同里巷。公退无事，则或引壶觞，唱酬以自舒，如是者无间旬日。时或以事相违远，则惟离群索居之惧。凡所请益、所劝勉、所规戒，率皆于往来诗牍发之。如是者，先后十馀年如一日，虽家人妇子，亦皆知通有无、急患难，曾未尝以彼此尔汝而相纤芥也。予虽凉薄，而历工部以至今日，前后无显过，亦惟多二君之助。故吾乡称一时布衣交游之盛，必归予数人者；自前辈称宦途契好之真，亦必归予数人者。ㄱ

今年春，一中以推选得佥宪福建。予固喜吾道益有为而得专其施于一方也，而不能不眷眷焉者，夫岂私情哉！昔人谓江湖之忧，

一中以之，而其在朝廷者，吾二人盖未尝无焉。虽然，予所与交兹十人者，世懋已即世，儒珍、存茂、克宪尚淹庠序，希文、志顺以上舍生、乡进士相与家居，而廷美方入南雍，曾未数十年，而皆散落不常若是，而一中复夺于王命以去，予何能无介然于怀耶？^卍

因与鸣治取尝往来诗于一中者，凡若干首，序录之以遗一中，用识久要之谊。噫！后数十年试取而读之，吾十人又安知散者之不复聚，聚者之不复散？惟亲不比，疏不忘，穷不屈，达不骄，庶不忝于前闻人，而子孙亦得以世讲之不忤，不然，亦奚贵于斯录哉！^卍

与林一鶚侍郎书^{〔六七〕}

黄孔昭^卍

孟夏行次临清，闻阁下有秋卿之命，喜不能已。既到京，士大夫识与不识，莫不相庆，岂但为乡里荣，喜朝廷公道昭明，能得材为用也。然此乌足尽阁下哉！^卍

窃观古大臣文行器业，今少见其似者。兹欲于阁下之身亲见之，以昭我国家人才之盛，不使后人谓典籍所载为虚文。抑岂区区之私望也！^卍

素性固陋，乏知人之明，乃成谬举。此夙夜兢兢，反求诸心，不知所称者，高明何以教之！孔昭虽在铨署，持簿籍，核年资，听人奏请，固无与于用舍也。然立于大贾之旁，弗识物之贵贱，亦安所用我哉！且天下大矣，百司之众，不能人人身接，乌知其为贤否？亦遥采诸人言而已，而又乌必其言皆当哉！^卍

阁下身历名郡大藩，明鉴烛物，于夫所属及凡往来经接之人，必廉得其贤，以充药笼之需。其有滞而未用，用未充位者，宁不为称叹而咨嗟！度不肖不可与言则已，如可与言，谓非出位之求，则乞备疏其才之所宜大小以示，虽不能尽达诸廷，或庶几于万一，实阁下公天下之赐也，亦孔昭之分也。^{卍卍}

校注

- [一]倘 原文作“党”，通“倘”，今统作“倘”。ㄊ
- [二]测 原文作“恻”，据《三台文献录》卷一改。ㄊ
- [三]臣 原文脱，据《赤城论谏录》补。ㄊ
- [四]而 原文作“时”，据同上书改。ㄊ
- [五]之六年 原文脱，据《赤城后集》卷十九补。ㄊ
- [六]朝 原文脱，据《国语·楚语上》补。ㄊ
- [七]工 原文作“公”，据《赤城论谏录》改。ㄊ
- [八]庆善寺钟 此钟现藏台州市椒江区烈士陵园。
- [九]有 原文脱，据《台州金石录》卷十补。ㄊ
- [一〇]二 原文作“三”，据同上书改。ㄊ
- [一一]二 原文作“三”，据同上书改。ㄊ
- [一二]干造 “干”原文作“建”，据同上书改。ㄊ
- [一三]柞郁 “柞”原文作“作”，据同上书改。ㄊ
- [一四]尔 原文作“是”，据同上书改。ㄊ
- [一五]四天 “天”原文作“大”，据同上书改。ㄊ
- [一六]于 原文作“余”，据同上书改。ㄊ
- [一七]公 原文作“工”，据同上书改。ㄊ
- [一八]乃 原文作“仍”，据同上书改。ㄊ
- [一九]及 原文作“与”，据同上书改。ㄊ
- [二〇]郑大惠 “郑”字原脱，据同上书补。ㄊ
- [二一]为 原文脱，据同上书补。ㄊ
- [二二]铭 原文脱，据同上书补。ㄊ
- [二三]形 原文作“刑”，据同上书改。ㄊ
- [二四]大 原文作“太”，据同上书改。ㄊ
- [二五]供 原文作“俱”，据同上书改。ㄊ

- [二六]奉 原文作“奏”，据同上书改。ㄊ
- [二七]何 原文作“于”，据同上书改。ㄊ
- [二八]基 原文作“其”，据同上书改。
- [二九]多许 原文为“许多”，据1982年农业出版社《全芳备祖》影印本改。ㄊ
- [三〇]可 原文作“事”，据朱熹编《上蔡先生语录》改。ㄊ
- [三一]宣和中 原文倒作“宣中和”，今乙正。ㄊ
- [三二]日 原文作“日”，据《三台文献录》卷十四改。ㄊ
- [三三]者 原脱，据同上书补。ㄊ
- [三四]声 原文作“性”，据同上书改。ㄊ
- [三五]某也 原脱，据同上书补。ㄊ
- [三六]怜 原文作“邻”，据同上书改。ㄊ
- [三七]化 原文作“待”，据《三台文献录》卷十三改。ㄊ
- [三八]尤 原文作“邮”，通“尤”，今统作“尤”。ㄊ
- [三九]天亲 “亲”原文作“赋”，据《三台文献录》卷十三改。ㄊ
- [四〇]日 原脱，据同上书补。ㄊ
- [四一]若 原文作“溢”，据《赤城后集》卷三十三改。ㄊ
- [四二]首 原文作“手”，据《礼记·檀弓上》改。ㄊ
- [四三]谢泰 “泰”原文作“秦”，据《三台文献录》卷十三改。ㄊ
- [四四]诩 按《三台文献录》作“讳”。ㄊ
- [四五]闻 按《三台文献录》作“开”。ㄊ
- [四六]尤 按《赤城后集》作“又”。ㄊ
- [四七]此 原文脱，据《三台文献录》卷一补。ㄊ
- [四八]谷 原文作“贱”，据同上书改。ㄊ
- [四九]今 原文作“令”，据同上书改。ㄊ
- [五十]不 按《三台文献录》卷十四作“不能”。ㄊ

[五一]不问 “问”原文作“用”，下面“问”亦作“用”，据同上书改。ㄩ

[五二]璉 原误作“连”，今改。ㄩ

[五三]伯兄 按此处文甚多删节，《赤城后集》卷二十一此处原作“至公始从伯父参知政事宽夫迁黄岩”，因删去“至公”二字，文意变为系敏夫随宽夫迁黄岩，故“伯父”亦改为“伯兄”，不妥。ㄩ

[五四]焘 原文作“寿”，据同上书改。ㄩㄩ

[五五]科 原文作“料”，据同上书改。ㄩ

[五六]兰香山窃发海上 《嘉靖太平县志》卷七作“兰秀山盗窃发海上”。《赤城后集》无“盗”字。按：昌国（今定海）有兰秀山，“香”为“秀”之误，缺“盗”字语不通。ㄩ

[五七]孰 原文作“就”，据《赤城后集》卷十八改。ㄩ

[五八]具 原文作“其”，据《赤城后集》卷八改。ㄩ

[五九]源泳 按《赤城后集》作“源汞”，《民国台州府志》卷一一四葛氏传同。考源泳诸弟名皆从三点之水，则当以源泳为是。ㄩ

[六十]姊 按《赤城后集》作“侄”。ㄩㄩ

[六一]栲 原脱，据《赤城后集》卷二十五补。ㄩ

[六二]世 原脱，据同上书补。ㄩ

[六三]之 原脱，据同上书补。ㄩ

[六四]伦 原文作“论”，通“伦”，今统作“伦”。ㄩ

[六五]秩 原文作“帙”，据《三台文献录》卷九改。ㄩ

[六六]上慈懿皇太后山陵疏 王舟瑶校：“《定轩存稿》作《拟上慈懿皇太后山陵事》，则此疏盖拟而未上也。”按：此文转录自《定轩存稿》卷十。ㄩ

[六七]与林一鸷侍郎书 按本文转录自《三台文献录》卷十四，删节甚多，颇损文势。

嘉庆太平县志卷之十七

艺文志 四

内编下

《赤城新志》序

明谢铎方石

郡邑之有志，犹家之有谱，国之有史，不可一日缺焉者也。史缺，则无以昭宪章，垂鉴戒，谱缺，则无以叙彝伦，敦族属；志缺，则一郡一邑之典刑无以考，而文献不足征矣。有志世道者而不此之务，奚可哉！

虽然，昔人谓述作之难莫先于志。是志固不可以不作，而尤不可以妄作。不作则缺而已，缺，犹将有起而继之者。妄作则诬，诬则是非混淆，真伪错杂，虽有继者，亦将无以善其后矣。故与其妄也宁缺，而作者慎焉。后世虽良史若司马迁，君子犹谓其纪帝王世绪，以尧而下传四世之孙舜，以舜而上传四世之祖禹^{〔1〕}。虽善谱若欧阳子，君子犹谓其图庐陵世谱，自询至琮，馀二百年而为四世；自琮至观，仅百年而为十六世。噫！贤如二公，区区世次代绪之间，犹不能以无憾，则所谓述作之难者，亦乌得不慎，而苟焉以妄也哉！

吾郡《赤城志》创自宋国子司业笈窗陈公，未几，吴公子良辈继之。至元，乃有章嘉者，悉更其旧而名之曰《天台郡志》。当其时，已有觉其妄者，寻改而为《元统志》矣。然其书今皆不传，所传者

独篋窗志耳。自是以来，不惟代鲜作者，而并其旧所传者^{〔二〕}亦鲜或克见。成化庚子，郡守刘公忠始属教谕卢守仁踵为之，未就而刘以代去。越十年，马守岱至，更举以属于予，予^{〔三〕}属稿未半，而马复以免去，束其稿又五六年矣。丿

今郡守海陵陈公相至，以为更数百年之缺典，莫有继者，虽继，莫有廛其力以底于成者，乃于治政之暇，介监丞陈先生旅不鄙而复以属于予。是固有志世道，而不汲汲于簿书条格之间者矣。况予生长是邦，又安敢以不能之故，而故违郡侯之命也哉。因顾谓公曰：“篋窗之所创而传者，今固不可尚矣，是用存之以为旧志。若乃其不传者，盖亦有所不必传，姑复别为新志，以附篋窗之后，何如？”公与陈先生皆不以为不可，乃取旧稿删定之，为二十三卷，又凡几阅月而告成焉。丿

噫！后之视今，犹今之视昔，又宁知无如司马、欧阳之窃议其后者乎？议不议不敢知，然一郡之文献不可自我无所征，而太守公之意不可以虚辱，遂卒勉而为之，以俟诸他日。丿

论西北备边事宜状

明谢铎

臣愚，窃惟天下之事，有自其本而言者，有就其事而言者。自其本而言，虽若迂而实切；就其事而言，则若急而实泛。今日西北备边之状，所谓就其事而言者。然臣尝穷古今、极理势而论之，有其本而不见于事者有矣，未有为其事无其本而能终始无弊者也。且备边急务，莫先于审择形势。而形势之所以固，则实在于将帅之贤，士卒之锐。然所以任用其贤，蓄养其锐者，则又在于人君之一心，而辅之者宰臣也。谨按古义，辄敢以是为备边之本，而复详具其事于后：丿

臣惟中国之于荒服，衣冠、言语不同，得其地不足以赋税，得

其人不足以服役。故先王馭之之道，惟来则御战，去则守备而已，未尝穷追远讨，罢敝中国，为无益之图。然所以守而御之者，惟在于设险。亦必因夫天地自然之险，庶几为力易而其成功也不难。近观往事，宋之时，北有契丹之雄猛，西有元昊之桀黠，讲好纳币，特以曲为隐忍羈縻而已。今则东抵三韩，北出朵颜，西极哈密、吐番，莫不奉贡来朝，愿比侯服，曷尝闻其显有名号如彼者乎！宋之时，全燕之险既失于北，横山之险复失于西，养兵守境，特以力为支持撑拄而已。今则东而辽阳、山海，北而宣府、大同，西而宁夏、甘肃，莫不入我版图，屹为城干，曷尝闻雄据险阻如彼者乎！是荒服之从未有盛于今日者也，险阻之得亦未有过于今日者也。独河西一方，近失声援，伏为窟穴，是犹四肢无恙而一指不伸^{〔四〕}，岂足为吾病哉！然数年来，民疲兵困，卒未能攘遏成功，抑有说焉。予

且以形势而论，失淮甸则江不可守，失汉中则蜀不可守。天生大河，以为关辅之限，而受降、东胜，又大河之藩篱。失此则河固不可守，况又失河而退守延绥、榆林，千数百里之内，其何及哉？盖宁夏去受降不数百里，既失受降，则宁夏以东声援不通，而东胜不可守。大同去东胜亦不数百里，既失东胜，则大同以西策应绝远，而延绥、榆林不易守。况自延绥径榆林，以至宁夏，不下二千馀里，而列堡不过二十有三，马步军不过二万三千有奇。校之宋时西兵，盖不能二十分之一，而老羸半之。兵弱而寡如此，则虽狄青、种世衡为之将，韩琦、范仲淹为之帅，亦且无以为用，况万万不及者哉！是以往年寇掠如履无人之境，东则自孤山、柏林诸堡而入，中则自平夷、怀远诸堡而入，西则自靖边、清平诸堡而入，又西则宁塞诸处直抵金汤川，安边诸处自环庆、花马池抵固原，以至土门、塞门、山城、萌城诸处，莫非入寇之路，曾无可据之险。又况榆林以北，东西数千里，沙深水小，高不可城，深不可堑，于此控扼，实为至

难。朝廷久为搜套之策，直以馈运之艰，重劳民力，疑而未决。然往者劫营之举，传闻路道，则又不过老弱妇女、及掩击汉人以虚张冒赏而已。曾未闻既举之后，所以长久守御之计。是盖不惟徒激其怒，以坚彼复寇之心，使敌而有知，宁不反贻其笑乎！幸赖宗社之灵，近复北徙，无大猖獗。卍

及此无事之时，正宜蓄兵养锐，于大同、宁夏，以为东西之援，于是而渐图收复汉、唐故疆与国初东胜之地，据三受降城以极形势，兼修千八百墩以谨烽火，以河曲为室家而屯田，积谷于其中；以受降为门户，而耀兵振武于其外。敌小至，则彼此自卫，扼险设伏以待之；大至，则左右召援，坚壁清野以困之；又大至，则西发宁夏，东发大同，以至大河西南，皆我屯聚策援之所。以路道则大减于昔，以险阻则大过于昔。道路近，则我易于号召，而守御之力专；险阻多，则彼难于进退，而奔突之气阻。所谓守而必固，守其所不攻者，策之上也。不然，则严精锐，添筑墩堡，分布森列于前诸路之冲，而以重兵屯延绥、环庆、固原诸处，备策应声援，而伐敌谋，使彼欲侵掠吾，外则有追逐之虑，欲深入吾，内则有邀截之危，跋前疐后，方且进退畏缩之不暇，安敢自投死地以求无厌之利哉！所谓画地而守，敌不敢与我战者，乖其所之也。此则今日之必可行者，特在朝廷所以任用将帅、所以蓄养士卒者何如耳。孟子曰：“地利不如人和。”不然，则剑阁平地，长江坦途，亦安用近舍延绥、榆林，而必取受降、东胜之为险哉！卍

盖将帅者，三军之司命，择之不可以不精，任之不可以不专，驭之不可以无法。昔汉宣帝欲伐西羌，必使丙吉问赵充国，而后用以为将。宋仁宗欲用夏守赉为枢密使，富弼力谏其不可。盖选用将帅，必询谋宰臣，以大合天下之公论。此国之体，亦事之宜也。不然，一人之耳目有限，岂能保其无所偏听、误惑，以祸人国家者哉！

输钱谐价，交结保明，若晚唐之债帅，殷鉴不远，甚可畏也。如是而择将可乎？李牧为将军，市之租悉听其用，以享士卒。狄青南征，贵近之党相闻骇愕，不敢从行。盖阃外之权，惟其所制，虽天子之私人，亦不得而挠之也。不然左监右督，甲可乙否，恶能望其坚志独力，以为国家之用哉！邛山之战，河怀陷没，虽李光弼之贤，亦不能以成功，甚可恨也。如是而任将可乎？王全斌在蜀，至撤^[五]貂帽以赐之；曹彬既平江南，犹惜一使相而不与。古之驭将虽未尝不以恩，而亦无所滥也。恩滥则虽欲怀之，不可得矣。今则边事如故，而先后从事之臣，贪冒攀缘，已跻极品，可复制乎？城濮之战，杀子玉而争霸[六]；江汉高平之役，斩樊爱能而威振关南。古之驭将，虽不专以威，而实未尝褻也。威褻，则虽欲惧之，亦不可得矣。今则诛罚不闻，而犹得以高爵厚禄，偃蹇退托矣，欲坐享以终身，可复禁乎？^卍

夫所谓将帅者如此，则其于士卒可知矣。昔吴起为将，与士卒最下者同服食，病则为之吮其疽；窦婴为将，陈所赐金于檐下，听军吏量取以为用；此则恩足以结其欢心者也。今则战没者士卒，而名数不闻于朝廷；克捷者士卒，而功赏悉归于权势。甚至粮有克减之暴，月有办纳之需，怨心忿气，充塞胸腹，况得而使之乎！吕蒙出师，卒有取民一笠者，即斩以徇；张仁愿御寇，卒敢回首望城者必斩不宥，此则威足以制其死命者也。今则边民不畏寇虏，而畏官军。官军但闻增级之赏，而不闻退缩之诛，甚至袭杀无辜，淫虐良善，骄心情气，凝满眉目，况得而用之乎！^卍

习山川之利，怀骨肉之恋，耐寒好勇，陕西之土兵可用也。今则始而召募，终而调补，非其愿矣。为方田、立马社，厚以招赘，如曹玮者何人？无久戍之苦，有安土之便，轻险狎战，山西之民壮可使也。今则始许为民，终永为军，失其信矣。营建田、射银的，

优以恩赏，如种世衡者何人？强虏在外，仓卒御战，金城犹可屯也。十七在田，十三在堡，今独不可以此而省馈运乎？寇敌在前，艰难讨伐，渭滨犹可屯也。无事则耕，有警则战，今独不可以此而纾漕挽乎？然而饶沃或兼并于豪强，荒瘠或困乏于牛种，耕敛或夺于私差，输纳或胁于包揽。卫所有屯田之官，而因以侵渔；按察有屯田之使，而全为姑息。于是屯田之政为虚文、为故事，而兵食益困矣。虽然，避三门之险，以泝河入渭，漕运之迹可寻也；酌古准今，继耀卿故智者谁乎？转襄汉之漕，由南阳入武关，陆运之路可通也；因势相宜，举欧阳遗策者谁乎？今而鞏金驼帛，日涌月增，止以输关中之粟，斗出斛入，阳禁阴取，不能无耗外之科，甚至先期预征，急如火风。方面有司，但知军需之重，而不知有民；但知部令之严，而不知有民。因而掊克者有矣，何望其畏遏匈奴，如郭伋之在渔阳；苟且交代者有矣，何望其击破寇虏，如张堪之在高柳。有榷盐以为永利，所以为兵也，然盐率卖窝以侵利于商贾，而公家不享其实。有鬻爵以为权宜，亦所以为兵也，然爵或虚授以取媚于权豪，而公家徒滥其名。竭民之脂膏以养兵，而兵未尝饱；涂兵之肝脑以卫民，而民未尝安。法立弊生，根连蠹结，凡此皆非敌之能敝我，我自敝耳。予

然犹未也，闻有以交易茶马而贼杀其人者矣，宁不启争衅之端？闻有因贡赐入境而掠换其马者矣，宁不重纳侮之隙？武夫俗流，出疆抚谕，何以尊中国之体？顽狡白丁，重译接伴，何以通外域之情？在彼叛服之由，盖亦有激于此，不可以不慎者。凡今之事，率皆类是，臣欲遍举以陈，顾其序有未及者。兹欲通前之弊一洗而去之，羸弱之人，百骸九窍，无一毫一发而不受病，虽有卢扁、华佗之神丹妙剂，欲一一而救之，亦无著手处矣，独调养元气，以壮吾心腹之本，然后煎肠涤胃，以大收瞑眩之效，则病根不期去而自去，病势不期安而自安。然此岂他人所能预哉，实圣心一转移之间耳。予

陛下诚如《书》所谓“无怠无荒”者。以敬守此心，悖德允元，而难任人者；以慎用此心，而又使宿德大人得以朝夕辅导启沃于其侧，如孟子所谓格君者，则圣心无不正矣。圣心既正，必能奋厉如雷霆，明照如日月，不惑异端，不溺他好；纲纪必立，赏罚必信；征敛以艺，费出以经；罢庙塔之奉，绝恩幸之滥；杜私门之蠹，省坐食之冗；以大宽边税，以大足边储。凡所以任用将帅，蓄养士卒，设施注措于关徼边境之间者，皆周详精密，如在室堂之上。夫如是则所谓不战屈人之兵，而守在四夷者也。不必系单于之颈，饮月氏之头，而来王率服之不暇，尚何虬加思兰、李罗忽之足患哉！

凡此，皆世所谓迂腐之谈，臣虽至愚，周思极虑，所以御戎之道，必可行之永久而无弊者，实莫过此。若乃相视形势，据险设奇，临机制变，虽充国老将，犹以为兵难逾度，臣貌图臆说，岂敢自谓其必然，而望其必可行哉！臣愚不识忌讳，不胜犬马倦倦，万一便殿宴间，少赐睿览，非臣一人之幸，实天下万世之幸也。卍

太平县乡贤祠记

明谢铎

太平，台黄岩故南壤也，成化庚寅，今兵部侍郎阮公勤守台，始分为太平。邑小，力不足，甫营县治，学之制未备也。令尹今御史袁君道至，进诸生谓之曰：“学则孔、孟尚矣。然居是邦，语其风声气习之近，则所谓乡先生者，可不知其人哉！矧其人上师圣贤，盖尝廛一世以为心矣。吾后之人，而不知所以尊崇之、尸祝之，可乎？”遂即学之左建为祠，取黄岩所尝得祀者祀焉，曰泉溪先生戴公、曰圣泉先生盛公。而又益以方岩先生王公、台南先生郭公、静学先生王公、拙讷先生叶公，则故秋卿林公鹗、今通政黄君孔昭合吾一乡士论之公而为之也。未几，袁以忧去，更代者，祠毁于风雨弗克治。于是教谕黄君缙顾而叹曰：“是吾责也。”遂节缩其学之羨，

谋诸二尹范君亮，葺门之两翼，以其右祠诸先生，其左则六经、子、史与诸先生之遗籍皆在焉。嗟呼！自有天地，即有此山川；有山川，即有此民物。吾台历唐虞三代，以至于汉而始入中国，历汉、三国、六朝，至宋而人才始出，于是始推三老、六贤以列于学官。至于今日，如太平六先生之祠可数也。卍

夫自有吾台，以至今日，不知几千百载，其间芴芴而生，泯泯而死者不暇论，论其乘时富贵，起而为君长、为将相者，不知其几，固亦雄视一世，谓足传之无穷矣。今吾人之所尊崇而尸祝之者，乃在此而不在彼。於乎！士之生于斯而游于斯者，盖亦知所慕乎？慕而不止，若沿河以至海，虽孔、孟之道，亦于是乎阶矣。《周礼》：“大司乐掌成均之法，以治建国之学政，合国之子弟，使凡有道、有德者教焉。死则以为乐祖，而祀于瞽宗。”《祭义》亦曰“祀先贤于西学”，凡以此也。六先生之风节、勋业、行谊、文章，盖皆本之道德，而不失所谓先贤者，史牒可覆视也。教谕君又欲著其概以示诸生，以风厉邦人，因各摭其实，赞之如左，俾来者得以考焉。卍

方岩屹屹，上薄于天，郁为正气，异人出焉。谈笑功名，慷慨风节，壮哉我公，王国之杰。既踏大奸，亦扫群邪，根极究竟，治本乱阶。天子改容，儉谗侧目，公心不二，公去何辱。载蹶而起，凜然高风，嗟嗟左史，人中之龙。王公居安卍

景定何时，安坐以戏？敌之方张，如火必炽。谁其忧国？永命祈天，我公拜疏，涕泗涟涟。惟公之学，最深者《礼》，远淑诸人，曰吴澄氏。峨峨孔庙，俎豆以陈，公心不愧，夷夏君臣。泉溪之南，其流湜湜，逝者如斯，君子之泽。戴公良齐卍

宋学之盛，实陋于元，公生宋季，亦闯其藩。世远日亡，公学益弛，杳不可闻，言论风旨。玉峰、寿云，师友渊源，究公之学，此其大端。七十之徒，从圣以祀，祀公于乡，敢告学子。盛公圣泉卍

我台之学，考亭是宗，孰知而见，曰正肃公。公后百年，实奋以嗣，家学之深，有源有委。愤世道降，力起而更，饶阳之政，兆足以行。泽止而卑，曷以天下，於乎先生，台南兀者！郭公饶阳尹

武王放伐，微子以归，千载而下，孰敢是非。特立独行，惟孤竹子，不惑众见，百世以俟。岂乏周粟，食薇乃甘，我饿以死，惟义之耽。昌黎有颂，特笔莫继，我再拜公，痛哭流涕。王公叔英尹

斯学之大，体用二者，穷善其身，达则天下。悠悠九州，我怀我人，谁哉利物，忘己之贫。嗟公此心，穷力所至，彼何人斯，而在高位。公拙以讷，公质近仁，公学不愧，饶阳之门。叶公黼尹

《南村^[七]辍耕录》后序

明林克贤抑斋尹

成周职方氏掌天下之图，而小史、外史实领外国四方之志；大师氏掌六诗，而观风使往采列国之风。图以著地理，雄都巨邑、佳山胜水、废宫故苑、山花江草，皆所视履也。风以验治忽，休声仁闻、颓纲弊政、忠臣孝子、异端正学，皆在纪载也。自夫苍姬迄录，史失其职，而四方鄙野之事、闾巷之谣，不登于国史。于是稗官小说、野史异闻、诸子百氏之书，出于羈穷畎亩寄怀寂寞者之为，若段成式《酉阳杂俎》、洪迈《夷坚志》、岳珂《程史》之类是已。尹

吾乡有陶九成先生，博学工文辞，宏肆充硕，尘虑消歇，飘然有超世之心。当前元板荡，越土驿骚，先生洁身避难，穷居野处，尝操觚远游，历南北大河之交，而流寓于吴淞。足迹半天下，观山川之形胜，封域之离合，古今之遗迹，风气之变通，世道之污隆，文献之缺失，与凡丘陵坟垅、台池寺塔、残碑断碣、荒烟野磷、鬼魅巫覡之墟，无所不至。至则探幽吊古，徘徊怅望，随所见闻，辄为纪述。积累既富，汇为若干卷，题曰《南村辍耕录》。其感时触物，缘情寓言，可以验风俗之盛衰，见政治之得失，多有关于世教，

非徒资学士大夫之口舌而已。是录也，其古四方之志，列国之风之馀意欤！惜乎去古已远，太史蔑闻。尚幸吾徒之好事者，嘉其编摩岁月之劳，尽夫人情物理之妙，竞相传录以流布于人人。传写不一，讹谬渐多，求其善本，盖罕见也。予

某从兄少司寇从故家宦族得是录，公馀亲自雠校，精书以藏。天顺己卯述职北上，间示所知，今都御史张公，亦模写一本。明年，公至东广，行濂泉书院，将梓行以广其传，此方多事，未能速成。乃今承简命抚全闽，而是刻毕工，摹印寓至。距今十有六年，书始成，以终吾兄之志，则斯文显晦，亦有事机之会，非偶然也。公以兄契家，进某立庭下，俾序其所以，於乎，某岂敢！予

上分县封事

明林克贤予

臣闻善为治者，不忍劳民以纷更也。秦、汉变封建为郡邑，废侯卫为守宰，唐、宋因而行之。国用资于是，军旅出于于是，赋税徭役均于是。規制既定，其间郡邑废兴成败，则系乎人。惟圣人在上，任贤使能，为之兴利而除害耳。我国家法古为治，宰制六合，若臂动指随，丝牵绳联，画野分州，钤辖控据，自有深意。后人非出于不得已，不敢以偏见而分裂之也。

且如台州一郡，属邑有五，地滨山海。其天台、仙居二县，四面多山，临海、黄岩、宁海三县，西北依山，东南遵海。乃于海边一带，设松门等卫、隘顽等所，以保障居民，肃清海道。其间分画地界，犬牙相制，故临海东南宜于黄岩者，割之使隶黄岩，而临海不得有；乐清东南密迩黄岩者，分之使隶乐清，而黄岩不得兼。以见彼此交辖，有无相资，立法至为精密。而桑麻渔盐之利，生生无穷，其民务本而力作，不待刑赏，帖然从风。当时有“闾阎兴礼让，圉圉长榛芜”之谣。惟黄岩在元元贞间，以户口滋多升为州，后为徭役所困，人

民消耗，高皇帝平定天下，洪武二年始复为县。彼时尚有八百馀图，使斯民按籍当差，上下相安，沐浴膏泽，百年于兹。户

宣德、正统间，版图、户口较前虽稍减耗，长吏抚字有方，民尚安堵。景泰来，户口日益消耗，版籍屡至裁减，徭役赋税盖自若也。又乘以官吏不恤其疾苦，察其是非，惟掊克剥削是务，民故相争而兴讼也，岂得已哉。连年旱涝相仍，斗米百钱，小民有日中昃而不得一餐者。臣生长是邦，目击耳闻，日夜隐痛，欲拯之而无方。侧闻台州府知府阮勤，奏以黄岩分为二县，为弭讼之计，下布、按二司勘，欲从之。臣恐抱薪救火，舍症求药，民愈病而困苦矣。以困苦之邑而分为二，如人之残其肢体，岂复为人乎？如家之破其财产，岂复为家乎！

臣窃谓黄岩之不可分者有五：版籍止有一百四十二图，每图人户皆不满千，较之南直隶、江西等大县，或七八百图，或四五百图者，相去倍蓰也。秋粮、夏税，并户口盐粮，通共六万二千三百有零，比之苏、松等府，常熟等县，或数百万、或数十万者，相去什佰也。中间兼有产去税存者，有司一概追征，及为豪右吞并，却又不为辨理，民不聊生，辄相逃窜。臣每见十年一度造册之时，户口有减无增，而军需庶务，日见催督，经年累月，不得完足者，小民穷迫故也。以穷迫之人民，应一县之庶务，犹为不给；若使当二县徭役，其为丛脞，何可胜患！此黄岩不可分者一也。户

且西乡一带接永嘉，南乡一带抵松门卫，自山至海约有二百馀里，溪壑浦溆半之，计其民居耕凿去处，方圆不满百里。西乡之民朴而野，其利在桑麻，南乡之民秀而文，其利在田渔。故上之人必使杂处州会，相观为善，相资为养，朴野不及者，欲其变而文，靡丽好侈者，欲其变而俭，远近结为婚姻，彼此贸迁有无，民甚便之。今一旦将西乡之民隶黄岩，而以南乡另立一县，殊失教养之意。此黄岩不可分

者二也。卍

方今海宇乂宁，人民畏威怀德，耕食凿饮，在在有之。但近年来，为民牧者罔知大体，不恤民隐，务于集事者，以掊克为意，急于便利者，以贪墨为心。故民怨于下，辄刑驱而势迫之，至其不服，乃归罪地方。殊不知天下至大也，能推恩足以保四海；门庭至近也，使人不以道，不能行于妻子。使无良吏，虽分十州县，不可以治，岂系地方之广狭哉！此黄岩之不可分者三也。卍

且地方不满百里，为图不过一百四十，为都止六十以上。若割而分之，其户口得二分之一，如生员吏胥之徒，蠲去徭役者又多，其余责^{〔八〕}以应役，农不暇于耒耜，商不暇于舟车，田园就荒，衣食艰窘愈甚矣。中间有等愚民，溺于目前近利，不为经久大计，为生员者，利于岁贡之便，为里胥者，利于道途之近，又有市井无赖之辈，利于书狱写状以营生，故展转动摇群议。万一得遂，蠹政何如？此黄岩不可分者四也。卍

原隰沃野，东西相距，农桑之利，可给衣食。非如青田等县僻在山壑，民皆岩居而涧处，地瘠民贫，或缺衣食，则相聚为盗，采取银矿。景泰间，以民顽地旷，将青田、丽水另设几县以镇服之，盖亦不得已也。今大家世族安土乐业，而小民苦于荡析离居。况分县大事，土木之兴，工役之费，皆出于民，非天降而地涌也。连年追征钱粮，分豁庶务，才得苏息，兼兹饥馑之秋，加以纷更之事，爰念斯民者，宁忍为此乎！复恐此县一分，则江南诸县，有甚大于此者，其喜事好名之人，皆欲援例更张，其为害又博矣。此黄岩不可分者五也。卍

臣观汉光武建武六年六月诏曰：“夫张官置吏，所以为民也。今户口耗少，而县官吏职所置尚繁，令司吏、州牧，各实所部。”二府于是条奏并省四百馀县，天下至治。又观《西京图经》，唐会昌中，

河南府有户一十九万四千七百馀，置二十县。至宋庆历间，户口耗少，而置县如旧。若偃师等县，堪役者不过百家，而所供役之人不下二百数，新旧循环，非鰥寡孤独，不能无役。西洛之民，最为穷困，范仲淹请依后汉故事，遣使先往西京，并省诸邑为十县。其在邑中役人却可减省归农，职官厅可给本城兵士十人，其乡村耆保，亦令并合，减役十馀户。但少徭役，人自耕作，可期富庶。今黄岩户口渐耗，徭役愈繁，有司乃欲分县以劳民，全与仲淹意不合。昔鲁人为长府，闵子骞曰：“仍旧贯如之何？何必改作。”孔子称其言之中理。夫改作长府，一事之微，当时以为劳民伤财，今无故而欲分立一县，劳扰匪轻。

此事一闻，不惟臣心忧惶，凡黄岩之民有事于京师者，莫不骇愕惊叹，如有所失。臣不敢坐视，谨披肝沥胆，恳切陈言，伏望陛下少赐详览，察臣所论利害较然，乞敕该部，罢其纷更，以纾民力，则臣与子孙臣庶、羽毛动植咸沐圣泽，无有穷已。为此具本亲赍，谨奏闻。

樵隐记

明蔡恕

邑南行四十里，有山曰丹崖，钟君季寅据其胜。以君出入林谷，夷犹泉石，飘飘然复出尘表，视薄物细故，若将浼焉者。宣德四载八月，有客拉余访君林中。列石以坐，斟泉以饮，论古今，语道理，亶亶不倦。既而请曰：“走居山中，无所事事，以樵为业，因号樵隐，幸一言以记之。”客曰：“或者谓是山有神仙炼丹处，子必得其术，而欲韬晦以颐其妙，将托是以自秘也。樵云乎哉？”曰：“神仙，妖妄之语，吾弗知也。知，吾勿为也。如荆榛之不材者，吾乃薪之、樵之；如梧檟之可材者，吾乃修之、平之。翳则屏之，灌则剔之，俾材者各遂其生，而敷荣茂达；否者伐之，俾不得其萌蘖之生焉。从事于斯，

惟日不足，奚暇他求耶。”

余仰而叹曰：“山有荆榛之可去，心独无荆榛之可去乎？山有梧櫟之可养，心独无梧櫟之可养乎？致其薪樵之力，极其修平之功，外以樵乎山，内以治乎心，其殆庶几乎。噫！岂惟心哉，为国家者亦惟材是用，不材是去耳。”客曰：“君反而求之，得治心之要，推而达之，得治国之道。非所谓材者耶？人之生斯世，犹木之产于地，顾养之何如耳。木成材，可以构宫室而奠民居；人有材，可以赞庙廊而遂民生，理岂二乎哉？吾将语当路而进之。”君乃拂然摄衣，历巉岩以上，曰：“恶知予哉！恶知予哉！”顷之，但闻歌声出树杪，与松风相答，杳不知其所之也。予与客抚然若有失。越数日，复会于林下，遂书其畴昔相与语者，为《樵隐记》。ㄱ

校刻《玉海》跋

明戴镛ㄱ

右《玉海》凡二百四卷，合五千板，岁久漫漶残缺，观者病焉。镛董修群籍，次第及是，补遗易腐，新刻总四百三十五板，庶完其旧。将欲尽葺诸史，第无善本，校讎亦未暇及也。噫！务大者不靳小费，图远者不惜暂劳，推此而引伸之，世可以无废事矣，于诸书何有哉！姑识此以俟。正德二年春二月望日。ㄱ

《玉海》宋王伯厚著。元至正间，浙东宣慰都元帅也乞里不花征费于郡县刊行，惟明南雍有其板。ㄱ

牧说

明戴豪师文

往予居山泽，见东村主人畜羊且万计，其牧者甚谨。朝露既晞，即驱群羊以出，就善水草而牧焉，既饱且适。日未暮，复驱之归，群羊前走，牧者操尺箠从之，远近、疾徐惟命。不幸有病者，即屏诸他所，俾其群勿近。故其羊日以肥息，家日以裕。主人召牧者，多予之直，且劳之曰：“若善视吾羊，用裕吾家，吾持^{〔九〕}是为若酬。”

牧者安受之，主人亦无德色。又见西村主人，其初畜羊与东村埒，其牧者怠不事事。日且午始出羊于阡，群趋水草如不及，狂奔四逸，辄怒而鞭之，鞭愈急，走愈乱且踣。其既病也，混一阡以居，多染死者。故其羊日耗，家日落。主人诟曰：“若徒受吾直，乃大耗吾羊，即不去若，且败吾家。”叱遣之。𠂔

予叹曰：岂惟羊也，吾观牧人者亦若此而已矣。古人称养人者为牧，虞有十二牧，周有九牧。我朝稽古建官，分天下为十三布政司，各置使以领之，其意犹古也。下此郡有守，县有令，皆有牧之责者。今之守、令，为西村之牧者相望也，非直不遭斥遣而已，顾多取直且受劳，彼且自以为得计。呜呼！吾人之生理，几何其不日以^[-○]耗，而国家之元气，几何其不日以朘削也哉！𠂔

黄岩王君景昭，以丁未进士出知霍邱县，其同年蔡君从善、卢君希哲属予以言，予特作《牧说》以赠之。景昭将为东村之牧者乎，抑为西村之牧者乎？请景昭自择，且自勉须进而为虞周之牧可也。𠂔

游平坡寺记摘录

明戴豪𠂔

明日晓起，日色射窗牖，如推火轮，团团渐高。东望欲穷扶桑，神爽飞越，尘虑尽空。即盥栉。伦师出揖，古直索楮笔，书夜来联句。早饷已，遂循山麓左折而行，盘旋丛木间，度一石墙，跨山高可四尺，稍前路渐夷，抵一小寺，意其中无他异，径趋去，仆马已在溪上立候矣。豪与存敬骑，古直步，仆夫牵一蹇从之。行一里所，路稍峻，两人亦舍马徐步，抵平坡寺。𠂔

寺负山，拾级而登，下临无地。诸山皆奇丽，独此最尊，如大将端坐，甲士拥旌持戟，环侍左右，森然有不可犯之色。寺楼突兀，与山争雄。主僧震师雅与古直好，延入一室，具茗饮。古直谓豪：“寺有大小青龙，蜿蜒如蛇，与人甚狎。”欲索观之，师给以宜积诚，

否且不见。问其所以，荒唐不可考。特殿侧有龙王祠，云祷雨辄应。俄报有中官至者，鼓军乐，声撼林木。震师出迎，呼一老僧视午饷。顷之，中官去，震师复延坐，出蔗藕侑谈，予三人各赋一诗为赠。日稍西乃归。丿

时凉飙载路，下山如飞。四顾深翠中，如蓬莱仙岛，可望而不可即。嗟乎！豪官京师且三载，虽西山旦夕在望，卒碌碌未暇游。兹游也，又限以二日，恨未能尽抉其秘。然人之情，取适而止。若晋谢康乐伐山开道，登陟险峻，未免为物役耳。矧兹山自开辟以来已有之，召公国于燕，正在封内。上下数千年，以界在北边，游者罕至。历辽、金、元，虽为都会，不幸沦于外壤。迨至我朝，即此定都，遂为中国衣冠之所萃，名人胜士，登览无虚日。未知后数千年，其姓名能与兹山长存者谁也？固将惕然以惧，而敢留连光景，徒为物役，卒之与草木同腐，以贻兹山之羞也哉！丿

既归后数日，复念兹游亦一时之适，不宜无记，乃追为之记。自出城暨归，得诗若干首。古直善草书，不减怀素，向留题山中，皆其笔云。丿

赵约斋行状

明戴特丿

赵约斋君，讳元缪，字廷贡。石晋时，祖征明避乱，肇基塙上，传六世林成，宋国子司业；传十世文藻，登进士。大父明敞，蜚声腾茂。考惟恢，志气英凛。母万氏，产伟人七，先生其最少者也。丿

少嗜学，喜与方正儒绅伍。比长，涉猎书史，圣贤奥义，靡不撷其芳润。遂构万卷阁以藏书，沈湎其间，以书自娱。复谓仲氏白云曰：“书岂在有多，以致用为贵。书不能读，读不能用，奚取万卷哉！”白云公以诗答曰：“老我年来人所弃，赖渠勉力继前芳。”先生笃学，不欲小就，故绝意进取。始与谢逸老、陈敬所诸先生赋诗赓和，有《东

园诗稿》垂于后。行年七十有五，以正毙。距生之年则景泰，卒则弘治也。尹

先生明敏而峭厉，和顺而练达，家声借以振起。处一本同气之间，孝敬兼隆，遇宗党乡间，拳拳恳恳。甚至贫无告者，捐资以恤，死无资者，出币以赙。雅意崑石，不涉城府，别筑东园草庐以卒岁，且歌咏之，真以闲旷自怡者乎！后先邑大夫访白云公毕，即登门伏谒，询先生以治道，更礼重而师尊之。其行事到今可仰如此。配安人戴氏，绰有内政；继方氏，庄恭谨饬，佐夫子无失德。子四：沆、濡、洽、法。特婿其门，奉教于先生甚溥。尹

濡等虑先德之未阐也，征特为之状，可虚负其殷殷来请心乎？遂综其初终行践以为状云。

请加恤典并开学禁以昭圣德疏^{〔一〕} 明黄绾久庵尹

忠臣事君，义不苟同；君子立身，道无阿比。臣昔为都事，今少保桂萼时为举人，臣取其大节，与之交友。及臣为南京都察院经历，见大礼不明，相与论列，从此二十馀年，始终无间。始臣荐新建伯王守仁堪以柄用，萼与守仁不合，因不谓然。小人乘间构隙，然臣终不以此废萼平生也。但臣于事君之义、师友之道，则有不得不明者。夫臣之所以深知守仁者，以其功与学耳。然功高而人忌，学古而人不识，此守仁之所以不容于世也。尹

盖守仁之大功有四：其一，宸濠不轨，谋非一日，内臣如魏彬等，嬖幸如钱宁、江彬等，文臣如陆完等，为之内应，镇守如毕真、刘朗等，为之外应，故当时中外诸臣，多怀观望，若非守仁忠义自许，不顾赤族之祸，身任讨贼之事，则天下安危未可知矣。今乃皆以为伍文定功，是轻发纵而重走狗也。其二，大帽、茶寮、浣头、桶冈诸贼寨，势连四省，积兵累岁，守仁临镇，次第底定。其三，田州、

思恩构衅有年，事不得息，民不得安，故起守仁以往，使卢、王之徒，崩角来降，感泣受杖，遂平一方之难。其四，自来八寨为两广腹心之疾，其间守戍官军与贼为党，莫可奈何，守仁假永顺狼兵，卢、王降卒，袭而灭之，遂去两广无穷之害。夫守仁所立战功，皆除大患，卒又以死勤事，而宁可泯灭之乎！^卅

其学之大要有三：一曰致良知。“致知”出于孔子，而“良知”出于孟轲，何可异也？二曰亲民。盖《大学》旧本所谓亲民者，即百姓不亲之亲，凡亲贤乐利与民同其好恶，而为絜矩之道者是也，亦非创为之说也。三曰知行合一。盖亦《大易》所谓知至至之，知终终之，只一事也。守仁发此，欲人言行相顾，勿事空言。是守仁之学弗诡于圣，弗畔乎道，乃孔门之正传也，而庸可非訾之乎！^卅

今萼以此诋守仁，遂令陛下失此良弼，使守仁不获致君尧舜，谁之过欤？故臣不敢以此为萼是也。夫以守仁之学之正如此，其功之高又如此，乃旌赏不及，削罚有加，废褒忠之典，创伪学之禁，萼之所以辅明主者为何如哉？^卅

今守仁客死，妻子孱弱，家童载骨藁埋空山，鬼神有知，当为恻然，臣实不忍见圣明之世，有此事也。假使守仁生于异世，陛下犹当追崇，况在今日哉！臣昔与守仁友二十年，一日愤寡过之未能，守仁从而觉之，若有深省，遂师事之。是臣于守仁，实非苟然相信，如世俗师友比也。臣于君父之前，处师友之间，既有所怀，不敢不尽。昔萼为小人所谗，臣为之愤；既而得白，臣为之喜，固非臣之私也。今守仁之抱冤，亦犹萼之负屈。伏愿扩一视之仁，特敕所司，优以恤典、赠谥，仍与世袭，并开学禁，以昭圣德。若此事不明，则萼之与臣，终不能以自忘，故臣敢直言如此，所以尽事陛下之忠，且以补萼之过也。^卅

治河理漕议

明黄绶升

夫漕河日塞，黄河益患。但黄河源流盛大，一时不见淤塞之迹，人皆玩之，以为无事。殊不知彭城皆^{〔一〕}山，吕梁三洪，实皆山峡，形势易阻。兼之黄河多泥，为塞尤易，日塞日高，一旦黄河不流，则漕河自清河口至济宁，几千馀里皆为平陆。当此之时，将为开浚，则为费无纪，民力实有不堪；将欲坐视，国赋命脉系于漕舟，一岁不至，京师告急。为今计之，将何卒^{〔一三〕}善？升

夫物必有本，害必有端。今但知黄河为患，而不知其所以患；漕河为利，而不知其所以利，虽有神禹，亦无如之何。且黄河为患，不甚于三代之前，而甚于秦汉之后。何哉？盖三代行井田之制，井田之间必有沟洫，沟洫之水必引源泉以足之。故泾、渭、漆、沮、伊、洛、灋、涧、衡、漳^{〔一四〕}、恒、卫、澧、汭、荣、洹、汾、沈，皆分于雍、豫、荆、冀平野沟洫之间，则水之入河者少，河势自弱，故黄河冲决之患，不在三代之前。自商鞅开阡陌，李悝尽地力^{〔一五〕}，井田既废，沟洫俱堙，故泾、渭、伊、洛诸水皆归于河。水之入河者众，河势自^{〔一六〕}盛，故黄河冲决之患特甚于秦汉之后。况自秦汉以来，通渠开漕，皆在河南高原之上，以致黄河不复由河间地中之故道，遂失禹迹润下之性。犹以盘盂盛水，置诸几案，几案略摇则水溢堂陛，乃其所也。然又不求其故，惟筑堤防以捍之。是故堤防稍决，则瞬息之顷，数千里之内，室庐漂荡，黔黎皆为鱼鳖。且堤防之费，岁无休息，生灵垫溺，百年凡几。自秦汉迄今，为害可胜言哉！升

今欲息数千里之巨患，以成当今之急务，则莫若师沟洫之意，求分水之端。于雍、豫、梁、冀之间，因地势高下之可见，沟渠陂沼旧迹之或存，即其源泉，略加疏引、堤防之工，使之各归其处，则黄河之势自弱，然后导之北流，复禹旧迹，使行地中，以顺其性，

则冲决之患自消，生民之害可除。且今天下之土，北方肥厚，实过江南。惟水失潴蓄，土皆枯燥，故生植稀疏，反有不及。昔唐虞三代之时，江南诸路皆未入版图，军国常赋之需，稻粱重稼之产，皆北方自足。若使水利复兴，则生植必多，财赋之充，又奚假于江南哉！且今北方盗贼纵横，亦由无水之故，使沟洫足以阻隔，则驰逐必难。一举而数利并兴，亦何惮而不为也？人皆未之思耳。尹

今日漕河源出山东。山东之水已足漕用，但失潴蓄之方，故潦则漂荡以伤农，旱则枯涸以病漕。何哉？盖巨野为东国之浸，乃沅、济冲聚之区，亦山东诸泉潴蓄之所。今之漕河，因元之旧，置诸济宁高原之上，南北分下，常如高屋建筑，只赖诸闸节缩，仅足浮舟。设或一旦少有风尘，诸闸不守，则漕河已绝，为虑可胜言哉！尹

今欲为国家经久之计，及舒目前漕河淤塞之急，惟有蓄水一策，庶几为力易成，缓急足济。且南旺、昭阳、安山诸湖，皆居漕河之上，旧称水柜。今堤防俱废，或开浚非宜，反为黄河所塞，积水甚少。宁阳为诸泉出没之所，实漕河之源。今不为陂障潴蓄，但以其流导归一沟，至于分水入于漕河，南北奔流，日夕不息，故沟水仅见一线陂障，常忧枯竭。失今不图，一日漕河尽塞，虽加畚鍤亿万，金粟山委，将何措手而可以飞舟京师？莫若及今预将南旺、昭阳、安山诸湖堤防修筑完固，及择宁阳至漕河之间可为陂障之所，高为堤防，使山东诸泉尽归于湖。乃于湖堤筑闸，泄其馀水，入于分水沟中，俾入漕河，则陂障常溢，而漕河不忧其竭矣。又求巨野旧迹，究其当时积水之故，必有堤防之所，因其旧迹，为之疏筑，迁其民使居原野之上，则巨野可复。或又忧其不足，则西南诸泉亦可导入。因其涵浸之盛，分流南北，测其地形高下，略为闸座为之节缩，以为漕河经久之计。此实国家万年之福，不但足救淤塞而已，又可以省每岁闸座、堤防、夫役之费，则诸州民力之舒，亦有不可胜言者矣。

《易经原古》序

明黄绍升

易者，三才之道，圣人之学，忧患之枢也。有先天，有后天。先天之时，以气流行，忧患尚浅；后天之时，以事成用，忧患日深。流行者以象效法，成用者以象趋避。先天以天、地、山、泽、雷、风、水、火八者为象，变为六十四，以示人之效法。非此则忧患兴，人道不彰。效而法之，其要始终于天地。观天行健，以自强不息；观地势坤，以厚德载物。后天以言、动、制器、卜筮四者为事，变为六十四，以示人之趋避。非此则忧患甚，人道危。趋而避之，其要亦始终于天地。为知崇，为礼卑，崇效天以厉志，卑法地以受物。此先天、后天之教。升

予少观其卦，考其图，玩其辞，绎其义，昧焉无知也。中涉世故，乃试于世，初见不诚非理之异，欲用其诚，行其理，而反羞之。既不羞而任诸己，则皆愤世疾邪，有轻世肆志之意。既知愤疾轻肆之不可，则反而修诸己。修诸己未得，每遭毁誉机阱之交，则多郁郁疑思，幽忧困心，若无所容其生者；则进之于穷理尽性，以求乐天知命，庶几可安矣。然犹未也，又求而进之，则见理在于我，性在于我，天在于我，命在于我，无容穷于我，无容尽于我，无容乐于我，无容知于我，乃一而无二矣。惟良其止，止于其所，时止则止，时行则行，以观万象，以进观天健，以进观地厚；又观辞变、象占，以进观天崇，以进观地卑，然后动静可不失其时，其道光明。然亦不敢为足，实不知予之为予，《易》之为《易》，圣人之为圣人，众人之为众人。执此以往，以履忧患，惟健惟厚、惟崇惟卑之当孳孳日见其未已，然后知《易》之在予，皆因忧患而得之。学之不易，有如此者。升

今敢定之以先天诸图有图无书为伏羲易，以彖辞为文王易，以

爻辞为周公易，以彖传、小象传、系辞传、文言、说卦、序卦、杂卦为孔子易。又以大象传为大象辞，为孔子明先天易，其卦次序，亦依先天横图先后。又以系辞言神农、黄帝、尧、舜、周易之蕴，为明历代易。又以始终万物莫盛乎艮，以阖户之坤先辟户之乾，合先后天而推之，以见夏商《连山》、《归藏》卦位之次序。其文言之错于系辞者，则归之文言；其系辞之错于说卦者，则归之系辞；凡错者皆正之，详于各篇。历数十年，敢以平生所得之艰难者，释其义；或先儒之说有同者，亦不敢废，谓之曰《易经原古》，以俟君子云。卍

《书经原古》序

明黄绶卍

古言功业之大，道德之盛，无过于唐虞三代，言君则无过于尧、舜、禹、汤、文、武，言臣则无过于皋、夔、稷、契、伊、傅、周、召。人皆知其大矣，而不知其所以大；皆知其盛矣，而不知其所以盛。夫不知者，知为功业而不知所以为功业；知为道德而不知所以为道德。夫功业由道德，道德由其学，其学由于其心。必知其学，然后其心可得知也。卍

盖自伏羲以来，以艮止启存心之法。至尧，以允执厥中示由道之要。至舜、禹，以人心道心危微精一安止几康明允执厥中之要。至汤、文、武，以钦止艮背明建中、建极之要。其实皆艮止也。苟得其要，虽在数千载之下，可见数千载之上。卍

今予生数千载之下，窃尝妄意欲窥当时君臣功业之大，道德之盛，每恨不获生逢其时。早尝有志，寤寐景行。龟勉从仕，虽幸有遭，命与心违。归卧穷山，扫迹蓬户，乃取典谟训诰之文，反复微言，潜心岁月，一旦恍然，若有所启，若见言外之旨。目击其君臣雍雍济济，相与揖让于一堂之上，皆有以见其道德高明如天，容物之所不能容，博厚如地，载物之所不能载，悠久无疆，成物之所不能成。逆顺万途，

贤愚万类，公私取舍，皆不出其范围。尸

于是喟然叹曰：斯学既绝，如斯道德，所以久不明于人；如斯功业，所以久不见于世。予何^{〔一七〕}汨没，抱兹俯仰，耿耿不能自己。乃订其文之错简与篇之错简，随所得，或因旧闻为笺，名之曰《书经原古》，庶几其时、其义，灿然可明，以俟君子。有求于千古者，或有征于斯云。尸

《礼经原古》序

明黄绶尸

夫礼之作，自天地来矣。有天地，然后有男女；有男女，然后有夫妇；有夫妇，然后有父子；有父子，然后有君臣；有君臣，然后有上下、亲疏、长幼、朋友，而礼有所错，则礼之制自人伦始矣。天地之贵在人，人之贵在性。性有仁、义、礼、智、信，故制礼者必因人性之体，错之人伦，而为之条理；必合仁、义、智、信出之，然后行乎天地，而成乎人伦也。其行有三重焉：曰身、曰事、曰世。总三者之纲言之，曰“经礼三百、曲礼三千”。总三者之目言之，曰冠、婚、丧、祭，曰吉、凶、军、宾、嘉。其载也，有籍焉。其出也，有仪焉、有义焉。仪以言其节文，义以言其理意。于人以行乎三重，斯须不可去，造次颠沛不可违，在身所以周身，在事所以周事，在世所以周世，谓之周旋中礼。琐琐器数不与焉，拘拘刑名不与焉，屑屑祝史玉帛之云不与焉。君子周此三者，所以施之家国、天下，莫之尚矣，雍熙太和所由致也。尸

帝王代作，质文损益虽或不同，然于三重原于天地始于人伦者，则未尝一日有间。至周而后大备，故礼莫盛于周。及周之衰，诸侯将逾法度，恶其害己，皆去其籍。至孔子时，其籍已不全，故孔子曰：“吾欲观夏礼，杞不足征也；吾欲观殷礼，宋不足征也；吾欲观周礼，幽、厉伤之。”幸而鲁之史官犹能存之，故时曰周礼尽在于鲁。

孔子犹获见之，故自卫返鲁，而讨论之，所谓定礼者，定此籍为经也。孔子虽定之，孔子无位，但私藏而私传之，未及大行于世。尸

孔子歿而微言绝。坏乱至于战国，上下恣横，礼益为当时所恶。然孔子所定之经，不待秦火、秦禁，先已散亡。至汉武帝之世，始弛挟书之禁，建收书之策。《礼》之篇章藏于孔壁，散于山泽者，稍稍渐出。如高堂生所传、二戴所记、《艺文志》所载。世历唐、宋至今，云古礼或存者，惟此而已，此外更无所谓礼者。故六经残缺，惟《礼》为甚。予蚤尝有志思学诸身者，未有所得，故置其稿于篋中以俟时。迨仕而或出或处，南北靡常，皆有未暇。至己亥投林之后，又以四子诸经未完，蹉跎至今，始获措手。尸

盖礼之为经，非若他经，虽或错乱，其经之规模犹在，尚可依据寻绎，求其意旨而订定之。至于《礼》，则散亡日久，虽有高堂生、二戴、《艺文志》所存遗简，然已茫无头绪，不知孰为先王之作，孰为后世之为；孰为洙泗之传，孰为汉儒之附会；孰为天子、诸侯、卿大夫、士、庶人之礼，无以辩之。纵或辩之，亦不能全。今但据其仪之可观、其义之可训者，存其什一，推而达之，求悉贵贱之礼。总以三重辑之，凡言身者，以身为类；言事者，以事为类；言世者，以世为类。所谓纲与目者，亦次第其间，又取朱子《仪礼经传》数篇益之，以成一经之纲领。总谓之曰《礼经原古》，俾学礼者知其源委，寻其脉络，以为三重之条理，以立天下大本，以经大经，以赞化育，庶几或少补于明时云。尸

天台山记

明叶良佩海峰尸

天台山以高大称，台岳又上应三台星，自昔以灵异闻，每欲往游，人曰游非逾月不足以尽其奇。予颇难之。会免官归，得古人新淦某尹速，予之至则馆于国清，要梅壑潘子与俱，而五峰双涧之胜已得

之行住坐卧间。时嘉靖壬寅四月望日也。潘子曰：“游天台必自赤城始，此山之南门也。自是而北，则循佛陇访石桥，东行则为天封、华顶，西行则为万年、桃源、桐柏。”于是遂结束自赤城始。ㄎ

赤城山石纯霞色，望之壁立，如城具雉堞。绝顶有浮屠七级。西北有玉京洞、金钱池。寺废无僧。已，复由故道寻九里松，月色在地，人行松影中。翌日遂北，逾金地岭，与察岭相连，其下为汉隐士高察读书堂。又五里逾银地岭至大慈寺前，观“佛陇”二大字。寺僧曰：“此智顓师之初修地也。”又北，山水渐益幽佳。日昃抵石桥。先上昙华亭，倚槛观之，见两岸门立，石桥横亘其上，广不盈咫，瓠上人掉臂行之无怖。山北左右肩有双泉飞出，合流而来，至桥乃伏出其下，泻为瀑，可百馀丈，挂岩石间。既愜所闻，复由亭右麓下至新亭，接其端而坐，则见石桥已在半天，而隕雪之溜自空中击潭水，作疾雷声，震动林谷，于是乃大诧，以为奇观。是夜宿瓠上人海会庵，天明复往观之。ㄎ

两日，乃从山西行，寻万年寺。由铁船峡度罗汉岭，山萦水回，每数里辄一曲。及至上方地，则砥平如仰盂。登妙莲阁四眺，则八峰回抱，而直南诸阜，累累如列戟排衙。两涧水至寺门乃合流，萦回南出。前林松杉成列，东涧古松数株，皆大十围，有五六鹳鹤巢其上。每休坐树阴，则闻鹳鼓牙及唳鹤之音，与风泉相杂，翛然非复人世。留信宿乃去。抵护国寺，出访钱太师墓。从者曰：“由此东北行，至刘阮洞颇近。”会蔡举人中甫、陈监元敏之适至，遂合策寻刘阮洞。洞去护国二里而远，洞口如门，有古木、神祠。沿涧而上，两山绣壁参差夹水立。水随山曲折，时漱石有声，曰“鸣玉涧”。水孺草树芊绵，东崦特葱蒨可喜，曰“桃花坞”。又折而北上，路渐涩，及水穷路尽，有巨潭，淳澈如镜，中有洞门，潜通水底，其深莫测。陈子曰：“此所谓金桥潭也，即刘晨、阮肇遇真处。”潭之南有盘石，可列坐以饮，于是取酒会饮其上。仰望三峰倚天，而东峰特秀，上

有石如绾髻鬟，曰“双女峰”。昔人见双鬟戏水，或曰乃其精气所为。是日晡出山，憩白郎寺，观岩石亦奇怪。明日遂出董家庙、小田铺，涉三四溪，至广严寺，阅贫婆钟，谒荣师肉身像。师宋淳化间人，习禅定，多异迹，时呼为荣罗汉，死而不腐。是夕投宁国寺。寺在平原，后垄靡迤多古松，前没巨塘，紫凝峰在数里外，历历可数。又明日，遂问遂访寒、明两岩。明岩大略如雁宕灵岩，但差小尔。岩西面有唐帽乘马痕，相传为闾丘太守像。旁有大石笋，如天柱峰。正北，洞宽平，可列席旅会。南有小塘，外有八寸关。寒岩后洞比明岩尤邃且广，可容百驷，而梵宇亦宏敞，正寒山子所居。两岩凡两宿，乃还憩国清。卍

黄君又先遣游徼除华顶山路。再越日，乃偕潘子由顾儒岭涉欢溪，访齐处士高欢读书堂于普庆寺。及抵天封，鸟已投林。寺旧号灵墟，实智大师注解《涅槃经》处。佛殿极壮丽，有盘石、智者岭、卓锡泉。北望一峰摩云，即华顶也。诘旦，戒舆人缓行上华顶，即遇险，则下舆步行，以亭午至其上。中峰孤峭如华盖，诸屿拱罗。寺毁仅馀数廊，众木扶疏，多桧杉檉楮。其旁近地有王羲之墨池、李太白书堂。又迤从北上，可三四里，有望海尖。登其绝顶，则钱塘烟树、括苍峰峦，皆隐约可见。东向观海上，云涛如环壁缭纺，予乃拊掌大叫，以为奇观。卍

薄暮还宿天封，老瞿昙谓予曰：“华顶绝高处，旧有僧寮，可观日出处。后有罡风，毒不可居，故其寮亦废。”又曰：“若自此南行，至文殊寺，上高山，由山脊，则诸山皆在指顾。”诘朝随言行，果见邑内诸山，皆若翔舞奔跃在舆马左右。舆人曰：“直南为桐柏宫冈，若欲寻洞天宫，当东从横路。”于是遂东。洞天宫已废，独玉霄峰重崖叠嶂，岑蔚如故。稍南有石门山，两岩对峙如门，各高数十丈。将至涧底，乃有石横亘如门，奔湍来击，如翻玉练、播鼉鼓。踞石

注视久之，乃复循故道行桐柏冈，过玄明废宫，又五里，抵桐柏宫。其地有卧龙、玉女、紫霄、玉笋、翠微、莲华、玉泉、华琳、香琳，凡九峰，而宫当其心。平原旷衍，有村落、溪流、桥梁、水碓，道书称为金庭洞天。吴赤乌初年，葛玄于此修真，至唐司马子微，遂奉敕建为桐柏宫，宋改为崇道观，今复为桐柏宫云。卍

西北有琼台双阙，去宫可六七里。羽士曰：“游琼台，当先休足力，即至其处，又必去鞋，用行滕裹足，攀缘萝葛，乃得登。”是夕止宿于黄云堂。次日早饭已，乃偕潘子，攀登如其法。琼台三面皆翠壁万仞，峭竖相向如城郭周遭，而台则南向悬居其中。折而东南，可三里许，为双阙，翠壁山至此忽中断，对峙如阙门，路出其下，而涧水从之。然岩石皆陡绝不可下观，于是还坐琼台。而四壁之华叶曜日含风，绮绣纷错，饴香蓊郁。俯眺百丈潭，在台左麓，环绕双阙，流入云溪，屏息无哗，其听益远，真天台山之第一奇观也。还宿黄云。明日出洞门，盘折而下，行数里，至福圣庄观瀑布。又迤而北至翠屏山，观三井，皆奇。初，予自玄明宫来，谓桐柏已在平地，及观瀑布、三井，始觉其地乃在众山之上，乃复惊诧，以为大奇。卍

夫以兹山之灵异，且多奇如此，顾自近世以来，恒鲜异人宅之。即有游览者，亦惮于鹜远凌危，罕得穷其妙。予于是重为兹山懊惜。复游国清，主僧道金借静室扃坐三日，撰斯记。

刑法论

叶良佩卍

夫刑法者，礼之辅也。礼者晖润，而法者震曜；礼者身躯，而法者手足；礼者主君，而法者弼佐；彼此相须以为道，盖缺一不可者也。贾生之论取舍，固尝贵礼而贱刑矣，彼有所激云尔也，非圣人制作之本意也。彼见嬴秦灭诗书而首法令，其极也民怨而风衰，而秦遂以亡国，故为是抑扬之说，欲时君矫而归诸正尔。乃若圣人之意，

其制刑也，正所以辅礼，是故出礼则入于刑。何以明之？夫君令而臣恭，父慈而子孝者，礼也；反是而不恭、不孝，则有刑。吉、凶、宾、军、嘉，各有仪节，礼也；反是而猖狂自恣，悖慢匪彝，则有刑。故曰：刑者礼之体二也。圣人之所以借以平治天下之道，盖莫要于是矣。尹

是果圣人创而为之乎？则非圣人创之也。昔者皋陶为理，尝陈其道于帝舜矣，曰：五礼、五刑，一皆天之所命也，圣人不过能奉天而勿失耳。孟子曰：“瞽瞍杀人，皋陶执之，舜宁窃负而逃，而不敢以父故贷法。”成王谓君陈曰：“殷民在辟，予曰辟，尔惟勿辟，予曰宥，尔惟勿宥。”由是观之，则法者，虽天子不得以自专。若是者何哉？其意以为吾之所以为天下者，以礼而已。若法不行则礼坏，礼坏则民无所措其躬，而天子亦将无以自立矣。夫安得不执而守之乎？尹

臣之于君，犹君之于天也。昔者石奢为楚王相，其父杀人，奢纵之，而以其身请罪。王赦之。奢曰：“不可。不纵父，不孝；卖国法，不忠。”乃伏剑死。张释之为汉廷尉，人有犯跸，奏当罚金，有盗高庙玉环，当弃之市。文帝大怒。释之曰：“法者，天子所与天下公共也。若更重之，是法不信于民也。”固诤弗易。夫死者，人情之所甚恶；天子之怒，人情之所甚恐也，乃二子独若是焉，何哉？所以为君上守法也。故臣之法，受之于君者也，若不能为君守法，则失其所以为臣；君之法，受之于天者也，若不能自守其法，则失其所以为君。诚使君臣各得其职，则法行。法行则礼立，以礼为天下，其升而为大猷也何有？先儒谓律为八分书，盖以其辅礼与道而言之也。然则，非深于道者，不足以议礼；非深于礼者，不足以议刑。呜呼，刑法之弊也久矣，安得深于礼道如舜与皋陶者，而与之议刑法哉！尹

答齐蓉川京兆书

叶良佩尹

居居易迈，别来行复五年，间阔音问，又且二年许。使君述职还郡，

忽致手书，及《三门记》墨本之贶，拜嘉感激。仆曩岁获承高论于樽俎笑谈间，窃尝隐度之曰：“有折冲万里之奇，有佐佑密勿之正，而又有高世之文以藻黻之，此今世之豪杰也。”顾犹未敢自信为知言。乃其后别未三年，而蓉川子贺兰之功成。仆尝以奏绩入朝，窃听下大夫^{〔一八〕}耳语，皆曰齐君此来，必参九卿。已而兵备古徐，犹以为拙。乃今果召入为京兆丞。及读所贶《三门记》，蔚矣其文，视入夏诸刻，似更过之。然后益自喜向之私度皆不诬、屢中，而蓉川子密勿之功，藻黻庙堂之效，又可以坐占其决然矣。予

来书谓仆招声名以贾祸；又意仆归田必多著述，往年所说《连山》、《归藏》二《易》，今已成书否？虞卿、太史公皆由穷困成名，慎毋以悲郁损志云云。三复来贶，徒增惶恐而已。仆曩与况伯师会讲经书，此蓉川子所目睹也。去岁当考察京官之期，会伯师转为考功郎中，于是留都科道官之以考察去者，咸疑伯师取论于仆，乃相与罗织罪过，嗾使当事者公行举劾，以阴快其报复之私，遂使仆与伯师同受其谴，冤亦甚矣。仆文质无所底，何声名之有，而敢招之以贾祸乎？予

至如《连山》、《归藏》之说，要皆会讲时事。昔者同会诸君，举三《易》之义为问，仆率尔应声曰：“《连山》、《归藏》不可得而考矣。顾其义实间见于《周易》一书。文王之彖艮曰：“艮其背，不获其身；行其庭，不见其人。无咎。”即大禹“安汝止”之说也。夫动静皆止，斯立于无过之地矣，故于占为无咎。斯《连山》之要旨也。至于彖传所谓“时行则行，时止则止，动静不失其时，其道光明。”即夏后氏六十四卦之全《易》具在是矣。若《归藏》之义，则于《易大传》见之。传曰：“圣人以此洗心，退藏于密。”即成汤以礼制心之说也。又曰：“阖户谓之坤。”阖户非密而何？斯《归藏》要旨也。由是而阖辟往来，则为乾、为变、为通；由是而见、而形，制而用之，民咸出入，则为象、为器、为法、为神，即《归藏》之全《易》

具在是矣。且《归藏》者，万物之母，命之所由以立也。周元公曰：“主静立人极。”斯得之于《归藏》也。山本阳物，连山上进，健而能止，性之所以能定也。程伯子曰：“动亦定，静亦定。”斯得之于《连山》也。《周易》以龙若水，像厥心志；以牝马、牝牛，像浩然之气，盖兼取诸《连山》、《归藏》云。由斯言之，虽谓三《易》，为同条共贯其^{〔一九〕}可也。当朋友讲习之间，顾尝以是为说耳，未敢形于著述，以为招声名之具也。ㄩ

虞卿之事非所敢当，乃若太史公周行天下，历览名山大川以奇其气，用发为文章，则尝窃有志焉。仆之被黜南归也，誓将由大江朝^{〔二〇〕}庐阜，沿洄沅、湘，憩息衡岳，聊尔览观，用涤其尘容俗状焉耳。已乃为家累所牵，弗谐始愿。若夫金、焦两山、江左四百八十寺、太湖七十二峰、西湖六^{〔二一〕}桥、天台诸阜、雁荡四谷，以及云门、禹穴之奇，则已席卷于眼底，囊^{〔二二〕}括于胸次矣。时时搥其衷素，著为支言，或效杨子云敷缉雕虫小技，以自表见，亦未可知。蓉川子幸毋以居穷悲郁虞我也。ㄩ

许君遣隶者来取报书，会友人约为山行，薄暮返舍，乘醉索烛书此，并以为蓉川子贺。毋有谓我不知子而妄誉，且妄自誉以售子之知也。则亦浅之乎知仆者矣！因风南来，复能以一字还答否？某再拜。ㄩ

闵独赋

叶良佩ㄩ

闵凉贞之独立兮，阂众险以乘危。蹇离披以陨获兮，循本初而自思。始余之未有知兮，专六籍以为师。朝带经于儿圃兮，夕发愤乎董帷。物何幽之不镜兮，理何微而不窥。ㄩ

既释褐以从政兮，棼乱丝其难治。索虑谋于古训兮，判与彼而异宜。心无归之茫茫兮，疑简策之我欺。步徙倚而遥思兮，寐展转

而反侧。惟困极其必通兮，神恍惚若有得。曰道有玄机兮，而靡定式。乘时制用兮，妙存悟识。亲贤尔辅兮，稽古自益。任重惟毅兮，笃信靡惑。惕灵魂以惊悟兮，奉神祝以周旋。抽诗书之秘诀兮，萃仁友以讨论。遗骊牝之粗迹兮，溯九河兮昆仑。披义涂于棘榛兮，排私阂以为礼门。卍

塞木兰继余佩兮，扈芳洲之芷荪。冠切云之宝屨兮，明月悬乎带鞶。众谗嫉之弗回兮，犹汲汲乎畴昔之言。夫惟被服之魁崔兮，众果萑然而忌之。加以险诋之伪名兮，乃集群怒而噬之。众口垂涎之瀟灏兮，张怒目而睚眦。恫郁邑余烦冤兮，虽百喙莫之能解。岂不沥情以陈词兮，荃诋余之善诬。竞服面而背憎兮，反摭余言以肆谤。联矰弋之在上兮，覆深渊而在下。仰侧身以发机兮，俯置足之靡所。念余初志之好修兮，今何以侘傺而遭殃。将惟语言以阶乱兮，无亦择交之不详。世举好朋而恶异兮，余独蹈其所怪。揭吾日月以孤行兮，岂不招尤于晦昧。仗贞信于幽明兮，全形躯之已多。及年岁之未晏兮，修初服其谓何。

袭馥芳兮铲馥彩，坐若忘兮行若待。中以为庐兮，和以为马。驰骛于顺适之涂兮，休息乎广莫之野。众之不可胜兮，险不恬乎再试。讼吾过以成章兮，书尔绅以自识。卍

乞赐名臣恤典以光存歿疏

明赵大佑方崖卍

臣原籍浙江台州府太平县，有已故原任刑部右侍郎林鹗，初为本府黄岩县人，由景泰辛未科进士，任御史，历任镇江、苏州二府，江西按察使、左右布政使，至两京刑部右侍郎。自发身以迄身故，更历中外三十馀年，始终无玷。其行已守官之可名者，臣不敢一一备举，其大而可据者，曾荷宪祖皇帝谕祭，有云：“存心正大，操履端方，有守有为，贤声日著。”又蒙先朝采录，列迹在《名臣录》中

皆可考见。鶚之得此，瞑目已久。卍

然其后有过分之望者：窃念国家忠厚贻则，优礼大臣，赠官溢迹，以荣死生，咸许陈乞。奈何鶚之在官甚约，遗后甚贫，子孙子立，去京万里，无因可希。延至于今，乘间属臣。且以臣之祖母林氏，即鶚之女，昔尝以其故母淑人王氏之意，属臣之祖崇贤与臣父相。但臣祖官止知州，蚤年以病致仕，臣^{〔三〕}父草莽之迹，远未至京。意始发端，林氏已故。逮臣叨荷国恩，滥登进士，臣祖、臣父又以林氏之意语臣。臣以一家之私，不当先在公之急，含情十年，未敢启齿。臣祖崇贤，近亦故矣。目今两家三世，情之所剧者，实在臣父之心与臣之身，不容自恕。况臣遭逢圣明，滥授台列，狂瞽刍蕘，亦得自献，辄敢代为陈乞。虽为瓜葛馥裔之私，亦臣仰止先达，思以砥砺之念是举也。卍

臣不敢漫为援附，直以乡邑之所睹记，比类言之。臣之同里，有原任礼部侍郎谢铎，在武庙时，叨赠本部尚书，谥文肃。鶚之同时，有工部侍郎黄孔昭，近荷陛下厚恩，追赠礼部尚书，谥文毅。若以二臣概论其世，鶚之标致名实，犹有出其右者。舆论未泯，臣不敢佞，幸赖陛下覆载之仁，不遗枯朽，乃敢以其数十年之缺，陈一时之情。伏望圣明俯垂容纳，敕下礼部，揭查故案及《名臣录》，备得林鶚历官之实，果有可取，请自上裁，赐以赠谥。所谓一字之褒，荣于华袞多矣。陛下恩同雨露，泽及枯骨，鶚荣若更生，光于后死。若或死者已远，莫知图报，凡在臣工，又孰不为同类感发，而生死骨肉之念，芹曝衔结之忱，臣与林氏子孙世世均矣。为姻戚之故，祖、父之私，冒罪上干，臣无任恐惧，万死。卍

愍忠录序

明赵大佑

《愍忠录》何？愍武君暉之忠也。武君佐幕于台。居顷之，倭夷

扰海上，入逼郡郊，君受檄督战，兵溃死之。事闻，天子愍焉，赠恤有加等，台人及其同梓里者从而为谏、为辞，哀以挽之。张伯氏昂与君嗣子尚宾，图为君不泯，斯《愍忠》篇章所由录也。以便谒余，乞一言，因序之曰：尹

国家义宁久矣。浙东薄山海，居民饱食偃卧，生不识戎马何状。有司惟知理争讼，致期督求实公庾，外则宴礼过宾、狎丝竹以乐无事。一日变生，苍黄驱不教之众，制梃而出婴锐锋，其溃无惑也。君业文吏，又幕僚耳，战阵非素习，被檄往，力不敌而死，噫，可愍也！

余览载籍，征近事，多有身都通显，握虎符，号分阃，为国重寄，及临小利害，屏息惴惴，重视其身若丘山，曾不自以为恶。至如以死勤事，在司土专职，势无他倖，间亦有之；若处下僚，无分阃之责，兼职非司土，而能慷慨死事，不辱如君者，不少概见。以君之才，令处其地，专委寄，勇与谋合，宜必豫图所以弭寇者；何至坐令蠢类之逼，不幸而仅以死著，亦非君之志也。人才盛衰，与气运上下，亦由风声表劝之有方。尹

朝廷崇奖忠义，不遗卑位。而君所自树，又炳耀可传布如此。异时史氏述义烈之迹，君奚让焉。余亲所闻见，岂可不书？顷者，两京比士，尚宾与昂子尚训咸与计偕，天道不远，忠良之报，将于其子见之。而世之褒忠者与张伯氏同此心，或亦可以余言券也。尹

与魏清渠大尹论海田

明林贵兆白峰尹

是月望日，父老数十人壅门告曰：“父母煦同春日，万象欣荣，而一隙有不蒙其照者。翘首公门，如瞻天阙，愿借君一言，为下民达此幽隐。”仆询而得其情焉，敢持以告：尹

夫海田自沙岸以下，地卑而土瘠，上农所不耕也。昔时公法严峻，人心震慑，虽卑瘠之地，亦籍而税焉。后以民病，改为减折。减折

之下曰秋租，其尤下者，附名于籍而已。弘治、正德间，生齿日繁，民有馀力，秋租之地始有耕者。时太和薰积，海静波平，天宽地辟，边民之耕，亦屡有获者。仆于童年，尝及见之。是后二三十年，沧桑变更，秋潮时至。方其至也，凭高一观，波涛万里，见海不见田也。顷之而退，则田塍陇亩，虽复如旧，然恶虫盈野，春草不生。每见烈日一开，则聚盐成雪，阴风四合，则积卤流波。俟二三年，春水渐溉，咸性渐除，民思播种，然耒耨方施，而后潮又继至矣。即如旧岁，春雨优渥，民亟耕之，既而烈日一蒸，咸气转盛，苗已吐花，而槁殆尽。数十年间，未尝一有秋也。𠄎

今闻委官编量，以登正额，小民咸骇且怨。仆不敏，窃疑此与向日减折之意胡相反哉！盖必左右有误告者，而明照偶未之及尔。或者又谓县额不登，非此无以充数。仆谓县额之亏，系通县积弊，奸民必有收其利者。设法以求之，亦或可得，而僻壤芦田，岂原额之旧乎？今置彼不问，而以额外之新增，塞奸民之罅隙，借彼以益^{〔二四〕}此，则巧窃之迹，永无责究；无田而输租，薄海之农，亦永为世世患矣。此奸民之所甚欲，良民之所甚不便者也。𠄎

若田折额已久，究之未易得也，计所折田，直四十九万之一尔。其人不足为国盈歉也，其役不足为民轻重也，即使置之，亦靡大害。古有损民户口，为国保障者，孰谓逮下之仁，而非为上之忠也哉！今必补之以此，则折额之害小，补额之害大。故与其补之也，宁折。然乡闾之休戚，仆可缓也；赤子之悲欢，尤慈母所关心者。然则斯言也，岂惟仆之所欲言，尤大人先生所欲闻也。故不度有读，幸谅之。𠄎

与谢蒙斋司训修邑志

明林贵兆

仰止德音，未遑瞻晤，愧歉何如！邑志笔削，荣及善类，使千载幽魂如睹白日，君子一何幸哉！𠄎

寒家在宋元间颇与儒绅之末，国初遭难，门祚变衰，文献不足，公论犹存。黄、太两志所录，略有梗概，官爵行实，亦颇未备。志所欲言而未遂者，已托林友转达座下，祈为录入。然必有证而后信。如祖东皋、西墅二翁，则取诸内翰阎氏复、史氏孝祥亲笔之墓铭，其知府翁，则取诸黄岩老志，及邑旧志写本。ㄱ

闻公亦以元有路无府，有总管无知府为疑。斯言也，海峰公亦尝惑之矣。但宗老所传，旧谱所载，盖有灼然而可据者。元制大者为路，次为府、次州县，凡路督府、府督州、州督县。见《史》如至大元年书“巩昌府地震”，是有府也；至正十二年书“徐寿辉陷武昌，知府丑驴死之”，是有知府也。又如书以某人为某路总管，知某府事，是总管亦称知府矣，安得谓知府非元官乎？ㄱ

仆非敢厚诬先世，为祖德累，第恐有其实而以避嫌讳，则于孝为亏，姑求以自免云耳。谅不谅，惟公度之。ㄱ

柬钟云致沾絮社

国朝潘献良

三见明月，未一见我同人。圆光似镜，正照十分相思。不知薜萝高处，同此徘徊否？先生学问灌顶，同无上菩提。今结社沾絮，聚徒狮子座前，岂无天女散花其间？惜弟为青云锁入无间狱，如食辛人修三菩提，纵能说十二部经，嫌其臭秽，咸皆远离，与饿鬼同住。先生将何无量功德度我也？ㄱ

命作梅花挽章，录上。诗魔何大恶也！所不能断半日俗缘，东风白马，慰先生帷中，恒河沙劫可知矣。函丈间悉善知识，并声问候。ㄱ

跋黄久庵书《王静学先生传》后 国朝石中玉璞斋ㄱ

本传载先生出处，亦略具矣。尝以先生集考之：《送郑生序》云：“洪武丁卯春，余始领训经于仙居。”是洪武二十年为仙居训导，传云“教谕”者误。又云：“洪武二十有六年夏四月，生以疾愈赴京，来别余。”

是先生在仙居凡七年余矣。其《送陈克彬归临江序》云：“今年余来金华之永康，邑之税使陈志善，数过余邑庠。”似先生又为永康教，但未知与任仙居孰先后耳。《送洪仲蕃序》云：“先生来武昌之七年，而余亦来佐教德安，虽相去数百里，而二年之间亦两会。”是序作于洪武三十一年十一月，是终太祖世先生未离教职。其为汉阳知县、翰林修撰，皆建文改元后事。本传皆欠详核。尸

尤可疑者，传云：“少孤，母嫁陈氏，故或称陈原采。”林公辅序先生集，亦称为陈姓。《戊辰除夕》诗云“堂中有老亲”，所谓亲者，父耶？母耶？其母耶，则与《寿潘安人诗序》所云“余之所存者惟父”之言不合；其父耶，则与传“少孤”之说又相左。因著之，以俟博览君子论定焉。尸

书明四川参议得闲陈公传后 国朝林之松鹤巢尸

余乡先生得闲陈公绮，初为工曹郎，奉命巡视通州及济宁一带河道。比至，而河已决张秋，孝宗遣内监李兴、平江伯陈锐、副都御史刘大夏，并往修治。事既竣，李兴察知公能，欲与山东参政张缙并荐。公闻大骇，力辞，兴不可，乃以诚告都宪刘公为白，得释。兴疏入，张缙擢通政使。天台庞先生泮为刑科给事中，语公曰：“李内官荐章至，深惧执事与列。今不在，众论黜之。”公曰：“吾受命视河，河决不能独理，重烦主上睿虑，委任重臣，获有成绩。予免于谴，幸矣，敢萌意外望哉！”盖公不显言而自引咎如此。尸

后出为四川松潘粮储参议。松潘在万山中，番苗杂处，极边难治。公廉明有威，远人慑服，有五年之储。巡抚嘉禾钟公列疏于朝，荐公可大任，而同事寝不悦。会钟公迁去，同事者嗾巡按论公，落职归。当公治河时，兴居内用事，孝庙方眷之，诸齷齪凡猥之士，争欲出其门者，不可胜道，而兴独欲荐公，此岂以私哉！此时得稍委

蛇，或佯示逊避，公为天上人固久矣，尚何间关梯栈之区，淹恤于毒烟瘴雾、蛮陬夷徼无人之域，汹汹然而以侧群奸之目哉！昔齐伐鲁，获臧坚。齐君爱其贤，使夙沙卫唁之，且命勿死。坚谢曰：“拜命之辱，抑君赐不终，姑以其刑臣礼于士。”抉伤而死。盖古之君子，有不惜其身之困，至流离颠踣以死，安焉而不悔者。诚见夫其身之可爱，而以出于奴仆薰腐之门为可羞也。予

公少孤而贫，尝僦泮宫空舍以居，读书其中，以圣贤为己责。既登科甲，连任中外，卓然有所树立，卒以触忤权珰，不竟所用。尝自言曰：“吾生平无他才能，惟务诚实，上不欺朝廷官长，下不欺僚属百姓，非义不苟取，非礼不妄动，如是而已。”公既归，敝庐萧然，茹糲衣粗。士大夫多赋诗相赠，谢文肃公尤推重，与之深交。思昔吾乡多君子，岂时为之耶，抑所以致是者固有道耶？读公传，心窃慕之，复不禁世变之感，为书此以跋。予

海上异闻记

国朝林之松^予

往岁客霓山书舍，霓山人吴君奉为余言，其地有业入海采紫菜者，所见甚怪。明年再过其处，君奉死，故忘其姓名焉。予

霓山地濒海，海中有山，岩罅间产紫菜、鸿毛、鹿角、鸡爪之属。采者候潮落，循南岸下，水涸成涂，便可抵山旁，三面皆大洋也。其人往常业此。忽一日行涂上，水无潮自溢，旁有小山，趋避之。水漫其足，再上没及腰，既升灭顶。顶上有树，缘之而登。自午及晡，疲甚，解腰间所携藤自缚枝颠。忽天色黑，弥望皆黧云靄雾，风泠泠刺肌骨。风定渐霁，五色之彩自波间起，水际浮丽女子一，艳冶不可举似。装束大率类楮间所绘宫嫔舞女状，容与将翔，与波上下。忽大浪十馀条，从洋面分屯来，远者或数百里，近者百馀里，皆如连冈叠峡，滚滚而汇，若将啣丽女子。丽女子因其势伏突怒杀，矫如、

翩如，了不为意。忽沈而不见，大浪解散无踪，天复暗，云雾复四塞。已复明，丽女子复出，大浪复滚滚至，丽女子复不见。如是者三。其人始而恐，继而骇，卒乃大喜过望，忘其体之饥且疲也。候朝曦升，早潮退，取路以归。归而恍惚失神者弥月。ㄎ

君奉曰：“必珠妖也。大浪，龙也。龙争欲珠而为戏也。”余未之信。然余尝闻海上捕鱼人言，大洋中往往东京城见，询其状，窃意其为蜃楼海市之属，渔者不晓，而妄云然耳。君奉之说未云诞也。吾邑人类出没海上，而大海固多幻怪，余思一从捕鱼者往，倘得观所谓东京城者，曰：“是未可必得也。”ㄎ

广《日喻》

林之松ㄎ

苏子《日喻》：南方多没人，日与水居，得水之道。北人生不识水，见大舟，群然而恐，苟以南之言试之河，未有不溺者。曰：凡夫求道而不务学者，皆北方之学没者也。ㄎ

余往岁课徒霓山，其年河水涸，霓山人争没水而鱼，及门吴、夏二生与焉。或群而潜，或旅而浮，持巨鲤以出，意殊自得。余问之曰：“夫没，亦有道乎？”对曰：“有。善没者必善游，请从游始。”“可得闻与？”曰：“手若撻之，足若蹕之，趟之，?之，毋或趟之，如是者能游。其撻也舒舒，其蹕也与与，与波攸宜，斯以至乎蛟鼉之潜，如是者能没。”ㄎ

又明年夏，与倪公晋、黄萃英、叶兰洲、诸葛桂涯饮南郊，归憩小新桥上。溪水清甚，倪与黄故善游者，因下浴焉。招余曰：“来，若能否？”余忆二生所云，度是处水浅，脱不效，得倪、黄诸君俱，必不得死，欣然解衣。甫下，手足未及举，而身遽已颠矣。急起，顾岸上三四童子，谓曰：“若其试之。”童子曰：“如何？”余述二生语示之，且谓之曰：“第下，吾属在，勿怖也。”童子下，如其言，

若却而后，若跃而先，飘飘乎与波相荡，若素习者之为乐，不知其然而然也。予

余乃悟曰：嗟乎，夫学之不可不早也，如是哉！向所闻于苏子者，谓学之不可以已也，若二生之语余，固学之方也。以今余与童子之事观之，学岂不以其时乎哉！夫少而学焉者，南人也，老而学焉者，皆北人也，其于道也奚有焉。

广《日喻》，以示幼子炼。予

天开河赋

南朝金季琬秋屏予

玉环山连台雁，水界瓯灵。渡海发学士之咏，涉川扬帝子之舲。知监之所临莅，少霞之所飞升。巨浪倏来，银涛四映；朝曦初上，金镜全呈。固已岛屿萦洄，极丹青之巧绘；烟波浩渺，俨图画之天成者矣。予

然而东瞰海涂，则坎隤以下陷也，漫漫乎若荆州之土泥；西瞻峰岭，则巖壑以上凌也，峨峨然似岱岳之山高。驾鷁舟而将进兮，徒咨嗟于泥泞；望鸟道而欲登兮，第踟躕于林坳。况夫城工伊始，版筑方延，运甃石于波间，汪洋际险；辇花砖于岭畔，峭崿参天。精卫不来兮，畴堙海以成路；巨灵已往兮，谁劈山而汇渊？时则少皞司晨，蓐收佐令。阿香车发，忽惊玉虎之声；谢仙火流，还闪金蛇之影。玄云密其璫璫兮，羌浓雾之冥冥。秋雨恣其淋漓兮，先疾风之凜凜。则有蛟蜃成群，鱼鼉结阵，乘风破浪，代疏瀹以效灵；宕石影沙，喜决排以助顺。百丈波光，动摇匹练；满渠霁色，掩映长虹。锦缆牙樯，万舸径通夫城阙，风帆浪舶，一篙直达于山中。予

尔其变斥卤为清川，如经夏王之浚浚；利舟航于沧海，不假郑国之穿渠。雉堞连云，俄收功于岁晚；樵楼耸日，将奏绩于冬馀。凡以河源之既道，自致工役之俱纾。香粳红稻，东南之米粟毕来；

毳服织皮，西北之旃裘咸至。无烦越岭而登，自可临河以济。若夫八桨[二五]巡游，全军驰骋，泊楼船于浦口，易伸杨仆之威；振飞翰于师中，一禀南仲之令。舳舻径进兮，风云比劲；狐虻潜藏兮，鲸鲵谁逞。此盖圣世之休征，太和之瑞应，岂独川无竭泽，物有咸若之欢；海不扬波，人荷安澜之庆也哉！尹

曲终乃为之辞曰：圣主当阳，海宇奠兮。地辟人和，湛恩遍兮。长河载启，波滟滟兮。一苇可航，百度建兮。明良交泰，彰厥验兮。小臣拜手，愿刍菘以为献兮。尹

石屏诗传

国朝娄应璧介轩尹

戴复古，字式之，为今太平人，居南塘石屏山，因自号焉。负奇尚气，慷慨不羁。少孤，痛父东皋子遗言，收拾残稿，遂笃志于诗。从雪巢林景思、竹隐徐渊子讲明句法，复登放翁之门，而思益进。南游瓯闽，北窥吴越，逾梅岭，客桂林，上会稽，绝重江，浮彭蠡，泛洞庭，望匡庐、五老、九疑诸峰，然后放于淮、泗，归老委羽之下。游历既广，闻见益多，为学益高深而奥密，以诗鸣江湖间五十年。尹

或语复古：“宋诗不及唐。”曰：“不然，本朝诗出于经。”此人所未识，而复古独知之。故其诗正大醇雅，多与理契，机括妙用，殆非言传。然犹自谓胸中无千百字书，如商贾乏资本，不能致奇货，盖谦言也。吴荆溪称其搜猎点勘，自周、汉至今，大编秘文、遗事度说，何啻百千家。包吁江亦谓正不滞于书。乃杨升庵直议其无百字成诵，此痴人说梦耳。又传其游江西，富家以女妻之，三年思归，乃言曾娶妇，翁怒，女曲解，临行赠词云云，遂自投江死。今考集中，略无踪迹。后人因诗余《木兰花慢》一阕，有“重来故人不见，但依然杨柳小桥东”之句，乃强实之。读陈昉跋云：“有忠益而无谄求，有谦和而无诞傲。”姚镛云：“忠义根于天资，学问培于诸老。”朱子亦以诗相酬赠，使

无行至此，其得为大儒、君子所称许，至升庵乃发覆耶？^①

平生著作甚富，赵懒庵选百三十首为小集，观者谓赵于古少许可，而此编特博。袁蒙斋又选为续集，萧学易选为第三稿，李友山、姚希声选为第四稿，巩仲至又为摘句。复古自云：“诗不可计迟速，每一得句，或经年而成篇。”其锻炼之苦，师友琢削之精，故所选得十九焉。方万里曰：庆元以来，诗人为谒客成风，身求要路，动获千万，石屏鄙之不为也。嗟乎！安得斯人，一愧世之幅巾朱门、望尘献诗者哉！^②

戚南塘祠记

国朝戚鸣凤亦崖^③

乾隆丙子秋，余道出新城，拜故明少保南塘公祠下。右为城隍庙，規制宏敞，金碧璀璨，而公祠仅矮屋数椽，惨淡无颜色。旧碑漫漶，砌入墙下，祀田岁久被占匿，俱莫从而问焉。始有疑余为公后，劝追理其事者。实则公之戚出文登，而余先世徙自姚江，不同祖，不可妄认。然念公有德于太，邑人之厥先祖父实身被之，至于今世世乐业，叹所以追报公者，为未至也。^④

盖当明嘉靖间，太以滨海，被倭寇尤剧。壬子，县城几陷，幸郡守谭公遣兵追杀。然旋扑旋炽，剽掠庐舍，十餘年间，百姓残破甚矣。厥后，赖移公为海门参将，上洋、花街连大破倭，其馀党之不时寇太者，公亲至追捕，斩获殆尽，于是闾境得宁。计其事，在庚申、辛酉等岁也。百六七十年来，故老犹传公练卒为鸳鸯阵，阵十有二人，队长前，次夹盾，次夹枝兵，次四人夹矛，次夹短兵，节短数明，器互相救，贼畏之，望风披靡，当时号戚家兵。所过号令严肃，更于民无秋毫犯，故莫不感悦。而嘉靖三十八年，设台金严参将，新河属其前营，公时来驻扎，此地所以独有祠也。^⑤

予览明史，公结发从戎，平东南剧寇，坐镇蓟辽，身为长城。

卒以宵小妒功，被劾罢镇，角巾布袍过吴门，人莫知为故将军，慨当日酬勋之薄。乃其功德在百姓者，后人虽或思之，而祠宇颓圯，致不足供椒馨而列俎豆，即公不以是轻重，而瞻拜者独能无歉然于心乎？故曰所以追报公者，诚有未至也。闻祠在前明，规模不亚今城隍庙，有起而修复者，余日望之。

书静学先生书后

国朝陈辰辰耻斋尹

修撰王公，辰陈之自出，居亭岭北，与辰先世锦屏同里，且世姻也。《赤城新志》谓先生幼育外家，从其姓，言甚确。公未应召时，犹冒陈姓。《逊志斋集·答胡怀秀才书》：“往年在浙东获交才俊，间有最善者，如陈叔英原采，日夕相与议论，倡酬往来。”又《与赵伯钦书》云：“林公辅气高才敏，视人行行然有不满之色，与仆书，独称足下、陈原采文。”次首云：“仆近得陈原采书，有一二语见教，殊喜之不忘。”三首云：“望雨久，兹得雨。又得陈原采至，获足下所惠书、诗。此二事有巨细，其为喜于仆，均也。”又《答张廷璧书》：“近得陈原采，殊有箴教之益，切中吾病。”又《巾山草堂记》：“往者壬戌七月望，予尝偕叶君夷仲、张君廷璧、林君公辅，陈君原采，夜登巾山绝顶，饮酒望月，纵谈千古，竟夕不眠。追计其时，忽十五年。今存者独予与张、陈耳。”感旧诗又有“立言温粹怀陈采”语，其见重于逊志久矣。而往还之称，并以陈而不以王。复姓当在令汉阳，及入为修撰后。其为少在外家从母姓，固无疑也。尹

公歿后，文字避禁，遗稿散落，后人掇收，或以他作参入集中。《寿潘安人序》：“余之所存者惟父。”与本传“少孤，从母育陈氏”，父先死者不合，当非公作。如《逊志集》内《勉学》诸作，亦本陈子平诗误收也。公被难时，妹亦殉节，甥谪远，此辰家乘所载。设母改嫁陈，女又适陈，此岂士族所为？况忠孝之家，而有是哉！黄石龙补为公传，

乃于一二百年后，忽有母嫁陈之说，何所闻见耶？黄位尊名重，其文足传世，恐公因之受诬，因读所遗诗文，附识于此。ㄎ

答宁海同年陈载镛书

国朝周鉴镜初ㄎ

于四月日接手教，辱以朝考不容不到，约同车赴都，辞意殷勤。捧读之余，感与愧并。夫必受职，方得铨选，弟非不稔知也；宦游成名，未为不孝，弟非不谓然也。然客岁自郡归，进都一事，未尝敢言及者，岂置功名于度外哉！良以弟之遭际，难于一行，有不可与兄同日语耳。ㄎ

兄宗支蕃衍，而弟自高祖后，五世一身，嗣续不绝者如线。频年以来，弱而多病，宗祀所系，心常惴栗。兄有令弟可承二人欢，弟仅只身，母之所倚，偶离膝下数十日，母辄涕洟不自胜，今老且衰，弟去谁托？兄亲朋如云，兼多高谊，而弟性孤清，亲串虽不我薄，半多贫士，欲自探囊橐，则又空空羞涩。兼之学殖荒落，无奇伎异能，可以走名公卿门，邀先达之知，以扬声誉。若此数者，曾有一之可以赴京都、应朝考者乎？前之得此，本属望外。自我得之，自我置之，复奚言哉！而弟用是窃羨兄也。ㄎ

兄上厩奇才，本非久居柵下者，而时复济之。挟足以进取之资，值得进取之遇，游历神京，国家爱才，当路必有相见恨晚者。行见掇高科，登臚仕，板舆迎养，效潘安仁故事，岂只依班就职，取微员薄禄云尔哉！虽然，燕去台数千里，道远时长，善处匪易。《颐卦》“谨言语，节饮食”，《陟岵》行役归于能慎，弟不自量，窃取《易》、《诗》之旨，为兄远行赠。兄勉矣，学行之成，名位之显，有日也。ㄎ

弟亦当自刻厉，他有可妄冀者，不敢自弃。感兄年谊，愧不克承命，谨道弟之所处，并所以祝且规于兄者以复。云山迢隔，无由亲聆警咳，临楮怅然。ㄎ

都御史肃斋李公传

国朝叶本东南仲尹

公讳匡，字存翼，号复斋，更号肃斋，姓李氏，世居邑长山。其先宋兴化州知州迪夫公自闽始来迁，历元至明成化初，犹隶黄岩，后改隶太平。父兼明以产让弟，别卜筑于滨海之南栅，故公生于南栅。尹

幼岐嶷。长就从兄存清学，术业日进。年二十一，领宣德丙午浙江乡荐。连登进士第。需次于家，益究心经济。寻除太常博士。父戒之曰：“勉事圣君，毋负所志也。”赴官未两月，丁父忧归。服阕再起。正统元年，迁江西道监察御史，弹劾无所避。诸内库税钞，例委御史及司礼监、锦衣卫官同检收，劳攘烦琐，夤缘为奸，公奏径送本库。又劾太师英国公丧仪非度，立为定制。先，顺天、保定、河间、永平诸府，人户领牧在官，输光禄所需牛羊凡一万二千三百有奇，岁久户耗，令平民偿之。其地水患洊加，畜产凋瘵，而有司督取如故，公奏请尽行蠲除。六年，敕录囚陕右，减殊死一百七十三人，皆允当。七年，按江西，有伏阙讼执政杨士奇之子稷怙势横乡里诸不法状，敕御史督同三司访究，众莫敢言，公核实拟稷如律论死，士民称快。士奇惭不出，王振因是得齟齬之。旋遭内艰。起复，调四川兵备副使。十四年，播州蛮连贵州瑶人作乱，亲督军讨之，大小十有五战，杀获甚众。又招徕贵州革林等四十一人。捷闻，擢都察院左佥都御史，巡抚四川，特恩赐巡抚印，许便宜行事。叙州高洪等蛮复叛，焚劫九县，全蜀骚动，复计平之，名震西塞。是岁也先大举入寇，英宗北狩，公在蜀闻变，北向长号，以无朝命不能亲赴难为恨。景泰二年，总督军务都御史王来咨公夹攻草塘，如期进兵，来违约，公独部兵剿贼，贼累败走。来耻无功，从此与公隙，结中贵党谋陷公，噤法司奏公曾受投拜苗民马二十四，帝怒，

罢公为民。英宗复辟，上疏自陈，诏复职、闲住。卅

天顺六年，宣府、独石告警。宣府为京师藩篱，独石尤属要害。上惩土木之事，慎简镇边重臣，以公老成练达，堪倚重，手诏起公巡宣府。公是时，家食十载矣。入觐，上甚喜，慰谕，赐宝钞，仍许便宜行事，命阁部大臣饯之都门外。朔方沙尘惨目，风寒凛凛，侵肌骨，公暮年衰病日甚，自惟付托之重不敢辞。抵宣府，鼓励将士，与同甘苦，奏增堡寨十有四，墩台三十有一，复豪势所侵屯田数百顷。寇闻有备，且惮公名，不敢近边。无亡矢遗镞之费，烽烟宁熄凡三载。朝廷累降玺书褒美，赐白金、文绮。阁部交章论荐，上方欲召公与枢务，而公累章力陈老病状，乞归。上不得已，许公致仕。陛辞，亲洒宸翰，赐之进阶中顺大夫，赠公父如其官，母应氏暨配皆封恭人。盖始终受眷如此。卅

公生平学问，不为章句。其在军，能持重，虑出万全，不争小利，故所向有功，边塞倚之为干城。以数任劳，悴心力，乞身归。然虽家居，犹念念在国也。公娶于谢，黄岩西街人，故居未尝治第，遂居西街。在城市中常杜门，起居如寒素，间与亲故优游山水间。以天顺辛卯七月卒，距生永乐丙戌，享年六十有六。葬委羽山之阳。子三人，长绍文、次绍人、次绍久。女四，次适高秋官瑛。瑛名位与公埒，而勋业亚之。讷闻，蜀中耆老林敬仲等数千人，号集行台，上公德政，代乞题请荫恤；复图像立祠，祭献弗绝。黄、太两邑，亦崇祀乡贤。郡、邑志载公事颇略，家乘复残缺，因补为公传，庶后世知公身系国轻重，为有明一代社稷臣云。卅

节母颜氏志

国朝狄灿星韶卅

圣天子明章妇顺，奖励贞操，可以美教化、厚风俗。而有司或未举报，致有守志抚孤，备历苦辛，卒含恨以亡，并其家谱牒，亦

弗能详志，是使闺门至行，与草木俱靡也，忍乎哉！呜呼，此余于节母不已于书也。

节母者，邑廩生张国勋妻，增生炯母也。国勋十二岁应童试，即为邑何侯樵岸所奇，入学为一黉隼。父洞石公遴得阊头颜氏女，为委禽焉。及婚，人以佳男女目之。国勋好学，而体素羸，如李邕侯骨节珊珊，恐风吹去。节母虑其过劳，劝以进有渐，国勋不听，卒以勤死，年仅二十有八。节母恻几绝，顾念子炯才四岁，此一块肉谁托？且堂上翁发皤皤，吾当代夫养，死即慈孝两失，夫日益不瞑地下，于是乃强起支门户。家贫，往往针黹为人缝纫，借所以供甘旨。己或并日而食，不令翁知也。炯能识字，即遣就外傅，曰：“教儿始孩，不可缓也。”稍长，又出其父所读书付之曰：“手泽存焉，勉继先志也。”无何，翁又逝，单只一身，前既葬其夫，复营翁兆，葺事，心力为瘁。尸

幸炯既冠，艺学蔚然，在庠序有声。又为娶王氏女。节母心稍慰，日望抱孙，又愿新妇之知艰苦，而顺适己也。王氏顾嫌炯贫，始则夫妻反目，继则妇姑勃谿。炯外恐声闻之彰，内痛其母之见违忤，每怒，辄气结咽塞而不得声，节母转好言慰安。炯谓妇无他，而妇益横。节母以妇悍，既不生育，终不听其夫得有笱室，将遂亡张祀，而辜已数十年孀闺辛苦，求延一线之志，日夕眼泪洗面，郁伊以亡。尸

节母翁长者，其夫能读书，虽死，有子克继之，自常理论，当必获孝妇顺孙之报，以享乐馀年，而慰晚节！乃始终履困，节苦道穷。又目击其子遭敬通之厄，而抱伯道之悲也，所谓天道应如斯耶？顾节母持大体，惧辱家声，终戒炯勿与妇校。于是遇益艰，心益苦，卒至一生志节，亦湮没于身后，而人少知者。里族不以闻于有司，有司不以报于上，朝典不及，饮恨黄壤。余所为，代为痛，不已于书也。尸

书徐竹隐先生诗后

国朝吴虬堯崖

竹隐徐先生，名似道，字渊子，家邑垟山。宋中兴来，诗人首推，遗集不传，后进罕识者。先生乾道二年进士，《黄岩志·科第》有徐似鲁，无先生名。其卒葬湖雾半岭山，叶海峰志秘书徐渊子墓无误。后府县志或“渊”下遗“子”字，或并讹“渊”为“朋”，不知邑并无徐朋其人也。志称历官太常丞，直学士院，迁秘书少监，终提点江西刑狱，皆据后言之。

综考生平仕迹，初尉吴江，见知于范成大，见《万姓统谱》；继为户曹参军，与其长不合，见《癸辛杂识》；其出为江西令，则证以刘仙伦送行之章；除郢州守，可验以戴石屏白雪楼唱和之作。又所见各书，或称中书，或称点检南宫，虽先后不可知，迁序大概得以推见。《画继》^{〔二六〕}言渊子酷好书画，有右丞《捕鱼图》一卷。刘过《贺徐直院启》称其载书买砚，风尚越俗。张端义有道间望若神仙之慕。其文字之散见于各记载者，如叶绍翁《四朝闻见录》、王伯厚《困学纪闻》、陈起《江湖集》以及《后村诗话》、《诗家鼎裔》，不一而足。桑梓转无所见，甚为惜之。因搜辑为一帙，附考轶事，庶不致先辈才行，泯然于后云。

陈节母志

国朝叶敬山良思

余过石粘，得交圣木陈君。君年逾五旬，岁以舌耕糊口，说经者帖帖满下座，口讲指画，日无宁晷。余劝其谢遣生徒，以节劳逸，君未之应也。既而曰：“吾岂区区靡此束脩羊，忍弗能割耶？亦大有不得已焉耳。”余察其色，似重有负者。于是遂言曰：“母氏马姓，本里人，十九岁归先君子。先君子体素清臞，甫五年，疾甚，巫禘医攻，疾如故。母氏不知所为，忽忆有以剜肉医者，中夜乃割左股，药之，病良已。越年馀，复疾，母氏又割股进，则已不可救矣。呜

呼痛哉！^卅

“当是时，母氏肝肠断绝，无复生意。顾念大母在堂，吾又止六岁，妹周岁，门户单薄，无人可代匱者，乃强起饮食，硕黦纤屑，一以弱女子肩之。而医疮无肉，空拳徒张，斥奩中物不贍，则以女工支当^{〔二七〕}。晨夕依大母旁，而遣余就外傅。寒衣刀尺，与相搀和，常漏下三十刻不止。曰：‘儿命薄，早丧父，当锐志读书，以光泉壤，庶无负尔母苦心也。’大母笃老，抚摩抑搔，皆需母仗任之，若半体，后先君子十六年而终。时余马齿长矣，然春秋窳窳，凡百杂碎，母氏犹以只身搯拄，一如曩日丧先君子时，不以责余，盖恐分余读书事也。^卅

“余尝念父母德均罔极，独母氏之劳苦倍焉，不独推燥居湿，绝少分甘已也。自先君子逝后，母氏移其所以事先君子者事大母，又代先君子之所以教我者教我，是真以一身两任之者。无何，名途蹭蹬，无以慰母氏心，又复衎衎家食，有母，尸饔而坐享之，是犬豕也。夫何敢！”陈君言如是。^卅

后节母卒，陈君以书来曰：“先母氏生平厓略，前尝与先生道之。先生忍使先母氏苦节偕草亡木卒乎？”余以事关风教，例得旌表，以章妇顺。而陈君故贫甚，不获邀乌头绰楔之荣，魂魄一去，后之人或不能举其姓氏矣。于是本陈君所自言者，谨志之，以待诸史氏。^卅

避灾论

国朝黄际明二峰^卅

人子之身，奚来乎？自父母来也。父母生子，奚为乎？须其生而养，而死葬且祭也。人子之事亲，其心无穷，此其大端矣。^卅

南方瘟疫，岁以春夏作，俗言其气染，人多畏避之。至有父母病而子亦避而去之者，余甚痛焉。《礼》曰：“亲有疾，饮药，子先尝之。”盖其慎也。夫《礼》之不可以明愚民也，吾且与之言情。父

母之生子也，自提携以至成立，其劳苦万端也。一旦有疾，夜为之屡起，食必为之屡辍。虽以疮疡、痲疽、癩病、溃败、臭腐、狂易不可近之病，未尝有畏而避之者。亲于子病如是，子于亲病转不然，揆之等夷施报之理，且不可安，况恩如昊天罔极者乎？彼世之忍为此者，是必惑于趋避之说者也。ㄱ

夫使可避，则人皆可以不病。人病而我避之，人见我之避而亦避之，一里之中，病者应不过数人，然而往往比户皆是者，何也？夫非其不知避之故也。以为不知避，何以处夫既避而卒不免于病者？一家之人，大率不能尽病，其不避而亦不病者，又何说也？且使无疾而暴死，又将安避乎？ㄱ

甚矣，人之无良也。父母病，有子扶持之，或未必遽死。乃听其奄奄床褥，举目无亲，势必至于饥不得食、渴不得饮，而展转以死，是父母不死于病，而直死于子之避也。又既避矣，将举死者任之丐人、贱夫不知谁何之辈，而子若妇，曾不一望灵拜而抚棺哭焉。彼死者已矣，他日安保子之不病，而为之子者，又安保其不如此耶！ㄱ

夫瘟疫之病，天地之气之不正者也。然往往不能染正人，此邪不胜正也。亲病而子能孝，当必为天之佑。若忍视亲病，则其心死久矣，不有人诛，必有鬼责，避又奚往乎？司祸福者天也。灾而能避，是天无权也。即能避而断无可避之理，是又不可以祸福论，况终不可避，而适以获罪于天，人亦何苦而为之也！ㄱ

余痛世之迷而不悟，因举天理、人情告之，庶几其有省焉。若夫以果报之说诱人，此释氏之言，非吾儒所宜道也。ㄱ

吴烈妇冤辞

国朝陈凤飞丹峰ㄱ

吴烈妇者，篋匠陈宗昌女也。宗昌本仙居人，与其伯父某，皆以艺事求食吾乡，因家焉。烈妇幼庄重，寡言笑，若大家女子。年

十八，邑幕中有欲聘作侧室者，女不愿，父母亦爱惜，不欲其远乡土，遂辞之。归同里吴氏子仲，故其姑所出也。ㄱ

仲素懦。里有无赖子，艳妇容，瞰仲出，数至其家，辞挑之。妇深自匿，勤组紃，不与通一语。仲弟亦无赖，与仲居隔一壁。无赖子欲污妇，而恐其不从也，饵仲弟，使试之。俟仲出，夜逾梁入逼妇，妇号而出，归其母家。翼日诉诸夫。夫信且疑，托为他事让其弟。无赖子佯来为解，语不合，辄反目怒骂，仲竟噤不敢出声。无赖子更率党登仲门，欲殴仲，语并侵妇，谓：“若妇貌贞洁，阴多交往，我辈皆闻之。若弟惧为若辱，因入室伺，乃反啖若弟，淫恶莫甚焉。”ㄱ

妇闻之大恸，曰：“天乎，冤乃如是乎！吾夫弱，又与不肖同居，何面目相见！不死，无赖子将又生心，徒累夫耳。”屡觅死。其父母刻防之。妇乃转，饮食、言语如平常，父母谓无他，听还婿家。越日即服卤，仲知，救之已不及矣。ㄱ

父欲讼之官，无赖子惧，挽人求息。卒以身居异乡，不敢讼，妇冤竟莫白。计其死，今八年矣。仲既他娶，里人渐亦忘其事。有为鸣妇冤而表之者，吾日望之。ㄱㄱ

校注ㄱ

[一]舜而上传四世之祖禹 据《史记·三代世表》：舜为黄帝玄孙之玄孙，禹为黄帝之耳孙。玄孙之玄孙为第九世，耳孙为第五世，故有此说。ㄱ

[二]者 原文脱，据《赤城新志》补。ㄱ

[三]予 原文脱，据同上书补。ㄱ

[四]伸 原文作“信”，通“伸”，今统作“伸”。ㄱ

[五]撤 原文作“撒”，今改。ㄱ

[六]霸 原作“伯”，通“霸”，今统作“霸”。ㄱ

[七]南村 “村”原文作“轩”，据下文改。ㄱ

- [八]责 原文作“资”，据《赤城后集》卷三改。ㄩ
- [九]持 原文作“特”，据《三台文献录》卷十二改。ㄩ
- [一〇]以 原文脱，据同上书补。ㄩ
- [一一]请加恤典并开学禁以昭圣德疏 按本篇校之《三台文献录》，删改过甚。文题亦异，《三台文献录》作《辨王阳明理学疏》。ㄩ
- [一二]皆 原文作“背”，据《三台文献录》卷十三改。ㄩ
- [一三]卒 原文作“以”，据同上书改。ㄩ
- [一四]漳 原文作“障”，据同上书改。ㄩ
- [一五]地力 “力”原文作“方”，据同上书改。ㄩ
- [一六]自 原文作“日”，据同上书改。ㄩ
- [一七]何 原文作“向”，据《三台文献录》卷十改。ㄩ
- [一八]下大夫 “下”原录作“土”，据《三台文献录》卷十五改。ㄩ
- [一九]其 原文脱，据同上书补。ㄩ
- [二〇]朝 原文作“溯”，据同上书改。ㄩ
- [二一]六 原文作“两”，据同上书改。ㄩ
- [二二]囊 原文作“曩”，据同上书改。ㄩ
- [二三]臣 原文作“宦”，今改。ㄩ
- [二四]益 原文作“盖”，据《知我轩近说》卷下改。ㄩ
- [二五]浆 原文作“浆”，今改。ㄩ
- [二六]画继 “继”原文作“断”，今改。ㄩ
- [二七]当 原文作“党”，今改。

嘉庆太平县志卷之十八

杂 志 卅

《易》有杂卦，《礼》有杂记，杜预作《春秋世谱》有杂人，后人因之有杂篇、杂说、杂识，凡不列正门以类次者统谓之杂。邑之遗闻故实散见他书不一，卒令其泯焉无传，不可惜乎？荟而录之，广桑梓之见闻，资风月之谈论，当不以其杂而弃之。卅

杂人神童 列女 方外 方伎卅

詹会龙 范岙人。宋建炎间，与同乳弟桧龙并召见，年甫五岁。时外郡进果，上分赐之，曰：“一孟果子赐五岁神童。”即对云：“三尺草茅对万年天子。”上大异之，拟授从事郎，以幼难任职，遣还。未几卒。桧龙长，授通判。敕建坊，其里至今呼“神童门”。卅

戴颜老 南塘人，木之子。秀骨奇姿。周岁，父修试儿故事，陈物满席，颜老独手取《礼记》一帙，披卷若诵读状。稍长，两耳兼听，日记千百言。十岁属文，思如涌泉，王帅干^[一]懋卿试以题，捉笔立就。嘉熙元年丁酉，参政危公嘉其俊异，举童科第一，敕赐免解进士。年十三卒。杜丞相范为跋其文。族祖石屏哭以诗，曰：“昨应童科日，群儿立下风。丰姿倾众目，文采动诸公。两耳能兼听，六经皆暗通。相期到杨晏^[二]，有始奈无终。”《叶志》汪神童无考。按宋时鄞县有汪神童，名洙，字德温，后成进士，官学士。世传神童诗皆其作，或误传为台人。卅

林梦日 珠村人，大节子。母梦日而生，颖悟异常。年十三岁作《梅花赋》，脍炙人口。逾年卒。其师潘省元伯修哭之甚哀。ㄱ

赵明敞 万户师闻后。幼孤，母教之书，十二岁即下笔如老成。邑丞郑利其资，谋倾之，明敞随母王廷诉，得召见。母子奏对侃侃，明祖异之，顾左右曰：“孟母三迁而教子，赵母何如？”明敞即从下应曰：“文王一怒以安民，今王亦是！”明祖喜，遂抵郑罪，敕所司恤其家。永乐初将征用，明敞已卒。见林考功璧《状》。ㄱ

李匡邦 字朝得，长屿人。康熙初游庠，年甫十岁。府试时，太守见其少颖，赐桃命对，曰：“半边红似佳人脸”，即应曰：“一片清如太守心。”时呼李神童。未冠而死。邑山川灵异之气钟于人者，往往早秀，惜皆秀而不能实，有丛兰早败之伤。如所列数人，无一得寿者。既生之而又促之，不知造物者何心。若近时海滨间毛童子，从未就傅，问以书无不知者，卒乃块然冥然，此又若中有物凭之，非神童矣。ㄱ

戴石屏祖母 失其姓。知书史，能诗。石屏父母早卒，祖母抚育成长，口授书句，择名师令从学，卒成其孙为闻人。石屏久客不归，祖母感孙媳之亡，题诗壁间，世所传“机翻白苎和愁织，门掩黄花带恨吟^{〔三〕}”之句是也。见《石屏诗》小序。ㄱ

项氏 桃溪人，处士洗女兄。禀姿淑慧，自少《内则》、《女训》、《列女传》及唐、宋大家文，过耳即成诵。阅司马公《通鉴》，并通其大意。洗尝谓“强记之性，吾不及也”。适临海陈献肃公孙承议郎说之，贤行为世称。见《刘文清集》。ㄱ

夏阿九 建山人。随父樵于山，父猝为虎衔，女呼号追救。及虎，猛以斧劈之，虎释其父转衔女去。郑大惠为作《夏孝女》诗，云：“射生户，北山有虎何不射音汝！岂不闻，夏家有女年十五，随父樵薪入山坞。父行在前忽遭虎，女见父伤奋不惧，号泣逐之为虎语。逐之不已虎反顾，弃其父口衔女去。人言其父死亦苦，我言最苦在其女。想女亡父逐虎时，眼不见虎惟见父。射生户，我今重告汝：汝之生，

岂无父与母？勿谓官差尚犹豫，被尔甲弓张尔弩，况虎杀害人多天已怒。呜呼！虎害人多天若怒，天又何必使渠生下土。”^卅

范秋蟾 南塘戴氏妇，方国珍戚也。美而能诗，且知义，心非国珍及其戚党陈仲达等所为。《尊乡录》：“达普化^四死难，秋蟾吊以诗，曰：‘江头沙碛正交舟，江上人怀百战忧。力屈呆卿生骂贼，名图诸葛死封侯。波涛汹汹鲸横海，天地寥寥鹤怨秋。若使临危图苟免，读书端为丈夫羞。’国珍既据庆元、温、台三郡，张士诚在姑苏，遣能诗妓女十馀辈来觐，国珍送至南塘与秋蟾唱和。其行也，秋蟾制新词十章被之管弦以送，妓感服，尽以国情输之。”^卅邑闺秀三坑盛氏《梅花诗》最有名。后此，有长屿李与珂妻陆氏《偶作》云：“举日天边月自新，清虚宫阙净无尘。不劳长此娟娟色，来照霜闺孤另身。”又近何贡生启昆女适镜川叶氏，有才而寡，《拜月》云：“清霄皓月影娟娟，独拜庭阶思悄然。自叹此生形影只，惟徐素魄共相怜。”《素馨》云：“轻风拂暑夕阳斜，别有幽香透碧纱。菱阁晚妆销歇久，素馨空放一庭花。”^卅

汪氏 寒坑儒家女，适林原缙子孟通，不育。一日乘舆还家，父母讶其不期而至，必有故，曰：“为女弟作伐耳。”问：“谁氏，得似尔良人否？”曰：“儿婿也。”父母有难色，跪而请，父母曰：“尔愿之，吾从尔。”乃喜出篋中物下定。归语其夫：“此行为君聘新人。”孟通出不意，骇且感。后汪妹举子七人，媵出一人，分八房。宗之昌大皆氏力。^卅

顾氏 松门人，建南道初女孙。幼许字黄岩澄头沈锡球。顺治丁酉，年十七，同兄赴祖镇江知府任，舟行被郑寇掠去，欲以配其子。氏断发自誓，贼冀徐劝，不即加刃。防稍懈，其兄乘风驾舸，挈氏遁回。时沈闻氏掳，已别娶汾川蒋氏。及氏归，蒋以顾元配，且奇其节，托归宁不返。氏以蒋既婚，不宜令无夫。交相推，卒同归沈，相亲如姊妹。人谓顾氏之节、蒋氏之让，两不可及云。《汉书·列女传》才德并取，今史志例止载节孝，则孟光、徐淑之类俱在所遗矣。变例附记于此，庶闺门才德不致泯没云。^卅

张惟一 号秋泉，本姓戴，南塘人，世业儒。秋泉慨然有出世志。工诗及画兰。游燕京，赵松雪、揭曼硕皆与往来唱和。由昭瑞宫提点授全德靖明宏道真人、太乙宫提点。制敕有“泉石古心，冰霜雅操，淡焉若朴而妙感彰，廓乎不惊而众虚集”语，四明袁桷笔也。袁尝和秋泉诗，以“天台老仙伯”呼之。丿

郑守仁 号蒙泉，方岩乡人。幼着道服游京师，寓蓬莱坊之崇真宫，斋居万松间。一夕，大雪盈门，守仁读书僵卧自若，京师呼为独冷先生。达兼善、危太朴皆重之。至正间，出主白鹤观。有诗见《玉山雅集》。丿

盛希年 字得义，三坑人。好修炼，为广德州祠山道士。革除间，同乡王修撰叔英募兵至此，度事不可为，目希年，自制棺曰：“人生得此足矣。”希年莫测其意。将死，以白金及书遗之曰：“幸葬我祠山之麓。”希年趋视，已无及。人皆虑祸不敢前，希年殓葬如其指。王司寇东瀛尝为赞曰：“雷霆之威，谁不震惊！一言为重，百死为轻。”希年之义其可及哉！

王瑞环 字舜章，练溪里人。世习老氏术，住大闾道院。少从沈巢云学，仍不废旧业。事继母李能顺其意。弟舜玉三丧室，俱代聘娶。尝至石桥，道拾饼金，坐守其人还之。陈敬所重其行，为传并赠诗云：“尧舜堪为性善同，闾阎犹有古淳风。近来孝友传闻少，贫贱人家目击中。”丿

宗泐 字季潭，本邑陈氏子，继临海周姓。后出家。为诗博远古雅，在宋九僧之上。明初举高行，为右善世，住天界寺。时宋濂儒而好佛，太祖目为“宋和尚”，而呼季潭“泐秀才”，以其通儒书也。后于江浦〔五〕石佛寺示寂。所著有《全室集》。丿

灵睿 号摄庵，泽库钟氏子。为僧能诗，有《鷲音集》。罗太史坤言：“师博极群书，根参上乘。而孝不忘亲，终身庐墓，如瞿昙将入涅槃，

复为母说法。半生演教大旨，归之忠孝。韩子所谓‘墨名而儒行’者。”《题方正学祠》云：“草诏不从惟有死，麻衣著后更无人。”《度亲庵》云：“愁来惟觉思亲切，心死多应读佛书。”时人传之。ㄱ

妙明 号松圃，高士林长倩子。长倩既效谢皋羽、汪水云，托迹丰草长林，以妙明幼异，不欲令惹世纷，由是归禅门。比长，远游参学，证南宗第一义，卜筑峙山。当时延主天宁讲席。诗有长庆风。书法遒劲，几如智永^{〔六〕}，求者门限为断。同时郡贤张蓬池、何石湖并与方外友。遗稿陈王谟序。ㄱ

邱秉藩 字三峰。能诗，尤长书法。初，邑先辈林畏斋以楷书名，王古直工作草，黄九野兼长书画，后少继者。三峰得笔于其父云鹤，远近珍之。侄世请书亦称能手，与一都人金简字友月齐名。ㄱ

周世隆 号丹峰。嘉靖壬子，倭寇，城几危，汉寿亭侯现学宫樟木上，倭望见骇退，世隆图其攻御慑伏状，历历如在目。年八十馀，犹能作细笔图画。金之演其孙婿，艺亦精云。

邱贯 字道之。侍父亮宦游，以画名。亮为典宝时，代王闻而召试之，贯进《朝阳图》，王大称赏。每自珍重，流传真迹十轴外，不多见。翎毛花草，半其徒为之，颇得师传。颜色鲜明，数百年如一日。ㄱ

金之昌 字亦默，泉溪人。少习举子业。书宗苏、米。晚益工画，所绘山水《辋川图》及人物花鸟，率意为之，无不神妙。ㄱ

赵策 字贵方，周洋人。能诗。习丹青，喜作神仙图，令人飘飘有出世想。ㄱ

邱审之 字子问，号雁荡山樵，贯从子。从受六法^{〔七〕}，尤精传神。为县公彭追摹故母遗像，略规其舅氏，彭见之涕泣，以为毫发不爽也。客自广陵来，固邀之去，审之辞。彭为序《山樵诗集》，并颜其闾为“高隐”云。ㄱ

赵叔威 夹屿人，业医。有洲，种杏其上，因名杏洲，盖以董奉^{〔八〕}

自托。王静学有记。

李存声 长屿人。少习举业。习岐黄，治疗多效。从弟都宪匡病目，存声诊之曰：“目具一身之精，通五藏之窍。疾则尺脉贯瞳，势乘心也；努肉攀睛^{〔九〕}，势乘肝也。古云‘火郁发之，木郁达之’，宜针手少阳以泻三焦之火，针足少阳以疏胆火之热。”为针数处，两目霍然清爽如故。卍

林旺 字伯诚，精医。在都门僦居仅一室，求疗者填门。自以全生为任，不计酬之厚薄。居乡尤急人患。邑宰罗公以其居近市，而有士君子洁清之行，题其室曰“麈清”。蔡霞山有《麈清子传》。卍

李慎子 下村人。善轩岐术，授太医院吏目。就医者如市，随症缓急、道里远近先后付方，无一遗错罔效者，人咸神之。卍

王朝请 字畴九，双瑞人。世业医，治痘疹多效。至朝请，以儒为之，术益神，论生死无逾时日。授太医院^{〔一〇〕}吏目。每出，随而延者塞途，无贵贱悉为之诊。郡伯传令同时医者群拜师之。子允昌，能继其业。或云先世尝于乍浦遇神授。所著《三槐堂秘书》，用之异验。

王佺 号玉田，松门人。习星学。每为隐语定人休咎，事至验若左券。如推一朝贵云“晚年更得君王宠，临行又赠一车斤”，人以为误书“金”为“斤”。后其人伏法，始悟字意也。临歿，出一丸嘱家人研灌，其尸香闻满室。或说佺少从顾迴澜先生习举业，就试钱塘，见一人乘伞以渡，因拜师之，传其书。所著《醉醒子集》、《十段锦》之类，今星家祖之。见《天台山方外志》^{〔一一〕}。卍

方略 字贤济，号筠溪，新河人。性颖敏。博览群籍，精六壬数，旁及地理诸杂技。尤长于画，品格在黄子久、倪雲林间。兴至自写意，不肯以笔墨为人役。与同里沈及斋至契，沈赠诗有“立言皆见道，作画怕知名”之句。雍正间，尺符捕妖党方济贤甚严，贤济误被逮至杭。沈故重气谊，又怜其冤，亲挟资赴省，因杭人吴玉士为力白。

既出狱，沈、吴交贺，贤济笑曰：“未！未！尚有九日灾，过此无事矣。”已覆鞫，果如所言，益共神之。吴乏嗣，贤济为改门向，次年得一子。沈邀其归，吴固留，邀游湖山十馀年，画事益进，尤得意者以寄沈。卒日，吴葬之钱塘门外，沈为传。尸

郭乘龙 字御六，振民孙；赵景芳，字孟麟，诸生，嵩令景融兄：俱神于弈。尸

杂物古器 墨迹尸

至圣铜像 长八寸，重二斤许。冠后起两柱横簪，搢笏端坐，形制古穆。明初，孔太守中夫本唐袭封文宣公齐卿后，自莆田徙江馆，携祖像来，世崇奉。晤衍圣公会考宗谱归，作宗鲁堂，并建祠。嘉靖间，邑令曾为重新。像至今存。尸

骆镜 径三寸，围圆九寸，重十五两。背文镂异兽如蛟螭状，细字铭圜转，皆铁线篆。词曰：“骆氏作镜四裔服，多贺国家民人息。胡虏^{〔一〕}殄灭天下复，风雨时节五谷熟。长保二亲得天力，传告后世乐无极。”镜光如新，不知何时物，骆氏何人。《史记》：闽君摇都东瓯，姓骆氏。徐广曰：“骆，一作骆。”《索隐述赞》：“瓯、骆为姓，闽中是居，王摇之立，爰处东隅。”骆氏疑即摇后，君长其地。《博古图》载汉尚方宜子孙鉴铭，词与此同，惟易“尚方”字为“骆氏”，当是尚方铸此镜，其君长仿作，即用其词；又改“子孙力”为“得天力”，则非宜子孙而祝其亲，若忠孝镜也。古器汉以上多不著年号，用韵之古，非六朝人所为。台故为东瓯属邑，所以有此物。藏镜川叶氏。尸

铜弩机 樵人于紫莲山普济寺侧两见火光出地上，掘得之。铜质，约长六寸，阔寸许。有首背眼舌，竖翅，一脚，肠腹皆具，前

后两小圆柱横贯。无识者，诸生叶开基以《博古》、《考古》二图核之，则汉弩机遗制，与安帝时书言府所作正同，但无金错银错及款识耳。其用全在舌，一拨则腹胀，脚后开，竖翘仆前，肠与眼俱动。安箭准望之法在宋宣和已云失传。此机即非汉物，亦在千百年上。精光上见，如丰城之剑，不欲终埋地下，亦神矣哉。相传山尝屯兵，寺南崖顶废炮一截，铁顽锈，至今存，其时则不可悬拟矣。卍

铁券 故临海钱氏所藏。唐乾宁四年，昭宗赐节度使钱镠金券，文共三百三十三字，券长一尺八寸三分，阔一尺一寸，厚一分五厘，重一百三十二两，形如半瓦。其后子孙居台州，券亦随焉。至元丙子，家人携以逃难，失去莫知所在。越再丙子，渔者于邑泽库水中网得，以斧试击，则铁也。一村学究颇闻赐券事，贱市之，亦不悟其字为金。有报于钱叔琛之兄者，用十斛谷易归。一角有斧痕，余完好如故。事载陶宗仪《辍耕录》。又宋濂《送钱允一还天台序》称，宋季兵乱，券沈官渭水中者五十六年，元至顺二年渔人获之，售尚德之父世珪，说微不同。实则泽库即官渭上游，一水相通，其记所出处不甚远。若黄岩打网桥亦称以获券名，则于纪载无考矣。卍

研山 本米海岳物。石出灵璧山。《秋宜集》谓其大不盈尺，高半之，中隔绝涧，前后五十五峰，东南飞磴横出，方平可一寸许，凿以为研，号为研山。先在南唐宫中，元章得之，刻诗其下，以易苏仲容宅者。后归邑南塘戴运使觉民，旋又归其族。贾秋壑求之弗与。携持兵乱间，寝食与俱，乃获全。太乙崇福宫张真人惟一，本戴氏子，取以入都，公卿传玩争赋诗。赵孟頫《张秋泉真人所藏研山》诗：“泰山亦一卷石多，势雄齐鲁青巍峨。此石却是小岱岳，峰峦无数生坡陀。千岩万壑来几上，中有绝涧横天河。粤从混沌元气判，自然凝结非镌磨。人间奇物不易得，一见大叫争摩挲。米公平生好奇者，大书深刻无差讹。旁有小研天所造，仰受笔墨如圆荷。我欲为君书道德，但愿此石不用鹅。巧偷豪夺古来有，问君此意当如何？”揭傒斯《研山歌》：“何年灵璧一拳石，五十五峰不盈尺。峰峰相向如削铁，祝融紫

盖前所列。东南一泓尤可爱，白昼玄云生霏雾。在唐已著群玉赋，入宋更受元章拜。天台瀕洞云海连，戴氏藏之余百年。护持不涸权贵手，离乱独与身俱全。帝旁仙人乘紫霞，尺书招之若还家。阴崖洞壑何谿衍，宛转细路通褒斜。昆仑蓬岛与方壶，坐卧相对神仙居。硬黄从写《黄庭》帖，汗青或钞《鸿宝》书。秦淮咽咽金陵道，此物幸不随秋草。愿君谷神长不老，净几明窗永相保。”^卍

铜马 南塘戴氏物也。《赤城新志》称：其先操舟取蛎，夜泊浦溆，隐隐闻鼓乐，船自海上来。比近岸，灯火荧煌，就视寂无人，入舟，金银货物以巨万计，有香火祀一铜马，遂取以归，子孙富盛，世祀铜马神，俗号为铜马神戴。《叶志》略同，以船为盗劫所遗。汉末有铜马贼，铜马亦盗祀也。宋林逋《戴良镒传》则云：“良镒游海上，遇飓风，吹泊黄岩之盘马。近岸窥有七异人，巾服策蹇，倏然不见，惟黑棺在焉。棺中十七铜人马及玉上真炉、琴、缎帕，并兔雀二画，余皆金宝，光怪陆离。夜复梦神示所居地，以此发族致富。”则其获不止一铜马。卍

东皋子铜炷 东皋子，石屏父敏才号。炷高三尺许，径七寸，圆可三尺，似鼎三足，无耳，有灶门。镂字作两层。上行小篆，大书“嘉熙己亥”。每字间铭四句，皆正书集句，不用韵。首行“金用从革，亦职有利，宁媚于灶，木道乃行”。次“君子有酒，魚鳖脍鲤，职与在斯^{〔一三〕}，舍我其谁”。末“溉之釜鬯，同志曰友，狄牙能噉，请事斯语”。下层两面大篆，俱似“鼎”字。后署“东皋”。嘉熙己亥为理宗十六年，敏才正其时人也^{〔一四〕}。戴氏在宋人物世盛，东皋诗人，作此物，风雅可想见。炷今为黄岩金明经鹰扬藏。卍

铁盘 明成化间，居民于新河海涂上获之。大如车轮，重数千斤^{〔一五〕}。腹中铸文，有二十八宿及十二肖之像。故老言，此地神龙出没，朱文公经营六闸时，铸此以镇海口。又言金者水之母，潮浑见铁则清，所以障淤泥。此见旧记。嘉庆二年，迂江田间土坟起，土人掘之得铁盘，亦如车轮大，四角，面无星宿象，重几千斤。似

当时盘非一，或旧记言非实。《郡志》又言，文公修闸，作金鳌镇之，故闸名金清，被渔者网去，致淤泥填塞。明邑人林良相有诗云：“早晚江流自吐吞，清波一派已无存。若非人载金鳌去，天地沈碑未可论。”铁盘、金鳌形状不同，其为镇压之物均耳。卍

铜鼎 在县西关庙。腹大容数斛米，明天启三年铸。又有铜瓶及铜龟、铜鹤各二，俱制作精工。乾隆间，亡鼎盖，住僧求工铸合，工先日市旧铜物，有一盖，取视与鼎适合，众共神之。庙中又有明末松门职员邵世昌夫妇所施珠冠玉带，冠失，带尚存。卍

铜鼓 国朝李秋水州守得自广西柳州。重二十九斤八两，高二尺，腰微束而空其中，圆六尺，皆细花面纹，分十层。外层与第五层素地。三层、七层皆细钉如乳，三层凡钉一百三十五，七层凡钉七十五。六层为位三十六，每位旗一、炮一、箭一。内层分十二位，每位纹似旋螺，细长。旁作四纽，可舁以行。拊之，声隆隆然。岁久，铜花皆晕绿。形制甚古。或云诸葛忠武遗物，或云马伏波征蛮时所留也。其家至今宝之。邑旧所藏古物，大半失于嘉靖时兵燹。耳目所及，尚有：诸生王期煌家铁笛，较常笛短数分，外作缠枝状银饰，音响清亮异常；江洋叶氏七弦琴，中刻“赤城林从安制”；监生戚学锦藏大理石屏，李宓书《维摩诘所说经方便品》二千字，八分小字，极精古。卍

朱文公遗墨 淳熙间，文公提举浙东，营六闸，夜宿闸头洪亭长家，有题壁诗云：“才到重阳气便高，雁声天地总寥寥。客怀今夜不能寐，风细月明江自潮。”《对菊》云：“解印归来叹寂寥，黄花难觅旧根苗；只缘三径荒凉后，移向洪家不姓陶。”明洪、宣间，遗墨为有力者取去。又宿下蒋，与陶老人究水利，高其行，真书“静廉”二大字赠之。真迹现存沈明经肆三家。扁屿钟姓先有名春号文轩者，住界山，文公访之，值其已没，留诗云：“界山乔木有遗踪，不见斯文钟二龙。忠孝碑刖人去远，簪缨桥上老秋风。”其子孙世宝藏，今亦莫知所在。卍

戴敏才遗迹 敏才书名人御定书谱中。身后子幼，遗墨散失。石屏既长，访得之于其中表黄季文家，以诗求之云：“我翁本诗仙，游戏沧海上。引手掣鲸鲵，失脚堕尘网。身穷道则腴，年高气弥壮。平生无长物，饮尽千斛酿。传家古锦囊，自作金玉想。篇章久零落，人间渺馀响。搜求二十年，痛泪湿黄壤。君家图书府，墨色照青嶂。我翁有遗迹，数纸古田样。仿佛钟王体，吟句更豪放。把玩竹林间，寒风凛凄怆。昂昂野鹤姿，愧无中散状。儿孤襁褓中，家风随扫荡。于兹见笔法，可想翁无恙。幽居寂寞乡，风月共来往。众丑成独妍，群瘖怪孤唱。一生既蹉跎，人琴遂俱丧。托君名不朽，斯文岂天相。旧作忽新传，识者动慨赏。嗟余忝厥嗣，朝夕愧俯仰。敢坠显扬思，幽光发草莽。假此见诸公，丐铭松柏圻。君其启惠心，慰彼九泉望^{〔一六〕}。”^卅

李成《读碑窠石图》 柯九思跋云：“唐宗室成所画也。笔墨神妙，画山水者以成为古今第一。”后有陆修正、黄斌、戴有南、戴益四诗。九思元鉴书画博士，仙居人。戴益，自署石屏后人。有南，即友南，泉溪大监良齐后。陆号草屋，署吴郡，元季迁太之盘马，亦为邑人。黄斌号松云子，黄岩人。《清河书画舫》载此。实邑旧家赵氏所藏物也。^卅

《甲申十同年图》 谢文肃在京时，会集同年见在者为图，各分其一。文肃像微须多鬣，白髭髭不受带，面骨棱层起，左向坐，右手持一册，册半启闭。十人中，一大学士，一都御史，四尚书，四侍郎，年皆古稀内外，《明史》有传，为古今盛事。图凡十，文肃图尝于天台一家见之。有自题赞云：“误有壮心，嫁以虚誉。尔位之浮，尔德之愧。丹青者谁，貌以为戏。盍返尔初，以究厥志。”^卅

黄氏《雨窗别意图》 吏部郎中黄孔昭在都，其弟孔英往省，将归，永嘉黄灿为作图，取唐人“宁知风雨夜，复作对床眠”之句，以寓别意。谢侍讲鸣治、行人林雍为作序。同官傅瀚、张泰等咸有诗。孔昭诗云：

“郁郁连理枝，邕邕鸣雁序。感兹物意长，戚戚念兄弟。周诗赋棠棣，还复歌行苇。顾伊岂异人，手足原一体。天性返自然，生死同忧喜。笱豆及爵罍，形迹聊尔尔。俗降逮河湑，雅亡伤葛藟。所以后人，称名羨姜被。彭城风雨夜，如彼二苏子。我生夙孤蹇，茕茕失怙恃。俯念尔弟妹，各在髻鬣里。提携出京邑，艰难归故里。幸兹室家成，庶不坠先绪。青云縻薄宦，骨肉难常聚。使车自池阳，倏忽惊六祀。今夕复何夕，共此客窗雨。青灯耿深夜，倾倒极终始。吹埙固云乐，感旧情无已。长安故时第，踪迹半非是。篱菊秋着花，我酒寒可醕。子来不须臾，如何遽南驶。岂无好衾裯，可以少容与。回首泉溪山，候门有儿女。先垅旷时省，荆棘将谁理。临风听萧瑟，眷恋欲垂涕。亮无健羽翮，安得同高举。嗟嗟我父母，属望良有以。道德各自树，恩爱乃不弛。何必泥情好，始为真岂弟。洞山故宗党，老成丧无几。松坞岁寒枝，芘覆尚千载。愿言日斯征，毋为乡曲指。区区离别间，弃置勿复语。”

黄氏又藏有《梅花推篷图》，盖其先职方得之孙太守从吉者。孙在宣、正间与夏仲昭齐名，称“夏竹孙梅”，一枝半干，海内珍之。ㄩ

《正威炮图》嘉庆五年六月，阮抚军元剿捕海寇，驻节松门，所获南夷铜铁炮八十三，巨者盈丈，次数尺，皆作篆花鸟纹，记“安字”号数。力巨，发能洞山，舟师难近。天风助顺，贼船荡没，搜获悉充军用，夷人失所恃。抚军摹拓，绘为图，名曰“正威”。象山钱沃臣作长歌纪其事。阮抚军《炮铭》：“赤堇之质，黄金之色。湔神修贡，自交趾国。长赢两寻，规圆绳直。嘉庆五年，天风荡贼。夺而拔焉，全其本德。归正服逆，允宣厥职。驾海奔雷，万钧声力。值发无虚，望坚必克。守我浙东，制彼遐域。元戎宝之，视此铭刻。”ㄩ

杂事故实 先辈轶事 异闻ㄩ

宋高宗建炎四年四月辛酉，御舟发温州^[一七]，乙丑次台州松门寨。

是夕风顺，御舟与宰执以下船先后行，不相见。第闻探者唱云：“御舟在前。”不知御舟遇浅几覆，尚未至。既而，宰执回船入港，次日台谏官亦惶遽回船，乃迎见御舟。又五日始出台境。见李心传¹⁻⁸《建炎以来系年要录》。邑五都车路浦，相传帝南渡时于此登车；又途逢雨，至今有地名淋头；松门山下圆岩潜济潭神祠赐额；妇人李妙玄饷军，锡号“夫人”：皆在松门寨二三日中事。卍

南塘戴氏被抄。《林之松集》载：“元末明初，戴宗方汰，相率为逾制非度。永乐三年，门客胡应中、叶得中投通政司，奏其不法不道事，下浙江巡按御史，发卒收捕。狱成，族诛戴氏。诸奏首及知证人各赏所没地，蠲其赋。”据《征猷录》石屏六世孙松石诗自序“洪武壬戌春，吾族颠沛，避地方还，见景伤怀”云云，则戴之抄实洪武之十六年，非永乐间事。是时，太祖惩元政之媮，用法严峻，郡邑吏阿旨诛求，邑内江氏及白山蔡氏皆无故被抄，况戴系方氏之姻。国珍内附后，熊鼎按部，尽籍其亲戚寄顿。戴富盛累世，日处危地，门客乘机告讦，法司深文周内，遂至赤族，岂真有不法不道之事哉！袁忠彻记方鸣谦受剥肤之刑，举族罹祸，在洪武戊午，隔壬戌数年，正与戴氏之抄相先后。《凤池叶氏谱》载：“洪武二十六年正月初一日抄南塘戴氏；次日抄叶义恭家，尽诛其二十八子”。二十六年或十六年之误。其抄断在洪武而非永乐。然林说出于李考功茂弘，又永乐间人亲见之事，岂先抄止数家，后乃及举族耶？相传先未抄时，童谣云：“老鸦叫，相公到。到何方？到南塘。塘下戴，好种菜。菜开花，好种瓜。瓜抽藤，好种菱。菱壳乌，摘个大姑，摘个小姑。”郡邑志载此有详略，总为戴宗将亡之讖。又闻石屏庙中先日降乩有句云：“五桥明月深秋夜，冷雁一声叫断肠。”五桥皆戴筑，家之兴亡，其殆有数欤！卍

方国珍世居黄邑之洋屿。洋屿者，近海童山也。仁宗延祐六年，

忽草木郁然，是岁国珍生，里中有“洋山青，出贼精”之谣。至正间，元政不纲，人心惶惶，民谣：“天高皇帝远，官少相公多；一日三遍打，不反待如何。”国珍父伯奇逋租，为田主陈所辱，国珍给田主杀之，事泄，捕方急。又以与蔡元一争牢盆事，官右蔡，国珍怒，叛入海。《明史·方国珍传》：“国珍贩盐为业，因蔡乱头行剽海上，国珍怨家告其通寇，遂至拒捕，杀巡检。”《元史·泰不华传》则云：“至正八年，国珍为蔡乱头、王伏之仇逼入海为乱。”旧志所载与《泰不华传》合，仇逼事疑实。《凤山黄氏谱》亦纪：蔡与方为难，方得志，尽殄蔡族，独元一子圣童先从母归洞黄，得免。卍

王静学之难，妻女并死，妹适陈舜章者亦自缢。甥泰以党戍卢龙，将解，口占别送者曰：“楚猿亡，林木祸；城门灾，池鱼火。我甥何辜，我舅何负！从义死，真君子。”舜章义不再娶。万历间，御史范奏释泰子孙回屏下。静学弟元默既脱，为乡人金宽告捕，诛，资尽归宽。洞山黄德清亦以亲党为宽诬告，毙南京锦衣卫狱。卍

明嘉靖间，迂浦街有金星菩萨阁，倡言从教者夜间能见菩萨光，妇女趋集，恣为奸利。横湖堂神祠亦为妖异惑人，醵金钱，结穿臂会，附从者几数千人。闻捕，聚众拒，伤捕役。邑令毛亲往查，拘其首，毙杖下，并毁阁，投神像火中，祸始息。宋李郡守谦《戒事魔诗》：“劝尔编氓莫事魔，魔成划地祸殃多。家财破荡身狼藉，看取胡忠李子和。”足为愚民警矣。

万历四十八年^{〔一九〕}七月十五日，松门兵变。先是指挥戴承祚、焦承先，百户史光祖、郭钦锡及粮头陈元行等各侵冒领粮，有竟年不得领者，遂聚众抢史光祖家，时噪者百余人耳。既而，孙八、童七并有勇力，出而为首，八自称大将军，七称副将军，制二红旗。毁生员王万邦家，执掌印指挥吴光祚、经历汪彦钦。孙八坐卫堂，令二人侍侧，勒取四载无粮申文，中伤台守陆公，而松门一城鱼烂矣。

旋见人心不服，乃纠众于九月二十日赴守道具诉，行至海门，从党稍散去。是时代吴指挥者为张国光。十月十五日，复粘榜通衢，曰：本月十六日辰时会众，先杀张指挥、汪经历。二人惧，乃召家丁与其党之中悔者谋，遂夜擒孙八、童七、王大祖、董光宇、丁升、李元等解府，其党叶大受、丁士美等并遁。而先六月间，海门卫水陆各营亦以缺饷致变，知府陆公亲往谕定。卍

兴文塔当邑巽方，嘉靖间曾侯筑，以“兴文”名。已，科名不利，士归咎此塔，谓被镇压，又制不宜实中，纷纷议拆。康熙戊子秋，学宫坏，辛卯，郑侯一枫至，议重修，遂有以塔料助修之言献者，郑从之，而塔毁矣。邑人林矿记：“塔之建，历百七十年，欲毁者半，留者半。设无因而毁，毁而其物置无用，费又无出，人不遽毁也。当事执不从，如前诸县公，人亦不能毁也。兹且不烦费矣，得实用矣，又有上令，何惮于毁！虽然，欲毁者以塔之不能兴文也。今一旦毁之，而文心拓焉，文运起焉，人将曰果塔之过也，其毁也宜矣；设毁之而文心犹是，文运犹是也，果塔之过乎？其非塔之过乎？姑记以俟后日之验。”卍

宋王少保居安，儿时即颖异。国子司业刘孝黻七月八日过其家，命赋七夕诗，援笔即成，兼有思致。刘惊拊其背曰：“子异日名位必过我。”及长，登上第，屡著事功，为群小所阻。吴荆溪叙《方岩集》，谓公尝有句云：“高下水痕元自定，后先花信不须催。”生平出处去就，二语足以覘矣。福建连江县潘渡桥圯，王少保为帅时改建。中流涌断石一片，有文曰“安利”，符公名，因改名安利桥，至今称王公桥。卍

王少保有米颠之好，行次池阳，见山石可爱，用袁席之韵，赋五古“平生爱奇石，如见古君子。一卷窗牖间，时复为隐几”云云。家有灵璧石，碧玉秀润，兼青铜色，雄伟、峭拔，若苍龙平地骧首，两片黑云腰夹之，四时常有岚翠蒸湿。戴石屏为作歌，语甚奇特。卍

徐秘书竹隐，尝买小舟，携眷属行，舟逼窄，有诗云：“篷低日觉巾角折，灶近时闻羹釜轳。全家窟拘叹蹉跎，长物屏当随周遭。”摹状甚肖。王少保江西破贼归，小舟迫促，腰不能伸，笑曰：“今日为折叠侍郎矣。”先辈处富贵，风致如此，令在今人，龙骧万斛岂为多哉！^ㄩ

三山宗判赵用父问戴石屏近诗，石屏口举“今古一凭栏”，“夕阳山外山”两句，云未有对。用父对上语“利名双转毂”，刘叔安对下语“尘世梦中梦”。刘对意未惬。都下会李好谦、王深道、范鸣道复谈此，范以“秋水渡旁渡”对之，当时未觉奇。江东夏潦，行至溧水界，一渡复一渡，时夕阳在山，分明写出此一联景。^ㄩ

沿海村落有兄弟争沙涂田结讼者，石屏赋一词，有云：“尽是鱼龙故道，新堤上风涛难保。沧海桑田何日变，怕桑田未变人先老。”兄弟觉悟，遂罢争。国朝康熙间，县城贡士林飞羽，读书廉介有守，与王士俊槐园、士杰竹坞兄弟交厚。二王忽以争鱼缸有违言，作绝句寄之云：“槐自芬芳竹自清，只因枝节太分明。后园一片空闲地，何不移来种紫荆？”二王甚愧，更相让，即以缸送林。^ㄩ

徐渊子诗：“牧童出卷乌盐角，越女归簪谢豹花。”石屏《乌盐角行》云：“何如村落卷筒吹，能使时人知稼穡。”乌盐，自是一种树，可卷叶为角吹之。江邻几《杂志》云教坊曲谱名者，误。^ㄩ

新昌吕声之与丁子植抚干诗：“更看谋略称筹策，会见精神坐折冲。败走苻坚兵百万，围棋别墅意从容。”子植通守澧州时，有御寇功，史传无考，家乘亦失之。^ㄩ

陶九成父明元，孝感玄武神。九成亦至性异人。因读皇甫持正集，见《陶母碑》，思其母拳拳教子，如翰林承旨张蜕庵所撰墓铭：“家贫，劬力纺绩，给诸子，无废学，惧不克勉学，以成令名。”具载《辍耕录》中。^ㄩ

明初，戴文祥自以经事前朝，决计归隐，诗中多寓此意。《答弟

文信》云：“万里輿图新入贡，一时遗老复迁官。只缘旧国轻周鼎，徒使金人泣汉盘。”又《别弟文美》^{〔二〇〕}云：“无端遇着东风恶，吹上长淮逐客船。”盖勉强为当事荐起，旋即赋归。卍

王静学令汉阳时，杨文贞士奇以布衣客授村落中。静学偶过，闻书声，曰：“兵革后，不闻此久矣。”入视，文贞避去，见案上诗一编曰：“公辅器也。”邀至，荐为王府审理，至大用。先生靖难后，卒赖文贞为表。卍

长山李存仁才敏，遇事立决，判语多有韵。一日，有两牛相斗，一牛死，主者讼之。判曰：“二牛相斗，一死一生。生者同耕，死者同烹。”又有以鹅食田禾，被禾主毆死鹅，彼此互控。判曰：“鹅嘴如梭，食禾不多。鹅主偿禾，禾主偿鹅。”他类此者尚多。卍

李都宪肃斋十二三岁在村校中，一日与群儿垂钓，群儿无所得，都宪把竿在手，口诵曰：“东海龙王，西海龙王，大大鲤鱼，送与李匡！”一举而得双鲤，为儿时已异。后巡江右，杨少保士奇子稷暴横里中，微服往访，夜宿民家。见壁上画白鹰，题曰：“天遣孤鹰下海西，冰肌玉爪未沾泥。朝游已破群狐胆，夜宿还惊百鸟啼。”掷笔曰：“是诗所以志也！”翌日遂举按其事。卍

林一鹗侍郎，景泰七年丙子，学士刘俨主顺天试，一鹗以监察御史监试事。大学士王文、陈循各以子托，不从。榜发，王子伦、陈子瑛皆无名，借第六名林挺指一鹗私其族，陷之。高穀复验，取中皆当，挺，一鹗同乡，非同族。风节益显。出知镇江，见焦山奉焦先像，冕旒，旁列仪卫，笑曰：“焦先汉隐士，而塑像如此可乎？”立撤^{〔二一〕}投江中。及调繁苏州，继慈溪姚仲升之后，初时人未信，有“双木撑篙，不如一摇”之谣，久大服化；又谣曰：“孰使民乐，飞来一鹗。”《日知录》记其谒文庙时，见圣像剥落，曰：“塑像非古，昔太祖于国学用木主，宜改从之。”或以毁圣像疑，曰：“此岂圣像耶？”

古人席地而坐，正不如此。” 尹

应宜休志和，少年确重，貌丰而颀。黄岩蔡元丌，资雄一邑，欲以女妻之。宜休曰：“先人与林氏有成言矣，虽未聘，约固在，不可以贫富贰。”遂辞蔡而婚林。尹

水洋金浦云先生有知人鉴。谢文肃为秀才时，至其馆问可交之人，先生默不应，顷之曰：“吾思之久，必欲交，吾甥黄某其人！”言毕而文毅公至，文肃遂与定交。自同举至同朝，无处不俱，又交相勉为名臣。气谊之笃，《桃溪感旧》诗所谓“交道每怀黄水部，黑头心事几青灯”也。子孙至数世往来不间，皆肇于浦云一言。尹

谢文肃与黄文毅，在都同居共爨。尝制一衣，手互缝，领不能裁，以茶钟规圆之。清苦刻厉，两人如一。尹

文毅少读书集怡楼，世母以盂蜜同餐馈，方食，意在书，误醮墨食之，唇尽墨，盂蜜如故。已，自笑曰：“吾读书，甘苦真不知矣。”尹

文肃幼时，世父宝庆太守命咏半月，应声曰：“人爱已圆月，我爱未圆月。未圆有时圆，已圆夜夜缺。”太守曰：“此子隽异，且能持满，异日必以功名令终。”又口吃，尝自为诗曰：“心自分明口不明，向人堪笑亦堪惊。可应黑白全难辨，太遣模糊过此生。”致政归，过新河，一军笑之曰：“有官不会做，有钱不会接。只会在屋里幽^{〔二〕}，怎的！”公曰：“军其知我哉！”赋诗云：“五陵裘马日更新，白发归来苦爱贫。除却新河军识我，平生知己更何人！”尹

王山人仁甫游京师，视乡人朱诏佐于刑部狱，被逮，暴立烈日中，不与众囚伍。刑曹主事李廷美异之，令检衣帽，袖中出一纸，取视，则柯学士潜赠作也。因问仁甫：“能诗乎？”曰：“能。”使赋日影，须臾即成，曰：“皎皎散阳晖，因物始成影。万象妍丑明，一见妖魔屏。瓦雀成驹驰，金乌异蟾冷。长夜照圜扉，冤累正延颈。”李谢之曰：“君雅士，不当在此！”仁甫长揖出。明日诗传遍京中。尹

陈敬所以德行重乡里。天台夏赤城嶽初成进士，来太邑，闻其名，将便服进谒，有谓之者曰：“陈先生虽布衣，殆不可率尔！”夏瞿然，用公服以后进礼见。既出，为诗曰：“一见方岩论人物，便留此膝拜先生。”盖其贤，文肃先为夏言之矣。卍

正德庚午，戴师观给事秋试出闈，口占云：“夜半归来月正中，满身香带桂花风。流萤数点楼台静，归雁一声天地空。沽酒唤回茅店梦，狂歌惊起石潭龙。倚栏试看青锋剑，万丈寒光透九重。”口气固不作第二人矣。榜发，果夺解。

黄久庵尚书居乡建义楼、义冢，为谢文肃公迁葬。黄岩张同知、子木庵先生，父子清节，卒后贫无嗣，尚书与弟约，同往为殓葬于百家山麓。卍

万历间，张都督东瀛镇广东，受命征罗旁瑶、浪等洞蛮，平贼巢五百六十馀处，罗定一州东安、西宁两县始入版图。前此皆丛篁深蒨，人迹不到处也。父老言，旁之龙龕山，先因开道得石碣，有文曰：“东海蓬瀛，一凤飞鸣。千百年后，发我兹茔。”至是，其言遂验。卍

茅岙林氏相传，黄岩河西庙神为范真官铸远谪。其远祖恺祖自平江山长归，遇神附书至路桥，嘱以庙旁有古木，扣之，当有人出受书。又言某所石函中，有书一部以酬。如言投书，闻木中人哭声不绝。至某所启函得书，乃保婴秘方也。由是世精小儿医。卍

十四都有地曰龙井。相传大泽中白龙化为人，与寺僧友善，共坐，忽天晦冥，电掣其旁，雷数欲下而止。其夕，梦来谢曰：“吾本白龙，分罪诛，依^{〔三〕}高行得免，非人也。明移天翁山。感师德，赠师银炉，蕪香当至。”翌日，闻声震数里，龙徙处有穴如井，水皆倒飞。地因名“龙井”，本无井也。鲍纪善原弘祖正行，自三坑里徙居之，筑龙井草堂，人称“龙井先生”。

鲍纪善母始生子以四月八日，未几卒，梦其子告曰：“儿生为三坑盛氏子，在彼不乐，愿卒就母。”既而，仍以四月八日生，即纪善也。先后两世生，俱以佛诞日，梦境显然非幻。事载黄辅所作《纪善行状》。卍

方国珍家洋屿，距南塘十数里。一日侵晨，诣戴氏假椽木。主人卧未起，梦厅柱有黑龙蟠绕，屋为震撼。惊起趋视，见国珍倚柱而坐，知为非常人，遂以女妻其子。《郡志》云：戴氏异之，因妻以女。国珍妻两董氏，皆非戴。宋濂“国珍神道碑”：子五人，曰礼、曰完、曰本、曰则、曰安。未知五人中孰为戴婿？卍

城隍之祀，莫详其始。观芜湖城隍庙建于吴赤乌二年，高齐及梁武陵王祭城隍文皆著于史，其来已久。唐、宋后，祀遍天下，或赐庙额、封爵。明洪武三年，定号某府、州、县城隍之神，原不必定有其人姓名。太邑城隍神，相传郭姓，即明初郭畅轩。陈耻斋《存佚录》载当时有“生为饶阳令，死作城隍神”语。事虽无实，其人生平聪明正直，有为神之理。天以民为视听，邑之人无不以郭为城隍神，即安知天不命之！今宁国、太平等郡城隍皆以为纪信，赣、袁、南康诸处城隍皆以为灌婴，或有据，或无据，同此理也。新河城隍神，传徐姓。嘉靖间，徐知县钺同戚参戎御倭，有保全所城功，足当之。里人则云徐达第三子。康熙间，三王陈涵玉没为蒲岐司城隍，后裔孙至其地，父老欢集为宴，事非全诬也。卍

赵太守崇贤父未庵，尝拜洪洋祖墓，于石曲西池内，拾古砖，文云：“若欲赵氏重整门台，直待金水人来。”已，生太守辛癸，年月适符金水之讖。年十四，向月诵书，辄有老人来与伴，自称桐柏真君，并语以墓砖事。太守以启其父，父曰：“有之，但汝何由知？”太守述老人言，父甚喜。事之前定如此。卍

嘉靖三十一年^{〔二四〕}壬子，倭寇从西南来，城几陷。忽儒学前樟木上见汉寿亭侯像，旗帜林立，若统兵状。倭望见骇愕罗拜。邑人

王庚乘之，用火攻，贼败走。今庙中尚传有《关公退倭图》，神气生动，周世隆笔也。卍

国朝康熙十二年正月十四夜，新河城隍庙灯彩最盛，神降乩，赋词云：“影朦胧，梨花梦，震升坤伏，啼鸟春风，人间剪彩罗，天上排金孔。嫦娥跌破玻璃瓮，遍三千火树烧红，众官陪宴，月在帘东。”出语奇艳，仙气飘飘，有似太白、长吉，非寻常人能伪托也。卍

县城诸生邱梦雷读书南门外冈下殿^{〔二五〕}，嗜酒，每就神案旁且读且饮。忽念孤饮寥寂，且日对神酌，何^{〔二六〕}不一敬，置杯神前，满注之。甫视书，杯空，心讶其异，再注，空如前。邱故狂生，大喜，请与神为豪饮。神乃夜见梦。自是数来相酬酢，渐谈论及文字，邱愧不及。一日兼饮红白酒而醉，书句索神对，曰：“红白交加，醉去不知南北。”连夜寂然。私计此对即神难之，将再往叩，适甥至家，问何事，应曰：“青黄不接，走来借些东西。”乡里常语，殊不觉异。夜神来，复理前句，神曰：“吾对已寄尔甥来矣。”邱思良久，顿悟甥所答与前句对天成，并叹神用意之巧。晨以语人，莫不神其事。卍

诸生王瀚馆蒲田，辛酉秋试前，与杨姓夜请乩，问平邑今年中几人。仙示诗云：“才从瀛海泛波涛，缓辔天衢月色高。待看九秋风力紧，一双俊鹞下晴皋。”意当有二人中。更问中者谁，批云：“不可预泄，明日看对联去。”侵晨，一友延饮，至，则见楹书“声华馥似当风桂，气味清于着露兰”，旁署林某。意己字秉兰，当应之。秋榜发，捷者乃陈凤飞、林茂冈也。陈小名桂，字馥清，皆见联中，款显著林姓，秋风双鹞，无一不验。戊辰恩科，邑士复请乩，仙示“金井梧桐一叶”字，众谓叶姓者宜捷，揭晓则中者为黄濬。盖隐其姓作歇后语耳。卍

割股疗亲，近时累见。诚如韩昌黎所论鄢人者非之，然视亲病不尝药者有间矣。嘉庆十五年某月，四都民陈守先亲疾，情亟，以

刀割胸胁间，深一二寸，出一物似肉非肉，或曰肝也，或曰非肝。肝出无不死者。宋濂《浦阳人物记》：“淳熙中，钟宅剔肝，化感一门。又有金智深者，母危疾，亦剔肝为饵。”则割肝古来已有之。创深血迸濒死，而卒获全，其心诚，其身亦危矣。存以纪异。ㄎ

旧 家ㄎ

《叶志》：宋时黄子约作《黄岩大家录》，以一绝句总括为急就章，曰：“宋室传来十八家，左陈柔极派来踪，潘林於马裘毛盛，戴杜朱彭孔葛车。”“宋室传来”谓赵氏诸宗室。“柔极”谓柔极黄氏。林即伯和之族，里语“林有珠梅半横车浦”，谓六族皆同始基祖。盛即三坑盛圣泉族。戴即南塘戴氏。毛即丹崖毛鼎新族。稍后又有四大姓：南丁、北蔡、东阮、西卢。丁即温岭丁少云族。蔡即白山蔡博士族，或曰黄岩县北有蔡氏云。ㄎ

邑姓最古莫如楼旗王氏。戴石屏《赠西涧王深道诗》所谓“传到宋淳祐，来从晋永和”是也。别有王姓出会稽，先名光泽者，任黄岩州判，遂迁居焉。弟光熙，官制置使，别居婺东阳。子卫生，号藏六居士，仍依湖没林氏以居，今楼屏是。ㄎ

江洋，世传江迢裔孙居此，因名。迢字载道，晋成帝时陈留圉人，避苏峻乱居临海，州辟不就。后殷浩北伐，表为咨议参军。成帝时，邑境不属临海^{〔二七〕}，相去甚迩，子孙转徙于此，事或有之。又县城南有江家溪，江氏居此在金、戴诸姓先。北隅有江岙岭及江林合葬墓。盘马复有江族。故老传，洪武间江氏与白山蔡氏同抄，不知抄者何族。ㄎ

白山蔡，自晋侍中谩后名午者，于唐中和间赘尹氏，始家此。尹，古族，邑西北有尹长岙是也。午传至武博镐已十二世。环灵伏山左

右皆其族属，历世富盛，里中为谣云：“舟摇摇，摇到蔡家桥。蔡家桥里好人家，四扇大门八朵花。”武博没，族稍不振，子孙散居他处。元末避方氏之难，易姓黄。明初又遭籍，于是白山无蔡踪矣。卍

戴氏世居南塘，其山曰戴山，岩曰戴公岩。石屏《元旦拜会》诗云：“尊卑三百辈，上下五世人。”戴文祥《别弟文益》诗：“我家迁居自闽土，传世于今十有五。渊源始从五季来，子姓咸知立门户。儒贤术业每升堂，云路登跻亦联武。”当时可谓极盛。抄于洪武之世。读松石《壬戌吾族颠沛》诗“无人到此不心灰，况我情亲更可哀。满眼凄凉禁不得，惟望天道有阳回”。几一字一泪。然别族之在温岭者，明代簪缨犹盛，乡里谣曰：“积谷钟金赵，诗书戴李林。”遗泽之长，千年不替，如戴氏一族，何减昔年顾、陆耶！卍

南塘，自东皋子振兴风雅，石屏继之，其后能诗者辈出。石屏诸孙行景明外，如槃字子渊、服字岂潜，并有名。“醉石眠花影，吟廊步^{〔二八〕}藓文”。“春水绿平野，夕阳红半山”。“一樽溪上别，孤棹雨中行”。子渊作也。“一灯深夜雨，几处不眠人”。“一草亦关春造化，众星能表月精神”。岂潜作也。徐如子荣、君玉辈，并雍容儒雅，兄弟时为击钵之会。甚至内而闺阁，幼而童稚，莫不工吟咏。噫，可谓盛矣！卍

温岭之戴与南塘为一，盖先未抄时所迁。戴豪《赘言录》言之详矣。大学士李东阳作豪墓表，称其先出石屏先生；谢文肃志豪墓，亦言系出石屏后。举族之最有名者言之，未为大失。顾李墓表又浑言九灵后。九灵名良，字叔能，乃金华浦江人。生元末，与石屏年代隔远，并非一族。此文见载《怀麓堂集》，恐戴氏后人误信之。卍

秘监良齐族，来自温州^{〔二九〕}平阳，与南塘异派。相传其祖由猎至泉溪，有李姓亦大家，死亡殆尽，独孀妇丁氏在，遂赘居其家，为营葬数丧。子孙世祀猎神及李念一郎，俗呼猎神戴，以别于铜马神戴。其宗至秘监始显。先未立城时，百千山下皆戴姓所居，南小泉村潘姓居，

迤西凤翔山近溪，则金氏聚族于此，里人有“南潘北戴泉溪金”之语。立城后，戴宗已微，转以邱、林、金、高四姓为盛。ㄱ

淋头潘姓，旧呼潘周，兼两姓而称。由其远祖本吴将军周处孙流亭侯清子曰器，出嗣黄门侍郎潘岳从子舜孚。永康元年，岳被收，器逃难至闽，三传至正，字端朝《黄志》作端明。复因乱徙黄岩，客柏都山郭秉家。秉殴杀邻人曾同善，正代入官，临海太守辛昞即辛景义而释之。奇其貌，妻以女。从讨孙恩，飞铁屑破贼海门，斩张勇于永嘉，以功拜中大夫左丞将军。义熙十三年卒，葬郭川五龙山上。尚书徐羨之上言为立庙。唐宝应间，袁晁之乱，神显灵三江助杀贼，遣官致祭。今黄岩有潘大夫庙是也。其裔孙汉，景德中起进士，为县令。时三江潘长崇作乱，副尹伯庄讨之。伯庄转表汉通从兄长崇为不轨，龙图学士杜镐白其非同族，家相距甚远，令进谱崇福宫。圣福皇太后见之曰：“此潘周也，与三江潘何涉！”遂得释。事在大中祥符丙辰岁。其后称潘周以此。然今人只知为潘矣。ㄱ

孙大雅《南村先生传》：黄岩陶族有二，一在陶夏，莫知名所自起。考元郑元祐九成父墓志，称宋时有讳榷者，官台州司户参军，家台。八世孙若晦，始居之地，乃以姓显。其后迁湫水，即邑灵湫山。又筑室青阳，亦去灵湫不远。同时与陶氏居陶夏者，有杜氏、项氏、赵氏，继有卢氏。元末，谢伯逊始迁此，占族最后云。ㄱ

团浦之徐，其先名戩者，本衢州江姓，闻黄岩二徐先生名，来请业，居委羽山，二徐以弟子待之，遂从其姓。戩于徽宗时召说《易》，号广成，授职方员外郎。后裔迁邑之团浦，子孙相传其祖学徐学，姓徐姓，示不忘其本。ㄱ

陈郎中钝言：珠村林氏盛时，与洞山黄氏、亭岭周氏、山下金氏、屏下陈氏、半岭林氏，每岁旦，六姓各命童仆携酒饌，会集于横溪寺，论文弹琴，行酒赋诗，叙天伦之乐事，修兰亭之遗迹，他姓不得与焉。

想见诸姓一时人物衣冠。ㄱ

珠村林石盘子妇，笄岙陈敬所之亲祖姑也。石盘家居，性方严，陈氏每于黎明起候，竟日罔敢有惰容。一日，翁于室中偶闻陈怒叱其下，不悦曰：“安有深闺妇女而可有厉声乎？”陈跪谢。终翁世，未尝有叱咤声。先辈家法之严如是。ㄱ

黄职方備兄弟儿时，其父文毅公命视家人收谷，视谷中有遗粒，与弟挺复簸之，得数升藏之。一日，取买梨枣食，相谓曰：“此我自己谷也。”蔡太夫人闻之曰：“父母在，子孙无私货。汝等为稚子，有自己谷耶？”以语文毅公，皆痛责。ㄱ

宋时，黄岩洪氏之盛，自洪洋东至洋屿，西界鱼沉，南抵湖亭，北连沙港，方数十里，田庐相望，当时有“北洪南戴，侯王可赛”之语。有官大理司直曰杞者，三女，长适南塘戴大监，次适同里赵郡守，三适瓠窑姚通判。惟赵无嗣，乃以己孙后之，此洪继赵也。咸淳戊辰，元师南下，洪之宗族多死徙。赵松坞翁次子武翼大夫处良娶于洪，其家犹以田五十亩助奩。既洪又乏嗣，松坞后以季子处俭，此赵复继洪也。元至正间，方氏之乱，洪洋及洪家场居室悉为杨万户所赭，火经数日始烬。时人诗曰：“咸阳宫殿三月红，洪洋地宅无豪雄，烬烟弥月吹晓风，沧海桑田朝暮中。”盖深为丹阳遗裔惜。而赵后人转邑关屿者，至今盛，犹传洪赵一姓不为婚姻。又洪氏言，元末被难时，独仁本外出，妾方妊在家，假死得免。生子绍，因贫甚，寄居明因寺，赵目仲资助之，妻以孙女，重立家叶店。赵^[三〇]宗后繁，皆目仲之德，未知为关屿上世何人。ㄱ

风 俗ㄱ

方俗 同各邑，其节目名色稍异者：人家女受定，求婆母履样，

手作致敬。既嫁，分妆献“家娘被”。婚娶，男家先日送礼，曰“发庚”，或补于后，曰“轿后庚”。女家有“三朝饼”。归宁曰“回花”，富家赠女，有“回花猪”、“回花牛”。娶妇入门有“伴姑”导新人行礼，以戚友中室女父母全者为之。坐席，新人席南向，或东第一席西向，次伴姑，余以次坐。择老年尊贵全福者关席，曰“席尊”，独坐面北，新人起谢酒，兼拜之。既婚三日，新人落厨房，拜尊长，谓之“分大小”。有即在次日者。女人孕过期，亲戚饷饭催生，曰“过洋饭”。儿弥月剃发，剃工送画鹰，取英俊。外孙初至外家，以墨点额。俗云“搭搭乌，望外婆”。婿入学中式，襴衫补服取备岳家。人死，足下点灯一盏，谓照之行冥路。衣服入棺，用秤秤之，每件声报，独刀剪类不随殓。僧道或用与否。用者下棺有“开路经”、“随身经”。七日佛事，竖旛，有“钻九门”、“闹花钹”等名目。每日座前供饭，以箸一只绵裹，旁置礼鬼使，恐食速促死者去，故迟留之。柩行鸣锣，每声皆独击，闻者辄知丧过。死未久，村俗好巫覡，多有“讲灵姑”、“关鸡魂”者。新年拜节及谢孝，不出八日，名曰“上八”。朋戚春酒，多在月半前。俗云：十五十六，断酒断肉。元日不扫地，不缝针。第四日始行汲，井上置纸钱，曰“开肩”。元夕“请白姑”卜休咎，撒黑豆打鼠眼。祝云：东梁上，西梁落，打得老鼠光铎铎。屋内遍地插烛，曰“间间亮”。墓上亦插竹点灯，曰“送坟灯”。又以是日阴晴定乌鳊鱼多寡。清明采菁，杂米为团，及作乌饭糰，门前插柳枝，小儿发辮中亦戴柳球。午日，以雄黄涂儿鼻耳辟邪。缚五彩绳臂上，至七夕撒屋上，云“鹊衔去作桥，备织女渡河”。十三，佣作者求假，集关庙举刀角力。是月，村间备酒肉“洗稻苗”。六月六日，人家作醋。七月六夜，妇女摘时花置盆水中，放天井，云“为织女接泪”，次日，用净目；采篙槿渍水洗发。中元节，沿路施鬼饭，放山灯、水灯，照耀如火城。中秋尚十六。重九，新河城隍神诞，灯市最盛。腊月廿四日，客作罢工。

岁将除，粉作鸡鹅并酒肉“谢年”，亦曰“谢太岁”，供设有干小鱼，曰“子孙蕘”，土俗“蕘”、“靠”同音也。作糕供客，渍水中，曰“水晶糕”。逢有闰月，为亲作寿器生衣。每岁大约如此。旱月拜雨，各村庙迎大拳神。神身長二三尺，类魁星，三目，屈一足，一足踏舟前，手拳近口。每迎，一人肩而疾驰，数十人后随，用水泼之，云是“龙母舅”。或置台上暴烈日中，朝夕祈拜。得雨，则鼓吹送还庙。佃田，一季收或两季收，乡例不等。北方佃种人田，有主仆名分；南方则否，呼田主曰“田私头”。《说文》：禾主人曰“私”。俗书或作“施”。并有抗欠，且多妇女出头，田主畏事，不敢深较者。𠂔

方言 字多不典，在可解不可解间。《叶志》：“如何”为“斋生”之类。或并无其字。《叶志》以“人”为“夭”之类。亦有俗称自昔有者，如呼小儿曰“崽”。扬雄《方言》：“崽者，子也”；郭璞注：“音崽。”此音，北转为“宰”。水母曰“藏鱼”，亦呼曰“鲈”。《说文》：“鲈，藏鱼也”，音读如“上”。呼人曰“瘡”。《辍耕录》：淮人寇江南，齐声大喊，呼“阿瘡瘡”。如此曰“馨”。《世说》：“冷如鬼手馨，强来捉人臂。”或曰“这馨”，犹言“宁馨”也。物足曰“够”，音穀。《魏都赋》“繁富夥够”，《李善注》引《广雅》：“多也。”物低曰“饶”。后汉童谣“今年尚可，后年饶”，《风俗通》引作“饒”。担物曰“桀”。《春秋传》“高固桀石以投人”，注：“桀，担也。”应声曰“唉”。《史记》：范增撞破玉斗，曰“唉”！注：“乌开切。”《说文》：“膾也。”味不适口鼻曰“𩚑辣”。《本草》：楚人呼草气味辛毒为“荳”，“𩚑”即“荳”假字。与人争曰“𩚑𩚑声”。《韩非子》“一栖两雄，其斗𩚑𩚑”，注：“争声也。”谓打曰“彭”。《后汉书·戴就传》“每上彭考”，李贤注：“彭”即“筹”。古谚：“打麦打麦，彭彭拍拍。”有力曰“𩚑”。《埤仓》：“𩚑，多力也。”读如“禁”，《玉篇》：“音靳。”无赖曰“无徒”。《友会丛谈》：“世有无徒之人。”他书或作“无图”。谓事有绪不成曰“王录事”。杜少陵诗“为嗔王录事，不寄

草堂资”，其所本也。至如以急走为“递”，取驿递之义；以深藏为“幽”，取^{〔三一〕}幽深之义，此类皆显然。卍

方音、方言不同。方言，楚人谓虎“于櫟”是也。方音，陈宋之俗读“桓”如“和”是也。黄、太一县所分，数十里之隔，而音有绝不同者。黄多开口，近时下官音；太多闭口，合古音。“瓜”字，黄读“夬”平声；太读近“孤”。《春秋传》：“绵绵生之瓜，余为浑良夫，叫天无辜。”则太音古也。“潭”字，黄读“谈”，太读如“豚”。《韩诗外传》：“逢天之暑，思思潭潭。愿乞一饮，以洗我心。”则太音古也。“簪”字，黄读“赞”平声；太读近“尊”。崔琦《外戚箴》：“宣王晏起，姜后脱簪。齐桓好乐，卫姬不音。”则太音古也。“南”、“男”二字，黄并读“难”，太读“嫩”平声。《诗》：“凯风自南。吹彼棘心。”“太姒嗣徽音，则百斯男。”则太音古也。至平声之“花”，上声之“寡”，去声之“化”，入声之“纳”，莫不黄开口，而太闭口。古音之敛，略可推见。近者不能无楚夏，况千百里之远哉。台音，俗师多有失读者，“嫫母”之嫫，音模而读“摸”；“竣事”之竣，音荃而读“俊”；“海艘”之艘，苏遭切，而读“叟”；“斟酌”之斟，音针而读“怎”。略一拈出，不能悉举。卍

里言浅近，至理存焉，经史并引之。太邑谚有可味者。“君子一言，快马一鞭”，取直也。“年荒可过，儿小能大音度”，在守也。“姑娘嫂，落得好”，处有时也。“等人益久，憎人益丑”，随心变也。“家有千金，不搦双心”，俭之积也。“有钱布施，不问落地”，施之博也。“宁添一斗，莫添一口”，虑之长也。“忍一忍，吃弗尽”，能忍忿也。“若要好，大叫小”，宁自屈也。“差人面，转转变”，好无常也。“送人上岸，送鬼到殿”，有始终也。“依人算，早发两年半”，劝安分也。“见说道是，见哭道死”，讥轻信也。“磨得鸭嘴尖，鸡嘴弗值钱”，笑违时也。“来者不呆，呆者不来”，慎敌也。“砢高碍树，砢低碍地”，虑偏也。“隔墙抛箕，仰踏不知”，事难定也。“墙头草，风吹两边倒”，

人不足倚也。“人往高头，水往低流”，宜审所向也。“富者算，穷者拚”，亦各有说也。“弗买弗卖，三代分败”，世渐衰也。“三代眷亲，千代族人”，厚薄殊也。“不怕折，只怕歇”，终必获报也。凡此皆醒世名言。至时候早晚，潮汐迟速，风雨征兆，如云“寒天鸡，半夜啼”，“二十长长，月上一更”，“念一难算，月上更半”，“月上山，潮到滩”，“月儿仰，水渐长；月儿仄，水无滴”，“五月穿棉袄，地岸好种稻”，“六月秋，赶紧收；七月秋，慢慢收”，“秋雷仆仆，大水没屋”。以及《叶志》所录“树无梅，手无杯”，“立夏不下，秧田放罢”，“小满不满，芒种莫管”，“五月十三下一满，都去饶州贩饭碗”，“分龙不下回龙下，回龙不下干亚亚”，“十月雨连连，高山也是田”，“若要谷价平，四季甲子都要晴”。皆前人经验，可备商农占候，君子其可无迹言之察哉。卍

《叶志》：台之风俗，君子尝亟称之矣。太平在台最南，号僻左，民尤质直原慝。其君子则亢言而厉行，其小人则少械而寡求，比他邑差近古。然而风气激荡，今昔亦稍变异。闻之故老，国初新离兵革，人少地空旷，田不过亩一金。是时，惩元季政媮，法尚严，有犯辄籍没，人罔敢虎步行。丈夫力耕，给徭役，衣止细布。仕非达官，不得用丝纁。士人妻非受封，不得长衫束带。居室无厅事，高广惟式。至宣德、正统间稍稍盛。此后，网亦渐疏。豪民募浮客耕种，亩税什五。任侠之徒，时时持官府短长，武断乡里。忿怒，群数十人，持挺格斗，官府恶之。其后，吏治又益严，风亦渐戢。至成化、弘治间，民寢驯善，役轻省费，生理滋殖。田或亩十金，屋有厅事，高广倍常，率仿效品官第宅。丈夫文绣，女子五彩衣，金珠石、山虎魄，嫁娶资装缇帷竟道。子弟不事生产作业，益惰窳。正德中年益复贫耗，无高资富人。郡西北界，高山峻岭，溪流悍急，商贾不通，又无藪泽之饶，特东南濒海，以鱼盐为利。比年，海舶被漳贼、倭寇，率亡其假贷母钱。

闸河湮塞，水乡田数被潦，民由是困。加官调私求，中户下多破亡，虽日挞而责其奢靡佚游，不可得已。然自宋、元迄今，故家大族类重清议，尚礼文，士人矜名而喜节。婚嫁择门第，庆吊以礼，居室必作家庙，丰于延宾，啬于奉己。妇女无故不出门。此其俗之美者。顾其人好气，善告讦，一不相能，讼缠孳裔不解，甚至自残，或病亡诬赖人。嫁娶奢靡。男壮出分，或亲亡，兄弟争产速讼。丧葬惑于风水，暴柩累年。婚聘不谛审，有轻诺而致讼者。此皆俗之流失，莫之省改。昔吴越之民好淫祀，第五伦为会稽守，严令禁绝，俗为之丕变，可贵哉！仁贤之化也。兹欲移其不善以归于善，微良有司，谁与望者。丿

灾 祥

明 成化六年，大水，饥。丿

十一年，蝗，民掘草根以食。邑人徐绍《蕨箕行》：“有草有草名蕨箕，根生土底茎颇肥。海民绝粒三月时，长镰副遍春山归。担头苦重力苦衰，老妻望翁来何迟。忙汲清泉净浣洗，晒向斜阳未易晞。且春且焙心孔悲，痴儿索食声声啼。阿娘抱儿双泪垂，沟壑委命斯其时。君不见，太仓有粟自红朽，途有饿殍浑不知！”丿

十二年，水。丿

二十二年，大旱，饥。丿

弘治元年四月，大风雨，海溢。丿

十一年，旱。丿

十三年，饥民掘草根食。丿

十九年，地震。丿

正德五年正月，披云山鸣，夏旱。丿

十一年二月，玉峰山鹤生三子，其一鹤。丿

十三年，大水。冬，民讹言禁畜，猪羊屠宰几殄类。丿

十六年，大疫。丿

嘉靖五年，自五月至八月不雨，民大饥。丿

十七年，新隘顽城，霖雨百日不止。丿

万历二十七年七月，龙斗于海，风雨大作，漂没无算。《西园杂记》：“嘉靖辛丑七月，台州山中轩出，遍身皆火，诸山龙出与斗，水火相薄，赤气漫空，坏临海、太平、天台三邑民居田亩，死者甚多。”丿

十九年五月，大风拔木。丿

三十七年四月廿七日，风雨，水冲入西门，出东门，下水洞崩。丿

四十二年，蝗伤稼。丿

泰昌元年，饥。林勺、杨巽等倡乱。有陈大用字聚奎者，素豪于乡，勺假其名号召，邑人不从，辄焚掠其家，无赖附从至数百。有司不能禁，闭城严出入。大用纠众与角，不胜，奔诉于府。张守允登部兵至，擒斩勺、巽，难始平。微大用，邑人遭涂炭矣。丿

国朝 顺治三年，饥。丿

五年，一麦五穗。丿

十一年十月十五日夜，有火西流，声若雷。丿

十二年五月，雨豆。八月，天鸣。丿

康熙九年三月初七日，大雨雹。十二月，雪深丈。丿

十五年正月。金清港水清五日。丿

十六年冬，金清水复清五日。丿

三十三年春，长山起蛟，形如牛，走入海，平地水高丈馀。丿

四十年七月，长山舒氏牛产麟，火光烛室。有司解献，道毙。丿

四十七年七月初七日，大风雨，学宫、文庙圯。东南天色俱赤，闻龙吟。丿

五十一年八月，大风雨，海溢。邑人林矿《风灾变异记》：“太平滨海邑，蛟龙窟宅，夏秋间出没飞腾，风灾其常事，无如康熙戊子七夕之异者。时饮林学博署中，薄暮风稍稍起，雨斜飞入户，

同饮者欲散，学博不听去。顷之，风顿狂，烛尽灭。宾主坐暗室中，电闪如金蛇，目不敢瞬，四壁皆撼，耳闻崩坏声。自戌至亥，风稍息，亟趋归，一路榛梗，在颓垣破瓦中行。至坊下街，闻县署坍矣，黄宫塌矣，某处大木拔矣。抵家，妻儿抱头聚屋壁下，惊魂犹未定也。然是年禾稼尚收，上司加赈，民困不至甚。更五年壬辰八月初，大雨三日不止，飓复起，屋瓦尽揭，海潮暴涌，水入平壁，皆黄赤色。诘旦，见堂寝坛圃尽如河沼，登高望之，一片荒白。男妇漂没，有全家无存者，有家留一二月者。尸骸棺木随波上下，城中及近郊遍处皆是。晚禾方茂，淹浸七八日，根俱坏烂。上司委官勘视，谓青者犹在田，竟无一绘郑侠之图，发汲黯之粟^{〔三二〕}者，民困之极，实数倍于戊子岁。特笔记之，为三叹也。”

六十年二月，雨豆，粒倍常豆，味腥近芝麻气。丿

雍正十一年，大水，民毁兴平坝。丿

十三年八月，大水冲新街、小西门。丿

乾隆十六年六月，邑城民家饭生芽。是岁大饥，因刘令不放仓谷，民哗，筑大门。

张令至，劝捐施粥，民始安静。先康熙五十年，徐令以丈量激变，闭城罢市，至是盖两见焉。丿

二十四年九月，南岙杨氏火。先日，鼠成群衔尾出。丿

二十五年五月，长山淀湖水自跃过颍。丿

二十九年三月，邑绅陈氏茶花结佛手六枚，馥郁异常。丿

三十年，高洋人家白日有狐登屋极而啸。丿

三十一年七月，大风，海溢，三塘二塘坍，漂没无算。丿

四十一年十一月，下保虎伤人。丿

四十二年，高阳季姓伐古树，中有钱一二斗，色纯绿，大于五铢。丿

四十五年，横山、洞黄等处有狗头虎能^{〔三三〕}伤人。丿

四十六年，江下山壁崩，出石皆作山水花纹。丿

四十九年六月，温岭程家铁树花开，大如球，长过尺，初绛色，继转黄，经月鲜艳，观者如堵。诸生郑兴嗣纪其事。丿

五十五年六月十四，大风雨，海溢，小西门崩。丿

五十八年，下蒋卢氏牛生犊，两首一尾四足。犮

嘉庆元年正月，雨冰。犮

二年，夹屿民家牛生，独角一眼，俱当中，无鼻，蹄尾皆具，数日毙。与下蒋两首牛，皆阎姓购得之，去肉实以草，存新河城隍庙，观者诧异。犮

三年，大鱼死海涂，眼眶骨二枚，长七尺二寸，阔四寸，亦在新河城隍庙。犮

五年六月廿二，大风雨，海中覆没盗船无算。犮

十年及十一年，稻生蚘。虫状似小龟，色黑背硬，有翼能飞，集稻叶上吸其浆，稻即枯死。焚之，作牛马尸臭。乡俗多烧牛马骨粪田，谓虫乃死骨化。有老民叶掌钧忿然，背黄纸遍走村坊，劝勿再粪死骨，人从之。自是连年蚘绝。

兵 寇犮

汉 顺帝阳嘉元年二月，海贼曾旌等攻会稽东部都尉，缘海各屯戍兵。时邑境属东部。

晋 隆安间，妖人孙泰兄子恩亡命入海，聚自海岛，攻陷会稽，杀内史王凝之，八郡皆杀长史以应。为刘牢之所败，逃入海。继复炽，东土咸遭焚劫。元兴元年，临海太守辛昞讨破之。恩前后为乱五年，加以土贼周胄之内应，邑境受荼毒可知。犮

宋 宣和二年，仙居吕师囊应方腊，攻州城，为通判李景渊击走。其党旋陷天台、黄岩二县，民多罹患。犮

嘉定初，阉婆国番舶寇掠松门。犮

元 至正八年，方氏为乱，元帅孛罗帖木儿及郝万户被执，百户尹宗泽战死。御史纳麟哈宣敕，与州民陈子游、杨恕卿、赵士正、戴甲集众夹攻。国珍势益横，既破黄岩、台州，据有台、温、庆元

三郡地，朝廷假节钺，开府庆元。史称其所用书佐参谋率由胥吏进，苟利自营，政税任意轻重。民犯死罪不加刑，纳竹筐投之江流。行事大略近张吴，而能自度德，不帝制自为，故得保令终。国珍寇边始末：国珍世居洋屿，昆弟五人，有膂力，以渔盐为业。与蔡乱头以争牢盆相仇，州县不与直。已而，李大翁啸众乱海上，乱头继之，剽劫漕运，再杀使者，势甚鸱张。行省悬格命捕。国珍，蔡仇也，又慕赏格，鸠众欲擒蔡。蔡惧，自投于官，总管焦鼎纳蔡赂，薄其罪，不加诛。国珍悲曰：“蔡能为寇，我不能耶？”适以逋租杀田主事，巡检某往捕，国珍方食，左执食桌，右持杠，格杀巡检。遂聚兵入海，掠截漕运。至正戊子八年十一月也。元命参政朵儿只斑讨之，追至福州五虎门，国珍焚舟将遁，元兵自相惊溃，只斑被擒，为上招降状，授国珍海运假千户，不受。十年庚寅十一月，舟兵千艘泊松门港借粮，居民罔敢不与。十二月，攻温州及沿海诸县。元遣孛罗帖木儿击之，十一年辛亥六月，兵至大闾洋，国珍率劲卒纵火鼓噪，元兵不战自溃，赴水死者过半。孛罗及郝万户皆被执，二人乃为饰词上闻，求招安。特旨释之，议立巡防千户所，设长贰，参授其三兄弟及党与十余人官。复遣大司农达识帖木迩至黄岩招降。檄绍兴总管秦不华至海滨散其徒众，拘其海舟兵仗。国珍兄弟皆登岸罗拜，退止民舍。秦不华欲命壮士袭杀之，达识帖木迩曰：“我受命招降，公欲擅命耶！”事乃止。明年，以秦不华为台州路达鲁花赤。时元方征徐州，募舟师守大江，国珍怀疑，复入海。秦不华遣义士王大用往谕，国珍留不遣，以小舸二百突入海门洲港，犯马鞍诸山。其戚党陈仲达往来议降。秦不华具舟，张受降旗，乘潮下澄江，触沙不行，遂与国珍遇于黄林港。呼仲达申前议，仲达目动气索，秦不华觉其心异，手斩之，即前搏国珍船，奋击之。贼群至，欲抱持入其船，秦不华瞋目^{〔三四〕}叱之，国珍党攒擗刺之，中颈死。十二年六月，国珍坐定光观，遣悍兵入黄岩，悉毁官亭民居。八月攻台州。国瑛以舟师诱知州赵琬至黄岩，舍于白龙岙，琬不食死^{〔三五〕}。十三年，元遣左丞相帖里帖木儿、南台侍御史左答纳失里招谕之，二人报国珍已降。时刘基方为浙江行省都事，谓方氏首乱，不可赦，执政多受其赂，不听。遂降金符、宣授，拜其昆弟及其党与官有差，伐石立宣德碑。国珍不受命，拥船阻兵如故。濒海豪杰，若蒲歧赵纲、司家陈子游等皆倾家募士，为官收捕，至兄弟子侄皆歼于盗手。潘省元伯修挺身说降，左答纳失里为奏其功，国珍遣盗待诸隘杀之。遂据有台、温、庆元三路，开府庆元。十五年六月，明太祖起兵，自和阳渡江，规取中原，遣使往庆元招谕国珍，元亦遣使命国珍为海道漕运万户，国珉衢州路总管。十八年十二月，明取婺州，复遣儒士陈显道招国珍。明年春三月，国珍遣郎中张本仁赍书币以台、温、庆元三郡降明，

且以次子关为质。明太祖曰：“古者，虑人不从，则为盟誓交质，今既诚信来归，便当推诚相与，何自怀疑质子为哉！”乃厚赐关而遣之。授国珍江南行省平章事，国珉江南行省枢密院佾院，国瑛福建行省参政，降银印，遣博士夏煜资往庆元授之。国珍心持两端，印留而不用。是年十一月，元授国珍江浙行省平章，已又改为淮南左丞相。至正二十六年，复以国珍为江浙行省左丞相，国珉、国瑛、侄明善并为平章政事。吴元年，兵攻苏州，国珍拥兵坐视。明太祖知其反复，以书责之，且命其贡粮二十万石，国珍不报。遂遣汤和等进攻庆元。国珍惧，遁入海。复命廖永忠引兵自海道会汤和讨之。十二月，国珍遣子明完奉表谢罪乞降，明太祖览表怜之，赐书曰：“昔汝外示归诚，中怀谲诈。今势穷来归，辞甚哀恳。吾当以汝此诚为诚，不以前过为过。汝勿自疑，率众来归，悉从原有。”国珍乃谒汤和于军门，和送国珍等至建康，竟赦不问，拜国珍行省左丞，用其子侄宿卫左右，及没赐葬。尸

明 洪武三年，方氏馀党入海剽掠，诏靖海侯吴祜籍国珍所部三府军士及船户凡十一万馀人，隶各卫为军。尸

十六年，倭寇金乡卫，遂及台之松门，浙江佥事石鲁坐诛。十七年^{〔三六〕}，又寇岐头、大间，总兵刘荣破之于望海埭。倭自元至大间寇庆元，洪武五年寇温州、乐清，至是入台境，始有边海筑城之议。尸

永乐十五年，倭寇松门、金乡。丁酉五月五日，倭突至松门登岸焚劫，自寅至午未退。盘石卫统巡杨追捕受伤，一城受害无算。先敌未至，松门城忽崩一缺，盖兆先见。邑人何愚有《松城纪事》诗。

宣德二年，邑民林涉以南岙蒋居白谋杀其父，复仇挖去居白目，聚兵拒捕，杀官兵七人，巡检亦被害。未几伏诛。尸

四年五月，奸民周来保困于役，逃入海，导倭入犯^{〔三七〕}。尸

嘉靖十三年，漳船假倭名劫茅岙及松城西门何氏^{〔三八〕}。

三十一年壬子五月，倭寇益肆，恶少附之。自松门弃舟登陆，直抵邑南门，吹螺蚁附，纵火焚近郊室庐，城几破。邑人王庚以火器攻退。次日，贼登山觐城，以竹编牌裹牛皮，拥逼城下，架云梯欲上。城中弩石叠发，贼不得近。会郡守谭纶^{〔三九〕}遣杨文将兵至，乃退去，文追破之于南湾。时任县事为方公谿，备御督战甚力，民恃以安。时儒学有关帝君显神事。明陈招《志倭》：“壬子三月四日，余与叔辈正在学，闻江馆报漳

倭七十餘人焚掠。初六，又有薄隘顽者，把总刘镗守御，邑方侯调乡兵拒战，王千户之弟死焉。又有薄松门城者，朱龙泉率众拒守，亦多死伤。四月初六，又有白沙角、岐头至山前，过亭岭及锦屏，余旧居被烧一空，而萧村新居亦不免焉，伤哉！”^{〔四〇〕}

三十二年，贼攻松门卫，把总刘恩击退，追至舟山岑港大败之。贼依王直^{〔四〇〕}为窝，旋复猖獗。五月攻新河，徐倭寇江绶，为乡兵所败。十月又至珠村，登石牛岭，城中大扰。方令辍驰往破之，追斩数十级。^{〔四一〕}

三十三年，倭复自金山洋突入松门卫，黄岩民于二、杨抱等战死。巨伙自霓岙登岸，流突至黄岩、临海、仙居。^{〔四二〕}

三十四年，贼首林碧川泊台州之螺门，为兵备副使许东望、参将卢镗等追破之大陈岙。复由诸暨、东阳、临海至邑东南海口，得舟而还，村野遭其流劫。^{〔四三〕}

三十五年，福建总督备倭刘玠于隘顽仓卒遇贼战死，手所持铁钯尚坚执不坠。同时死者有千户王月^{〔四一〕}。^{〔四四〕}

三十六年四月，贼攻海门，更流劫松门。知府谭纶率兵剿之，至隘顽所海滨大破贼。其温州贼过太平，土居官典史叶宗率乡兵与战，死之。^{〔四五〕}

三十七年，贼屯据栅浦，分掠路桥、泽库、沙角等地，乡民梁述、梁健、梁生等战死于盘马。有良医七品散官王沛永嘉县人，招集义兵，御倭海上，及从子致仕僉事德沈明臣《平倭记略》作县人，加募壮勇，屡破贼龙湾、长沙，至是，并于梅岭战死。陈凤章《倭寇纪略》言，苏、松倭为红蛮，闽人姚师客所引宁台倭为铁脚蛮。嘉靖三十七年，松门官兵溃走，里人郑天骥聚兵战死。是年，移戚继光镇海门^{〔四二〕}。^{〔四六〕}

三十八年二月，珠村人王泽民与倭战于石牛岭，为火器所伤。又有黄岩人彭太太，与倭战白峰岭。三月，贼攻楚门，又攻松门卫，由夏公岙入犯，城几危。五月，栅浦贼夜袭松门卫城，谭纶击破之。纶破桃渚贼，

回军松门，令戚继光分配城守防贼。夜，果有数百贼袭西门，章延廩、陈其可等督兵大战，斩数贼，贼乃退。纶与继光料贼必出金清闸，凿二舟塞之。贼果至起塞。时纶驻新河，偃旗示弱，诈为新河老人书投贼，约馈千缗，令勿攻城。沈氏笔记云：并约所馈于牛桥交纳。贼信之，乃不起塞。明日，继光军出西门，壁牛桥诱贼。贼率众往，纶悉锐兵出南门，复遣人搜贼伏，悉走之。贼依舟以拒，官兵破之于斗门桥，沈其二舟。又追败之椒湾岭。贼复据滨海高山，分五部以拒。令蔡汝兰进捣其巢，间道出奇兵夺其巅，以拊其背，游兵四面环攻。贼遂大败，奔乐清黄华，据舟出海。继此，大破倭于上洋庙。馀贼自大陈犯松门，旋为官军所却。卅

三十九年，隘顽所百户焦泾追贼，没于海。卅

四十年辛酉四月，戚继光亲督兵趋宁海，分札海门中地，发中军游击兵协守新河。二十二日，贼三艘乘虚入新河港周洋登岸，又五艘继至。戚与佾事唐尧臣闻报，以贼犯桃渚、健跳者势尚缓，周洋逼近新河所城，贼又前后继至，宜急击，乃部兵疾趋新河。又令黄、太二县号召程、梁等姓乡兵助战。五艘夜遁去，馀屯城外鲍主簿家。二十六日薄新河城，唐、戚协谋，以指挥刘意、楼楠、张元勋、胡守仁等分阵，密授方略，使奇正相参，以县尉、武生监督之，千百总、队长蒋瑞、蔡实等奋勇争先，贼大败，夜冒雨走。刘意、楼楠追至温岭大麦坑，于渔岭烧死贼百馀。知县徐钺亦督乡兵会剿，贼大创而去。二十九日，胡震于邳山下犁沈大倭船一艘，计毙贼数百人。五月，官兵大破贼白水洋，方犒众，楚门报贼十馀艘泊岸登梅岩。继光急发胡震兵截外洋，遣楼楠、朱文林陆走至洋坑，冒雨大战，多所擒斩。贼艘开至长吊洋，连日为胡震兵船犁沈。又被迫于沙镬洋，乃遁至悬山，欲乘雨雾走，不得，复渡水走淋头。继光督楼楠兵由隘顽所迎其前，刘意兵由聂王_{即箬横}桥径进，绍兴府通判吴成器

继之，知县徐钺伏截藤岭，至小藤岭，三路夹击，尽歼之。十七日，又前犯宁海贼十八艘至长沙登劫，将南攻隘顽，北攻县城。继光于新河闻报，即与吴成器、赵大河抚谕兵士，以贼巢近隘顽，又北扼太平之路于小藤岭，东扼松门路于慢游岭，楚门、隘顽二所势孤路绝，止水道浮海可援，乃计令把总李成立单骑驰往松门，将所练新兵与罗继祖分船夜浮海入隘顽守之，令楼楠、丁邦彦、陈大成等督兵互应。十八日至铁场，大雨。十九日夜半至大藤岭，分三路进至小藤岭，偃旗息鼓，直趋船所，贼始觉，分头迎敌，尽为官兵所歼。前后生擒倭酋五郎、如郎等数十人。自长沙大捷后，倭不敢再至矣。林贵兆《南塘戚公台南平贼记》：“大将之立功，莫难于承平之日；大君之择将，亦于其才且良者不易得也。盖乱世民习于战，令之则易从，鼓之而气易振；安久则民逸，逸则不利于险，故将而同而功否不同。才者善战而乐杀，德不胜祸；良者仁勇兼资，威行而德与沛，故功同而利害不同。然功否，一时之赏罚也；良不良，千载之是非也，是以君子慎所处焉。国家累熙洽之治，民不识兵革，倭寇东海，官兵望白刃散去，遂坐致滋蔓。元戎胡公忧之，择所部之良者，而南塘戚侯始如台。至则练士卒，飭号令，谨烽火，条守备之法，列部伍之阵，严赏罚之规，纪律一新矣。兵未试，识者已知侯为名世将。岁己未，贼舟由黄岩栅浦抵新河。侯咨于海道谭侯，身自率战，贼败走，追五十里至南湾殄之，而军声遂大振。越二载，辛酉四月，贼数千进逼郡城，侯蓐食往，一鼓擒其骁勇。贼众走白水洋^{〔四三〕}，合势颇盛。侯乘胜突进，挥部将胡守仁等夜持火急击，贼怖，咸跪而授首，我师无一伤者。远近皆大悦走迓。五月，贼寇我长沙，邑宰徐侯会于师，曰：‘急剿，毋令掠吾地。’侯曰：‘贼气尚锐，姑戢兵以伺其间。’越二日，贼四出掠，侯率精锐间往持其虚，贼大败走。令军中毋滥杀所掳民，由是子女得活者以千数。其掠而未反者皆震栗散走。所获悉以赏军士，兵民皆大悦。夫侯率久安之民，收屡胜之绩，应难而易者，才也；蓐食以急郡城，忠也；活人于抢攘，仁也；不自有所获，廉也。才者世或有之，仁廉而忠，虽古良将不能加。故侯之泽大被吾土，咸德侯而尸祝之，百世不能忘也。呜呼！方今南北多事，举天下终将赖之，岂惟我台民已哉！”^{〔四四〕}

崇禎八年，海寇刘香党焚温州，入台境，沿海民苦其焚掠。邑诸生陈懋儒字真叔进策于巡抚俞思恂、太守傅梅。贼平，上其功，

膺奖赏。卅

国朝 顺治六年，永嘉山贼何兆龙屯聚楠溪，陈杜之诱之攻乐清城，蔓延入县境关屿、部渚等处。贼皆以白布裹头，呼为“白寇”，亦曰“白头寇”。乱凡五年，乃始扑灭。卅

九年，海寇郑成功据郡大掠，徐党掠松门。卅

十三年，台协副将马信通郑寇，正月执道府叛入海。卅

十四年八月，马信引郑寇破黄岩、台州，回船焚掠六邑。卅

十五年，贼由栅浦登岸，太邑调防参将张德俊孤军深入，被围于海门，设计破围而出。

十六年，贼复攻县城，金标都司李一元、台镇都司李国柱并死之，城遂陷。闻官军至，即弃城遁。徐党在泽库者，张德俊败走之。又袭破之于湖雾、乌沙门、大间等处，皆斩获无算。

十八年，海寇陈文达、阮禄掠边海村坊。朝议以贼屡犯，由附海居民接济，命尚书苏纳海撤边海三十里民居而空其地。康熙八年始展复。然田庐尚有荒弃。至二十二年郑克塽投诚，界乃尽复。卅

康熙十三年二月十五日，闽藩耿精忠反，分遣伪总兵曾养性向温、台，温镇祖宏勋应之，乐清、太平相继陷没。旋破黄岩，总兵阿尔泰降贼。郡城大震，官兵画江拒守。至十四年七月，贝子富腊塔遣穆赫龄率师出茅坪及半山岭，抄出贼后，贼始由黄土岭遁回黄岩，走温州。复令吴木笃追击，败贼于上唐小河渡，于是本县及乐清大荆、盘石二卫同时尽复。数十年来，太境两遭巨寇，虽旋失旋复，故家巨族咸被破坏，文献凋零，率由乎此。卅

存疑卅

葛仙翁炼丹 按《晋书》：葛洪，丹阳句容人，以儒学知名，究

心典籍，干宝荐其才堪国史。尝破石冰，迁伏波将军。又以丞相椽平贼功，爵关内侯。后止罗浮山炼丹、闲养、著述。一生行迹，始在吴，继在洛，终在广，自浙以东未尝一至。惟葛玄，字孝先，洪之尊行，尝修道入天台赤城，道家称太极左宫仙公。葛仙翁，疑当为玄也。尸

安僖王陵 旧志：在十八都新山澄源庵上。宋宗室惟安僖秀王偁为孝宗本生父，得称陵。而偁卒于秀州，绍熙元年始即湖州秀园立庙，其墓已在湖州矣。邑之有陵，未详所据。尸

钱王女墓 在天翁山。宋时惟新读承务郎刘祐配钱氏，叶适撰墓志，称为临海三王女孙，贤而能。子四人：允元、允迪、允武、允济，积封太宜人。或可称钱王女。然葬处乃龙鸣山。馀无考。

陈甲谕敕 真宗大中祥符七年二月十五日敕谕枢密院副使陈甲：“近日契丹猖獗，兵势盛焰。群臣有议战者，有议和者，有使朕幸江南、蜀以避其锋者。众论不同，朕尚有疑。意欲从议和之说，放散江北诸州强壮归农，罢诸路行营，虽出毕士安之谋。今契丹知朕此意，归次燕京，大享将士，班赏有差，其意欲战而不欲和。特敕尔往彼地方打听动静，从长计议而行，不许偏执己见，致误军情。或可战则战，以免幸蜀之议，可和则和，且安河北之民，庶副委任之重，汝其如敕奉行。”敕内事实皆符正史，非后人能作伪。所疑者，史载契丹隆绪大举入寇，群臣议和战不定，王钦若、陈尧叟更倡迁幸之说，毕士安力赞。帝用寇准之谋，自将御之，契丹请盟而去。事在真宗景德元年。其放散河北诸州强壮，谋出士安，为景德二年事。此敕前半追叙寇患，后半寇退后，恐其叛盟，谕使探听，非一时事。自是更二年，始改元大中祥符。其时边鄙安靖，帝方一意符瑞，不得七年二月间忽有此敕。且稽史，马知节以大中祥符五年为枢密副使，七年以王嗣宗、曹利用代，九年又改用张昊、任中正。甲之任枢副并不在大中祥符，而在景德。以前

后情事不符，此敕不能无疑。即甲之大中祥符进士，似仍以咸平间为得实。又真宗通在位二十五年，改元者五，户部侍郎陈申诰敕在末年，当纪“乾兴”，皆家乘纪载之失。ㄱ

石夫人诗 相传詹神童题云：“巍巍独立向江滨，四畔无人水作邻。绿鬓懒梳千载髻，朱颜不改万年春。雪为膩粉凭风傅，霞作胭脂仗日匀。莫道脸前无宝镜，一轮明月照夫人。”林山人元协载入《征献录》。及见元进士萨都刺《天锡集》中所咏，乃四明东北隅夫人石，非邑五龙山石夫人。其诗云“江滨”，与鄞切；格调卑浅，摹形绘象，亦是元人家数。陈耻斋《存佚录》复以为温岭戴解元筠溪作。ㄱ

南塘洪氏诗 《叶志》载：“谁谓妾无夫？中途弃妾身先殂。谁谓妾无子？侧室生儿继夫嗣。儿读书，妾辟纼，空房夜夜闻啼乌。儿今成名妾不嫁，良人瞑目黄泉下！”按：又见许浩《复斋日记》，为乐清章侍郎纶母金作，而明初高启青邱《集》复载之，莫定谁诗。从郡志，于洪氏传下删去。ㄱ

毛仁厚 原名延之，号茅斋。其弟文厚及之，号丹谷。父瑾早卒。母郑能教，初令从巽伯吕公游，得其微言奥旨。继又请名儒王次卿名滋，临海人。在家。杜清献范亦来就学。兄弟日精进，为谢晦斋直所称许。开禧丁卯，文厚与清献同发解，未竟所业，卒。绍定改元，葬方岩乡弓屿，嗣子续古求清献为志。邑志《毛仁厚传》梦蚁救荒等事，皆见志，为文厚事。仁厚则以嘉定戊辰入大学，升内舍，试礼部，廷对，授绍兴嵊县主簿，卒于嘉熙时，子继先葬于所居西偏高岙，俗呼高家岭。鼎新系居厚子^{〔四四〕}，文厚犹子也。志毛仁厚，应改文厚。相沿已久，著辨于此。ㄱ

节妇盛氏 《赤城新志》：元马彦奇妻盛氏，名贞一，适马氏。未十年夫死，三男一女，纺绩营生，教子口授章句，以指取绩麻水作点画。有诗“一灯教子丹心苦，半世纫针白发新”。士族争近，比

之大家。《黄岩志》略同。《叶志》载马祀妻盛氏，躬织训子，与《赤城新志》合，而夫之姓同名异，一有姑，一无姑，一仅一子，一三男，显若两人。郡志各从县志收载，不复致疑。尝取三坑《盛氏谱》阅之，则氏名贞，圣泉从侄女，适东山马祀。凡方石、海峰二公所纪，并即一人事，不知何以互异。卍

陈刚中女 《叶志》《贞淑》门：郑谷祥妻，临海陈刚中女[四五]。史：“陈孚，字刚中，临海人。”二女：“长妣适藁城董士楷，末妣适同里韩戒之，行枢密院经历谏之母，并有贞节。朝廷旌表其门。”谷祥妻果系其女，且经至正七年旌表，不应史独遗之。“女”或“族”之讹。

郭仁本 方国珍据三郡，有郭仁本、刘仁本[四六]、张本仁三人，皆同乡，入幕佐谋议。方为行省丞相，郭任枢密。假盗杀潘省元伯修，焚毁陈宣家，并郭之为。见于方石《台州杂咏》及《叶志》，而元、明两史不载。刘则本许氏后，家羽山，进士乙科，任行省左司郎中，升枢密副使，为国珍治师余姚，又劝以海运输元。张亦任郎中，吴元年责国珍粮二十万石，与刘庸劝弗与。其名并见于史。其后朱亮祖获之温州，明太祖数其罪，鞭背以死。史或以为刘仁本，或以为张本仁，他书又有以张本仁作张仁本，及但称张本者。疑莫敢决。卍

辨 讹卍

两驸马，一系唐末峨山陈谦，一系南宋温岭丁复，俱里俗讹传。谦，闽人，以贵戚当懿、僖两朝，厄于宦官，丁艰归里，遭闽乱，徙居峨山，即今陈家宅。考新旧《唐书》，僖宗二女：唐兴公主、永平公主；懿宗一女：卫国公主。下嫁无陈姓者。复，《林志》载为驸马，在绍兴

间。绍兴系高宗年号。高宗无女；上而徽宗，女皆北迁；下而孝宗，二女早卒未嫁，安所得驸马？况复为世雄仲子，木之弟，其生在宁宗时，越高、孝已数朝，有叶水心所作其母戴氏志可据乎。《困浦徐氏谱》记先世名练者，婚宗室濮安懿王女弟，其子桂孙娶温岭丁郡马子礼女孙，学士翥之女。子礼即复字。盖时丁、徐两族皆连姻帝室，为郡马，俗遂讹呼驸马云。卍

金伯华^{〔四七〕}，见旧志《贞淑》门，云石屏尝游江右武宁，有富家翁金氏，爱其才，以女伯华妻之。居三年，忽作归计，伯华讯之，石屏具告以有妇。翁知之大怒，伯华委曲解免。既行，尽以衾具赠之，且餞以词，有“惜多才，怜薄命”之句，遂赴水死。比石屏归，前妻已亡，临终题二句于壁，曰“机翻白纻和愁织，门掩黄花带恨吟”。石屏大哭，为续成一律。事本《辍耕录》，《续文献通考》、《丹铅录》并《豫章书》亦有此说，云得之杨景行，惜失妇姓名。如旧志，则其妇姓名更为凿凿。《宋诗钞》序石屏诗，力辨其诬，谓石屏虽诗人，忠义根于天性，为大儒真西山所称许。遍阅宋人集，无一言及。其说起自元末，而明季人袭之，为无兄盗嫂绝无影响之事。其临行赠词“道旁杨柳依依”云云，即因石屏《木兰花慢》一阙有“重来故人不见，但依然杨柳小桥东”句傅会。至“机翻白纻”二语，为石屏祖母题壁，石屏归见续成，本集小叙甚明。而以祖母诗为亡室诗，尤不经之甚。《台州外书》辨之甚详。

陈大方为大理评事，党余晦，杀安抚使王惟忠，《赤城会通记》列之“乡僇”条，旧志采之。不知陷惟忠之陈大方乃四明人，学士陈曦曾孙。《癸辛杂识》载，惟忠白日见形索命，大方设醮谢过，有“并居梓里，无纤芥之嫌”语。惟忠亦四明人也。若邑大闾之陈大方，则名正，大方其字。以姓字之偶同，认甲作乙，受诬千载，冤不减王安抚矣。卍

赵宽，吴江人。《林志》入邑《选举·进士》门，云本松门赵卓子，随舅徙吴江。盖误信江白下所著《松门遗事》。成化丙午，杨礼部循吉《七人联句记》，每人名下有小传，为台人者二：一邑人王仁甫，一黄岩王弼。其徐宽，祖籍本邑迁江，后迁海宁，亦得为台人。故彼此赠诗，有“根在丹崖叶在吴”及“留连未说乡情好，今夜诗坛正要渠”之句。时赵宽在会，乃无一语及梓里，其非台人断断明矣。又按蔡霞山《广东按察使半江赵公墓表》：“公名宽，字栗夫，吴江雪滩里人。曾祖铭，黄岩典史；祖瑛，湖州梅溪局大使；父暘，累封刑部郎中；母沈氏，封宜人。”世次甚明。此亦出台人手，何所据指为松门赵卓子？由徐宽字栗夫，赵与同名同字，仕又同时，传说附会，因而失实。宽贤者，《明史》有传，不可使受诬，故附辨于此。卍

嘉靖壬子倭乱，旧志称南塘单骑赴敌，贼势披靡，一方赖以无危。南塘于嘉靖三十六年为罗嘉宾劾奏落职，其复官改守台金严参将，则三十七八年间事，破倭皆在其时。若壬子为三十一年，南塘并未在台，全城之功由太守谭纶、兵官临海杨文，一切策应为知县方轸。林贵兆纪方侯平倭事，盖同时亲见。旧志归之赵孟豪，皆记载之误，未深考也。卍

嘉靖三十七年，有良医王沛，与其从子致仕广东佾事德，结乡兵御倭战死梅岭事，载沈明臣《戚少保平倭纪略》，云太平人。遍访无知者。续见《温郡志》皆永嘉人，名下履历甚详，确非邑产。第其死，则实以追贼死梅岭下。沈所云“与贼战龙湾，战长沙，皆有功。至是与贼战梅岭，众寡不敌死之”者，为得其实。《温志》云死于龙湾，犹未核也。《台州外书》从沈记误录。恐后人疑志有遗漏，故复辨于此。卍

校注

[一] 帅干 原文作“师干”，据戴复古《哭颜老诗跋》改。帅干，宋安抚

司干官的简称。丿

[二]杨晏 杨亿和晏殊，北宋人，幼时皆中童科，有神童之称。杨后至翰林学士兼史馆修撰，晏至宰相。

[三]门掩黄花带恨吟 按清黄濬《梅初录》认为系石屏妻所作，全诗为石屏悼亡妻而作。见《光绪续志·辨误》。按：黄说为是。《石屏集》中未见关于石屏祖母的记载。丿

[四]达普化 按《嘉靖志》、《明史》均作泰不华。按：初名达普化，文宗赐名泰不华，后改台哈布哈，字兼善。方国珍起兵时，官浙东宣慰使。丿

[五]江浦 原文作“汪浦”，今改。丿

[六]智永 南朝陈僧人，号永禅师，善书，能兼诸体。丿

[七]六法 南朝齐谢赫《古画品录》总结中国绘画技巧有六法，后以为中国绘画的代称。丿

[八]董奉 三国吴人，字君异，居庐山，为人治病不取钱。丿

[九]努肉攀睛 中医学病症名，即“翼状胬肉”。努，也作“弩”。“睛”，原文误作“精”，今改。丿

[一〇]太医院 “院”字原脱，今补。

[一一]天台方外志 “方”字原脱，今补。丿

[一二]胡虏 二字原脱，据《光绪续志·辨误》补。丿

[一三]金用从革职与在斯 按《光绪续志·古迹下》：“金用从革”作“金曰从革”，“职与在斯”作“与成厥功”。丿

[一四]敏才正其时人 按此系误记。嘉熙己亥为公元1239年。戴敏子复古生于1167年，尚在襁褓中即丧父，则此时戴敏已死七十馀年。丿

[一五]数千斤 “千”原文作“十”，据《嘉靖志·外志》改。丿

[一六]慰彼九泉望 按此诗题为《求先人墨迹呈表兄黄季文》，此处所引有错字、异文：“掣”作“制”，“堕”作“坠”，“泪”作“哭”，“嶂”作“障”，“遗”作“余”，“寒风”作“风寒”，“风随”作“随风”，“思”作“志”，“丐”作“丐”，

今据《石屏集》校改。ㄱ

[一七]建炎四年四月辛酉御舟发温州 “四年”二字原脱，“温州”误作“明州”。按：宋高宗从明州南逃至章安登陆在建炎三年除夕，十馀日即至温州。过松门则在次年四月由温州北返时，今据改。见本志卷二校注[二二]。ㄱ

[一八]李心传 原文“李”误作“季”，今改。ㄱ

[一九]四十八年 原文作“四十二年”，据《沈无回集》校。沈与当时台州知府陆元楨为至交，同年还有海门卫兵变，沈有二文记其事。ㄱ

[二〇]别弟文美 “文美”原误作“文益”，据《石屏集》改。此诗题为《临安道中别弟文美》。ㄱ

[二一]撤 原误作“撒”，今改。ㄱ

[二二]幽 温岭方言，躲藏的意思。见同卷《方言》。ㄱ

[二三]依 原作“衣”，《释名》：“衣，依也。”今统作“依”。ㄱ

[二四]三十一年 原文误作“二十一年”，据同卷《兵寇》改。ㄱ

[二五]冈下殿 “冈”原作“江”，今改。

[二六]何 原作“可”，今改。ㄱ

[二七]邑境不属临海 按此说误。东晋时，邑境分属临海郡之临海县、永嘉郡之乐成县。ㄱ

[二八]步 原作“破”，据《石屏集》改。ㄱ

[二九]温州 “州”字原脱，今补。ㄱ

[三〇]赵 据上下文意，应为“洪”字。ㄱ

[三一]取 原文作“处”，今改。ㄱ

[三二]绘郑侠之图发汲黯之粟 《宋史·郑侠传》载，郑侠任临安上门职务时，以所见居民流离困苦之状，令画工绘成流民图上奏，感动宋神宗罢去方田、保甲、青苗诸法。《汉书·汲黯传》载，汉武帝使汲黯往视河内火灾，汲见火灾事小，而人民苦于水旱灾，流离失所，即发河内仓粟以赈贫。ㄱ

[三三]能 兽名，似熊。

[三四]瞋目 原文误作“瞑目”，今改。ㄱ

[三五]琬不食死 赵琬系至正二十七年明师入台时随方国瑛逃至黄岩后绝食而死，非十二年事，亦非国瑛诱致。此处误。ㄱ

[三六]十七年 王舟瑶校：“案《明史·日本传》：‘永乐十六年，倭寇松门、金乡、平阳。’《成祖本纪》：‘倭陷松门卫，按察司僉事石鲁坐诛。’《刘荣传》：‘充总兵官，镇辽东。倭寇海上，江（荣初冒父名江）度形势，请于金线岛西北望海坳筑城堡、设烽堠，严兵以待。永乐十七年六月，倭三十馀舟至，泊马雄岛，登岸奔望海坳，江大破之。贼走櫻桃园空堡中，江两路夹击，尽复之。自是倭大创，不敢复入辽东。’是两事皆在永乐十六年、十七年，今系于洪武，非是。且刘荣事亦与台州无涉。（石鲁坐诛，恐亦不关倭事，俟考）。”

[三七]导倭入犯 王舟瑶校：“《明史·日本传》：‘正统四年五月，倭船四十艘连破台州桃渚、宁波大嵩二千户所。八年五月寇海宁。先是，洪熙时黄岩民周来保困于徭役，叛入倭，倭每来寇，为之乡导’云云，是明系正统四年五月事。戚氏读《明史》未审，见上文有‘工部言宣德间……’之文，遂以此事属之宣德间，误矣。”ㄱ

[三八]松城西门何氏 按本志卷七及《嘉靖志》卷五均言“山门何氏”，此处误。

[三九]郡守谭纶 按嘉靖三十一年台州知府为马钟英，不是谭纶。参见卷九注[五十]。ㄱ

[四〇]王直 按《明史·日本传》作“汪直”。ㄱ

[四一]王月 按《明世宗实录》卷三十九载：“（嘉靖三十五年）三月间，倭寇百馀人流突古田，杀备倭指挥使刘炯、副千户王月……”刘炯、王月战死在福建太平县（今福建省霞浦县），非浙江太平县。此处误记。

[四二]戚继光镇海门 王舟瑶校：“按《浙江通志》引《全浙兵制》，三十八年始添设台金严参将，驻台州。”ㄱ

[四三]白水洋 原文漏“洋”字，据《临海县志》补。

[四四]居厚子 依上下文意，应是“仁厚子”。⁹

[四五]陈刚中女 据近年出土的《陈孚圻志》，陈有八女，第四女适郑德颐，或即谷祥。又，董士楷，《圻志》作董土方。见《台州墓志集录》。贞淑门“淑”原误作“烈”，今改。

[四六]郭仁本刘仁本 按二人为一人。仁本源出仙居郭氏，其父入继母舅刘氏，乃以刘为姓。后迁黄岩。仁本系随方国珍降明，后为明太祖鞭背死。《明史》云其在温州被俘，不确。见《仙居郭氏宗谱》。⁹

[四七]金伯华 按石屏江西娶妻之说，最先见于陶宗仪《辍耕录》。陶宗仪(?—1396)与戴复古(1167—1248)相距百馀年，所记未交代出处，不足信。《辍耕录》称石屏“未遇时，流寓江右武宁，有富家翁爱其才，以女妻之”。石屏一生布衣，无“未遇”“已遇”之分，可见此说与戴身世不合。《石屏集》中可见戴到过江西各地，独不见寓居武宁的线索。特作以上补充，供研究者参考。